

Khuddakanikāye Abhidhammapiṭake

Pañcannaṃ pakaraṇānaṃ saṃvaṇṇanābhūtā

Bhadantamahābuddhaghosattherena katā

PAÑCAPAKARAṆA-AṬṬHAKATHĀ



Romanized from Myanmar version published in 1991

© Buddhasāsana Society

Aṭṭhakathā Series 50

First published in 2008 by Ministry of Religious Affairs

Yangon, Myanmar

Pañcapakarāṇa-aṭṭhakathā

Mātikā

Piṭṭhaṅka

Dhātukathā-aṭṭhakathā

1. Mātikāvaṇṇanā

1. Nayamātikāvaṇṇanā	1
2. Abbhantaramātikādivaṇṇanā	2

2. Niddesavaṇṇanā

1. Paṭhamanaya saṅgahāsaṅgahapadavaṇṇanā	4
2. Dutīyanaya saṅgahitena-asaṅgahitapadavaṇṇanā	7
3. Tatiyanaya asaṅgahitena-asaṅgahitapadavaṇṇanā	10
4. Catutthanaya saṅgahitena-asaṅgahitapadavaṇṇanā	12
5. Pañcamanaya asaṅgahitena-asaṅgahitapadavaṇṇanā	12
6. Chaṭṭhanaya sampayogavippayogapadavaṇṇanā	14
7. Sattamanaya sampayuttenavippayuttapadavaṇṇanā	17
8. Aṭṭhamanaya vippayuttenasampayuttapadavaṇṇanā	18
9. Navamanaya sampayuttenasampayuttapadavaṇṇanā	19
10. Dasamanaya vippayuttenavippayuttapadavaṇṇanā	19
11. Ekādasamanaya saṅgahitenasampayuttavippayuttapadavaṇṇanā	20
12. Dvādasamanaya sampayuttenasaṅgahitāsaṅgahitapadavaṇṇanā	21
13. Terasamanaya asaṅgahitenasampayuttavippayuttapadavaṇṇanā	21
14. Cuddasamanaya vippayuttenasaṅgahitāsaṅgahitapadavaṇṇanā	22
Nigamanakathā	23

Dhātukathā-aṭṭhakathāya mātikā niṭṭhitā.

Mātikā

Piṭṭhaṅka

Puggalapaññatti-aṭṭhakathā**1. Mātikāvaṇṇanā****2. Niddesavaṇṇanā**

1. Ekakaniddesavaṇṇanā	30
2. Dukaniddesavaṇṇanā	53
3. Tikaniddesavaṇṇanā	57
4. Catukkaniddesavaṇṇanā	71
5. Pañcakaniddesavaṇṇanā	96
6. Chakkaniddesavaṇṇanā	100
7. Sattakaniddesavaṇṇanā	101
10. Dasakaniddesavaṇṇanā	103
Nigamanakathā	103

Puggalapaññatti-aṭṭhakathāya mātikā niṭṭhitā.**Kathāvatthu-aṭṭhakathā**

Nidānakathā	105
-------------	-----	-----	-----

1. Puggalakathā

1. Suddhasaccikaṭṭha	112
2. Okāsasaccikaṭṭha	119
3. Kālasaccikaṭṭha	119
4. Avayavasaccikaṭṭha	119
5. Suddhikasamsandanavaṇṇanā	120
6. Opammasamsandanavaṇṇanā	121
7. Catukkanayasamsandanavaṇṇanā	122
8. Lakkhaṇayuttivaṇṇanā	123
9. Vacanasodhanavaṇṇanā	124
10. Paññattānuyogavaṇṇanā	125

Mātikā			Piṭṭhaṅka
11. Gati-anuyogavaṇṇanā	126
12. Upādāpaññattānuyogavaṇṇanā	130
13. Purisakārānuyogavaṇṇanā	132
14. Abhiññānuyogavaṇṇanā	136
15-18. Ñātakānuyogādivaṇṇanā	136
19. Paṭivedhānuyogādivaṇṇanā	137

2. Parihānikathā

1. Vādayuttiparihānivaṇṇanā	141
2. Ariyapuggalasāmsandanaparihānivaṇṇanā	143
3. Suttasādhanaparihānivaṇṇanā	144

3. Brahmacariyakathā

1. Suddhabrahmacariyakathāvaṇṇanā	146
2. Sāmsandanabrahmacariyavaṇṇanā	147
3. Odhisokathāvaṇṇanā	148

4. Jahatikathā

1. Nasuttāharaṇakathāvaṇṇanā	148
------------------------------	-----	-----	-----

5. Sabbamatthītikathā

1. Vādayuttivaṇṇanā	149
2. Kālasāmsandanavaṇṇanā	150

6. Atītakkhādhādikathā

1. Nasuttasādhanakathāvaṇṇanā	156
2. Suttasādhanavaṇṇanā	156

7. Ekaccamatthītikathā

1. Atītādi-ekaccakathāvaṇṇanā	157
2. Anāgatādi-ekaccakathāvaṇṇanā	158

8. Satipaṭṭhānakathāvaṇṇanā

9. Hevatthīkathāvaṇṇanā

Mātikā	Piṭṭhanka
2. Dutiyavagga	
1. Parūpahārādivaṇṇanā	160
3. Tatiyavagga	
1. Balakathādivaṇṇanā	167
4. Catutthavagga	
1. Gihissa arahātikathādivaṇṇanā	177
5. Pañcamavagga	
1. Vimuttikathādivaṇṇanā	183
6. Chaṭṭhavagga	
1. Niyāmakathādivaṇṇanā	191
7. Sattamavagga	
1. Saṅgahitakathādivaṇṇanā	195
8. Aṭṭhamavagga	
1. Chagatikathādivaṇṇanā	204
9. Navamavagga	
1. Ānisaṃsadassāvīkathādivaṇṇanā	213
10. Dasamavagga	
1. Nirodhakathādivaṇṇanā	218
11. Ekādasamavagga	
1-3. Tissopi-anusayakathādivaṇṇanā	225
12. Dvādasamavagga	
1. Saṃvaro kammantikathādivaṇṇanā	230
13. Terasamavagga	
1. Kappaṭṭhakathādivaṇṇanā	234

Mātikā	Piṭṭhaṅka
14. Cuddasamavagga	
1. Kusalākusalapaṭisaṇḍahanakathādivaṇṇanā 240
15. Pannarasamavagga	
1. Paccayatākathādivaṇṇanā 244
16. Soḷasamavagga	
1. Niggahakathādivaṇṇanā 250
17. Sattarasamavagga	
1. Atthi-arahatopuññūpacayakathādivaṇṇanā 254
18. Aṭṭhārasamavagga	
1. Manussalokakathādivaṇṇanā 260
19. Ekūnavīsativavagga	
1. Kilesapajahanakathādivaṇṇanā 266
20. Vīsativavagga	
1. Asañcikkakathādivaṇṇanā 271
21. Ekavīsativavagga	
1. Sāsanakathādivaṇṇanā 275
22. Bāvīsativavagga	
1. Parinibbānakathādivaṇṇanā 279
23. Tevīsativavagga	
1. Ekādhippāyakathādivaṇṇanā 283
Nigamanakathā 286

Kathāvatthu-aṭṭhakathāya mātikā niṭṭhitā.

Mātikā

Piṭṭhaṅka

Yamakappakaraṇaṭṭhakathā**1. Mūlayamaka**

Uddesavāraṇṇanā	287
Niddesavāraṇṇanā	289

2. Khandhayamaka

1. Paṇṇatti-uddesavāraṇṇanā	292
1. Paṇṇatiniddesavāraṇṇanā	294
2. Pavattivāraṇṇanā	296
3. Pariññāvāraṇṇanā	303

3. Āyatanayamaka

1. Paṇṇatti-uddesavāraṇṇanā	305
1. Paṇṇatiniddesavāraṇṇanā	306
2. Pavattivāraṇṇanā	306

4. Dhātuyamaka	310
----------------	-----	-----	-----

5. Saccayamaka

1. Paṇṇattivāraṇṇanā	310
2. Pavattivāraṇṇanā	311
3. Pariññāvāraṇṇanā	312

6. Saṅkhārayamaka

1. Paṇṇattivāraṇṇanā	313
2. Pavattivāraṇṇanā	315

7. Anusayayamaka

Paricchedapariṇṇāyanaṭṭhakathā	317
Uppattiṭṭhānavāraṇṇanā	320

Mātikā		Piṭṭhaṅka
Mahāvāra		
1. Anusayavāraṇṇanā	...	325
2. Sānusayavāraṇṇanā	...	327
3. Pajahanavāraṇṇanā	...	328
4. Pariññāvāraṇṇanā	...	328
5. Pahīnavāraṇṇanā	...	328
6. Uppajjanavāraṇṇanā	...	330
7. Dhātupucchāvāraṇṇanā	...	330
7. Dhātuvisajjanāvāraṇṇanā	...	330
8. Cittayamaka		
Uddesavāraṇṇanā	...	331
Niddesa		
1. Puggalavāraṇṇanā	...	333
9. Dhammayamaka		
1. Paṇṇatti-uddesavāraṇṇanā	...	335
1. Paṇṇattiniddesavāraṇṇanā	...	335
2. Pavattivāraṇṇanā	...	335
10. Indriyayamaka		
Pavattivāraṇṇanā	...	337
Pariññāvāraṇṇanā	...	339
Nigamanakathā	...	339

Yamakappakaraṇaṭṭhakathāya mātikā niṭṭhitā.

Mātikā

Piṭṭhaṅka

Paṭṭhānappakaraṇaṭṭhakathā

Paccayuddesavaṇṇanā	341
---------------------	-----	-----	-----

Paccayaniddesa

1. Hetupaccayaniddesavaṇṇanā	353
2. Ārammaṇapaccayaniddesavaṇṇanā	358
3. Adhipatipaccayaniddesavaṇṇanā	360
4. Anantarapaccayaniddesavaṇṇanā	362
5. Samanantarapaccayaniddesavaṇṇanā	365
6. Sahajātapaccayaniddesavaṇṇanā	365
7. Aññamaññapaccayaniddesavaṇṇanā	366
8. Nissayapaccayaniddesavaṇṇanā	367
9. Upanissayapaccayaniddesavaṇṇanā	368
10. Purejātapaccayaniddesavaṇṇanā	371
11. Pacchājātapaccayaniddesavaṇṇanā	372
12. Āsevanapaccayaniddesavaṇṇanā	372
13. Kammaṇapaccayaniddesavaṇṇanā	374
14. Vipākapaccayaniddesavaṇṇanā	376
15. Āhārapaccayaniddesavaṇṇanā	377
16. Indriyapaccayaniddesavaṇṇanā	378
17. Jhānapaccayaniddesavaṇṇanā	379
18. Maggapaccayaniddesavaṇṇanā	380
19. Sampayuttapaccayaniddesavaṇṇanā	381
20. Vippayuttapaccayaniddesavaṇṇanā	381
21. Atthipaccayaniddesavaṇṇanā	383
22. Natthipaccayaniddesavaṇṇanā	386
23. Vigatapaccayaniddesavaṇṇanā	386
24. Avigatapaccayaniddesavaṇṇanā	386
Paccayaniddesapakinṇakavinicchayakathā	387

Mātikā

Piṭṭhaṅka

Pucchāvāra

1. Paccayānulomavaṇṇanā	394
2. Paccayapaccanīyavaṇṇanā	407
3. Anulomapaccanīyavaṇṇanā	408
4. Paccanīyānulomavaṇṇanā	410

1. Kusalattika**1. Paṭiccavāraṇṇanā**

1. Paccayānuloma	1. Vibhaṅgavāra	411
1. Paccayānuloma	2. Saṅkhyāvāra	417
Paṭiccavāra paccayapaccanīyavaṇṇanā	420
Paṭiccavāra paccayānulomapaccanīyavaṇṇanā	422
Paṭiccavāra paccayapaccanīyānulomavaṇṇanā	423
	2. Sahajātavāraṇṇanā	426
	3. Paccayavāraṇṇanā	426
	4. Nissayavāraṇṇanā	431
	5. Saṁsatṭhavāraṇṇanā	431
	6. Sampayuttavāraṇṇanā	433
	7. Pañhāvāravibhaṅgavaṇṇanā	434
Pañhāvārassa ghaṭane anulomagaṇanā	450
Paccanīyuddhāraṇṇanā	462
Paccanīyagaṇanavaṇṇanā	470
Anulomapaccanīyavaṇṇanā	476
Paccanīyānulomavaṇṇanā	478
2. Vedanāttikavaṇṇanā	481
3. Vipākattikavaṇṇanā	486
4. Upādinnattikavaṇṇanā	487

Mātikā	Piṭṭhaṅka
5-22. Saṁkiliṭṭhattikādivaṇṇanā ...	488
2. Dukapaṭṭhānavaṇṇanā ...	490
3. Dukatikaṭṭhānavaṇṇanā ...	491
4. Tikadukapaṭṭhānavaṇṇanā ...	493
5. Tikatikaṭṭhānavaṇṇanā ...	493
6. Dukadukapaṭṭhānavaṇṇanā ...	494
7-12. Paccanīyapaṭṭhānavaṇṇanā ...	494
13-18. Anulomapaccanīyapaṭṭhānavaṇṇanā ...	495
19-24. Paccanīyānulomapaṭṭhānavaṇṇanā ...	496

Paṭṭhānappakaraṇaṭṭhakathāya mātikā niṭṭhitā.

Pañcapakaraṇaṭṭhakathāya mātikā niṭṭhitā.

Abhidhammapiṭaka

Pañcapakaraṇa-aṭṭhakathā

Dhātukathā-aṭṭhakathā

Namo tassa Bhagavato Arahato Sammāsambuddhassa.

Aṭṭhārasahi bhedehi, Vibhaṅgam mārabhañjano.

Desayitvā Mahāvīro, yaṃ tasseva anantaram.

Adesayi Dhātukatham, dhātubhedappakāsano.

Tassattham dīpayissāmi, tam suṇātha samāhitāti.

1. Mātikāvaṇṇanā

1. Nayamātikāvaṇṇanā

1. Saṅgaho asaṅgahoti-ādīnañhi vasena idam pakaraṇam
“cuddasavidhena vibhantan”ti vuttam. Tam sabbampi uddesaniddesato
dvidhā ṭhitam. Tattha mātikā **uddeso**. Sā pañcavidhā Nayamātikā
Abbhantaramātikā Nayamukhamātikā Lakkhaṇamātikā Bāhiramātikāti.
Tattha **saṅgaho asaṅgaho -pa-**. Vippayuttena saṅgahitam asaṅgahitanti
ayam cuddasahi padehi nikkhittā **Nayamātikā** nāma. Ayañhi iminā
saṅgahādikena nayena Dhātukathā¹dhammā vibhattāti dassetuṃ ṭhapitattā
Nayamātikāti vuccati. Etesam padānam mūlabhūtattā **Mūlamātikā**tipi vattum
vaṭṭati.

1. Dhātukathāyam (Syā)

2. Abbhantaramātikāvaṇṇanā

2. **Pañcakkhandhā -pa- manasikāro**ti ayam pañcavīsādhikena padasatena nikkhittā **Abbhantaramātikā** nāma. Ayañhi “sabbāpi Dhammasaṅgaṇī Dhātukathāya mātikā”ti evaṃ avatvā saṅghādīnā nayena vibhajitabbe khandhādīdhamme sarūpato dassetvā Dhātukathāya abbhantareyeva ṭhapitattā Abbhantaramātikāti vuccati. Khandhādīpadānaṃ Dhammasaṅgaṇīmātikāya asaṅghatattā **Pakiṇṇakamātikā**ti vattum vaṭṭati.

3. Nayamukhamātikāvaṇṇanā

3. **Tīhi saṅgho. Tīhi asaṅgho. Catūhi sampayogo. Catūhi vippayogoti** ayam catūhi padehi nikkhittā **Nayamukhamātikā** nāma. Ayañhi sabbesupi pañcakkhandhādīsu ceva Kusalattikādīsu ca mātikādhammesu tīhi khandhāyatanadhātupadeheva saṅgho ca asaṅgho ca yojetabbo. Tathā catūhi arūpakkhandhehi sampayogo ca vippayogo ca. Etāni imesaṃ saṅghāsaṅghādīnaṃ¹ nayānaṃ mukhānīti dassetum ṭhapitattā Nayamukhamātikāti vuccati.

4. Lakkhaṇamātikāvaṇṇanā

4. **Sabhāgo. Visabhāgoti** ayam dvīhi padehi nikkhittā **Lakkhaṇamātikā** nāma. Ayañhi sabhāgalakkhaṇehi dhammehi saṅghanayo, visabhāgalakkhaṇehi asaṅghanayo, tathā sampayogavippayoganayo yojetabboti sabhāgavisabhāgalakkhaṇavasena saṅghādīlakkhaṇaṃ dassetum ṭhapitattā Lakkhaṇamātikāti vuccati.

5. Bāhiramātikāvaṇṇanā

5. **Sabbāpi Dhammasaṅgaṇī Dhātukathāya mātikā**ti ayam chasaṭṭhi tikapadāni dve ca dukapadasatāni saṅkhipitvā nikkhittā **Bāhiramātikā** nāma. Ayañhi “pañcakkhandhā -pa- manasikāro”ti evaṃ Dhātukathāya abbhantare avatvā “sabbāpi Dhammasaṅgaṇī”ti evaṃ Dhātukathāya mātikato bahi ṭhapitattā Bāhiramātikāti vuccati.

1. Saṅghādīnaṃ (Sī, Syā)

Evam mātikāya pañcadhā ṭhitabhāvaṃ viditvā idāni “saṅgaho asaṅgaho”ti-ādīsu saṅgaho tāva jātisañjātikiriyāgaṇanavasena catubbidho. Tattha “sabbe khattiyā āgacchantu, sabbe brāhmaṇā, sabbe vessā, sabbe suddā āgacchantu”, “yā cāvuso Visākha sammāvācā, yo ca sammākammanto, yo ca sammā-ājīvo. Ime dhammā silakkhandhe saṅgahitā”ti¹ ayam **jātisaṅgaho** nāma. “Ekajātikā āgacchantū”ti vuttaṭṭhāne viya hi idha sabbepi jātiyā ekasaṅgahaṃ gatā. “Sabbe Kosalakā āgacchantu, sabbe Māgadhakā, sabbe Bhārukacchakā āgacchantu”, “yo cāvuso Visākha sammāvāyāmo, yā ca sammāsati, yo ca sammāsamādhi. Ime dhammā samādhikkhandhe saṅgahitā”ti¹ ayam **sañjātisaṅgaho** nāma. “Ekaṭṭhāne jātā saṃvaḍḍhā āgacchantū”ti vuttaṭṭhāne viya hi idha sabbepi sañjātiṭṭhānena nivutthokāsenā ekasaṅgahaṃ gatā. “Sabbe hatthārohā āgacchantu, sabbe assārohā, sabbe rathikā āgacchantu”, “yā cāvuso Visākha sammādiṭṭhi, yo ca sammāsaṅkappo. Ime dhammā paññākkhandhe saṅgahitā”ti¹ ayam **kiriyāsaṅgaho** nāma. Sabbeva hete² attano kiriyākaraṇena ekasaṅgahaṃ gatā. “Cakkhāyatanam katamakkhandhagaṇanam gacchatīti. Rūpakkhandhagaṇanam gacchatīti. Hañci cakkhāyatanam rūpakkhandhagaṇanam gacchati, tena vata re vattabbe ‘cakkhāyatanam rūpakkhandhena saṅgahitaṃ’ti”³ ayam **gaṇanasaṅgaho** nāma. Ayamidha adhippeto. Tappaṭipakkhena asaṅgaho veditabbo. Tesam vikappato saṅgahitena asaṅgahitādīni. Ekuppādekanirodha-ekavatthuka-ekārammaṇatāvasena sampayogo. Tappaṭipakkhato vippayogo. Tesam vikappato sampayuttana vippayuttādīni. Tadubhayasamsaggavikappato saṅgahitena sampayuttaṃ vippayuttanti-ādīni. Pañcakkhandhāti-ādīni pana Khandhavibhaṅgādīsu vuttanayeneva veditabbāni. **Phassā**dayo panettha sanniṭṭhānavasena vuttasabbacittuppādasādhāraṇato vuttāti.

Mātikāvaṇṇanā.

1. Ma 1. 375 piṭṭhe.

2. Hi te (Sī)

3. Abhi 4. 251 piṭṭhe.

2. Niddesavaṇṇanā

1. Paṭhamanaya saṅghāsaṅghapadaṇṇanā

1. Khandhapadaṇṇanā

6. Idāni pañcakkhandhādivasena nikkhattamātikam “saṅgho asaṅgho”ti-ādīhi Nayamātikāpadehi saddhim yojetvā dassetuṃ **rūpakkhando katihi khandhehī**ti-ādinā nayena niddesavāro āraddho. Tattha yasmā “saṅgho asaṅgho”ti-ādikāya Nayamātikāya “tīhi saṅgho. Tīhi asaṅgho”ti Nayamukhamātikā ṭhapitā, tasmā rūpakkhandhādīnam saṅgham dassetuṃ **katihi khandhehi katiḥāyatanehi katihi dhātūhī**ti tīhi khandhāyanadhātupadāneva uddhātāni. Cattāri saccānīti-ādīsu ekampi na parāmaṭṭham. Yasmā ca “sabhāgo. Visabhāgo”ti evam Lakkhaṇamātikā ṭhapitā, tasmā imassa pañhassa vissajjane **rūpakkhando ekena khandhenā**ti-ādi vuttam. Sabhāgā hi tassa ete khandhādayoti. Tattha **ekena khandhenā**ti rūpakkhandheneva. Yañhi kiñci rūpam rūpakkhandhasabhāgattā rūpakkhandhotveva saṅgham gacchatīti rūpakkhandheneva gaṇitam, tam rūpakkhandheneva paricchinnam. **Ekādasahāyatanehī**ti manāyatanavajjeti. Sabbopi hi rūpakkhando dasāyatanāni dhammāyatanekadeso ca hoti, tasmā ekādasahāyatanehi gaṇito paricchinnō. **Ekādasahi dhātūhī**ti sattivīññadhātuvajjāhi ekādasati. Etāsu hi apariyāpannam rūpam nāma natthi.

Asaṅghanayaniddese **katihi asaṅghatoti** saṅkhepeneva pucchā katā. Vissajjane panassa yasmā rūpakkhandhassa visabhāgā cattāro arūpakkhandhā, ekam manāyatanam, satta viññādhātuyo, tasmā **catūhi khandhehī**ti-ādi vuttam. Iminā nayena sabbapadesu saṅghāsaṅgho veditabbo. Imasmim pana khandhaniddese “rūpakkhando katihi khandhehī”ti-ādīmhi tāva ekamūlake saṅghanaye sarūpeneva dassitā pañca pucchā, pañca vissajjanāni. Asaṅghanaye saṅkhepena dassitā pañca pucchā, pañca vissajjanāni. Iminā upāyena dukamūlakādīsupi pucchāvissajjanāni veditabbāni. Rūpakkhandhamūlakāyeva cettha dukatikacatukkā dassitā. Pañcake pana

“rūpakkhandho ca -pa- viññāṇakkhandho cā”ti evaṃ bhedato ca,
 “pañcakkhandhā katihi khandhehī”ti evaṃ abhedato cāti dvidhā
 pucchāvissajjanāni katāni. Evaṃ Pālinayo veditabboti.

2. Āyatanapadādivaṇṇanā

22. Āyatanapadaniddesādīsu āyatanapadaniddese tāva **cakkhāyatanam**
ekena khandhenāti ekena rūpakkhandheneva ekena cakkhāyataneneva ekāya
 cakkhudhātuyāva saṅgahitanti veditabbaṃ. **Sotāyatanā**dīsipi imināva nayena
 saṅgahāsaṅgaho veditabbo. **Asaṅkhatam khandhato ṭhapetvāti** ettha pana
 yasmā asaṅkhatam dhammāyatanam nāma nibbānam, tañca
 khandhasaṅgaham na gacchati, tasmā “khandhato ṭhapetvā”ti vuttam. **Catūhi**
khandhehīti rūpavedanāsaññāsaṅkhārakkhandhehi. Nibbānavajjañhi
 dhammāyatanam etehi saṅgahitam. Viññāṇakkhandhena pana ṭhapetvā
 dhammāyatanadhammadhātuyo sesāyatanadhātūhi ca tam na saṅgayhati.
 Tena vuttam “ekena khandhena ekādasahāyatanehi sattarasahi dhātūhi
 asaṅgahitan”ti. Yathā ca te heṭṭhā rūpakkhandhamūlakā, evamidhāpi
 cakkhāyatanamūlakāva nayā veditabbā. Dukamattameva pana Pāḷiyam
 dassetvā “dvādasāyatanāni”ti abhedatova pucchāvissajjanam katam.
 Dhātuniddesepe eseva nayo.

40. Saccaniddese sabbepi dukatikacatukkā Pāḷiyam dassitā. Yasmā ca
 dukatikesu samudayasaccasadisameva maggasaccepi vissajjanam, tasmā tam
 samudayānantaram vuttam.

50. Indriyaniddese **jīvitindriyam dvīhi khandhehīti** rūpajīvitindriyam
 rūpakkhandhena, arūpajīvitindriyam saṅkhārakkhandhena saṅgahitam.
 Sesam vuttanayānusāreneva veditabbaṃ. Pāḷivavatthānam panettha
 āyatanadhātuniddesasadisameva.

6. Paṭiccasamuppādavaṇṇanā

61. Paṭiccasamuppādaniddese “avijjā katihi khandhehī”ti puccham
 anārabhitvā **avijjā ekena khandhenāti** evam vissajjanameva dassitam. Tattha
saṅkhārapaccayā viññāṇanti paṭisandhiyam pavatte ca sabbampi
 vipākaviññānam.

Tenevāha “sattahi dhātūhi saṅgahitan”ti. Nāmarūpampi paṭisandhipavattivaseneva veditabbaṃ. Tenevettha saddāyatanampi saṅgahetvā ekādasahāyatanehi saṅgaho dassito. **Phassādīsu** khandhabhedo veditabbo. Aññeneva hi ekena khandhena phasso saṅgahito, aññena vedanā, taṇhā-upādānakammabhavā pana saṅkhārakkhandheneva saṅgahitā. Bhavapadañcattha kammabhavādīnaṃ vasena ekādasadhā vibhattaṃ. Tattha kammabhavo phassādīhi sadisavissajjanattā tehi saddhim ekato dassito. Upapattibhavakāmabhavasaññābhavapañcavokārabhavā aññamaññasadisavissajjanattā ekato dassitā. Yasmā cete upādinnakadhammāva, tasmā “ekādasahāyatanehi sattarasahi dhātūhi”ti vuttaṃ. Saddāyatanañhi anupādinnaṃ, taṃ ettha na gahitaṃ.

68. Rūpabhavaniddese **pañcahāyatanehīti** cakkhusotamanarūpadhammāyatanehi. **Aṭṭhahi dhātūhīti** cakkhusotacakkhuviññāṇasotaviññāṇarūpadhammamanodhātumanoviññāṇadhātūhi. Arūpabhavādayopi tayo sadisavissajjanatthāva ekato dassitā. Tathā asaññābhava-ekavokārabhavā. Tattha **dvīhāyatanehīti** rūpāyatanadhammāyatanehi. Dhātūsupi eseva nayo. Ekatalavāsikānañhi sesabrahmaṇaṃ cakkhusabbhāvato tassārammaṇattā tattha rūpāyatanam uddhaṭaṃ.

71. **Jāti dvīhi khandhehīti** rūpajāti rūpakkhandhena, arūpajāti saṅkhārakkhandhena. Jarāmaṇesupi eseva nayo. Sokādīsupi **ekena khandhenāti** sokadukkhadomanassāni vedanākkhandhena, paridevo rūpakkhandhena, upāyāsādayo saṅkhārakkhandhenāti evaṃ khandhaviseso veditabbo.

73. **Iddhipādo dvīhīti** saṅkhāraviññāṇakkhandhehi manāyatanadhammāyatanehi dhammadhātumanoviññāṇadhātūhi. **Jhānaṃ dvīhīti** vedanākkhandhasaṅkhārakkhandhehi. Appamaññādayo sadisavissajjanattā ekato niddiṭṭhā. Cittaṃ pana cetanānantaraṃ nikkhattampi asadisavissajjanattā pacchā gahitaṃ. Tattha appamaññādīsu **ekena khandhenāti** vedanā vedanākkhandhena, saññā saññākkhandhena, sesā saṅkhārakkhandhena saṅgahitāti evaṃ khandhaviseso veditabbo.

7. Tikapadavaṇṇanā

77. Evaṃ Abbhantaramātikāya saṅgahaṃ dassetvā idāni bāhiraṃmātikāya saṅgahaṃ dassetuṃ **kusalā dhammā**ti-ādi āradham. Tattha Vedanāttike **tīhi dhātūhī**ti kāyaviññāṇamanoviññāṇadhāmmadhātūhi. **Sattahi dhātūhī**ti cakkhusotaghānajivhāviññāṇadhātūhi ceva manodhātudhammadhātumanoviññāṇadhātūhi ca. Vipākattike **aṭṭhahi dhātūhī**ti kāyaviññāṇadhātuyā saddhiṃ tāhiyeva, vipākadhammadhammā pana saṃkiliṭṭhasaṃkilesikehi saddhiṃ sadisavissajjanattā ekato gahitā. Yathā cete, evaṃ sabbatikadukapadesu yaṃ yaṃ padaṃ yena yena padena saddhiṃ sadisavissajjanam hoti, taṃ taṃ uppaṭiyāpi tena tena saddhiṃ gahetvā vissajjitaṃ. Tattha vuttānusāreṇeva saṅgahāsaṅgahanayo veditabboti.

Saṅgahāsaṅgahapadavaṇṇanā.

2. Dutīyanaya saṅgahitena-asaṅgahitapadavaṇṇanā

171. Idāni saṅgahitena-asaṅgahitapadaṃ bhājetuṃ **cakkhāyatanenā**ti-ādi āradham. Tatridaṃ lakkhaṇaṃ—imasmiñhi vāre yaṃ khandhapadena saṅgahitaṃ hutvā āyatanadhātupadehi asaṅgahitaṃ, khandhāyatanapadehi vā saṅgahitaṃ hutvā dhātupadena asaṅgahitaṃ, tassa khandhādīhi asaṅgahaṃ pucchitvā vissajjanam kataṃ. Taṃ pana rūpakkhandhādīsu na yujjati. Rūpakkhandhena hi rūpakkhandhova saṅgahito, so ca aḍḍhekādasahi āyatanadhātūhi asaṅgahito nāma natthi. Vedanākkhandhena ca vedanākkhandhova saṅgahito, sopi dhammāyatanadhammadhātūhi asaṅgahito nāma natthi. Evaṃ asaṅgahitatāya abhāvato etāni, aññāni ca evarūpāni manāyatanadhammāyatanādīni padāni imasmiṃ vāre na gahitāni. Yāni pana padāni rūpekadesaṃ arūpena asammissaṃ, viññāṇekadesaṃ aññena asammissaṃ dipenti, tāni idha gahitāni. Pariyosāne ca—

“Dasāyatanā sattarasa dhātuyo,
Sattindriyā asaññābhavo ekavokārabhavo.
Paridevo sanidassanasappaṭighaṃ,
Anidassanaṃ punadeva sappaṭighaṃ upādā”ti—

Evam **uddā na gāthāya** dassitāneva. Tasmā tesam vaseneva saṅgahāsaṅgaho veditabbo. Pañhavasena hi imasmim vāre āyatanadhātuvaseneva sadisavissajjane vīsati dhamme samodhānetvā eko pañho kato, satta viññāṇadhātuyo samodhānetvā eko, sattindriyāni samodhānetvā eko, dve bhava samodhānetvā eko, paridevena ca sanidassanasappaṭighehi ca eko, anidassanasappaṭighehi eko, sanidassanehi eko, sappaṭighehi ca upādādhammehi ca ekoti aṭṭha pañhā katā. Tesu khandhādivibhāgo evam veditabbo. Seyyathidaṃ—paṭhamapañhe tāva **catūhi khandhehīti** arūpakkhandhehi. **Dvīhāyatanehīti** cakkhāyatanādīsū ekekena saddhim manāyatanena. **Aṭṭhahi dhātūhīti** cakkhudhātu-ādīsū ekekāya saddhim sattahi viññāṇadhātūhi.

Tatrāyaṃ nayo—cakkhāyatanena hi khandhasaṅgahena rūpakkhandho saṅgahito. Tasmim saṅgahite rūpakkhandhe āyatanasaṅgahena cakkhāyatanevekaṃ saṅgahitaṃ. Sesāni dasa āyatanāni asaṅgahitāni. Dhātusaṅgahenapi tena cakkhudhātuyevekā saṅgahitā. Sesā dasa dhātuyo asaṅgahitā. Iti yāni tena asaṅgahitāni dasāyatanāni, tāni cakkhāyatanamanāyatanehi dvīhi asaṅgahitāni. Yāpi tena asaṅgahitā dasa dhātuyo, tā cakkhudhātuyā ceva sattahi ca viññāṇadhātūhi asaṅgahitāti. Rūpāyatanādīsūpi eseva nayo.

172. Dutiyapañhe yasmā yāya kāyaci viññāṇadhātuyā saṅgahito viññāṇakkhandho manāyatanena asaṅgahito nāma natthi, tasmā **āyatanasaṅgahena saṅgahitāti** vuttam. Ettha pana **catūhi khandhehīti** rūpādīhi catūhi. **Ekādasahāyatanehīti** manāyatanavajjehi. **Dvādasahi dhātūhīti** yathānurūpā cha viññāṇadhātuyo apanetvā sesāhi dvādasahi. Cakkhuvīññāṇadhātuyā hi cakkhuvīññāṇadhātuyeva saṅgahitā. Itarā asaṅgahitā. Sotaviññāṇadhātu-ādīsūpi eseva nayo.

173. Tatiyapañhe cakkhundriyādīnaṃ vissajjanaṃ cakkhāyatanādisadisameva. Itthindriyapurisindriyesu pana dhammāyatanena saddhiṃ dve āyatanāni, dhammadhātuyā ca saddhiṃ aṭṭha dhātuyo veditabbā.

174. Catutthapañhe **tīhāyatanehī**ti rūpāyatana dhammāyatanamanāyatanehi. Tesu hi bhavesu rūpāyatanadhammāyatanavasena dveva āyatanāni tehi saṅgahitāni. Sesāni nava rūpāyatanāni teheva ca dvīhi, manāyatanena cāti tīhi asaṅgahitāni nāma honti. **Navahi dhātūhī**ti rūpadhātudhammadhātūhi saddhiṃ sattahi viññāṇadhātūhi.

175. Pañcamapañhe **dvīhāyatanehī**ti paṭhamapadaṃ sandhāya saddāyatanamanāyatanehi. Dutiyapadaṃ sandhāya rūpāyatanamanāyatanehi. Dhātuyopi tesāmyeva ekekena saddhiṃ satta viññāṇadhātuyo veditabbā.

176. Chaṭṭhapañhe **dasahāyatanehī**ti rūpāyatanadhammāyatanavajjehi. **Soḷasahi dhātūhī**ti rūpadhātudhammadhātuvajjehi. Kathaṃ? Anidassanasappaṭighā hi dhammā nāma nava oḷārikāyatanāni. Tehi khandhasaṅgahena saṅgahite rūpakkhandhe āyatanasaṅgahena tāneva navāyatanāni saṅgahitāni. Rūpāyatanadhammāyatanāni asaṅgahitāni. Dhātusaṅgahenapi tā eva nava dhātuyo saṅgahitā. Rūpadhātudhammadhātuyo asaṅgahitā. Iti yāni tehi asaṅgahitāni dve āyatanāni, tāni rūpāyatanavajjehi navahi oḷārikāyatanehi manāyatanena cāti dasahi asaṅgahitāni. Yāpi tehi asaṅgahitā dve dhātuyo, tā rūpadhātuvajjāhi navahi oḷārikadhātūhi sattahi ca viññāṇadhātūhīti soḷasahi asaṅgahitāti veditabbā.

177. Sattamapañhe **dvīhāyatanehī**ti rūpāyatanamanāyatanehi. **Aṭṭhahi dhātūhī**ti rūpadhātuyā saddhiṃ sattahi viññāṇadhātūhi.

178. Aṭṭhamapañhe **ekādasahāyatanehī**ti sappaṭighadhamme sandhāya dhammāyatanavajjehi, upādādhamme sandhāya phoṭṭhabbāyatanavajjehi. Dhātūsupi eseva nayo. Atthayojanā panettha heṭṭhā vuttanayeneva veditabbāti.

Saṅgahitena-asaṅgahitapadavaṇṇanā.

3. Tatiyanaya asaṅgahitenasaṅgahitapadavaṇṇanā

179. Idāni asaṅgahitenasaṅgahitapadaṃ bhājetuṃ **vedanākkhandhenā**-
ādi āraddhaṃ. Tatridaṃ lakkhaṇaṃ—imasmiñhi vāre yaṃ khandhapadena
asaṅgahitaṃ hutvā āyatanadhātupadehi saṅgahitaṃ, tassa khandhādīhi
saṅgahaṃ pucchitvā vissajjanaṃ kataṃ. Taṃ pana
rūpakkhandhaviññāpakkhandhacakkhāyatanādīsu na yujjati.
Rūpakkhandhena hi cattāro khandhā khandhasaṅgahena asaṅgahitā. Tesu
tena ekadhammopi āyatanadhātusaṅgahena saṅgahito nāma natthi. Nanu ca
vedanādayo dhammāyatanena saṅgahitāti. Saṅgahitā. Na pana
rūpakkhandhova dhammāyatanam. Rūpakkhandhato hi sukhumarūpamattaṃ
dhammāyatanam bhajati, tasmā ye dhammāyatanena saṅgahitā, na te
rūpakkhandhena saṅgahitā nāma. Viññāpakkhandhenapi itare cattāro
khandhā asaṅgahitā. Tesu tena ekopi āyatanadhātusaṅgahena saṅgahito
nāma natthi. Evaṃ saṅgahitatāya abhāvato etāni, aññāni ca evarūpāni
cakkhāyatanādīni padāni imasmiṃ vāre na gahitāni. Yāni pana padāni
viññāṇena vā oḷārikarūpena vā asammissaṃ dhammāyatanekadesaṃ dīpenti,
tāni idha gahitāni. Tesam idamuddānaṃ—

“Tayo khandhā tathā saccā, indriyāni ca soḷasa.
Padāni paccayākāre, cuddasūpari cuddasa.
Samatimsa padā honti, gocchakesu dasasvatha.
Duve Cūḷantaradukā, aṭṭha honti Mahantarā”ti.

Etesu pana padesu sadisavissajjanāni padāni¹ ekato katvā sabbepi
dvādasa pañhā vuttā. Tesu evaṃ khandhavibhāgo veditabbo.
Āyatanadhātūsu pana bhedo natthi. Tattha pathamapañhe tāva **tīhi**
khandhehīti rūpasaññāsaṅkhārakkhandhehi. Āyatanadhātuyo pana
dhammāyatanadhammadhātuvasena veditabbā.

Tatrāyaṃ nayo—vedanākkhandhena hi nibbānañca
sukhumarūpasaññāsaṅkhārā ca khandhasaṅgahena asaṅgahitā hutvā
āyatanadhātusaṅgahena saṅgahitā. Tesu nibbānaṃ khandhasaṅgahaṃ na
gacchati, sesā rūpasaññāsaṅkhārakkhandhehi saṅgahaṃ gacchanti.
Āyatanadhātusaṅgahaṃ pana nibbānampi gacchateva. Tena

1. Cha padāni (Syā)

vuttaṃ “asaṅkhataṃ khandhato paṭhapetvā tīhi khandhehi ekenāyatanena ekāya dhātuyā saṅgahitā”ti. Saññākkhandhapakkhe panettha saññāṃ apanetvā vedanāya saddhiṃ tayo khandhā, saṅkhārādīsu saṅkhārakkhandhaṃ apanetvā rūpavedanāsaññāvasena tayo khandhā veditabbā.

180. Dutiye **catūhi khandhehī**ti viññāṇavajjehi. Te hi nirodhena khandhasaṅgahena asaṅgahitā hutvā āyatanadhātusaṅgahena saṅgahitā.

181. Tatiye **dvīhi**ti vedanāsaññākkhandhehi. Rūpārūpajīvitindriyena hi vedanāsaññāviññāṇakkhandhā ca khandhasaṅgahena asaṅgahitā. Tesu pana vedanāsaññāva āyatanadhātusaṅgahena saṅgahitā. Tena vuttaṃ “vedanāsaññākkhandhehī”ti. Iminā upāyena sabbattha khandhabhedo veditabbo. Ito parañhi khandhānaṃ nāmamattameva vakkhāma.

182. Catutthe **tīhi khandhehī**ti itthindriyapurisindriyesu vedanāsaññāsaṅkhārehi, vedanāpañcake rūpasaññāsaṅkhārehi, saddhindriyādīsu phassapariyosānesu rūpavedanāsaññākkhandhehi. Vedanāya vedanākkhandhasadisova, taṇhupādānakammabhavesu saṅkhārakkhandhasadisova vinicchayo.

183. Pañcame jātījarāmaṇesu jīvitindriyasadisova. Jhānena pana nibbānaṃ sukhumarūpaṃ saññā ca khandhasaṅgahena asaṅgahitā hutvā āyatanadhātusaṅgahena saṅgahitā, tasmā taṃ sandhāya rūpakkhandhasaññākkhandhānaṃ vasena dve khandhā veditabbā.

184. Chaṭṭhe sokādittaye vedanāya sadiso, upāyāsādīsu saṅkhārasadiso. Puna vedanāya vedanākkhandhasadiso, saññāya saññākkhandhasadiso, cetanādīsu saṅkhārakkhandhasadiso vinicchayo. Iminā upāyena sattapañhādīsu saṅgahāsaṅgaho veditabboti.

Asaṅgahitenasaṅgahitapadavaṇṇanā.

4. Catutthanaya saṅgahitenasaṅgahitapadavaṇṇanā

191. Idāni saṅgahitenasaṅgahitapadaṃ bhājetuṃ **samudayasaccenāti**-ādi āraddhaṃ. Tattha yaṃ khandhādīhi saṅgahitena khandhādivasena saṅgahitaṃ, puna tasseva khandhādīhi saṅgahaṃ pucchitvā vissajjanaṃ kataṃ, taṃ khandhāyatanadhātūsu ekampi sakalakoṭṭhāsaṃ gahetvā ṭhitapadesu na yujjati. Sakalena hi khandhādipadena aññaṃ khandhādivasena saṅgahitaṃ nāma natthi, yaṃ attano saṅgāhakaṃ saṅgaṇhitvā puna teneva saṅgahaṃ gaccheyya, tasmā tathārūpāni padāni imasmiṃ vāre na gahitāni. Yāni pana padāni saṅkhārekadesaṃ vā aññaena asammissaṃ dīpenti vedanekadesaṃ vā sukhumarūpaṃ vā saddekadesaṃ¹ vā, tāni idha gahitāni. Tesāṃ idamuddānaṃ—

“Dve saccā pannarasindriyā, ekādasa paṭiccapadā.

Uddhaṃ puna² ekādasa, gocchakapadamettha tiṃsavidhan”ti.

Pañhā panettha dveyeva honti. Tattha yaṃ pucchāya uddhaṃ padaṃ, tadeva yehi dhammehi khandhādivasena saṅgahitaṃ, te dhamme sandhāya sabbattha **ekena khandhenāti**-ādi vuttaṃ. Tatrāyaṃ nayo—samudayasaccena hi taṇhāvajjā sesā saṅkhārā khandhādisaṅgahena saṅgahitā. Puna tehi taṇhāva saṅgahitā, sā taṇhā puna saṅkhāreheva khandhādisaṅgahena saṅgahitāti. Eseva nayo sabbattha. Arūpadhammapucchāsu panettha saṅkhārakkhandho vā vedanākkhandho vā eko khandho nāma, rūpadhammapucchāsu rūpakkhandho. Paridevapucchāya saddāyatanāṃ ekaṃ āyatanāṃ nāma, saddadhātu ekā dhātu nāma, sesaṭṭhānesu dhammāyatanadhammadhātuvaseva attho veditabboti.

Saṅgahitenasaṅgahitapadavaṇṇanā.

5. Pañcamanaya asaṅgahitena-asaṅgahitapadavaṇṇanā

193. Idāni asaṅgahitena-asaṅgahitapadaṃ bhājetuṃ **rūpakkkhandhenāti**-ādi āraddhaṃ. Tattha yaṃ khandhādīhi asaṅgahitena khandhādivasena asaṅgahitaṃ, puna tasseva khandhādīhi asaṅgahaṃ pucchitvā vissajjanaṃ kataṃ, taṃ pañcakkhandhaggāhakesu

1. Saccekadesaṃ (Sī, Syā)

2. Uddhaṃ pana (Syā)

dukkhasaccādīsu, viññāṇena saddhiṃ sukhumarūpaggāhakesu anidassana-appaṭighādīsu ca padesu na yujjati. Tādisena hi padena nibbānaṃ khandhasaṅgahamattaṃ na gaccheyya. Sesā khandhādīhi asaṅgahitadhammā nāma natthi, tasmā tathārūpāni padāni imasmiṃ vāre na gahitāni. Yāni pana pañcakkhandhe viññāṇaṇca sukhumarūpena saddhiṃ ekato na dīpenti, tāni idha gahitāni. Tesam idamuddānaṃ—

“Sabbe khandhā tathāyatana-dhātuyo saccato tayo.

Indriyānipi sabbāni, tevīsati paṭiccatto.

Parato soḷasa padā, tecattālīsakaṃ tike.

Gocchake sattati dve ca, satta Cūḷantare padā.

Mahantare padā vuttā, aṭṭhārasa tato paraṃ.

Aṭṭhāraseva ñātabbā, sesā idha na bhāsītā”ti.

Pañhā panettha sadisavissajjanānaṃ vasena samodhānetvā katehi saddhiṃ sabbepi catuttimsa honti. Tattha yaṃ pucchāya uddhaṭaṃ padaṃ, tadeva yehi khandhādīhi asaṅgahitaṃ, te dhamme sandhāya **ekena khandhenāti**-ādi vuttaṃ.

Tatrāyaṃ nayo—rūpakkhandhena hi cattāro khandhā nibbānaṇca khandhasaṅgahena asaṅgahitā. Āyatanadhātusaṅgahena pana ṭhapetvā viññāṇaṃ avasesā saṅgahitāti viññāṇameva tīhipi khandhasaṅgahādīhi asaṅgahitaṃ nāma. Puna tena viññāṇena saddhiṃ nibbānena cattāro khandhā khandhādīsaṅgahena asaṅgahitā. Te sabbepi puna viññāṇeneva khandhādīsaṅgahena asaṅgahitāti ekena khandhena ekenāyatanena sattahi dhātūhi asaṅgahitā nāma honti. Atha vā yadetaṃ rūpakkhandhena viññāṇameva tīhi khandhādīsaṅgahēhi asaṅgahitaṃ, tehipi viññāṇadhammehi te rūpadhammāva tīhi saṅgahēhi asaṅgahitā. Puna te rūpadhammā viññāṇeneva tīhi saṅgahēti asaṅgahitā. Viññāṇaṇca khandhato eko viññāṇakkhandho hoti, āyatanato ekaṃ manāyatanam, dhātuto satta viññāṇadhātuyo, tasmā “ekena khandhenā”ti-ādi vuttaṃ. Iminā upāyena sabbattha yaṃ pucchāya uddhaṭaṃ padaṃ, tadeva yehi dhammehi khandhādīvasena asaṅgahitaṃ, tesam dhammānaṃ vasena khandhādayo veditabbā. Tattha dutiyapañhe tāva rūpaviññāṇaṃ

vasena veditabbā. Vedanādayo hi rūpaviññāṇeheva khandhādisaṅgahena asaṅgahitā, te ca dve khandhā, ekādasāyatanāni, sattarasa dhātuyo honti.

195. Tatiyapañhe viññāṇaṃ rūpādīhi catūhi asaṅgahitanti tesam vasena khandhādayo veditabbā.

196. Catutthapañhe cakkhāyatanam vedanādīhi catūhīti iminā nayena sabbattha khandhādayo veditabbā. Pariyosāne “rūpañca dhammāyatanan”ti uddānagāthāya dassitadhammāyeva aññenākārena saṅkhipitvā dassitāti.

Asaṅgahitena-asaṅgahitapadaavaṇṇanā.

6. Chaṭṭhanaya sampayogavippayogapadaavaṇṇanā

228. Idāni sampayogavippayogapadam bhājetum rūpakkkhandhoti-ādi āraddham. Tattha yaṃ labbhati, yañca na labbhati, taṃ sabbam pucchāya gahitaṃ. Vissajjane pana yaṃ na labbhati, taṃ natthīti paṭikkhitaṃ. “Catūhi sampayogo. Catūhi vippayogo. Sabhāgo. Visabhāgo”ti hi vacanato catūhi arūpakkkhandheheva sabhāgānaṃ ekasantānasmim ekakkhaṇe uppannānaṃ arūpakkkhandhānaṃyeva aññamaññaṃ sampayogo labbhati. Rūpadhammānaṃ pana rūpena nibbānena vā, nibbānassa ca rūpena saddhim sampayogo nāma natthi. Tathā rūpanibbānānaṃ arūpakkkhandhehi. Visabhāgā hi te tesam. Yathā ca arūpakkkhandhānaṃ rūpanibbānehi, evaṃ bhinnasantānehi nānākkhaṇikehi arūpadhammehipi saddhim natthiyeva. Tepi hi tesam santānakkhaṇavisabhāgatāya visabhāgāyeva. Ayaṃ pana visabhāgatā saṅgahaṭṭhena virujjhanato saṅgahanaye natthi. Gaṇanūpagamattañhi saṅgahaṭṭho. Sampayoganaye pana atthi, ekuppādatādilakkhaṇaṃhi sampayogaṭṭhoti. Evamettha yassa ekadhammenapi sampayogalakkhaṇaṃ na yujjhati, tassa pucchāya saṅgahaṃ katvāpi natthīti paṭikkhepo kato. Yassa vippayogalakkhaṇaṃ yujjati, tassa vippayogo dassito. Yāni pana padāni sattasu viññāṇadhātūsu ekāyapi avippayutte rūpena nibbānena vā missakadhamme dīpenti, tāni sabbathāpi idha na yujjantīti na gahitāni. Tesam idamuddānaṃ—

“Dhammāyatanam dhammadhātu, dukkhasaccaṇca jīvitam.
Saḷāyatanam nāmarūpaṃ, cattāro ca mahābhavā.

Jātijarā ca maraṇam, tikesvekūnavīsati.

Gocchakesu ca paññāsa, aṭṭha Cūḷantare padā.

Mahantare pannarasa, aṭṭhārasa tato pare.

Tevīsa padasatam etaṃ, sampayoge na labbhatī”ti.

Dhammāyatanañhi rūpanibbānamissakattā tasmim̐ apaniyāpanna viññāṇenapi na sakkā sampayuttanti vattum̐. Yasmā panettha vedanādayo viññāṇena sampayuttā, tasmā vippayuttanti na sakkā vattum̐. Sesesupi eseva nayo. Evaṃ sabbatthāpi etāni na yujjantīti idha na gahitāni, sesāni khandhādīni yujjantīti tāni gahetvā ekekavasena ca samodhānena ca¹ pañhavissajjanaṃ kataṃ. Tesu pañhesu paṭhame **ekenāyatanenāti** manāyatanena. **Kehicīti** dhammāyatanadhammadhātupariyāpannehi vedanāsaññāsāṅkhārehi.

229. Dutiye **tīhīti** pucchitam̐ pucchitam̐ ṭhapetvā sesehi. **Kehici sampayuttoti** vedanākkhandho saññāsāṅkhārehi, itarepi attānam̐ ṭhapetvā itarehi. **Kehici vippayuttoti** rūpanibbānehi. Evaṃ sabbattha rūpassa vippayoge dhammāyatanadhammadhātūsu arūpaṃ, arūpassa vippayoge rūpaṃ daṭṭhabbam̐. Tatiyapañho uttānatthova.

231. Catutthe “katihi khandhehi”ti-ādirim̐ avatvā **sampayuttanti natthīti** vuttam̐, tam̐ pana khandhādīnam̐yeva vasena veditabbam̐. Paratopi evarūpesu pañhesu eseva nayo. Ādipañhasmiñhi sarūpato dassetvā parato Pāḷi saṅkhittā. Iminā nayena sabbattha atthayojanā veditabbā. Yattha pana nātipākaṭā bhavissati, tattha nam̐ pākaṭam̐ katvāva gamissāma.

234. **Soḷasahi dhātūhīti** cakkhuvīññāṇadhātu tāva attānam̐ ṭhapetvā chahi viññāṇadhātūhi dasahi ca rūpadhātūhi. Sesāsupi eseva nayo.

1. Samodhānetvā (Syā)

235. **Tīhi khandhehīti** saṅkhārakkhandhaṃ ṭhapetvā sesehi. **Ekāya dhātuyāti** manoviññāṇadhātuyā¹. Samudayamaggānañhi aññāya dhātuyā sampayogo natthi. **Ekena khandhenāti** saṅkhārakkhandhena. **Ekenāyatanenāti** dhammāyatanena. **Ekāya dhātuyāti** dhammadhātuyā. Etesu hi taṃ saccadvayaṃ kehici sampayuttaṃ.

238. Sukhindriyādipaṇhe **tīhīti** saññāsāṅkhāraviññāṇehi. **Ekāya dhātuyāti** kāyaviññāṇadhātuyā manoviññāṇadhātuyā ca. **Chahi dhātūhīti** kāyaviññāṇadhātuvajjāhi.

245. Rūpabhavapaṇhe sabbesampi arūpakkhandhānaṃ arūpāyatanānañca atthitāya **na kehicīti** vuttaṃ. Ghānajivhākāyaviññāṇadhātūnaṃ pana natthitāya **tīhi dhātūhi vippayuttoti** vuttaṃ.

256. Adhimokkhapaṇhe **dvīhi dhātūhīti** manodhātumanoviññāṇadhātūhi. **Pannarasahīti** sesāhi dasahi rūpadhātūhi pañcahi ca cakkhuviññāṇādīhi.

257. Kusalapaṇhe kusalehi catunnampi khandhānaṃ gahitattā sampayogo paṭikkhitto.

258. Vedanāttikapaṇhe **ekena khandhenāti** vedanākkhandheneva. **Pannarasahīti** cakkhusotaghānajivhāviññāṇadhātumanodhātūhi ceva rūpadhātūhi ca. **Ekādasahīti** kāyaviññāṇadhātuyā saddhim rūpadhātūhi.

262. Nevavipākanavipākadhammadhammapaṇhe **pañcahīti** cakkhuviññāṇādīhi. Anupādinna-anupādāniyapaṇhe **chahīti** manoviññāṇadhātuvajjāhi. Savitakkasavicārapaṇhe **pannarasahīti** pañcahi viññāṇehi saddhim rūpadhātūhi. Avitakkavicāramattapaṇhe **ekena khandhenāti**-ādi saṅkhārakkhandhavaseneva veditabbaṃ. Dutiyajjhānavicārañhi ṭhapetvā sesā **avitakkavicāramattā** nāma. Pītiṃ ṭhapetvā sesā **pītisahagatā**. Tattha vicāro vicārena, pīti ca pītiyā na sampayuttāti saṅkhārakkhandhadhammāyatanadhammadhātūsu kehici sampayuttā nāma. **Soḷasahīti** dhammadhātumanoviññāṇadhātuvajjāheva.

1. Ekāya viññāṇadhātuyā (Sī)

Avitakka-avicārapañhe **ekāya dhātuyāti** manodhātuyā. **Sukhasahagatā upekkhāsahagatā** ca Vedanāttike vuttāva. **Dassanenapahātabbā**dayo kusalasadisāva.

271. **Parittārammaṇaṃ** vipākadhammasadisāṃ. **Ekāya dhātuyāti** dhammadhātuyā. **Kehicīti** ye tattha parittārammaṇā na honti, tehi. Dhammadhātu pana parittārammaṇānaṃ channaṃ cittuppādānaṃ vasena catūhi khandhehi saṅgahitattā paṭhamapaṭikkhepameva bhajati. **Mahagatārammaṇā**dayo kusalasadisāva.

273. Anuppannesu **pañcahi dhātūhīti** cakkhuviññāṇādīhi. Tāni hi ekantena uppādidhammabhūtāneva, uppanakoṭṭhāsampi pana bhajanti. **Paccuppanārammaṇā**dayo parittārammaṇasadisāva. **Hetu-**ādayo samudayasadisāva. **Sahetukā ceva na ca hetūpi** pītisahagatasadisāva. Tathā **parāmāsasampayuttā**. **Anupādinnā** anuppannasadisāva. Sesāṃ sabbattha uttānatthamevāti.

Sampayogavippayogapadavaṇṇanā.

7. Sattamanaya sampayuttenavippayuttapadavaṇṇanā

306. Idāni sampayuttenavippayuttapadaṃ bhājetuṃ **vedanākkhandhenā**ti-ādi āradham. Tatridaṃ lakkhaṇaṃ—imasmiñhi vāre pucchāya uddhaṭapadena ye dhammā sampayuttā, tehi ye dhammā vippayuttā, tesāṃ khandhādīhi vippayogaṃ pucchitvā vissajjanaṃ kataṃ. Taṃ pana rūpakkhandhādīsu na yujjati. Rūpakkhandhena hi sampayuttā nāma natthi, tasmā tañca, aññāni ca evarūpāni padāni imasmim vāre na gahitāni. Yāni pana padāni dhammadhātuyā sampayutte dhamme, viññāṇaṇca aññena asammissaṃ dīpenti, tāni idha gahitāni. Tesāṃ idamuddānaṃ—

“Cattāro khandhāyatanañca ekaṃ,
 Dve indriyā dhātupadāni satta.
 Tayo paṭiccā atha phassasattakaṃ,
 Tike tayo satta Mahantare ca.
 Ekaṃ savitakkaṃ savicāramekaṃ,
 Yuttaṃ upekkhāya ca ekamevā”ti.

Pariyosāne “khandhā caturo”ti-ādināpi ayamevattho saṅgahito. Tattha yāni padāni sadisavissajjanāni, tāni uppaṭipāṭiyāpi samodhānetvā tattha vedanākkhandhādikā pañhā katā. Tesu evaṃ khandhādivibhāgo veditabbo—vedanākkhandhādipañhe tāva **ekenā**ti manāyatanaena. **Sattahī**ti viññāṇadhātūhi. **Kehicī**ti dhammāyatane vedanādīhi. Viññāṇadhātupañhe **te dhammā na kehicī**ti te pucchāya uddhaṭapadaṃ viññāṇadhātum ṭhapetvā sesā cha viññāṇadhātudhammā rūpaṃ nibbānañca. Tehi sabbesaṃ khandhāyatanaṃ saṅgahitattā na kehici khandhehi āyatanehi vā vippayuttā. **Ekāya dhātuyā**ti yā yā pucchāya uddhaṭā hoti, tāya tāya.

309. Upekkhindriyapañhe **pañcahī**ti upekkhāsampayuttāti cakkhuviññāṇadhātu-ādīhi. Iminā nayena sabbattha pucchāya uddhaṭapadeneva saddhim vippayuttānaṃ vasena attho veditabboti.

Sampayuttenavippayuttapadavaṇṇanā.

8. Aṭṭhamanaya vippayuttenasampayuttapadavaṇṇanā

317. Idāni vippayuttenasampayuttapadaṃ bhājetum **rūpakkhandhenā**ti-ādi āraddhaṃ. Tattha sabbāpi pucchā moghapucchāva. Rūpakkhandhena hi vippayuttā nāma cattāro khandhā, tesā aññehi sampayogo natthi. Vedanākkhandhena vippayuttaṃ rūpaṃ nibbānañca, tassa ca kenaci sampayogo natthi. Evaṃ sabbapadesu. Vippayuttānaṃ pana sampayogābhāvo veditabbo. Iti pucchāya moghattā sabbavissajjanesu **natthi natthi**-icceva vuttanti.

Vippayuttenasampayuttapadavaṇṇanā.

9. Navamanaya sampayuttenasampayuttapadavaṇṇanā

319. Idāni sampayuttenasampayuttapadam bhājetum **vedanākkhandhenā**ti-ādi āradham. Tattha yaṃ khandhādivasena sampayuttam, puna tasseva khandhādīhi sampayogam pucchitvā vissajjanam kataṃ. Tam rūpena vā rūpamissakehi vā sabbārūpakkkhandhasaṅgāhakehi vā padehi saddhim na yujjati. Rūpena hi rūpamissakena vā aññesam sampayogo natthi, sabbārūpakkkhandhasaṅgāhakehi sabbesam sampayogārahānam khandhādīnam gahitattā aññamyeva natthi, yaṃ tena saha sampayogam paccheyya, tasmā tathārūpāni padāni idha na gahitāni. Yāni pana padāni rūpena asammissam arūpekadesam dīpenti, tāni idha gahitāni. Tesam idamuddānam—

“Arūpakkkandhā cattāro, manāyatanameva ca.
Viññāṇadhātuyo satta, dve saccā cuddasindriyā.
Paccaye dvādasa padā, tato upari soḷasa.
Tikesu aṭṭha gocchake, tecattālīsameva ca.
Mahantaraduke satta, padā Piṭṭhidukesu cha.
Navamassa padassete, niddese saṅgaham gatā”ti.

Sabbapañhesu pana ye dhammā pucchāya uddhaṭā, te yehi sampayuttā honti, tesam vasena khandhādibhedo veditabbo. Vedanākkhandhena hi itare tayo khandhā sampayuttā, puna tehi vedanākkhandho sampayutto, so tehi saññādīhi tīhi khandhehi ekena manāyatanena sattahi viññāṇadhātūhi ekasmiṃ dhammāyatane dhammādhātuyā ca kehici saññāsaṅkhāreheva sampayutto. Eseva nayo sabbatthāti.

Sampayuttenasampayuttapadavaṇṇanā.

10. Dasamanaya vippayuttenavippayuttapadavaṇṇanā

353. Idāni vippayuttenavippayuttapadam bhājetum **rūpakkkhandhenā**ti-ādi āradham. Tattha ye sampayogaviggayogapadaniddese rūpakkkandhādayo dhammā uddhaṭā, sabbapucchāsu teyeva uddhaṭā. Sadisavissajjanānam pana ekato

gahitattā padāni aññāya paṭipāṭiyā āgatāni. Tattha yaṃ padaṃ pucchāya uddhaṭaṃ, taṃ yehi dhammehi vippayuttaṃ, tesaṃ vasena khandhādivibhāgo veditabbo. Rūpakkhandhena hi vedanādayo vippayuttā, tehi ca rūpakkhandho vippayutto. Nibbānaṃ pana sukhumarūpagatikameva. So rūpakkhandho catūhi khandhehi ekena manāyatanena sattahi viññāṇadhātūhi dhammāyatanadhammadhātūsu kehici vedanādīhi dhammeheva vippayutto. Eseva nayo sabbatthāti.

Vippayuttenavippayuttapadavaṇṇanā.

11. Ekādasamanaya saṅgahitenasampayuttavippayuttapadavaṇṇanā

409. Idāni saṅgahitenasampayuttavippayuttapadaṃ bhājetum **samudayasaccenāti**-ādi āradham. Tattha ye saṅgahitenasaṅgahitapadaniddese samudayasaccādayova dhammā uddhaṭā, sabbapucchāsu teyeva uddhaṭā. Sadisavissajjanānaṃ pana ekato gahitattā padāni aññāya paṭipāṭiyā āgatāni. Tattha ye dhammā pucchāya uddhaṭapadena khandhādisaṅgahena saṅgahitā, tesaṃ yehi sampayogo vā vippayogo vā hoti, tesaṃ vasena khandhādivibhāgo veditabbo.

Tatrāyaṃ nayo—samudayasaccena tāva saṅkhārakkhandhapariyāpannā dhammā khandhādisaṅgahena saṅgahitā, te ca sesehi tīhi khandhehi ekena manāyatanena sattahi viññāṇadhātūhi saṅkhārakkhandhe dhammāyatanadhammadhātūsu ca ṭhapetvā taṇhaṃ sesehi sampayuttattā kehici sampayuttā nāma. Ekena pana rūpakkhandhena dasahi rūpāyatanehi rūpadhātūhi ca vippayuttā, ekasmiṃ dhammāyatane dhammadhātuyā ca rūpanibbānehi vippayuttattā kehici vippayuttā nāma. Iminā upāyena sabbattha attho veditabboti.

Saṅgahitenasampayuttavippayuttapadavaṇṇanā.

12. Dvādasamanaya sampayuttenasaṅgahitāsaṅgahitapadavaṇṇanā

417. Idāni sampayuttenasaṅgahitāsaṅgahitapadam bhājetum **vedanākkhandhenā**ti-ādi āraddham. Tattha ye sampayuttenasampayuttapadaniddese vedanākkhandhādayo dhammā uddhaṭā, sabbapucchāsu teyeva uddhaṭā. Tattha ye dhammā pucchāya uddhaṭapadena sampayuttā, tesam̐ yehi saṅgaho asaṅgaho vā hoti, tesam̐ vasena khandhādibhedo veditabbo.

Tatrāyaṃ nayo—vedanākkhandho hi saññādīhi sampayutto, te saññādayo tīhi saññādikkhandhehi dvīhi dhammāyatanamanāyatanehi dhammadhātuyā ceva sattahi ca viññāṇadhātūhīti aṭṭhahi dhātūhi saṅgahitā, sesāhi khandhāyatanadhātūhi asaṅgahitā. Iminā upāyena sabbattha attho veditabboti.

Sampayuttenasaṅgahitāsaṅgahitapadavaṇṇanā.

13. Terasamanaya asaṅgahitenasampayuttavippayuttapadavaṇṇanā

448. Idāni asaṅgahitenasampayuttavippayuttapadam bhājetum **rūpakkhandhenā**ti-ādi āraddham. Tattha ye pañcame asaṅgahitena-asaṅgahitapadaniddese rūpakkhandhena sadisapañhā dhammā, ye ca arūpabhavena sadisā, teyeva uddhaṭā. Sesā pana na ruhantīti na uddhaṭā. Vedanākkhandhena hi khandhādivasena rūpārūpadhammā asaṅgahitā honti, tesañca sampayogo nāma natthi, tasmā yāni¹ padāni ruhanti, tāneva sadisavissajjanehi saddhim̐ samodhānetvā uddhaṭāni. Tattha ye dhammā pucchāya uddhaṭadhammehi khandhādivasena asaṅgahitā, te yehi sampayuttā vippayuttā ca, tesam̐ vasena khandhādivibhāgo veditabbo.

Tatrāyaṃ nayo—rūpakkhandhena tāva viññāṇameva tīhi saṅgahehi asaṅgahitaṃ, taṃ vedanādīhi tīhi khandhehi dhammāyatanadhammadhātūsu ca vedanādīheva sampayuttaṃ, ekena rūpakkhandhena dasahi rūpāyatanarūpadhātūhi

1. Yāni pana (Syā)

dhammāyatanadhammadhātūsu ca rūpanibbānadhammehi vippayuttaṃ. Taṃ sandhāya **te dhammā tīhi khandhehī**ti-ādi vuttaṃ. Iminā nayena sabbattha attho veditabboti.

Asaṅgahitenasampayuttavippayuttapadavaṇṇanā.

14. Cuddasamanaya vippayuttenasaṅgahitāsaṅgahitapadavaṇṇanā

456. Idāni vippayuttenasaṅgahitāsaṅgahitapadaṃ bhājetuṃ **rūpakkkhandhenā**ti-ādi āradhaṃ. Tattha yesaṃ padānaṃ vippayogo na ruhati, tāni imasmim vāre na gahitāni. Kāni pana tānīti?¹
Dhammāyatanādīni. Dhammāyatanassa hi khandhādīsu ekenāpi vippayogo na ruhati. Dhammadhātu-ādīsupi eseva nayo. Tesāṃ idamuddānaṃ—

“Dhammāyatanāṃ dhammadhātu, jīvitindriyameva ca.
Nāmarūpapadañceva, saḷāyatanameva ca.

Jāti-ādittayaṃ ekaṃ, padaṃ vīsatime tike.
Tikāvasānikaṃ ekaṃ, satta Cūḷantare padā.

Daseva gocchake honti, Mahantaramhi cuddasa.
Cha padāni tato uddhaṃ, sabbānipi samāsato.
Padāni ca na labbhanti, cattālīsaṅca satta cā”ti.

Pariyosāne ca “dhammāyatanāṃ dhammadhātū”ti gāthāpi imamevatthaṃ dīpetuṃ vuttā. Imāni pana ṭhapetvā sesāni sabbānipi labbhanti, tesu khandhādivibhāgo vuttanayānusārenea veditabboti.

Vippayuttenasaṅgahitāsaṅgahitapadavaṇṇanā.

1. Tāni pana kānīti (Sī, Ka)

Nigamanakathā

Ettāvatā ca—

Dhātuppabhedakusalo, yaṃ Dhātukatham Tathāgato āha.
Tassā nayamukhabheda-ppakāsanam niṭṭhitam hoti.

Iminā nayamukhabheda-ppakāsanena hi vibhāvinā sakkā.
Ñātuṃ sabbepi nayā, saṅkhepakathāva iti vuttā.

Ekekassa pana sace, padassa vitthārameva bhāseyyam.
Vacanañca ativiya bahum, bhaveyya attho ca aviseso.

Iti unabhāṇavāra-dvayāya yaṃ tantiyā mayā etaṃ.
Kurunā pattam puññam, sukhāya tam hotu lokassāti.

Dhātukathā-aṭṭhakathā niṭṭhitā.

Abhidhammapiṭaka

Puggalapaññatti-aṭṭhakathā

Namo tassa Bhagavato Arahato Sammāsambuddhassa.

Nipuṇattham pakaraṇam, dhātubhedappakāsano.
Sathā Dhātukatham nāma, desayitvā surālaye.

Anantaram tassa Jino, paññattibhedadīpanam.
Āha Puggalapaññattim, yaṁ loke aggapuggalo.

Tassā samvaṇṇanokāso, yasmā dāni upāgato.
Tasmā nam vaṇṇayissāmi, tam suṇātha samāhitāti.

1. Mātikāvaṇṇanā

1. **Cha paññattiyō Khandhapaññatti -pa- puggalapaññattī**ti yaṁ tava puggalapaññattiyā uddeso. Tattha **chā**ti gaṇanaparicchedo. Tena ye dhamme idha paññapetukāmo, tesaṁ gaṇanavasena saṅkhatō paññattiparicchedaṁ dasseti. **Paññattiyoti** paricchinnadhammanidassanaṁ. Tattha “ācikkhati deseti paññapeti paṭṭhabeti”¹ti āgataṭṭhāne paññāpanā dassanā pakāsanaṁ paññatti nāma. “Supaññattaṁ mañcapīṭhan”²ti āgataṭṭhāne ṭhapanā nikkhipanā paññatti nāma. Idha ubhayampi vaṭṭati. Cha paññattiyoti hi cha paññāpanā cha dassanā pakāsanaṁtipi cha ṭhapanā nikkhipanaṁtipi idha adhippetameva. Nāmapaññatti hi te te dhamme dassetipi, tena tena koṭṭhāsena ṭhabetipi.

Khandhapaññattī-ādi pana saṅkhepato tāsāṁ paññattīnaṁ sarūpadassanaṁ. Tattha khandhānaṁ khandhāti paññāpanā dassanā pakāsanaṁ ṭhapanā nikkhipanā **Khandhapaññatti** nāma. Āyatanānaṁ āyatanānīti, dhātūnaṁ dhātuyoti, saccānaṁ saccānīti, indriyānaṁ indriyānīti, puggalānaṁ puggalāti paññāpanā dassanā pakāsanaṁ ṭhapanā nikkhipanā **Puggalapaññatti** nāma.

1. Sam 1. 264 piṭṭhe.

2. Vi 1. 172 piṭṭhe.

Pāḷimuttakena pana Aṭṭhakathānāyena aparāpi cha paññattiyo vijjamānapaññatti avijjamānapaññatti vijjamānena avijjamānapaññatti avijjamānena vijjamānapaññatti vijjamānena vijjamānapaññatti avijjamānena avijjamānapaññattīti. Tattha kusalākusalasseva saccikaṭṭhaparamatthavasena vijjamānassa sato sambhūtassa dhammassa paññāpanā **vijjamānapaññatti** nāma. Tathā avijjamānassa lokaniruttimattasiddhassa itthipurisādikassa paññāpanā **avijjamānapaññatti** nāma. Sabbākārenapi anupalabbhaneyyassa vācāvattumattasseva pañcamasaccādikassa titthiyānaṃ aṇupakatipurisādikassa vā paññāpanāpi avijjamānapaññattiyeva, sā pana sāsānāvacarā na hotīti idha na gahitā. Iti imesaṃ vijjamānavijjamānānaṃ vikappanavasena sesā veditabbā. Tevijjo chaḷabhiññoti-ādīsu hi tisso vijjā cha abhiññā ca vijjamānā, puggalo avijjamāno, tasmā tisso vijjā assāti tevijjo, cha abhiññā assāti chaḷabhiññoti evaṃ vijjamānena avijjamānassa paññāpanato evarūpā **vijjamānena avijjamānapaññatti** nāma. Itthirūpaṃ purisarūpanti-ādīsu pana itthipurisā avijjamānā, rūpaṃ vijjamānaṃ, tasmā itthiyā rūpaṃ itthirūpaṃ, purisassa rūpaṃ purisarūpanti evaṃ avijjamānena vijjamānassa paññāpanato evarūpā **avijjamānena vijjamānapaññatti** nāma. Cakkhusamphasso sotasamphassoti-ādīsu cakkhusotādayopi phassopi vijjamānoyeva, tasmā cakkhumhi samphasso, cakkhuto jāto samphasso, cakkhussa vā phalabhūto samphasso cakkhusamphassoti evaṃ vijjamānena vijjamānassa paññāpanato evarūpā **vijjamānena vijjamānapaññatti** nāma. Khattiyaputto brāhmaṇaputto seṭṭhiputtoti-ādīsu khattiyādayopi avijjamānā puttopi, tasmā khattiyassa putto khattiyaputtoti evaṃ avijjamānena avijjamānassa paññāpanato evarūpā **avijjamānena avijjamānapaññatti** nāma. Tāsu imasmimṃ pakaraṇe purimā tissova paññattiyo labbhanti. “Khandhapaññatti -pa- indriyapaññatti”ti imasmiñhi thāne vijjamānasseva paññāpitattā vijjamānapaññatti labbhati, puggalapaññattīti pade avijjamānapaññatti, parato pana tevijjo chaḷabhiññoti-ādīsu vijjamānena avijjamānapaññatti labbhattīti.

Aṭṭhakathāmuttakena pana ācariyanāyena aparāpi cha paññattiyo upādāpaññatti upanidhāpaññatti samodhānapaññatti upanikkhattapaññatti tājāpaññatti

santatipaññattīti. Tattha yo¹ rūpavedanādīhi ekattena vā aññattena vā rūpavedanādayo viya saccikaṭṭhaparamatthena anupalabbhasabhāvopi² rūpavedanādibhede khandhe upādāya nissāya kāraṇam katvā sammato satto, tāni tāni aṅgāni upādāya ratho geham muṭṭhi uddhananti ca, te teyeva rūpādayo upādāya ghaṭo paṭo, candasūriyaparivattādayo upādāya kālo disā, tam tam bhūtanimittañceva bhāvanānisaṃsaṅca upādāya nissāya kāraṇam katvā sammataṃ tena tenākārena upaṭṭhitam uggahanimittam paṭibhāganimittantī, ayaṃ evarūpā **upādāpaññatti** nāma. Paññapetabbaṭṭhena cesā paññatti nāma, na paññāpanaṭṭhena. Yā pana tassatthassa paññāpanā ayaṃ avijjamānapaññattiyeva.

Yā paṭhamadutiyādīni upanidhāya dutiyam tatiyanti-ādikā, aññamaññaṅca upanidhāya dīgham rassam dūram santi kanti-ādikā paññāpanā, ayaṃ **upanidhāpaññatti** nāma. Apicesā upanidhāpaññatti tadaññāpekkhūpanidhā hatthagatūpanidhā sampayuttūpanidhā samāropitūpanidhā avidūragatūpanidhā paṭibhāgūpanidhā tabbahulūpanidhā tabbisiṭṭhūpanidhāti-ādinā bhedenā anekappakārā.

Tattha dutiyam tatiyanti-ādikāva tadaññam apekkhitvā vuttatāya **tadaññāpekkhūpanidhā** nāma. Chattapāṇi satthapāṇīti-ādikā hatthagatam upanidhāya vuttatāya **hatthagatūpanidhā** nāma. Kuṇḍalī sikharī kiriṭṭīti-ādikā sampayuttam upanidhāya vuttatāya **sampayuttūpanidhā** nāma. Dhaññasakaṭam sappikumbhoti-ādikā samāropitam upanidhāya vuttatāya **samāropitūpanidhā** nāma. Indasālaguhā piyaṅguguhā serīsakanti-ādikā avidūragatam upanidhāya vuttatāya **avidūragatūpanidhā** nāma. Suvanṇavaṇṇo usabhagāmīti-ādikā paṭibhāgam upanidhāya vuttatāya **paṭibhāgūpanidhā** nāma. Padumassarō brāhmaṇagāmōti-ādikā tabbahulam upanidhāya vuttatāya **tabbahulūpanidhā** nāma. Maṇikaṭakam vajirakaṭakanti-ādikā tabbisiṭṭham upanidhāya vuttatāya **tabbisiṭṭhūpanidhā** nāma.

Yā pana tesam tesam samodhānamapekkhitvā tidaṇḍam aṭṭhapadam dhaññarāsī puppharāsīti-ādikā paññāpanā, ayaṃ **samodhānapaññatti** nāma. Yā purimassa purimassa upanikkhipitvā dve tīni cattārīti-ādikā paññāpanā,

1. Yā (?)

2. Anupalabbhasabhāvāpi (?)

ayaṃ **upanikkhittapaññatti** nāma. Yā taṃ taṃ dhammasabhāvaṃ apekkhitvā pathavī tejo kakkhaḷatā uṇhatāti-ādikā paññāpanā, ayaṃ **tajjāpaññatti** nāma. Yā pana santativicchedābhāvaṃ apekkhitvā āsitiko nāvutikoti-ādikā paññāpanā, ayaṃ **santatipaññatti** nāma. Etāsu pana tajjāpaññatti vijjamānapaññattiyeva, sesā avijjamānapakkhañceva avijjamānena avijjamānapakkhañce bhajanti.

Aṭṭhakathāmuttakena ācariyanayeneva aparāpi cha paññattiyō kiccapaññatti saṅghānapaññatti līngapaññatti bhūmipaññatti paccattapaññatti asaṅkhatapaññattīti. Tattha bhāṇako dhammakathikoti-ādikā kiccavasena paññāpanā **kiccapaññatti** nāma. Kiso thūlo parimaṇḍalo caturassoti-ādikā saṅghānavasena paññāpanā **saṅghāna paññatti** nāma. Itthī purisoti-ādikā līngavasena paññāpanā **līngapaññatti** nāma. Kāmāvacarā rūpāvacarā arūpāvacarā Kosalakā Mādhurāti-ādikā bhūmivasena paññāpanā **bhūmipaññatti** nāma. Tisso nāgo sumanoti-ādikā paccattanāmakaraṇamattavasena paññāpanā **paccattapaññatti** nāma. Nirodho nibbānanti-ādikā asaṅkhatadhammassa paññāpanā **asaṅkhatapaññatti** nāma. Tattha ekaccā bhūmipaññatti asaṅkhatapaññatti ca vijjamānapaññattiyeva, kiccapaññatti vijjamānena avijjamānapakkhaṃ bhajati sesā avijjamānapaññattiyō nāma.

2. Idāni yāsaṃ paññattīnaṃ uddesavāre saṅkhepato sarūpadassanaṃ kataṃ, saṅkhepatoyeva tāva tāsāṃ vatthūṃ vibhajitvā dassanavasena tā dassetuṃ **kittāvatāti**-ādimāha. Tattha pucchāya tāva evamattho veditabbo—yā ayaṃ khandhānaṃ khandhāti paññāpanā dassanā ṭhapanā, sā kittakena hotīti kathetukamyatāpucchā. Parato **kittāvatā āyatanānanti**-ādīsipi eseva nayo. Vissajjanepi evamattho veditabbo—yattakena paññāpanena saṅkhepato pañcakkhandhāti vā, pabhedato rūpakkhando -pa-viññāṇakkhandhoti vā, tatrāpi rūpakkhando kāmāvacaro, sesā catubhūmikāti vā evarūpaṃ paññāpanaṃ hoti, ettakena khandhānaṃ khandhāti paññatti hoti.

3. Tathā yattakena paññāpanena saṅkhepato dvādasāyatanānīti vā, pabhedato cakkhāyatanāṃ -pa- dhammāyatananti vā, tatrāpi dasāyatanā

kāmāvacarā, dvāyatanā catubhūmikāti vā evarūpaṃ paññāpanaṃ hoti, ettakena āyatanānaṃ āyatanānīti paññatti hoti.

4. Yattakena paññāpanena saṅkhepato aṭṭhārasa dhātuyoti vā, pabhedato cakkhuhātu -pa- manoviññāṇadhātūti vā, tatrāpi soḷasa dhātuyo kāmāvacarā, dve dhātuyo catubhūmikāti vā evarūpaṃ paññāpanaṃ hoti, ettakena dhātūnaṃ dhātūti paññatti hoti.

5. Yattakena paññāpanena saṅkhepato cattāri saccānīti vā, pabhedato dukkhasaccaṃ -pa- nirodhasaccanti vā, tatrāpi dve saccā lokiyā, dve saccā lokuttarāti vā evarūpaṃ paññāpanaṃ hoti, ettakena saccānaṃ saccānīti paññatti hoti.

6. Yattakena paññāpanena saṅkhepato bāvīsatiṅdriyānīti vā, pabhedato cakkhundriyaṃ -pa- aññātāvindriyanti vā, tatrāpi dasiṅdriyāni kāmāvacarāni, navindriyāni missakāni, tīṇi ṅdriyāni lokuttarānīti vā evarūpaṃ paññāpanaṃ hoti, ettakena ṅdriyānaṃ ṅdriyānīti paññatti hoti. Ettāvataṃ saṅkhepato vatthum vibhajitvā dassanavasena pañca paññattiyō dassitā honti.

7. Idāni vitthārato vatthum vibhajitvā dassanavasena puggalapaññattim dassetuṃ **samayavimutto**, **asamayavimuttoti**-ādīmāha. Sammāsambuddhena hi tile visārayamānena viya vāke hīrayamānena viya ca heṭṭhā Vibhaṅgappakaraṇe imāsaṃ pañcannaṃ paññattīnaṃ vatthubhūtā khandhādayo nippadesena kathitāti tena te idha ekadeseneva kathesi. Chaṭṭhā puggalapaññatti heṭṭhā akathitāva. Idhāpi uddesavāre ekadeseneva kathitā, tasmā taṃ vitthārato kathetukāmo “samayavimutto, asamayavimutto”ti ekakato paṭṭhāya yāva dasakā mātikaṃ ṭhapesīti.

Mātikāvaṇṇanā.

2. Niddesavaṇṇanā

1. Ekakaniddesavaṇṇanā

1. Idāni yathāṭṭhapitamā mātikam ādito paṭṭhāya vibhajitvā dassatum **katamo ca puggalo samayavimuttoti-ādimāha**. Tattha **idhāti** imasmim sattaloke. **Ekacco puggaloti** eko puggalo. **Kālena kālanti** ettha bhummavasena attho veditabbo, ekekasmim kāleti vuttam hoti. **Samayena samayanti** idam purimasseva vevacanam. **Aṭṭha vimokkheti** rūpāvacarārūpāvacara-aṭṭhasamāpattiyo. Tāsañhi paccanīkadhammehi vimuccanato vimokkhoti nāmaṃ. **Kāyenāti** vimokkhasahajātena nāmakāyena. **Phusitvā viharatīti** paṭilabhitvā iriyati. Katamasmim panesa kāle vimokkhe phusitvā viharatīti? Samāpattim samāpajjitukāmassa hi kālo nāma atthi, akālo nāma atthi. Tattha pātova sarīrapaṭijagganakālo vattakaraṇakālo ca samāpajjanassa akālo nāma. Sarīram pana paṭijaggitvā vuttam katvā vasanaṭṭhānam pavisitvā nisinnassa yāva piṇḍāya gamanakālo nāgacchati, etasmim antare samāpajjanassa kālo nāma.

Piṇḍāya gamanakālam pana sallakkhetvā nikkhantassa cetiyavandanakālo bhikkhusamghaparivutassa vitakkamālake ṭhānakālo piṇḍāya gamanakālo gāme caraṇakālo āsanasālāya yāgupānakālo vattakaraṇakāloti ayampi samāpajjanassa akālo nāma. Āsanasālāya pana vivitte okāse sati yāva bhattakālo nāgacchati, etasmim antare samāpajjanassa kālo nāma. Bhattam pana bhuñjanakālo viharagamanakālo pattacīvarapaṭisāmanakālo divāvattakaraṇakālo paripucchādānakāloti ayampi samāpajjanassa akālo nāma. Yo akālo, sveva asamayo, tam sabbampi ṭhapetvā avasese kāle kāle samaye samaye¹ vuttappakāre aṭṭha vimokkhe sahajātanāmakāyena paṭilabhitvā viharanto “idhekacco puggalo -pa- viharatī”ti vuccati.

1. Avasese kāle avasese samaye (Sī, Syā)

Apicesa saphassakehi sahaḷātanāmadhammehi sahaḷātadhamme phusatiyeva¹ nāma, upacārena appanaṃ phusatiyeva nāma, purimāya appanāya aparāṃ appanaṃ phusatiyeva. Yena hi saddhiṃ ye dhammā sahaḷātā, tena te paṭiladdhā nāma honti. Phassenāpi phuṭṭhāyeva nāma honti. Upacārampi appanāya paṭilābhakāraṇameva. Tathā purimā appanā aparā-appanāya. Tatrāssa evaṃ sahaḷātehi sahaḷātanāṃ phusanā veditabbā—paṭhamajjhānaṃhi vitakkādīhi pañcaṅgikaṃ. Tasmim̃ ṭhapetvā tāni aṅgāni sesā atirekapaṇṇāsadhammā cattāro khandhā nāma honti. Tena nāmakāyena paṭhamajjhānasamāpattivimokkhaṃ phusitvā paṭilābhivā viharati. Dutiyāṃ jhānaṃ pītisukhacittakaggatāhi tivaṅgikaṃ. Tatiyāṃ sukhacittakaggatāhi duvaṅgikaṃ. Catutthāṃ upekkhācittakaggatāhi duvaṅgikaṃ. Tathā ākāsaṇāñcāyatanaṃ -pa- nevaṣaṇṇānāsaṇṇāyatanaṃ. Tattha ṭhapetvā tāni aṅgāni sesā atirekapaṇṇāsadhammā cattāro khandhā nāma honti. Tena nāmakāyena nevaṣaṇṇānāsaṇṇāyatanaṃ samāpattivimokkhaṃ phusitvā paṭilābhivā viharati.

Paññāya cassa disvāti vipassanāpaññāya saṅkhāragataṃ, maggapaññāya catusaccadhamme passitvā. **Ekacce āsavā parikkhīṇā** hontīti upaḍḍhupadḍhā paṭhamamaggādivajjhā āsavā parikkhīṇā honti. **Ayam̃ vuccati puggalo samayavimuttoti** ettha aṭṭhasamāpattilābhī puthujjano² tena nāmakāyena phusitvā viharatīti vattum̃ vaṭṭati. Pāḷiyāṃ pana “ekacce āsavā parikkhīṇā”ti vuttaṃ. Puthujjanassa ca khīṇā āsavā nāma natthi, tasmā so na gahito. Aṭṭhasamāpattilābhī khīṇāsavopi tena nāmakāyena phusitvā viharatīti vattum̃ vaṭṭati. Tassa pana aparikkhīṇāsavā nāma natthi, tasmā sopi na gahito. **Samayavimuttoti** pana tiṇṇaṃ sotāpannasakadāgāmi-anāgāmīnaṃyevetaṃ nāmanti veditabbaṃ.

2. Asamayavimuttaniddese³ purimasadisāṃ vuttanayeneva veditabbaṃ. **Asamayavimuttoti** panettha sukkhavipassakakhīṇāsavassetāṃ nāmaṃ. Sukkhavipassakā pana sotāpannasakadāgāmi-anāgāmīno, aṭṭhasamāpattilābhino ca khīṇāsavā, puthujjanā ca imasmim̃ duke na labbhanti,

1. Phusetiyeva (Syā)

2. Aṭṭhasamāpattilābhim̃ puthujjanaṃ (Ka)

3. Asamayavimuttaniddese pana (Syā)

dukamuttakapuggalā nāma honti, tasmā satthā attano Buddhasubuddhatāya heṭṭhā gahite ca aggahite ca saṅkaḍḍhitvā saddhimpiṭṭhivaṭṭakehi tantim āropento **sabbepi ariyapuggalāti**-ādimāha. Tattha **ariye vimokkheti** kilesehi ārakattā ariyeti saṅkham gate lokuttaravimokkhe. Idam vuttam hoti—
 bāhirānañhi aṭṭhannaṃ samāpattīnaṃ samāpajjantassa samayopi atthi asamayopi. Maggavimokkhena vimuccanassa samayo vā asamayo vā natthi. Yassa saddhā balavatī, vipassanā ca āraddhā, tassa gacchantassa tiṭṭhantassa nisīdantassa nipajjantassa khādantassa bhuñjantassa maggaphalapaṭivedho nāma na hotīti natthi. Iti maggavimokkhena vimuccanassa samayo vā asamayo vā natthīti heṭṭhā gahite ca aggahite ca saṅkaḍḍhitvā imaṃpiṭṭhivaṭṭakam tantim āropesi dhammarājā. Samāpattilābhī puthujjano imāyapi tantiyā aggahitova. Bhajāpiyamāno pana samāpattivikkhambhitānaṃ kilesānaṃ vasena samayavimuttabhāvaṃ bhajeyya.

3. Kuppadhammākuppadhammaniddesesu¹ yassa adhigato samāpattidhammo kuppāti nassati, so **kuppadhammo**. **Rūpasahagatānanti** rūpanimittasaṅkhātena rūpena sahatānaṃ, tena saddhim pavattānaṃ na vinā rūpārammaṇānaṃ catunnaṃ rūpavacarajjhānānanti attho. **Arūpasahagatānanti** rūpato aññaṃ na rūpanti arūpaṃ, arūpena sahatānaṃ, tena saddhim pavattānaṃ na vinā arūpārammaṇānaṃ catunnaṃ arūpavacarajjhānānanti attho. **Na nikāmalābhīti** pañcahākārehi āciṇṇavasitāya icchitākārena aladdhattā na nikāmalābhī, appaṇasamāpattikoti attho. **Na akicchālābhīti** kicchālābhī dukkhalābhī. Yo āgamanamhi kilese vikkhambhento, upacāraṃ pāpento, appanaṃ pāpento, cittamañjūsaṃ labhanto dukkhena kicchena sasaṅkhārena sappayogena kilamanto taṃ sampadaṃ pāpuṇitum sakkoti, so na akicchālābhī nāma. **Na akasiralābhīti** avipulalābhī, samāpattim appetvā addhānaṃ pharitum na sakkoti, ekaṃ dve cittavāre vattetvā sahasāva vuṭṭhātīti attho.

Yatthicchakanti yasmim okāse samāpattim appetvā nisīditum icchati. **Yadicchakanti** kasiṇajjhānaṃ vā ānāpānājjhānaṃ vā brahmavihārajjhānaṃ vā

1. Kuppadhammādiniddesesu (Syā)

asubhajjhānaṃ vāti yaṃ yaṃ samāpattiṃ appētvā nisīdituṃ icchati. **Yāvaticchakanti** addhānaparicchedena yattakaṃ kālaṃ icchati. Idam vuttam hoti—yattha yattha yaṃ yaṃ samāpattiṃ yattakaṃ addhānaṃ samāpajjitumpi vuṭṭhātumpi icchati, tattha tattha taṃ taṃ samāpattiṃ tattakaṃ addhānaṃ samāpajjitumpi vuṭṭhātumpi na sakkoti. Candam vā sūriyaṃ vā ulloketvā “imasmiṃ cande vā sūriye vā ettakaṃ ṭhānaṃ gate vuṭṭhahissāmī”ti paricchinditvā jhānaṃ samāpanno yathāparicchedena vuṭṭhātuṃ na sakkoti, antarāva vuṭṭhāti samāpattiyā appaṇṇatāyāti.

Pamādamāgammāti pamādaṃ paṭicca. **Ayaṃ vuccatīti** ayaṃ evaṃvidho¹ puggalo kuppadhammoti vuccati. Idam pana aṭṭhasamāpattilābhino puthujjanassa sotāpannassa sakadāgāminoti tiṇṇaṃ puggalānaṃ nāmaṃ, etesaṃhi samādhīpāribandhakā vipassanāpāribandhakā² ca dhammā na suvikkhambhitā na suvikkhālītā, tena tesam samāpatti nassati parihāyati. Sā ca kho neva sīlabhedena nāpattivītikkamena. Na garukamokkhadhammo pana appamattakenapi kiccakaraṇīyena vā vattabhedamattakena vā nassati.

Tatridam vatthu—eko kira thero samāpattiṃ vaḷaṅjeti, tasmim piṇḍāya gāmaṃ pavitṭhe dāraḷā pariveṇe kilivā pakkamimsu. Thero āgantvā “pariveṇaṃ sammajjitabban”ti cintetvā asammajjitvā vihāraṃ pavisitvā “samāpattiṃ appessāmī”ti nisīdi. So appetuṃ asakkonto “kim nu kho āvaraṇaṃ”ti sīlaṃ āvajjanto appamattakampi vītikkamaṃ adisvā “vattabhedo nu kho atthī”ti olokento pariveṇassa asammaṭṭhabhāvaṃ ṇatvā sammajjitvā pavisitvā nisīdanto samāpattiṃ appentova nisīdi.

4. Akuppadhammaniddeso vuttapaṭipakkhavaseneva veditabbo. **Akuppadhammoti** idam pana aṭṭhasamāpattilābhino anāgāmissa ceva khīṇāsavassa cāti dvinnam puggalānaṃ nāmaṃ. Tesaṃhi samādhīpāribandhakā vipassanāpāribandhakā ca dhammā suvikkhambhitā suvikkhālītā. Tena tesam bhassasaṅgaṇikārāmādikiccena vā añṇena vā yena kenaci attano anurūpena pamādena vītināmentānampi samāpatti na kuppatti na nassati. Sukkhavipassakā pana sotāpannasakadāgāmi-anāgāmikhīṇāsavā imasmim

1. Ayameva tividho (Syā)

2. Vipassanāpāripanthakā (Sī), vipassanāpāripanthikā (Syā)

duke na labbhanti, dukamuttakapuggalā nāma honti, tasmā Satthā attano buddhasubuddhatāya heṭṭhā gahite ca aggahite ca saṅkaḍḍhitvā imasmimpi duke saddhimpīṭṭhivattakehi tantim āropento **sabbepi ariyapuggalāti-**ādimāha. Atṭhannañhi samāpattīnaṃ kuppanaṃ nassanaṃ bhavēyya, lokuttaradhammassa pana sakim paṭividdhassa kuppanaṃ nassanaṃ nāma natthi, taṃ sandhāyetaṃ vuttaṃ.

5. Parihānadhammāparihānadhammaniddesāpi kuppadhammākuppadhammaniddesavaseneva veditabbā. Kevalañhi idha puggalassa pamādaṃ paṭicca dhammānaṃ parihānampi aparihānampi gahitanti idaṃ pariyāyadesanāmattameva nānaṃ. Sesam sabbattha tādisameva.

7. Cetanābhabbaniddese **cetanābhabboti** cetanāya aparihāniṃ āpajjitum bhabbo. **Sace anusañceteti** sace samāpajjati. Samāpattiñhi samāpattiñhi samāpajjanto anusañceteti nāma, so na parihāyati, itaro parihāyati.

8. Anurakkhaṇābhabbaniddese **anurakkhaṇābhabboti** anurakkhaṇāya aparihāniṃ āpajjitum bhabbo. **Sace anurakkhatīti** sace anupakāradhamme pahāya upakāradhamme sevanto samāpajjati. Evañhi paṭipajjanto anurakkhati nāma, so na parihāyati, itaro parihāyati.

Ime dvepi samāpattim ṭhapetum thāvaram kātum paṭibalā, cetanābhabbato pana anurakkhaṇābhabbova balavataro. Cetanābhabbo hi upakārānupakāre dhamme na jānāti, ajānanto upakāradhamme nudati nīharati, anupakāradhamme sevati, so te sevanto samāpattito parihāyati. Anurakkhaṇābhabbo pana upakārānupakāre dhamme jānāti, jānanto anupakāradhamme nudati nīharati, upakāradhamme sevati, so te sevanto samāpattito na parihāyati.

Yathā hi dve khettpālā eko paṇḍurogena sarogo akkhamo sītādīnaṃ, eko arogo sītādīnaṃ saho. Sarogo heṭṭhākuṭim na otarati, rattārakkham divārakkham vijahati, tassa divā sukamorādayo¹ khettaṃ otarivā sālīsisaṃ khādanti, rattim migasūkarādayo pavisitvā

1. Suvamorādayo (Sī), sukakapotādayo (Syā)

khalam tacchitam viya chetvā¹ gacchanti. So attano pamattakāraṇā puna bījamattampi na labhati. Itaro rattārakkham divārakkham na vijahati, so attano appamattakāraṇā ekakarīsato cattāripi aṭṭhapi sakaṭāni labhati.

Tattha sarogakhetpālo viya cetanābhabbo, arogo viya anurakkhaṇābhabbo daṭṭhabbo. Sarogassa attano pamādena puna bījamattassapi alabhanam viya cetanābhabbassa upakārānupakāre dhamme ajānitvā upakāre pahāya anupakāre sevantassa samāpattiyā parihānam, itarassa attano appamādena ekakarīsamattato catu-aṭṭhasakaṭa-uddharaṇam viya anurakkhaṇābhabbassa upakārānupakāre dhamme jānitvā anupakāre pahāya upakāre sevantassa samāpattiyā aparihānam veditabham. Evaṃ cetanābhabbato anurakkhaṇābhabbova samāpattim thāvaram kātuṃ balavataroti veditabbo.

9. Puthujjananiddese **tīṇi saṃyojanānī**

diṭṭhisamyojanasīlabbataparāmāsasamyojanavicikicchāsamyojanāni. Etāni hi phalakkhaṇe pahīnāni nāma honti. Ayaṃ pana phalakkhaṇepi na hotīti dasseti. **Tesaṃ dhammānanti** tesaṃ saṃyojanadhammānam. Maggakkhaṇasmiṃhi tesaṃ pahānāya paṭipanno nāma hoti. Ayaṃ pana maggakkhaṇepi na hoti. Ettāvatā vissatṭhakammaṭṭhāno thūlabālaputhujjanova idha kathitoti veditabbo.

10. Gotrabhuniddese **yesaṃ dhammānanti** yesaṃ gotrabhuñāṇena saddhim uppannānam paropaṇṇāsakusaladhammānam. **Ariyadhammassāti** lokuttaramaggassa. **Avakkanti hotīti** okkanti nibbatti pātubhāvo hoti. **Ayaṃ vuccatīti** ayaṃ nibbānārammaṇena ñāṇena sabbam puthujjanasaṅkham puthujjanagottaṃ puthujjanamaṇḍalam puthujjanapaññattim atikkamitvā ariyasaṅkham ariyagottaṃ ariyamaṇḍalam ariyapaññattim okkamanato gotrabhūpuggalo nāma vuccati.

11. Bhayūparataniddese bhayena uparatoti **bhayūparato**. Sattapi sekkhā puthujjanā ca bhāyitvā pāpato oramanti, pāpam na

1. Tacchetvā (Sī, Syā)

karonti. Tattha puthujjanā duggatibhayaṃ vaṭṭabhayaṃ kilesabhayaṃ upavādabhayanti cattāri bhayāni bhāyanti. Tesu bhāyitabbaṭṭhena duggatiyeva bhayaṃ **duggatibhayaṃ**. Sesesupi eseva nayo. Tattha puthujjano “sace tvaṃ pāpaṃ karissati, cattāro apāyā mukhaṃ vivarivā ṭhitacchāta-ajagarasadisā, tesu dukkhaṃ anubhavanto kathaṃ bhavissasī”ti duggatibhayaṃ bhāyitvā pāpaṃ na karoti. Anamataggasamsāravatṭamīyeva pana **vaṭṭabhayaṃ** nāma. Sabbampi akusalaṃ **kilesabhayaṃ** nāma. Garahā pana **upavādabhayaṃ** nāma. Tānipi bhāyitvā puthujjano pāpaṃ na karoti. Sotāpannasakadāgāmi-anāgāmino pana tayo sekkhā duggatim atītattā sesāni tīṇi bhayāni bhāyitvā pāpaṃ na karonti. Maggaṭṭhakasekkhā āgamanavasena vā asamucchinnabhayattā vā **bhayūparatā** nāma honti. Khīṇāsavo imesu catūsu bhayesu ekampi na bhāyati. So hi sabbaso samucchinnabhayo, tasmā **abhayūparatoti** vuccati. Kim pana so upavādampi na bhāyatīti. Na bhāyati, upavādam pana rakkhatīti vattum vaṭṭati Doṇuppalavāpīgāme khīṇāsavatthero viya.

12. Abhabbāgamananiddese sammattaniyāmāgamanassa abhabboti **abhabbāgamo**. **Kammāvaraṇenāti** pañcavidhena ānantariyakammaena. **Kilesāvaraṇenāti** niyatamicchādiṭṭhiyā. **Vipākāvaraṇenāti** ahetukaduhetukapaṭisandhiyā. **Assaddhāti** Buddhadhammasaṅghesu saddhārahitā. **Acchandikāti** kattukamyatākusalacchandarahitā. Te ṭhapetvā Jambudīpaṃ itaradīpattayavāsino veditabbā. Tesu hi manussā acchandikabhāvaṃ pavīṭṭhā nāma. **Duppaññāti** bhavaṅgapaññārahitā. **Abhabbāti** appaṭiladdhamaggaphalūpanissayā. **Niyāmanti** magganīyāmaṃ sammattaniyāmaṃ. **Okkamitunti** etaṃ kusalesu dhammesu sammattasaṅkhātaraṃ niyāmaṃ okkamitum pavisitum, tattha patiṭṭhātum abhabbā.

13. Bhabbāgamananiddeso vuttapaṭipakkhanayena veditabbo. Evamimasmim dukke ye ca puggalā pañcānantariyakā, ye ca niyatamicchādiṭṭhikā, yehi ca ahetukaduhetukapaṭisandhi gahitā, ye ca Buddhadīnaṃ na saddahanti, yesaṅca kattukamyatāchando natthi, ye ca aparipuṇṇabhavaṅgapaññā, yesaṅca maggaphalānaṃ upanissayo natthi, te sabbepi sammattaniyāmaṃ okkamitum abhabbā, viparītā bhabbāti vuttā.

14. Niyatāniyatāniddeṣe **ānantarikā**ti ānantarikakammasamaṅgino. **Micchādiṭṭhikā**ti niyatamicchādiṭṭhisamaṅgino. Sabbepi hete nirayassa atthāya niyatattā **niyatā** nāma. Aṭṭha pana ariyapuggalā sammābhāvāya uparūparimaggaphalathāya ceva anupādāparibbānathāya ca niyatattā niyatā nāma. Avasesapuggalā pana anibaddhagatikā. Yathā “ākāse khittadaṇḍo pathaviyaṃ patanto aggena vā majjhena vā mūlena vā patissatī”ti na ñāyati, evameva “asukagatiyā nāma nibbattissantī”ti niyamābhāvā **aniyatā** nāmāti veditabbā. Yā pana Uttarakurukānaṃ niyatagatikatā vuttā, na sā niyatadhammasena. Micchattasammattaniyatadhammāyeva hi niyatā nāma, tesaṅca vasaṇāyaṃ puggalāniyamo kathitoti.

15. Paṭipannakaniddeṣe **maggasamaṅginoti** maggaṭṭhakupuggalā. Te hi phalathāya paṭipannattā **paṭipannakā** nāma. **Phalasamaṅginoti** phalapaṭilābhasamaṅgitāya phalasamaṅgino. Phalapaṭilābhato paṭṭhāya hi te phalasamāpattim asamāpannāpi phale ṭhitāyeva nāma.

16. Samasīsīniddeṣe **apubbaṃ acarimanti** apure apacchā, ekappahārenevāti attho. **Pariyādānanti** parikkhayo. **Ayaṃ vuccatī**ti ayaṃ puggalo **samasīsī** nāma vuccati. So panaṣa tividho hoti iriyāpathasamasīsī rogasamasīsī jīvitasamasīsīti. Tattha yo caṅkamantova vipassanaṃ paṭṭhapetvā arahattaṃ patvā caṅkamantova parinibbātī¹ **Padumatto** viya, ṭhitakova vipassanaṃ paṭṭhapetvā arahattaṃ patvā ṭhitakova parinibbātī **Koṭapabbatavihāravāsītissatto** viya. Nisinnova vipassanaṃ paṭṭhapetvā arahattaṃ patvā nisinnova parinibbātī. Nipannova vipassanaṃ paṭṭhapetvā arahattaṃ patvā nipannova parinibbātī, ayaṃ **iriyāpathasamasīsī** nāma.

Yo pana ekaṃ rogaṃ patvā antorogeyeva vipassanaṃ paṭṭhapetvā arahattaṃ patvā teneva rogena parinibbātī, ayaṃ **rogasamasīsī** nāma.

1. Parinibbāyati (Sī, Syā)

Kataro jīvitasamasīsī nāma? “Sīsanti terasa sīsāni. Palibodhasīsāṇca taṇhā, vinibandhanasīsāṇca māno, parāmāsasīsāṇca diṭṭhi, vikkhepasīsāṇca uddhaccaṃ, saṅkilesasīsāṇca avijjā, adhimokkhasīsāṇca saddhā, paggahasīsāṇca vīriyaṃ, upatṭhānasīsāṇca sati, avikkhepasīsāṇca samādhi, dassanasīsāṇca paññā, pavattasīsāṇca jīvitindriyaṃ, gocarasīsāṇca vimokkho, saṅkhārasīsāṇca nirodho”¹. Tattha kilesasīsāṇca avijjāṃ arahattamaggo pariyādiyati. Pavattasīsāṇca jīvitindriyaṃ cuticittaṃ pariyādiyati. Avijjāpariyādāyakaṃ cittaṃ jīvitindriyaṃ pariyādātum na sakkoti. Jīvitindriyapariyādāyakaṃ cittaṃ avijjāṃ pariyādātum na sakkoti. Avijjāpariyādāyakaṃ cittaṃ aññaṃ, jīvitindriyapariyādāyakaṃ cittaṃ aññaṃ. Yassa cetāṃ sīsadvayaṃ samaṃ pariyādānaṃ gacchati, so **jīvitasamasīsī** nāma.

Kathamidaṃ samaṃ hotīti. Vārasamatāya. Yasmiñhi vāre maggavuṭṭhānaṃ hoti. Sotāpattimagge pañca paccavekkhaṇāni, sakadāgāmimagge pañca, anāgāmimagge pañca, arahattamagge cattārīti ekūnavīsatiyā paccavekkhaṇāṇaṃ patiṭṭhāya bhavaṅgaṃ otarivā parinibbāyati. Imāya vārasamatāya idaṃ ubhayasīsapariyādānaṃ² samaṃ hoti nāma. Tenāyaṃ puggalo “jīvitasamasīsī”³ti vuccati. Ayameva ca idha adhippeto.

17. Ṭhitakappīniddese ṭhito kappoti ṭhitakappo, ṭhitakappo assa atthīti **ṭhitakappī**, kappāṃ ṭhapetum samatthoti attho. **Uḍḍayhanavelā assāti** jhāyanakālo bhaveyya. **Neva tāvāti** yāva esa maggasamaṅgī puggalo sotāpattiphalaṃ na sacchikaroti, neva tāva kappo jhāyeyya, jhāyamānopi ajjhāyitvāva tiṭṭheyya. Kappavināso hi nāma mahāvikāro mahāpayogo koṭisatasahassacakkavāḷassa jhāyanavasena mahālokavināso. Ayampi evaṃ mahāvināso tiṭṭheyya vāti vadati, sāsane pana dharamāne ayaṃ kappavināso nāma natthi. Kappavināse sāsanaṃ natthi. Gatakoṭike hi kāle kappavināso nāma hoti. Evaṃ santepi Sattā antarāyābhavaṃ dīpetum idaṃ kāraṇaṃ āhari “idampi bhaveyya, maggasamaṅgino pana phalassa antarāyo na sakkā kātun”³ti. Ayaṃ pana puggalo kappāṃ ṭhapento³ kittakaṃ kālaṃ ṭhapeyyāti.

1. Khu 9. 99 piṭṭhe Paṭisambhidāmagge.

2. Ubhayasīsapariyādānaṃpi (Syā)

3. Ṭhapantopi (Syā)

Yasmiṃ vāre maggavuṭṭhānaṃ hoti, atha bhavaṅgaṃ āvaṭṭentaṃ¹ manodvārāvajjanaṃ uppajjati, tato tīṇi anulomāni ekaṃ gotrabhucittaṃ ekaṃ maggacittaṃ dve phalacittāni pañca paccavekkhaṇañāṇānīti ettakaṃ kālaṃ ṭhapeyya. Imaṃ panatthaṃ bāhirāya āgantukūpamāyapi evaṃ dīpayiṃsu. Sace hi sotāpattimaggasamaṅgissa matthakūpari yojanikaṃ ekagghanaselaṃ tivaṭṭāya rajjuyā bandhitvā olambeyya, ekasmiṃ vaṭṭe chinne dvīhi olambeyya, dvīsu chinnesu ekena olambeyyeva. Tasmimpi chinne abbhakūtaṃ viya ākāse tiṭṭheyya. Na tveva tassa puggalassa maggānantaraphalassa antarāyaṃ kareyyāti. Ayaṃ pana dīpanā parittā. Purimāva mahantā. Na kevalaṃ pana sotāpattimaggatṭhova kappam ṭhabeti, itare maggasamaṅginopi ṭhapentiyeva. Tena Bhagavā heṭṭhā gahitaṅca aggahitaṅca sabbaṃ saṅkaḍḍhitvā saddhiṃpiṭṭhivaṭṭakapuggalehi imaṃ tantim āropesi “sabbepi maggasamaṅgino puggalā ṭhitakappino”ti.

18. Ariyaniddese kilesehi ārakattā **ariyā**. Sadevakena lokena araṇiyattā ariyā, ariyattho nāma parisuddhatṭhoti parisuddhattāpi ariyā. Sesā aparisuddhatāya **anariyā**.

19. Sekkhaniddese maggasamaṅgino maggakkhaṇe, phalasamaṅgino ca phalakkhaṇe adhisīlasikkhādikā tissopi sikkhā sikkhantiyevāti **sekkhā**. Arahatā pana arahattaphalakkhaṇe tisso sikkhā sikkhitā, puna tassa sikkhanakiccaṃ natthīti **asekkhā**. Iti satta ariyā sikkhantīti sekkhā. Khīṇāsavā aññassa santike silādīnaṃ sikkhitattā sikkhita-asekkhā nāma. Buddhapaccekabuddhā sayambhūtatāya asikkhita-asekkhā nāma. Sesapuggalā neva sikkhanti na sikkhitāti **nevasekkhānāsekkhā**².

20. Tevijjaniddese paṭhamaṃ pubbenivāsadibbacakkhuñāṇāni nibbattetvā pacchā arahattaṃ pattopi, paṭhamaṃ arahattaṃ patvā pacchā pubbenivāsadibbacakkhuñāṇānibbattakopi **tevijjoyeva** nāma. Suttantakathā pana pariyāyadesanā, abhidhammakathā nippariyāyadesanāti imasmiṃ ṭhāne āgamanīyameva dhuraṃ, tasmā paṭhamaṃ dve vijjā nibbattetvā pacchā arahattaṃ pattova idha adhippeto. **Chaḷabhiññepi** eseva nayo.

1. Āvajjentaṃ (Syā)

2. Nevasekkhānāsekkhā nāma (Syā)

22. Sammāsambuddhaniddese **pubbe ananussutesūti** pacchimabhavave saccappaṭivedhato pubbe aññassa kassaci santike assutapubbesu. Tato purimapurimesu pana bhavesu sabbaññubodhisattā Buddhasāsane pabbajitvā tīṇi piṭakāni uggahetvā gatapaccāgatavattaṃ āruyha kammaṭṭhānaṃ anulomaṃ gotrabhuṃ āhacca ṭhapenti, tasmā pacchimabhavasmiṃyeva anācariyakabhāvaṃ sandhāyetaṃ vuttaṃ. Tadā hi Tathāgato pūritapāramittā aññassa santike sāmaṃ ananussutesu saṅkhatāsaṅkhatadhammesu “idaṃ dukkhaṃ -pa- ayaṃ dukkhanirodhagāminī paṭipadā”ti attapaccakkhena ñāṇena¹ cattāri saccāni abhisambujjhati.

Tattha cāti tasmiṃca catusaccasambodhisāṅkhāte arahattamagge. **Sabbaññutaṃ pāpuṇāti balesu ca vasībhāvanti** sabbaññutaññāṇaṇceva² balesu ca ciṇṇavasībhāvaṃ pāpuṇāti. Buddhānañhi sabbaññutaññāṇassa ceva dasabalaññāṇassa ca adhigamanato paṭṭhāya³ aññaṃ kātappaṃ nāma natthi. Yathā pana ubhatosujātassa khattiyakumārassa abhisekappattito paṭṭhāya “idaṃ nāma issariyaṃ anāgatan”ti na vattappaṃ, sabbam āgatameva hoti, evameva Buddhānaṃ arahattamaggassa āgamanato paṭṭhāya “ayaṃ nāma guṇo na āgato na paṭividdho na paccakkho”ti na vattabbo, sabbepi sabbaññuguṇā āgatā paṭividdhā paccakkhakatāva honti. **Ayaṃ vuccatīti** ayaṃ evaṃ pāramīpūraṇasiddhānubhāvena ariyamaggena paṭividdhasabbaññuguṇo puggalo **Sammāsambuddhoti** vuccati.

23. Paccekabuddhaniddese **pubbe ananussutesūti** pade⁴ pubbe vuttanayeneva attho veditabbo. Paccekabuddhopi hi pacchimabhavave anācariyako attukkamsikaññāṇeneva paṭividdhasacco sabbaññutaññāṇaṇceva balesu ca ciṇṇavasībhāvaṃ na pāpuṇāti.

24. Ubhatobhāgavimuttaniddese **aṭṭha vimokkhe kāyena phusitvā viharatīti** aṭṭha samāpattiyo sahaajātanāmakāyena paṭilabhitvā viharati. **Paññāya cassa disvāti** vipassanāpaññāya saṅkhāragataṃ, maggapaññāya cattāri saccāni passitvā cattāropi āsavā khīṇā honti. **Ayaṃ**

1. Ñāṇena sāmaṃ (Syā)

3. Adhigamatthāya (Ka)

2. Sabbaññutaññāṇe ceva (Sī, Syā)

4. Padassa (Syā)

vuccatīti ayaṃ evarūpo puggalo **ubhatobhāgavimutto** nāmāti vuccati. Ayañhi dvīhi bhāgehi dve vāre vimuttoti ubhatobhāgavimutto. Tatrāyaṃ theravādo—**Tipiṭakacūlanāgatto** tāva āha “samāpattiyā vikkhambhanavimokkhena, maggena samucchedavimokkhena vimuttoti ubhatobhāgehi dve vāre vimutto”ti. **Tipiṭakamahādhammarakkhitatto** “nāmanissitako eso”ti vatvā—

“Accī yathā vātavegena khittā, (Upasīvāti Bhagavā,
Atthaṃ paleti¹ na upeti saṅkhaṃ.
Evaṃ munī nāmakāyā vimutto,
Atthaṃ paleti¹ na upeti saṅkhaṃ”ti²—

Vatvā suttam āharitvā “nāmakāyato ca rūpakāyato ca suvimuttattā ubhatobhāgavimutto”ti āha. **Tipiṭakacūlabhayatto** panāha “samāpattiyā vikkhambhanavimokkhena ekavāraṃ vimutto, maggena samucchedavimokkhena ekavāraṃ vimuttoti ubhatobhāgavimutto”ti. Ime pana tayopi therā paṇḍitā, tiṇṇampi vāde kāraṇaṃ dissatīti tiṇṇampi vādaṃ tantim katvā ṭhapayimsu.

Saṅkhepato pana arūpasamāpattiyā rūpakāyato vimutto, maggena nāmakāyato vimuttoti ubhohi bhāgehi vimuttattā ubhatobhāgavimutto. So catunnaṃ arūpasamāpattīnaṃ ekekato vuṭṭhāya saṅkhāre sammāsivā arahattaṃ pattānaṃ catunnaṃ, nirodhā vuṭṭhāya arahattaṃ pattassa anāgāmino ca vasena pañcavidho hoti. Tattha purimā cattāro samāpattisīsaṃ nirodhaṃ na samāpajjantīti pariyāyena ubhatobhāgavimuttā nāma. Aṭṭhasamāpattilābhī anāgāmī taṃ samāpajjitvā tato vuṭṭhāya vipassanaṃ vadḍhetvā arahattaṃ pattoti nippariyāyena ubhatobhāgavimuttaseṭṭho nāma. Nanu ca arūpāvacarajjhānampi upekkhācittakaggatāhi duvaṅgikaṃ rūpāvacaracattuhajjhānampi, tasmā tampi padaṭṭhānaṃ katvā arahattaṃ pattena ubhatobhāgavimuttena bhavitabbanti. Na bhavitabbaṃ. Kasmā? Rūpakāyato avimuttattā. Tañhi kilesakāyatova vimuttaṃ, na rūpakāyato, tasmā tato vuṭṭhāya arahattaṃ patto ubhatobhāgavimutto nāma na

1. Paḷeti (Ka)

2. Khu 1. 440 piṭṭhe Suttanipāte.

hoti. Arūpāvaccaram pana nāmakāyato ca vimuttaṃ rūpakāyato cāti tadeva pādakam katvā arahattaṃ patto ubhatobhāgavimutto hotīti veditabbo.

25. Paññāvimuttaniddese paññāya vimuttoti **paññāvimutto**. So sukkhavipassako, catūhi jhānehi vuṭṭhāya arahattaṃ pattā cattāro cāti pañcavidho hoti. Etesu hi ekopi aṭṭhavimokkhalābhī na hoti. Teneva **na heva kho aṭṭha vimokkheti**-ādimāha. Arūpāvaccarajjhānesu pana ekasmiṃ sati ubhatobhāgavimuttoyeva nāma hotīti.

26. Kāyasakkhiniddese **ekacce āsavāti** hetṭhimamaggattayavajjhā. **Ayam vuccatīti** ayam evarūpo puggalo **kāyasakkhīti** vuccati. So hi phuṭṭhantaṃ sacchikarotīti kāyasakkhī. Jhānaphassaṃ paṭhamaṃ phusati pacchā nirodhaṃ nibbānaṃ sacchikarotītipi kāyasakkhī. So sotāpatti phalaṭṭhaṃ ādim katvā yāva arahattamaggaṭṭhā chabbidho hoti.

27. Diṭṭhippattaniddese **idaṃ dukkhanti** idaṃ dukkhaṃ, ettakaṃ dukkhaṃ, na ito uddhaṃ dukkhaṃ. **Dukkhasamudaya**disupi eseva nayo. **Yathābhūtaṃ pajānātīti** ṭhapetvā taṇhaṃ pañcupādānakkhandhe “dukkhasaccaṃ”ti yāthāvasarasato pajānāti. Taṇhā pana dukkhaṃ janeti nibbatteti pabhāveti, tato taṃ dukkhaṃ samudeti, tasmā naṃ “ayam dukkhasamudayo”ti yathābhūtaṃ pajānāti. Yasmā pana idaṃ dukkhaṃ ca samudayo ca nibbānaṃ patvā nirujjhanti vūpasammanti appavattim gacchanti, tasmā naṃ “ayam dukkhanirodho”ti yathābhūtaṃ pajānāti. Ariyo pana aṭṭhaṅgiko maggo taṃ dukkhanirodhaṃ gacchati, tena taṃ “ayam dukkhanirodhagāminī paṭipadā”ti yathābhūtaṃ pajānāti. Ettāvata nānākkhaṇe saccavavatthānaṃ dassitaṃ. Idāni ekakkhaṇe dassetuṃ **Tathāgatappaveditāti**-ādimāha. Tattha **Tathāgatappaveditāti** Mahābodhimaṇḍe nisīditvā Tathāgatena paṭividdhā viditā pākaṭikatā. **Dhammāti** catusaccadhammā. **Vodiṭṭhā hontīti** sudiṭṭhā honti. **Vocaritāti** sucaritā, tesu anena paññā suṭṭhu carāpitā hotīti attho. **Ayam vuccatīti** ayam evarūpo puggalo diṭṭhippattoti vuccati. Ayañhi diṭṭhantaṃ patto “dukkhā saṅkhārā, sukho nirodho”ti nāṇaṃ

hoti diṭṭhaṃ viditaṃ sacchikataṃ passitaṃ paññāyāti **diṭṭhippatto**. Ayampi kāyasakkhī viya chabbidhova hoti.

28. Saddhāvimuttaniddese **no ca kho yathā diṭṭhippattassāti** yathā diṭṭhippattassa āsavā parikkhīṇā, na evaṃ saddhāvimuttassāti attho. Kim pana nesaṃ kilesappahāne nānattaṃ atthīti? Natthi. Atha kasmā saddhāvimutto diṭṭhippattaṃ na pāpuṇātīti. Āgamanīyanānattena, diṭṭhippatto hi āgamanamhi kilese vikkhambhento appadukkhena appakasirena akilamantova vikkhambhetuṃ sakkoti, saddhāvimutto pana dukkhena kasirena kilamanto hutvā vikkhambhetuṃ sakkoti, tasmā diṭṭhippattaṃ na pāpuṇāti. Apica nesaṃ paññāyapi nānattaṃ atthiyeva. Diṭṭhippattassa hi upari tiṇṇaṃ maggānaṃ vipassanāññaṇaṃ tikkhaṃ sūraṃ pasannaṃ hutvā vahati, saddhāvimuttassa vipassanāññaṇaṃ no tikkhaṃ sūraṃ pasannaṃ hutvā vahati, tasmāpi so diṭṭhippattaṃ na pāpuṇātīti.

Yathā hi dvīsu taruṇesu sippaṃ dassentesu ekassa hatthe tikhiṇo asi ekassa kuṇṭho, tikhiṇena asinā kadaliṃ chijjamānā saddaṃ na karoti, kuṇṭhena asinā chijjamānā “kaṭakaṭā”ti saddaṃ karoti. Tattha tikhiṇena asinā saddaṃ akarontiyā eva kadaliyā chedanaṃ viya diṭṭhippattassa tiṇṇaṃ maggānaṃ vipassanāññaṇassa tikhiṇasūravippasannabhāvo, kuṇṭhena asinā saddaṃ karontiyāpi kadaliyā chedanaṃ viya saddhāvimuttassa tiṇṇaṃ maggānaṃ vipassanāññaṇassa atikhiṇa-asūra-appasannabhāvo veditabbo. Imaṃ pana nayaṃ “no”ti paṭikkhipitvā āgamanīyanānatteneva saddhāvimutto diṭṭhippattaṃ na pāpuṇātīti sanniṭṭhānaṃ kataṃ.

Āgamaṭṭhakathāsu pana vuttaṃ “etesu hi saddhāvimuttassa pubbhāgamaggakkhaṇe saddahantassa viya okappentassa viya adhimuccantassa viya ca kilesakkhayaṃ hoti, diṭṭhippattassa pubbhāgamaggakkhaṇe kilesacchedakaññaṇaṃ adandhaṃ tikhiṇaṃ sūraṃ hutvā vahati, tasmā yathā nāma atikhiṇena¹ asinā kadaliṃ chindantassa chinnaṭṭhānaṃ na maṭṭhaṃ hoti, asi na sīghaṃ vahati, saddo suyayati, balavataro vāyāmo katabbo

1. Nātitikhiṇena (Ka)

hoti. Evarūpā saddhāvimuttassa pubbhāgamaggabhāvanā. Yathā pana sunisiteneva asinā kadaliṃ chindantassa chinnaṭṭhānaṃ maṭṭhaṃ hoti, asi sīghaṃ vahati, saddo na suyyati, balavavāyāmakiccaṃ na hoti. Evarūpā diṭṭhippattassa pubbhāgamaggabhāvanā veditabbā”ti. **Ayaṃ vuccatīti** ayaṃ evarūpo puggalo **saddhāvimuttoti** vuccati. Ayañhi saddahanto vimuttoti saddhāvimutto. Ayampi kāyasakkhī viya chabbidhova hoti.

29. Dhammānusārīniddese **paṭipannassāti** iminā sotāpattimaggaṭṭho dassito. **Adhimattanti** balavaṃ. Paññaṃ vāhetīti **paññāvāhī**. Pañña imañ puggalaṃ vahatīti paññāvāhītipi vuttaṃ hoti. **Paññāpubbaṅgamanti** paññaṃ purecārikaṃ katvā. **Ayaṃ vuccatīti** ayaṃ evarūpo puggalo **dhammānusārīti** vuccati. So hi paññāsaṅkhātena dhammena sarati anussaratīti dhammānusārī. Sotāpattimaggaṭṭhassevetāṃ nāmaṃ. Phale pana patte diṭṭhippatto nāma hoti.

30. Saddhānusārīniddese pi saddhaṃ vāhetīti **saddhāvāhī**. Saddhā imañ puggalaṃ vahatīti saddhāvāhītipi vuttameva. **Saddhāpubbaṅgamanti** saddhaṃ purecārikaṃ katvā. **Ayaṃ vuccatīti** ayaṃ evarūpo puggalo **saddhānusārīti** vuccati. So hi saddhāya sarati anussaratīti saddhānusārī. Sotāpattimaggaṭṭhassevetāṃ nāmaṃ. Phale pana patte saddhāvimutto nāma hoti. Lokuttaradhammañhi nibbattentānaṃ dve dhurāni nāma, dve abhinivesā nāma, dve sīsāni nāma. Tattha saddhādhuraṃ paññādhuranti dve dhurāni nāma. Eko pana bhikkhu samathābhinivesena abhinivisati, eko vipassanābhinivesenāti ime dve abhinivesā nāma. Eko ca matthakaṃ pāpuṇanto ubhatobhāgavimutto hoti, eko paññāvimuttoti imāni dve sīsāni nāma. Ye keci hi lokuttaradhammaṃ nibbattenti, sabbe te ime dve dhamme dhuraṃ katvā imesu dvīsu ṭhānesu abhinivisitvā imehi dvīhi ṭhānehi vimuccanti. Tesu yo bhikkhu aṭṭhasamāpattilābhī paññaṃ dhuraṃ katvā samathavasena abhinivīṭṭho aññataraṃ arūpasamāpattim padatṭhānaṃ katvā vipassanaṃ paṭṭhapetvā arahattaṃ pāpuṇāti, so sotāpattimaggakkaṇḍe dhammānusārī nāma, parato pana chasu ṭhānesu kāyasakkhī nāma, arahattaphale patte ubhatobhāgavimutto nāma.

Aparo paññameva dhuraṃ katvā vipassanāvasena abhiniviṭṭho suddhasaṅkhāre vā rūpāvacarajjhānesu vā aññatarāṃ sammasitvā arahattaṃ pāpuṇāti, ayampi sotāpattimaggakkhaṇeyeva dhammānusārī nāma, parato pana chasu ṭhānesu diṭṭhippatto nāma, arahatte patte paññāvimutto nāma. Idha dve nāmāni apubbāni, tāni purimehi saddhiṃ pañca honti. Aparo aṭṭhasamāpattilābhī saddhaṃ dhuraṃ katvā samādhivasena¹ abhiniviṭṭho aññatarāṃ arūpasamāpattiṃ padaṭṭhānaṃ katvā vipassanaṃ paṭṭhapetvā arahattaṃ pāpuṇāti, ayaṃ sotāpattimaggakkhaṇe saddhānusārī nāma, parato chasu ṭhānesu kāyasakkhīyeva nāma, arahatte patte ubhatobhāgavimutttoyeva nāma. Idha ekameva nāmaṃ apubbaṃ, tena saddhiṃ purimāni pañca cha honti. Aparo saddhameva dhuraṃ katvā vipassanāvasena abhiniviṭṭho suddhasaṅkhāre vā rūpāvacarajjhānesu vā aññatarāṃ sammasitvā arahattaṃ pāpuṇāti, ayampi sotāpattimaggakkhaṇe saddhānusārī nāma, parato chasu ṭhānesu saddhāvimutto nāma, arahatte patte paññāvimutto nāma. Idhāpi ekameva nāmaṃ apubbaṃ, tena saddhiṃ purimāni cha satta honti. Ime satta puggalā loke aggadakkhiṇeyyā nāmāti.

31. Sattakkhattuparamaniddese **sattakkhattunti** sattavāre.

Sattakkhattuparamā bhavūpapatti attabhāvaggaḥaṇaṃ assa, tato paramaṃ aṭṭhamaṃ bhavaṃ nādiyati **sattakkhattuparamo**. **Sotāpanno hotīti** ettha **sototi** ariyamaggo, tena samannāgato **sotāpanno** nāma. Yathāha—

“Soto sototi hidam Sāriputta vuccati, katamo nu kho Sāriputta sototi. Ayameva hi bhante ariyo aṭṭhaṅgiko maggo soto.

Seyyathidam, sammādiṭṭhi -pa- sammāsamādhīti. Sotāpanno sotāpannoti hidam Sāriputta vuccati, katamo nu kho Sāriputta sotāpannoti. Yo hi bhante iminā ariyena aṭṭhaṅgikena maggena samannāgato, ayaṃ vuccati sotāpanno, svāyaṃ āyasmā evaṃnāmo evaṃgotto iti vā”ti².

1. Samāpattivasena (Syā)

2. Sam 3. 302 piṭṭhe.

Evam maggakkhaṇepi sotāpanno nāma hoti. Idha pana maggena phalassa nāmaṃ dinnanti phalakkhaṇe sotāpanno adhippeto.

Avinipātadhammoti vinipātasāṅkhātāṃ apāyaṃ upapattivasena anāgamanasabhāvo¹. **Niyatoti** magganīyāmena niyato. **Sambodhiparāyaṇoti** bujjhanakabhāvaparāyaṇo. So hi paṭiladdhamaggena bujjhatīti sambodhiparāyaṇo, upari tīhi maggehi avassaṃ bujjhissatīti vā sambodhiparāyaṇo, **deve ca manusse cāti** devalokañca manussalokañca. **Sandhāvitvā saṃsaritvāti** paṭisandhivasena aparāparaṃ gantvā. **Dukkassantaṃ karotīti** vaṭṭadukkassa pariyaṇtaṃ parivaṭṭumaṃ karoti. **Ayaṃ vuccatīti** ayaṃ evarūpo puggalo sattakkhattuparamo nāma vuccati. Ayaṃ pana kālena devalokassa, kālena manussalokassa vasena missakabhavena kathitoti veditabbo.

32. Kolaṃkolaniddese kulato kulaṃ gacchatīti **kolaṃkolo**. Sotāpattiphalaśchikiriyato hi paṭṭhāya nīce kule upapatti nāma natthi, mahābhogakulesuyeva nibbattatīti attho. **Dve vā tīṇi vā kulānīti** devamanussavasena dve vā tayo vā bhava. Iti ayampi missakabhavena kathito, desanāṃmattameva cetāṃ “dve vā tīṇi vā”ti. Yāva chaṭṭhabhavā saṃsarantopi pana kolaṃkolova hoti.

33. Ekabījīniddese khandhabījaṃ nāma kathitaṃ. Yassa hi sotāpannassa ekaṃyeva khandhabījaṃ atthi, ekaṃ attabhāvaggahaṇaṃ, so **ekabījī** nāma. **Mānusakaṃ bhavanti** idaṃ panettha desanāṃmattameva, devabhavaṃ nibbatteṭītipi pana vattuṃ vaṭṭatiyeva. Bhagavatā gahitaṇāṃmavaseneva cetāni etesaṃ nāmāni. Ettakaṃ ṭhānaṃ gato sattakkhattuparamo nāma hoti, ettakaṃ kolaṃkolo, ettakaṃ ekabījīti Bhagavatā etesaṃ nāmaṃ gahitaṃ. Niyamato pana ayaṃ sattakkhattuparamo, ayaṃ kolaṃkolo, ayaṃ ekabījīti natthi.

1. Anāgamanabhāvo (Sī), agamanabhāvo (Syā)

Ko pana tesam etam pabhedam niyametīti? Keci tāva therā “pubbahetu niyametī”ti vadanti. Keci “paṭhamamaggo”, keci “upari tayo maggā”, keci “tiṇṇam maggānam vipassanā”ti. Tattha “pubbahetu niyametī”ti vāde “paṭhamamaggassa upanissayo kato nāma hoti. Upari tayo maggā nirupanissayā uppannā”ti vacanam āpajjati. “Paṭhamamaggo niyametī”ti vāde upari tiṇṇam maggānam niratthakatā āpajjati. “Upari tayo maggā niyametī”ti vāde “paṭhamamagge anuppanneyeva upari tayo maggā uppannā”ti āpajjati. “Tiṇṇam maggānam vipassanā niyametī”ti vādo pana yujjati. Sace hi upari tiṇṇam maggānam vipassanā balavatī hoti, ekabījī nāma hoti, tato mandatarāya kolaṅkolo, tato mandatarāya sattakkhattuparamoti.

Ekacco hi sotāpanno vaṭṭajjhāsayo hoti vaṭṭābhirato, punappunam vaṭṭasmimyeva vicarati sandissati, Anāthapiṇḍiko seṭṭhi Visakhā upāsikā Cūlarathamahārathā devaputtā anekavaṇṇo devaputto Sakko devarājā Nāgadatto devaputtoti ime hi ettakā janā vaṭṭajjhāsaya vaṭṭābhiratā ādito paṭṭhāya cha devaloke sodhetvā akaniṭṭhe ṭhatvā parinibbāyissanti, ime idha na gahitā. Na kevalañcime, yopi manussesuyeva sattakkhattum saṃsaritvā arahattam pāpuṇāti, yopi devaloke nibbatta devesuyeva sattakkhattum aparāparam saṃsaritvā arahattam pāpuṇāti, imepi idha na gahitā. Missakabhavavaseneva panettha sattakkhattuparamakolaṅkolā mānusakabhavanibbattakoyeva ca ekabījī gahitoti veditabbo. Tattha ekeko dukkhāpaṭipadādivasena catubbidhabhāvam āpajjati. Saddhādhureneva cattāro sattakkhattuparamā, cattāro kolaṅkolā, cattāro ekabījīnoti dvādasa honti. Sace paññāya sakkā nibbattetuṃ, “aham lokuttaram dhammam nibbattessāmi”ti evam paññam dhuram katvā sattakkhattuparamādibhāvam pattāpi paṭipadāvasena dvādasevāti ime catuvīsati sotāpannā ihaṭṭhakanijjhānikavaseneva imasmim ṭhāne kathitāti veditabbā.

34. Sakadāgāminiddese paṭisandhivasena sakim āgacchatīti **sakadāgāmī**. **Sakidevāti** ekavāramyeva. **Imam lokam āgantvāti** iminā

pañcasu sakadāgāmīsu cattāro vajjetvā ekova gahito. Ekacco hi idha sakadāgāmiphalaṃ patvā idheva parinibbāyati, ekacco idha patvā devaloke parinibbāyati, ekacco devaloke patvā tattheva parinibbāyati, ekacco devaloke patvā idhūpapajjitvā parinibbāyati. Ime cattāropi idha na gahitā. Yo pana idha patvā devaloke yāvātāyukaṃ vasitvā puna idhūpapajjitvā parinibbāyati, ayaṃ ekova idha gahitoti veditabbo. Sesametta yaṃ vattabbaṃ siyā, taṃ sabbaṃ heṭṭhā Dhammasaṅgahaṭṭhakathāyaṃ¹ lokuttarakusalāniddese vuttameva. Imassa pana sakadāgāmīno ekabījīnā saddhiṃ kiṃ nānākaraṇanti. Ekabījissa ekāva paṭisandhi, sakadāgāmiṃ dve paṭisandhiyo. Idaṃ nesaṃ nānākaraṇanti.

35. Anāgāminiddese **orambhāgiyānaṃ saṃyojanānanti** oraṃ vuccati kāmādhātu. Yassa imāni pañca bandhanāni appahīnāni honti, so bhavagge nibbatopi gilitalaḷiso maccho viya dīghasuttakena pāde baddhakāko viya tehi bandhanehi ākaḍḍhiyamāno kāmādhātuyamyeva pavattatīti² pañca bandhanāni **orambhāgiyānīti** vuccanti, heṭṭhābhāgiyāni heṭṭhākottaḥāsikānīti attho. **Parikkhayāti** tesāṃ bandhanānaṃ parikkhayena. **Opapātikoti** upapātayoniko. Imināssa gabbhaseyyā paṭikkhittā. **Tattha parinibbāyīti** tattha Suddhāvāsaloke parinibbāyitā. **Anāvattidhammo tasmā lokāti** paṭisandhiggahaṇavasena tasmā lokā idha anāvattanasabhāvo. Buddhadassanatheradassanadhammassavanānaṃ panatthāyassa āgamaṇaṃ anivāritaṃ. **Ayaṃ vuccatīti** ayaṃ evaṃvidho puggalo paṭisandhivasena puna anāgamanato **anāgāmī** nāma vuccati.

36. Antarāparinibbāyiniddese **upapannaṃ vā samanantarāti** upapannasamanantarā vā hutvā. **Appattaṃ vā vemajjhaṃ āyuppanāṇanti** āyuppanāṇaṃ vemajjhaṃ appattaṃ vā hutvā ariyamaggaṃ sañjanetīti attho. Vāsaddavikappato pana vemajjhaṃ pattantipi attho veditabbo. Evaṃ tayo antarāparinibbāyino siddhā honti. **Upariṭṭhimānaṃ saṃyojanānanti** upari pañcannaṃ uddhambhāgiyasamyojanānaṃ aṭṭhannaṃ vā kilesānaṃ. **Pahānāyāti** etesaṃ

1. Abhi-Ṭṭha 1. 281 piṭṭhādīsu.

2. Patatīti (Sī, Syā)

pajahanatthāya maggaṃ sañjaneti. **Ayaṃ vuccatī**ti ayaṃ evarūpo puggalo āyuvemajjhassa antarāyeva parinibbāyanato **antarāparinibbāyī**ti vuccati.

37. Upahaccaparinibbāyiniddese **atikkamitvā vemajjhaṃ āyuppamāṇanti** āyuppamāṇaṃ vemajjhaṃ atikkamitvā. **Upahacca vā kālakiriyanti** upagantvā kālakiriyāṃ, āyukkhayassa āsanne ṭhatvāti attho. **Ayaṃ vuccatī**ti ayaṃ evarūpo puggalo avihesu tāva kappa-asahassappamāṇassa āyuno pañcakappasatasāṅkhātāṃ vemajjhaṃ atikkamitvā chaṭṭhe vā kappasate sattamaṭṭhamanavamānaṃ vā aññatarasmiṃ dasameyeva vā kappasate ṭhatvā arahattaṃ patvā kilesaparinibbānena parinibbāyanato **upahaccaparinibbāyī**ti vuccati.

38. Asaṅkhārasasaṅkhāraparinibbāyiniddesesu asaṅkhārena appadukkhena adhimattapayogaṃ akatvāva kilesaparinibbānena parinibbānadhammoti **asaṅkhāraparinibbāyī**. Sasaṅkhārena dukkhena kasirena adhimattapayogaṃ katvāva kilesaparinibbānena parinibbāyanadhammoti **sasaṅkhāraparinibbāyī**.

40. Uddhamṣotaniddese uddhaṃ vāhibhāvena uddhamassa taṇhāsotaṃ vaṭṭasotaṃ vāti **uddhamṣoto**. Uddhaṃ vā gantvā paṭilabhitabbato uddhamassa maggasotanti uddhamṣoto. Akaniṭṭhaṃ gacchatīti **Akaniṭṭhagāmī**. Avihā cuto **Atappaṃ gacchatī**ti-ādīsu Avihe kappasahassaṃ vasanto arahattaṃ pattuṃ asakkuṇitvā Atappaṃ gacchati. Tatrāpi dve kappasahassāni vasanto arahattaṃ pattuṃ asakkuṇitvā Sudassaṃ gacchati. Tatrāpi cattāri kappasahassāni vasanto arahattaṃ pattuṃ asakkuṇitvā Sudassiṃ gacchati. Tatrāpi aṭṭha kappasahassāni vasanto arahattaṃ pattuṃ asakkuṇitvā Akaniṭṭhaṃ gacchati, tattha vasanto ariyamaggaṃ sañjanetīti attho.

Imesaṃ pana anāgāmīnaṃ pabhedajānanatthaṃ uddhamṣoto-akaniṭṭhagāmīcatukkaṃ veditabbaṃ—tattha yo Avihato paṭṭhāya cattāro devaloke sodhetvā Akaniṭṭhaṃ gantvā parinibbāyati, ayaṃ uddhamṣoto-akaniṭṭhagāmī nāma. Yo pana heṭṭhā tayo devaloke sodhetvā Sudassīdevaloke ṭhatvā parinibbāyati, ayaṃ uddhamṣoto na Akaniṭṭhagāmī

nāma. Yo pana ito Akaniṭṭhameva gantvā parinibbāyati, ayaṃ na uddhaṃsoto Akaniṭṭhagāmī nāma. Yo pana heṭṭhā catūsu devalokesu tattha tattheva parinibbāyati, ayaṃ na uddhaṃsoto na Akaniṭṭhagāmī nāmāti evamete aṭṭhacattālīsa anāgāmino honti.

Katham? Avihe tāva tayo antarāparinibbāyino, eko upahaccaparinibbāyī, eko uddhaṃsoto, te asaṅkhāraparinibbāyino pañca, sasaṅkhāraparinibbāyino pañcāti dasa honti. Tathā Atappāsudassāsudassīsūti cattāro dasakā cattālīsam, Akaniṭṭhe pana uddhaṃsoto natthi, tayo pana antarāparinibbāyino, eko upahaccaparinibbāyī, te asaṅkhāraparinibbāyino cattāro, sasaṅkhāraparinibbāyino cattāroti aṭṭha. Evaṃ aṭṭhacattālīsam honti.

Te sabbepi papaṭikopamāya¹ dīpitā—divasaṃ santattānampi hi āraṇṇakavipphalīkanakhacchedanānaṃ ayomukhe haññamāne papaṭikā uppajjitvāva nibbāyati, evarūpo paṭhamo antarāparinibbāyī veditabbo. Kasmā? Uppannasamanantarāva kilesaparinibbānena parinibbāyanato. Tato mahantatare ayomukhe haññamāne papaṭikā ākāsaṃ ullaṅghitvā nibbāyati, evarūpo dutiyo antarāparinibbāyī daṭṭhabbo. Kasmā? Vemajjhaṃ appatvā parinibbāyanato. Tato mahantatare ayomukhe haññamāne papaṭikā ākāsaṃ ullaṅghitvā nivattamānā pathaviyaṃ anupahaccatalā hutvā parinibbāyati, evarūpo tatiyo antarāparinibbāyī daṭṭhabbo. Kasmā? Vemajjhaṃ patvā anupahacca parinibbāyanato. Tato mahantatare ayomukhe haññamāne papaṭikā ākāsaṃ ullaṅghitvā pathaviyaṃ patitvā upahaccatalā hutvā nibbāyati, evarūpo upahaccaparinibbāyī veditabbo. Kasmā? Kālakiriyaṃ upagantvā āyugatiṃ khepetvā parinibbāyanato. Tato mahantatare ayomukhe haññamāne papaṭikā paritte tiṇakaṭṭhe patitvā taṃ parittaṃ tiṇakaṭṭhaṃ jhāpetvā nibbāyati, evarūpo asaṅkhāraparinibbāyī veditabbo. Kasmā? Appayogena lahusāya gatiyā parinibbāyanato. Tato mahantatare ayomukhe haññamāne papaṭikā vipule tiṇakaṭṭhapuñje patitvā taṃ vipulam tiṇakaṭṭhapuñjaṃ jhāpetvā nibbāyati, evarūpo sasaṅkhāraparinibbāyī veditabbo. Kasmā? Sappayogena

1. Ayapappaṭikopamāya (Syā)

alahusāya gatiyā parinibbāyanato. Aparā mahantesu tiṇakaṭṭhapuñjesu patati, tattha mahantesu tiṇakaṭṭhapuñjesu jhāyamānesu vītaccitaṅgāro vā jālā vā uppatitvā kammārasālaṃ jhāpetvā gāmanigamanagararaṭṭhaṃ jhāpetvā samuddantaṃ patvā nibbāyati, evarūpo uddham̐soto Akaniṭṭhagāmī daṭṭhabbo. Kasmā? Anekabhavabījaviṭṭhāraṃ phussa phussa byantikātvā parinibbāyanato. Yasmā pana āraṇṇakādibhedāṃ khuddakampi mahantampi ayokapālemeva, tasmā sutte sabbavāresu ayokapālantveva vuttaṃ¹. Yathāha—

Idha bhikkhave bhikkhu evaṃ paṭipanno hoti “no cassa, no ca me siyā, na bhavissati, na me bhavissati, yadatthi yaṃ bhūtaṃ, taṃ pajahāmi”ti upekkhaṃ paṭilabhati. So bhava na rajjati, sambhave na rajjati, atthuttari padaṃ santaṃ sammappaññāya passati. Tañca khvassa padaṃ na sabbena sabbaṃ sacchikataṃ hoti, tassa na sabbena sabbaṃ mānānusayo pahīno hoti, na sabbena sabbaṃ bhavarāgānusayo pahīno hoti, na sabbena sabbaṃ avijjānusayo pahīno hoti. So pañcannaṃ orambhāgiyānaṃ saṃyojanānaṃ parikkhayā antarāparinibbāyī hoti. Seyyathāpi bhikkhave divasaṃ santatte ayokapāle haññamāne papaṭikā nibbattitvā nibbāyeyya, evameva kho bhikkhave bhikkhu evaṃ paṭipanno hoti no cassa -pa- antarāparinibbāyī hoti.

Idha pana bhikkhave bhikkhu evaṃ paṭipanno hoti no cassa -pa- antarāparinibbāyī hoti. Seyyathāpi bhikkhave divasaṃ santatte ayokapāle haññamāne papaṭikā nibbattitvā uppatitvā nibbāyeyya, evameva kho bhikkhave bhikkhu evaṃ paṭipanno hoti no cassa -pa- antarāparinibbāyī hoti.

Idha pana bhikkhave bhikkhu evaṃ paṭipanno hoti no cassa -pa- antarāparinibbāyī hoti. Seyyathāpi bhikkhave divasaṃ santatte ayokapāle haññamāne papaṭikā nibbattitvā uppatitvā

1. Am̐ 2. 450 piṭṭhe.

anupahacca talaṃ nibbāyeyya, evameva kho bhikkhave bhikkhu evaṃ paṭipanno hoti no cassa -pa- antarāparinibbāyī hoti.

Idha pana bhikkhave bhikkhu evaṃ paṭipanno hoti no cassa -pa- upahaccaparinibbāyī hoti. Seyyathāpi bhikkhave divasaṃ santatte ayokapāle haññamāne papaṭikā nibbattitvā uppatitvā upahacca talaṃ nibbāyeyya, evameva kho bhikkhave bhikkhu evaṃ paṭipanno hoti no cassa -pa- upahaccaparinibbāyī hoti.

Idha pana bhikkhave bhikkhu evaṃ paṭipanno hoti no cassa -pa- parikkhayā asaṅkhāraparinibbāyī hoti. Seyyathāpi bhikkhave divasaṃ santatte ayokapāle haññamāne papaṭikā nibbattitvā uppatitvā paritte tiṇapuñje vā kaṭṭhapuñje vā nipateyya, sā tattha aggimpi janeyya, dhūmampi janeyya, aggimpi janetvā dhūmampi janetvā tameva parittaṃ tiṇapuñjaṃ vā kaṭṭhapuñjaṃ vā pariyādiyitvā anāhārā nibbāyeyya, evameva kho bhikkhave bhikkhu evaṃ paṭipanno hoti no cassa -pa- parikkhayā asaṅkhāraparinibbāyī hoti.

Idha pana bhikkhave bhikkhu evaṃ paṭipanno hoti no cassa -pa- sasaṅkhāraparinibbāyī hoti. Seyyathāpi bhikkhave divasaṃ santatte ayokapāle haññamāne papaṭikā nibbattitvā uppatitvā vipule tiṇapuñje vā kaṭṭhapuñje vā nipateyya, sā tattha aggimpi janeyya -pa- tameva vipulaṃ tiṇapuñjaṃ vā kaṭṭhapuñjaṃ vā pariyādiyitvā anāhārā nibbāyeyya, evameva kho bhikkhave bhikkhu evaṃ paṭipanno hoti no cassa -pa- sasaṅkhāraparinibbāyī hoti.

Idha pana bhikkhave bhikkhu evaṃ paṭipanno hoti no cassa -pa- parikkhayā uddhaṃsoto hoti akaniṭṭhagāmī. Seyyathāpi bhikkhave divasaṃ santatte ayokapāle haññamāne papaṭikā nibbattitvā uppatitvā mahante tiṇapuñje vā kaṭṭhapuñje vā nipateyya, sā tattha aggimpi janeyya -pa- tameva mahantaṃ tiṇapuñjaṃ vā kaṭṭhapuñjaṃ vā pariyādiyitvā gacchampi daheyya, dāyampi

daheyya, gacchampi dahitvā dāyampi dahitvā haritantam vā
 pathantam vā selantam vā udakantam vā ramaṇīyam vā
 bhūmibhāgamā āgamma anāhārā nibbāyeyya, evameva kho bhikkhave
 bhikkhu evam paṭipanno hoti no cassa -pa- parikkhayā uddhamisoto
 hoti akaniṭṭhagāmīti.

41-44. Sotāpattiphalasacchi kiriyāya paṭipannādiniddesā uttānatthāva.

Ayam vuccati puggalo arahāti ettha pana dvādasa arahanto veditabbā.

Katham? Tayo hi vimokkhā suññato animitto appaṇihitoti. Tattha
 suññatavimokkhena vimuttakhīṇāsavo paṭipadāvasena catubbidho hoti, tathā
 animitta-appaṇihitavimokkhehīti evam dvādasa arahanto veditabbā. Iti ime
 dvādasa arahanto viya dvādaseva sakadāgāmino, catuvīsati sotāpannā,
 aṭṭhacattālīsa anāgāminoti ettakā puggalā ito muccitvā bahiddhā nuppajjanti,
 imasmiññeva Sabbaññubuddhasāsane uppajjantīti.

Ekakaniddesavaṇṇanā.

2. Dukaniddesavaṇṇanā

45. Dukaniddese **kodhanoti** kujjhanasīlo mahākodho. Evam puggalam
 pucchitvāpi dhammena puggalam dassetuṃ **tattha katamo kodhoti**-ādimāha.
Upanāhīniddesādīsupi eseva nayo. **Kodho kujjhanāti**-ādīni heṭṭhā
 vuttatthāneva. Tathā upanāhīniddesādīsū **pubbakālam kodhoti**-ādīni. **Ayam**
kodho appahīnoti ayam ettako kodho vikkhambhanappahānena vā
 tadanāgappahānena vā samucchedappahānena vā appahīno. Parato
upanāhādīsupi eseva nayo.

53. Ahirikaniddesādīsū **iminā ahirikenāti** iminā evampakārena
 ahirikadhammena samannāgato. **Iminā anottappenāti**-ādīsūpi eseva nayo.

63. **Ajjhattasaṃyojanoti** ajjhattabandhano. **Bahiddhāsaṃyojanoti** bahiddhābandhano. Te ubhopi vacchakasālūpamāya dīpetabbā—vacchakasālāya hi anto baddho antoyeva sayitavacchako viya idhaṭṭhakasotāpannasakadāgāmino. Tesañhi bandhanampi idheva, sayampi idheva. Anto baddho pana bahi sayitavacchako viya rūpārūpabhava sotāpannasakadāgāmino. Tesañhi bandhanameva idha, sayam̐ pana brahmaloke ṭhitā. Bahi baddho bahi sayitavacchako viya rūpārūpabhava anāgāmī. Tassa hi bandhanampi bahiddhā, sayampi bahiddhāva. Bahi baddho pana anto sayitavacchako viya idhaṭṭhaka-anāgāmī. Tassa hi bandhanam̐ rūpārūpabhavesu, sayam̐ pana idha ṭhito.

65. Akkodhananiddesādīsu **pahīnoti** vikkhambhanappahānena vā tadaṅgappahānena vā samucchedappahānena vā pahīno.

83. Dullabhaniddese **dullabhāti** na sulabhā. **Pubbakārīti** paṭhamameva kārako. **Katavedīti** kataṃ vedeti, viditam̐ pākaṭam̐ karoti. Te agāriyānagāriyehi dīpetabbā—agāriyesu hi mātāpitaro pubbakārino nāma, puttadhītaro pana mātāpitaro paṭijaggantā abhivādanādīni tesam̐ kurumānā katavedino nāma. Anagāriyesu ācariyupajjhāyā pubbakārino nāma, antevāsikasaddhivihārikā ācariyupajjhāye paṭijaggantā abhivādanādīni tesam̐ kurumānā katavedino nāma. Tesam̐ āvibhāvattāya Upajjhāyaposakasoṇattherādīnam̐ vatthūni kathetabbāni.

Aparo nayo—parena akateyeva upakāre attani kataṃ upakāram̐ anapekkhitvā kārako pubbakārī seyyathāpi mātāpitaro ceva ācariyupajjhāyā ca, so dullabho, sattānam̐ taṇhābhibhūtattā. Parena katassa upakārassa anurūpappavattim̐ attani kataṃ upakāram̐ upakārato jānanto vediyanto kataññukatavedī seyyathāpi mātāpitu-ācariyupajjhāyesu sammā paṭipanno, sopi dullabho, sattānam̐ avijjābhibhūtattā.

Apica akāraṇavacchalo pubbakārī, sakāraṇavacchalo kataññukatavedī. “Karissati me”ti evamādikāraṇanirapekkhakiriyo pubbakārī,

“karissati me”ti evamādikāraṇasāpekkhakiriyo kataññukatavedī.
Tamojotiparāyaṇo pubbakārī, jotijotiparāyaṇo kataññukatavedī. Desetā
pubbakārī, paṭipajjitā kataññukatavedī. Sadevake loke Arahaṃ
Sammāsambuddho pubbakārī, ariyasāvako kataññukatavedī.
Dukanipātaṭṭhakathāyam¹ pana “pubbakārīti paṭhamam upakārassa kāraḷo,
kataññukatavedīti tena kataṃ ṇatvā pacchā kāraḷo. Tesu pubbakārī ‘iṇam
demī’ti saññam karoti, pacchākāraḷo ‘iṇam jīrāpemī’ti saññam karoti”ti
ettakameva vuttam.

84. Duttappayaniddese **duttappayā**ti atappayā, na sakkā kenaci
tappetuṃ. Yo hi upaṭṭhākakulaṃ vā ṇātikulaṃ vā nissāya vasamāno cīvare
jiṇṇe tehi dinnam cīvaram nikkhipati, na paribhuṅgati, punappunam
dinnampi gahetvā nikkhipateva, yo ca teneva nayena laddham laddham
vissajjeti, parassa deti, punappunam laddhampi tatheva karoti. Ime dve
puggalā sakatehipi paccaye upanentena tappetuṃ na sakkāti duttappayā
nāma.

85. Sutappayaniddese **na vissajjeti**ti attano akatvā parassa na deti,
atireke pana sati na nikkhipati, parassa deti. Idam vuttam hoti—yo pana
bhikkhu upaṭṭhākakulā vā ṇātikulā vā jiṇṇacīvaro sāṭakam labhitvā cīvaram
katvā paribhuṅgati, na nikkhipati, aggaḷam datvā pārūpantopi puna
diyyamāne sahasā na paṭiggaṇhāti, yo ca laddham laddham attanā
paribhuṅgati, paresam na deti, ime dvepi sukhena sakkā tappetunti sutappayā
nāmāti.

86. **Āsavāti** kilesā. Na **kukkuccāyitabbaṃ kukkuccāyati**ti na
kukkuccāyitabbayuttakaṃ kukkuccāyati, sūkaramaṃsaṃ labhitvā
acchamaṃsanti kukkuccāyati, migamaṃsaṃ labhitvā dīpimaṃsanti
kukkuccāyati, kāle santeyeva kālo natthīti, appavāretvāva pavāritosmīti,
patte rajasmim apatiteyeva patitanti, attānam uddissa macchamaṃse
akateyeva maṃ uddissa katanti kukkuccāyati. **Kukkuccāyitabbaṃ na
kukkuccāyati**ti kukkuccāyitabbayuttakaṃ na kukkuccāyati, acchamaṃsaṃ
labhitvā sūkaramaṃsanti

1. Am-Ṭṭha 2 Āsāduppajahavaggassa dutiyasuttavaṇṇanāyam.

na kukkuccāyati -pa- attānaṃ uddissa macchamaṃse kate maṃ uddissa katanti na kukkuccāyati. Aṅguttaraṭṭhakathāyaṃ¹ pana “na kukkuccāyitabbanti saṃghabhogassa² apaṭṭhapanam avicāraṇam na kukkuccāyitabbanā nāma, taṃ kukkuccāyati. Kukkuccāyitabbanti tasseva paṭṭhapanam vicāraṇam, taṃ na kukkuccāyati”ti ettakameva vuttam. **Imesanti** imesaṃ dvinnam puggalānam subhūmiyaṃ tiṇalatādīni viya rattimpi divāpi āsavā vaddhantiyeva. Sukkapakkhe kappiyamaṃsam labhitvā kappiyamaṃsantveva gaṇhanto na kukkuccāyitabbanā na kukkuccāyati nāmāti iminā nayena attho veditabbo.

88. **Hīnādhimuttoti** hīnajjhāsayo. **Dussīloti** nissīlo. **Pāpadhammoti** lāmakadhammo.

89. **Paṇītādhimuttoti** paṇitajjhāsayo. **Kalyāṇadhammoti** bhaddakadhammo sucidhammo sundaradhammo.

90. **Tittoti** suhito pariyosito. **Tappetāti** aññesampi tittikaro. **Paccekasambuddhā ye ca Tathāgatasāvakāti** ettha Paccekabuddhā navahi lokuttaradhammehi sayam tittā paripuṇṇā, aññe pana tappetum na sakkonti. Tesañhi dhammakathāya abhisamayo na hoti, sāvakanam pana dhammakathāya aparimāṇānampi devamanussānam abhisamayo hoti, evam santepi yasmā pana te dhammam desentā na attano vacanam katvā kathenti, Buddhānam vacanam katvā kathenti. Sotum nisinnaparisāpi “ayam bhikkhu na attanā paṭividdhadhammam katheti, Buddhehi paṭividdhadhammam katheti”ti cittikāram karoti. Iti so cittikāro Buddhānamyeva hoti. Evam tattha Sammāsambuddhova **tappetā** nāma. Yathā hi “asukassa nāma idaṅcidaṅca dethā”ti raññā āṇattā kiñcāpi ānetvā denti, atha kho rājāva tattha dāyako. Yehipi laddham hoti, te “raññā amhākam ṭhānantaram dinnam, issariyavibhavo dinno”tveva gaṇhanti, na rājapurisehīti. Evamsampadamidam veditabbanā. Sesam sabbattha uttānatthamevāti.

Dukaniddesavaṇṇanā.

1. Am-Ṭṭha 2 Dukanipāte Bālavaggaṇṇanāyam. 2. Saṃghabhāgassa (Sī, Syā, Ka)

3. Tikaniddesavaṇṇanā

91. Tikaniddese **dussīloti** nissīlo. **Pāpadhammoti** lāmakadhammo. Silavipattiyā vā dussīlo, diṭṭhivipattiyā pāpadhammo. Kāyavacīsaṃvarabhedena vā dussīlo, sesasaṃvarabhedena pāpadhammo. Asuddhapayogatāya dussīlo, asuddhāsayatāya pāpadhammo. Kusalasīlavirahena dussīlo, akusalasīlasamannāgamena pāpadhammo. **Asucīti** asucīhi kāyakammādīhi samannāgato. **Saṅkassarasamācāroti** saṅkāya parehi saritabbasamācāro. Kiñcideva asāruppaṃ disvā “idaṃ iminā kataṃ bhavissatī”ti evaṃ parehi āsaṅkaṇīyasamācāro, attanoyeva vā saṅkāya saritabbasamācāro, sāsāṅkasamācāroti attho. Tassa hi divāṭṭhānādīsu sannipatitvā kiñcideva mantayante bhikkhū disvā “ime ekato hutvā mantenti, kacci nu kho mayā katakammaṃ jānitvā mantenti”ti evaṃ sāsāṅkasamācāro hoti.

Paṭicchannakammantoti paṭicchādetabbayuttakena pāpakammena samannāgato. **Assamaṇo samaṇapaṭiñṇoti** assamaṇo hutvāva samaṇapatirūpakatāya “samaṇo ahan”ti evaṃpaṭiñṇo. **Abrahmacārī brahmacāripaṭiñṇoti** aññe brahmacārino sunivatthe supārute sumbhakapattadhare¹ gāmanigamajanapadarājadhānīsu piṇḍāya caritvā jīvikam kappente disvā sayampi tādisena ākārena tathā paṭipajjanato “ahaṃ brahmacārī”ti paṭiñṇam dento viya hoti. “Ahaṃ bhikkhū”ti vatvā uposathaggādīni pavisanto pana brahmacāripaṭiñṇo hotiyeva. Tathā saṃghikam lābham gaṇhanto. **Antopūṭīti** pūṭinā kammena anto anupaviṭṭho, nigguṇatāya vā guṇasāravirahitattā antopūṭi. **Avassutoti** rāgādīhi tinto. **Kasambujātoti** sañjātarāgādikacavaro. Atha vā kasambu vuccati tintakuṇapagataṃ kasaṭa-udakam. Imasmiṅca sāsane dussīlo nāma jigucchanīyattā tintakuṇapakasaṭa-udakasadiso. Tasmā kasambu viya jātoti kasambujāto.

Tassa na evaṃ hotīti kasmā na hoti? Yattha paṭiṭṭhitena sakkā bhaveyya arahattaṃ laddhum, tassā paṭiṭṭhāya bhinnattā. Yathā hi

1. Subhakapattadhare (Syā) Aṃ-Ṭṭha 2 Tikanipāte Rathakāravaggavaṇṇanāyam passitabbam.

caṇḍālakumārakassa “asuko nāma khattiyakumāro rajje abhisitto”ti sutvāpi yasmiṃ kule paccājātā abhisekaṃ pāpuṇanti, tasmīṃ kule apaccājātattā na evaṃ hoti “kudāssu nāmāhampi so khattiyakumāro viya abhisekaṃ pāpuṇeyyan”ti, evameva dussīlassa “asuko nāma bhikkhu arahattaṃ patto”ti sutvāpi yasmiṃ sīle paṭiṭṭhitena arahattaṃ pattabbaṃ, tassa abhāvato “kudāssu nāmāhampi so sīlavā viya arahattaṃ pāpuṇeyyan”ti na evaṃ hoti. **Ayaṃ vuccatīti** ayaṃ evarūpo puggalo arahattāsāya abhāvā **nirāsoti** vuccati.

92. **Tassa evaṃ hotīti** kasmā hoti? Yasmiṃ paṭiṭṭhitena sakkā bhaveyya arahattaṃ pāpuṇitum, tassā paṭiṭṭhāya thirattā. Yathā hi sujātassa khattiyakumārassa “asuko nāma khattiyakumāro rajje abhisitto”ti sutvāva yasmiṃ kule paccājātā abhisekaṃ pāpuṇanti, tasmīṃ paccājātassa evaṃ hoti “kudāssu nāmāhampi so kumāro viya abhisekaṃ pāpuṇeyyan”ti, evameva sīlavato “asuko nāma bhikkhu arahattaṃ patto”ti sutvāva yasmiṃ sīle paṭiṭṭhitena arahattaṃ pattabbaṃ, tassā paṭiṭṭhāya thirattā “kudāssu nāmāhampi so bhikkhu viya arahattaṃ pāpuṇeyyan”ti evaṃ hoti. **Ayaṃ vuccatīti** ayaṃ evarūpo puggalo **āsāṃso** nāma vuccati. So hi arahattaṃ āsāṃsati patthetīti āsāṃso.

93. **Yā hissa pubbe avimuttassāti** yā tassa khīṇāsavassa pubbe arahattavimuttiyā avimuttassa vimuttāsā¹ ahosi, sā paṭippassaddhā, tasmā na evaṃ hoti. Yathā hi abhisittassa khattiyassa “asuko nāma khattiyakumāro rajje abhisitto”ti sutvā ekassa rañño dvinnāṃ rajjābhisekānaṃ dvinnāṃ setacchattānaṃ abhāvā na evaṃ hoti “kudāssu nāmāhampi so kumāro viya abhisekaṃ pāpuṇeyyan”ti, evameva khīṇāsavassa “asuko nāma bhikkhu arahattaṃ patto”ti sutvā dvinnāṃ arahattānaṃ abhāvā “kudāssu nāmāhampi so bhikkhu viya arahattaṃ

1. Vimuttiyāsā (Sī, Ka)

pāpuṇeyyan”ti na evaṃ hoti. **Ayaṃ vuccatīti** ayaṃ evarūpo puggalo arahattāsāya vigatattā **vigatāsoti** vuccati.

94. Gilānūpamaniddese yāya upamāya te gilānūpamāti vuccanti, taṃ tāva upamaṃ dassetuṃ **tayo gilānāti**-ādi vuttaṃ. Tattha **sappāyānīti** hitāni vuddhikarāni. **Patirūpanti** anucchavikaṃ. **Neva vuṭṭhāti tamhā ābādhāti** iminā atekicchena vātāpamārādinā rogena samannāgato niṭṭhappatto gilāno kathito. **Vuṭṭhāti tamhā ābādhāti** iminā khipitakacchutiṇapupphakajarādippabhedo¹ appamattakābādho kathito.

Labhanto sappāyāni bhojanāni no alabhantoti iminā pana yesaṃ paṭijagganena phāsukaṃ hoti, sabbepi te ābādhā kathitā. Ettha ca patirūpo upaṭṭhāko nāma gilānupaṭṭhāka-aṅgehi samannāgato paṇḍito dakkho analaso veditabbo.

Gilānupaṭṭhāko anuññātoti bhikkhusaṃghena dātabboti anuññāto. Tasmīñhi gilāne attano dhammatāya yāpetuṃ asakkonte bhikkhusaṃghena tassa bhikkhuno eko bhikkhu ca sāmaṇero ca “imaṃ paṭijaggathā”ti apaloketvā dātabbā. Yāva pana te taṃ paṭijagganti, tāva gilānassa ca tesaṅca dvinnam yenattho, sabbaṃ bhikkhusaṃghasseva bhāro. **Aññepi gilānā upaṭṭhātabbāti** itarepi dve gilānā upaṭṭhātabbā. Kim kāraṇā? Yopi hi niṭṭhappattagilāno, so anupaṭṭhiyamāno “sace maṃ paṭijaggeyyum, phāsukaṃ me bhavēyya, na kho pana maṃ paṭijagganti”ti manopadosaṃ katvā apāye nibbatteyya. Paṭijaggiyamānassa pana evaṃ hoti “bhikkhusaṃghena yaṃ kattabbaṃ, taṃ sabbaṃ kataṃ, mayhaṃ pana kammavipāko īdiso”ti. So bhikkhusaṃghe mettaṃ paccupaṭṭhapetvā sagge nibbattati. Yo pana appamattakena byādhinā samannāgato labhantopi alabhantopi vuṭṭhātiyeva, tassa vināpi bhesajjena vūpasamanakabyādhi bhesajje kate khippataraṃ vūpasammati, tato so

1. ...tilapupphakajarādipabhedo (Sī, Ka), ...tilakapupphakajarādibhedo (Syā) Ma-Ṭṭha 4. 139 piṭṭhe; Am-Ṭṭha 2 Tikanipāte Puggalavaggavaṇṇanāyaṅca passitabbaṃ.

Buddhavacanaṃ vā uggaṇhituṃ samaṇadhammaṃ vā kātuṃ sakkhissati, iminā kāraṇena “aṅṅepi gilānā upaṭṭhātabbā”ti vuttaṃ.

Neva okkamatīti neva pavisati. **Niyāmaṃ kusalesu dhammesu sammattanti** kusalesu dhammesu magganiyāmasaṅkhātaṃ sammattaṃ. Iminā padaparamo puggalo kathito. Dutiyavārena ugghaṭitaṅṅū gahito sāsane Nālakattherasadiṣo, Buddhantare ekavāraṃ Paccekabuddhānaṃ santike ovādaṃ labhitvā paṭividdhapaccekabodhiṅṅaṇo ca. Tatiyavārena vipaṅcitaṅṅū puggalo kathito. Neyyo pana tannissitova hoti.

Dhammadesanā anuṅṅātāti māssa aṭṭha vāre dhammakathā anuṅṅātā. **Aṅṅesampi dhammo desetabboti** itaresampi dhammo kathetabbo. Kim kāraṇā? Padaparamassa hi imasmiṃ attabhāve dhammaṃ paṭivijjhituṃ asakkontassāpi anāgate paccayo bhavissati. Yo pana Tathāgatassa rūpadassanaṃ labhantopi alabhantopi, dhammavinayaṅṅa savanāya labhantopi alabhantopi dhammaṃ abhisameti, so alabhanto na tāva abhisameti, labhanto pana khippameva abhisamessatīti iminā kāraṇena tesāṃ dhammo desetabbo. Tatiyassa pana punappunaṃ desetabbo. Kāyasakkhidiṭṭhippattasaddhāvimuttā heṭṭhā kathitāyeva.

98. Gūthabhāṅṅi-ādīsu **sabhaggaṭoti** sabhāyaṃ ṭhito. **Parisaggaṭoti** gāmaparisāya ṭhito. **Ñātimajjhaggaṭoti** dāyādānaṃ majjhe ṭhito. **Pūgamajjhaggaṭoti** seṅṅinaṃ majjhe ṭhito. **Rājakulamajjhaggaṭoti** rājakulassa majjhe mahāvīnicchaye ṭhito. **Abhinītoti** pucchanaṭṭhāya nīto. **Sakkhipuṭṭhoti** sakkhiṃ katvā pucchito. **Ehambho purisāti** ālapanametaṃ. **Attahetu vā parahetu vāti** attano vā parassa vā hatthapādādihetu vā dhanahetu vā. **Āmisakiṅṅikkhahetu vāti** ettha āmisanti lābho adhippeto. **Kiṅṅikkhanti** yaṃ vā taṃ vā appamattakaṃ, antamaso tittiravaṭṭakasappiṅṅaṇavanītaṅṅādi-appamattakassāpi laṅṅjassa hetūti attho. **Sampajānamusā bhāsītā hotīti** jānanto yeva musāvādaṃ kattā hoti. **Ayaṃ vuccatīti** ayaṃ evarūpo puggalo gūthasadiṣavacanattā **gūthabhāṅṅīti** vuccati. Yathā hi gūthaṃ nāma mahājanassa

aniṭṭhaṃ hoti akantaṃ, evameva imassa puggalassa vacanaṃ devamanussānaṃ aniṭṭhaṃ hoti akantaṃ.

99. **Ayaṃ vuccatī**ti ayaṃ evarūpo puggalo pupphasadisavacanattā **pupphabhāṇī**ti vuccati. Yathā hi phullāni vassikāni vā atimuttakāni¹ vā mahājanassa iṭṭhāni kantāni honti, evameva imassa puggalassa vacanaṃ devamanussānaṃ iṭṭhaṃ hoti kantaṃ.

100. **Nelā**ti elam vuccati doso, nāssā elanti nelā, niddosāti attho, nelaṅgo setapacchādoti² ettha vuttanelaṃ viya. **Kaṇṇasukhā**ti byañjanamadhuratāya kaṇṇānaṃ sukhā, sūcivijjhanānaṃ viya kaṇṇasūlaṃ na janeti. Atthamadhuratāya sakalasarīre kopaṃ ajanetvā pemaṃ janetīti **pemaṇīyā**. Hadaṃ gacchati, appaṭihaññamānā sukhena cittaṃ pavisaṭīti **hadayaṅgamā**. Guṇaparipuṇṇatāya pure bhavāti **porī**, pure saṃvaḍḍhanārī viya sukumārātipi porī, purassa esātipi porī, nagaravāsīnaṃ kathāti attho. Nagaravāsīno hi yuttakathā honti, pitimattaṃ pitāti, mātimattaṃ mātāti, bhātimattaṃ bhātāti vadanti. Evarūpī kathā bahuno janassa kantā hotīti **bahujanakantā**. Bahujanassa kantabhāveneva bahuno janassa manāpā cittavuddhikarāti **bahujanamanāpā**. **Ayaṃ vuccatī**ti ayaṃ evarūpo puggalo **madhubhāṇī**ti vuccati. “Mudubhāṇī”tipi pāṭho, ubhayatthāpi madhuravacanoti attho. Yathā hi catumadhuraṃ nāma madhuraṃ paṇītaṃ, evameva imassa puggalassa vacanaṃ devamanussānaṃ madhuraṃ hoti.

101. Arukūpamacittādīsu **abhisajjati**ti laggati. **Kuppatī**ti kopavasena kuppati. **Byāpajjati**ti pakatibhāvaṃ pajahati, pūṭiko hoti. **Patitthīyatī**ti thinabhāvaṃ thaddhabhāvaṃ āpajjati. **Kopanti** dubbalakodhaṃ. **Dosanti** dussanavasena tato balavataraṃ. **Appaccayanti** atuṭṭhākāraṃ domanassaṃ. **Duṭṭhārukoti** purāṇavaṇo. **Kaṭṭhenā**ti daṇḍakakoṭiyā. **Kaṭhalāyāti** kapālena. **Āsavam detī**ti aparāparaṃ savati. Purāṇavaṇo hi attano dhammatāya eva pubbaṃ lohitaṃ yūsanti imāni tīpi

1. Adhimuttakāni (Sī, Syā)

2. Khu 1. 173 piṭṭhe.

savati. Ghaṭṭito pana tāni adhikatarāṃ savati. **Evamevaṃ khoti** ettha idaṃ opammasāmsandanāṃ—duṭṭhāruko viya hi kodhano puggalo, tassa attano dhammatāya savanaṃ viya kodhanassapi attano dhammatāya uddhumātakassa viya caṇḍikatassa caraṇaṃ, kaṭṭhena vā kaṭhalāya vā ghaṭṭanaṃ viya appamattakampi vacanaṃ, bhiyyoso mattāya savanaṃ viya “mādisaṃ nāma esa evaṃ vadatī”ti bhiyyoso mattāya uddhumāyanabhāvo daṭṭhabbo. **Ayaṃ vuccatīti** ayaṃ evarūpo puggalo **arukūpamacittoti** vuccati, purāṇavaṇasadisacittoti attho.

102. **Rattandhakāratimisāyāti** rattim cakkhuviññāṇupattinivāraṇena andhabhāvakarāṇe bahalatame. **Vijjantarikāyāti** vijjupattikkhaṇe. Idhāpi idaṃ opammasāmsandanāṃ—cakkhumā puriso viya hi yogāvacaṇo daṭṭhabbo, andhakāraṃ viya sotāpattimaggavajjhā kilesā, vijjusaṅcaraṇaṃ viya sotāpattimaggāñāṇassa uppattikālo, vijjantarikāya cakkhumato purisassa sāmāntā rūpadassanaṃ viya sotāpattimaggakkhaṇe nibbānadassanaṃ, puna andhakārāvattaraṇaṃ viya sakadāgāmimaggavajjhā kilesā, puna vijjusaṅcaraṇaṃ viya sakadāgāmimaggañāṇassa uppādo, vijjantarikāya cakkhumato purisassa sāmāntā rūpadassanaṃ viya sakadāgāmimaggakkhaṇe nibbānadassanaṃ, puna andhakārāvattaraṇaṃ viya anāgāmimaggavajjhā kilesā, puna vijjusaṅcaraṇaṃ viya anāgāmimaggañāṇassa uppādo, vijjantarikāya cakkhumato purisassa sāmāntā rūpadassanaṃ viya anāgāmimaggakkhaṇe nibbānadassanaṃ veditabbaṃ. **Ayaṃ vuccatīti** ayaṃ evarūpo puggalo **vijjūpamacittoti** vuccati, ittarakālobhāsena vijjusadisacittoti attho.

103. Vajirūpamacittatāyapi idaṃ opammasāmsandanāṃ—vajiraṃ viya hi arahattamaggañāṇaṃ daṭṭhabbaṃ, maṇigaṇṭhipāsāṇagaṇṭhi viya arahattamaggavajjhā kilesā, vajirassa maṇigaṇṭhim vā pāsāṇagaṇṭhim vā vinivijjhivā agamanabhāvassa natthibhāvo viya arahattamaggañāṇena acchejjānaṃ kilesānaṃ natthibhāvo, vajirena nibbidhavedhassa puna apaṭipūraṇaṃ¹ viya arahattamaggena chinnānaṃ kilesānaṃ puna anuppādo daṭṭhabbo. **Ayaṃ vuccatīti** ayaṃ evarūpo

1. Aparipūraṇaṃ (Syā, Ka)

puggalo **vajirūpamacittoti** vuccati, kilesānaṃ mūlaghātakaraṇasamatthatāya¹ vajirena sadisacittoti attho.

104. Andhādīsu **tathārūpaṃ cakkhu na hotīti** tathājātikaṃ tathāsabhāvaṃ paññācakkhu na hoti. **Phātiṃ kareyyāti** phītaṃ vaḍḍhitaṃ kareyya. **Sāvajjānavajjeti** sadosaniddose. **Hīnappaṇītetī** adhamuttame. **Kaṇhasukkasappaṭibhāgeti** kaṇhasukkāyeva aññamaññaṭṭibāhanato paṭipakkhavasena sappaṭibhāgāti vuccanti. Ayaṃ panettha saṅkhepo— kusale dhamme “kusalā dhammā”ti yena paññācakkhunā jāneyya, akusale dhamme “akusalā dhammā”ti, sāvajjādīsipi eseva nayo. Kaṇhasukkasappaṭibhāgesu pana kaṇhadhamme “sukkasappaṭibhāgā”ti, sukkadhamme “kaṇhasappaṭibhāgā”ti yena paññācakkhunā jāneyya, **tathārūpampissa cakkhu na hotīti**. Iminā nayena sesaṭṭhānesupi² attho veditabbo. **Ayaṃ vuccatīti** ayaṃ evarūpo puggalo diṭṭhadhammikabhogasaṃharaṇapaññācakkhuno ca samparāyikatthasodhanapaññācakkhuno ca abhāvā **andhoti** vuccati. Dutīyo diṭṭhadhammikabhogasaṃharaṇapaññācakkhuno bhāvā, samparāyikatthasodhanapaññācakkhuno pana abhāvā **ekacakkhūti** vuccati. Tatiyo dvinnampi bhāvā **dvicakkhūti** vuccati.

107. Avakujjapaññādīsū **dhammaṃ desentīti** “upāsako dhammassavanatthāya āgato”ti attano kammaṃ pahāya dhammaṃ desenti. **Ādikalyāṇanti** ādimhi kalyāṇaṃ bhaddakaṃ anavajjaṃ niddosaṃ katvā desenti. Sesapadesupi eseva nayo. Ettha pana **ādīti** pubbapaṭṭhapanā. **Majjhanti** kathāvemajjhaṃ. **Pariyosānanti** sanniṭṭhānaṃ. Itissa dhammaṃ kathentā pubbapaṭṭhapanepi kalyāṇaṃ bhaddakaṃ anavajjameva katvā kathenti, vemajjhapi pariyosānepi. Ettha ca atthi desanāya ādimajjhapariyosānāni, atthi sāsanaṃ. Tattha desanāya tāva catuppadikagāthāya paṭhamapadaṃ ādi, dve padāni majjhaṃ, avasānapadaṃ pariyosānaṃ. Ekānusandhikasuttassa nidānaṃ ādi, anusandhi majjhaṃ, idamavocāti appanā pariyosānaṃ. Anekānusandhikassa paṭhamo anusandhi ādi, tato paraṃ eko vā anekā vā majjhaṃ, pacchimo pariyosānaṃ. Ayaṃ tāva desanāya nayo.

1. Samugghātakaraṇasamatthatāya (Syā)

2. Sesavāresupi (Syā) Aṃ-Ṭṭha 2 Tikanipāte Puggalavaggavaṇṇanāyampi.

Sāsanassa pana sīlaṃ ādi, samādhi majjhaṃ, vipassanā pariyoṣānaṃ. Samādhi vā ādi, vipassanā majjhaṃ, maggo pariyoṣānaṃ. Vipassanā vā ādi, maggo majjhaṃ, phalaṃ pariyoṣānaṃ. Maggo vā ādi, phalaṃ majjhaṃ, nibbānaṃ pariyoṣānaṃ. Dve dve vā kariyamāne sīlasamādhayo ādi, vipassanāmaggā¹ majjhaṃ, phalanibbānāni pariyoṣānaṃ. **Sāthanti** sāthakaṃ katvā desenti. **Sabyañjananti** akkharapāripūriṃ katvā desenti. **Kevalaparipuṇṇanti** sakalaparipuṇṇaṃ anūnaṃ katvā desenti. **Parisuddhanti** parisuddhaṃ nijjaṭaṃ niggaṇṭhaṃ katvā desenti. **Brahmacariyaṃ pakāsentīti** evaṃ desentā ca seṭṭhacariyabhūtaṃ sikkhattayasaṅgahitaṃ ariyaṃ aṭṭhaṅgikaṃ maggaṃ pakāsentīti. **Neva ādiṃ manasi karotīti** neva pubbapaṭṭhapaṇaṃ manasi karoti. **Kumbhoti** ghaṭo. **Nikkujjoti** adhomukho ṭhapito. **Evamevanti** ettha kumbho nikkujjo viya avakujjapañño puggalo daṭṭhabbo, udakāsiñcanaḱālo viya dhammadesanāya laddhaḱālo, udakassa vivaṭṭanaḱālo viya tasmim āsane nisinnassa uggahetuṃ asamatthakaḱālo, udakassa asaṇṭhānaḱālo viya uṭṭhahitvā asallakkaṇaḱālo veditabbo. **Ayaṃ vuccatīti** ayaṃ evarūpo puggalo **avakujjapaññoti** vuccati, adhomukhapaññoti attho.

108. **Ākiṇṇānīti** pakkhittāni. **Satisammosā pakireyyāti** muṭṭhassatitāya vikireyya. **Evamevanti** ettha ucchaṅgo viya ucchaṅgapañño puggalo daṭṭhabbo, nānākhajjakāni viya nānappakāraṃ Buddhavacanaṃ, ucchaṅge nānākhajjakāni khādantassa nisinnakaḱālo viya tasmim āsane nisinnassa uggahaṇaḱālo, vuṭṭhahantassa satisammosā vikiraṇaḱālo viya tasmā āsanā vuṭṭhāya gacchantassa asallakkaṇaḱālo veditabbo. **Ayaṃ vuccatīti** ayaṃ evarūpo puggalo **ucchaṅgapaññoti** vuccati, ucchaṅgasadisapaññoti attho.

109. **Ukkujjoti** uparimukho ṭhapito. **Sanṭhātīti** patitṭhahati. **Evameva khoti** ettha uparimukho ṭhapito kumbho viya puthupañño puggalo daṭṭhabbo, udakassa āsittakaḱālo viya desanāya laddhaḱālo, udakassa saṇṭhānaḱālo viya tattha nisinnassa uggahaṇaḱālo, no

vivaṭṭanakālo viya uṭṭhāya gacchantassa sallakkhaṇakālo veditabbo. **Ayaṃ vuccatīti** ayaṃ evarūpo puggalo **puthupaññoti** vuccati, vitthārikapaññoti attho.

110. Avītarāgādīsu yathā sotāpannasakadāgāmino, evaṃ puthujjanopi pañcasu kāmagaṇesu tīsu ca bhavesu **avītarāgo**. Adabbatāya pana na gahito. Yathā hi cheko vaḍḍhakī dabbasambhāratthaṃ vanaṃ pavitṭho na ādito paṭṭhāya sampattasampattarukkhe chindati. Ye panassa dabbasambhārūpagā honti, teyeva chindati, evamidhāpi Bhagavatā dabbajātikā ariyāva¹ gahitā. Puthujjanā pana adabbatāya na gahitāti veditabbā. **Kāmesu vītarāgoti** pañcasu kāmagaṇesu vītarāgo. **Bhavesu avītarāgoti** rūpārūpabhavesu avītarāgo.

113. Pāsāṇalekhūpamādīsu **anusetīti** appahīnatāya anuseti. **Na khippaṃ lujjatīti** na antarā nassati, kappuṭṭhānēva nassati. **Evamevanti** evaṃ tassāpi puggalassa kodho na antarā punadivase vā aparadivase vā nibbāti, addhaniyo pana hoti, maraṇēva nibbātīti attho. **Ayaṃ vuccatīti** ayaṃ evarūpo puggalo pāsāṇalekhā viya kujjhanabhāvena ciraṭṭhitikato **pāsāṇalekhūpamoti** vuccati.

114. **So ca khvassa kodhoti** so appamattakepi kāraṇe sahasā kuddhassa kodho. **Na ciranti** aciram appahīnatāya anuseti². Yathā pana pathaviyaṃ ākaḍḍhitvā katalekhā vātādīhi khippaṃ nassati, evamassa³ sahasā uppānopi kodho khippameva nibbātīti attho. **Ayaṃ vuccatīti** ayaṃ evarūpo puggalo pathaviyaṃ lekhā viya kujjhanabhāvena aciraṭṭhitikato **pathavīlekhūpamoti** vuccati.

115. **Āgāḷhenāti** atigāḷhena mamacchedakena thaddhavacanena. **Pharusenāti** na sotasukhena. **Amanāpenāti** na cittasukhena. **Saṃsandatīti** ekībhavati. **Sandhiyatīti** ghaṭayati. **Sammodatīti** nirantaro hoti. Atha vā **saṃsandatīti** cittakiriyādīsu cittena samodhānaṃ gacchati, khīrodakaṃ viya ekībhāvaṃ upetīti attho. **Sandhiyatīti** ṭhānagamanādīsu

1. Ariyasāvaka (Syā)

2. Nānuseti (Ka)

3. Evamevassa (Sī, Syā)

kāyakiriyādīsu kāyena samodhānaṃ gacchati, tilataṇḍulā viya missībhāvaṃ upetīti attho. **Sammodatīti** uddesaparipucchādīsu vacīkiriyāsu vācāya samodhānaṃ gacchati, vippavāsagatopi piyasahāyako viya viyatarabhāvaṃ upetīti attho. Apica kiccakaraṇīyesu tehi saddhiṃ āditova ekakiriyabhāvaṃ upagacchanto saṃsandati, yāva majjhā pavattanto sandhiyati, yāva pariyoṣānā anivattanto sammodatītipi veditabbo. **Ayaṃ vuccatīti** ayaṃ evarūpo puggalo udakalekhā viya khippaṃ saṃsandanaṃ **udakalekhūpamoti** vuccati.

116. Potthakūpamesu yāya upamāya te **potthakūpamāti** vuccanti, taṃ tāva upamaṃ dassetuṃ **tayo potthakāti**-ādi vuttaṃ. Tattha **navoti** navavāyimo. **Potthakoti** sāṇavākasāṭako. **Dubbaṇṇoti** vivaṇṇo. **Dukkhasamphassoti** kharasamphasso. **Appagghoti** atibahuṃ agghanto kahāpaṇagghanaṃ hoti. **Majjhimoti** paribhogamajjhimo. So hi navabhāvaṃ atikkamitvā jiṇṇabhāvaṃ appatto majjhe paribhogakālepi dubbaṇṇo ca dukkhasamphasso ca appagghoyeva ca hoti, atibahuṃ agghanto aḍḍhaṃ agghati, jiṇṇakāle pana aḍḍhamāsakaṃ vā kākaṇikaṃ vā agghati. **Ukkhaliparimajjananti** kāḷukkhaliparipuñjanaṃ.

Navoti upasampadāya pañcavassakālato heṭṭhā jātiyā satthivassopi navoyeva. **Dubbaṇṇatāyāti** sarīravaṇṇenapi guṇavaṇṇenapi dubbaṇṇatāya. Dussīlassa hi parisamajjhe nisinnassa nittejatāya sarīravaṇṇopi na sampajjati, guṇavaṇṇe vattabbameva natthi. **Ye kho panassāti** ye kho pana tassa upaṭṭhākā vā ñātimittādayo vā etaṃ puggalaṃ sevanti. **Tesaṃ tanti** tesaṃ puggalānaṃ cha satthāre sevantānaṃ micchādīṭṭhikānaṃ viya, Devadattaṃ sevantānaṃ Kokālikādīnaṃ viya ca taṃ sevanaṃ dīgharattaṃ ahitāya dukkhāya hoti. **Majjhimoti** pañcavassakālato paṭṭhāya yāva navavassakālā majjhimo nāma. **Theroti** dasavassakālato paṭṭhāya thero nāma. **Evamāhamsūti** evaṃ vadanti. **Kim nu kho tuyhanti** tuyhaṃ bālassa saṇitena ko atthoti vuttaṃ hoti. **Tathārūpanti** tathājātikāṃ tathāsabhāvaṃ ukkhepanīyakammaṃ kārāṇabhūtaṃ.

117. Kāsikavatthūpamesu **kāsikavattham** nāma tayo kappāsaṃsū gahetvā kantitasuttēna vāyitaṃ sukhūmavattham, taṃ navavāyimaṃ anaggham hoti, paribhogamajjhimaṃ vīsampi timsampi sahaṣṣāni agghati, jīṇṇakāle pana aṭṭhapi dasapi sahaṣṣāni agghati.

Tesaṃ taṃ hotīti tesaṃ Sammāsambuddhādayo sevantānaṃ viya taṃ sevanaṃ dīgharattaṃ hitāya sukhāya hoti. Sammāsambuddhañhi ekaṃ nissāya yāvajjakālā muccanakasattānaṃ pamāṇaṃ natthi. Tathā Sāriputtattheramahāmogallānatthere avasese ca asītimahāsāvake nissāya saggam gatasattānaṃ pamāṇaṃ natthi. Yāvajjakālā tesaṃ diṭṭhānugatiṃ paṭipannasattānampi pamāṇaṃ natthiyeva. **Ādheyyaṃ gacchatīti** tassa mahātherassa taṃ atthanissitaṃ vacanaṃ yathā gandhakarāṇḍake kāsikavattham ādhātabbataṃ ṭhapetabbataṃ gacchati, evaṃ uttamaṅge sirasmiṃ hadaye ca ādhātabbataṃ ṭhapetabbatampi gacchati. Sesamettha heṭṭhā vuttānusāreṇeva veditabbaṃ.

118. Suppameyyādīsu sukhena pametabboti **suppameyyo**. **Idhāti** imasmiṃ satta-loke. **Uddhatoti** uddhaccena samannāgato. **Unnaḷoti** uggatanaḷo, tucchamānaṃ ukkhipitvā ṭhitoti attho. **Capaloti** pattamaṇḍanādīnā cāpallena samannāgato. **Mukharoti** mukhakharo. **Vikiṇṇavācoti** asaṃyatavacano. **Asamāhitoti** cittekaggaṭārahito. **Vibbhantacittoti** bhantacitto bhantaḡāvībhantamigīsappaṭibhāgo. **Pākaṭindriyoti** vivaṭindriyo. **Ayaṃ vuccatīti** ayaṃ evarūpo puggalo “suppameyyo”ti vuccati. Yathā hi parittassa udakassa sukhena pamāṇaṃ gayhati, evameva imehi aḡuṇaṅgehi samannāgatassa sukhena pamāṇaṃ gayhati, tenesa “suppameyyo”ti vutto.

119. Dukkheṇa pametabboti **duppameyyo**. **Anuddhatādīni** vuttapaṭipakkhavasena veditabbāni. **Ayaṃ vuccatīti** ayaṃ evarūpo puggalo “duppameyyo”ti vuccati. Yathā hi mahāsamuddassa dukkheṇa pamāṇaṃ gayhati, evameva imehi aḡuṇaṅgehi samannāgatassa dukkheṇa pamāṇaṃ gayhati, tādiso “anāḡāmī nu kho, khīṇāsavo nu kho”ti vattabbataṃ gacchati, tenesa “duppameyyo”ti vutto.

120. Na sakkā pametunti **appameyyo**. Yathā hi ākāśassa na sakkā pamāṇaṃ gaheṭum, evaṃ khīṇāsavassa. Tenesa “appameyyo”ti vutto.

121. Na sevittabbādīsu **na sevittabboti** na upasaṅkamittabbo. **Na bhajittabboti** na allīyittabbo. **Na payirupāsittabboti** na santike nisīdanavasena punappunaṃ upāsittabbo. **Hīno hoti sīlenāti**-ādīsu upādāyupādāya hīnatā vedittabbā. Yo hi pañca sīlāni rakkhati, so dasa sīlāni rakkhantena na sevittabbo. Yo pana dasa sīlāni rakkhati, so catupārisuddhisīlaṃ rakkhantena na sevittabbo. **Aññatra anuddaya¹ aññatra anukampāti** ṭhapetvā anuddayañca anukampañca. Attano atthāya eva hi evarūpo puggalo na sevittabbo, anuddayaṇukampāvasena pana taṃ upasaṅkamittum vaṭṭati.

122. **Sadiso hotīti** samāno hoti. **Sīlasāmaññāgatānaṃ satanti** sīlena samānabhāvaṃ gatānaṃ santānaṃ. **Sīlakathā ca no bhavissatīti** evaṃ samānasīlānaṃ amhākaṃ sīlameva ārabba kathā bhavissati. **Sā ca no phāsu bhavissatīti** sā ca sīlakathā amhākaṃ phāsuvihāro sukhavihāro bhavissati. **Sā ca no pavattinī bhavissatīti** sā ca amhākaṃ kathā divasampi kathentānaṃ pavattinī bhavissati, na paṭihaññissati. Dvīsu hi sīlavantesu ekena sīlassa vaṇṇe kathite itaro anumodati, tena tesaṃ kathā phāsu ceva hoti pavattinī ca. Ekasmim pana dussīle sati dussīlassa sīlakathā dukkathāti neva sīlakathā hoti na phāsu hoti na pavattinī. **Samādhipaññākathāsupi** eseva nayo. Dve hi samādhilābhino samādhikathaṃ, sappaññā ca paññākathaṃ kathentā² rattim vā divasaṃ vā atikkantampi na jānanti.

123. **Sakkatvā garuṃ katvāti** sakkārañceva garukārañca karitvā. **Adhiko hotīti** atireko hoti. **Sīlakkhandhanti** sīlarāsim. **Paripūressāmīti** taṃ atirekasīlaṃ puggalaṃ nissāya attano aparipūraṃ sīlarāsim paripūraṃ karissāmi. **Tattha tattha paññāya anuggahessāmīti** ettha

1. Anudaya (Syā)

2. Kathanti (Sī, Syā, Ka)

sīlassa asappāye anupakāradhamme vajjetvā sappāye upakāradhamme sevanto tasmim tasmim ṭhāne sīlakkhandham paññāya anuggaṇhāti nāma.

Samādhipaññākkhandhesupi eseva nayo.

124. Jigucchitabbādīsu **jigucchitabboti** gūtham viya jigucchitabbo. **Atha kho nanti** atha kho assa. **Kittisaddoti** kathāsaddo. **Evamevanti** ettha gūthakūpo viya dussīlyam daṭṭhabbam, gūthakūpe pativā ṭhito dhamanī-ahi viya dussīlapuggalo, gūthakūpato uddharyamānena tena ahinā purisassa sarīram āruḥhenāpi adaṭṭhabhāvo viya dussīlam sevamānassāpi tassa kiriyāya akaraṇabhāvo, sarīram gūthena makkhetvā ahino gatakālo viya dussīlam sevamānassa pāpakittisaddassa abbhuggamanakālo veditabbo.

125. **Tindukālātanti** tindukarukkha-alātam. **Bhiyyoso mattāya ciccīṭāyatīti** tañhi jhāyamānam pakatīyāpi papaṭikāyo muñcantam ciccīṭāyati ciṭṭīṭāti¹ saddam karoti, ghaṭṭitam pana adhimattam karotīti attho. **Evamevanti** evamevam kodhano attano dhammatāyapi uddhato caṇḍikato hutvā carati, appamattakam pana vacanam vuttakāle “mādisam nāma evam vadatī”ti atirekataram uddhato caṇḍikato hutvā carati. **Gūthakūpoti** gūthapuṇṇakūpo gūtharāsiyeva vā. Opammasaṃsandanam panettha purimanayeneva veditabbam. **Tasmā evarūpo puggalo ajjupekkhitabbo na sevītabboti** yasmā kodhano atiseviyamānopi ati-upasaṅkamiyamānopi kujjhatiyeva, “kim iminā”ti paṭikkamantopi kujjhatiyeva, tasmā palālaggi² viya ajjupekkhitabbo na sevītabbo. Kim vuttam hoti? Yo hi palālaggim ati-upasaṅkamitvā tappati, tassa sarīram jhāyati. Yo atipaṭikkamitvā tappati, tassa sītam na vūpasammati. Anupasaṅkamitvā apaṭikkamitvā pana majjhatabhāvena tappentassa sītam vūpasammati, kāyopi na ḍayhati. Tasmā palālaggi viya kodhano puggalo majjhatabhāvena ajjupekkhitabbo na sevītabbo na bhajītabbo na payirupāsītabbo.

126. **Kalyāṇamittoti** sucimitto. **Kalyāṇasahāyoti** sucisahāyo. **Sahāyoti** sahaḡamī saddhim caro. **Kalyāṇasampavaṅkoti**

1. Ciṭṭīṭāyatīti (Sī, Syā)

2. Palālaggi (Syā)

kalyāṇesu sucipuggalesu sampavaṅko, tanninnatappaṇatappabbhāramānasoti attho.

127. Sīsesu paripūrakārīti-ādīsu **sīlesu paripūrakārī**noti ete ariyasāvaka yāni tāni maggabrahmacariyassa ādibhūtāni ādibrahmacariyakāni pārājikasaṅkhātāni cattāri mahāsīlasikkhāpadāni, tesam avītikkamanato, yāni khuddānukhuddakāni āpajjanti, tehi ca vuṭṭhānato sīlesu yaṃ kattabbaṃ, taṃ paripūraṃ samattaṃ karontīti “sīlesu paripūrakārīno”ti vuccanti. Samādhipāribandhakānaṃ¹ pana kāmarāgabyāpādānaṃ, paññāpāribandhakassa ca saccapaṭicchādakassa mohassa asamūhatattā samādhiṃ paññaṅca bhāventāpi samādhipaññaṃsu yaṃ kattabbaṃ, taṃ mattaso pamāṇena padesamattameva karontīti **samādhismiṃ paññāya ca mattaso kāri**noti vuccanti. Iminā upāyena itaresupi dvīsu nāyesu attho vedītabbo.

Tatrāyaṃ aparopi suttantanayo—

“Idha bhikkhave bhikkhu sīlesu paripūrakārī hoti, samādhismiṃ mattaso kāri, paññāya mattaso kāri. So yāni tāni khuddānukhuddakāni sikkhāpadāni, tāni āpajjatipi vuṭṭhātipi. Taṃ kissa hetu? Na hi mettha bhikkhave abhabbatā vuttā. Yāni ca kho tāni sikkhāpadāni ādibrahmacariyakāni brahmacariyasārūppāni, tattha dhuvasīlo ca hoti ṭhitasīlo ca, samādāya sikkhati sikkhāpadesu. So tiṇṇaṃ saṃyojanānaṃ parikkhayā sotāpanno hoti avinipātadhammo niyato sambodhiparāyaṇo. Idha pana bhikkhave bhikkhu sīlesu -pa-. So tiṇṇaṃ saṃyojanānaṃ parikkhayā rāgadosamohānaṃ tanuttā sakadāgāmī hoti, sakideva imaṃ lokaṃ āgantvā dukkhassantaṃ karoti. Idha pana bhikkhave bhikkhu sīlesu paripūrakārī hoti, samādhismiṃ paripūrakārī, paññāya mattaso kāri. So yāni tāni -pa- sikkhati sikkhāpadesu. So pañcannaṃ orambhāgiyānaṃ -pa- anāvattidhammo tasmā lokā. Idha pana

1. Samādhipāripanthakānaṃ (Sī), samādhipāripanthikānaṃ (Syā)

bhikkhave bhikkhu sīlesu paripūrakārī, samādhismim paripūrakārī, paññāya paripūrakārī. So yāni tāni khuddānukhuddakāni -pa- sikkhati sikkhāpadesu. So āsavānaṃ khayā -pa- upasampajja viharatī”ti¹.

130. Sathhāraniddese **pariññāṃ paññāpetī**ti pahānaṃ samatikkamaṃ paññāpeti. **Tatrā**ti tesu tīsu janesu. **Tena daṭṭhabboti** tena paññāpanena so Sathhā **rūpāvacarasaṃpattiyā lābhī**ti daṭṭhabboti attho. Dutiyaavārepi eseva nayo. **Sammāsambuddho Sathhā tena daṭṭhabboti** tena titthiyehi asādhāraṇena paññāpanena ayaṃ tatiyo Sathhā Sabbaññubuddho daṭṭhabbo. Titthiyā hi kāmānaṃ pariññāṃ paññāpentō rūpabhavaṃ vakkhanti, rūpānaṃ pariññāṃ paññāpentā arūpabhavaṃ vakkhanti, vedanānaṃ pariññāṃ paññāpentā asaññabhavaṃ vakkhanti, sammā paññāpentā evaṃ paññāpeyyuṃ, no ca sammā paññāpetuṃ sakkonti. Sammāsambuddho pana kāmānaṃ pariññāṃ pahānaṃ anāgāmiṃ maggena paññāpeti, rūpavedanānaṃ pariññāṃ pahānaṃ arahattamaggena paññāpeti. **Ime tayo sathhāro**ti ime dve janā bhāhirakā, eko Sammāsambuddhoti imasmim loke tayo sathhāro nāma.

131. Dutiye sathhāraniddese **diṭṭhe ceva dhammeti** imasmim attabhāve. **Attāna saccato thetato paññāpetī**ti “attā nāmeko atthi nicco dhuvo sassato”ti bhūtato thirato paññāpeti. **Abhisamparāyañcā**ti aparasmim attabhāve evameva paññāpeti. Sesamettha vuttanayeneva veditabbanti.

Tikaniddesavaṇṇanā.

4. Catukkaniddesavaṇṇanā

132. Catukkaniddese **asappurisoti** lāmakapuriso. Pāṇaṃ atipātetīti **pāṇātipātī**. Adinnaṃ ādiyātīti **adinnādāyī**. Kāmesu micchā caratīti **kāmesumicchācārī**. Musā vadatīti **musāvādī**. Surāmerayamajjapamāde tiṭṭhatīti **surāmerayamajjapamādaṭṭhāyī**.

1. Am 1. 233 piṭṭhe.

133. **Pāṇātipāte samādapetīti** yathā pāṇaṃ atipāteti, tathā naṃ tattha gahaṇaṃ gaṇhāpeti. Sesesupi eseva nayo. **Ayaṃ vuccatīti** ayaṃ evarūpo puggalo yasmā sayāṃ katena ca dussīlyena samannāgato, yañca samādapitena kataṃ, tato upaḍḍhassa dāyādo, tasmā **asappurisenā asappurisaroti** vuccati. **Sappurisoti** uttamapuriso.

135. **Sappurisenā sappurisaroti** attanā katena susīlyena samannāgatattā yañca samādapito karoti, tato upaḍḍhassa dāyādattā uttamapurisenā uttamapurisarato.

136. **Pāpoti** akusalakammaphasāṅkhātena dasavidhena pāpena samannāgato.

138. **Kalyāṇoti** kusalakammaphasāṅkhātena dasavidhena kalyāṇadhammena samannāgato suddhako bhadraḥ. Sesamettha heṭṭhā vuttanayattā uttānatthameva.

140. Pāpadhammādīsu pāpo dhammo assāti **pāpadhammo**. Kalyāṇo dhammo assāti **kalyāṇadhammo**. Sesamettha uttānatthameva.

144. Sāvajjādīsu **sāvajjoti** sadoso. **Sāvajjena kāyakammenā**ti sadosena pāṇātipātādinā kāyakammena. Itaresupi eseva nayo. **Ayaṃ vuccatīti** ayaṃ evarūpo puggalo tīhi dvārehi āyūhanakammassa sadosattā gūthakuṇapādibharito padeso viya “sāvajjo”ti vuccati.

145. **Sāvajjena bahulantiyassa** sāvajjameva kāyakammaṃ bahu hoti appaṃ anavajjaṃ, so “sāvajjena bahula kāyakammena samannāgato appaṃ anavajjena”ti vuccati. Itaresupi eseva nayo. Ko pana evarūpo hotīti? Yo gāmadhammatāya vā nigamadhammatāya vā kadāci karahaci uposathaṃ samādiyati, silāni pūreti. **Ayaṃ vuccatīti** ayaṃ evarūpo

puggalo tīhi dvārehi āyūhanakammesu¹ sāvajjasseva bahulatāya anavajjassa appatāya **vajjabahuloti** vuccati.

Yathā hi ekasmiṃ padese dubbaṇṇāni duggandhāni pupphāni rāsikatānassu, tesam upari tahaṃ tahaṃ atimuttakavassikapāṭalāni patitāni bhaveyyum, evarūpo ayaṃ puggalo veditabbo. Yathā pana ekasmiṃ padese atimuttakavassikapāṭalāni rāsikatānassu, tesam upari tahaṃ tahaṃ dubbaṇṇaduggandhāni badarapupphādīni patitāni bhaveyyum, evarūpo tatiyo puggalo veditabbo. Catuttho pana tīhipi dvārehi āyūhanakammassa niddosattā catumadhurabharitasuvaṇṇapāti viya daṭṭhabbo. Tesu paṭhamo andhabālaputhujjano. Duttiyo antarantarā kusalassa kārako lokiyaputhujjano. Tatiyo sotāpanno. Sakadāgāmi-anāgāminopi eteneva saṅghitā. Catuttho khīṇāsavo. So hi ekantena anavajjoyeva. Ayaṃ Aṅguttaraṭṭhakathānayo².

148. Ugghaṭitaññū-ādīsu **ugghaṭitaññūti** ettha **ugghaṭitam** nāma ñāṇugghāṇam, ñāṇe³ ugghaṭitamatteyeva jānātīti attho. **Saha udāhaṭavelāyāti** udāhāre udāhaṭamatteyeva. **Dhammābhisamayoti** catusaccadhammassa ñāṇena saddhiṃ abhisamayo. **Ayaṃ vuccatīti** “ayaṃ cattāro satipaṭṭhānā”ti-ādīnā nayena saṃkhittena mātikāya ṭhapiyamānāya desanānusārena ñāṇam pesetvā arahattam gaṇhitum samattho puggalo “ugghaṭitaññū”ti vuccati.

149. Vipañcitam vitthāritameva attham jānātīti **vipañcitaññū**. **Ayaṃ vuccatīti** ayaṃ saṃkhittena mātikam ṭhapetvā vitthārena atthe bhājjiyamāne arahattam pāpuṇitum samattho puggalo “vipañcitaññū”ti vuccati.

150. Uddesādīhi netabboti **neyyo**. **Anupubbena dhammābhisamayo hotīti** anukkamena arahattappatti.

1. Āyūhanakammena (Sī, Syā)

2. Am-Ṭṭha 2 Catukkanipāte Puggalavaggavaṇṇanāyam.

3. Ñāṇena (Sī, Syā, Ka)

151. Byañjanapadameva paramaṃ assāti **padaparamo**. Na tāya jātiyā **dhammābhisamayo hotīti** na tena attabhāvena jhānaṃ vā vipassanaṃ vā maggaṃ vā phalaṃ vā nibbattetuṃ sakkotīti attho.

152. Yuttappaṭibhānādīsu paṭibhānaṃ vuccati ñāṇampi ñāṇassa upaṭṭhitavacanampi, taṃ idha adhippetam. Atthayuttaṃ kāraṇayuttaṃ paṭibhānamassāti **yuttappaṭibhāno**. Pucchitānantarameva sīghaṃ byākātum asamatthāya no muttaṃ paṭibhānamassāti **no muttappaṭibhāno**. Iminā nayena sesā veditabbā. Ettha pana paṭhamo kañci kālaṃ vīmaṃsitvā yuttameva pekkhati **Tipiṭakacūḷanāgatthero** viya. So kira pañhaṃ puṭṭho pariggahetvā yuttapayuttakāraṇameva katheti.

Dutiyo pucchānantarameva yena vā tena vā vacanena paṭibāhati, vīmaṃsitvāpi ca yuttaṃ na pekkhati **Catunīkāyikapaṇḍitatissatthero** viya. So kira pañhaṃ puṭṭho pañhapariyosānampi nāgameti, yaṃ vā taṃ vā kathetiyeva, vacanatthaṃ panassa vīmaṃsiyamānaṃ katthaci na laggati.

Tatiyo pucchāsamakārameva yuttaṃ pekkhati, taṅkhaṇaññeva vacanaṃ byākaroti **Tipiṭakacūḷābhayatthero** viya. So kira pañhaṃ puṭṭho sīghameva katheti, yuttapayuttakāraṇo ca hoti.

Catuttho puṭṭho samāno neva yuttaṃ pekkhati, na yena vā tena vā paṭibāhituṃ sakkoti, tibbandhakāranimuggo viya hoti **Lāḷudāyitthero** viya.

156. Dhammakathikesu **appañca bhāsati**ti sampattaparisāya thokameva katheti. **Asahitañcā**ti kathento ca pana na atthayuttaṃ kāraṇayuttaṃ katheti. **Parisā cassa na kusalā hotīti** sotuṃ nisinnaparisā cassa yuttāyuttaṃ kāraṇākāraṇaṃ siliṭṭhāsiliṭṭhaṃ na jānātīti attho. **Evarūpoti** ayaṃ evaṃjātikō bāladhammakathiko evaṃjātikāya bālaparisāya dhammakathikotveva nāmaṃ labhati. Iminā nayena sabbattha attho veditabbo. Ettha ca dveyeva janā sabhāvadhammakathikā, itare pana dhammakathikānaṃ antare pavīṭhattā evaṃ vuttā.

157. Valāhakūpamesu **valāhakā**ti meghā. **Gajjitā**ti thanitā. Tattha gajjitvā no vassanabhāvo nāma pāpako. Manussā hi yadā devo gajjati, “suvuṭṭhikā bhavissatī”ti bījāni nīharitvā vapanti, atha deve avassante khetta bījāni khetteyeva nassanti, gehe bījāni geheyeva nassantīti dubbhikkhaṃ hoti. No gajjitvā vassanabhāvopi pāpakova. Manussā hi “imasmiṃ kāle dubbuṭṭhikā bhavissatī”ti ninnaṭṭhānesuyeva vappaṃ karonti, atha devo vassitvā sabbabījāni mahāsamuddaṃ pāpeti, dubbhikkhameva hoti. Gajjitvā vassanabhāvo pana bhaddako, tadā hi subhikkhaṃ hoti. No gajjitvā no vassanabhāvo ekantapāpakova.

Bhāsītā hoti no kattāti “idāni ganthadhuraṃ pūressāmi, vāsadhuraṃ pūressāmi”ti kathetiyeva, na pana uddesaṃ gaṇhāti, na kammaṭṭhānaṃ bhāveti.

Kattā hoti no bhāsītāti “ganthadhuraṃ vā pūressāmi vāsadhuraṃ vā”ti na bhāsati, sampatte pana kāle tamatthaṃ sampādeti. Iminā nayena itarepi veditabbā. Sabbaṃ panetaṃ paccaḍāyakeveva kathitaṃ. Eko hi “asukadivase nāma dānaṃ dassāmi”ti saṃghaṃ nimanteti, sampattakāle no karoti, ayaṃ puggalo puññaena parihāyati, bhikkhusaṃghopi lābhena parihāyati. Aparo saṃghaṃ animantetvāva sakkāraṃ katvā “bhikkhū ānessāmi”ti na labhati, sabbe aññattha nimantitā honti, ayampi puññaena parihāyati, saṃghopi tena lābhena parihāyati. Aparo paṭhamaṃ saṃghaṃ nimantetvā pacchā sakkāraṃ katvā dānaṃ deti, ayaṃ kiccakārī hoti. Aparo neva saṃghaṃ nimanteti, na dānaṃ deti, ayaṃ pāpapuggaloti veditabbo.

158. Mūsikūpamesu **gādhaṃ kattā no vasitā**ti attano āsayaṃ bilaṃ kūpaṃ khaṇati, no tattha vasati, kismiñciveva ṭhāne vasati, evaṃ biḷārādi-amittavasāṃ gacchati. “Khattā”tipi pāṭho. **Vasitā no gādhaṃ kattā**ti sayāṃ na khaṇati, parena khate bile vasati, evaṃ jīvitaṃ rakkhati. Tatiyā dvepi karontī jīvitaṃ rakkhati. Catutthā dvepi akarontī amittavasāṃ gacchati. Imāya pana upamāya upamitesu

puggalesu paṭhamo yathā sā mūsikā gādham khaṇati, evaṃ navaṅgam Sattusāsanaṃ uggaṇhāti. Yathā pana sā tattha na vasati, kismiñcīdeva thāne vasantī amittavasam gacchati, tathā ayampi pariyattivasena ñāṇam pesetvā catusaccadhammam na paṭivijjhati, lokāmisatṭhānesuyeva caranto maccumārakilesamāradevaputtamārasaṅkhātānam amittānam vasam gacchati. Dutīyo yathā sā mūsikā gādham na khaṇati, evaṃ navaṅgam Sattusāsanaṃ na uggaṇhāti. Yathā pana parena khatabile vasantī jīvitam rakkhati, evaṃ parassa katham sutvā catusaccadhammam paṭivijjhitvā tiṇṇam mārānam vasam atikkamati. Iminā nayena tatiyacatutthesupi opammasaṃsandanaṃ veditabbaṃ.

159. Ambūpamesu **āmaṃ pakkavaṇṇī**ti anto āmaṃ, bahi pakkasadisam. **Pakkaṃ āmavaṇṇī**ti anto pakkaṃ, bahi āmasadisam. Sesadvayesupi eseva nayo. Tattha yathā ambe apakkabhāvo āmatā hoti, evaṃ puggalepi puthujjanabhāvo āmatā, ariyabhāvo pakkatā. Yathā ca tattha pakkasadisatā pakkavaṇṇitā, evaṃ puggalepi ariyānam abhikkamanādisadisatā pakkavaṇṇitāti iminā nayena upamitapuggalesu opammasaṃsandanaṃ veditabbaṃ.

160. Kumbhūpamesu **kumbhoti** ghaṭo. **Tucchoti** anto ritto. **Pihitoti** pidahitvā ṭhapito. **Pūroti** anto puṇṇo. **Vivaṭoti** vivaritvā ṭhapito. Upamitapuggalesu panettha anto guṇasāravirahito tuccho bāhīrasobhanatāya pihito puggalo veditabbo. Sesesupi eseva nayo.

161. Udakarahadūpamesu **udakarahado** tāva jaṇṇumattepi udake sati paṇṇarasasambhinnavaṇṇattā vā bahalattā vā udakassa apaññāyamānatalo **uttāno gambhīrobhāso** nāma hoti. Tiporisa catuporisepi pana udake sati acchattā udakassa paññāyamānatalo **gambhīro uttānobhāso** nāma hoti. Ubhayakāraṇasabbhāvato pana itare dve veditabbā. Puggalopi kilesussadabhāvato guṇavambhīratāya ca abhāvato guṇagambhīrānam sadisehi abhikkamādīhi yutto **uttāno gambhīrobhāso** nāma. Iminā nayena sesāpi veditabbā.

162. Balībaddūpamesu **balībaddo** tāva yo attano gogaṇaṃ ghaṭṭeti ubbejēti, paragogaṇe pana sorato sukhasīlo hoti, ayaṃ **sakagavacaṇḍo no paragavacaṇḍo** nāma. Puggalopi attano parisam ghaṭṭento vijjhanto pharusena samudācaranto, paraparisāya pana soraccaṃ nivātavuttitaṃ āpajjanto **sakagavacaṇḍo hoti no paragavacaṇḍo** nāmāti iminā nayena sesāpi veditabbā. Niddesavāre panettha **ubbejitā hotīti** ghaṭṭetvā vijjhivā ubbegappattam karoticceva attho.

163. Āsīvisūpamesu **āsīviso** tāva yassa visam āsum āgacchati, sīgham pharati, ghoram pana na hoti, cirakālam na pīleti, ayaṃ **āgataviso no ghoraviso**. Sesapadesupi eseva nayo. Puggalavibhājanam pana uttānatthameva.

164. Ananuvicca **apariyogāhetvā avaṇṇarahassa vaṇṇam bhāsītā hotīti-**ādīsu **ananuviccāti** atulayitvā apariggaṇhitvā. **Apariyogāhetvāti** paññāya guṇe anogāhetvā.

166. **Bhūtam tacchanti** vijjamānato bhūtam, aviparītato **taccham**. **Kālenāti** yuttapayuttakālena. **Tatra kālaññū hotīti** yamidam kālenāti vuttam, tatra yo puggalo kālaññū hoti kālam jānāti tassa pañhassa veyyākaraṇatthāya “imasmiṃ kāle pucchitenāpi mayā na kathetabbā, imasmiṃ kāle kathetabbā”ti, ayaṃ kālena bhaṇati nāma. **Upekkhako viharatīti** majjhatabhūtāya upekkhāya ṭhito hutvā viharati. Sesam sabbattha uttānatthameva.

167. Uṭṭhānaphalūpajīvīti-ādīsu yo uṭṭhānavīriyeneva divasam vītināmetvā tassa nissandaphalamattam kiñcideva labhitvā jīvikam kappeti, tam pana uṭṭhānam āgamma kiñci puññaphalam na paṭilabhati, tam sandhāya **yassa puggalassa uṭṭhahatoti-**ādī vuttam. **Tatūpari devāti** tato upari brahmakāyikādayo devā. Tesañhi uṭṭhānavīriyena kiccaṃ nāma natthi, puññaphalameva upajīvanti. **Puññavato cāti** idam puññavante khattiyabrāhmaṇādayo ceva bhummadeve ādim katvā Nimmānaratipariyosāne deve ca

sandhāya vuttaṃ. Sabbepi hete vāyāmaphalañceva puññaphalañca anubhavanti. Nerayikā pana neva uṭṭhānena ājīvaṃ uppādetuṃ sakkonti, nāpi nesam̐ puññaphalena koci ājīvo uppajjati.

168. Tamādīsu “nīce kule paccājāto”ti-ādikena tamena yuttoti **tamo**. Kāyaduccaritādīhi puna nirayatamūpagamanato **tamaparāyaṇo**. **Nesādakuleti** migaluddakādīnaṃ kule. **Venakuleti** vilīvakārakule. **Rathakārakuleti** cammakārakule. **Pukkusakuleti** pupphachaḍḍakakule. **Kasiravuttiketi** dukkavuttike. **Dubbaṇṇoti** paṃsupisācako viya jhāmakhāṇucaṇṇo. **Duddasikoti** vijātamātuyāpi amanāpadassano. **Okotimakoti** lakuṇḍako. **Kāṇoti** ekakkhikāṇo vā ubhayakkhikāṇo vā. **Kuṇṇoti** ekahatthakuṇṇi vā ubhayahatthakuṇṇi vā. **Khañjoti** ekapādakhañjo vā ubhayapādakhañjo vā. **Pakkhahatoti** hatapakkho pīṭhasappī. **Padīpeyyassāti** telakapallakādino padīpūpakaraṇassa. **Evam̐ puggalo tamo hoti tamaparāyaṇoti** ettha eko puggalo bahiddhā ālokaṃ adisvā mātukucchismiññeva kālaṃ katvā apāyesu nibbattanto sakalepi kappe saṃsarati, sopi tamo tamaparāyaṇova. So pana kuhakapuggalo bhaveyya, kuhakassa hi evarūpā nibbatti hotīti vuttaṃ.

Ettha ca **nīce kule paccājāto hoti caṇḍālakule vāti**-ādīhi āgamanavipatti ceva pubbuppannapaccayavipatti ca dassitā, **daliddeti**-ādīhi pavattipaccayavipatti, **kasiravuttiketi**-ādīhi ājīvupāyavipatti, **dubbaṇṇoti**-ādīhi rūpavipatti, **bahvābādhoti**-ādīhi dukkhakāraṇasamāyogo, **na lābhīti**-ādīhi sukhakāraṇavipatti ceva upabhogavipatti ca, **kāyena duccaritanti**-ādīhi tamaparāyaṇabhāvassa kāraṇasamāyogo, **kāyassa bhedāti**-ādīhi samparāyikatamūpagamo. Sukkapakkho vuttapaṭipakkhanayena veditaḅbo.

Apicettha tividhāya kulasampattiyā paccājāti-ādikena jotinā yuttato **joti**, ālokabhūtoti vuttaṃ hoti. Kāyasucaritādīhi pana saggūpapattijotibhāvūpagamanato **jotiparāyaṇo**. **Khattiyamahāsālakule vāti**-ādīsu **khattiyamahāsālāti** khattiyā

mahāsārā mahāsārappattā khattiyā. Yesañhi khattiyānaṃ heṭṭhimantena koṭṭisatāṃ nidhānagatāṃ hoti, tayo kahāpaṇakumbhā vaḷañjanatthāya gehamajjhe rāsīm katvā ṭhapitā honti, te khattiyamahāsālā nāma. Yesāṃ brāhmaṇānaṃ asītikoṭṭidhanaṃ nihitaṃ hoti, diyaḍḍho kahāpaṇakumbho vaḷañjanatthāya gehamajjhe rāsīm katvā ṭhapito hoti, te **brāhmaṇamahāsālā** nāma. Yesāṃ gahapatīnaṃ cattālīsakoṭṭidhanaṃ nihitaṃ hoti, kahāpaṇakumbho vaḷañjanatthāya gehamajjhe rāsīm katvā ṭhapito hoti, te **gahapatimahāsālā** nāma, tesāṃ kuleti attho. **Aḍḍheti** issare.

Nidhānagatadhanassa mahantatāya **mahaddhane**.

Suvaṇṇarajatabhājanādīnaṃ upabhogabhaṇḍānaṃ mahantatāya **mahābhoge**.

Nidhānagatassa jātarūparajatassa pahūtātāya **pahūtajātarūparajate**.

Vittūpakaraṇassa tuṭṭhikāraṇassa pahūtātāya **pahūtavittūpakaraṇe**.

Godhanādīnaṃca sattavidhadhaññānaṃca pahūtātāya **pahūtadhanadhaññe**.

Abhirūpoti sundararūpo. **Dassanīyoti** aññaṃ kammaṃ pahāya divasampi

passitabbayutto. **Pāsādikoti** dassaneneva cittappasādāvaho. **Paramāyāti**

uttamāya. **Vaṇṇapokkharatāyāti** pokkharavaṇṇatāya. Pokkharāṃ vuccati

sarīraṃ, tassa vaṇṇasampattiyāti attho. **Samannāgatoti** upeto.

169. Oṇatoṇatādīsu diṭṭhadhammikāya vā samparāyikāya vā sampattiyā virahito **oṇato**, nīco lāmakoti attho. Tabbipakkhato **uṇṇato**, ucco uggatoti attho. Sesamettha tamādīsu vuttanayeneva veditabbaṃ. Apica **oṇatoṇatoti** idāni nīco, āyatimpi nīcova bhavissati. **Oṇatuṇṇatoti** idāni nīco, āyatim ucco bhavissati. **Uṇṇatoṇatoti** idāni ucco, āyatim nīco bhavissati. **Uṇṇatuṇṇatoti** idāni ucco, āyatimpi uccova bhavissatīti.

170. Rukkhūpamesu rukkho tāva **pheggusāravarivāroti** vanajetṭhakarukkho sayāṃ pheggu hoti, parivārarukkḥā panassa sārā honti. Iminā nayena sesā veditabbā. Puggalesu pana sīlasāravirahato pheggutā, sīlacārasamannāgamena ca sārātā veditabbā.

171. Rūpappamāṇādīsu sampattiyuttaṃ rūpaṃ pamāṇaṃ karotīti **rūpappamāṇo**. Tattha pasādaṃ janetīti **rūpappasanno**. Kittisaddabhūtaṃ ghosaṃ pamāṇaṃ karotīti **ghosappamāṇo**. Ārohaṃ vāti-ādīsu pana **ārohanti** uccattanaṃ. **Parināhanti** kisathūlabhāvāpagataṃ parikkhepasampattiṃ. **Sanṭhānanti** aṅgapaccaṅgānaṃ dīgharassavaṭṭatādiyuttatṭhānesu tathābhāvaṃ. **Pāripūrinti** yathāvuttappakārānaṃ anūnataṃ lakkaṇaparipuṇṇabhāvaṃ vā. **Paravaṇṇanāyāti** parehi parammukhā nicchāritāya guṇavaṇṇanāya. **Parathomanāyāti** parehi thutivasena gāthādi-upanibandhanena vuttāya thomanāya. **Parapasamsanāyāti** parehi sammukhā vuttāya pasamsāya. **Paravaṇṇahārikāyāti** paramparathutivasena parehi pavattitāya vaṇṇaharaṇāya.

172. **Cīvaralūkhanti** cīvarassa dubbaṇṇādibhāvena lūkhataṃ. **Pattalūkhanti** bhājanassa vaṇṇasaṅghānavatthūhi lūkhataṃ. **Senāsanalūkhanti** nāṭakādisampattivirahena senāsanassa lūkhataṃ. **Vividhanti** acelakādisambhāvena anekappakāraṃ. **Dukkarakārikanti** sarīratāpanaṃ.

Aparo nayo—imesu hi catūsu puggalesu rūpe pamāṇaṃ gahetvā pasanno rūpappamāṇo nāma, rūpappasannoti tasseva atthavacanaṃ. Ghose pamāṇaṃ gahetvā pasanno ghosappamāṇo nāma. Cīvaralūkhapattalūkhesu pamāṇaṃ gahetvā pasanno lūkhappamāṇo nāma. Dhamme pamāṇaṃ gahetvā pasanno dhammappamāṇo nāma. Itarāni tesāmyeva atthavacanāni. Sabbasatte ca tayo koṭṭhāse katvā dve koṭṭhāsā rūpappamāṇā, eko na rūpappamāṇo. Pañca koṭṭhāse katvā cattāro koṭṭhāsā ghosappamāṇā, eko na ghosappamāṇo. Dasa koṭṭhāse katvā nava koṭṭhāsā lūkhappamāṇā, eko na lūkhappamāṇo. Satasahassaṃ koṭṭhāse katvā pana eko koṭṭhāsova dhammappamāṇo, sesā na dhammappamāṇā. Evamayaṃ catuppamāṇo lokasannivāso.

Etasmim catuppamāṇe lokasannivāse Buddhesu appasannā mandā, pasannāva bahukā. Rūpappamāṇassa hi Buddharūpato uttari pasādāvahaṃ rūpaṃ nāma natthi. Ghosappamāṇassa Buddhānaṃ kittighosato uttari pasādāvaho ghoso nāma natthi. Lūkhappamāṇassa kāsikāni vatthāni

mahārahāni kañcanabhājanāni tiṇṇaṃ utūnaṃ anucchavike
 sabbasampattiyutte pāsādavare pahāya
 paṃsukūlacīvaraselamayapattarukkhamūlādisenāsanasevino Buddhassa
 Bhagavato lūkhato uttari pasādāvahaṃ aññaṃ lūkhaṃ nāma natthi.
 Dhammappamāṇassa sadevake loke asādhāraṇasīlādiguṇassa Tathāgatassa
 sīlādiguṇato uttari pasādāvaho añño sīladiguṇo nāma natthi. Iti Bhagavā
 imaṃ catuppamāṇikaṃ lokasannivāsaṃ muṭṭhinā gahetvā viya ʘhitoti.

173. Attahitāya paṭipannādīsu **sīlasampannoti** sīlena sampanno
 samannāgato. **Samādhisampannoti**-ādīsipi eseva nayo. Ettha ca sīlaṃ
 lokiyalokuttaraṃ kathitaṃ. Tathā samādhipaññā ca. **Vimutti**
 arahattaphalavimuttiyeva. **Ñānadassanaṃ** ekūnavīsatividhaṃ
 paccavekkhaṇaññaṃ. **No paranti**-ādīsu parapuggalaṃ “tayāpi
 sīlasampanna bhavituṃ vaṭṭatī”ti vatvā yathā sīlaṃ samādiyati, evaṃ na
 samādapeti na gaṇhāpeti. Eseva nayo sabbattha. Etesu pana catūsu paṭhamo
 Vakkalitttherosadiso hoti, dutiyo Upanandasakyaputtasadiso, tatiyo
 Sāriputtamoggallānattherosadiso, catuttho Devadattasadiso veditabbo.

174. Attantapādīsu attānaṃ tapati dukkhāpetīti **attantapo**. Attano
 paritāpanānuyogaṃ **attaparitāpanānuyogaṃ**. **Acelakoti** niccelo naggo.
Muttācāroti visatṭhācāro, uccārakammādīsu lokiyakulaputtācārena virahito
 ʘhitakova uccāraṃ karoti, passāvaṃ karoti, khādati, bhuñjati ca.
Hatthāpalekhanoti hatthe piṇḍamhi niṭṭhite jivhāya hatthaṃ apalekhati,
 uccāraṃ vā katvā hatthasmiññeva daṇḍakasaññī hutvā hatthena apalekhatīti
 dasseti. Te kira daṇḍakaṃ sattoti paññapenti. Tasmā tesāṃ paṭipadaṃ
 pūrento evaṃ karoti. Bhikkhāgahaṇatthaṃ “ehi bhaddante”ti vutto na eṭīti
na-ehibhaddantiko. “Tena hi tiṭṭha bhaddante”ti vuttopi na tiṭṭhatīti
natīṭṭhabhaddantiko. Tadubhayampi hetāṃ titthiyā “etassa vacanaṃ kataṃ
 bhavissatī”ti na karonti. **Abhihaṇanti** puretaraṃ gahetvā āhaṇaṃ bhikkhaṃ.
Uddissakatanti “imaṃ tumhe uddissa katan”ti evaṃ ārocitabhikkhaṃ. **Na**
nimantananti “asukāṃ nāma kulāṃ vā vīthiṃ vā gāmaṃ vā paviseyyāthā”ti
 evaṃ nimantitabhikkhampi na sādīyati, na gaṇhāti.

Na kumbhimukhāti kumbhito uddharitvā diyyamānaṃ bhikkhaṃ na gaṇhāti. **Na kaḷopimukhāti kaḷopīti** ukkhali vā pacchi vā, tatopi na gaṇhāti. Kasmā? Kumbhikaḷopiyo kaṭacchunā pahāraṃ labhantīti. **Na eḷakamantaranti** ummāraṃ antaraṃ katvā diyyamānaṃ na gaṇhāti. Kasmā? Ayam maṃ nissāya antarakaraṇaṃ labhatīti. **Daṇḍamusalesupi** eseva nayo. **Dvinnanti** dvīsu bhuñjamānesu ekasmiṃ uṭṭhāya dente na gaṇhāti. Kasmā? Kabaḷantarāyo hotīti. **Na gabbhiniyāti-ādīsu** pana gabbhiniyā kucchiyaṃ dāraḷo kilamati. **Pāyantiyā** dāraḷakassa khīrantarāyo hoti. **Purisantaragatāya** rati-antarāyo hotīti na gaṇhāti. **Na saṅkittīsūti** saṅkittitvā katabhatesu. Dubbhikkhasamaye kira acelakasāvakaḷo acelakānaṃ atthāya tato tato taṇḍulādīni samāpetvā bhattaṃ pacanti, ukkaṭṭhācelako tato na paṭiggaṇhāti. **Na yattha sāti** yattha sunakho “piṇḍaṃ labhissāmi”ti upaṭṭhito hoti, tattha tassa adatvā āhaṭaṃ na gaṇhāti. Kasmā? Etassa piṇḍantarāyo hotīti.

Sanḍasaṇḍacārīnīti samūhasamūhacārīnī. Sace hi acelakaṃ disvā “imassa bhikkhaṃ dassāma”ti mānussakā bhattagehaṃ pavisanti, tesu ca pavisantesu kaḷopimukhādīsu nilīnā makkhikā uppatitvā sanḍasaṇḍā caranti, tato āhaṭaṃ bhikkhaṃ na gaṇhāti. Kasmā? Maṃ nissāya makkhikānaṃ gocarantarāyo jātoti. **Thusodakanti** sabbasassasambhārehi kataṃ sovīraḷaṃ. Ettha ca surāpānameva sāvajjaṃ, ayaṃ pana etasmimpi sāvajjasāññī. **Ekāgārikoti** yo ekasmiṃyeva gehe bhikkhaṃ labhitvā nivattati. **Ekālopikoti** yo ekeneva ālopena yāpeti. **Dvāgārikādīsupi** eseva nayo. **Ekissāpi dattiyāti** ekāya dattiyā. Datti nāma ekā khuddakapāti hoti, yattha aggabhikkhaṃ pakkhipitvā ṭhapenti.

Ekāhikanti ekadivasantarikaṃ. **Aḍḍhamāsikanti** aḍḍhamāsantarikaṃ. **Pariyāyabhattabhojananti** vārabhattabhojanaṃ, ekāhavārena dvīhavārena sattāhavārena aḍḍhamāsavārenāti evaṃ divasavārena ābhatabhattabhojanaṃ. **Sākabhakkhoti** allasākabhakkho. **Sāmākabhakkhoti** sāmākataṇḍulabhakkho. Nīvārādīsu **nīvārā** nāma tāva araṇṇe sayam jāta vīhijāti. **Daddulanti** cammakārehi cammaṃ vilikhitvā chaḍḍitakasaṭaṃ. **Haṭaṃ**

vuccati silesopi sevālopi kaṇikārādirukkhanīyāsopi. **Kaṇanti** kuṇḍakaṃ. **Ācāmoti** bhatta-ukkhalikāya laggo jhāmodano, taṃ chaḍḍitaṭṭhāne gahetvā khādāti. “Odanakañḍiyan”tipi vadanti. **Piñṇākā**dayo pākāṭā eva. **Pavattaphalabhojī** patitaphalabhojī.

Sāṇānīti sāṇavākacelāni. **Masāṇānī**ti missakacelāni. **Chevadussānī**ti matasarīrato chaḍḍitavattḥāni, erakatiṇādīni vā ganthetvā katanivāsanāni. **Paṃsukūlānī**ti pathaviyaṃ chaḍḍitanantakāni. **Tiriṭṭānī**ti rukkhattacavatthāni. **Ajinanti** ajinamigacammaṃ. **Ajinakkhipanti** tadeva majjhe phālitaṃ, sakhurakantiipi vadanti. **Kusacīranti** kusatiṇāni ganthetvā katacīrakaṃ. **Vākacīraphalakacīresupi** eseva nayo. **Kesakambalanti** manussakesehi katakambalaṃ. Yaṃ sandhāya vuttaṃ “seyyathāpi bhikkhave yāni kānici tantāvutānaṃ vatthānaṃ, kesakambalo tesāṃ paṭikuṭṭho akkhāyati”ti¹. **Vālakambalanti** assāvāḷādīhi katakambalaṃ. **Ulūkapakkhanti** ulūkapattāni ganthetvā katanivāsanāni. **Ubbhaṭṭhakoti** uddhaṃ ṭhitako.

Ukkuṭikappadhānāmanuyuttoti ukkuṭikavīriyaṃ anuyutto, gacchantopi ukkuṭikova hutvā uppativā uppativā gacchati. **Kaṇṭakāpassayikoti** ayakaṇṭake vā pakatikaṇṭake vā bhūmiyaṃ koṭṭetvā tattha cammaṃ attharivā ṭhānacaṅkamādīni karoti. **Seyyanti** sayantopi tattheva seyyaṃ kappeti. Sāyaṃ tatiyamassāti **sāyatatiyakaṃ**. Pāto, majjhanhike, sāyanti divasassa tikkhattuṃ pāpaṃ pavāhessāmīti udakorohanānuyogaṃ anuyutto viharati.

175. Paraṃ tapatīti **parantapo**. Paresāṃ paritāpanānuyogaṃ **paraparitāpanānuyogaṃ**. Orabbhikādīsu urabbhā vuccanti eḷakā, urabbhe hanatīti **orabbhiko**. **Sūkarikādīsupi** eseva nayo. **Luddoti** dāruṇo kakkhaḷo. **Macchaghātakoti** macchabandho kevaṭṭo. **Bandhanāgārikoti** bandhanāgāragopako. **Kurūrakammantāti** dāruṇakammantā.

176. **Muddhāvasittoti** khattiyābhisekena muddhani abhisitto. **Puratthimena nagarassāti** nagarato puratthimadisāya. **Sandhāgāranti**

1. Am 1. 290 piṭṭhe.

yaññasālam. **Kharājinam nivāsetvāti** sakhuram ajinacammam nivāsetvā. **Sappitelenāti** sappinā ca telena ca. Ṭhapetvā hi sappim avaseso yokoci sneho telanti vuccati. **Kaṇḍuvamānoti** nakhānam chinnattā kaṇḍuvitabbakāle tena kaṇḍuvamāno. **Anantarahitāyāti** asanthatāya. **Sarūpavacchāyāti** sadisavacchāya. Sace gāvī setā hoti, vacchopi setakova, sace kabarā vā rattā vā, vacchopi tādisovāti evam sarūpavacchāya. **So evamāhāti** so rājā evam vadeti. **Vacchatarāti** taruṇavacchakabhāvam atikkantā balavavacchā. **Vacchatarisupi** eseva nayo. **Barihisatthāyāti** parikkhepakaraṇatthāya ceva yaññabhūmiam attharaṇatthāya ca.

177. **Diṭṭheva dhammeti** imasmiṃyeva attabhāve. **Nicchātoti** chātam vuccati taṇhā, sā assa natthīti nicchāto. Sabbakilesānam nibbutattā **nibbuto**. Anto tāpanakilesānam abhāvā sītalo jātoti **sītībhūto**. Jhānamaggaphalanibbānasukhāni paṭisamvedetīti **sukhappaṭisamvedī**. **Brahmabhūtena attanāti** seṭṭhabhūtena attanā.

Imam pana puggalam Buddhuppādato paṭṭhāya dassetuṃ **idha Tathāgatoti**-ādimāha, tattha **Tathāgatoti** aṭṭhahi kāraṇehi Bhagavā Tathāgato, tathā āgatoti Tathāgato, tathā gatoti Tathāgato, tathalakkhaṇam āgatoti Tathāgato, tathadhamme yāthāvato abhi-asambuddhoti Tathāgato, tathadassitāya Tathāgato, tathāvādiyāya Tathāgato, tathākāritāya Tathāgato, abhibhavanaṭṭhena Tathāgatoti. **Araham Sammāsambuddhoti**-ādini **Visuddhimagge** vitthāritāneva. **Tam dhammanti** tam vuttappakārasampadam dhammam. **Suṇāti gahapati vāti** kasmā paṭhamam gahapatim niddisati? Nihatamānattā ussannattā ca, yebhuyyena hi khattiyakulato pabbajitā jātīm nissāya mānam karonti, brāhmaṇakulā pabbajitā mante nissāya mānam karonti, hīnajaccakulā pabbajitā attano vijātītāya patitṭhātum na sakkonti. Gahapatidārakā pana kacchehi sedam muñcantehipiṭṭhiyā loṇam pupphamānāya bhūmim kasitvā tādisassa mānassa abhāvato nihatamānadappā¹ honti, te pabbajitvā mānam vā dappam vā akatvā yathābalam

1. Nihatamānadabbā (Ka)

Buddhavacanāṃ uggahetvā vipassanāya kammaṃ karontā sakkonti arahatte patijāto¹. Itarehi ca kulehi nikkhamitvā pabbajitā nāma na bahukā, gahapatikāva bahukā. Iti nihataṃānattā ussannattā ca paṭhamāṃ gahapatim niddisatīti.

Aññatarasmim vāti itaresaṃ vā kulānaṃ aññatarasmim. **Paccājāto**ti patijāto¹. **Tathāgate saddhaṃ paṭilabhatīti** parisuddhaṃ dhammaṃ sutvā Dhammassāṃmimhi Tathāgate “Sammāsambuddho vata so Bhagavā”ti saddhaṃ paṭilabhati. **Iti paṭisañcikkhatīti** evaṃ paccavekkhati. **Sambādhogharāvāsoti** sacepi saṭṭhihatthe ghare yojanasatantarepi vā dve jāyampatikā vasanti, tathāpi nesaṃ sakiñcanasapalibodhaṭṭhena gharavāso sambādhoyeva. **Rajopathoti** rāgarajādīnaṃ uṭṭhānaṭṭhānanti Mahā-aṭṭhakathāyaṃ vuttaṃ. “Āgamanapatho”tipi vattum vaṭṭati. Alagganaṭṭhena abbhokāso viyāti **abbhokāso**. Pabbajito hi kūṭāgāraranapāsāde ca devavimānādīsu ca supihitadvāravātapānesu paṭicchannesu vasantopi neva lagati na sajjati na bajjhati. Tena vuttaṃ “abbhokāso pabbajjā”ti.

Apica sambādhogharāvāso kusalakiriyāya okāsābhāvato. Rajopatho asaṃvutasaṅkāraṭṭhānaṃ viya rajānaṃ kilesarajānaṃ sannipātaṭṭhānato. Abbhokāso pabbajjā kusalakiriyāya yathāsukhaṃ okāsasabbhāvato. **Nayidaṃ sukaraṃ -pa- pabbajeyyanti** ettha ayaṃ saṅkhepakathā—yadetaṃ sikkhattayabrahmacariyaṃ ekampi divasaṃ akhaṇḍaṃ katvā carimakacittam pāpetabbatāya **ekantaparipuṇṇaṃ**, ekadivasampi ca kilesamaleṇa amalīnaṃ katvā carimakacittam pāpetabbatāya **ekantaparisuddhaṃ**, **saṅkhalikhitaṃ** likhitasāṅkhasadisāṃ dhotasaṅkhasappaṭibhāgaṃ caritabbam. Idaṃ na sukaraṃ agāraṃ ajjhāvasatā agāramajjhe vasantena ekantaparipuṇṇaṃ -pa-caritum, yannūnāhaṃ kese ca massuñca ohāretvā kasāyarasapītātāya kāsāyāni brahmacariyaṃ carantānaṃ anucchavikāni vatthāni acchādetvā paridahitvā agārasmaṃ nikkhamitvā anagāriyaṃ pabbajeyyanti. Ettha ca yasmā agārasa hitaṃ kasivāṇijjādikammaṃ agāriyanti vuccati, tañca pabbajjāya natthi, tasmā pabbajjā anagāriyanti ñātābbā, **taṃ anagāriyaṃ**.

1. Aññatarasmim jāto (Sī, Syā) Ma-Ṭṭha 2. 108 piṭṭhe passitabbam.

Pabbajeyyanti paṭipajjeyyaṃ. **Appaṃ vāti** saḥassato heṭṭhā bhogakkhandho appo nāma hoti, saḥassato paṭṭhāya mahā. Ābandhanaṭṭhena ñātiyeva **ñātiparivaṭṭo**, sopi vīsatiyā heṭṭhā appo hoti, vīsatiyā paṭṭhāya mahā.

178. **Bhikkhūnaṃ sikkhāsājīvasamāpannoti** yā bhikkhūnaṃ adhisīlasaṅkhātā sikkhā, tañca, yattha cete saha jīvanti, ekajīvikā sabhāgavuttino honti, taṃ Bhagavatā paññāttasikkhāpadasaṅkhātāṃ sājīvaṃ ca, tattha sikkhanabhāvena samāpannoti **bhikkhūnaṃ sikkhāsājīvasamāpanno**. **Samāpannoti** sikkhaṃ paripūrento sājīvañca avītikkamanto hutvā tadubhayaṃ upagatoti attho. **Pāṇātipātāṃ pahāyāti** ādisu pāṇātipātādīkathā heṭṭhā vitthāritā eva. **Pahāyāti** imaṃ pāṇātipātacetanāsaṅkhātāṃ dussīlyāṃ pajahitvā. **Paṭivirato hotīti** pahīnakālato paṭṭhāya tato dussīlyato orato viratova hoti. **Nihitadaṇḍo nihitasatthoti** parūpaghātattṭhāya daṇḍaṃ vā satthaṃ vā ādāya avattanato nikkhattadaṇḍo ceva nikkhattasattho cāti attho. Ettha ca ṭhapetvā daṇḍaṃ sabbampi avasesaṃ upakaraṇaṃ sattānaṃ vināsanabhāvato¹ satthanti veditabbaṃ. Yaṃ pana bhikkhū kattaradaṇḍaṃ vā dantakaṭṭhavāsīṃ vā pipphalikaṃ vā gahetvā vicaranti, na taṃ parūpaghātattṭhāya. Tasmā “nihitadaṇḍā nihitasatthā”tveva saṅkhaṃ gacchanti. **Lajjīti** pāpajigucchanaḥkhaṇāya lajjāya samannāgato. **Dayāpannoti** dayāṃ mettacittataṃ āpanno. **Sabbapāṇabhūtāhitānukampīti** sabbe pāṇabhūte hitena anukampako, tāya dayāpannatāya sabbesaṃ pāṇabhūtānaṃ hitacittakoti attho. **Viharatīti** iriyati pāleti.

Dinnameva ādiyatīti **dinnādāyī**. Cittenapi dinnameva paṭīkaṅkhatīti **dinnapāṭīkaṅkhī**. Thenefīti theno, na thenena **athenena**. Athenattāyeva **sucibhūtena**. **Attanāti** attabhāvena. Athenāṃ sucibhūtaṃ attabhāvaṃ katvā viharatīti vuttaṃ hoti.

1. Vihimsanabhāvato (Sī, Syā) Ma-Ṭṭha 2. 110 piṭṭhepi.

Abrahmacariyanti aseṭṭhacariyaṃ. Brahmaṃ seṭṭhaṃ ācāraṃ caratīti **brahmacārī**. **Ārācārī**ti abrahmacariyato dūrācārī¹. **Methunā**ti rāgapariyuṭṭhānavasena sadisattā methunakāti laddhavohārehi paṭisevitabbato methunāti saṅkhaṃ gatā asaddhammā. **Gāmadhammā**ti gāmaṃvāsīnaṃ dhammā.

Saccaṃ vadatīti **saccavādī**. Saccena saccaṃ sandahati ghaṭeṭīti **saccasandho**, na antarantarā musā vadatīti attho. Yo hi puriso kadāci musā vadati, kadāci saccaṃ, tassa musāvādena antaritattā saccaṃ saccena na ghaṭīyati, tasmā na so saccasandho. Ayaṃ pana na tādiso, jīvita hetupi musā avatvā saccena saccaṃ sandahatiyevāti saccasandho. **Thetoti** thiro, thirakathoti² attho. Eko hi puggalo haliddirāgo viya, thusarāsīmhi nikhātakhāṇuko viya, assa piṭṭhe ṭhapitakumbhaṇḍamiva ca na thirakatho hoti, eko pāsāṇalekhā viya indakhīlo viya ca thirakatho hoti, asinā sīse chindantepi³ dve kathā na katheti, ayaṃ vuccati theto. **Paccayikoti** pattiyāyitabbako⁴, saddhāyikoti attho. Ekacco hi puggalo na paccayiko hoti, “idaṃ kena vuttaṃ, asukenā”ti vutte “mā tassa vacanaṃ saddahathā”ti vattabbataṃ āpajjati. Eko paccayiko hoti, “idaṃ kena vuttaṃ, asukenā”ti vutte “yadi tena vuttaṃ, idameva pamāṇaṃ, idāni upaparikkhitabbaṃ natthi, evameva idan”ti vattabbataṃ āpajjati, ayaṃ vuccati paccayiko. **Avisaṃvādako lokassā**ti tāya saccavādītāya lokaṃ na visaṃvādetīti attho.

Imesaṃ bhedāyati yesaṃ ito sutvāti vuttānaṃ santike suttaṃ, tesāṃ bhedāya. **Bhinnānaṃ vā sandhātati** dvinnāṃ mittānaṃ vā samānupajjhāyakādīnaṃ vā kenacideva kāraṇena bhinnānaṃ ekamekaṃ upasaṅkamtivā “tumhākaṃ īdise kule jātānaṃ evaṃ bahussutānaṃ idaṃ na yuttan”ti-ādīni vatvā sandhānaṃ kattā. **Anuppadātati** sandhānānuppadātā, dve jane samagge disvā “tumhākaṃ evarūpe kule jātānaṃ evarūpehi guṇehi

1. Dūrācārī (Sī, Syā)

2. Ṭhitakathoti (Sī, Syā)

3. Chijjantepi (Syā, Ka)

4. Paccayāyitabbako (Sī), patiyāyitabbako (Syā)

samannāgatānaṃ anucchavikametan”ti-ādīni vatvā daḷhīkammaṃ kattāti attho. Samaggo ārāmo assāti **samaggārāmo**, yattha samaggā natthi, tattha vasitumpi na icchatīti attho. “Samaggarāmo”tipi Pāḷi, ayameva attho.

Samaggaratoti samaggesu rato, te pahāya aññatra gantumpi na icchatīti attho. Samagge disvāpi sutvāpi nandatīti **samagganandī**. **Samaggakaraṇim vācam bhāsītāti** yā vācā satte samaggeyeva karoti, taṃ sāmaggīguṇaparidīpakameva vācam bhāsati, na itaranti.

Kālena vadatīti **kālavādī**, vattabbayuttakālaṃ sallakkhetvā vadatīti attho. Bhūtaṃ tathaṃ tacchaṃ sabhāvameva vadatīti **bhūtavādī**. Diṭṭhadhammikasamparāyikatthasannissitameva katvā vadatīti **atthavādī**. Navalokuttaradhammasannissitaṃ katvā vadatīti **dhammavādī**. Saṃvaravinayapahānavinayasannissitaṃ katvā vadatīti **vinayavādī**. Nidhānaṃ vuccati ṭhapanokāso, nidhānamassā atthīti **nidhānavatī**, hadaye nidhātabbayuttakaṃ¹ vācam bhāsītāti attho. **Kālenāti** evarūpim bhāsamānopi ca “ahaṃ nidhānavatim vācam bhāsissāmi”ti na akālena bhāsati, yuttakālaṃ pana sallakkhetvā² bhāsītīti attho. **Sāpadesanti** sa-upamaṃ, sakāraṇanti attho. **Pariyantavatinti** paricchedaṃ dassetvā yathāssā paricchedo paññāyati, evaṃ bhāsītīti attho. **Atthasamhitanti** anekehipi nayehi vibhajantena pariyādātuṃ asakkuṇeyyatāya atthasampannaṃ bhāsati. Yaṃ vā so atthavādī atthaṃ vadati, tena atthena saṃhitattā atthasamhitāṃ vācam bhāsati, na aññaṃ nikkhipitvā aññaṃ bhāsītīti vuttaṃ hoti.

179. **Bījagāmbhūtagāmasamārambhāti** mūlabījaṃ khandhabījaṃ phaḷubījaṃ³ aggabījaṃ bījabījanti pañcavidhassa bījagāmassa ceva yassa kassaci nīlatiṇarukkhādikassa bhūtagāmassa ca samārambhā, chedanabhedanapacanādībhāvena⁴ vikopānā paṭiviratoti attho. **Ekabhattikoti** pātarāsabhataṃ sāyamāsabhattanti dve bhattāni, tesu pātarāsabhataṃ antomajjhanhikena paricchinnāṃ, itaraṃ majjhanhikato uddhaṃ anto-aruṇena. Tasmā antomajjhanhike

1. Nidhetabbayuttakaṃ (Sī, Syā)

2. Avekkhitvā (Syā) Ma-Ṭṭha 2. 112 piṭṭhepi.

3. Phalabījaṃ (Sī, Syā)

4. Chedanapacanādībhāvena (Sī, Syā)

dasakkhattum̐ bhuñjamānopi ekabhattikova hoti. Tam̐ sandhāya vuttam̐ “ekabhattiko”ti. Rattiyā bhojanam̐¹ ratti, tato uparatoti **rattūparato**. Atikkante majjhanhike yāva sūriyatthaṅgamanā bhojanam̐ vikālabhojanam̐ nāma, tato viratattā **virato vikālabhojanā**. Sāsanassa ananulomattā visūkam̐ paṭaṇṇibhūtam̐ dassananti visūkadassanam̐. Attanā naccananaccāpanādivasena naccā ca gītā ca vādītā ca antamaso mayūranaccanādivasenapi pavattānam̐ naccādīnam̐ visūkabhūtā dassanā cāti **naccagītavāditavisūkadassanā**. Naccādīni hi attanā payojetum̐ vā parehi payojāpetum̐ vā yuttāni passitum̐ vā neva bhikkhūnam̐ na bhikkhunīnam̐ vaṭṭanti. Mālādīsu **mālāti** yaṃkiñci puppham̐. **Gandhanti** yaṃkiñci gandhajātam̐. **Vilepananti** chavirāgakaraṇam̐. Tattha piḷandhanto dhāreti nāma, ūnaṭṭhānam̐ pūrento maṇḍeti nāma, gandhavasena chavirāgavasena ca sādiyanto vibhūseti nāma. **Ṭhānam̐** vuccati kāraṇam̐. Tasmā yāya dussīlyacetanāya tāni mālādhāraṇādīni mahājano karoti, tato paṭiviratoti attho. **Uccāsayanam̐** vuccati pamāṇātikantam̐. **Mahāsayanam̐** akappiyasantham̐, tato paṭiviratoti attho. **Jātarūpanti** suvaṇṇam̐. **Rajatanti** kahāpaṇo, lohamāsako jatumāsako dārumāsakoti ye vohāram̐ gacchanti, tassa ubhayassāpi paṭiggahaṇā paṭivirato, neva nam̐ uggaṇhāti na uggaṇhāpeti, na upanikkhittam̐ sādiyatīti attho.

Āmakadhañṇapaṭiggahaṇāti

sālivīhiyavagodhumakaṅguvarakakudrūsakasaṅkhātassa sattavidhassāpi āmakadhañṇassa paṭiggahaṇā. Na kevalaṅca etesam̐ paṭiggahaṇameva, āmasanampi bhikkhūnam̐ na vaṭṭatiyeva. **Āmakamaṃsapaṭiggahaṇāti** ettha aññatra odissa anuññātā āmakamacchamaṃsānam̐ paṭiggahaṇameva bhikkhūnam̐ na vaṭṭati, no āmasanam̐. **Itthikumārikapaṭiggahaṇāti** ettha **itthīti** purisantaragatā, itarā kumārikā nāma, tāsam̐ paṭiggahaṇampi āmasanampi akappiyameva. **Dāsidāsapaṭiggahaṇāti** ettha dāsidāsavaseneva tesam̐ paṭiggahaṇam̐ na vaṭṭati. “Kappiyakārakam̐ dammi, ārāmikam̐ dammi”ti evam̐ vutte pana vaṭṭati. **Ajelakādīsupi khattavattupariyosānesu** kappiyākappiyanayo vinayavasena upaparikkhitabbo. Tattha **khattam̐** nāma yasmim̐ pubbaṇṇam̐ ruhati. **Vatthu** nāma yasmim̐ aparaṇṇam̐ ruhati. Yattha vā

1. Rattibhojanam̐ (Sī), rattim̐ bhojanam̐ (Syā)

ubhayampi ruhati, taṃ khettaṃ. Tadatthāya akatabhūmibhāgo vatthu.

Khettavatthusīsenā cettha vāpitaḷākādīnīpi saṅgahitāneva.

Dūteyyaṃ vuccati dūtakkammaṃ, gihīnaṃ pahitaṃ paṇṇaṃ vā sāsanaṃ vā gahevā tattha tattha gamaṇaṃ. **Pahiṇagamaṇaṃ** vuccati paragharaṃ¹ pesitassa khuddakagamaṇaṃ. **Anuyogo** nāma tadubhayakaraṇaṃ. Tasmā dūteyyapahiṇagamaṇānaṃ anuyogoti evamettha attho daṭṭhabbo.

Kayavikkayāti kayā ca vikkayā ca. Tulākūṭādīsu **kūṭanti** vañcanaṃ. Tattha tulākūṭaṃ nāma rūpakūṭaṃ aṅgakūṭaṃ gahaṇakūṭaṃ paṭicchannakūṭanti catubbidhaṃ hoti. Tattha **rūpakūṭaṃ** nāma dve tulā samarūpā katvā gaṇhanto mahatiyā gaṇhāti, dadanto khuddikāya deti. **Aṅgakūṭaṃ** nāma gaṇhanto pacchābhāge hatthena tulaṃ akkamati, dadanto pubbhāge.

Gahaṇakūṭaṃ nāma gaṇhanto mūle rajjuṃ gaṇhāti, dadanto agge.

Paṭicchannakūṭaṃ nāma tulaṃ susiraṃ katvā anto ayacuṇṇaṃ pakkhipitvā gaṇhanto taṃ pacchābhāge karoti, dadanto aggabhāge.

Kaṃso vuccati suvaṇṇapāti, tāya vañcanaṃ **kīmsakūṭaṃ**. Kathaṃ? Ekaṃ suvaṇṇapātiṃ katvā aññā dve tisso lohapātiyo suvaṇṇavaṇṇā karonti, tato janapadaṃ gantvā kiñciveva aḍḍhakulaṃ pavisitvā “suvaṇṇabhājanāni kiṇathā”ti vatvā agghe pucchite samagghataraṃ dātukāmā honti. Tato tehi “kathaṃ imesaṃ suvaṇṇabhāvo jānitabbo”ti vutte “vīmaṃsitvā gaṇhathā”ti supaṇṇapātiṃ pāsāṇe ghaṃsitvā sabbapātiyo datvā gacchanti.

Mānakūṭaṃnāma hadayabheda sikhābheda rajjubhedavasena tividhaṃ hoti. Tattha **hadayabhedo** sappitelādiminānakāle labbhati. Tāni hi gaṇhanto heṭṭhā chiddena mānena “saṇikaṃ āsiñcā”ti vatvā antobhājane bahum paggharāpetvā gaṇhāti, dadanto chiddaṃ pidhāya sīghaṃ pūretvā deti.

Sikhābhedo tilaṇḍulādiminānakāle labbhati. Tāni hi gaṇhanto saṇikaṃ sikhāṃ ussāpetvā gaṇhāti, dadanto vegena pūretvā sikhāṃ chindanto deti.

Rajjubhedo khettavatthuminānakāle labbhati. Lañjaṃ alabhantā hi khettaṃ amahantampi mahantaṃ katvā minanti.

1. Gharā gharaṃ (Dī-Ṭṭha 1. 77; Ma-Ṭṭha 2. 114 piṭṭhesu.)

Ukkoṭanādīsu **ukkoṭananti** assāmike sāmike kātuṃ lañjaggahaṇaṃ. **Vañcananti** tehi tehi upāyehi paresaṃ vañcanaṃ. Tatridamekaṃ vatthu— eko kira luddako migañca migapotakañca gahetvā āgacchati, tameko dhutto “kiṃ bho migo agghati, kiṃ migapotako”ti āha. “Migo dve kahāpaṇe, migapotako ekan”ti ca vutte kahāpaṇaṃ datvā migapotakaṃ gahetvā thokaṃ gantvā nivatto “na me bho migapotakena attho, migaṃ me dehī”ti āha. Tena hi dve kahāpaṇe dehīti. So āha “nanu te bho mayā paṭhamāṃ eko kahāpaṇo dinno”ti. Āma dinnoti, idampi migapotakaṃ gaṇha, evaṃ so ca kahāpaṇo ayañca kahāpaṇagghanako migapotakoti dve kahāpaṇā bhavissantīti. So “kāraṇaṃ vadatī”ti sallakkhetvā migapotakaṃ gahetvā migaṃ adāsīti.

Nikatīti yogavasena vā māyāvasena vā apāmaṅgaṃ pāmaṅganti, amaṇiṃ maṇīti, asuvaṇṇaṃ suvaṇṇanti katvā patirūpakena vañcanaṃ. **Sāciyogoti** kuṭīlayogo, etesaṃyeva ukkoṭanādīnametaṃ nāmaṃ. Tasmā ukkoṭanasāciyogo vañcanasāciyogo nikatisāciyogoti evamettha attho daṭṭhabbo. Keci aññaṃ dassetvā aññaṃsa parivattanaṃ sāciyogoti vadanti, taṃ pana vañcaneneva saṅgahitaṃ.

Chedanādīsu **chedananti** hatthacchedanādi. **Vadhoti** mārāṇaṃ. **Bandhoti** rajjubandhanādīhi bandhanaṃ. **Viparāmosoti** himaviparāmoso gumbaviparāmosoti duvidho. Yañhi himapātasamaye himena paṭicchannā hutvā maggappaṭipannaṃ janaṃ musanti, ayaṃ **himaviparāmoso**. Yaṃ gumbādīhi paṭicchannā musanti, ayaṃ **gumbaviparāmoso**. **Ālopo** vuccati gāmanigamādīnaṃ vilopakaraṇaṃ. **Sahasākāroti** sāhasikakiriya, geḥaṃ pavisitvā manussānaṃ ure satthaṃ ṭhapetvā icchitabhaṇḍaggahaṇaṃ. Evametasmā chedana -pa- sahasākārā paṭivirato hoti.

180. **So santuṭṭho hotīti** so catūsu paccayesu dvādasavidhena itarītarapaccayasantosaṃ samannāgato hoti. **Kāyaparihārikenāti** kāyaṃ pariharaṇamattakena. **Kucchiparihārikenāti** kucchipariharaṇamattakena. **Samādāyeva pakkamatīti** aṭṭhavidhaṃ bhikkhu parikkhāramattakaṃ sabbaṃ gahetvāva kāyapaṭibaddhaṃ katvāva gacchati,

“mama vihāro pariveṇaṃ upaṭṭhāko”ti saṅgo vā baddho vā na hoti. So jiyā muttasaro viya, yūthā pakkanto mattahatthī viya icchiticchitaṃ senāsaṇaṃ vanasaṇḍaṃ rukkhamūlaṃ vanapatthaṃ pabbhāraṃ¹ paribhuñjanto ekova tiṭṭhati, ekova nisīdati, sabbiriyāpathesu ekova adutiyo.

“Cātuddiso appaṭiḅho ca hoti,
Santussamāno itarītarena.
Parissayānaṃ sahitā achambhī,
Eko care khaggavisāṇakappo”ti².

Evam vaṇṇitaṃ khaggavisāṇakappataṃ āpajjati.

Idāni tamatthaṃ upamāya sādiento **seyyathāpīti**-ādimāha. Tattha **pakkhī sakuṇoti** pakkhayutto sakuṇo. **Deṭīti** uppatati. Ayam panettha saṅkhepattho—sakuṇo nāma “asukasmiṃ padese rukkho paripakkaphalo”ti ṇatvā nānādisāhi āgantvā nakhapakkhatuṇḍādīhi tassa phalāni vijjhantā vidhunantā³ khādanti. “Idaṃ ajjatanāya, idaṃ svātanāya bhavissatī”ti tesam na hoti. Phale pana khīṇe neva rukkhasa ārakkhaṃ ṭhapenti, na tattha pattam vā nakham vā tuṇḍam vā ṭhapenti. Atha kho tasmim rukkhe anapekkho hutvā, yo yaṃ disābhāgaṃ icchati, so tena sapattabhārova uppatitvā gacchati. Evameva **ayam bhikkhu nissaṅgo** nirapekkhoyeva pakkamati. Tena vuttam “samādāyeva pakkamati”ti. **Ariyenāti** niddosena. **Ajjhattanti** sake attabhāve. **Anavajjasukhanti** niddosasukham.

181. **So cakkhunā rūpaṃ disvāti** so iminā ariyena silakkhandhena samannāgato bhikkhu cakkhuviññāṇena rūpaṃ passitvāti attho. Sesapadesupi yaṃ vattabbaṃ, taṃ sabbaṃ heṭṭhā vuttameva. **Abyāsekasukhanti** kilesehi anavasittasukham. “Avikiṇṇasukhan”tipi vuttam. Indriyasamvarasukhañhi diṭṭhādīsu diṭṭhamattādivasena pavattatāya avikiṇṇam hoti.

1. Vanapatham pabbhāraṃ (Syā), vanapabbhāraṃ (Dī-Ṭṭha 1. 186; Ma-Ṭṭha 2. 117 piṭṭhesu.)

2. Khu 1. 286 piṭṭhe.

3. Vitudantā (Si, Ka)

182. **So abhikkante paṭikkanteti** so manacchaṭṭhānaṃ indriyānaṃ saṃvarena samannāgato bhikkhu imesu abhikkantapaṭikkantādīsu sattuṣu ṭhānesu satisampajaññavasena sampajānakārī hoti. Tattha yaṃ vattabbaṃ siyā, taṃ **Jhānavibhaṅge** vuttameva.

So iminā cāti-ādinā kiṃ dasseti? Araññavāsassa paccayasampattiṃ dasseti. Yassa hi ime cattāro paccayā natthi, tassa araññavāso na ijjhati. Tiracchānagatehi vā vanacarakehi vā saddhiṃ vatthabbataṃ āpajjati. Araññe adhivatthā devatā “kiṃ evarūpassa pāpabhikkhuno araññavāsenā”ti bheravaṃ saddaṃ sāventi, hatthehi sīsaṃ paharivā palāyanākāraṃ karonti. “Asuko bhikkhu araññaṃ pavisitvā idañcidañca pāpakammaṃ akāsi”ti ayaso pattharati. Yassa panete cattāro paccayā atthi, tassa araññavāso ijjhati. So hi attano sīlaṃ paccavekkhanto kiñci kālakaṃ vā tilakaṃ vā apassanto pītiṃ uppādetvā taṃ khayato vayato sammāsanto ariyabhūmiṃ okkamati. Araññe adhivatthā devatā attamanā vaṇṇaṃ bhāsanti. Itissa udake pakkhattatelabindu viya yaso vitthāriko hoti. **Vivittanti**-ādīni heṭṭhā vuttatthāneva. **So evaṃ samāhite citte -pa- yathākammūpage satte pajānātīti** ettake ṭhāne yaṃ vattabbaṃ siyā, taṃ sabbaṃ **Visuddhimagge** vuttameva.

185. Tatiyavijjāya **so evaṃ samāhite citteti** vipassanāpādakaṃ catutthajjhānacittaṃ veditabbaṃ. **Āsavānaṃ khayaññāyāti** arahattamaggaññatthāya. Arahattamaggo hi āsavānaṃ vināsanato āsavānaṃ khayoti vuccati, tatra cetāṃ ñāṇaṃ tappariyāpannattāti. **Cittaṃ abhininnāmetīti** vipassanācittaṃ abhinīharati. **So idaṃ dukkhanti** evamādīsu “ettakaṃ dukkhaṃ, na ito bhiyyo”ti sabbampi dukkhasaccaṃ sarasalakkaṇappaṭivedhena yathābhūtaṃ pajānāti paṭivijjhati. Tassa ca dukkhassa nibbattikaṃ taṇhaṃ “ayaṃ dukkhasamudayo”ti, tadubhayampi yaṃ ṭhānaṃ patvā nirujjhati, taṃ tesāṃ appavattiṃ nibbānaṃ “ayaṃ dukkhanirodho”ti, tassa ca sampāpakaṃ ariyamaggaṃ ayaṃ “dukkhanirodhagāminī paṭipadā”ti sarasalakkaṇappaṭivedhena yathābhūtaṃ pajānāti, paṭivijjhatīti evamattho veditabbo.

Evam sarūpato saccāni dassetvā idāni kilesavasena pariyāyato dassento **ime āsavāti-ādimāha. Tassa evam jānato evam passatoti** tassa evam jānantassa evam passantassa, saha vipassanāya koṭippattam maggam katheti. **Kāmāsavāti** kāmāsavato. **Vimuccatīti** iminā maggakkhaṇam dasseti. **Vimuttasminti** iminā phalakkhaṇam dasseti. Maggakkhaṇe hi cittaṃ vimuccati, phalakkhaṇe vimuttam hoti. **Vimuttasmiṃ vimuttamiti nāṇanti** iminā paccavekkhaṇāñānam dasseti. **Khīṇā jātīti-ādīhi** tassa bhūmiṃ. Tena hi nāṇena so paccavekkhanto khīṇā jātīti-ādīni pajānāti. **Vusitanti** vuṭṭham parivuṭṭham, kataṃ caritaṃ niṭṭhitanti attho. **Brahmacariyanti** maggabrahmacariyam. Puthujjanakalyāṇakena hi saddhiṃ satta sekkhā brahmacariyavāsam vasanti nāma, khīṇāsavo vuṭṭhavāso. Tasmā so attano brahmacariyavāsam paccavekkhanto **vusitam brahmacariyanti** pajānāti. **Kataṃ karaṇīyanti** catūsu saccesu catūhi maggehi pariññāpahānasacchikiriyābhāvanāvasena soḷasavidhampi kiccaṃ niṭṭhāpitanti attho. Puthujjanakalyāṇakādayo hi taṃ kiccaṃ karonti, khīṇāsavo katakaraṇīyo. Tasmā so attano karaṇīyam paccavekkhanto “kataṃ karaṇīyan”ti pajānāti. **Nāparam itthattāyāti** idāni puna itthabhāvāya, evam soḷasakiccabhāvāya kilesakkhayāya vā maggabhāvanākiccaṃ natthīti pajānāti.

186. Sarāgādīsu **appahīnoti** vikkhambhanappahānena vā tadaṅgappahānena vā samucchedappahānena vā appahīno.

187. **Lābhī hotīti-ādīsu lābhīti** lābhavā paṭilabhitvā ṭhito. **Ajjhattam cetosamathassāti** niyakajjhattasaṅkhāte attano citte uppanassa cetosamathassa. **Adhipaññādhmavipassanāyāti** adhipaññāsaṅkhātāya khandhadhammesu aniccādivasena pavattāya vipassanāya. **Rūpasahagatānanti** rūpanimittārammaṇānam rūpāvacarasamāpattīnam. **Arūpasahagatānanti** na rūpanimittārammaṇānam arūpasamāpattīnam. Ettha ca paṭhamo aṭṭhasamāpattilābhī puthujjano, dutiyo sukkhavipassakariyasāvako, tatiyo aṭṭhasamāpattilābhī ariyasāvako, catuttho lokiyamahājano veditabbo.

188. Anusotagāmī-ādīsu **anusotagāmīti** vaṭṭasotam anugato, vaṭṭasote nimuggo puthujjano veditabbo. **Paṭisotagāmīti**

paṭisotagamano, anusotaṃ agantvā paṭisotaṃ gacchantassetāṃ adhivacanaṃ. **Pāpañca kammaṃ na karotīti** paññattaṃ vītikkamanto na karoti. **Sahāpi dukkhena sahāpi domanassenāti** kilesapariyuṭṭhāne sati uppanna dukkhadomanassena saddhimpi. **Paripuṇṇanti** tissannaṃ sikkhānaṃ ekāyapi anūnaṃ. **Parisuddhanti** nirupakkilesaṃ. **Brahmacariyanti** seṭṭhacariyaṃ. Iminā varena sotāpannasakadāgāmino kathitā. Kim pana te rudantā brahmacariyaṃ carantīti? Āma, kilesarodanena rudantā caranti nāma. Silasampanno puthujjanabhikkhupi ettheva saṅgahito.

Ṭhitattoti ṭhitasabhāvo. Anāgāmī hi kāmarāgabyāpādehi akampanīyacattatāya ca tamhā lokā anāvattidhammatāya ca ṭhitasabhāvo nāma. **Tiṇṇoti** taṇhāsotaṃ uttiṇṇo. **Pāraṅgatoti**¹ nibbānapāraṃ gato. **Thale tiṭṭhatīti** arahattaphalasaṃpattithale tiṭṭhati. **Cetovimuttinti** phalasaṃmādhim. **Paññāvimuttinti** phalaññaṃ. **Ayaṃ vuccatīti** ayaṃ khīṇāsavo “tiṇṇo pāraṅgato thale tiṭṭhati brāhmaṇo”ti vuccati. Bāhitapāpatāya hi esa **brāhmaṇo** nāma.

189. Appassutādīsu **appakaṃ sutam hotīti** navaṅge Satthusāsane kiñcīdeva thokaṃ sutam hoti. **Na atthamaññāya na dhammamaññāya dhammānudhammapaṭipanno hotīti** Aṭṭhakathañca Pāliñca jānitvā lokuttaradhammassa anurūpadhammaṃ pubbabhāgapaṭipadaṃ paṭipanno na hoti. Iminā nayena sabbattha attho veditabbo.

190. Samaṇamacalādīsu **samaṇamacaloti** samaṇa-acalo, makāro padasandhikaro, niccalasamaṇo thirasamaṇoti attho. **Ayaṃ vuccatīti** ayaṃ sotāpanno sāsane mūlajātāya saddhāya patiṭṭhitattā “samaṇamacalo”ti vuccati. Sakadāgāmī pana rajjanakilesassa atthitāya **samaṇapadumoti** vutto. Rattaṭṭhoti idha padumaṭṭho nāmāti vuttaṃ. Anāgāmī kāmarāgasankhātassa rajjanakilesassa natthitāya **samaṇapuṇḍarīkoti** vutto. Paṇḍaraṭṭho hi idha puṇḍarīkaṭṭho nāmāti

1. Pāragatoti (Syā)

vuttaṃ. Khīṇāsavo ca thaddhabhāvakarānaṃ kilesānaṃ abhāvena **samaṇesu samaṇasukhumālo** nāmāti vutto. Appadukkhaṭṭhenapi cesa samaṇasukhumāloyevāti.

Catukkaniddesavaṇṇanā.

5. Pañcakaniddesavaṇṇanā

191. Pañcake **tatrā**ti tesu “ārabhati ca vippaṭṭisārī ca hotī”ti-ādinā nayena heṭṭhā uddiṭṭhapuggalesu. **Yvāyanti** yo ayaṃ. **Ārabhatī**ti ettha ārambhasaddo kammakiriyāhimsanavīriyavikopanāpattivītikamesu vattati. Tathā hesa “yaṃkiñci dukkhaṃ sambhoti, sabbaṃ ārambhapaccayā”ti¹ kamme āgato, “mahāyaññā mahārambhā, na te honti mahapphalā”ti² kiriyāyaṃ, “samaṇaṃ Gotamaṃ uddissa pāṇaṃ ārabbhanti”ti³ himsane, “ārabhatha nikkamatha, yuñjatha Buddhasāsane”ti vīriye⁴, “bījagāmabhūtagāmasamārambhā paṭivirato hotī”ti⁵ vikopane, “ārabhati ca vippaṭṭisārī ca hotī”ti⁶ ayaṃ pana āpattivītikame āgato, tasmā āpattivītikamavasena ārabhati ceva tappaccayā vippaṭṭisārī ca hotīti ayamettha attho.

Yathābhūtaṃ nappajānātīti anadhigatattā yathāsabhāvato na jānāti. **Yatthassāti** yasmim̐ assa, yaṃ ṭhānaṃ patvā etassa puggalassa uppannā pāpakā akusalā dhammā aparisesā nirujjhantīti attho. Kim̐ pana patvā te nirujjhantīti. Arahattamaggaṃ. Phalappattassa pana niruddhā nāma honti. Evaṃ santepi idha maggakicavasena phalameva vuttanti veditabbaṃ. **Ārambhajāti** āpattivītikamasambhavā. **Vippaṭṭisārajāti** vippaṭṭisārato jātā. **Pavaḍḍhantī**ti punappunaṃ uppajjanena vaḍḍhanti. **Sādhūti** āyācanasādhū. Idam̐ vuttaṃ hoti—yāva aparaddhañca vata āyasmakā, evaṃ santepi mayam̐ āyasmantaṃ yācāma “desetabbayuttakassa desanāya, vuṭṭhātabbayuttakassa vuṭṭhānena āvikātabbayuttakassa āvikiriyāya, ārambhaje

1. Khu 1. 394 piṭṭhe.

2. Am̐ 1. 351 piṭṭhe.

3. Ma 2. 32 piṭṭhe.

4. Sam̐ 1. 158, 159 piṭṭhesu.

5. Dī 1. 5; Ma 1. 237 piṭṭhesu.

6. Am̐ 2. 147 piṭṭhe.

āsave pahāya, suddhante ʃhitabhāvapaccavekkhaṇena vippaṭisāraje āsave paṭivinodetvā nīharitvā vipassanācittañceva vipassanāpaññañca bhāvetū”ti. **Amunā pañcamena puggalenāti** etena pañcamena khīṇāsavapuggalena. **Samasamo bhavissatīti** lokuttaraguṇehi samabhāveneva samobhavissatīti evaṃ khīṇāsavena ovaditabboti attho.

Ārabhati na vippaṭisārī hotīti āpattiṃ āpajjati, taṃ pana desetum sabhāgapuggalaṃ pariyesati, tasmā na vippaṭisārī hoti. Aṅguttaraṭṭhakathāyaṃ pana “vuṭṭhitattā na vippaṭisārī hoti”¹ti vuttaṃ. **Na ārabhati vippaṭisārī hotīti** āpattiṃ nāpajjati, vinayapaññattiyāṃ pana akovidattā anāpattiyāṃ āpattisaññī hutvā vippaṭisārī hoti. Aṅguttaraṭṭhakathāyaṃ pana “sakiṃ āpattiṃ āpajjitvā tato vuṭṭhāya pacchā kiñcāpi nāpajjati, vippaṭisāraṃ pana vinodetum na sakkoti”¹ti vuttaṃ. **Na ārabhati na vippaṭisārī hotīti** neva āpattiṃ āpajjati, na vippaṭisārī hoti. Katamo panesa puggaloti. Ossaṭṭhavīriyapuggalo. So hi “kiṃ me imasmīṃ Buddhakāle parinibbānena, anāgate **Metteyyasammāsambuddhakāle** parinibbāyissāmi”ti visuddhasīlopi paṭipattiṃ na pūreti. Sopi “kimatthaṃ āyasmā pamatto viharati? Puthujanassa nāma gati anibaddhā, āyasmā hi Metteyyasammāsambuddhassa sammukhabhāvaṃ labheyyapi na labheyyāpīti, arahattatthāya vipassanaṃ bhāvehi”ti ovaditabbova. Sesāṃ sabbattha vuttanayeneva veditabbaṃ.

192. Datvā avajānātīti-ādīsu eko bhikkhu mahāpuñño catupaccayalābhī hoti, so cīvarādīni labhitvā aññaṃ appapuññaṃ āpucchati. Sopi tasmiṃ punappunaṃ āpucchantepi gaṇhātiyeva. Athassa itaro thokaṃ kupito hutvā maṅkubhāvaṃ uppādetukāmo vadati “ayaṃ attano dhammatāya cīvarādīni na labhati, amhe nissāya labhati”ti. Evaṃ puggalo **datvā avajānāti** nāma. Eko pana ekena saddhiṃ dve tīṇi vassāni vasanto pubbe taṃ puggalaṃ garuṃ katvā pacchā gacchante gacchante kāle cittikāraṃ na karoti, āsanāpi na vuṭṭhāti, upaṭṭhānampi na gacchati. Evaṃ puggalo **sarivāsena avajānāti** nāma.

1. Am-Ṭṭha 3 Pañcakanipāte Tikaṇḍakīvaggavaṇṇanāyaṃ.

Ādheyyamukhoti ādito dheyamukho, paṭhamavacanasmiṃyeva ṭhapitamukhoti attho. **Adhimuccitā hotīti** saddhātā hoti. Tatrāyaṃ nayo—eko puggalo sāruppaṃyeva bhikkhum “asāruppo eso”ti katheti, taṃ sutvā esa niṭṭham gacchati. Puna aññena sabhāgena bhikkhunā “sāruppo ayan”ti vuttepi tassa vacanaṃ na gaṇhāti. “Asukena nāma ‘asāruppo ayan’ti amhākaṃ kathitan”ti purimabhikkhunova katham gaṇhāti. Aparopissa dussīlam “sīlavā”ti katheti, tassa vacanaṃ saddahitvā puna aññena “asāruppo esa bhikkhu, nāyaṃ tumhākaṃ santikaṃ upasaṅkamitum yutto”ti vuttopi tassa vacanaṃ aggahetvā purimasseva katham gaṇhāti. Aparo vaṇṇampi kathitaṃ gaṇhāti, avaṇṇampi kathitaṃ gaṇhātiyeva, ayampi ādheyyamukhoyeva nāma, ādhātabbamukho yaṃ yaṃ suṇāti, tattha tattha ṭhapitamukhoti attho.

Loloti saddhādīnaṃ ittarakālaṭṭhitikattā assaddhiyādīhi lulitabhāvena lolo. **Ittarasaddhoti** parittasaddho aparipuṇṇasaddho. Sesesupi eseva nayo. Ettha pana punappunam bhajanavasena saddhāva **bhatti**. **Pemaṃ** saddhāpemaṃ gehasitapemampi vaṭṭati. **Pasādo** saddhāpasādova. **Evam puggalo lolo hotīti** evaṃ ittarasaddhādītāya puggalo lolo nāma hoti, haliddirāgo viya, thusarāsīmhi koṭṭitakhāṇuko viya, assa piṭṭhiyaṃ ṭhapitakumbhaṇḍaṃ viya ca anibaddhaṭṭhāno muhuttena pasīdati, muhuttena kuppati.

Mando momūhoti aññāṇabhāvena mando, avisadatāya momūho, mahāmūlhoti attho.

193. Yodhājīvūpamesu **yodhājīvāti** yuddhūpajīvino. **Rajjaganti** hatthi-assādīnaṃ pādappahārabhinnāya bhūmiyā uggataṃ rajakkhandham. **Na santhambhatīti** santhambhitvā ṭhātuṃ na sakkoti. **Sahati rajjaganti** rajakkhandham disvāpi adhivāseti. **Dhajjaganti** hatthi-assādipiṭṭhesu vā rathesu vā ussāpitānaṃ dhajānaṃ aggaṃ. **Ussāraṇanti** hatthi-assarathādīnañceva balakāyassa ca uccāsaddamahāsaddam. **Sampahāreti** samāgate appamattakepi pahāre. **Haññatīti** vihaññati vighātaṃ āpajjati. **Byāpajjatīti** vipattim āpajjati pakatibhāvaṃ jahati. **Sahati sampahāranti** dve tayo pahāre patvāpi sahati

adhivāseti. **Tameva saṅgāmasīsanti** tameva jayakhandhāvāraṭṭhānaṃ.
Ajjhāvasatīti sattāhamattaṃ abhibhavitvā āvasati. Kim kāraṇā?
 Laddhappahārānaṃ pahārajagganatthañceva katakammānaṃ visesaṃ ñatvā
 ṭhānantaradānatthañca issariyasukhānubhavanatthañca.

194. Idāni yasmā Satthu yodhājīvehi kiccaṃ natthi, imasmiṃ pana
 sāsane tathārūpe pañca puggale dassetuṃ idaṃ opammaṃ ābhataṃ, tasmā te
 puggale dassento **evamevanti-ādimāha**.

Tattha **samsīdatīti** micchāvitakkasmiṃ visīdati anupavisati. **Na sakkoti
 brahmacariyaṃ sandhāretunti** brahmacariyavāsaṃ anupacchijjamānaṃ
 gopetuṃ na sakkoti. **Sikkhādubbalyaṃ āvikatvāti** sikkhāya dubbalabhāvaṃ
 pakāsetvā. **Kimassa rajaggasminti** kim tassa puggalassa rajaggaṃ nāmāti
 vadati. **Abhirūpāti** abhirūpavatī. **Dassanīyāti** dassanayoggā. **Pāsādikāti**
 dassaneneva cittappasādāvahā. **Paramāyāti** uttamāya. **Vaṇṇapokkharatīyāti**
 sarīravaṇṇena ceva aṅgasaṅṭhānena ca.

196. **Ūhasatīti** avahasati. **Ullapatīti** katheti. **Ujjagghatīti** paṇiṃ paharivā
 mahāhasitaṃ hasati. **Uppaṇḍetīti** uppaṇḍanakathaṃ katheti.

197. **Abhinisīdatīti** abhibhavitvā santike vā ekāsane vā nisīdati.
 Dutiyapadepi eseva nayo. **Ajjhottharatīti** avattharati.

198. **Viniveṭhetvā vinimocetvāti** gahitaṭṭhānato tassa hatthaṃ
 viniveṭhetvā ceva mocetvā ca. Sesamettha uttānatthameva.

199. Piṇḍapātikesu **mandattā momūhattāti** neva samādānaṃ jānāti, na
 ānisaṃsaṃ, attano pana mandattā momūhattā aññāṇeneva piṇḍapātiko hoti.
Pāpiccho icchāpakatoti “piṇḍapātikassa me sato ‘ayaṃ piṇḍapātiko’ti
 catupaccayasakkāraṃ karissanti, lajjī appicchoti-ādīhi ca guṇehi
 sambhāveṣṣanti”ti evaṃ pāpikāya icchāya ṭhatvā tāya pāpicchāya abhibhūto
 hutvā piṇḍapātiko hoti. Ummādavasena piṇḍāya caranto pana **ummādā
 cittavikkhepā**

piṇḍapātiko nāma hoti. **Vaṇṇitanti** “idaṃ diṇḍapātikaṅgaṃ nāma Buddhehi ca Buddhasāvakehi ca vaṇṇitaṃ pasatthan”ti piṇḍapātiko hoti.

Appicchatamyeva nissāyāti-ādīsu “iti appiccho bhavissāmi, idaṃ me piṇḍapātikaṅgaṃ appicchatāya saṃvattissati, iti santuṭṭho bhavissāmi, idaṃ me piṇḍapātikaṅgaṃ santuṭṭhiyā saṃvattissati, iti kilese saṃlikhissāmi, idaṃ me piṇḍapātikaṅgaṃ kilesasallekhanatthāya saṃvattissati”ti piṇḍapātiko hoti. **Idamatthitanti** imāha kalyāṇāya paṭipattiyā atthikabhāvaṃ, iminā vā piṇḍapātamattena atthikabhāvaṃ, yaṃ yaṃ laddhaṃ, tena teneva yāpanabhāvaṃ nissāyāti attho. **Aggoti** jeṭṭhako. Sesāni tasseva vevacanāni.

Gavā khīranti gāvito khīraṃ nāma hoti, na vinā gāvīyā. **Khīramhā dadhīti**-ādīsupi eseva nayo. **Evamevanti** yathā etesu pañcasu gorasesu sappimaṇḍo aggo, evamevaṃ imesu pañcasu piṇḍapātikesu yvāyaṃ appicchatādīni nissāya piṇḍapātiko hoti, ayaṃ aggo ca seṭṭho ca pāmokkho ca uttamo ca pavaro ca. Imesu pana pañcasu piṇḍapātikesu dveva janā piṇḍapātikā, tayo na piṇḍapātikā. Nāmamattena pana piṇḍapātikāti veditabbā. **Khalupacchābhattikā**dīsupi eseva nayoti.

Pañcakaniddesavaṇṇanā.

6. Chakkaniddesavaṇṇanā

202. Chakke **tatrāti** tesu chasu puggalesu. **Sammāsambuddho tena daṭṭhabboti** so puggalo tena anācariyakena attanā uppādītena sabbaññutaññāṇena Sabbaññubuddho daṭṭhabbo.

Paccekasambuddho tenāti-ādīsupi tena paccekasambodhiñāṇena so puggalo paccekasambuddho, tena sāvakapāramīñāṇena te puggalā Sāriputtamoggallānā, tena dukkhassa antakaraṇena te puggalā avasesā arahanto, tena itthattaṃ anāgamanena so puggalo anāgāmī, tena itthattaṃ āgamanena te puggalā sotāpannasakadāgāmino daṭṭhabboti.

Chakkaniddesavaṇṇanā.

7. Sattakaniddesavaṇṇanā

203. Sattake **sakim nimuggoti** ekavāraṃ nimuggo. **Ekantakālakehīti** ekanteneva kālakehi natthikavāda-ahetukavāda-akiriyavādasaṅkhātehi niyatamicchādītṭhidhammehi. **Evaṃ puggaloti** iminā kāraṇena puggalo ekavāraṃ nimuggo tathā nimuggova hoti. Etassa hi puna bhavato vuṭṭhānaṃ nāma natthīti vadanti. Makkhaligosālādayo viya heṭṭhā narakaggīnaṃyeva āhāro hoti.

Sāhu saddhā kusalesu dhammesūti kusaladhammesu saddhā nāma sādhuḷaddhikāti ummujjati. So tāvatakeneva kusalena ummujjati nāma. **Sādhu hirīti**-ādīsupi eseva nayo. **Hāyatiyevāti** caṅkavāre āsitta-udakaṃ viya ekantena parihāyateva. **Evaṃ puggaloti** evaṃ sāhu saddhāti imesaṃ saddhādīnaṃ vasena ekavāraṃ ummujjitvā tesāṃ parihāniyā puna nimujjatiyeva Devadattādayo viya. Devadatto hi aṭṭha samāpattiyo pañca ca abhiññāyo nibbattetvāpi puna Buddhānaṃ paṭikaṅṭakatāya tehi guṇehi parihīno ruhiruppādakammaṃ saṃghabhedakammaṃca katvā kāyassa bhedā dutiyacittavārena niraye nibbatti. Kokāliko dve aggasāvake upavaditvā Padumaniraye nibbatto.

Neva hāyati no vaḍḍhatīti appahonakakālepi na hāyati, pahonakakālepi na vaḍḍhati. Ubhayampi panetaṃ agārikenapi anagārikenapi dīpetabbarā. Ekacco hi agāriko appahonakakāle pakkhikabhattaṃ vā salākabhattaṃ vā vassāvāsikaṃ vā upanibandhāpeti. So pacchā pahonakakālepi pakkhikabhattādīmattameva pavatteti. Anagārikopi ādīmhi appahonakakāle uddesaṃ vā dhutaṅgaṃ vā gaṇhāti. Medhābalavīriyasampattiyā pahonakakālepi tato uttarimā na karoti. **Evaṃ puggaloti** evaṃ imāya saddhādīnaṃ ṭhitiyā puggalo ummujjitvā ṭhito nāma hoti.

Ummujjitvā vipassati viloketīti sotāpanno puggalo uṭṭhahitvā gamanamaggam¹ gantabbaṃ disaṃ vā oloketi nāma.

1. Uddhamā gamanamaggam (Syā)

Ummujjivā pataratīti sakadāgānipuggalo kilesatanutāya utthahitvā gantabbadisābhimukho patarati nāma.

Patigādhappatto hotīti anāgānipuggalo utthāya viloketvā patarivā gantvā ekasmiṃ thāne patiṭṭhāpatto nāma hoti, tiṭṭhati na punāgacchati.

Tiṇṇo pārāṅgato thale tiṭṭhatīti sabbakilesogham tarivā paratīram gantvā nibbānathale thito nāma hoti. Ime pana satta puggalā udakopamena dīpitā.

Satta kira jaṅghavāṇijā addhānamaggapaṭipannā antarāmagge ekaṃ puṇṇanadiṃ pāpuṇimsu. Tesu paṭhamam otiṇṇo udakabhīruko puriso otiṇṇatthāneyeva nimujjivā puna utthātum nāsakkhi, antoyeva macchakacchapabhakkho jāto. Dutiyo otiṇṇatthāne nimujjivā sakim utthahitvā puna nimuggo utthātum nāsakkhi, antoyeva macchakacchapabhakkho jāto. Tatiyo nimujjivā utthahi¹, so majjhe nadiyā thatvā neva orato āgantum, na parato gantum asakkhi. Catuttho utthāya thito uttaraṇatittham olokesi. Pañcamo otaraṇatittham oloketvā patari. Chaṭṭho tarivā pārimatīram gantvā kaṭippamāṇe udaye thito. Sattamo pārimatīram gantvā gandhacuṇṇadīhi nhatvā varavattāni nivāsetvā surabhivilepanam vilimpitvā nīluppalādīni piḷandhitvā nānālaṅkārapaṭimaṇḍito mahānagaram pavisitvā pāsādavaramāruya uttamabhojanam bhuñji.

Tattha satta jaṅghavāṇijā viya ime satta puggalā, nadī viya vaṭṭam, paṭhamassa udakabhīrukassa purisassa otiṇṇatthāneyeva nimujjanam viya micchādīṭṭhikassa vaṭṭe nimujjanam, ummujjivā nimuggapuriso viya saddhādīnam uppattimattakena ummujjivā tesam parihāniyā nimuggapuggalo, majjhe nadiyā thito viya saddhādīnam thitiyā thitapuggalo, uttaraṇatittham olokeno viya gantabbamaggam gantabbadisam vā olokeno sotāpanno, pataritapuriso viya kilesatanutāya pataranto sakadāgāmī, tarivā kaṭimatte udaye thitapuriso viya anāvattitadhammatāya thito anāgāmī, nhatvā

1. Utthito (Sī, Syā)

pārimatīraṃ uttaritvā thale ṭhitapuriso viya cattāro oghe atikkamitvā nibbānathale ṭhito khīṇāsavabrāhmaṇo, thale ṭhitapurisassa nagaraṃ pavisitvā pāsādavaraṃ āruyha uttamabhojanabhūñjanaṃ viya khīṇāsavassa nibbānārammaṇaṃ phalasaṃpattim appetvā vītināmanaṃ veditabbaṃ. Ubhatobhāgavimuttādayo heṭṭhā pakāsītāyevāti.

Sattakaniddesavaṇṇanā.

207. Aṭṭhakanavakaniddesāpi heṭṭhā vuttanayeneva veditabbā.

10. Dasakaniddesavaṇṇanā

209. Dasakaniddese **idhāti** kāmāvacarabhūmiyaṃ.

Kāmāvacarabhūmiyañhi sattakkhattuparamādīnaṃ kāmāvacarabhūmiyaññeva niṭṭhā hoti, kāmāvacarattabhāveneva arahattappatti ca anupādisesanibbānappatti ca hotīti attho.

Idha vihāyāti idha kāmāvacare attabhāve vihāya suddhāvāsattabhāve ṭhitānaṃ niṭṭhā hotīti attho. Antarāparinibbāyi-ādayo hi idha anāgāmi phalaṃ patvā ito cutā Suddhāvāsesu uppajjitvā tena attabhāvena arahattañceva anupādisesanibbānadhātuṅca pāpuṇanti. Tena vuttaṃ “imesaṃ pañcannaṃ idha vihāya niṭṭhā”ti.

Dasakaniddesavaṇṇanā.

Nigamanakathā

Ettāvatā ca—

Yaṃ ve Puggalapaññattim, loke appaṭipuggalo.

Nātisaṅkhepato Satthā, desesi tidasālaye.

Tassā Aṭṭhakathañceva, Dīpabhāsāya saṅkhatam.

Āgamaṭṭhakathāyo ca, ogāhetvā asesato.

Suvibhatto asaṅkiṇṇo, yo yo attho yaḥim yaḥim.
 Tato tato taṃ gahetvā, pahāya ativithāraṃ.
 Visuddhimagge yaṃ vuttaṃ, taṃ anādāya saṅkhatā.
 Nāṭisaṅkhepavithāra-nayenaṭṭhakathā ayaṃ.
 Taṃ etaṃ sattamattehi, bhāṇavārehi tantiyā.
 Ciraṭṭhitatthaṃ dhammassa, saṅkharontena yaṃ mayā.
 Sampattaṃ kusalaṃ tena, saddhammaṃ sukhumaṃ sivaṃ.
 Oloketu visuddhena, pāṇayo dhammacakkhunāti.

Puggalapaññatti-aṭṭhakathā niṭṭhitā.

Abhidhammapiṭaka

Kathāvatthu-aṭṭhakathā

Namo tassa Bhagavato Arahato Sammāsambuddhassa.

Nisinno devalokasmiṃ, devasaṅghapurakkhato.

Sadevakassa lokassa, Satthā appaṭipuggalo.

Sabbapaññattikusalo, paññattiparidīpanaṃ.

Vatvā Puggalapaññattiṃ, loke uttamapuggalo.

Yaṃ puggalakathādīnaṃ, kathānaṃ vatthubhāvato.

Kathāvatthupakaraṇaṃ, saṅkhepena adesayī.

Mātikāṭhapaneneva, ṭhapitassa surālaye.

Tassa Moggaliputtana, vibhattassa mahītale.

Idāni yasmā sampatto, attasaṃvaṇṇanākkamo.

Tasmā naṃ vaṇṇayissāmi, taṃ suṇātha samāhitāti.

Nidānakathā

Yamakaṇṭhāpāṭhaṃ vāsaṇasmiṃhi Bhagavā tidasapure pāricchattakamūle
Paṇḍukambalasilāyaṃ vassaṃ upagantvā mātaraṃ kāyasakkhim katvā
devaparisāya abhidhammakathaṃ kathento
Dhammasaṅgaṇīvibhaṅgadhātukathāpuggalapaññattippakaraṇāni desayitvā
Kathāvatthudesanāya vāre sampatte “anāgate mama sāvako mahāpañño
Moggaliputtatissatthero nāma uppannaṃ sāsanaṃ sāsanaṃ sodhetvā
tatiyasaṅgītiṃ karonto bhikkhusaṅghassa majjhe nisinno sakavāde pañca
suttasatāni paravāde pañcāti suttasahassaṃ samodhānetvā imaṃ pakaraṇaṃ
bhājessatī”ti tassokāsaṃ karonto yā cesā puggalavāde tāva catūsu pañhesu
dvinnāṃ pañcakānaṃ vasena aṭṭhamukhā vādayutti, taṃ ādiṃ katvā
sabbakathāmaggesu asampuṇṇabhāṇavāramattāya tantiyā mātikaṃ ṭhapesi.

Athāvasesaṃ abhidhammakathaṃ vitthāranayeneva kathetvā vutthavasso suvaṇṇarajatasopānamajjhe¹ maṇimayena sopānena devalokato Saṅkassanagare oruyha sattahitaṃ sampādentō yāvatāyukaṃ tathavā anupādisesāya nibbānadhātuyā parinibbāyi.

Athassa Mahākassapappamukho vasīgaṇo Ajātasatturājānaṃ sahāyaṃ gahetvā dhammavinayasarīraṃ saṅgahaṃ² āropesi. Tato vassasatassa accayena Vajjiputtakā bhikkhū dasa vatthūni dīpayimsu, tāni sutvā Kākaṇḍakassa brāhmaṇassa putto Yasatthero Susunāgaputtam Kālāsokaṃ³ nāma rājānaṃ sahāyaṃ gahetvā dvādasannaṃ bhikkhusatasahassānaṃ antare sattatherasatāni uccinitvā tāni dasavatthūni madditvā dhammavinayasarīraṃ saṅgahaṃ āropesi.

Tehi pana dhammasaṅgāhakattherehi niggahitā dasasahassā Vajjiputtakā bhikkhū pakkhaṃ pariyesamānā attano anurūpaṃ dubbalapakkhaṃ labhitvā visuṃ Mahāsaṅghikācariyakulaṃ nāma akaṃsu. Tato bhijjivā aparāni dve ācariyakulāni jātāni Gokulikā ca, Ekabyohārikā ca. Gokulikanikāyato bhijjivā aparāni dve ācariyakulāni jātāni Paṇṇattivādā ca, Bāhuliyā⁴ ca. Bahussutikātipi tesāmyeva nāmaṃ. Tesāmyeva antare Cetiyavādā nāma apare ācariyavādā uppannā. Evaṃ Mahāsaṅghikācariyakulato dutiye vassāsate pañcācariyakulāni uppannāni, tāni Mahāsaṅghikehi saddhiṃ cha honti.

Tasmiṃyeva dutiye vassasate Theravādato bhijjivā dve ācariyavādā uppannā Mahisāsakā⁵ ca, Vajjiputtakā ca. Tattha Vajjiputtakavādato bhijjivā apare cattāro ācariyavādā uppannā Dhammuttariyā, Bhadrāyānikā, Channāgārikā, Samitiyāti. Puna tasmiṃyeva dutiye vassasate Mahisāsakavādato bhijjivā Sabbatthivādā⁶ Dhammaguttikāti dve ācariyavādā uppannā. Puna Sabbatthivādakulato bhijjivā Kassapikā nāma jātā. Kassapikesu bhinnesu apare Saṅkantikā nāma jātā. Saṅkantikesu bhinnesu Suttavādā nāma jātāti Theravādato bhijjivā ime

1. ...sopānānaṃ majjhe (Sī, Syā)

2. Saṅgītiṃ (Ka)

3. Asokaṃ (Syā)

4. Bāhulikā (Sī)

5. Mahimsāsakā (Sī)

6. Sabbatthikavādā (Syā)

ekādasa ācariyavādā uppannā, te Theravādehi saddhiṃ dvādasa honti. Iti ime ca dvādasa, Mahāsaṃghikānañca cha ācariyavādāti sabbeva aṭṭhārasa ācariyavādā dutiye vassasate uppannā. Aṭṭhārasa nikāyātipi, aṭṭhārasācariyakulānītipi etesaṃyeva nāmaṃ. Etesu pana sattarasa vādā bhinnakā, Theravādo asambhinnakoti veditabbo. Vuttampi cetam

Dīpavaṃse—

“Nikkaḍḍhitā pāpabhikkhū, therehi Vajjiputtakā.
 Aññaṃ pakkhaṃ labhitvāna, adhammavādī bahū janā.
 Dasasahassā samāgantvā, akaṃsu dhammasaṅgahaṃ.
 Tasmāyaṃ dhammasaṅgīti, mahāsaṅgīti vuccati.
 Mahāsaṅgītikā bhikkhū, vilomaṃ akaṃsu sāsane.
 Bhindivā mūlasaṅgahaṃ, aññaṃ akaṃsu saṅgahaṃ.
 Aññaṃtra saṅgahitā¹ suttam, aññaṃtra akarīmsu te.
 Atthaṃ dhammañca bhindīmsu, vinaye nikāyesu ca pañcasu.
 Pariyāyadesitañcāpi, atho nipariyāyadesitam.
 Nītatthañceva neyyatthaṃ, ajānitvāna bhikkhavo.
 Aññaṃ sandhāya bhaṇitam, aññaṃ atthaṃ ṭhapayīmsu te.
 Byañjanacchāyāya te bhikkhū, bahuṃ atthaṃ vināsayuṃ.
 Chaḍḍetvāna ekadesaṃ, suttam vinayagambhiraṃ.
 Patirūpaṃ suttam vinayaṃ, tañca aññaṃ karīmsu te.
 Parivāraṃ atthuddhāraṃ, abhidhammaṃ chappakaraṇaṃ.
 Paṭisambhidañca Niddesaṃ, ekadesaṃca Jātakam.
 Ettakaṃ vissajjitvāna², aññaṃni akarīmsu te.
 Nāmaṃ liṅgaṃ parikkhāraṃ, ākappakaraṇāni ca.
 Pakatibhāvaṃ jahitvā, tañca aññaṃ akaṃsu te.
 Pubbaṅgamā bhinnavādā, mahāsaṅgītikārakā.

1. Saṅgahitaṃ (Sī)

2. Vissajjetvāna (Sī), vibhajitvāna (Syā)

Tesañca anukārena, bhinnavādā bahū ahu.
 Tato aparakālamhi, tasmim̐ bhedo ajāyatha.
 Gokulikā Ekabyohāri, dvidhā bhijjittha bhikkhavo.
 Gokulikānaṃ dve bhedā, aparakālamhi jāyatha.
 Bahussutikā ca paññatti, dvidhā bhijjittha bhikkhavo.
 Cetiya ca punavādī, mahāsaṅgītibhedakā.
 Pañcavādā ime sabbe, mahāsaṅgītimūlakā.
 Atthaṃ dhammañca bhindimsu, ekadesañca saṅgahaṃ.
 Ganthañca ekadesañhi, chaḍḍetvā aññaṃ akaṃsu te.
 Nāmaṃ liṅgaṃ parikkhāraṃ, ākappakaraṇāni ca.
 Pakatibhāvaṃ jahitvā, tañca aññaṃ akaṃsu te.
 Visuddhattheravādamhi, puna bhedo ajāyatha.
 Mahisāsakā Vajjiputtakā, dvidhā bhijjittha bhikkhavo.
 Vajjiputtakavādamhi, catudhā bhedo ajāyatha.
 Dhammuttarikā Bhaddayānikā, Channāgārikā ca samiti.
 Mahisāsakānaṃ dve bhedā, aparakālamhi ajāyatha.
 Sabbatthivādā Dhammaguttā, dvidhā bhijjittha bhikkhavo.
 Sabbatthivādānaṃ Kassapikā, Saṅkantikassapikena ca.
 Saṅkantikānaṃ Suttavādī, anupubbena bhijjatha.
 Ime ekādasa vādā, sambhinnā Theravādato.
 Atthaṃ dhammañca bhindimsu, ekadesañca saṅgahaṃ.
 Ganthañca ekadesañhi, chaḍḍetvā aññaṃ akaṃsu te.
 Nāmaṃ liṅgaṃ parikkhāraṃ, ākappakaraṇāni ca.
 Pakatibhāvaṃ jahitvā, tañca aññaṃ akaṃsu te.
 Sattarasa bhinnavādā, ekavādo abhinnako.
 Sabbevaṭṭhārāsa honti, bhinnavādena te saha.

Nigrodhova mahārukkho, thera vādānamuttamo.

Anūnaṃ anadhikañca, kevalaṃ Jinasāsaṇaṃ.

Santakā¹ viya rukkhamhi, nibbattā vādasesakā.

Paṭhame vassasate natthi, dutiye vassasatantare.

Bhinnā sattarasa vādā, uppannā Jinasāsane”ti.

Aparāparaṃ pana Hemavatikā Rājagirikā Siddhatthikā Pubbaseliyā Aparaseliyā Vājiriyāti aññepi cha ācariyavādā uppannā, te idha anadhippetā. Purimakānaṃ pana aṭṭhārasannaṃ ācariyavādānaṃ vasena pavattamāne sāsane paṭiladdhasaddho Asoko dhammarājā divase divase Buddhapūjāya satahassaṃ, dhammapūjāya satahassaṃ, saṃghapūjāya satahassaṃ, attano ācariyassa Nigrodhattherassa satahassaṃ, catūsu dvāresu bhesajjathāya satahassanti pañcasatahassāni pariccajanto sāsane uḷāraṃ lābhasakkāraṃ pavattesi.

Titthiyā hatalābhasakkārā² antamaso ghāsacchādanamattampi³ alabhantā lābhasakkāraṃ patthayamānā bhikkhūsu pabbajitvā sakāni sakāni diṭṭhigatāni “ayaṃ dhammo, ayaṃ vinayo, idaṃ Satthusāsaṇaṃ”ti dīpenti. Pabbajjaṃ alabhamānāpi sayameva kese chinditvā kāsāyāni vatthāni acchādetvā vihāresu vicarantā uposathakammādikaraṇakāle saṃghamaṃjjham pavisanti, te bhikkhusaṃghena dhammena vinayena Satthusāsaṇena niggayhamānāpi dhammavinayānulomāya paṭipattiyā asaṅṭhahantā anekarūpaṃ sāsanaṃ abbudañca malañca kaṇṭakañca samuṭṭhāpenti. Keci aggim paricaranti, keci pañcātape tapanti, keci ādiccaṃ anuparivattanti, keci “dhammañca vinayañca vobhindissāmā”ti tathā tathā paggaṇhimsu. Tadā bhikkhusaṃgho na tehi saddhim uposathaṃ vā pavāraṇaṃ vā akāsi, asokārāme satta vassāni uposatho upacchijji.

Rājā “añāya kāressāmī”ti vāyamantopi kāretum nāsakkhi, aññadatthu duggahitagāhinā bālena amaccena anekesu bhikkhūsu jīvitā voropitesu vippaṭṭisārī ahoṣi, so tañca vippaṭṭisāraṃ tañca sāsane uppannaṃ abbudaṃ vūpasametukāmo “ko nu kho imasmim atthe

1. Kaṇṭakā (Ka), vandākā (?)

2. Rahitalābhasakkārā (Syā)

3. Ghāsacchādanampi (Syā)

paṭibalo”ti saṅghaṃ pucchitvā “Moggaliputtatissatthero mahārājā”ti sutvā saṅghassa vacanena Ahogaṅgāpabbatako¹ therāṃ pakkosāpetvā iddhipāṭihāriyadassanena therassa ānubhāve² nibbicikiccho attano kukkucam pucchitvā vippaṭisāraṃ vūpasamesi. Theropi taṃ rājuyyāneyeva vasanto satta divasāni samayaṃ uggaṅhāpesi, so uggaḥitasamayo sattame divase Asokārāme bhikkhusaṅghaṃ sannipātāpetvā sāṇipākāraṃ parikkhipāpetvā sāṇipākārantare nisinno ekaladdhike ekaladdhike bhikkhū ekato ekato kāretvā ekamekaṃ bhikkhusamūhaṃ pakkosāpetvā pucchi “bhante kimvādī Sammāsambuddho”ti. Tato sassatavādino “sassatavādī”ti āhaṃsu. Ekaccasassatikā, antānantikā, amarāvikkhepikā, adhiccasamuppannikā, saññīvādā, asaññīvādā, nevasaññīnāsaññīvādā, ucchedavādā, diṭṭhadhammanibbānavādā “diṭṭhadhammanibbānavādī”ti āhaṃsu. Rājā paṭhamameva samayassa uggaḥitattā “nayime bhikkhū, aññatitthiyā ime”ti ṇatvā tesāṃ setakāni vatthāni datvā uppabbājesi, te sabbepi saṭṭhisahassā ahesuṃ.

Athaññe bhikkhū pakkosāpetvā pucchi “kimvādī bhante Sammāsambuddho”ti. Vibhajjavādī mahārājāti evaṃ vutte rājā therāṃ pucchi “vibhajjavādī bhante Sammāsambuddho”ti. Āma mahārājāti. Tato rājā “suddhaṃ dāni bhante sāsaṇaṃ, karotu bhikkhusaṅgho uposathan”ti ārakkhaṃ datvā nagaraṃ pāvīsi. Samaggo saṅgho sannipatitvā uposathaṃ akāsi, tasmim sannipāte saṭṭhibhikkhusatasahassāni ahesuṃ. Tasmim samāgame Moggaliputtatissatthero yāni ca tadā uppānāni vatthūni yāni ca āyatim uppajjissanti, sabbesampi tesāṃ paṭibāhanatthaṃ Satthārā dinnanayavaseneva Tathāgatena ṭhapitamātikaṃ vibhajanto sakavāde pañca suttasatāni paravāde pañcāti suttasahassam āharitvā imaṃ parappavādamathanam āyatilakkhaṇam **Kathāvatthuppakaraṇam** abhāsi.

Tato saṭṭhisatasahassasaṅkhyesu bhikkhū uccinitvā Tipiṭakapariyattidharānaṃ pabhinnapaṭisambhidānaṃ bhikkhūnaṃ saḥassamekaṃ gaḥetvā yathā Mahākassapatthero ca Yasatthero ca dhammañca vinayañca saṅgāyimsu, evameva

1. Adhogaṅgāpabbatato (Syā)

2. Ānubhāvena (Syā, Ka)

saṅgāyanto sāsanaṃmalāraṃ visodhetvā tatiyaṃgītiṃ akāsi. Tattha abhidhammaṃ saṅgāyanto imaṃ yathābhāsitaṃ pakaraṇaṃ saṅgahaṃ āropesi. Tena vuttaṃ—

“Yaṃ puggalakathādīnaṃ, kathānaṃ vatthubhāvato.

Kathāvatthuppakaraṇaṃ, saṅkhepena adesayī.

Mātikāṭhapaneneva, ṭhapitassa surālaye.

Tassa Moggaliputtana, vibhattassa mahītale.

Idāni yasmā sampatto, atthasaṃvaṇṇanākkamo.

Tasmā naṃ vaṇṇayissāmi, taṃ suṇātha samāhitā”ti.

Nidānakathā niṭṭhitā.

1. Puggalakathā

1. Suddhasaccikaṭṭha

1. Anulomapaccanīkavaṇṇanā

1. Tattha **puggalo upalabbhati saccikaṭṭhaparamatthenā**ti ayam pucchā. **Āmantā**ti ayam paṭijānanā. Kassa panāyam pucchā, kassa paṭijānanāti. Asukassāti na vattabbā. Bhagavatā hi imasmim pakaraṇe nānappakārānaṃ laddhīnaṃ visodhanatthaṃ tantivasena mātikā ṭhapitā, sā therena Satthārā dinnanaye ṭhatvā tantivasena vibhattā. Na hi thero yattakā ettha vādamaggā dassitā, tattakehi vādīhi¹ saddhim vādena viggāhikakathaṃ kathesi. Evaṃ santepi pana tāsam tāsam kathānaṃ atthassa sukhāvadhāraṇatthaṃ sakavādīpucchā paravādīpucchā sakavādīpaṭipaññā paravādīpaṭiññāti evaṃ vibhāgam dassetvāva atthavaṇṇanaṃ karissāma.

Puggalo upalabbhati saccikaṭṭhaparamatthenāti hi ayam sakavādīpucchā. Tāya “ye atthi puggaloti evamladdhikā puggalavādino, te evaṃ pucchitabbā”ti dīpeti. Ke pana puggalavādinoti? Sāsane vajjiputtakā ceva samitiyā ca bahiddhā ca bahū aññatitthiyā. Tattha **puggaloti attā satto jīvo. Upalabbhatīti** paññāya upagantvā labbhati, nāyatīti attho. **Saccikaṭṭhaparamatthenā**ti ettha **saccikaṭṭhoti** māyāmarīci-ādayo viya abhūtākārena aggahetabbo bhūtaṭṭho. **Paramatthoti** anussavādivasena aggahetabbo uttamattho. Ubhayenāpi yo parato “puggalo upalabbhati saccikaṭṭhaparamatthena rūpaṇca upalabbhatī”ti-ādinā khandhāyatanadhātu-indriyavasena sattapaññāsavidho dhammappabhedo dassito, yathā so bhūtena sabhāvaṭṭhena upalabbhati, evaṃ tava puggalo upalabbhatīti pucchati. Paravādī **āmantā**ti paṭijānāti. Paṭijānanañhi katthaci “āma bhante”ti āgacchati, katthaci “āmo”ti paṭijānanaṃ² āgacchati, idha pana “āmantā”ti āgataṃ. Tatrāyam adhippāyo—so hi yaṃ taṃ parato vuttaṃ Bhagavatā “atthi puggalo attahitāya paṭipanno”ti³.

1. Vādethi (Syā)

2. Paṭijānananti (Si)

3. Am 1. 408 piṭṭhe.

suttaṃ āgataṃ, taṃ gahetvā yasmā pana Bhagavā saccavādī na visamvādanapurekkhāro vācaṃ bhāsati, nāpi anussavādivasena dhammaṃ deseti, sadevakaṃ pana lokaṃ sayam abhiññā sacchikatvā pavedeti, tasmā yo tena¹ vutto “atthi puggalo attahitāya paṭipanno”ti, so saccikaṭṭhaparamattheneva atthīti laddhiṃ gahetvā “āmantā”ti paṭijānāti.

Athassa tādisassa lesavacanassa chalavādassa okāsaṃ adadamāno sakavādī **yo saccikaṭṭhoti**-ādimāha. Tatrāyaṃ adhippāyo—yvāyaṃ parato “sappaccayo appaccayo, saṅkhato asaṅkhato, sassato asassato, sanimitto animitto”ti evaṃ paridīpito rūpādisattapaññāsavidho dhammappabhedo āgato, na sammutisaccavasena, nāpi anussavādivasena gahetabbo, attano pana bhūtatāya eva saccikaṭṭho, attapaccakkhatāya ca paramattho, taṃ sandhāyāha “yo saccikaṭṭho paramattho, tato so puggalo upalabbhati saccikaṭṭhaparamatthenā”ti.

Tatoti karaṇavacanametam, tasmā tena saccikaṭṭhaparamatthena so puggalo upalabbhatīti ayamettha attho. Idaṃ vuttaṃ hoti—ruppanādibhedena vā sappaccayādibhedena vā ākārena yo saccikaṭṭhaparamattho upalabbhati, kiṃ te puggalopi² tenākārena upalabbhatīti. **Na hevaṃ vattabbeti** avajānanā paravādissa. So hi tathārūpaṃ puggalaṃ anicchanto avajānāti. Tatrāyaṃ padacchedo—na hi evaṃ vattabbeti, na ha evantipi vaṭṭati. Dvinnampi evaṃ na vattabboti attho.

Ājānāhi niggahanti sakavādivacanaṃ. Yasmā te purimāya vattabbapaṭiññāya pacchimā navattabbapaṭiññā, pacchimāya ca purimā na sandhiyati, tasmāpi niggahaṃ patto, taṃ niggahaṃ dosaṃ aparādhaṃ sampañicchāhīti attho. Evaṃ niggahaṃ ājānāpetvā idāni taṃ ṭhapanāya ceva anulomapaṭilomato pāpanāropanānañca vasena pākaṭaṃ karonto **hañci puggaloti**-ādimāha. Tattha **hañci puggalo upalabbhatīti** yadi puggalo upalabbhati, sace puggalo upalabbhati saccikaṭṭhaparamatthenāti attho. Ayam tāva paravādīpakkhassa ṭhapanato niggahapāpanāropanānaṃ

1. Tena Bhagavatā (Syā)

2. So puggalopi (Syā)

lakkhaṇabhūtā anulomaṭṭhapanā nāma. **Tena vata reti-**ādi anulomapakkhe niggahassa pāpitattā anulomapāpanā nāma. Tattha **tenā**ti kāraṇavacanaṃ. **Vatā**ti okappanavacanaṃ. **Reti** āmantanavacanaṃ. Idam vuttam hoti—tena re vattabbe vata¹, re hambho bhadrakukha tena kāraṇena vattabbovati. **Yaṃ tattha vadesī**-ādi anulomapakkhe niggahassa āropitattā anulomaropanā nāma. Yaṃ tassa² pariyoṣāne micchātipadam, tassa purato idam teti āharitabbaṃ. Idam te micchāti ayañhettha attho³, parato ca Pāliyaṃ etaṃ āgatameva.

No ce pana vattabbe-ādi “na hevaṃ vattabbe”ti paṭikkhittapakkhassa ṭhapitattā paṭilomato niggahapāpanāropanānaṃ lakkhaṇabhūtā paṭilomaṭṭhapanā nāma. **No ca vata reti-**ādi paṭilomapakkhe niggahassa pāpitattā paṭilomapāpanā nāma. Puna **yaṃ tattha vadesī**-ādi paṭilomapakkhe niggahassa āropitattā paṭilomaropanā nāma. Idhāpi pariyoṣāne micchātipadassa purato idam teti āharitabbameva. Paratopi evarūpesu ṭhānesu eseva nayo.

Tatrāyaṃ ādito paṭṭhāya saṅkhepattho—yadi puggalo upalabbhati saccikaṭṭhaparamatthena, tena vata bho⁴ so upalabbhatīti vattabbo. Yaṃ pana tattha vadesi “vattabbo kho purimapañhe ‘saccikaṭṭhaparamatthena upalabbhatī’ti, no ca vattabbo dutiyapañhe ‘tato so puggalo upalabbhatī’ti”, idam te micchāti evaṃ tāva anulomato ṭhapanāpāpanāropanā honti. Atha na vattabbo dutiyapañhe “tato so upalabbhatī”ti, purimapañhepi na vattabbova. Yaṃ panettha vadesi “vattabbo kho purimapañhe ‘saccikaṭṭhaparamatthena upalabbhatī’ti, no ca vattabbo dutiyapañhe ‘tato so puggalo upalabbhatī’ti”, idam te micchāti evaṃ paṭilomato ṭhapanāpāpanāropanā honti. Evametam niggahassa ca anulomapaṭilomato catunnaṃ pāpanāropanānaṃca vuttattā upalabbhatīti-ādikaṃ anulomapañcayam nāma. Ettha ca kiñcāpi anulomato pāpanāropanāhi eko, paṭilomato pāpanāropanāhi ekoti dve niggahā katā, ājānāhi niggahanti etasseva

1. Tena vata re vattabbe (Syā)

3. Ayañcettha attho (Syā)

2. Yañcassa (Syā)

4. Tena vata re (Syā)

panettha puggalo upalabbhatīti paṭhamam vādam nissāya paṭhamassa niggahassa dvīhākārehi āropitattā ekovāyam niggahoti paṭhamo niggaho.

2. Idāni paccanīkanayo hoti. Tattha pucchā paravādissa. So hi “atthi puggalo attahitāya paṭipanno”ti gahitattā “nupalabbhatī”ti asampaṭicchanto evam pucchati. Sakavādī yathā rūpādiddhammā upalabbhanti, evam anupalabbhaniyato **āmantā**ti paṭijānāti. Puna itaro¹ attanā adhippetam saccikaṭṭhamyeva sandhāya **yo saccikaṭṭhoti**-ādimāha. Sammutisaccaparamatthasaccāni vā ekato katvāpi evamāha. Sakavādī puggaloti upādāpaññattisabbhāvatoṇi dvinnam saccānam ekato katvā pucchitattāpi **na hevanti** paṭikkhipati.

Idāni kiñcāpi tena paṭhamam paramatthasaccavasena nupalabbhaniyātā sampaṭicchitā², pacchā sammutisaccavasena³ vomissakavasena vā paṭikkhittā. Paravādī pana nupalabbhatīti vacanasāmaññamattam chalavādam nissāya yam tayā paṭhamam paṭiññātam, tam pacchā paṭikkhittanti bhaṇḍanassa paṭibhaṇḍanam viya attano katassa niggahakammassa paṭikammaṃ karonto **ājānāhi paṭikammanti** āha. Idāni yathāssa anulomapañcake sakavādinā vādaṭṭhapanam katvā anulomapaṭilomato pāpanāropanāhi niggaho pākaṭo kato, evam paṭikammaṃ pākaṭam karonto **hañci puggaloti**-ādimāha. Tam hetṭhā vuttanayeneva atthato veditabbam. Yasmā panettha ṭhapanā nāma paravādīpakkhassa ṭhapanato “ayam tava doso”ti dassetuṃ ṭhapanamattameva hoti, na niggahassa vā paṭikammassa vā pākaṭabhāvakaraṇam, pāpanāropanāhi panassa pākaṭakaraṇam hoti, tasmā idam anulomapaṭilomato pāpanāropanānam vasena catūhākārehi paṭikammassa katattā paṭikammacatukkam nāmāti ekam⁴ catukkam veditabbam.

3. Evam paṭikammaṃ katvā idāni yvāssa⁵ anulomapañcake sakavādinā niggaho kato, tassa tameva chalavādam nissāya dukkaṭabhāvam dassento **tvañce pana maññasīti**-ādimāha. Tattha **tvaṃ ce pana maññasīti** yadi tvaṃ maññasi. **Vatṭabbe khoti** idam paccanīke āmantāti paṭiññam sandhāya

1. Itaro paravādī (Syā) 2. Sampaṭicchitvā (Syā) 3. Sammutisaccavasena vā (Syā)

4. Evam (Syā)

5. Yvāyam (Ka)

vuttaṃ. **No ca vattabbeti** idaṃ pana na hevāti avajānanam sandhāya vuttaṃ. **Tena tava tatthāti** tena kāraṇena tvaṃyeva tasmim̃ nupalabbhatīti pakkhe “hevam̃ paṭijānantanti āmantā”ti evam̃ paṭijānanto. **Hevam̃ niggahetabbeti** puna na hevāti avajānanto evam̃ niggahetabbo. **Atha tam̃ niggaṇhāmāti** athevam̃ niggaṇhārahaṃ¹ tam̃ niggaṇhāma. **Suniggahito ca hosīti** sakena matena niggahitattā suniggahito ca bhavasi.

Evamassa niggahetabbabhāvam̃ dassetvā idāni tam̃ niggaṇhanto **hañcīti-**ādimāha. Tattha ṭhapanāpāpanāropanā heṭṭhā vuttanayeneva veditabbā. Pariyosāne pana **idaṃ te micchāti** idaṃ tava vacanam̃ micchā hotīti attho. Idaṃ chalavādena catūhi ākārehi niggahassa katattā niggahacatukkam̃ nāma.

4. Evam̃ niggaham̃ katvāpi idāni “yadi ayam̃ mayā tava matena kato niggaho dunniggaho, yo mama tayā heṭṭhā anulomapañcake kato niggaho, sopi dunniggaho”ti dassento **ese ce dunniggahiteti**-ādimāha. Tattha **ese ce dunniggahiteti** eso ce tava vādo mayā dunniggahito, atha vā eso ce tava mayā kato niggaho dunniggaho. **Hevamevam̃ tattha dakkhāti** tatthāpi tayā mama heṭṭhā kate niggahe evamevam̃ passa. Idāni yvāssa² heṭṭhā sakavādinā niggaho kato, tam̃ “vattabbe kho”ti-ādivacanena dassetvā puna tam̃ niggaham̃ aniggahabhāvam̃ upanento **no ca mayam̃ tayāti**-ādimāha. Tattha **no ca mayam̃ tayā tattha hetāya paṭiññāyāti**-ādīsu ayamattho—yasmā so tayā mama kato niggaho dunniggaho, tasmā mayam̃ tayā tattha anulomapañcake āmantāti etāya paṭiññāya evam̃ paṭijānantā puna na hevāti paṭikkhepe katepi “ājānāhi niggahan”ti evam̃ na niggahetabboyeva, evam̃ aniggahetabbampi mam̃ niggaṇhāsi, īdisena pana niggahena dunniggahitā mayam̃ homa.

Idāni yaṃ niggaham̃ sandhāya “dunniggahitā ca homā”ti avoca, tam̃ dassetuṃ **hañci puggalo -pa- idaṃ te micchāti**-āha. Evamidam̃

1. Niggaṇhārahaṃ (Ka)

2. Yvāyam̃ (Ka)

anulomapaṭilomato catūhi pāpanāropanāhi niggahassa upanītattā upanayanacatukkaṃ nāma hoti.

5. Idāni “na hevaṃ niggahetabbe”ti-ādikaṃ niggamanacatukkaṃ¹ nāma hoti. Tattha **na hevaṃ niggahetabbe**ti yathāhaṃ tayā niggahito, na hi evaṃ niggahetabbo. Etassa hi niggahassa dunniggahabhāvo mayā sādhitō. **Tena hīti** tena kāraṇena, yasmā esa niggaho dunniggaho, tasmā yaṃ maṃ niggaṇhāsi hañci puggalo -pa- idaṃ te micchāti, idaṃ niggaṇhanaṃ tava micchāti attho. **Tena hi ye kate niggaheti** yena kāraṇena idaṃ micchā, tena kāraṇena yo tayā niggaho kato, so dukkaṭo. Yaṃ mayā paṭikammaṃ kataṃ, tadeva sukataṃ. Yāpi cesā paṭikammacatukkādivasena kathāmaggasamapaṭipādanā katā, sāpi sukataṃ. Evametaṃ puggalo upalabbhatīti-ādikassa anulomapañcakassa nupalabbhatīti-ādikaṇaṃ paṭikammaṃniggahopanayanāniggamanacatukkānaṃ vasena anulomapaccanīkapañcakam nāma niddiṭṭhanti veditabbaṃ. Ettāvataṃ sakavādino pubbapakkhe sati paravādino vacanasāmaññaṃmattena chalavādēna jayo hoti.

2. Paccanīkānulomavaṇṇanā

6. Idāni yathā paravādino pubbapakkhe sati sakavādino dhammeneva tathena² sujayo hoti, tathā vāduppattim dassetuṃ **puggalo nupalabbhatīti** paccanīkānulomapañcakam āraddham. Tattha paccanīke pucchā paravādissa, rūpādibhedam saccikaṭṭhaparamattham sandhāya paṭiññā sakavādissa. Suddhasammutisaccam vā paramatthamissakam vā sammutisaccam sandhāya **yo saccikaṭṭhoti** puna anuyogo paravādissa, sammutivasena nupalabbhatīti navattabbattā missakavasena vā anuyogassa samkiṇṇattā **na hevanti** paṭikkhepo sakavādissa. Paṭiññātam paṭikkhipatīti vacanasāmaññaṃmattena **ājānāhi niggahanti**-ādivacanam paravādissa. Evamayaṃ puggalo nupalabbhatīti dutiyavādam nissāya dutiyo niggaho hotīti veditabbo. Evaṃ tena chalena niggaho āropito.

1. Nigamanacatukkaṃ (Sī)

2. Tatheva bhūtena (Syā)

7-10. Idāni¹ dhammena samena attano vāde jayaṃ dassetuṃ anulomanaye pucchā sakavādissa, attano laddhiṃ nissāya paṭiññā paravādissa. Laddhiyā okāsaṃ adatvā paramatthavasena puna anuyogo sakavādissa, paramatthavasena puggalassa abhāvato paṭikkhepo paravādissa. Tato paraṃ dhammena samena attano jayadassanatthaṃ **ājānāhi paṭikammanti**-ādi sabbaṃ sakavādīvacanameva hoti. Tattha sabbesaṃ paṭikammaniggahopanayananiiggamanacatukkānaṃ heṭṭhā vuttanayeneva attho veditabbo. Evamidam puggalo nupalabbhatīti-ādikassa paccanīkapañcakassa upalabbhatīti-ādīnaṃ paṭikammaniggahopanayananiiggamanacatukkānañca vasena paccanīkānulomapañcakaṃ nāma niddiṭṭhaṃ hoti. Evametāni paṭhamasaccikaṭṭhe dve pañcakāni niddiṭṭhāni. Tattha purimapañcake paravādissa sakavādinā kato niggaho suniggaho, sakavādissa pana paravādinā chalavādaṃ nissāya paṭikammaṃ katvā attanā sādhitō jayo dujjayo. Dutiyapañcake sakavādissa paravādinā kato niggaho dunniggaho, paravādissa pana sakavādinā dhammavādaṃ nissaya paṭikammaṃ katvā attanā sādhitō jayo sujayoti paṭhamasaccikaṭṭho. Tatthetam vuccati—

“Niggaho paravādissa, suddho paṭhamapañcake.

Asuddho pana tasseva, paṭikammajayo tahiṃ.

Niggaho sakavādissa, asuddho dutiyapañcake.

Visuddho pana tasseva, paṭikammajayo tahiṃ.

Tasmā dvīsupi ṭhānesu, jayova sakavādinō.

Dhammena hi jayo nāma, adhammena kuto jāyo.

Saccikaṭṭhe yathā cettha, pañcakadvayamaṇḍite.

Dhammādhammavaseneva, vutto jayaparājayo.

Ito paresu sabbesu, saccikaṭṭhesu paṇḍito.

Evameva vibhāveyya, ubho jayaparājaye”ti.

1. Idāni tasseva paṭiññāya (Si, Syā)

2. Okāsasaccikaṭṭha

1. Anulomapaccanīkavaṇṇanā

11. Evaṃ suddhikasaccikaṭṭhaṃ vitthāretvā idāni tameva aparehi okāsādīhi nayehi vitthāretuṃ puna **puggalo upalabbhatī**-ādi āradham. Tattha pucchā sakavādissa, paṭiññā paravādissa. Puna **sabbatthāti** sarīraṃ sandhāya anuyogo sakavādissa, rūpasmim attānaṃ samanupassanādosañca aññaṃ jīvaṃ aññaṃ sarīranti āpajjanadosañca disvā paṭikkhepo paravādissa. Sesamettha anulomapaccanīkapañcake heṭṭhā vuttanayeneva veditabbaṃ. Pāṭho pana saṃkhitto. Tattha yasmā sarīraṃ sandhāya “sabbattha na upalabbhatī”ti vutte sarīrato bahi upalabbhatīti āpajjati, tasmā paccanīke paṭikkhepo sakavādissa, paṭhamāṃ anujānitvā pacchā avajānātīti chalavādassa vasena paṭikammaṃ paravādissa. Sesāṃ pākaṭameva.

3. Kālasaccikaṭṭha

1. Anulomapaccanīkavaṇṇanā

12. Dutiyanaye **sabbadāti** purimapacchimajātikālañca dharamānaparinibbutakālañca sandhāya anuyogo sakavādissa, sveva khattiyo so brāhmaṇoti-ādīnaṃ āpattidosañca dharamānaparinibbutānaṃ visesābhāvadosañca disvā paṭikkhepo paravādissa. Sesāṃ paṭhamanaye vuttasadisameva.

4. Avayavasaccikaṭṭha

1. Anulomapaccanīkavaṇṇanā

13. Tatiyanaye **sabbesūti** khandhāyatanādīni sandhāya anuyogo sakavādissa, rūpasmim attā, cakkhusmim attāti-ādidosabhayena paṭikkhepo paravādissa. Sesāṃ tādisamevāti.

Okāsādisaccikaṭṭha

2. Paccanīkānulomavaṇṇanā

14. Evametāni tīṇi¹ anulomapaccanīkapañcake anulomamattavaseneva tāva paṭipāṭiyā bhājetvā puna paccanīkānulomapañcake paccanīkamattavaseneva bhājetuṃ **puggalo nupalabbhatī**-ādi āradham. Tattha anulomapañcakassa Pāḷiyam saṃkhipitvā āgate paccanīke vuttanayeneva paccanīkassa ca Pāḷiyam saṃkhipitvā āgate anulome vuttanayeneva attho veditabbo. Ettāvataṃ suddhikassa ceva imesañca tiṇṇanti catunnam saccikaṭṭhānam ekekasmim saccikaṭṭhe anulomapaccanīkassa paccanīkānulomassa cāti dvinnam dvinnam paccanīkānam vasena ayam aṭṭhamukhā nāma vādayutti niddiṭṭhā hotīti veditabbā. Yā ekekasmim mukhe² ekekassa niggahassa vasena **aṭṭhakaniggahoti** Pāḷiyam likhiyati, tatthetaṃ vuccati—

“Evaṃ catubbidhe pañhe, pañcakadvayabhedato.
Esā aṭṭhamukhā nāma, vādayutti pakāsītā.

Aṭṭheva niggahā tattha, cattāro tesu dhammikā.
Adhammikā ca cattāro, sabbattha sakavādino.
Jayo parājayo ceva, sabbattha paravādino”ti.

Saccikaṭṭhavaṇṇanā niṭṭhitā.

5. Suddhikasamsandanavaṇṇanā

17-27. Idāni rūpādīhi saddhim saccikaṭṭhasamsandanam hoti. Tattha **rūpañcāti** yathā rūpam paramatthato upalabbhati, kim te puggalopi tatheva upalabbhatīti sandhāya pucchā sakavādissa, atthi puggaloti vacanamattam gahetvā paṭiññā paravādissa. Yadi te rūpam viya paramatthato puggalo atthi, rūpato vedanādīnam viya puggalassāpi aññattam³ āpajjatīti anuyogo sakavādissa, samayasuttavirodham disvā paṭikkhepo paravādissa. Sesam

1. Tīṇi mukhāni (Syā)

2. Pakkhe (Syā)

3. Aññattam (Syā)

atthato pākaṭameva. Dhammato panettha sattapaññāsabhedassa saccikaṭṭhaparamatthassa vasena sakavādīpakkhamūlake anulomapaccanīke¹ sattapaññāsa anulomapañcakāni dassitāni. Paṭikammacatukkādīni saṁkhittāni. Paravādīpakkhamūlakepi paccanīkānulome sattapaññāsa paṭilomapañcakāni dassitāni. Paṭikammacatukkādīni saṁkhittāni. Tattha “vuttaṁ Bhagavatā”ti vacanamattena puggalassa atthitaṁ rūpassa ca saccikaṭṭhaparamatthavasena upalabbhaniyataṁ dassetvā ubhinnaṁ aññattaṁ paṭijānāpanatthaṁ **vuttaṁ Bhagavatāti** anuyogo paravādissa, sammutiparamatthānaṁ ekattanānattapañhassa ṭhapanīyattā paṭikkhepo sakavādissa. Sesamidhāpi atthato pākaṭamevāti.

Suddhikasamsandanavaṇṇanā.

6. Opammasamsandanavaṇṇanā

28-36. Idāni rūpādīheva saddhim opammavasena saccikaṭṭhasamsandanāṁ hoti. Tattha rūpavedanānaṁ upaladdhisāmaññena aññattapucchā ca puggalarūpānaṁ upaladdhisāmaññapucchā cāti pucchādvayampi sakavādissa, ubhopi paṭiññā paravādissa. Paravādīnā anuññātena upaladdhisāmaññena rūpavedanānaṁ viya rūpapuggalānaṁ aññattānuyogo sakavādissa, paṭikkhepo itarassa. Sesamidhāpi atthato pākaṭameva. Dhammato panettha rūpamūlakādīnaṁ cakkānañca vasena sakavādīpakkhe vīsādhikāni nava niggahapañcakasatāni dassitāni. Kathaṁ? Khandhesu tāva rūpamūlake cakke cattāri, tathā vedanādīmūlakesūti vīsati. Āyatanesu cakkhāyatanamūlake cakke ekādasa, tathā sesesūti dvattiṁsasataṁ. Dhātūsu cakkhudhātumūlake cakke sattarasa, tathā sesesūti chādhikāni tīni satāni. Indriyesu cakkhundriyamūlake cakke ekavīsati, tathā sesesūti dvāsaṭṭhādhikāni cattāri satāni. Evaṁ sabbānīpi vīsādhikāni nava niggahapañcakasatāni honti.

37-45. Paravādīpakkhepi **rūpaṁ upalabbhatīti** anulomavaseneva rūpavedanādīnaṁ aññattapaṭiññāṁ kāretvā puna atthi puggaloti suttaṁ nissāya

1. Anulomapañcake (Syā)

chalavasena puggalassa rūpādīhi upaladdhisāmaññaṃ āropetvā aññattānuyogo kato. Sesamidhāpi atthato uttānameva. Dhammatopi sakavādīpakkhe vuttanayena vīsādhikāni nava paṭikammaapañcakasatāni dassitāni.

Rūpādīhi saddhim opammavasena saccikaṭṭhasaṃsandanaṃ.

7. Catukkanayasamaṃsandanaṃ

46-52. Idāni yaṃ saccikaṭṭhaparamatthena upalabbhati, tena yasmā rūpādīsu sattapaññāsāya saccikaṭṭhaparamatthesu aññatarena bhavitabbaṃ, rūpādīnissitena vā, aññatra vā rūpādīhi, rūpādīnaṃ vā nissayena, tasmā iminā catukkanayena saccikaṭṭhasamaṃsandanaṃ āradham. Tattha **rūpaṃ puggaloti** anuyogo sakavādissa, ucchedadiṭṭhibhayena **na hevāti** paṭikkhepo paravādissa, niggahāropanaṃ sakavādissa. Kiṃ panetaṃ yuttaṃ, nanu rūpaṃ vedanāti vuttampi paṭikkhipitabbamevāti? Āma paṭikkhipitabbaṃ, taṃ pana rūpato vedanāya aññasabhāvasabbhāvato, na aññattābhāvato. Ayañca rūpādīsu ekadhammatopi puggalassa aññattaṃ na icchati, tasmā yuttaṃ. Ayañca anuyogo rūpaṃ puggalo -pa- aññātāvindriyaṃ puggaloti sakalaṃ paramatthasaccaṃ sandhāya āradhho, sakalaṃ pana paccattalakkhaṇavasena ekato vattuṃ na sakkāti tantivasena anuyogalakkhaṇamattametaṃ¹ ṭhapitaṃ. Tena² viññū atthaṃ vibhāventi. Vādakāmena pana imaṃ lakkhaṇaṃ gahetvā yathā yathā paravādissa okāso na hoti, tathā tathā vattabbaṃ. Iti tantivasena anuyogalakkhaṇassa ṭhapitattāpi yuttameva. Iminā nayena sabbānuyogesu attho veditabbo.

Ayaṃ pana viseso—**rūpasmiṃ puggaloti**-ādīsu yathā ekaṃ mahābhūtaṃ nissāya tayo mahābhūtā, vatthurūpaṃ nissāya viññāṇaṃ rūpasmiṃti vattuṃ vaṭṭati, kiṃ te evaṃ rūpasmiṃ puggalo. Yathā ca sabhāgavinibbhogato vedanādayo sabbadhammā, arūpā vā pana cattāro khandhā, nibbānameva vā “aññatra rūpā”ti vattuṃ vaṭṭati, kiṃ te evaṃ puggalo.

1. Anuyogamattametaṃ (Ka)

2. Tenetaṃ (Syā)

Yathā ca cittasamuṭṭhānānaṃ rūpānaṃ nissayavasena “vedanāya rūpaṃ -pa-
viññānaṃ rūpaṃ”ti vattum vaṭṭati, kiṃ te evaṃ puggaloti.

Sabbānuyogesu pana ucchedaṭṭhibhayena ceva samayavirodhena ca
paṭikkhepo paravādissa. Sesamettha atthato pākaṭameva. Dhammato
panettha sattapaññāsāya saccikaṭṭhesu ekekasmim¹ cattāri cattāri katvā
niggahavasena aṭṭhavīsādhikāni dve pañcakasatāni dassitāni.

Paravādīpakkhepi paṭikkammavasena tattakāneva. Yā panettha atthi puggaloti
vutte sakavādissa paṭiññā, sā sutte āgatena sammutivasena. Yo rūpaṃ
puggaloti-ādīsu paṭikkhepo, so sakkāyadaṭṭhipañhassa ṭhapanīyattā.
Paravādissa paṭikkammaṃ chalavasenevāti.

Catukkanayasāmsandanāṃ.

Niṭṭhitā ca sāmsandanakathā.

8. Lakkhaṇayuttivaṇṇanā

53. Idāni lakkhaṇayutti nāma hoti. Tattha yasmā ṭhapetvā nibbānaṃ
seso saccikaṭṭhaparamattho paccayapaṭibaddhatāya sappaccayo, paccayehi
samāgamma katattā saṅkhato, uppajjitvā nirujjhanato sadā abhāvato
asassato, uppattikāraṇasaṅkhātassa nimittassa atthitāya sanimitto, nibbānaṃ
vuttappakārābhāvato appaccayaṃ asaṅkhataṃ sassataṃ animittanti idaṃ
saccikaṭṭhassa lakkhaṇaṃ, tasmā yadi puggalopi saccikaṭṭhaparamatthova,
tassāpi iminā lakkhaṇena bhavitabbanti sandhāya **puggalo sappaccayoti-**
ādayo aṭṭhapi anuyogā sakavādissa, paṭikkhepo paravādissa. Ājānāhi
niggahanti-ādī panettha saṅkhittaṃ. Evametāni sakavādīpakkhe
anulomappaccanīke anulomamattavasena aṭṭha pañcakāni veditabbāni.

54. Paravādīpakkhepi paccanīkānulome paccanīkamattavasena² aṭṭheva.
Tattha yasmā paravādīnā suttavasena sammutisaccaṃ sādhitāṃ, sammutiyā
ca

1. Ekekasmim atthe (Syā) 2. Paccanīkamattavaseneva (Syā), paccanīkavasena (Ka)

sappaccayādhāvo natthi, tasmā yāthāvato ca¹ paṭikkhepo sakavādissa. Chalavasena pana vattabbaṃ “ājānāhi paṭikammaṃ”ti-ādi sabbam idhāpi saṃkhittameva.

Lakkhaṇayuttikathāvaṇṇanā niṭṭhitā.

9. Vacanasodhanavaṇṇanā

55-59. Idāni vacanasodhanaṃ hoti. Tattha yadetaṃ puggalo upalabbhatīti vacanaṃ, taṃ sodhetuṃ **puggalo upalabbhati, upalabbhati puggaloti** pucchā sakavādissa. Tassattho—yadetaṃ puggalo upalabbhatīti padadvayaṃ, taṃ ekatthaṃ vā bhavyeṃ nānatthaṃ vā. Yadi tāva nānatthaṃ, yathā aññaṃ rūpaṃ añña vedanā, evaṃ añño puggalo, añño upalabbhatīti āpajjati. Athekatthaṃ, yathā yaṃ cittaṃ taṃ mano, evaṃ sveva puggalo, so upalabbhatīti āpajjati. Tena taṃ vadāmi “yadi te yo puggalo, so upalabbhati, evaṃ sante yo yo upalabbhati, so so puggaloti āpajjati, kiṃ sampaṭicchasi etan”ti. Tato puggalavādī yasmā puggalassa upalabbhataṃ icchati, na upalabbhamānānampi rūpādīnaṃ puggalabhāvaṃ, tasmā **puggalo upalabbhati, upalabbhati ke hi ci puggalo ke hi ci na puggaloti**-ādimāha. Tassattho—mama puggalo atthi puggaloti Satthu vacanato upalabbhati. Yo pana upalabbhati, na so sabbo puggalo, atha kho ke hi ci puggalo ke hi ci na puggaloti. Tattha **ko-kāratthe ke-kāro, hi-kāro** ca² nipātamatto, koci puggalo koci na puggaloti ayaṃ panettha attho. Idaṃ vuttaṃ hoti—puggalopi hi rūpādīsipi yo koci dhammo upalabbhatiyeva, tattha puggalova puggalo³. Rūpādīsu pana kocipi na puggaloti. Tato taṃ sakavādī āha **puggalo ke hi ci upalabbhati ke hi ci na upalabbhatīti**. Tassattho—puggalo upalabbhatīti padadvayassa atthato ekatte yadi upalabbhatīti anuññāto dhammo puggalato anaññopi koci puggalo koci na puggalo,

1. Yathāsambhavato ca (Syā)

2. Hikāro ca cikāro ca (Syā)

3. Puggalova ko kova puggalo (Syā)

puggalopi te koci upalabbhati koci na upalabbhatīti āpajjati, kiṃ sampañcchasi etanti. So puggalassa anupaladdhiṃ anicchanto **na hevanti** paṭikkhipati. Ito paraṃ “ājānāhi niggahan”ti-ādi sabbaṃ saṃkhittāṃ. Vitthārato pana veditabbaṃ. **Puggalo saccikaṭṭhoti**-ādisupi eseva nayo. Sabbāni hetāni upalabbhativevacanāneva, apica yasmā “puggalo upalabbhati saccikaṭṭhaparamatthenā”ti ayaṃ puggalavādino paṭiññā, tasmāssa yatheva puggalo upalabbhatīti laddhi, evamevaṃ puggalo saccikaṭṭhotipi āpajjati. Yā panassa puggalo atthīti laddhi, tassā vijjamānotivevacanameva, tasmā sabbānipetāni vacanāni sodhitāni.

60. Tattha yaṃ avasāne “**puggalo atthi, atthi na sabbo puggalo**”ti-ādi vuttaṃ, tatrāyamadhippāyo—yañhetāṃ paravādinā “puggalo atthi, atthi kehici puggalo kehici na puggalo”ti vuttaṃ, taṃ yasmā atthato puggalo atthi, atthi na sabbo puggaloti ettakaṃ hoti, tasmā naṃ sakavādī sampañcchāpetvā idāni naṃ evaṃ anuyuñjati—tayā hi “atthi puggalo attahitāya paṭipanno”ti vacanamattaṃ nissāya “puggalo atthī”ti laddhi gahitā, yathā ca Bhagavatā etaṃ vuttaṃ, tathā “suññato lokaṃ avekkhassu, Mogharājā sadā sato”¹ ādinā nayena “natthī”tipi vuttaṃ, tasmā yatheva te “puggalo atthi, atthi na sabbo puggalo”ti laddhi, tathā puggalo natthi, natthi na sabbo puggalotipi āpajjati, kiṃ etaṃ sampañcchāsīti. Atha naṃ asampañcchanto **na hevāti** paṭikkhipati. Sesamettha niggahādividhānaṃ vuttanayeneva veditabbanti.

Vacanasodhanavaṇṇanā niṭṭhitā.

10. Paññattānuyogavaṇṇanā

61-66. Idāni paññattānuyogo nāma hoti. Rūpadhātuyā hi puggalavādī rūpiṃ puggalaṃ paññapeti, tathā arūpadhātuyā arūpiṃ. Tassa taṃ laddhiṃ bhinditum sabbāpi pucchā sakavādissa, paṭiññā ca paṭikkhepi ca

1. Khu 1. 448 piṭṭhe Suttanipāte.

itarassa. So hi **rūpī**ti vutte rūpakāyasabbhāvato ceva tathārūpāya ca paññattiyā atthitāya paṭijānāti, **kāmī**ti vutte vītarāgasabbhāvato ceva tathārūpāya ca paññattiyā natthitāya paṭikkhipati, **arūpī**ti vuttepī arūpakkhandhasabbhāvato ceva tathārūpāya ca paññattiyā atthitāya paṭijānāti. Dvīsupi nayesu sattoti puggalassa vevacanavasena vuttaṃ.

67. Idāni yasmā so “kāye kāyānupassī”ti āgataṭṭhāne añño kāyo añño puggaloti icchati, tasmā taṃ laddhim bhinditum **kāyoti vā sarīranti vā**ti-ādi sakavādīpucchā hoti. Tattha **kāyaṃ appiyaṃ karitvā**ti kāyaṃ appetabbaṃ allīyāpetabbaṃ ekībhāvaṃ upanetabbaṃ avibhajitabbaṃ katvā pucchāmīti attho. **Eseseti** eso soyeva. Ese esetipi pāṭho, eso esoyevāti attho. **Ekaṭṭheti** ekaṭṭho. **Same samabhāge tajjātetī** samo samabhāgo tajjātiko. Vacanamatteyevettha bhedo, atthato pana kāyova esoti pucchati. Paravādī nānattaṃ apassanto **āmantā**ti paṭijānāti. **Puggaloti vā jīvoti vā**ti pucchāyapi eseva nayo. **Añño kāyoti** puṭṭho pana kāyānupassanāya evaṃladdhikattā paṭijānāti. **Aññaṃ jīvanti** puṭṭho pana āhacca bhāsitaṃ suttaṃ paṭikkhipitum asakkonto avajānāti. Tato paraṃ “ājānāhi niggahan”ti-ādi uttānatthameva.

68. Paravādīpakkhe pana **añño kāyo añño puggaloti** puṭṭho sakavādī ṭhapanīyapañhattā paṭikkhipati, paravādī chalavasena paṭikammaṃ karoti. Tampī uttānatthamevāti.

Paññattānuyogavaṇṇanā niṭṭhitā.

11. Gati-anuyogavaṇṇanā

69-72. Idāni gatiparivattanamukhena cutipaṭisandhi-anuyogo hoti. Tattha yasmā puggalavādī “sa sattakkhattuparamaṃ sandhāvitvāna puggalo”ti-ādīni¹ suttāni nissāya puggalo sandhāvatīti laddhim gahetvā

1. Saṃ 1. 393; Khu 1. 207 piṭṭhesu.

voharati, tasmāssa taṃ laddhiṃ bhinditum **sandhāvātī**ti pucchā sakavādissa. Tattha **sandhāvātī**ti saṃsarati gamanāgamanam karoti. Attano laddhivasena paṭiññā paravādissa. **So puggaloti**-ādayo anuyogāpi sakavādissa, paṭikkhepo itarassa. Tattha **soti** soyevāti attho. Evaṃ pana anuyutto sassatadiṭṭhibhayena paṭikkhipati. **Aññoti** puṭṭho ucchedadiṭṭhibhayena. **So ca añño cāti** puṭṭho ekaccasassatadiṭṭhibhayena. **Neva so na aññoti** puṭṭho amarāvikkhepadiṭṭhibhayena. Puna cattāropi pañhe ekato puṭṭho catunnampi diṭṭhīnam bhayena paṭikkhipitvā puna yānissa suttāni nissāya laddhi uppanā, tāni dassento **tena hi puggalo sandhāvātī**-ādimāha.

76. Puna sakavādinā “yvāyam tava laddhiyā sandhāvati, kiṃ so asmiñca parasmiñca loke ekoyevā”ti adhippāyena **svevāti** niyametvā puṭṭho sassatabhayā paṭikkhipitvā puna dalham katvā tatheva puṭṭho yasmā so puggalova na añño bhāvo, “so tato cuto idhūpapanno”ti-ādisuttampi¹ atthi, tasmā paṭijānāti. **Sveva manussoti** puṭṭho manussasseva devattābhāvato paṭikkhipati.

77. Puna puṭṭho “aham tena samayena Sunetto nāma Satthā aho sin”ti-ādisuttavasena² paṭijānāti. Athassa sakavādī devamanussupapattīnam nānattato vacanam micchāti pakāsento **manusso hutvāti**-ādimāha.

78. Tattha **hevaṃ maraṇam na hehitī**ti evaṃ sante maraṇam na bhavissatīti attho. Ito param yakkho petoti attabhāvanānattavasena anuyoganānattam veditabbam.

82. **Khattiyoti**-ādīni jātivasena ceva aṅgavekallādivasena vuttāni.

1. Vi 1. 5; Dī 1. 77; Ma 1. 11 piṭṭhādīsu.

2. Am 2. 476, 500 piṭṭhesu. (Atthato samānam)

87. Puna **na vattabbanti** paravādinā puṭṭho idhaṭṭhakassa¹ upapattivasena paralokassa gamanābhāvato paṭiññā sakavādissa. Puna sotāpannassa bhavantarepi sotāpannabhāvāvijahanato dutiyapaṭiññāpi tasseva. **Hañcīti**-ādivacanam paravādissa.

88. Puna devaloke upapannassa manussattābhāvadassanena anuyogo sakavādissa.

89. Tato param **anañño avigatoti** ettha **anaññoti** sabbākārena ekasadiso. **Avigatoti** ekenāpi ākārena avigatoti attho. **Na hevanti** devaloke upapannassa manussabhāvābhāvato evamāha.

90. Puna dalham katvā anuyutto “sveva puggalo sandhāvati”ti laddhiyā anujānāti. **Hatthacchinnoti**-ādi ākāravigamanadassanena avigato sandhāvātīti laddhibhīdanattham vuttam. Tattha **alacchinnoti** yassa aṅguṭṭhakā chinnā. **Kaṇḍaracchinnoti** yassa mahānhārū chinnā.

91. **Sarūpoti**-ādīsu paṭhame pañhe iminā rūpakāyena saddhim agamanam sandhāya paṭikkhipati. Dutiye antarābhavapuggalam sandhāya paṭijānāti. So hi tassa laddhiyā sarūpova gantvā mātukucchim pavisati. Athassa tam rūpam bhijjati. **Tam jivanti** yena rūpasāṅkhātena sarīrena saddhim gacchati, kimassa tadeva jivam tam sarīranti pucchati. Paravādī idha sarīranikkhepā suttavirodhā ca paṭikkhipati.

Savedanoti-ādīsu asaṅṅūpapattim sandhāya paṭikkhipati, tadaññam upapattim sandhāya paṭijānāti. **Tam jivanti** yena vedanādisāṅkhātena sarīrena saddhim gacchati. Kimassa tadeva jivam tam sarīranti pucchati. Tam jivam tam sarīram, aññam jivam aññam sarīranti etissā hi laddhiyā pañcapi khandhā sarīranti adhippetā. Paravādī suttavirodhā paṭikkhipati.

92. **Arūpoti**-ādīsu paṭhame pañhe antarābhavam sandhāya paṭikkhipati. Dutiye arūpā rūpam² upapajjamānam sandhāya paṭijānāti. **Aññam jivanti**

1. Puṭṭhena idha ṭhitassa (Syā)

2. Āruppā āruppam (Sī, Ka)

yaṃ rūpasāṅkhātāṃ sarīraṃ pahāya arūpo sandhāvati, kiṃ te taṃ sarīraṃ aññaṃ, aññaṃ jīvanti pucchati. Itaro suttavirodhā paṭikkhipati.

Avedanoti-ādīsu saññībhavaṃ sandhāya paṭikkhipati, tadaññaṃ upapattim¹ sandhāya paṭijānāti. **Aññaṃ jīvanti** yaṃ vedanādisāṅkhātāṃ² sarīraṃ pahāya vedano aviññāṇo sandhāvati, kiṃ te taṃ aññaṃ sarīraṃ, aññaṃ jīvanti pucchati. Itaro suttavirodhā paṭikkhipati.

93. **Rūpaṃ sandhāvati**ti-ādīsu ye rūpādayo khandhe upādāya puggalaṃ paññāpeti, kiṃ te tasmim̐ puggale sandhāvante tampi rūpaṃ sandhāvatiṭi pucchati. Paravādī “avijjānīvaraṇānaṃ sattānaṃ taṇhāsamyojanānaṃ sandhāvataṃ saṃsaratan”ti sattaṣeva sandhāvanavacanato paṭikkhipati. Puna puṭṭho yasmā rūpādiddhamme vinā puggalo natthi, tasmā tasmim̐ sandhāvante tenapi rūpena sandhāvitabbanti saññāya paṭijānāti. Vedanādīsupi eṣeva nayo.

94. **Rūpaṃ na sandhāvati**ti-ādīsu yasmā te rūpaṃ puggalo na hoti, sṛeva ca sandhāvatiṭi vadesi, tasmā taṃ pucchāmi, kiṃ te rūpaṃ na sandhāvatiṭi attho. Itaro puggale sandhāvante³ na sakkā tassa upādānabhūtena rūpena sandhāvituntī saññāya paṭikkhipati. Puna puṭṭho sattānaññeva⁴ sandhāvanavacanato paṭijānāti. Sesamettha uttānameva.

Gāthānaṃ pana ayamattho—āyasmato matena rukkhaṃ upādāya chāyā viya indhanaṃ upādāya aggi viya ca khandhe upādāya puggalo, rūpādīnaṃ sandhāvane asati tesu khandhesu bhijjamānesu so tava puggalo bhijjati ce, evaṃ sante ucchedā bhavati diṭṭhi, ucchedadiṭṭhi te āpajjati. Katarā? Yā Buddhena vivajjitā akusaladiṭṭhi. Yā pana “ucchedavādī samaṇo Gotamo”ti pariyāyabhāsītā, na taṃ vadāmāti dasseti. Athāpi tesu khandhesu bhijjamānesu so puggalo na bhijjati, evaṃ sante sassato puggalo hoti. Tato so nibbānena samasamo

1. Upapattibhāvaṃ (Syā)

2. Vedanāsāṅkhātāṃ (Sī, Ka)

3. Puggalena sandhāvanteṇa (Sī, Syā)

4. Sattānaññeva (Syā)

āpajjati. **Samasamoti** ativiya samo, samena vā samo, samabhāveneva samo. Yatheva nibbānaṃ nuppajjati na bhijjati, evaṃ te puggalopi² tena samasamoti.

Gatiparivattanamukhena cutipaṭisandhānuyogo niṭṭhito.

Anuyogavaṇṇanā.

12. Upādāpaññattānuyogavaṇṇanā

95. Idāni upādāpaññattānuyogo hoti. Tattha pucchā sakavādissa, paññāpaṭikkhepo paravādissa. So hi rukkhaṃ upādāya chāyāya viya indhanaṃ upādāya aggissa viya ca rūpādīni³ upādāya puggalassa paññattim paññāpanaṃ avabodhanaṃ icchati, tasmā “rūpaṃ upādāyā”ti puṭṭho paṭijānāti. Puna yathā rukkhopādānā chāyā rukkho viya, indhanupādāno ca aggi indhanaṃ viya aniccādidhammo, evaṃ te rūpādi-upādāno puggalo rūpādayo viya aniccoti imamatthaṃ puṭṭho attano laddhiyaṃ thatvā paṭikkhipati.

97. **Nīlaṃ rūpaṃ upādāya nīloti**-ādīsu nīlarūpena saddhim puggalassa ekattaṃ, ekasarīre nīlādīnaṃ bahūnaṃ vasena bahubhāvañca anicchanto paṭikkhipati.

98. **Kusalāṃ vedananti** etthāpi vedanāya saddhim ekattaṃ ekasantāne bahūnaṃ kusalavedanānaṃ vasena bahubhāvañca anicchanto paṭikkhipati. Dutīyanaye maggakusaloti-ādivacanasabbhāvato chekaṭṭhaṃ sandhāya paṭijānāti. **Saphaloti**-ādīni puṭṭho tathārūpassa vohārassa abhāvato paṭikkhipati.

99. Akusalapakkhe achekaṭṭhaṃ sandhāya paṭijānāti.

100. Abyākatapakkhe sassatādivasena abyākatabhāvaṃ sandhāya paṭijānāti. Sesamettha heṭṭhā vuttanayeneva veditabbaṃ.

1. Yathā ca (Syā)

2. So puggalopi na bhijjate. Puggalo (Syā)

3. Cakkhurūpādīni (Syā)

104. **Cakkhum upādāyā**ti-ādīsu “cakkhumā visamānīva -pa- pāpāni parivajjaye”ti¹ ādivohārasabbhāvato paṭijānāti. Cakkhumattādinirodhena puggalanirodham anicchanto paṭikkhipati.

107. **Rūpaṃ upādāya vedanaṃ upādāyā**ti ettha aññepi rūpamūlakā dukatikacatukkā veditabbā. Yasmā pana khandhe upādāya puggalassa paññatti, tasmā dvepi tayopi cattāropi pañcapi upādāya paññattim paṭijānāti. Ekasantāne pana dvinnam pañcannam vā abhāvā paṭikkhipati. Āyatanādīsupi eseva nayo.

112. Idāni yaṃ upādāya yassa paññatti, yathā tassa aniccatāya tassāpi aniccatā, tato ca aññattam siddham, evaṃ tassa puggalassāpi āpajjatīti dassetuṃ **yathā rukkhanti**-ādimāha. Tattha **upādāyā**ti paṭicca āgamma, na vinā tanti attho. Paravādī pana tathā anicchanto laddhiyaṃ ṭhatvā paṭikkhipati.

115. **Nigaḷoti** saṅkhalikabandhanam. **Negaḷikoti** tena bandhako. **Yassa rūpaṃ so rūpavā**ti yasmā yassa rūpaṃ so rūpavā hoti, tasmā yathā na nigaḷo -pa- añño rūpavāti attho.

116. **Citte citteti**-ādīsu sarāgādicittavasena sarāgāditaṃ sandhāya cittānupassanāvasena paṭijānāti. **Jāyatīti**-ādinā nayena puṭṭho puggalassa khaṇikabhāvaṃ anicchanto paṭikkhipati. “So”ti vā “añño”ti vā puṭṭho sassatucchedabhayena paṭikkhipati. Puna na vattabham “kumārako”ti vā “kumārikā”ti vā puṭṭho lokavohārasamucchedabhayena vattabbanti paṭijānāti. Sesamettha pākaṭameva.

118. Idāni paravādī aññenākārena laddhim paṭiṭṭhāpetukāmo **na vattabham puggalo upalabbhatī**-ādimāha. Tattha **na vattabbanti** kim te iminā evaṃ bahunā upādāpaññattānuyogena, idaṃ tāva vadehi, kim na vattabham “puggalo upalabbhati saccikaṭṭhaparamatthenā”ti. Tato sakavādinā āmantāti vutte **nanu yo passatī**-ādimāha. Tattha **yoti**

1. Khu 1. 137 piṭṭhe.

puggalo. **Yanti** rūpaṃ. **Yenāti** cakkhunā. **Soti** puggalo. **Tanti** rūpaṃ. **Tenāti** cakkhunā. Idaṃ vuttaṃ hoti—nanu yo yaṃ rūpaṃ yena cakkhunā passati, so taṃ rūpaṃ tena cakkhunā passanto puggaloti. Sakavādī kiñcāpi cakkhuvīññāṇassa nissayabhāvaṃ gacchantam cakkhumeva rūpaṃ passati, tathā sotameva saddaṃ suṇāti -pa- viññāṇameva dhammaṃ vijānāti, “atthi arahato cakkhu, passati arahā cakkhunā rūpaṃ”ti-ādisammutivasena pana āmantāti paṭijānāti.

120. Tato chalavādaṃ nissāya paravādinā puggalassa vattabbatāya sādhitāya tameva vādaṃ parivattetvā **puggalo upalabbhatīti**-ādimāha. Tattha **yo na passatīti** andho Asaññasatto arūpaṃ upapanno nirodhaṃ samāpanno, anandhopi ca aññatra dassanasamayā na passati nāma. Sesavāresupi eseva nayo. Sesam Pāḷivaseneva atthato veditabbaṃ.

122. Suttasaṃsandanāyaṃ dibbassa cakkhuno rūpagocarattā **rūpaṃ passatīti** āha. Dutiyavāre “satte passāmī”tivacanato **puggalaṃ passatīti** āha. Tatiyavāre “rūpaṃ disvā puggalaṃ vibhāvetī”ti laddhito **ubho passatīti** āha. Yasmā pana passitabbaṃ nāma diṭṭhaṃ sutam mutaṃ viññātanti catubbidhe rūpasaṅgahe rūpāyatanaṃ saṅghitaṃ, tasmā sakavādī “rūpaṃ puggalo, puggalo rūpaṃ, ubho rūpaṃ”ti anuyogaṃ karoti. Tassattho pākaṭoyevāti.

Upādāpaññattānuyogavaṇṇanā.

13. Purisakārānuyogavaṇṇanā

123. Idāni purisakārānuyogo hoti. Tattha kamme sati niyamato tassa kāraṇenapi bhavitabbanti laddhiyā pucchā paravādissa, tathārūpānaṃ kammānaṃ atthitāya paṭiññā sakavādissa. Puna **kattā kāretāti** pucchā paravādissa. Tattha **kattāti** tesam kammānaṃ kāraṇaṃ. **Kāretāti** āṇattidesanādīhi upāyehi kārapako. Idāni

yasmā paravādī puggalaṃ sandhāya kattāti pucchati, na karaṇamattaṃ, tasmā paṭikkhepo sakavādissa.

124. **Tassa kattā kāretāti** ettha yadi yaṃ yaṃ upalabbhati, tassa tassa kattā puggalo te upalabbhati¹, kiṃ tassāpi kāraḷo ca kārapako ca añño puggalo upalabbhatīti attho. Paravādī tathā anicchanto issaranimmānavādabhayena paṭikkhipati. Puna puṭṭho yasmā puggalaṃ mātāpitaro janenti nāmaṃ karonti posenti, tasmāssa te kārakā. Ye ca pana taṃ kalyāṇamittā vā ācariyā vā tāni tāni vijjāṭṭhānasippāyatanāni sikkhāpenti, te kārapakā nāmāti imamatthaṃ sandhāya paṭijānāti. Purimakammameva tassa kattā ceva kārapetā cāti adhippetāṃ.

125. **Tassa tassevāti** iminā idaṃ pucchati—yadi kammānaṃ kārakassa kattā tassāpi kattā tassāpi kattā attheva, evaṃ sante purimena purimena avassaṃ pacchā pacchā puggalo kātabboti imināpi te² kammānaṃ kārakena puggalena āyatimā añño puggalo kātabbo, tenāpi añnoti natthi dukkhassa antakiriya, natthi vaṭṭassa upacchedo, natthi appaccayapariniḃbānaṃ. Paccayābhāvena paccayapaṭibaddhassa dukkhassa abhāvā yaṃ nibbānaṃ vuttaṃ, natthi te tanti. Atha vā **tassa tassevāti** yadi kammaṃ kammamattaṃ na hoti, tassa pana kāraḷo puggalo, tassāpi kāraḷo tassāpi kārakoti evaṃ puggalaparamparā atthi, evaṃ sante yā esā kammavaṭṭassa appavattikaraṇena dukkhassa antakiriya vuttā, sā natthīti attho. Paravādī taṃ anicchanto paṭikkhipati. Ito aparāsupi upalabbhatisāmaññaṇena kārapucchāsu puggalaṃyeva sandhāya “kattā kāretā”ti vuttaṃ, na paccaye. Na hi mahāpathavī-ādīnaṃ paccayā natthi.

135. **Añño kalyāṇapāpakānaṃ kammānaṃ kattāti** pañho “saṅkhāravantaṃ vā attānaṃ”ti-ādidiṭṭhibhaya paṭikkhitto.

136. **Vipāko upalabbhatīti**-ādi vipākapaṭisaṃvedīvasena puggalaṃ dassentassa laddhibhīdanatthaṃ vuttaṃ. Tattha **vipākapaṭisaṃvedīti** anuyogo

1. Puggalo upalabbhati, puggalo taveva upalabbhati (Syā)

2. Tesaṃ (Syā)

paravādissa, vipākapavattito aññassa vedakassa abhāvā paṭikkhepo sakavādissa. Puna pucchā sakavādissa, paṭiññā itarassa.

138. **Tassa paṭisaṃvedīti** tassa¹ vipākapaṭisaṃvedakassa paṭisaṃvedī. Yasmā pana paṭisaṃveditabbo nāma vipāko, na ca puggalo vipāko, tasmā paṭikkhepo paravādissa. Puna puṭṭho yasmā puññavipāke ṭhitattā vipākapaṭisaṃvedī puttam vā patim vā mātā vā jāyā vā paricumbati² parisajjati, tasmā tathārūpaṃ paṭisaṃveditam sandhāya paṭijānāti paravādī.

Tassa tassevāti yadi vipāko vipākamattam na hoti, tassa pana paṭisaṃvedī puggalo, tassāpi paṭisaṃvedī, tassāpi paṭisaṃvedīti evam puggalaparamparā atthi, evam sante yā esā vipākavaṭṭassa appavattikaraneṇa dukkhassa antakiriya vuttā, sā natthīti attho. Ito param upalabbhatisāmaññena paṭisaṃvedīpucchāsu heṭṭhā vuttanayeneva attho veditabbo.

142. **Añño kalyāṇapāpakānam kammānam vipākapaṭisaṃvedīti** pañho “vedanavantaṃ vā attānaṃ”ti-ādidiṭṭhibhayā paṭikkhitto.

143. **Dibbam sukhanti-**ādi kalyāṇapāpakānam kammānam vipākam bhājetvā dassanavasena āraddham. Tam sabbam heṭṭhā vuttanayeneva veditabbam. Sakavādino cettha puggalavaseneva paṭisaṃvedīpaṭikkhepo veditabbo, na vedayitavasena.

148. **Mahāpathavī-**ādīni hi ārammaṇam katvā vedayitānam uppatti appaṭisiddhā.

170. **Kattā kāretā vipākapaṭisaṃvedīti-**ādi vomissakanayavasena āraddhm. Tattha **so karotīti** yaṃ tvaṃ kattāti ca paṭisaṃvedīti ca vadesi, kiṃ soyeva karoti so paṭisaṃvedeti. Ayamanuyogo sakavādissa, suttavirodhabhayena paṭikkhepo paravādissa.

1. Tassa tassa (Syā)

2. Parimuccati (Syā)

171. Puna puṭṭho “idha nandati pecca nandati”¹ti-ādisuttavasena¹ paṭiññā tasseva. Athassa vacanokāsaṃ paṭibāhanto sakavādī **sayamkatam** **sukhadukkhanti** āha.

172. Tattha **añño karotī**ti kārakavedakānaṃ aññattapucchāvasena vuttaṃ. Tato paravādī suttavirodhabhayena paṭikkhipitvā² puna puṭṭho “manussabhūto katvā devabhūto paṭisaṃvedetī”²ti maññamāno paṭijānāti. Evamvādino pana paramkatam sukhadukkham āpajjatīti tassa vasena puṭṭho puna paṭikkhipati.

174. **So ca añño cāti** kārakavedakānaṃ ekatta-aññattapucchāvasena vuttaṃ. Tato paravādī suttavirodhabhayeneva paṭikkhipitvā puna puṭṭho purime dvepi naye ekato katvā paṭijānāti. Evamvādino pana sayamkatañca paramkatañca sukhadukkham āpajjatīti tassa vasena puṭṭho puna paṭikkhipati.

176. **Neva so karotī**ti kārakavedakānaṃ ekatta-aññattapaṭikkhepavasena vuttaṃ. Tato paravādī suttavirodhavaseneva paṭikkhipitvā puna puṭṭho yasmā manusso devalokūpapattiyā kammaṃ katvā na manussabhūtova paṭisaṃvedeti, nāpi yena kammaṃ kataṃ, tato añño paṭisaṃvedeti, tasmā kārakato vedako neva so hoti na aññoti maññamāno paṭijānāti. Laddhimattamevetam. Evamvādino pana asayamkāram aparamkāram adhiccasamuppannaṃ sukhadukkham āpajjatīti tassa vasena puṭṭho puna paṭikkhipati. Apica imasmiṃ vomissakanaye ādito paṭṭhāya imināpi nayena attho veditabbo. Yasmā hi ayaṃ puggalavādī kammānaṃ kārakañceva vedakañca icchatī, tasmāssa yo kārako, teneva vā vedakena bhavitabbaṃ, aññena vā ubho hi vā bhavitabbaṃ, ubho hi vāpi na bhavitabbanti idamāpannaṃ hoti. Evamāpannameva anuyogaṃ anuyuñjanto sakavādī “so karotī”²ti-ādayo cattāropi vikappe āha. Sesam vuttappakārameva.

Pariyosāne pana cattāropi pañhā ekato puṭṭhā. Tattha paṭikkhepo ca paṭijānanā ca sayamkatādidosaṃpatti ca purimanayeneva veditabbā.

1. Khu 1. 15 piṭṭhe.

2. Vacanokāsaṃ paṭikkhipitvā (Syā)

Ito param “kalyāṇapāpakānī”ti avatvā heṭṭhā vuttanayā eva “kammaṃ atthī”ti-ādinā vikappena dassitā. Tesampi heṭṭhā vuttanayeneva attho veditabbo.

Purisakārānuyogavaṇṇanā.

Kalyāṇavaggotipi etasseva nāmaṃ.

14. Abhiññānuyogavaṇṇanā

193. Ito param abhiññānuyogādivasena arahattasādhanā hoti. Tattha **āmanta**ti sakavādinā paṭiññāte paravādī “bahiddhā anindriyabaddharūpe iddhividhādivisesādhigamo natthi, ajjhataṃ atthi, tasmā iddhādinibbattakena puggalena bhavitabban”ti maññamāno **nanu atthi koci iddhiṃ vikubbatī**ti-ādimāha. Taṃ sabbaṃ uttānatthameva.

Abhiññānuyogavaṇṇanā.

15-18. Nātakānuyogādivaṇṇanā

197. Idāni **mātā**ti-ādiko nātakānuyogo. **Khattiyoti**-ādiko jāti-anuyogo. **Gahaṭṭho pabbajitoti** paṭipatti-anuyogo. **Devo manussoti** upapatti-anuyogo. **Sotāpannoti**-ādiko paṭivedhānuyogo, ariyānuyogotipi vuccati. Te sabbe uttānatthāyeva. “Arahā hutvā na arahā”ti panettha moghapañhattā na vuttaṃ.

206. **Cattāro purisayugā**ti-ādi saṃghānuyogo, sopi uttānatthoyeva.

209. **Saṅkhatoti**-ādi saccikaṭṭhasabhāvānuyogo. Tattha **tatiyā koṭī**ti pucchā sakavādissa. Tathārūpassa saccikaṭṭhassa abhāvato paṭikkhepo paravādissa. Puna puṭṭho puggalaṃ sandhāya paṭiññā tasseva.

211. **Añño puggalotipañhepi** saṅkhatehi khandhehi aññattaṃ anicchanto paṭikkhepo tasseva.

212. **Khandhā saṅkhatāti**-ādi saṅkhatāsaṅkhatāni sarūpena dassetvā aññattapucchanatthaṃ vuttaṃ.

213. **Rūpaṃ saṅkhatanti**-ādi khandhe vibhāgato dassetvā aññattapucchanatthaṃ vuttaṃ.

214. **Puggalassa uppādoti** pucchā sakavādissa, “jātidhammā jarādhammā, atho maraṇadhammino”ti-ādisuttavasena paṭiññā paravādissa. Saṅkhatabhāvaṃ panassa so na icchati, tasmā paṭikkhipati.

215. Puna **na uppādo paññāyatīti**-ādinā nayena puṭṭho “dukkhameva hi sambhoti, dukkhaṃ tiṭṭhati veti cā”ti-ādivacanato¹ puggalassa uppādādayo nāma na yujjantīti paṭijānāti.

216. **Atthattamhīti** atthaṃ vuccati nibbānaṃ, tatha **atthīti** pucchati. Tassa atthitāya sassataṃ, natthitāya ucchedo āpajjati. Tadubhayampi anicchanto pacchā paṭikkhipati.

Ñātakānuyogādivaṇṇanā.

19. Paṭivedhānuyogādivaṇṇanā

217. Bhavaṃ nissāya pañhe **bhavanti** upapattibhavaṃ.

218. Vedanaṃ vediyamānapañhe vedanaṃ vediyamāno pariggahitavedano yogāvacarova pajānāti, bālaputhujjano nappajānāti.

224. Kāyānupassanādipañhā uttānatthāyeva.

1. Saṃ 1. 137 piṭṭhe.

226. Pārāyanagāthāya¹ **suññato lokam avekkhassūti** sattasuññatavasena khandhalokam olokehīti attho.

228. **Puggalo avekkhatīti** sakavādi-pucchā. Paravādissa hi “suññato lokam avekkhassū”ti gāthāya yo avekkhati, so puggaloti laddhi, tasmā nam evam pucchati. **Saha rūpenāti** rūpakāyena saddhim, tato anissaṭo hutvāti attho. Idam pañcavokāravasena anujānitvā puna tam jīvanti puṭṭho suttavirodhabhayena paṭikkhipati. **Vinā rūpenāti** idam catuvokāravasena anujānitvā puna aññam jīvanti puṭṭho suttavirodhabhayeneva paṭikkhipati. “Abbhantaragato”ti ca “bahiddhā nikkhamitvā”ti ca idam “saha rūpena vinā rūpenā”ti heṭṭhā vuttassa lakkhaṇavacanam. Tattha **abbhantaragatoti** rūpassa antogato, ito vā etto vā anikkhamitvā rūparicchedavaseneva ṭhito hutvāti attho. **Nikkhamitvāti** rūparicchedam atikkamitvā, rūpam anissito hutvāti attho.

231. **Anattāti** attanā jīvena puggalena rahito, ekadhammepi puggalo natthīti attho. Evam sabbasuttānam Āgamaṭṭhakathāsu vuttanayeneva attho vedītabbo. Idha pana sandhāyabhāsītamattameva vakkhāma.

237. **Vuttam Bhagavatā sappikumbhoti**-ādi “sabbāva desanā yathārutavaseneva² atthato na gahetabbā”ti dassanattam ābhatam. Yathā hi suvaṇṇam gahetvā kato suvaṇṇavikāro kumbho suvaṇṇakumbhoti vuccati, na evam sappim gahetvā kato sappissa vikāro sappikumbho nāma atthi. Yasmin pana kumbhe sappi pakkhittam, so sappikumbho nāmāti ayamettha attho. Telakumbhādīsupi eseva nayo. Yathā ca nibbānam niccam dhuvan, na evam bhattam vā yāgu vā atthi. Kālaparicchedam pana akatvā divase divase dassāmāti paññattavasena “niccabhattam dhuvayāgū”ti vuccatīti ayamettha attho.

“Atthi puggalo attahitāya paṭipanno”ti-ādīsupi yathā rūpādayo dhammā paccattalakkhaṇasāmaññalakkhaṇavasena atthi, na evam

1. Pārāyanakathāya (Syā)

2. Yathāvuttavaseneva (Syā)

puggalo. Rūpādīsu pana sati evaṃnāmo evaṃgottoti vohāro hoti. Iti iminā lokavohārena lokasammutiyā lokaniruttiyā atthi puggaloti ayamettha attho. Vuttampi cetam Bhagavatā “imā kho citta lokasamaññā lokaniruttiyo lokavohārā lokapaññattiyoti”¹. Rūpādīdhammā pana vināpi lokasammutim paccattasāmaññalakkhaṇavasena paññāpanato atthīti ayamettha attho.

Buddhānam pana **dve kathā** sammutikathā ca paramatthakathā ca. Tattha satto puggalo devo brahmāti-ādikā **sammutikathā** nāma. Aniccam dukkham anattā khandhā dhātuyo āyatanāni satipaṭṭhānā sammappadhānāti-ādikā **paramatthakathā** nāma.

Tattha yo sammutidesanāya sattoti vā -pa- brahmāti vāti vutte jānitum paṭivijjhītum niyyātuṃ arahattajayaggāham gahetum sakkoti, tassa Bhagavā āditova sattoti vā puggaloti vā posoti vā devoti vā brahmāti vā katheti. Yo paramatthadesanāya aniccanti vā dukkhanti vāti-ādīsu aññataram sutvāva jānitum paṭivijjhītum niyyātuṃ arahattajayaggāham gahetum sakkoti, tassa aniccanti-ādīsu aññataram katheti. Tathā sammutikathāya bujjanakasattassa na paṭhamam paramatthakatham katheti, sammutikathāya pana bodhetvā pacchā paramatthakatham katheti. Paramatthakathāya bujjanakasattassāpi na paṭhamam sammutikatham katheti, paramatthakathāya pana bodhetvā pacchā sammutikatham katheti. Pakatiyā pana paṭhamameva paramatthakatham² kathentassa desanā lūkhākārā hoti, tasmā Buddhā paṭhamam sammutikatham kathetvā pacchā paramatthakatham kathenti. Te sammutikatham kathentāpi saccameva sabhāvameva amusāva kathenti, paramatthakatham kathentāpi saccameva sabhāvameva amusāva kathenti. Ayañhi—

Duve saccāni akkhāsi, Sambuddho vadatam varo.

Sammutim paramatthañca, tatiyam nupalabbhati.

1. Dī 1. 186 piṭṭhe.

2. Sammutikatham kathetvā pacchā paramatthakatham (Syā)

Tattha—

“Saṅketavacanaṃ saccaṃ, lokasammutikāraṇaṃ.

Paramatthavacanaṃ saccaṃ, dhammānaṃ tathalakkhaṇaṃ”ti.

Aparo nayo—dve Bhagavato desanā paramatthadesanā ca khandhādivasena, sammutidesanā ca sappikumbhādivasena. Na hi Bhagavā samaññaṃ atidhāvati. Tasmā “atthi puggalo”ti vacanamattato abhiniveso na kātabbo. Satthārā hi—

Paññattiṃ anatikkamma, paramattho pakāsito.

Samaññaṃ nātidhāveyya, tasmā aññopi paṇḍito.

Paramatthaṃ pakāsento, samaññaṃ nātidhāvaye.

Sesaṃ sabbattha uttānatthamevāti.

Puggalakathā niṭṭhitā.

2. Parihānikathā

1. Vādayuttiparihānavañṇanā

239. Idāni parihānikathā¹ hoti. Parihānidhammo aparihānidhammo, dveme bhikkhave dhammā sekkhassa bhikkhuno parihānāya saṁvattanti², pañcime bhikkhave dhammā samayavimuttassa bhikkhuno parihānāya saṁvattantīti³ evamādīni hi suttāni nissāya Sammitiyā Vajjiputtakā Sabbatthivādino ekacce ca Mahāsaṅghikā arahatopi parihāniṃ icchanti, tasmā te vā honu aññeyeva vā, yesaṃ ayaṃ laddhi, tesāṃ laddhibhindanattham **parihāyati arahā arahattāti** pucchā sakavādissa. Tatra **parihāyatīti** dve parihāriṇiyo pattaparihāni ca appattaparihāni ca. Tattha “dutiyaṃpi kho āyasmā Godhiko tamhā sāmāyikāya cetovimuttiyā parihāyī”ti⁴ ayaṃ pattaparihāni nāma. “Mā vo sāmāññatthikānaṃ satam sāmāññattho parihāyī”ti⁵ ayaṃ appattaparihāni. Tāsu idha pattaparihāni adhippetā. Tañhi sandhāya **āmantāti** paṭiññā paravādissa. Sakasamaye pana imaṃ pattaparihāniṃ nāma lokiyasamāpattiyāva icchanti, na arahattādīhi sāmāññaphalehi. Parasamayepi naṃ sabbasāmāññaphalesu sabbabhavesu sabbakālesu sabbesaṅca puggalānaṃ na icchanti, taṃ pana tesāṃ laddhimattamevāti sabbaṃ laddhijālaṃ bhindituṃ puna **sabbatthāti**-ādinaṃ nayena desanā vaḍḍhitā.

Tattha yasmā paravādī kamena parihāyitvā sotāpattiphale ṭhitassa arahato parihāniṃ na icchati, upariphalesu ṭhitasseva icchati. Yasmā ca rūpārūpabhavesu ṭhitassa na icchati, kammārāmatādīnaṃ pana parihāniyadhammānaṃ bhāvato kāmabhava ṭhitasseva icchati, tasmā “sabbatthā”ti puṭṭho paṭikkhipati. Puna daḷhaṃ katvā puṭṭho kāmabhavaṃ sandhāya paṭijānāti. Sabbasmimpi hi kāmabhava parihānikarā kāmaguṇā atthi, tasmā tattha parihāyatīti tassa laddhi.

1. Parihānikathā nāma (Syā)

3. Am 2. 153 piṭṭhe.

4. Saṃ 1. 121 piṭṭhe.

2. Am 1. 95 piṭṭhe.

5. Ma 1. 339 piṭṭhe.

Tatīyapucchāya **parihānī**ti parihānikare dhamme pucchati. Tattha yasmā parihāni nāma kammārāmatādidhammā, visesato vā kāmarāgabyāpādā eva, te ca rūpārūpabhava natthi, tasmā “na hevan”ti paṭikkhepo paravādissa.

Sabbadāti kālapucchā. Tattha paṭhamapañhe yonisomanasikārakāle aparihāyanato paṭikkhipati. Dutiye ayonisomanasikaroto rattibhāge vā divasabhāge vā sabbadā parihāyanato paṭijānāti. Tatiye parihānikaradhammasamāyoge sati muhuttameva parihāni nāma hoti, tato pubbe aparihānassa pacchā parihānassa ca¹ parihāni nāma natthīti paṭikkhipati.

Sabbeva arahantoti pañhānaṃ paṭhamasmiṃ tikkhindriye sandhāya paṭikkhipati². Dutiyaṃ mudindriye sandhāya paṭijānāti. Tatiyaṃ mimpī tikkhindriyāva adhippetā. Tesañhi sabbesampi parihāni na hotīti tassa laddhi.

Seṭṭhi-udāharāṇe paṭhamapucchā paravādissa, dutiyaṃ sakavādissa. Tatrāyaṃ adhippāyo—yaṃ maṃ tumhe pucchatha “arahā arahattā parihāyanto catūhi phalehi parihāyati”ti, tatra vo paṭipucchāmi “catūhi satahassehi seṭṭhī seṭṭhitaṃ karonto satahassehi parihāne seṭṭhī seṭṭhitaṃ parihāno hoti”ti. Tato sakavādinā ekadesena parihāniṃ sandhāya “āmantā”ti vutte **sabbasāpateyyā parihāno hotīti** pucchati. Tathā aparihānattā sakavādī na hevāti vatvā atha naṃ “evameva arahāpi parihāyati ca, na ca catūhi phalehī”ti uppannaladdhikaṃ dutiyaṃ bhābapañhaṃ pucchati. Paravādī seṭṭhino abhabbatāya niyamaṃ apassanto paṭijānitvā arahato catūhi phalehi parihānibhabbatāṃ puṭṭho “niyato sambodhiparāyaṇo”ti³ vacanassa ayoniso atthaṃ gahetvā laddhiyaṃ ṭhito sotāpattiṃ phalato parihāyitum abhabbatāṃ sandhāya paṭikkhipati, taṃ panassa laddhimattamevāti.

Ettāvataṃ vādayutti nāma niṭṭhitā hoti.

1. Parihānassa (Syā)

2. Paṭijānāti (Syā)

3. Am 1. 233 piṭṭhe.

2. Ariyapuggalasaṃsandana-parihānivaṇṇanā

240. Idāni ariyapuggalasaṃsandana āradhā. Tattha yasmā keci arahatova parihāniṃ icchanti, keci anāgāminopi, keci sakadāgāmissapi. Sotāpannessa pana sabbepi na icchantiyeva. Ye arahattā parihāyitvā anāgāmisakadāgāmiḥāve¹ ṭhitā, tesam parihāniṃ icchanti, na itaresam anāgāmisakadāgāmīnaṃ. Sotāpannessa pana tepi sabbathāpi² na icchantiyeva, tasmā peyyālamukhena pucchā katā. Tattha tesam laddhivasena paṭiññā ca paṭikkhepo ca veditabbā. “Parihāyati anāgāmī anāgāmiphala”³ti hi pañhasmiṃ ye anāgāmino parihāniṃ na icchanti, tesam vasena paṭikkhepo. Ye pakati-anāgāmino vā arahattā parihāyitvā ṭhita-anāgāmino vā parihāniṃ icchanti, tesam vasena paṭiññāti idametta nayamukhaṃ. Tassānusārena sabbapeyyālā atthato veditabbā.

241. Yam panettha “sotāpatti-phalassa anantarā arahattamiyeva sacchikaroti”³ti vuttaṃ, taṃ parihānassa puna vāyamato arahattappattiṃ sandhāya vuttaṃ. Itaro³ sotāpatti-phalānantaram arahattassa abhāvā paṭikkhipati.

242. Tato paraṃ “parihāni nāmesā kilesappahānassa vā mandatāya bhavēyya, maggabhāvanādīnaṃ vā anadhimattatāya, saccānaṃ vā adassanēnā”³ti evamādīnaṃ vasena anuyuñjituṃ **kassa bahutarā kilesā pahīnāti**-ādi vuttaṃ. Taṃ sabbam uttānādhippāyameva suttānaṃ panattho Āgamaṭṭhakathāsu vuttanayeneva veditabbo.

262. **Samayavimutto arahā arahattā parihāyatī**ti ettha mudindriyo samayavimutto, tikkhindriyo asamayavimuttoti tesam laddhi. Sakasamaye pana avasipatto jhānalābhī samayavimutto, vasipatto jhānalābhī ceva sabbe ca ariyapuggalā ariye vimokkhe asamayavimuttāti sanniṭṭhānaṃ. So pana taṃ attano laddhiṃ gahetvā

1. Anāgāmisakadāgāmiḥūmiḥāve (Syā)

2. Sabbadāpi (Sī, Syā)

3. Itaro taṃ (Syā)

“samayavimutto parihāyati, itaro na parihāyati”ti āha. Sesamettha uttānatthameva.

Ariyapuggalasamsandanaparihānivaṇṇanā.

3. Suttasādhanaparihānivaṇṇanā

265. Idāni suttasādhanā hoti. Tattha **uccāvacāti** uttamahīnabhedato uccā ca avacā ca. **Paṭipādāti** paṭipadā. **Samaṇena pakāsītāti** Buddhasamaṇena jotitā. Sukhāpaṭipadā hi khippābhiññā uccā, dukkhāpaṭipadā dandhābhiññā avacā. Itarā dve ekenaṅgena uccā, ekena avacā. Paṭhamam vuttā eva vā uccā, itarā tissopi avacā. Tāya cetāya uccāvacāya paṭipadāya **na pāram diguṇam yanti**, ekamaggena dvikkhattum nibbānam na gacchantīti attho. Kasmā? Yena maggena ye kilesā pahīnā, tena tesam puna appahātabbato. Etena parihānidhammābhāvam dīpeti. **Nayidam ekaguṇam mutanti** tañca idam pāram ekavāramyeva phusanāraham¹ na hoti. Kasmā? Ekena maggena sabbakilesānam appahānato. Etena ekamaggeneva arahattābhāvam dīpeti.

Atthi chinnassa chediyaṇti chinnassa kilesavaṭṭassa puna chinditabbanam kiñci atthīti pucchati. Itaro tikkhindriyam sandhāya paṭikkhipitvā puna puṭṭho mudindriyam sandhāya paṭijānāti. Sakavādī suttam āharitvā natthibhāvam dasseti. Tattha **oghapāso**ti kilesogho ceva kilesapāso ca.

266. **Katassa paṭicayo**ti bhāvitassa maggassa puna bhāvanā. Idhāpi paṭikkhepaṭijānanāni purimanayeneva veditabbāni.

267. **Parihānāya samvattantī**ti paravādinā ābhate sutte pañca dhammā appattaparihānāya ceva lokiyasamāpattiparihānāya ca samvattanti. So pana² pattassa arahattaphalassa parihanāya sallakkheti. Teneva **atthi**³ **arahato kammārāmatāti** āha. Itaropi

1. Phusanārahampi (Syā)

2. Na so pana (Syā)

3. Teneva nam atthi (Syā)

asamayavimuttam sandhāya paṭikkhipitvā itaram sandhāya paṭijānāti.
Kāmarāgavasena vā pavattamānam tam¹ paṭikkhipitvā itarathā
pavattamānam paṭijānāti. Rāgādīnam pana atthitam puṭṭho paṭijānitum na
sakkoti.

268. **Kim pariyaṭṭhitoti** kena pariyaṭṭhito anubaddho ajjhotthato vā
hutvāti attho. Anusayapucchāyapi tikkhindriyamudindriyavaseneva
paṭikkhepaṭijānanāni veditabbāni. Kalyāṇānusayoti
vacanamattasāmaññena vā paṭijānāti. **Rāgo upacayam gacchatīti** bhāvanāya
pahīnam sandhāyāha. Parato dosamohesupi eseva nayo. Sakkāyadīṭṭhi-
ādīnam pana dassanena pahīnattā upacayam na icchati. Sesam sabbattha
uttānatthamevāti.

Suttasādhanā.

Parihānikathā niṭṭhitā.

1. Pavattamānataṃ (Ka)

3. Brahmacariyakathā

1. Suddhabrahmacariyakathāvaṇṇanā

269. Idāni brahmacariyakathā hoti. Tattha dve brahmacariyavāsā maggabhāvanā ca pabbajjā ca. Pabbajjā sabbadevesu natthi, maggabhāvanā ṭhapetvā Asaññasatte sesesu appaṭisiddhā. Tattha ye Paranimmitavasavattideve upādāya taduparidevesu maggabhāvanampi na icchanti seyyathāpi sammitiyā, te sandhāya **natthi devesūti** pucchā sakavādissa. “Tīhi bhikkhave ṭhānehi Jambudīpakā manussā Uttarakuruke ca manusse adhiggaṇhanti deve ca Tāvatiṃse. Katamehi tīhi. Sūrā satimanto idha brahmacariyavāso”¹ti idam suttam nissāya dvepi brahmacariyavāsā natthi devesūti uppannaladdhivasena paṭiññā paravādissa. Puna dvinnampi brahmacariyānam antarāyikadhammaseneva **sabbe devā jaḷāti** pucchā sakavādissa. Tattha **hatthasamvācikāti** mūgā viya hatthamuddhāya vattāro. Parato **atthi devesūti** pucchā paravādissa, maggabhāvanam sandhāya paṭiññā sakavādissa. Paṭiññāya adhippāyam asallakkhetvā pabbajjāvasena anuyogo paravādissa.

270. **Yattha natthi pabbajjāti** pañhe gihīnañceva ekaccānañca devānam maggapaṭilābham sandhāya paṭikkhepo tasseva. Puna puṭṭho paccantavāsino ceva Asaññasatte ca sandhāya paṭiññā tasseva. **Yo pabbajjāti**-ādīsu pucchāsūpi eseva nayo. Puna “atthi devesū”ti pañhepi maggabhāvanam sandhāyeva paṭiññā sakavādissa, “sabbadevesū”ti vutte Asaññasatte sandhāya paṭikkhepo tasseva.

271. **Manussesūti** pañhadvaye Jambudīpake sandhāya paṭiññā, paccantavāsino sandhāya paṭikkhepo veditabbo.

Atthi yattha atthīti atthi te devā, atthi vā so padeso, yattha atthīti evam sattapadesavibhāgamukhena vissajjanam sakavādissa. Iminā nayena sabbe ekantarikapañhā veditabbā.

1. Am 3. 198 piṭṭhe.

272. Suttānuyoge **kuhiṃ phaluppattī**ti tassa anāgāmino arahattaphaluppatti kuhinti pucchā sakavādissa. **Tatthevā**ti Suddhāvāsesūti attho.

Handa hīti kāraṇatthe nipāto. Idaṃ vuttam hoti—yasmā anāgānipuggalo idha loke bhāvitena maggena tattha Suddhāvāsesu phalam sacchikaroti, na tattha aññaṃ maggaṃ bhāveti, tasmā natthi devesu brahmacariyavāsoti.

2. Saṃsandanabrahmacariyavaṇṇanā

273. Idāni yadi aññattha bhāvitena maggena aññattha phalacchikiriyā hoti, sotāpannādīnampi siyāti etamattham dassetuṃ puna **anāgāmī**ti-ādīnam saṃsandanapucchā sakavādissa. Tattha anāgāmiṃ phalacchikiriyāya paṭiññā, sesānam phalacchikiriyāya paṭikkhepo paravādissa. Idha bhāvitamaggo hi anāgāmī idhavihāyaniṭṭho nāma hoti. So idha anāgāmiṃ maggaṃ bhāvetvā “opapātiko tathapariniḥḥāyī”ti vacanato “puna¹ maggabhāvanam vinā upapattivaseneva arahattaphalam sacchikaroti”ti tassa laddhi. Sotāpannasakadāgāmino pana tattha maggaṃ bhāvetvā tatrupaluppattikā nāma hontīti tesam idhāgamanaññeva natthi. Iti so anāgāmiṃ phalacchikiriyam puṭṭho paṭijānāti, itaresam paṭikkhipati.

Anāgāmī puggalo tattha bhāvitena maggenāti pañhe “anāgāmino tattha maggabhāvanāva natthī”ti laddhiyā paṭikkhipati. **Maggo ca bhāvīyati, na ca kilesā pahīyantī**ti pucchā sakavādissa, rūpāvacaramaggaṃ sandhāya paṭiññā itarassa. Rūpāvacaramaggena hi so idhavihāyaniṭṭho nāma jāto.

Anāgāmī puggalo katakaraṇīyoti pañhe “opapātiko tathapariniḥḥāyī”ti vacanato upapattiyāvassa katakaraṇīyādibhāvam sandhāya paṭijānāti. **Arahāti** pañhe idhapariniḥḥāyino arahato vaseneva paṭikkhipati, puna puṭṭho tathapariniḥḥāyino vasena paṭijānāti.

Atthi arahato punabbhavoti-ādīsipi tathapariniḥḥāyī-idhapariniḥḥāyīnam vaseneva attho veditabbo. **Appaṭividdhākuppova tathapariniḥḥāyatī**ti

1. Pana (Syā)

puṭṭho idheva bhāvitena maggena tassa¹ akuppapaṭivedhaṃ icchanto paṭikkhipati.

Yathā migoti paṭhamam udāharaṇam paravādissa, dutiyam sakavādissa. Sesam sabbattha uttānatthamevāti.

Brahmacariyakathā niṭṭhitā.

3. Odhisokathāvaṇṇanā

274. Idāni odhisokathā nāma hoti. Tattha ye sotāpannādīnam nānābhisamayavasena dukkhadassanādīhi odhiso odhiso ekadesena ekadesena kilesappahānam icchanti seyyathāpi etarahi Sammitiyādayo, tesam taṃ laddhiṃ bhindituṃ **odhisoti** pucchā sakavādissa, paṭiññā paravādissa. Puna anuyogo sakavādissa, ekadesena sotāpannādibhāvassa abhāvato paṭikkhepo paravādissa. Iminā upāyena sabbavāresu² attho veditabboti.

Odhisokathāvaṇṇanā.

4. Jahatikathā

1. Nasuttāharaṇakathāvaṇṇanā

279. Idāni jahatikathā³ nāma hoti. Tattha hesam⁴ “jhānalābhī puthujjano saha saccābhisamayā anāgāmī nāma hoti, tassa puthujjanakāleyeva kāmarāgabyāpādā pahīnā”ti laddhi seyyathāpi etarahi Sammitiyānam, tesam taṃ laddhi bhindituṃ **jahati puthujjanoti** pucchā sakavādissa, jhānavikkhambhitānam pana tesam pariyaṭṭhānam apassantassa paṭiññā paravādissa. Yasmā pana tesam jhānavikkhambhitānampi anāgāmimaggeneva

1. Arahattassa (Sī, Syā)

3. Pajahatikathā (Syā)

2. Sabbatṭhānesu (Ka)

4. Yesañca (Syā)

accantaṃ pahānaṃ hoti, tasmā puna **accantanti**-ādi-anuyogo sakavādissa, tathārūpassa pahānassa abhāvato paṭikkhepo itarassa. **Vikkhambhetī** accantavikkhambhanameva sandhāya pucchā sakavādissa. Tato paraṃ anāgāmimaggaṭṭhena saddhiṃ puthujjanasaṃsandanaṃ hoti. Taṃ uttānatthameva.

280. Tato paraṃ **anāgāmiphale saṅghātī**ti puṭṭho jānānāgāmitaṃ sandhāya paṭijānāti. **Arahatte saṅghātī**ti puṭṭho dassanamaggena uddhambhāgiyānaṃ pahānābhāvato paṭikkhipati.

Apubbaṃ acarimaṃ tayo maggeti puṭṭho tathārūpāya bhāvanāya abhāvā paṭikkhipati. Puna puṭṭho tiṇṇaṃ maggānaṃ kiccasabbhāvaṃ¹ sandhāya paṭijānāti. Sāmaññaphalapucchāsopi eseva nayo. **Katamena maggenā**ti puṭṭho **anāgāmimaggenā**ti jhānānāgāmitaṃ sandhāya vadati. Puna saṃyojanappahānaṃ puṭṭho tiṇṇaṃ anāgāmimaggena tesāṃ kilesānaṃ appaheyyattā² paṭikkhipati. Dutiyaṃ puṭṭho paṭhamamaggasseva jhānānāgāmimaggabhāvaṃ sandhāya paṭijānāti. Sesamettha uttānatthamevāti.

Jahatikathā.

5. Sabbamatthītikathā

1. Vādayuttivaṇṇanā

282. Idāni sabbamatthītivādakathā nāma hoti. Tattha yesaṃ “yaṃ kiñci rūpaṃ atītānāgatapaccuppannaṃ -pa- ayaṃ vuccati rūpakkhandho”ti-ādivacanato³ “sabbepi atītādibhedā dhammā khandhasabhāvaṃ na vijahanti, tasmā sabbāṃ atthiyeva nāmā”ti laddhi seyyathāpi etarahi Sabbamatthivādānaṃ, tesāṃ laddhivisodhanatthaṃ **sabbamatthī**ti pucchā sakavādissa, vuttappakārāya laddhiyā thatvā paṭiññā itarassa. **Sabbathā**ti sabbasmiṃ sarīre sabbamatthīti pucchati. **Sabbadāti** sabbasmiṃ kāle sabbamatthīti pucchati. **Sabbena sabbanti** sabbenākārena sabbamatthīti pucchati. **Sabbesū**ti sabbesu dhammesu sabbamatthīti pucchati.

1. Kiccasabhāvaṃ (Sī, Syā)

2. Appahīnattā (Syā)

3. Abhi 2. 1 piṭṭhe.

Ayoganti ayuttam. Nānāsabhāvānañhi yogo hoti, na ekasabhāvassa. Iti imasmim pañhe rūpaṃ vedanāya, vedanaṃ vā rūpena anānaṃ ekalakkhaṇameva katvā sabbamatthīti pucchati. **Yampi natthi tampatthīti** yampi chaṭṭhakhandhādikaṃ sasavisāṇādikaṃ vā kiñci natthīti siddham, tampi te atthīti pucchati. **Sabbamatthīti yā diṭṭhi sā diṭṭhi micchādiṭṭhīti, yā diṭṭhi sā diṭṭhi sammādiṭṭhīti heva matthīti** iminā idaṃ pucchati—yā te esā sabbamatthīti diṭṭhi, sā diṭṭhi ayāthāvakattā micchādiṭṭhīti evaṃ yā amhākaṃ diṭṭhi, sā diṭṭhi yāthāvakattā sammādiṭṭhīti evaṃ tava samaye atthīti pucchati. Itaro sabbesupi etesu nayesu vuttappakārāya atthitāya abhāvato paṭikkhipati. Imesu pana sabbesupi nayesu “ājānāhi niggahan”ti-ādiṃ katvā sabbo kathāmaggabhedo vitthārato veditabboti ayaṃ tāvettha vādayutti.

2. Kālasaṃsandanaṇṇanā

283-284. Idāni atītaṃ atthīti kālasaṃsandanaṃ hoti. Tattha **atītaṃ atthīti**-ādikaṃ suddhikaṃsandanaṃ. **Atītaṃ rūpaṃ atthīti**-ādikaṃ khandhavasena kālasaṃsandanaṃ.

285. **Paccuppannaṃ rūpaṃ appiyaṃ karitvāti** atītānāgataṃ pahāya paccuppannarūpameva appiyaṃ avibhajitabbaṃ karitvā. **Rūpabhāvaṃ jahatīti** pañhe niruddhassāpi rūpassa rūpakkhandhasaṅgahitattā paṭikkhipati. **Rūpabhāvaṃ na jahatīti** paṭilomapañhepi rūpakkhandhena saṅgahitattāva paṭijānāti. **Odātaṃ vatthaṃ appiyaṃ karitvāti** ettha kiñcāpi na sabbam vatthaṃ odātaṃ, iminā pana vatthanti avatvā “odātaṃ vatthaṃ appiyaṃ karitvā”ti vutte sakavādinā ekatthātaṃ anuññātā. **Odātabhāvaṃ jahatīti**¹ pañhe vaṇṇavigamaṃ sandhāya paṭiññā sakavādissa, **vatthabhāvaṃ jahatīti** ettha pana paññattiyā avigatattā paṭikkhepo tasseva. Paṭilomepi eseva nayo.

286. **Atītaṃ atītabhāvaṃ na jahatīti** puṭṭho “yadi jaheyya, anāgataṃ vā paccuppannaṃ vā siyā”ti maññamāno paṭijānāti. **Anāgataṃ anāgatabhāvaṃ na jahatīti** puṭṭho pana “yadi na jaheyya”²,

1. Na jahatīti (Syā)

2. Jaheyya (Syā)

anāgatamevassa¹, paccuppanabhāvaṃ na pāpuṇeyyā”ti maññamāno paṭikkhipati. Paccuppanapañhepi atītabhāvaṃ anāpajjanadoso siyāti paṭikkhipati. Anulomapañhesupi imināva nayena attho vedītabbo.

287. Evaṃ suddhikanayaṃ vatvā puna khandhavasena dassetuṃ **atītaṃ rūpanti**-ādi vuttaṃ. Taṃ sabbaṃ Pāli-anusāreneva sakkā nānituṃ.

Vacanasodhanavaṇṇanā

288. Idāni “atītaṃ nvatthī”ti-ādi vacanasodhanā² hoti. Tattha **hañci atītaṃ nvatthī**ti yadi atītaṃ no atthīti attho. **Atītaṃ atthīti micchā**ti atītañca taṃ atthi cāti micchā eva. **Taññeva anāgataṃ taṃ paccuppananti** puṭṭho anāgatakkhaṇeyevassa paccuppanatāya abhāvaṃ sandhāya kālanānattena paṭikkhipati.

Dutiyaṃ puṭṭho yaṃ uppādayo pubbe anāgataṃ ahosi, tassa uppannakāle paccuppanattā paṭijānāti. **Hutvā hoti hutvā hotīti** yadetam tayā “anāgataṃ hutvā paccuppanam hotī”ti vadatā taññeva anāgataṃ taṃ paccuppananti laddhivasena “anāgataṃ vā paccuppanam vā hutvā hotī”ti vuttaṃ, kiṃ te tampi hutvā hotīti. Itaro hutvā bhūtassa puna hutvā abhāvato **na hevanti** paṭikkhipati.

Dutiyaṃ puṭṭho yasmā taṃ anāgataṃ hutvā paccuppanam hontaṃ “hutvā hotī”ti saṅkham gataṃ, tasmā paṭijānāti. Atha naṃ sakavādī “yadi te taṃ anāgataṃ hutvā paccuppanam hontaṃ ‘hutvā hotī’ti saṅkham gataṃ, puna hutvā hoti, yaṃ anāgataṃ na hutvā paccuppanam na hontaṃ ‘na hutvā na hotī’ti saṅkham gataṃ sasavisāṇam, kiṃ te tampi puna na hutvā na hotī”ti-adhippāyena **na hutvā na hoti na hutvā na hotīti** pañham pucchati. Itaro “yaṃ natthi, taṃ natthitāya eva anāgataṃ na hutvā paccuppanam na hotīti nahutvānahoti nāma tāva hotu, puna nahutvānahotibhāvo panassa kuto”ti maññamāno paṭikkhipati. **Taññeva paccuppanam taṃ atītanti** pañhepi paccuppanakkhaṇeyevassa atītātāya abhāvaṃ sandhāya kālanānattā paṭikkhipati.

1. Anāgatameva (Syā, Ka)

2. Vacanato sodhanā (Syā)

Dutiya pañhe puṭṭho yaṃ atītabhāvato pubbe paccuppannaṃ ahoṣi, tasseva atītattā paṭijānāti. **Hutvā hoti hutvā hotīti** yadetaṃ tayā “paccuppannaṃ hutvā atītaṃ hotī”ti vadaṭā “taññeva paccuppannaṃ taṃ atītaṃ”ti laddhivasena “paccuppannaṃ vā atītaṃ vā hutvā hotī”ti vuttaṃ, kiṃ te tampi hutvā hotīti. Itaro hutvā bhūtassa puna hutvā abhāvato **na hevanti** paṭikkhipati.

Dutiya pañhe yasmā taṃ paccuppannaṃ hutvā atītaṃ hontaṃ “hutvā hotī”ti saṅkhaṃ gataṃ, tasmā paṭijānāti. Atha naṃ sakavādī “yadi te taññeva paccuppannaṃ hutvā atītaṃ hontaṃ ‘hutvā hotī’ti saṅkhaṃ gataṃ, puna hutvā hoti, yaṃ paccuppannaṃ na hutvā atītaṃ na hontaṃ ‘na hutvā na hotī’ti saṅkhaṃ gataṃ sasavisāṇaṃ, kiṃ te tampi puna na hutvā na hotī”ti adhippāyena **na hutvā na hoti na hutvā na hotīti** pañhaṃ pucchati. Itaro “yaṃ natthi, taṃ natthitāya eva paccuppannaṃ na hutvā atītaṃ na hotīti nahutvānahoti nāma tāva hotu, puna nahutvānahotibhāvo panassa kuto”ti maññamāno paṭikkhipati. Ubhayaṃ ekato katvā āgate tatiya pañhepi imināvupāyena yojanā kātabbā.

Aparo nayo—yadi taññeva anāgataṃ taṃ paccuppannaṃ, anāgatassa paccuppanne vutto hotibhāvo, paccuppannassa ca anāgate vutto hutvābhāvo āpajjati, evaṃ sante anāgatampi hutvāhoti nāma, paccuppannampi hutvāhotiyeva nāma, tena taṃ pucchāma “kiṃ te etesu ekekaṃ hutvā hoti hutvā hotī”ti. Itaro “taññeva anāgataṃ taṃ paccuppannaṃ”ti pañhe paṭikkhittanayeneva paṭikkhipitvā puna puṭṭho dutiye pañhe paṭiññātanayeneva paṭijānāti. Atha naṃ sakavādī “taññeva anāgataṃ taṃ paccuppannaṃ”ti pañhāvasena tesu ekekaṃ hutvā hoti hutvā hotīti paṭijānantaṃ purimaṃ paṭikkhittapañhaṃ parivattitvā pucchanto **na hutvā na hoti na hutvā na hotīti** pucchati. Tassattho—nanu “tayā taññeva anāgataṃ taṃ paccuppannaṃ”ti vutte paṭhamapañhaṃ paṭikkhipantena anāgatassa hotibhāvo paccuppannassa ca hutvābhāvo paṭikkhittoti. Tena anāgataṃ na hoti nāma, paccuppannaṃ na hutvā nāma.

Dutiyapañhe ca taññeva anāgataṃ taṃ paccuppananti paṭiññātaṃ, evaṃ sante anāgatampi na hutvā na hoti nāma, paccuppanampi na hutvā na hotiyeva nāma. Tena taṃ pucchāma “kiṃ te etesu ekekaṃ na hutvā na hoti na hutvā na hoti”ti. Paravādī sabbato andhakārena pariyonaddho viya tesāṃ nahutvānahotibhāvaṃ apassanto na hevanti paṭikkhipati.

Dutiyavārepi yadi taññeva paccuppanaṃ taṃ atītaṃ, paccuppanassa atīte vutto hotibhāvo, atītassa ca paccuppanne vutto hutvābhāvo āpajjati, evaṃ sante paccuppanampi hutvāhoti nāma, atītampi hutvāhotiyeva nāma, tena taṃ pucchāma “kiṃ te etesu ekekaṃ hutvā hoti hutvā hoti”ti. Itaro taññeva paccuppanaṃ taṃ atītipañhe paṭikkhittanayeneva paṭikkhipitvā puna puṭṭho dutiyapañhe paṭiññātanayeneva paṭijānāti. Atha naṃ sakavādī “taññeva paccuppanaṃ taṃ atītan”ti pañhāvasena tesu ekekaṃ hutvā hoti hutvā hotīti paṭijānantarā¹ purimaṃ paṭikkhittapañhaṃ parivattitvā pucchanto **na hutvā na hoti na hutvā na hotīti** pucchati. Tassattho—nanu tayā taññeva paccuppanaṃ taṃ atītanti vutte paṭhamapañhaṃ paṭikkhipantena paccuppanassa hotibhāvo atītassa ca hutvābhāvo paṭikkhittoti. Tena paccuppanaṃ nahoti nāma, atītaṃ nahutvā nāma.

Dutiyapañhe ca te “taññeva paccuppanaṃ taṃ atītan”ti paṭiññātaṃ, evaṃ sante paccuppanampi na hutvā na hoti nāma, atītampi na hutvā na hotiyeva nāma, tena taṃ pucchāma “kiṃ te etesu ekekaṃ na hutvā na hoti na hutvā na hoti”ti. Paravādī sabbato andhakārena pariyonaddho viya tesāṃ nahutvānahotibhāvaṃ apassanto **na hevanti** paṭikkhipati.

Tatīyavārepi yadi taññeva anāgataṃ taṃ paccuppanaṃ taṃ atītaṃ, anāgapaccuppanānaṃ paccuppanātītesu vutto hotibhāvo, paccuppanātītānañca anāgapaccuppannesu vutto hutvābhāvo āpajjati, evaṃ sante anāgatampi hutvāhoti nāma, paccuppanampi atītampi² hutvā hotiyeva nāma, tena taṃ pucchāma “kiṃ te tīsupi etesu ekekaṃ hutvā

1. Paṭijānantassa (Syā, Ka)

2. Atītaṃ (Syā)

hoti hutvā hotī”ti. Itaro “taññeva anāgataṃ taṃ paccuppannaṃ taṃ atītan”tipañhe paṭikkhittanayeneva paṭikkhipitvā puna puṭṭho dutiyapañhe paṭiññātanayeneva paṭijānāti. Atha naṃ sakavādī “taññeva anāgataṃ taṃ paccuppannaṃ taṃ atītan”ti pañhāvasena tesu ekekaṃ hutvā hoti hutvā hotīti paṭijānantaṃ purimaṃ paṭikkhittapañhaṃ parivattitvā pucchanto **na hutvā na hoti na hutvā na hotīti** pucchati. Tassattho—nanu tayā taññeva anāgataṃ taṃ paccuppannaṃ taṃ atītanti vutte paṭhamapañhaṃ paṭikkhipantena anāgatapaccuppannānaṃ hotibhāvo paccuppannātītānañca hutvābhāvo paṭikkhittoti. Tena anāgataṃ paccuppannañca na hoti nāma, paccuppannañca atītañca na hutvā nāma.

Dutiyapañhe ca te “taññeva anāgataṃ taṃ paccuppannaṃ taṃ atītan”ti paṭiññātaṃ, evaṃ sante anāgatampi na hutvā na hoti nāma, paccuppannampi atītampi na hutvā na hotiyeva nāma, tena taṃ pucchāma “kiṃ te etesu ekekaṃ na hutvā na hoti na hutvā na hotī”ti. Paravādī sabbato andhakārena pariyoaddho viya tesam na hutvā na hotibhāvaṃ apassanto **na hevanti** paṭikkhipatīti. Niggahādīni panettha heṭṭhā vuttanayeneva yojetabbāni.

Vacanasodhanavaṇṇanā niṭṭhitā.

Atītacakkhurūpādīkathāvaṇṇanā

289. **Atītaṃ cakkhu atthīti**-ādīsipi cakkhādibhāvāvijahaneneva atthitaṃ¹ paṭijānāti. **Passatīti**-ādīni puṭṭho pana² tesam viññāṇānaṃ kiccābhāvavasena paṭikkhipati.

Atītaññādikathāvaṇṇanā

290. **Tena ñāṇena ñāṇakaraṇīyaṃ karotīti** pañhe tassa ñāṇassa niruddhattā kiccābhāvamassa apassanto paṭikkhipati. Puna puṭṭho atītārammaṇaṃ paccuppannaṃ ñāṇaṃ atītānaṃ dhammānaṃ³ jānato atītaṃ

1. Atītaṃ (Syā)

2. Puna (Syā)

3. Atītārammaṇadhammānaṃ (Syā)

ñāṇanti¹ lesena paccuppannameva “atītaṃ ñāṇan”ti katvā tena ñāṇena ñāṇakaraṇīyassa atthitāya paṭijānāti. Athassa sakavādī lesokāsaṃ adatvā **tena ñāṇena dukkhaṃ pari jānāti**-ādimāha, itaro atītārammaṇeneva ñāṇena imesaṃ catunnaṃ kiccānaṃ abhāvā paṭikkhipati. Anāgatapañhepi eseva nayo. Paccuppannapañho ceva saṃsandanapañho ca uttānatthāyeva.

Arahantādikathāvaṇṇanā

291. **Arahato atīto rāgo atthī**-ādīsupi rāgādibhāvāvijahanato evaṃ paṭijānāti. **Sarāgoti**-ādīsu suttavirodhabhayena ceva yuttivirodhabhayena ca paṭikkhipati.

Padasodhanakathāvaṇṇanā

295. Evaṃ sabbampi Pāḷi-anusāreneva viditvā parato **atthi siyā atītaṃ, siyā nvātītaṃ** ettha evamattho veditabbo—yaṃ atīteva atthi, taṃ atītaṃ. Yaṃ paccuppannānāgataṃ atthi, taṃ no atthi, taṃ no atītaṃ. **Tenātītaṃ nvātītaṃ, nvātītaṃ atītaṃ** tena kāraṇena atītaṃ no atītaṃ, no atītaṃ atītaṃ. Anāgatapaccuppannapucchāsipi eseva nayo.

Suttasāadhanavaṇṇanā

296. **Na vattabbaṃ “atītaṃ atthi anāgataṃ atthī”**ti suttasādhanāya pucchā paravādissa, paṭiññā sakavādissa. Puna attano laddhiṃ nissāya **yaṃkiñci bhikkhave rūpanti** anuyogo paravādisseva. Dutīyanaye pucchā sakavādissa, paṭiññā itarassa. Evaṃ sabbattha pucchā ca paṭiññā ca veditabbā. Yaṃ panetaṃ paravādinā anāgatassa atthibhāvasādhanatthaṃ “nanu vuttaṃ Bhagavatā kabaḷikāre ce bhikkhave”ti suttassa pariyoṣāne **atthi tattha āyatīṃ punabbhavābhini battī**-ādi dassitaṃ, na taṃ anāgatassa

1. Atītañāṇassa (Syā)

atthibhāvasādhakam. Tañhi hetūnaṃ pariniṭṭhitattā avassaṃ bhāvitam sandhāya tattha vuttam. Ayaṃ suttādhippāyo. Sesam sabbattha uttānatthamevāti.

Sabbamatthītikathāvaṇṇanā niṭṭhitā.

6. Atītakkhandhādīkathā

1. Nasuttasāadhanakathāvaṇṇanā

297. Idāni “atītam khandhā”ti-ādīkathā hoti. Tattha khandhādibhāvāvijahanato atītānāgatānaṃ atthitam icchantassa **atītam khandhāti** pucchā paravādissa, atītassa khandhasaṅgahitattā **āmantāti** paṭiññā sakavādissa. Puna **atītam natthīti** pucchā paravādissa, tassa niruttipathasuttena atthitāya vāritattā paṭikkhepo sakavādissa. Āyatanadhātupucchāsupi anāgatapañhesupi paccuppanna saddhim saṃsanditvā anulomapaṭilomato āgatapañhesupi “atītam rūpan”ti-ādīpañhesupi¹ imināvupāyena attho veditabbo.

2. Suttasāadhanavaṇṇanā

298. Suttasādhane² pana **na vattabbanti** pucchā sakavādissa. Tattha **natthi ceteti** natthi ca ete dhammāti attho. Khandhādibhāve sati natthitam anicchantassa **āmantāti** paṭiññā paravādissa, atha nesaṃ natthibhāvasāadhanattham suttāharaṇam sakavādissa. Dutiyapucchāpi paravādissa, paṭiññā sakavādissa, suttāharaṇam paravādissa. Tam pana nesaṃ khandhādibhāvameva sādheti, na atthibhāvanti āhaṭampi anāhaṭasadisamevāti.

Atītam khandhāti-ādīkathāvaṇṇanā.

1. Ādīpañhepi (Syā)

2. Suttasodhane (Sī, Ka)

7. Ekaccaṃatthīkathā

1. Atītādi-ekaccakathāvaṇṇanā

299. Idāni **ekaccaṃ atthī**ti kathā hoti. Tattha ye “ekaccaṃ atītaṃ atthī”ti maññanti seyyathāpi Kassapikā, tesāṃ laddhibhīdanatthaṃ **atītaṃ atthī**ti pucchā sakavādissa, **ekaccaṃ atthī**ti vissajjanaṃ paravādissa. Ayañhi adhippāyo—avipakkavipākāṃ atthi, vipakkavipākāṃ¹ natthīti. **Ekaccaṃ niruddhanti** anuyogo sakavādissa. Tassattho—yadi te atītaṃ ekaccaṃ atthi ekaccaṃ natthi, evaṃ sante ekaccaṃ atītaṃ niruddhaṃ, ekaccaṃ atītaṃ aniruddhaṃ, tatheva ṭhitanti āpajjati. **Vigatanti**-ādīsupi eseva nayo.

Avipakkavipākadharmā ekacceti idaṃ yasmā yesāṃ so² avipakkavipākānaṃ atthitaṃ icchati, tepi atītāyeva³. Tasmā yathā te atītaṃ ekaccaṃ atthi, kiṃ tathā avipakkavipākāpi dhammā ekacce atthi ekacce natthīti codetuṃ vuttaṃ. **Vipakkavipākā**ti idaṃ yesāṃ so natthitaṃ icchati, tesāṃ vasena codetuṃ vuttaṃ. **Avipākā**ti idaṃ abyākatānaṃ vasena codetuṃ vuttaṃ. Iti imesaṃ tiṇṇaṃ rāsīnaṃ vasena sabbesu anulomapaṭilomesu paṭiññā ca paṭikkhepo ca veditabbā. Atītā ekadesaṃ vipakkavipākā, ekadesaṃ avipakkavipākāti vipakatavipākā vuccanti. Yena hi kammena paṭisandhi nibbattitā, bhavaṅgampi cutipi tasseva vipāko. Tasmā paṭisandhito yāva cuti, tāva taṃ vipakatavipākāṃ nāma hoti. Tathārūpe dhamme sandhāyetaṃ vuttaṃ.

Vipaccissantīti katvā te atthīti pucchā sakavādissa. Yathā dhammadharassa puggalassa niddāyantassāpi bahupavattino dhammā atthīti vuccanti, evaṃ lokavohārasena atthitaṃ sandhāya paṭiññā paravādissa. **Vipaccissantīti katvā paccuppannā**ti dutiyapañhe “kammānaṃ avināsaṅkhāto kammūpacayo⁴ nāmeko atthī”ti laddhiyaṃ ṭhatvā paṭiññā paravādissa.

1. Vipakkavipākā (Sī, Syā), vipakkamavipākāṃ (Ka)

2. Yasmā so (Syā)

3. Atītāyeva dhammā (Syā)

4. Kammappaccayo (Syā)

2. Anāgatādi-ekaccakathāvaṇṇanā

300. **Anāgataṃ atthīti**-ādisupi **ekaccaṃ atthīti** uppādino dhamme sandhāya vadati. Sesam sabbattha heṭṭhā vuttanayattā uttānatthamevāti.

Ekaccamatthītikathāvaṇṇanā.

8. Satipaṭṭhānakathāvaṇṇanā

301. Idāni satipaṭṭhānakathā hoti. Tattha “catunnaṃ bhikkhave satipaṭṭhānānaṃ samudayañca atthaṅgamañca desessāmi”¹ti Satipaṭṭhānasamyutte¹ vuttanayeneva yesam kāyādayo satiyā ārammaṇadhamme gahetvā “sabbe dhammā satipaṭṭhānā”²ti laddhi seyyathāpi etarahi Andhakānaṃ, Andhakā nāma Pubbaseliyā Aparaseliyā Rājagiriya Siddhatthikāti ime pacchā uppannikāyā, tesam laddhivivecanattham pucchā sakavādissa, paṭiññā paravādissa. Tattha yasmā “patiṭṭhāti etesūti **paṭṭhānā**. Kā patiṭṭhāti? Sati. Satiyā paṭṭhānā **satipaṭṭhānā**”³ti iminā atthena satigocarāpi satipaṭṭhānā. “Patiṭṭhahantīti **paṭṭhānā**. Kā patiṭṭhahanti? Satiyo. Satiyova paṭṭhānā **satipaṭṭhānā**”⁴ti iminā atthena satiyova satipaṭṭhānā, tasmā dvepi vādā pariyāyena yujjanti. Ye pana tam pariyāyam pahāya ekanteneva “sabbe dhammā satipaṭṭhānā”⁵ti vadanti, te sandhāya pucchā sakavādissa, ārammaṇavasena paṭiññā paravādissa. **Sabbe dhammā satīti** anuyuttassa pana sabbesaṃ satisabhāvābhāvato paṭikkhepo tasseva. Tattha **khayagāmīti**-ādīni maggavisesanāni. Ekāyanamaggo hi kilesānaṃ khayabhūtaṃ nibbānaṃ gacchatīti **khayagāmī**. Cattāri saccāni bujjhanto gacchatīti **bodhagāmī**. Vaṭṭam apacinanto gacchatīti **apacayagāmī**. Evametehi padehi “kim te sabbe dhammā evarūpo te ekāyano maggo hotī”⁶ti pucchati. **Anāsavā asaṃyojanīyāti**-ādīnīpi lokuttarabhāvaṃ pucchanaṭṭhāya vuttāni. **Buddhānussatīti**-ādīni pabhedapucchāvasena vuttāni.

1. Saṃ 3. 161 piṭṭhe.

Cakkhāyatanam satipaṭṭhānanti-ādi sabbadhammānaṃ pabhedapucchāvasena vuttaṃ. Tatthāpi sativasena paṭikkhepo, ārammaṇavasena paṭiññāti evaṃ sabbapañhesu attho veditabbo. Suttasādhanaṃ uttānatthāyevāti.

Satipaṭṭhānakathāvaṇṇanā niṭṭhitā.

9. Hevatthikathāvaṇṇanā

304. Idāni hevatthikathā nāma hoti. Tattha yesaṃ “sabbepi atītādibhedā dhammā rūpādivasena atthi, atītaṃ anāgatapaccuppannavasena, anāgatapaccuppannāni vā atītādivasena natthi, tasmā sabbamevidaṃ evaṃ atthi evaṃ natthī”ti laddhi seyyathāpi etarahi vuttappabhedānaṃ Andhakānaṃ, te sandhāya **atītaṃ atthī**ti pucchā sakavādissa. **Hevatthi heva natthī**ti vissajjanaṃ paravādissa. Tattha **hevāti** evaṃ. Atha naṃ sakavādī “yadi atītova evaṃ atthi evaṃ natthīti laddhi, evaṃ sante soyeva atthi, soyeva natthi nāmā”ti pucchanto **sevatthi, seva natthī**ti āha. Itaro teneva sabhāvena atthitaṃ teneva natthitaṃ sandhāya paṭikkhipati. Dutiyam puṭṭho sakabhāveneva atthitaṃ parabhāveneva natthitaṃ sandhāya paṭijānāti. Tato param **atthaṭṭho natthaṭṭho**ti atthisabhāvo natthisabhāvo nāma hotīti pucchati. Imināvupāyena sabbavāresu attho veditabbo. Pariyosāne pana “**tena hi atītaṃ hevatthi, heva natthī**”ti ca “**tena hi rūpaṃ hevatthi, heva natthī**”ti cāti-ādīni vatvā kiñcāpi paravādinā laddhi patiṭṭhāpitā, ayoniso patiṭṭhāpitattā panesā appatiṭṭhāpitāyevāti.

Hevatthikathāvaṇṇanā.

Mahāvaggo niṭṭhito.

2. Dutiyavagga

1. Parūpahāraṇṇanā

307. Idāni parūpahārakathā nāma hoti. Tattha ye arahattaṃ paṭijānantānaṃ appatte pattasaññīnaṃ adhimānikānaṃ kuhakānaṃ vā arahattaṃ paṭijānantānaṃ sukkavissaṭṭhim¹ disvā “mārakāyikā devatā arahato asuciṃ upasaṃharanti”ti maññanti seyyathāpi etarahi Pubbaseliyā ca Aparaseliyā ca, te sandhāya **atthi arahatoti** pucchā sakavādissa, paṭiññā itarassa. Idāni yasmā sukkavissaṭṭhi nāma rāgasamuṭṭhānā hoti, tasmā **atthi arahato rāgoti** manuyogo āradhho. So sabbopi uttānatthoyeva.

Mārakāyikā devatā attanoti-ādipaṇhe yasmā tāsāṃ devatānaṃ sukkavissaṭṭhi nāma natthi, aññesampi sukkaṃ gahetvā na upasaṃharanti, arahato pana sukkameva natthi, tasmā **na hevanti** paṭikkhipati.

Neva attanotipaṇhe pana nimminivā upasaṃharantīti laddhiyā paṭijānāti. **Lomakūpehī**tipaṇhe sappitelānaṃ viya lomakūpehi upasaṃharaṇābhāvaṃ disvā paṭikkhipati.

308. **Handa hīti** vacasāyatthe² nipāto. “Arahā nu kho ahaṃ, no”ti evaṃ vimatiṃ gāhayissāmāti evaṃ vacasāyaṃ³ katvā upasaṃharantīti attho. **Atthi arahato vimatīti** puṭṭho aṭṭhavatthukaṃ vicikicchaṃ sandhāya paṭikkhipati, dutiyaṃ puṭṭho itthipurisānaṃ nāmagottādīsu sanniṭṭhānābhāvaṃ sandhāya paṭijānāti.

309. **Atthi tassa āsayoti** tassa sukkassa uccārapassāvānaṃ viya patiṭṭhānokāso atthīti pucchati.

312. **Sadhammakusalassāti** attano⁴ arahattadhammatteyeva kusalassa. Paññāvimuttaṃ sandhāyevaṃ vadati. **Paradhammakusalassāti** sadhammato

1. Asucisukkavisaṭṭhim (Syā)

3. Byavasāyaṃ (Sī, Syā)

2. Byavasāyatthe (Sī, Syā)

4. Attanopi (Sī, Ka)

parasmim̐ aṭṭhasamāpattidhammepi kusalassa. Ubhatobhāgavimuttam̐ sandhāyevaṃ vadati. Sesamettha Pāli-anusāreneva veditabbanti.

Parūpahārakathāvaṇṇanā.

2-3-4. Aññāṇādikathāvaṇṇanā

314. Idāni aññāṇam̐, kaṅkhā, paravitarāṇāti tisso kathā nāma honti. Tattha yesam̐ “arahato itthipurisādīnam̐ nāmagottādīsu ñāṇappavattiyā abhāvena atthi aññāṇam̐, tattheva sanniṭṭhānābhāvena atthi kaṅkhā. Yasmā ca nesam̐ tāni vatthūni pare vitaranti pakāsentī ācikkhanti, tasmā nesam̐ atthi paravitarāṇā”ti imā laddhiyo seyyathāpi etarahi Pubbaseliyādīnam̐, tesam̐ tā laddhiyo bhinditum̐ tīsupi kathāsu pucchā sakavādissa, paṭiññā ca paṭikkhepo ca itarassa. Tattha sabbesupi pañhesu ceva vissajjanesu ca Pālim̐ anugantvāva attho veditabboti.

Aññāṇādikathāvaṇṇanā.

5. Vacībheda-kathāvaṇṇanā

326. Idāni vacībheda-kathā nāma hoti. Tattha yesam̐ “sotāpattimagga-khaṇe paṭhamam̐ jhānam̐ samāpannassa dukkhanti vācā bhijjati”ti laddhi seyyathāpi etarahi Pubbaseliyādīnam̐, te sandhāya **samāpannassa atthi vacībhedoti** pucchā sakavādissa, laddhiyam̐ ṭhatvā paṭiññā paravādissa. Puna **sabbatthāti** tayo bhava sandhāya puṭṭho arūpaṃ sandhāya paṭikkhipati. **Sabbadāti** kālavasena puṭṭho paṭhamamaggakkhaṇe paṭhamajjhānikasamāpattito aññam̐ sabbam̐ samāpattikālam̐ sandhāya paṭikkhipati. **Sabbesam̐ samāpannānanti** puṭṭho dutiyajjhānādīkam̐ lokuttaram̐ sabbañca lokiyasamāpattim̐ sandhāya paṭikkhipati.

Kāyabhedoti abhikkamādivasena pavattakāyaviññatti. Idam “yāni cittāni vacīviññattim samuṭṭhāpentī, tāneva kāyaviññattim, evam sante kasmā kāyabhedopi na hotī”ti codanattham pucchati, itaro laddhivasena paṭikkhipati ceva paṭijānāti ca. Idāni yadi so maggakkhaṇe “dukkhan”ti vācam bhāsati, “samudayo”ti-ādikampi bhāseyya. Yadi vā tam na bhāsati, itarampi na bhāseyyāti codanattham **dukkhanti jānantoti**-ādayo pañhā vuttā, itaro pana attano laddhivaseneva paṭijānāti ceva paṭikkhipati ca. Lokuttaram paṭhamajjhānam samāpanno dukkhadukkhanti vipassatīti hissa laddhi.

328. **Ñānanti** lokuttaram catusaccañānam. **Sotanti** sotaviññānam adhippetam, yena tam saddam suṇāti. **Dvinnam phassānanti** sotasamphassamanosamphassānam.

329. **No vata re vattabbeti** yadi avisesena yamkiñci samāpannassa natthi vacībhedo, na avisesena vattabham “samāpannassa atthi vacībhedo”ti. Sesamettha uttānatthameva saddhim suttasādhanāya. Yam panetena¹ “sikhissa Ānanda Bhagavato”ti pariyosāne suttam ābhatam, tattha yena samāpatticcittena so vacībhedo samuṭṭhito, kāyabhedopi tena samuṭṭhātiyeva, na ca tam lokuttaram paṭhamajjhānacittam, tasmā asādhakanti.

Vacībhedakathāvaṇṇanā.

6. Dukkāhāarakathāvaṇṇanā

334. Idāni dukkhāhāarakathā nāma hoti. Tattha “dukkham dukkhanti vācam bhāsanto dukkhe ñānam āharati, tam dukkhāhāro nāma vuccati, tañca panetam maggaṅgam maggapariyāpannam”ti yesam laddhi seyyathāpi etarahi Pubbaseliyānam, te sandhāya **dukkāhāro**ti pucchā sakavādissa, paṭiññā paravādissa. **Ye kecīti** paṭhamapañhe avipassake sandhāya paṭikkhipati.

1. Yampanetam (Syā)

Dutiyapañhe vipassake sandhāya paṭijānāti, taṃ panassa laddhimattameva, tasmā “sabbe te”ti vādassa bhindanattham **bālaputhujjanāti**-ādimāha. Taṃ uttānatthamevāti.

Dukkhāhāarakathāvaṇṇanā.

7. Cittaṭṭhitikathāvaṇṇanā

335. Idāni cittaṭṭhitikathā nāma hoti. Tattha yesaṃ samāpatticittañceva bhavaṅgacittañca anuppabandhena pavattamānaṃ disvā “ekameva cittaṃ ciraṃ tiṭṭhati”ti laddhi seyyathāpi etarahi heṭṭhā vuttappabhedānaṃ Andhakānaṃ, taṃladdhivisodhanattham **ekaṃ, cittaṃ divasaṃ**¹ tiṭṭhatīti pucchā sakavādissa, paṭiññā paravādissa. **Upaḍḍhadivaso uppādakkaṇoti** ettha ṭhitikkhaṇaṃ anāmasitvā “aniccā vata saṅkhārā, uppādavayadhammino”ti² desanāyena uppādavayavaseneva pucchā katā.

Te dhammā cittaena lahuparivattāti puṭṭho cittato lahutaraparivattino dhamme apassanto paṭikkhipati. Dutiyaṃ puṭṭho yassa cittassa dīghaṭṭhitim icchati, taṃ sandhāya paṭijānāti. **Yāvatāyukaṃ tiṭṭhatīti** pañhe “cullāsītisahassāni, kappā tiṭṭhanti ye marū”ti-ādivacanavasena³ āruppato aññatra paṭikkhipati, āruppe paṭijānāti. **Muhuttaṃ muhuttaṃ uppajjati**ti pañhe paravādissa “uppādavayadhammino”ti-ādisuttavirodhabhayena paṭijānāti. Ṭhitim panassa laddhivasena icchati. Sesamettha uttānatthamevāti.

Cittaṭṭhitikathāvaṇṇanā.

8. Kukkuḷakathāvaṇṇanā

338. Idāni kukkuḷakathā nāma hoti. Tattha yesaṃ “sabbaṃ bhikkhave ādittam”⁴, sabbe saṅkhārā dukkhā”ti-ādīni⁵ suttāni ayoniso

1. Divasampi (Syā, Ka)

3. Khu 7. 32 piṭṭhe Mahānidde.

5. Khu 1. 53 piṭṭhe.

2. Saṃ 1. 160, 398 piṭṭhesu.

4. Saṃ 2. 251; Vi 3. 44 piṭṭhesu.

gahetvā “nippariyāyeneva sabbe saṅkhārā kukkuḷā vītaccitaṅgārasammissā chārikanirayasadisā”ti laddhi seyyathāpi etarahi Gokulikānaṃ, tesāṃ nānappakārasukhasandassanena taṃ laddhiṃ vivecetum pucchā sakavādissa, paṭiññā paravādissa. Tattha **anodhiṃ katvāti** odhiṃ mariyādaṃ koṭṭhāsaṃ akaritvā, avisesena sabbeyevāti attho. Sesāṃ sabbāṃ Pāḷinayeneva veditabbāṃ saddhiṃ suttasādhanāyāti.

Kukkuḷakathāvaṇṇanā.

9. Anupubbābhisamayakathāvaṇṇanā

339. Idāni anupubbābhisamayakathā nāma hoti. Tattha yesāṃ

“Anupubbena medhāvī, thokaṃ thokaṃ khaṇe khaṇe.
Kammāro rajatasseva, niddhame malamattano”ti¹—

Ādīni suttāni ayoniso gahetvā “sotāpattiphalaśacchikiriyāya paṭipanno ekacce kilese dukkhadassanena pajahati, ekacce samudayanirodhamaggadassanena, tathā sesāpīti evaṃ soḷasahi koṭṭhāsehi anupubbena kilesappahānaṃ katvā arahattapaṭilābho hoti”ti evarūpā nānābhisamayaladdhi uppannā seyyathāpi etarahi Andhakasabbatthikasammitiyabhadrāyānikānaṃ, tesāṃ laddhivivecanatthāṃ **anupubbābhisamayoti** pucchā sakavādissa, paṭiññā itarassa. **Anupubbena sotāpattimagganti** puṭṭho pana ekassa maggassa bahubhāvāpattibhayena paṭikkhipati. Dutiyāṃ puṭṭho dukkhadassanādivasena paṭijānāti. Tāni vā cattāripi ñāṇāni eko sotāpattimaggoyevāti paṭijānāti, phalaṃ pana ekameva icchati, tasmā paṭikkhipati. Sakadāgāmimaggādīsupi eseva nayo.

344. **Magge diṭṭhe phale ṭhitoti** pañhe yasmā dukkhadassanādīhi dassanaṃ apariniṭṭhitaṃ, maggadassanena pariniṭṭhitaṃ nāma hoti, tadā so phale ṭhitoti saṅkhaṃ gacchati, tasmā paṭijānāti.

1. Khu 1. 48 piṭṭhe Dhammapade.

345. **Dukkhe diṭṭhe cattāri saccānī**ti pucchā paravādissa, ekābhisamayavasena paṭiññā sakavādissa. Puna **dukkhasaccam cattāri saccānī**ti anuyoge catunnampi nānāsabhāvattā paṭikkhepo tasseva.

Rūpakkhandhe aniccato diṭṭheti pucchā sakavādissa, samuddato ekabindussa rase paṭividdhe sesa-udakassa paṭivedho viya ekadhamme aniccādito paṭividdhe sabbepi paṭividdhā hontīti laddhiyā paṭiññā paravādissa.

Catūhi ñāṇehīti dukkhe ñāṇādīhi. **Aṭṭhahi ñāṇehī**ti sāvakanam sādharmaṇehi saccañāṇehi ceva paṭisambhidāñāṇehi ca. **Dvādasahi ñāṇehī**ti dvādasapaṭiccasamuppādañāṇehi. **Catucattārisāya ñāṇehī**ti “jarāmarañā ñāṇam, jarāmarañasamudaye ñāṇan”ti evaṃ Nidānavagge vuttañāṇehi. **Sattasattatiyā ñāṇehī**ti “jarāmarañam bhikkhave aniccam saṅkhataṃ paṭiccasamuppannam khayadhammam vayadhammam virāgadhammam nirodhadhammam”ti¹ evaṃ tattheva vuttañāṇehi. Sesamettha Pālinayeneva vedītabbam saddhim suttasādhanenāti.

Anupubbābhisamayakathāvaṇṇanā.

10. Vohārakathāvaṇṇanā

347. Idāni vohārakathā nāma hoti. Tattha Buddho Bhagavā lokuttarena vohārena voharatīti yesam laddhi seyyathāpi etarahi Andhakānam, te sandhāya pucchā sakavādissa, laddhivasena paṭiññā paravādissa. **Lokuttare soteti**-ādīni tassa ayuttavādībhāvādīpanattham vuttāni. Ayañhettha adhippāyo “saddāyatanameva te lokuttaram, udāhu sotādīnipī”ti.

Hañci Buddhassa Bhagavato vohāro lokiye sote paṭihaññatīti ettha yadi so lokuttare paṭihaññeyya. Lokuttaro siyāti evamattho na gahetabbo. Lokiye paṭihaññamānassa pana lokuttaratā nāma natthīti ayametthādhippāyo. **Lokiyena viññānenāti** etthāpi

1. Saṃ 1. 264 piṭṭhe.

lokiyenevāti attho. Itarathā anekantatā siyā. Lokuttarañhi lokiyenapi ñāṇena ñāyati. Evaṃ sabbaṃ yathā nurūpato veditabbaṃ. **Sabbe te maggaṃ bhāventīti** pañhesu ye maggaṃ nappaṭilabhanti, te sandhāya paṭikkhipati. Ye paṭilabhanti, te sandhāya paṭijānāti.

351. **Sovaṇṇamayāyāti** suvaṇṇamayāya. Idaṃ paravādissa udāharaṇaṃ.

Eḷaṇḍiyāyāti eḷaṇḍamayāya. Idaṃ sakavādissa udāharaṇaṃ. Lokiyam voharantassa lokiyoti ayampi ekā laddhi. Sā etarahi ekaccānaṃ andhakānaṃ laddhi. Sesamettha uttānatthamevāti.

Vohārakathāvaṇṇanā.

11. Nirodhakathāvaṇṇanā

353. Idāni nirodhakathā nāma hoti. Tattha yesaṃ appaṭisaṅkhānirodhañca paṭisaṅkhānirodhañca dvepi ekato katvā nirodhasaccanti laddhi seyyathāpi etarahi Mahisāsakānañceva Andhakānañca, te sandhāya **dve nirodhāti** pucchā sakavādissa, paṭiññā paravādissa. **Dve dukkhanirodhāti** pañhesu yasmā dve dukkhasaccāni na icchati, tasmā paṭikkhipati. Yasmā dvīhākārehi dukkhaṃ nirujjhatīti icchati, tasmā paṭijānāti. **Dve nirodhasaccānīti** pañhesu dvinnaṃ dukkhasaccānaṃ nirodhavasena anicchanto paṭikkhipati. Dvīhākārehi dukkhassa nirujjhanato paṭijānāti. **Dve tāṇānīti**-ādīsipi eseva nayo.

Atthi dvinnaṃ nibbānānanti-ādīsu pucchāsu uccanīcatādīni apassanto paṭikkhipati.

Appaṭisaṅkhāniruddheti ye paṭisaṅkhāya lokuttarena ñāṇena aniruddhāsuddhapakatikattā vā uddesaparipucchādīnaṃ vā vasena na samudācaraṇato niruddhāti vuccanti, te saṅkhāre. **Paṭisaṅkhā nirodhentīti** lokuttarañāṇena nirodhenti anuppattibhāvaṃ gamenti. **Nanu appaṭisaṅkhāniruddhā saṅkhārāti** pucchā

paravādissa¹. Tattha bhaggānaṃ puna abhañjanato appaṭisaṅkhāniruddhānaṃ vā ariyamagge uppanne tathā nirujjhanatova sakavādī accantabhaggataṃ paṭijānāti. Sesamettha uttānatthamevāti.

Nirodhakathāvaṇṇanā.

Dutiyo vaggo.

3. Tatiyavagga

1. Balakathāvaṇṇanā

354. Idāni balakathā nāma hoti. Tattha yesaṃ Anuruddhasaṃyutte “imesaṅca panāhaṃ āvuso catunnaṃ satipaṭṭhānānaṃ bhāvitattā bahulīkatattā ṭhānaṅca ṭhānato aṭṭhānaṅca aṭṭhānato yathābhūtaṃ pajānāmi”²ti-ādīni² dasasuttāni ayoniso gahetvā “Tathāgatabalaṃ sāvakaśādhāraṇaṃ”³ti laddhi seyyathāpi etarahi Andhakānaṃ, te sandhāya pucchā sakavādissa, laddhiyaṃ ṭhatvā paṭiññā paravādissa. Tathāgatabalaṅca nāmetaṃ sāvakehi śādhāraṇampi atthi asādhāraṇampi śādhāraṇāsādhāraṇampi. Tattha āsavānaṃ khaye ñānaṃ śādhāraṇaṃ, indriyaparopariyattiñānaṃ asādhāraṇaṃ, sesaṃ śādhāraṇaṅca asādhāraṇaṅca. Ṭhānāṭṭhānādīni hi sāvakaṃ padesena jānanti, Tathāgatā nippadesena. Iti tāni uddesato śādhāraṇāni, na niddesato. Ayaṃ pana avisesena sabbampi śādhāraṇanti āha. Tameṇaṃ tato vivecetum **Tathāgatabalaṃ sāvakabalanti** puna anuyogo āraddho. Tattha paṭhamapañhe niddesato sabbākāraṇavisaṃyutaṃ sandhāya paṭikkhipati, dutiyapañhe uddesato ṭhānāṭṭhānamattādi jānanaṃ avasena paṭijānāti. **Taññevāti**-ādipañhesu sabbākāreṇa ninnānākaraṇatāya³ abhāvena paṭikkhipati. **Pubbayogo** ca **pubbacariyā** ca atthato ekaṃ, tathā **dhammakkhānaṅca dhammadesanā** ca.

Indriyaparopariyattipañhe ekadesena śādhāraṇataṃ sandhāya sāvakavisaye paṭijānāti.

1. Sakavādissa (Sī, Syā)

2. Saṃ 3. 266 piṭṭhe.

3. Nānākaraṇatāya (Syā)

355. Idāni yasmā uddesato ṭhānāṭṭhānādīni sāvako jānāti, tasmā sāvakassa tathā jānanam pakāsetvā tena jānanamattasāmaññena tesam sāvakasādhāraṇattam patiṭṭhāpetum **sāvako ṭhānāṭṭhānam jānāti**-ādayo paravādipaṅhā honti. Tattha indriyaparopariyattiñāṇam channam asādhāraṇañāṇam aññataranti na gahitam. **Āsavakkhayena vā āsavakkhayanti** yam Tathāgatassa āsavakkhayena saddhim sāvakassa āsavakkhayam paṭicca vattabham siyā nānākaraṇam, tam natthi. **Vimuttiyā vā vimuttinti** padepe eseva nayo. Sesamettha uttānatthameva.

356. Idāni yam sakavādīnā “āsavānam khaye ñāṇam sādharmaṇam”ti anuññātam, tena saddhim saṃsanditvā sesānampi sādharmaṇabhāvaṃ pucchitum puna **āsavānam khayeti**-ādayo paravādipaṅhā honti. Tesam vissajjane¹ sakavādīnā āsavakkhaye visesābhāvena tam ñāṇam sādharmaṇanti anuññātam. Itaresupi visesābhāvena sādharmaṇatā paṭikkhattā. Puna ṭhānāṭṭhānādīnam āsavakkhayeneva saddhim saṃsanditvā asādhāraṇapucchā paravādisseva. Tattha āsavakkhayañāṇe paṭikkhepo, sesesu ca² paṭiññā sakavādissa. Tato indriyaparopariyattena saddhim saṃsanditvā asādhāraṇapucchā paravādissa. Sā saṅkhipitvā dassitā. Tathāpi indriyaparopariyatte paṭiññā, sesesu ca paṭikkhepo sakavādissa. Tato ṭhānāṭṭhānādīhi saddhim saṃsanditvā indriyaparopariyattassa sādharmaṇapucchā paravādissa. Sāpi saṅkhipitvāva dassitā. Tattha indriyaparopariyatte paṭikkhepo, sesesu ca paṭiññā sakavādissāti.

Balakathāvaṇṇanā.

2. Ariyantikathāvaṇṇanā

357. Idāni ariyantikathā nāma hoti. Tattha yesam “na kevalam āsavakkhayañāṇameva ariyam, atha kho purimānīpi nava balāni ariyāni”cceva laddhi seyyathāpi etarahi Andhakānam, te sandhāya **ariyanti** pucchā sakavādissa, paṭiññā itarassa. Puna yadi tam³ ariyam, maggādīsu tena

1. Vissajjanena (Syā)

2. Sesesupi ca (Syā)

3. Yadidam (Sī, Syā)

aññatarena bhavitabbanti maggādivasena pucchā sakavādissa, paṭikkhepo itarassa.

Puna suññatārammaṇādivasena pucchā sakavādissa. Tattha dve suññatā sattasuññatā ca saṅkhārasuññatā ca. Sattasuññatā nāma diṭṭhiyā parikappitena¹ sattena suññā pañcakkhandhā. Saṅkhārasuññatā nāma sabbasaṅkhārehi suññam vivittaṃ nissaṭam nibbānam. Tattha paravādī nibbānārammaṇataṃ sandhāya paṭikkhipati, saṅkhārārammaṇataṃ sandhāya paṭijānāti. **Manasi karotīti** puṭṭhopi nibbānameva sandhāya paṭikkhipati, saṅkhāre sandhāya paṭijānāti. Tato sakavādinā “ṭhānāṭṭhānādīmanasikāro saṅkhārārammaṇo, suññatamanasikāro nibbānārammaṇo”ti imam nayaṃ gahetvā “dvinnam phassānam dvinnam cittānam samodhānam hotī”ti puṭṭho lesokāsam alabhanto paṭikkhipati. Animittāpaṇihitesupi eseva nayo. Sattanimitābhāvato hi khandhā animittā, saṅkhāranimitābhāvato nibbānam. Ekadhammasmimpi āropetvā ṭhapetabbasaṅkhātena ca paṇidahitabbaṭṭhena² paṇihitasaṅkham gatena sattapaṇidhinā³ appaṇihitā khandhā, taṇhāpaṇidhinā taṇhāya vā ārammaṇabhūtena sabbasaṅkhārapaṇidhinā appaṇihitam nibbānam. Tasmā idhāpi paṭikkhepo ca paṭiññā ca purimanayeneva veditabbā.

358. Tato “yathā satipaṭṭhānādayo lokuttaradhammā ariyā ceva suññatādi-ārammaṇā ca, kiṃ te evaṃ ṭhānāṭṭhānaññānaṃ”ti anulomapaṭilomapucchā hontī. Tattha sabbāpi paṭiññā sabbe ca paṭikkhepā paravādisseva. Imināvupāyena sesaññānesupi pucchāvissajjanam veditabbam. Pāḷiyam pana sesāni saṅkhipitvā avasāne cutūpapātaññānameva vihattam. Tato param sakasamayepi “ariyan”ti siddhena āsavānam khayaññāna saddhim saṃsanditvā sesaññānam anulomato ca paṭilomato ca ariyabhāvapucchā hontī. Tā sabbā paravādissa, paṭiññā paṭikkhepo ca sakavādissa. Te uttānatthāyeva. Pāḷiyam panettha paṭhamanavamāneva⁴ dassetvā satta ñāṇāni saṅkhittānīti.

Ariyantikathāvaṇṇanā.

1. Parikappitabbena (Syā)

3. Sattapaṇidhinā ca (Sī, Ka)

2. Paṇihitabbaṭṭhena (Sī)

4. Paṭhamanayeneva (Syā)

3. Vimuttikathāvaṇṇanā

363. Idāni vimuttikathā nāma hoti. Tattha yesaṃ “vītarāgacittānaṃ vimuttipayojanaṃ nāma natthi. Yathā pana malīnaṃ vatthaṃ dhoviyamānaṃ malā vimuccati, evaṃ sarāgaṃ cittaṃ rāgato vimuccati”ti laddhi seyyathāpi etarahi Andhakānaṃ, te sandhāya **sarāganti** pucchā sakavādissa, paṭiññā itarassa. Tato **rāgasahagatanti**-ādinā nayena puṭṭho maggakkhaṇe cittaṃ vimuccati nāma, tadā ca evarūpaṃ cittaṃ natthīti paṭikkhipati.

Saphassanti-ādinā nayena puṭṭhopi yathā phasso ca cittaṅca ubho rāgato vimuccanti, evaṃ rāgassa vimuttiṃ apassamāno paṭikkhipati. Sadosādīsupi imināvupāyena attho veditabbo.

Vimuttikathāvaṇṇanā.

4. Vimuccamānakathāvaṇṇanā

366. Idāni vimuccamānakathā nāma hoti. Tattha yesaṃ “jhānena vikkhambhanavimuttiyā vimuttaṃ, maggakkhaṇe samucchedavimuttiyā vimuccamānaṃ nāma hoti”ti laddhi, te sandhāya **vimuttaṃ vimuccamānanti** pucchā sakavādissa, paṭiññā itarassa.

Puna **ekadesanti** pucchā sakavādissa. Tattha **ekadesanti** bhāvanapumsakam. Yathā vimuttaṃ ekadesena vā ekadesa vā avimuttaṃ hoti, kiṃ evaṃ ekadesaṃ vimuttaṃ, ekadesaṃ avimuttanti pucchati. Kiṃ kārāṇā evaṃ pucchati. “Vimuttaṃ vimuccamānaṃ”ti vippakatabhāvena vuttattā. Yathā hi kariyamānā kaṭādayo vippakatattā ekadesena katā ekadesena akatā honti, tathā idampi ekadesaṃ vimuttaṃ ekadesaṃ avimuttanti āpajjati. Tato paravādī kaṭādīnaṃ viya cittassa ekadesābhāvā paṭhamapañhe paṭikkhipivā dutiye vimuccamānassa apariniṭṭhitavimuttitāya paṭijānāti. Lokiyajjhānakkhaṇaṃ vā sandhāya paṭikkhipati. Na hi taṃ tadā samucchedavimuttiyā vimuccamānaṃ. Lokuttarajjhānakkhaṇaṃ sandhāya paṭijānāti. Tañhi tadā samucchedavimuttiyā vimuttekaadesena vimuccamānantissa laddhi. Tato sakavādī “yadi te

ekameva cittaṃ ekadesaṃ vimuttaṃ ekadesaṃ avimuttaṃ, evaṃ sante yo ekeneva¹ cittena sotāpanno hoti, soṇi te ekadesaṃ sotāpanno, ekadesaṃ na sotāpanno āpajjati”ti codanatthaṃ **ekadesaṃ sotāpannoti**-ādimāha. Itaro taṃ vidhānaṃ apassanto paṭikkhipati. Sesavāresuṇi eseva nayo.

Uppādakkaṇapaṇhe yaḁi ekameva cittaṃ vimuttaṇca vimuccamānaṇca, ekasmiṃ khaṇe vimuttaṃ ekasmiṃ vimuccamānaṃ āpajjati. Kiṃ te evarūpaṃ cittanti attho.

367. Suttasādhane paṭhamasuttaṃ paravādissa.

Tatrāssāyamadhippāyo—**vimuccatīti** vippakataniddeso, tasmā yaṃ tassa yogino evaṃ jānato evaṃ passato etehi āsavehi cittaṃ vimuccati, taṃ vimuccamānaṃ nāma hotīti. Dutiyasuttaṃ sakavādissa.

Tatrāssāyamadhippāyo—yaḁi te vimuccatīti vacanato vimuttaṃ vimuccamānaṃ, idha vimuccatīti vacanābhāvato vimuttameva siyā, na vimuccamānanti.

Idāni “yathā te vippakatavimuttitāya vimuccamānaṃ, kiṃ evaṃ vippakatarāgāditāya rajjamānādīnipi atthī”ti codanatthaṃ puna **atthi cittanti**-ādi āraddhaṃ. Paravādināpi tathārūpaṃ cittaṃ apassantena sabbaṃ paṭikkhittaṃ. Atha naṃ sakavādī “dveyeva koṭiyo, tatiyā natthī”ti anubodhento **nanu rattaṇceva arattaṇcāti**-ādimāha. Tassattho—nanu bhadramukha rāgasampayuttaṃ cittaṃ rattaṃ, vippayuttaṃ arattanti dveva koṭiyo, rajjamānaṃ nāma tatiyā koṭi natthīti. Duṭṭhādīsūṇi eseva nayo. Atha naṃ āmantāti paṭijānitvā ṭhitaṃ vimuttipakkhepi¹ dveyeva koṭiyo dassetuṃ **haṇci rattaṇcevāti**-ādimāha. Tassattho—yaḁi etā dve koṭiyo sampaṭicchasi, avimuttaṇceva vimuttaṇcāti imāpi sampaṭicchā. Kilesasampayuttaṇhi cittaṃ avimuttaṃ, vippayuttaṃ vimuttaṃ. Vimuccamānaṃ nāmāti paramatthato tatiyā koṭi natthīti.

Vimuccamānakathāvaṇṇanā.

1. Ekadeseneva (Sī, Ka)

2. Cittavimuttipakkhepi (Syā)

5. Aṭṭhamakakathāvaṇṇanā

368. Idāni aṭṭhamakakathā nāma hoti. Tattha yesaṃ anulomagotrabhūmagakkhaṇe kilesānaṃ samudācārābhāvato aṭṭhamakassa sotāpattimaggaṭṭhapuggalassa dve pariyuṭṭhānā pahīnāti laddhi seyyathāpi etarahi Andhakānañceva Sammitiyānañca, tesāṃ aññatarānaṃ sandhāya pucchā sakavādissa. Maggakkhaṇato paṭṭhāya diṭṭhiyā anuppattiṃ sandhāya paṭiññā itarassa. Tato yasmā diṭṭhi nāmesā sotāpannasseva pahīnā, na maggaṭṭhassa, tasmā **aṭṭhamako puggalo sotāpannoti** anuyogo sakavādissa. Vicikicchāpañhepi eseva nayo. Anusayapañhe pariyuṭṭhānato añño anusayoti tesāṃ laddhi, tasmā “na hevan”ti paṭikkhitaṃ.

Sīlabbataparāmāsapañhepi¹ sīlabbataparāmāsapariyuṭṭhānanti vohāraṃ na passati, tasmā paṭikkhipati. Pariyuṭṭhānamevassa pahīnanti laddhi.

369. **Maggo bhāvitoti** pañhe tasmīṃ khaṇe bhāveti, na bhāvito. Tasmā paṭikkhipati. **Amaggenāti**-ādi-anuyoge paṭhamamaggeneva pahīnabhāvaṃ² sandhāya paṭikkhipati. Yadi hi amaggena pahīyetha, gotrabhūpuggalādīnampi³ pahīyethāti āpajjanato. **Uppajjissatīti** pucchā paravādissa, vissajjanaṃ sakavādissa. Sesāṃ sabbattha uttānatthamevāti.

Aṭṭhamakakathāvaṇṇanā.

6. Aṭṭhamakassa indriyakathāvaṇṇanā

371. Idāni aṭṭhamakassa indriyakathā nāma hoti. Tattha yesaṃ “aṭṭhamako⁴ maggakkhaṇe indriyāni paṭilabhati nāma, no cassa paṭiladdhāni hontī”ti laddhi seyyathāpi etarahi Andhakānaṃ, te sandhāya **natthi saddhindriyanti** pucchā sakavādissa, paṭiññā itarassa, **natthi saddhāti** puṭṭho pana saddhindriyato saddhāya nānattaṃ sallakkhetvā paṭikkhipati. Sesesupi eseva nayo. Yathā pana yassa atthi mano, tassa manindriyampi atthi, evaṃ

1. Sīlabbataparāmāsapañhe (Syā)

3. Gotrabhūpuggalānampi (Ka)

2. Pahānabhāvaṃ (Sī, Ka)

4. Aṭṭhamako puggalo (Sī)

yassa saddhādayo atthi, tassa atthi saddhindriyādīnipīti dīpanattham **atthi mano atthi manindriyanti**-ādi āradham. Tam sabbam uttānatthameva saddhim suttasādhanenāti.

Aṭṭhamakassa indriyakathāvaṇṇanā.

7. Dibbacakkhukathāvaṇṇanā

373. Idāni dibbacakkhukathā nāma hoti. Tattha yesam catutthajjhānadhammūpatthaddham maṁsacakkhumeva dibbacakkhu nāma hotīti laddhi seyyathāpi etarahi Andhakānañceva Sammitiyānañca, te sandhāya **maṁsacakkhūnti** pucchā sakavādissa, paṭiññā itarassa.

Puna “maṁsacakkhu dibbacakkhu, dibbacakkhu maṁsacakkhū”ti puṭṭho taṁmattameva taṁ na hotīti paṭikkhipati. **Yādisanti**-ādipucchāsupi ubhinnaṁ ekasabhāvābhāveneva paṭikkhipati.

Visayoti-ādīsu ubhinnaṁpi rūpāyatanameva visayo, maṁsacakkhu pana āpāthagatameva¹ passati, itaraṁ anāpāthagataṁ² tiropabbatādigatampi. Dibbacakkhussa ca atisukhumampi rūpaṁ gocaro, na tādisaṁ itarassāti evametesam ānubhāvagocarā asadisā.

Upādiṇṇaṁ hutvā anupādiṇṇaṁ hotīti puṭṭho yasmā maṁsacakkhu upādiṇṇaṁ, dibbacakkhu anupādiṇṇaṁ, na ca maṁsacakkhumeva dibbacakkhūti icchati, tasmā paṭikkhipati. Dutiyam puṭṭho yasmā “maṁsacakkhussa uppādo, maggo dibbassa cakkhuno”ti vacanaṁ nissāya maṁsacakkhupaccayā dibbacakkhu uppajjati, tañca rūpāvacarikaṇaṁ catunnaṁ mahābhūtānaṁ pasādoti icchati, tasmā paṭijānāti. **Kāmāvacaraṁ hutvāti** puṭṭhopi yasmā na maṁsacakkhumeva dibbacakkhūti icchati, tasmā paṭikkhipati. Dutiyam puṭṭho rūpāvacarajjhānapaccayena uppannattā rūpāvacaraṁ nāma jātanti paṭijānāti.

Rūpāvacaraṁ hutvā arūpāvacaranti puṭṭhopi tato paraṁ bhāvanāya arūpāvacarakkhaṇe rūpāvacaracittassa abhāvā paṭikkhipati, dutiyam puṭṭho

1. Āpātagatameva (Sī)

2. Anāpātagataṁ (Sī)

arūpāvacarikānaṃ catunnaṃ mahābhūtānaṃ pasādo hutvā uppajjatīti laddhiyā paṭijānāti. Apariyāpanabhāvaṃ panassa na icchati, tasmā paṭikkhipatiyeva.

374. **Dibbacakkhuṃ dhammupatthaddhanti** kāmāvacaradhammena upatthambhitaṃ hutvā. Puna **dhammupatthaddhanti** lokuttaradhammena upatthaddhaṃ. **Dveva cakkhūnīti** puṭṭho kiñcāpi dibbacakkhuno dhammupatthaddhassa paññācakkhubhāvaṃ na icchati, paññācakkhussa pana atthitāya paṭikkhipati. Puna puṭṭho maṃsacakkhu dhammupatthaddhaṃ dibbacakkhu hotīti laddhivasena paṭijānāti. Sesamettha uttānatthamevāti.

Dibbacakkhukathāvaṇṇanā.

8. Dibbasotakathāvaṇṇanā

375. Idāni dibbasotakathā nāma hoti. Tattha **ekamīyeva sotanti** puṭṭho dvinnāṃ atthitāya paṭikkhipati. Puna puṭṭho yasmā tadeva dhammupatthaddhaṃ dibbasotaṃ nāma hoti, tasmā paṭijānāti. Sesāṃ hetthā vuttanayamevāti.

Dibbasotakathāvaṇṇanā.

9. Yathākammūpagatañāṇakathāvaṇṇanā

377. Idāni yathākammūpagatañāṇakathā nāma hoti. Tattha yesāṃ “iti dibbena cakkhunā visuddhena -pa- yathākammūpage satte pajānāti”¹ti¹ suttāṃ ayoniso gahetvā yathākammūpagañāṇameva dibbacakkhūnti laddhi, te sandhāya pucchā sakavādissa, paṭiññā itarassa. Puna **yathākammūpagatañca manasi karotīti** puṭṭho ekacittassa ārammaṇadvayābhāvā paṭikkhipati. Dutiyāṃ puṭṭho nānācittavasena paṭijānāti. Puna lesokāsaṃ adatvā **dvinnāṃ phassānanti** puṭṭho paṭikkhipati. Iti yathā iminā yathākammūpagatapadena, evameva **ime vata bhonto sattāti-**ādipadehipi saddhiṃ yojanāsu attho veditabbo.

1. Dī 1. 78; Khu 9. 110 piṭṭhādīsu.

378. **Āyasmā Sāriputto yathākammūpagataṃ nāṇaṃ jānāti**ti idaṃ sakavādī yasmā thero appicchatāya abhiññāñāṇāni na vaḷañjetīti ekacce na jānanti, tāni panassa neva atthīti maññanti, tasmā taṃ “dibbacakkhuno alābhī thero”ti maññamānaṃ pucchati. Teneva kāraṇena “atthāyasmato Sāriputtassa dibbacakkhū”ti parato puṭṭho paṭikkhipati. Dutiyaṃ puṭṭho yaṃkiñci sāvakena pattabbaṃ, sabbaṃ taṃ therena anuppattanti paṭijānāti. Idānissa vikkhepaṃ karonto sakavādī **nanu āyasmā Sāriputtoti**-ādimāha. Imañhi gāthaṃ thero vaḷañjanapaṇidhiyā eva abhāvena āha, na abhiññāñāṇassa abhāvena. Paravādī pana abhāvenevāti atthaṃ sallakkheti. Tasmā tassa laddhiyā therassa yathākammūpagatañāṇameva atthi, no dibbacakkhu. Tena vuttaṃ “tena hi na vattabbaṃ yathākammūpagatañāṇaṃ dibbacakkhū”ti.

Yathākammūpagatañāṇakathāvaṇṇanā.

10. Saṃvarakathāvaṇṇanā

379. Idāni saṃvarakathā nāma hoti. Tattha yesaṃ Tāvatiṃse deve upādāya tatuttari devesu yasmā te pañca verāni na samācaranti, tasmā saṃvaro atthīti laddhi, te sandhāya pucchā sakavādissa, verasamudācāraṃ apassato paṭiññā itarassa. Tato yasmā saṃvaro nāma saṃvaritabbe asaṃvare sati hoti, tasmā asaṃvarapucchā sakavādissa, devesu pāṇātipātādīnaṃ abhāvena paṭikkhepo itarassa.

Atthi manussesūti-ādi saṃvare sati asaṃvarassa asaṃvare ca sati saṃvarassa pavattidassanattaṃ vuttaṃ.

380. **Pāṇātipātā veramaṇīti**-ādipañhesu pāṇātipātādīnaṃ asamācaraṇavasena paṭiññā, pāṇātipātādīnaṃ natthitāya paṭikkhepo vedītabbo. Paṭilomapañhā uttānatthāyeva.

Avasāne **natthi devesu saṃvarotipañhe** pāṇātipātādīni katvā puna tato saṃvarābhāvaṃ sandhāya paṭiññā sakavādissa. Tato

chalavasena yadi saṁvaro natthi, sabbe devā pāṇātipātinoti-ādipucchā paravādissa. Devānaṁ verasamudācārassa abhāvena paṭikkhepo sakavādissa. **Nahevanti** vacanamattam gahetvā laddhipatiṭṭhāpanam paravādissa. Evaṁ patiṭṭhitā pana laddhi appatiṭṭhitāva hotīti.

Samvarakathāvaṇṇanā.

11. Asaññakathāvaṇṇanā

381. Idāni asaññakathā nāma hoti. Tattha yesam “saṅkhārapaccayā viññāṇan”ti vacanato vinā viññāṇena paṭisandhi nāma natthi. “Saññuppādā ca pana te devā tamhā kāyā cavantī”ti¹ vacanato Asaññasattānampi cutipaṭisandhikkhaṇe saññā atthīti laddhi seyyathāpi etarahi Andhakānam, te sandhāya pucchā sakavādissa, paṭiññā itarassa. Tato nam sakavādī “kim te tam ṭhānam saññābhavo”ti-ādīhi codetum **saññābhavo saññāgatī**-ādimāha. Tam sabbam tato parañca Pāḷinayeneva veditabbanti.

Asaññakathāvaṇṇanā.

12. Nevasaññānāsaññāyatanakathāvaṇṇanā

384. Idāni Nevasaññānāsaññāyatanakathā nāma hoti. Tattha yesam “nevasaññānāsaññāyatanan”ti vacanato na vattabbam “tasmim bhava saññā atthī”ti laddhi seyyathāpi etarahi Andhakānam, te sandhāya pucchā sakavādissa, paṭiññā itarassa. Sesamettha sabbam Pāḷinayeneva veditabbanti.

Nevasaññānāsaññāyatanakathāvaṇṇanā.

Tatiyo vaggo.

1. Pavattantīti (Syā)

4. Catutthavagga

1. Gihissa arahātikathāvaṇṇanā

387. Idāni gihissa arahāti kathā nāma hoti. Tattha yesaṃ Yasakulaputtādīnaṃ gihibyañjane ṭhitānaṃ arahattappattiṃ disvā “gihi assa arahā”ti laddhi seyyathāpi etarahi Uttarāpathakānaṃ, te sandhāya pucchā sakavādissa. Tattha **gihissā**ti yo gihisaṃyojanasampayuttatāya gihi, so araham assāti attho. Paravādī pana adhippāyaṃ asallakkhetvā gihibyañjanamattameva passanto paṭijānāti. Idānissa “gihi nāma gihisaṃyojanena hoti, na byañjanamattena. Yathāha Bhagavā—

‘Alaṅkato cepi samaṃ careyya,
Santo danto niyato brahmacārī.
Sabbesu bhūtesu nidhāya daṇḍaṃ,
So brāhmaṇo so samaṇo sa bhikkhū’ti”¹

Imaṃ nayam dassetuṃ **atthi arahatoti**-ādi āradham. Taṃ sabbam uttānatthamevāti.

Gihissa arahātikathāvaṇṇanā.

2. Upapattikathāvaṇṇanā

388. Idāni upapattikathā nāma hoti. Tattha yesaṃ “opapātiko hoti tatthapariniḅbāyī”tivacanāni² ayoniso gahetvā suddhāvāsesu upapattiyā³ arahāti laddhi, “yesaṃ vā⁴ upahaccapariniḅbāyī”ti padaṃ parivattitvā “upapajjapariniḅbāyī”ti pariyāpuṇantānaṃ saha upapattiyā arahā hotīti laddhi seyyathāpi etarahi Uttarāpathakānaṃ, te sandhāya pucchā sakavādissa, paṭiññā itarassa, tattha yasmā upapatticittaṃ nāma lokiyam, tena sotāpannādayopi na honti, pageva arahā,

1. Khu 1. 34 piṭṭhe Dhammapade.

3. Upapanno saha upapattiyā (Syā)

2. Abhi 3. 119 piṭṭhe.

4. Yesam (Sī, Ka)

tasmāssa imaññāṃ nayaṃ dassetuṃ **saha upapattiyā sotāpannoti**-ādi āradham.

389. **Sāriputtoti**-ādi imesu mahātheresu ko ekopi saha upapattiyā arahā nāmāti codanatthaṃ vuttaṃ.

390. **Upapattesiyaenāti** paṭisandhicittena. Tañhi upapattiṃ esati gavesati, tasmā upapattesiyaenāti vuccati. Sesamettha uttānatthamevāti.

Upapattikathāvaṇṇanā.

3. Anāsavakathāvaṇṇanā

391. Idāni anāsavakathā nāma hoti. Tattha ye dhammā anāsavassa arahato, sabbe te anāsavāti yesaṃ laddhi seyyathāpi etarahi Uttarāpathakānaṃ, te sandhāya **arahatoti** pucchā sakavādissa, paṭiññā itarassa. Atha naṃ anāsavā nāma maggādayo, kiṃ tassa teyeva uppajantīti codanatthaṃ **maggo phalanti**-ādi āradham. **Cakkhu anāsavanti** puṭṭho tassa sāsavattā paṭikkhipati. Dutiyāṃ puṭṭho anāsavassetanti paṭijānāti.

392. Cīvarapañhe ekova dhammo anāsavo sāsavo ca hotīti lakkhaṇavirodhabhayā¹ paṭikkhipati. Dutiyāṃ puṭṭho anāsavassa hutvā sāsavassa hotīti paṭijānāti. **Taññeva anāsavanti** pañhādvayepi eseva nayo. Sakavādī pana **taññevāti** anuññātattā “maggo anāsavo hutvā”ti-ādīhi codeti. Iminā upāyena sabbattha attho veditabboti.

Anāsavakathāvaṇṇanā.

1. Tassa lakkhaṇavirodhabhayā (Syā)

4. Samannāgatakathāvaṇṇanā

393. Idāni samannāgatakathā nāma hoti. Tattha dve samannāgamā paccuppannakkhaṇe samaṅgībhāvasamannāgamo ca rūpāvacarādīsu aññatarabhūmippattito paṭilābhasamannāgamo ca. So yāva adhigatavisesā na parihāyati, tāvadeva labbhati. Yesaṃ pana ṭhapetvā ime dve samannāgame añño upapattidhamavasena eko samannāgamo nāma hotīti laddhi seyyathāpi etarahi Uttarāpathakānaṃ, tesāṃ pattidhammo nāma koci natthīti anubodhanatthaṃ **arahā catūhi phalehi samannāgatoti** pucchā sakavādissa, pattim sandhāya paṭiññā itarassa. Athassa “yadi te arahā catūhi khandhehi viya catūhi phalehi samannāgato, evaṃ sante ye catūsu phalesu cattāro phassādayo, tehi te arahato samannāgatataṃ pāpuṇāti”ti codanatthaṃ **arahā catūhi phassehīti**-ādi āradhmaṃ. Taṃ sabbaṃ paravādinā ekakkhaṇe catunnaṃ phassādīnaṃ abhāvā paṭikkhittaṃ. Anāgāmipaṇhādīsupi¹ eseva nayo.

395. **Sotāpatti phalaṃ vītivattoti** na paṭhamajjhānaṃ viya dutiyajjhānalābhī, puna anuppattiyā pana vītivattoti pucchati. **Sotāpattimagganti**-ādi yaṃ vītivatto, tenassa puna asamannāgamaṃ dassetuṃ āradhmaṃ.

396. **Tehi ca aparihīnoti** pañhe yasmā yathā paccanīkasamudācārena lokiyajjhānadhammā parihāyanti, na evaṃ lokuttarā. Maggena hi ye kilesā pahiyanti phalena ca paṭippassambhanti, te tathā pahīnāva tathā paṭippassaddhāyeva ca honti, tasmā sakavādinā āmantāti paṭiññātaṃ. Svāyamattho parato “arahatā cattāro maggā paṭiladdhā”ti-ādīsu pakāsito ye va. Sesāṃ uttānatthamevāti.

Samannāgatakathāvaṇṇanā.

1. Anāgāmipaṇhesupi (Syā)

5. Upekkhāsamannāgatakathāvaṇṇanā

397. **Arahā chahi upekkhāhī**ti kathāyapi imināva nayena attho veditabbo. Arahā hi chasu dvāresu upekkhānam uppattibhabbatāya tāhi samannāgatoti vuccati, na ekakkhaṇe sabbāsam uppattibhāvenāti.

Upekkhāsamannāgatakathāvaṇṇanā.

6. Bodhiyābuddhotikathāvaṇṇanā

398. Idāni **bodhiyā Buddhotikathā** nāma hoti. Tattha **bodhī**ti catumaggañāṇassāpi sabbaññutaññāṇassāpi adhivacanam. Tasmā yesam yathā odātena vaṇṇena odāto, sāmena vaṇṇena sāmo, evam bodhiyā Buddhoti laddhi seyyathāpi etarahi Uttarāpathakānamyeva, te sandhāya puccā ca anuyogo ca sakavādissa, paṭiññā ca paṭikkhepo ca itarassa.

Atītāyāti pañhe tasmim khaṇe abhāvato paṭikkhipati. Dutiyam puṭṭho paṭilābham sandhāya paṭijānāti. Puna kiccavasena puṭṭho kiccābhāvato paṭikkhipati. Dutiyam puṭṭho yam tena tāya karaṇīyam kataṃ, tattha sammohābhāvam paṭijānāti. Lesokāsam pana adatvā **dukkham parijānāti**-ādinā nayena puṭṭho tassa kiccassa abhāvā paṭikkhipati.

Anāgatapañhe tasmim khaṇe maggañāṇassa abhāvā paṭikkhipati. Dutiyam puṭṭho “agamā Rājagaham Buddho”ti¹ anāgatāya bodhiyā Buddhabhāvam² maññamāno paṭijānāti. **Bodhikaraṇīyam karotīti** puṭṭho tasmim khaṇe kiccābhāvena paṭikkhipati. Dutiyam puṭṭho yadi na kareyya, Buddhoti na vucceyya. Yasmā avassam karissati, tasmā karotiyeva nāmāti paṭijānāti. Puna lesokāsam adatvā puṭṭho paṭikkhipati. Paccuppannapaṇho saddhim saṃsandanāya uttānatthova.

399. Tisso bodhiyo ekato katvā puṭṭho sabbaññutaññāṇam sandhāya tīhipi Buddhoti vattabbabhāvato paṭijānāti. Puna tīhīti puṭṭho

1. Khu 1. 340 piṭṭhe Suttanipāte.

2. Bodhibhāvam (Ka)

sabbāsaṃ ekakkhaṇe abhāvā paṭikkhipati. Dutiyāṃ puṭṭho atītānāgatapaccuppannessa sabbaññutaññāṇassa vasena paṭijānāti. Puna lesokāsaṃ adatvā **satataṃ samitanti** puṭṭho paṭikkhipati.

Na vattabbaṃ bodhiyāti pucchā paravādissa, bodhiyā abhāvakkhaṇe abuddhabhāvāpattito paṭiññā sakavādissa. **Nanu bodhipaṭilābhāti** pañhe pana yasmim santāne bodhisankhātāṃ maggañāṇaṃ uppannaṃ, tattha Buddhoti sammutisabbhāvato paṭiññā tasseva. Tassa adhippāyaṃ ajānitvā **hañcīti** laddhiṭṭhapanā paravādissa. Idānissa asallakkhaṇaṃ pākaṭaṃ kātum **bodhipaṭilābhā Buddhoti bodhiyā Buddhoti** pucchā sakavādissa. Tassattho “kiṃ te yasmā bodhipaṭilābhā Buddho, tasmā bodhiyā Buddho”ti. Itaro “bodhipaṭilābho nāma bodhiyā uppajjitvā niruddhāyapi santāne uppannabhāvoyeva, bodhi nāma maggakkhaṇe ñāṇaṃ”ti imaṃ vibhāgaṃ asallakkhentova puna paṭijānāti. Tato sakavādinā **bodhipaṭilābhā bodhīti** puṭṭho vacanokāsaṃ alabhanto paṭikkhipatīti.

Bodhiyābuddhotikathāvaṇṇanā.

Iti imā tissopi kathā Uttarāpathakānaṃyeva.

7. Lakkhaṇakathāvaṇṇanā

400. Idāni lakkhaṇakathā nāma hoti. Tattha “yehi samannāgatassa mahāpurisassa dveva gatiyo bhavanti”ti¹ imaṃ suttam ayoniso gahetvā lakkhaṇasamannāgato bodhisattova hotīti yesaṃ laddhi seyyathāpi etarahi Uttarāpathakānaṃ, te sandhāya pucchā sakavādissa, paṭiññā itarassa.

Cakkavattisattoti pañhesu yasmā cakkavattī sattopi ca bodhisattopi, tasmā abodhisattaṃ sandhāya paṭikkhipati. Bodhisattaṃ sandhāya paṭijānāti.

1. Dī 1. 83 piṭṭhe.

402. **Dvattimsimānī**isuttam bodhisattameva sandhāya vuttam. So hi pacchime bhavae Buddho hoti, itaresu cakkavattī, tasmā ābhatampi anābhatasadisamevāti.

Lakkhaṇakathāvaṇṇanā.

8. Niyāmokkantikathāvaṇṇanā

403. Idāni niyāmokkantikathā nāma hoti. Tattha yesam Ghaṭṭikārasutte Jotipālassa pabbajjam sandhāya “bodhisatto Kassapabhagavato pāvacane okkantaniyāmo caritabrahmacariyo”ti laddhi seyyathāpi etarahi Andhakānam, te sandhāya **bodhisattoti** pucchā sakavādissa, laddhiyam ṭhatvā paṭiññā itarassa. Tato yasmā niyāmoti vā brahmacariyanti vā ariyamaggassa nāmam, bodhisattānañca ṭhapetvā pāramīpūraṇam aññā niyāmokkanti nāma natthi. Yadi bhaveyya, bodhisatto sotāpanno sāvako bhaveyya, na cetamevam. Kevalañhi nam Buddhā attano ñāṇabale ṭhatvā “ayam Buddho bhavissati”ti byākaronti, tasmā puna **bodhisattoti** anuyogo sakavādissa. Pacchimabhavam sandhāya paṭikkhepo itarassa. Dutiyapañhe Jotipālakālam sandhāya paṭiññā tasseva. **Sāvako hutvāti**-ādīsupi eseva nayo. **Anussaviyoti** anussavena paṭividdhadhammo. Pacchimabhavam sandhāya paṭikkhipivā Jotipālakāle anussavam sandhāya paṭijānāti.

404. **Aññam satthāranti** Āḷārañca Rāmaputtañca sandhāya vuttam. **Āyasmā Ānandoti**-ādi “okkantaniyāmāva sāvakā honti, na itare okkantaniyāmā evarūpā honti”ti dassetum vuttam.

Sāvako jātim vītivattoti yāya jātiyā sāvako, tam vītivatto aññasmim bhavae asāvako hotīti pucchati, itaro sotāpannādīnam sotāpannādisāvakabhāvato paṭikkhipati. Sesamettha uttānatthamevāti.

Niyāmokkantikathāvaṇṇanā.

9. Aparāpi samannāgatakathāvaṇṇanā

406. Idāni aparāpi samannāgatakathā nāma hoti. Tattha yesaṃ “catutthamaggatṭho puggalo pattidhamavasena tīhi phalehi samannāgato”tiladdhi seyyathāpi etarahi Andhakānaṃ, te sandhāya pucchā sakavādissa, paṭiññā itarassa. Sesamettha heṭṭhā catūhi phalehi samannāgatakathāyaṃ vuttanayeneva veditabbanti.

Aparāpi samannāgatakathāvaṇṇanā.

10. Sabbasaṃyojanappahānakathāvaṇṇanā

413. Idāni saṃyojanappahānakathā nāma hoti. Tattha yesaṃ “nippariyāyeneva sabbasaṃyojanappahānaṃ arahattan”ti laddhi seyyathāpi etarahi Andhakānaṃ, te sandhāya pucchā sakavādissa, paṭiññā itarassa. Puna **sabbe saṃyojanāti** puṭṭho heṭṭhā vuttamaggattayena pahīne sandhāya paṭikkhipati. Dutiyaṃ puṭṭho tena maggena appahīnassa abhāvā paṭijānāti. **Sakkāyaditṭhi**-ādīsupi paṭhamamaggena pahīnabhāvaṃ sandhāya paṭikkhipati, catutthamaggena anavasesappahānaṃ sandhāya paṭijānāti. Eseva nayo sabbatthāti.

Sabbasaṃyojanappahānakathāvaṇṇanā.

Catutthovaggo.

5. Pañcamavagga

1. Vimuttikathāvaṇṇanā

418. Idāni vimuttikathā nāma hoti. Tattha vipassanā, maggo, phalaṃ, paccavekkhaṇanti catunnaṃ ñāṇānaṃ vimuttiñāṇanti nāmaṃ. Tesu vipassanāñāṇaṃ niccanimittādīhi¹ vimuttattā, tadaṅgavimuttibhāvena vā vimuttattā vimuttiñāṇaṃ.

1. Niccanimittārammaṇādīhi vā (Syā)

Maggo samucchedavimutti, phalaṃ paṭippassaddhivimutti, paccavekkhaṇañāṇaṃ pana vimuttiṃ jānātīti **vimuttiñāṇaṃ**. Evaṃ catubbidhe vimuttiñāṇe nippariyāyena phalañāṇameva vimutti, sesāni “vimuttāni”ti vā “avimuttāni”ti vā na vattabbāni. Tasmā “idaṃ nāma vimuttiñāṇaṃ vimuttan”ti avatvā aviseseneva “vimuttiñāṇaṃ vimuttan”ti yesaṃ laddhi seyyathāpi Andhakānaṃ, te sandhāya pucchā sakavādissa, paṭiññā paravādissa. Puna **yaṃkiñcīti** puṭṭho paccavekkhaṇādīni sandhāya paṭikkhipati. **Paṭipannassāti** puṭṭho maggañāṇassa anāsavataṃ sandhāya paṭijānāti. Yasmā pana taṃ sotāpannassa phale ṭhitassa ñāṇaṃ na hoti, tasmā vimuttaṃ nāma na hotīti codanattaṃ puna sakavādī **sotāpannassāti**-ādimāha. Iminā upāyena sabbattha attho vedītabbo.

Vimuttikathāvaṇṇanā.

2. Asekhañāṇakathāvaṇṇanā

421. Idāni asekhakathā nāma hoti. Tattha yasmā Ānandattherādayo sekhā “uḷāro Bhagavā”ti-ādinā nayena asekhā jānanti, tasmā “sekhassa asekhāñāṇaṃ atthī”ti yesaṃ laddhi seyyathāpi Uttarāpathakānaṃ, te sandhāya pucchā sakavādissa, paṭiññā itarassa. **Jānāti passatīti** idaṃ attanā adhigatassa jānanaśāyena vuttaṃ. **Gotrabhunoti**-ādi heṭṭhimāya bhūmiyaṃ ṭhitassa uparūpariñāṇassa abhāvadassanattaṃ vuttaṃ. **Nanu āyasmā Ānando sekho “uḷāro Bhagavā”ti jānātīti** paravādī asekhā Bhagavati¹ pavattatā taṃ asekhāñāṇanti icchati, na panetaṃ asekhā, tasmā evaṃ paṭiṭṭhāpitāpi laddhi appaṭiṭṭhāpitāva hotīti.

Asekhañāṇakathāvaṇṇanā.

3. Viparītakathāvaṇṇanā

424. Idāni viparītakathā nāma hoti. Tattha “yvāyaṃ pathavīkaṣiṇe pathavīsaññī samāpajjati, tassa taṃ ñāṇaṃ viparītañāṇaṃ”ti yesaṃ laddhi

1. Asekkho Bhagavāti (Syā)

seyyathāpi Andhakānaṃ, te sandhāya pucchā sakavādissa, paṭiññā itarassa, pathaviṃ nissāya uppannamittaṃhi na pathavīyeva, tatra cāyaṃ pathavīsaññī. Tasmā viparītañāṇanti ayametassa adhippāyo. Tato sakavādī “lakkhaṇapathavīpi sasambhārapathavīpi nimittapathavīpi pathavīdevatāpi sabbā pathavīyeva, tāsu pathavīti ñāṇaṃ viparītaṃ na hoti. Anicce niccanti-ādivīpariyeso pana viparītañāṇaṃ nāma, kiṃ te idaṃ etesu aññataran”ti codetuṃ **anicce niccanti-ādimāha**. Itaro vipallāsalakkaṇābhāvaṃ sandhāya paṭikkhipati, pathavīnimittaṃ sandhāya paṭijānāti.

Kusalanti sekkhaputhujjanānaṃ ñāṇaṃ sandhāya vuttaṃ. **Atthi arahatoti** pañhesupi vipallāsalakkaṇābhāvena paṭikkhipati, pathavīnimittaṃ sandhāya paṭijānāti. **Sabbeva pathavīti** sabbaṃ taṃ pathavīkasiṇaṃ lakkhaṇapathavīyeva hotīti pucchati. Sakavādī tathā abhāvato paṭikkhipati. **Nanu pathavī atthi, atthi ca koci pathaviṃ pathavito samāpajjatīti** pucchā sakavādissa. Tassattho—nanu nimittapathavī atthi, atthi ca koci taṃ pathaviṃ pathavitoyeva samāpajjati, na āpato vā tejato vāti. **Pathavī atthīti-**ādi “yadi yaṃ yathā atthi, taṃ tathā samāpajjantassa ñāṇaṃ viparītaṃ hoti, nibbānaṃ atthi, tampi samāpajjantassa sabbavipariyesasamuggātanaṃ maggañāṇampi te viparītaṃ hotū”ti dassanatthaṃ vuttanti.

Viparītakathāvaṇṇanā.

4. Niyāmakathāvaṇṇanā

428-431. Idāni niyāmakathā nāma hoti. Tattha yo puggalo sammattaniyāmaṃ okkamissati, taṃ “bhabbo esa dhammaṃ abhisametun”ti yasmā Bhagavā jānāti, tasmā “aniyatassa puthujjanasseva sato puggalassa niyāmagamanāya ñāṇaṃ atthī”ti yesaṃ laddhi seyyathāpi etarahi Uttarāpathakānaṃ, te sandhāya **aniyatassāti** pucchā sakavādissa. Tattha **niyāmagamanāyāti** niyāmo vuccati maggo, maggagamanāya maggokkamanāyāti attho. Yaṃ panassa ñāṇaṃ disvā Bhagavā “bhabbo ayan”ti jānāti, taṃ sandhāya paṭiññā paravādissa.

Athassa sakavādi ayuttavāditaṃ dīpetuṃ **niyatassāti** viparītānuyogamāha. Tattha paṭhamapañhe maggena niyatassa aniyāmagamanāya ñāṇaṃ nāma natthīti paṭikkhipati, dutiye natthibhāvena paṭijānāti, tatiye aniyatassa natthīti puṭṭhattā laddhivirodhena paṭikkhipati. Puna paṭhamapañhameva catutthaṃ katvā niyatassa niyāmagamanādivasena tayo pañhā katā. Tesu paṭhame yasmā ādimaggena niyatassa puna tadatthāya ñāṇaṃ natthi, tasmā paṭikkhipati. Dutīye natthibhāveneva paṭijānāti. Tatiye laddhivirodheneva paṭikkhipati. Puna paṭhamapañhaṃ aṭṭhamaṃ katvā aniyatassa aniyāmagamanādivasena tayo pañhā katā, tesam attho vuttanayeneva veditabbo. Puna paṭhamapañhameva dvādasamaṃ katvā taṃmūlakā **atthi niyāmoti**-ādayo pañhā katā. Tattha yasmā niyāmagamanāya ñāṇaṃ nāma maggañāṇameva hoti, tasmā taṃ sandhāya **atthi niyāmoti** vuttaṃ. Itaro pana niyāmoti vutte paṭikkhipati, ñāṇanti vutte paṭijānāti. **Satipaṭṭhānā**disupi eseva nayo. Paccanīkaṃ uttānatthameva. **Gotrabhunoti**-ādi yena yaṃ appattaṃ, tassa taṃ natthīti dassanattaṃ vuttaṃ. **Bhagavā jānāti**ti attano ñāṇabalena jānāti, na tassa niyāmagamanañāṇasabbhāvato. Tasmā iminā kāraṇena paṭiṭṭhitāpissa laddhi appaṭiṭṭhitāyevāti.

Niyāmakathāvaṇṇanā.

5. Paṭisambhidākathāvaṇṇanā

432-433. Idāni paṭisambhidākathā nāma hoti. Tattha yesaṃ “yaṃkiñci ariyānaṃ ñāṇaṃ, sabbaṃ lokuttaramevā”ti gahetvā “sabbaṃ ñāṇaṃ paṭisambhidā”ti laddhi seyyathāpi Andhakānaṃ, te sandhāya pucchā sakavādissa, paṭiññā itarassa. **Sammutiñāṇapañhesu** pathavīkaṣiṇasammutiyaṃ samāpattiñāṇaṃ sandhāya paṭikkhipati, niruttiñāṇaṃ sandhāya paṭijānāti. **Ye keci sammutintipañhe** puthujjane sandhāya paṭikkhipati. Cetopariyāyapañhesu puthujjanassa ñāṇaṃ sandhāya paṭikkhipati, ariyassa ñāṇaṃ sandhāya paṭijānāti. **Sabbā paññā**tipañhesu kaṣiṇasamāpattipañhaṃ sandhāya paṭikkhipati, lokuttaraṃ sandhāya paṭijānāti. **Pathavīkaṣiṇasamāpattinti**-ādi “yā etesu ettakesu ṭhānesu paññā, kiṃ sabbā sā paṭisambhidā”ti pucchanattaṃ vuttaṃ.

Tena hi sabbaṃ ñāṇanti yasmā sabbā lokuttarapaññā paṭisambhidā, tasmā sabbanti vacanaṃ sāmaññaphalena¹ saddhiṃ paṭiṭṭhāpetīti.

Paṭisambhidākathāvaṇṇanā.

6. Sammutiñāṇakathāvaṇṇanā

434-435. Idāni sammutiñāṇakathā nāma hoti. Tattha sammutisaccaṃ paramatthasaccanti dve saccāni. Ye pana evaṃ vibhāgaṃ akatvā saccanti vacanasāmaññena sammutiñāṇampi “saccārammaṇamevā”ti vadanti seyyathāpi andhakā², te ayuttavādinoti tesaṃ vādavisodhanatthaṃ ayaṃ kathā āraddhā. Tattha **na vattabbanti** pucchā paravādissa, paramatthasaccaṃ sandhāya paṭiññā sakavādissa. **Sammutisaccambhīti** sammutiṃ anupaviṭṭhe saccamhi. Paccatte vā bhummavacanaṃ, sammutisaccanti attho. **Sammutiñāṇaṃ saccārammaṇaññevāti** pucchā sakavādissa, paṭiññā itarassa. Tato naṃ “yadi taṃ avisesena saccārammaṇaññeva, tena ñāṇena dukkhapariññādīni kareyyā”ti codetuṃ **tena ñāṇenāti**-ādimāha.

Sammutiñāṇakathāvaṇṇanā.

7. Cittārammaṇakathāvaṇṇanā

436-438. Idāni cittārammaṇakathā nāma hoti. Tattha cetopariyāye ñāṇanti vacanamattameva gahetvā “taṃ ñāṇaṃ cittārammaṇamevā”ti yesaṃ laddhi seyyathāpi etarahi Andhakānaṃ, te sandhāya pucchā sakavādissa, paṭiññā itarassa. Athassa “yo sarāgādivasena cittaṃ jānāti, tassa rāgādayopi ārammaṇā honti, tasmā na vattabbaṃ taṃ cittārammaṇaññevā”ti codanatthaṃ **nanu atthi kocīti**-ādi āraddhaṃ. **Phassārammaṇeti** phassasaṅkhāte ārammaṇe. **Vedanārammaṇeti**-ādīsupi eseva nayo. Puna **phassārammaṇe ñāṇaṃ na vattabbanti** puṭṭho phassassa

1. Vacanasāmaññato chalena (Ka)

2. Andhakānaṃ (Sī, Syā, Ka)

phusanalakkhaṇaṃ manasikaroto phassovārammaṇaṃ¹ hotīti paṭijānāti. **Kim panetaṃ phassapariyāye ñāṇanti** puṭṭho pana tādissa suttapadassa abhāvā paṭikkhipati. Vedanādīsupi eseva nayo. Idāni yaṃ nissāya laddhi, tadeva dassetvā laddhiṃ paṭiṭṭhāpetuṃ **nanu cetopariyāye ñāṇanti**-ādimāha. Sā panesā vacanamattābhinivasena paṭiṭṭhāpitāpi appaṭiṭṭhāpitāva hotīti.

Cittārammaṇakathāvaṇṇanā.

8. Anāgatañāṇakathāvaṇṇanā

439-440. Idāni anāgatañāṇakathā nāma hoti. Tattha anāgataṃ nāma antarampi atthi, anantarampi. Tesu anantare ekanteneva ñāṇaṃ natthi. Yathā ca anantare, tathā ekavīthi-ekajavanapariyāpannepi. Tattha ye sabbasmimpi anāgate ñāṇaṃ icchanti seyyathāpi andhakā², te sandhāya pucchā sakavādissa, paṭiññā itarassa. Atha naṃ “yaṃ te anāgate ñāṇaṃ, kim tena anantaram anāgataṃ mūlādivasena jānāti”ti codetuṃ **anāgataṃ mūlatoti**-ādimāha. Tattha **mūlatoti**-ādīni sabbāni kāraṇavevacanāneva. Kāraṇaṃhi yaṃ attano phalaṃ karoti, taṃ tattha mūlayati paṭiṭṭhātīti **mūlaṃ**. Tato ca taṃ hinoti pavattayatīti **hetu**. Tadeva taṃ nideti “handa naṃ gaṇhathā”ti niyyātetī viyāti **nidānaṃ**. Tato taṃ sambhavatīti **sambhavo**. Pabhavatīti **pabhavo**. Tattha ca taṃ samuṭṭhātīti, taṃ vā naṃ samuṭṭhāpetīti **samuṭṭhānaṃ**. Tadeva naṃ āharatīti **āhāro**. Tañcassa apariccajitabbaṭṭhena **ārammaṇaṃ**. Tadeva cetaṃ paṭicca etīti **paccayo**. Tato naṃ samudetīti **samudayoti** vuccati. Yasmā pana anantaram cittaṃ etehākārehi na sakkā jānituṃ, tasmā **na hevanti** paṭikkhipati. **Anāgataṃ hetupaccayatanti** yā anantarānāgate³ citte hetupaccayatā, taṃ jānāti. Ye tattha dhammā hetupaccayā honti, te jānātīti attho. Sesapadesupi eseva nayo. **Gotrabhunoti**-ādi yasmim anāgate ñāṇaṃ na uppajjati, taṃ sarūpato dassetuṃ vuttaṃ.

1. Phassārammaṇaṃ (Syā) 2. Andhakānaṃ (Sī, Syā, Ka) 3. Antarā anāgate (Ka)

Pāṭaliputtassāti suttaṃ yasmim̄ anāgate ñāṇaṃ uppajjati, taṃ dassetuṃ āhaṭaṃ. Yasmā panetaṃ na sabbasmim̄ anāgate ñāṇassa sādhaṃ, tasmā anāhaṭamevāti.

Anāgatañāṇakathāvaṇṇanā.

9. Paṭuppannañāṇakathāvaṇṇanā

441-442. Idāni paṭuppannañāṇakathā¹ nāma hoti. Tattha yesaṃ “sabbasaṅkhāresu aniccato diṭṭhesu tampi ñāṇaṃ aniccato diṭṭhaṃ hoti”ti vacanaṃ nissāya “avisesena sabbasmim̄ paccuppanne ñāṇaṃ atthi”ti laddhi seyyathāpi Andhakānaṃ, te sandhāya **paṭuppanneti**² pucchā sakavādissa, paṭiññā itarassa. Atha naṃ “yadi avisesena paṭuppanne ñāṇaṃ atthi, khaṇapaccuppannepi tena bhavitabbaṃ. Evaṃ sante dvinnaṃ ñāṇānaṃ ekato abhāvā teneva ñāṇena taṃ jānitabbaṃ hoti”ti codanattaṃ **tenā**ti anuyogo sakavādissa. Tattha paṭhamapañhe teneva taṃ jānitum̄ na sakkāti paṭikkhepo itarassa, dutiyapañhe santatiṃ sandhāya paṭiññā tasseva. Paṭipāṭito bhaṅgaṃ passanto³ bhaṅgānupassaneneva bhaṅgānupassanāñāṇaṃ passatīti adhippāyo. **Tena ñāṇena taṃ ñāṇaṃ jānātī**ti-ādīsupi eseva nayo. **Tena phassena taṃ phassanti**-ādīnissa lesokāsanivāraṇattaṃ vuttāni. Yaṃ panetena laddhipaṭiṭṭhāpanattaṃ **nanu sabbasaṅkhāreti**-ādi vuttaṃ, tattha nayato taṃ ñāṇaṃ diṭṭhaṃ hoti, na ārammaṇatoti adhippāyena paṭiññā sakavādissa. Tasmā evaṃ paṭiṭṭhitāpissa laddhi appaṭiṭṭhitāva hoti.

Paṭuppannañāṇakathāvaṇṇanā.

10. Phalañāṇakathāvaṇṇanā

443-444. Idāni phale ñāṇakathā nāma hoti. Tattha “Buddhāpi sattānaṃ ariyaphalappattiyā dhammaṃ desenti sāvakāpi, iti iminā

1. Paccuppannañāṇakathā (Sī, Syā) 2. Paccuppanneti (Sī, Syā) 3. Passantoti (Ka)

sāmaññena Buddhānaṃ viya sāvakaṇampi tena tena sattena sattabbe phale ñāṇaṃ atthī”ti yesaṃ laddhi seyyathāpi Andhakānaṃ, te sandhāya **sāvakassāti** pucchā sakavādissa, paṭiññā itarassa. Atha naṃ “yadi sāvakassa phale ñāṇaṃ atthi, yathā Buddhā samānepi sotāpattiphale attano ñāṇabalena ‘ayaṃ ekabījī, ayaṃ kolamkolo, ayaṃ sattakkhattuparamo’ti phalassakataṃ paññapenti, kiṃ te evaṃ sāvakopi”ti codetuṃ **sāvako phalassa kataṃ paññapetīti** āha, itaro paṭikkhipati.

Atthi sāvakassa phalaparopariyattīti-ādi phale ñāṇassa atthitāya paccayapucchānatthaṃ vuttaṃ. Ayañhettha adhippāyo—Buddhānaṃ “idaṃ phalaṃ paraṃ, idaṃ oparaṃ”ti evaṃ phalānaṃ uccāvaca bhāvajānanasaṅkhātā phale¹ paropariyatti nāma atthi. Tathā indriyapuggalaparopariyattiyo, tāsāṃ atthitāya tassa tassa puggalassa tesāṃ tesāṃ indriyānaṃ vasena taṃ taṃ phalaṃ jānanti, kiṃ te sāvakassāpi etā paropariyattiyo atthīti.

Atthi sāvakassa khandhapaññattīti-ādīnīpi “yadi te sāvakassa Buddhānaṃ viya phale ñāṇaṃ atthi, imā hi pissa paññattīhi bhavitabbaṃ, kimassa tā atthi, sakkoti so etā paññattiyo attano balena jānituṃ vā paññapetuṃ vā”ti codanattāṃ vuttāni. **Sāvako Jinoti**-ādi “yadi sāvakassa Buddhānaṃ viya phale ñāṇaṃ atthi, evaṃ sante sveva Jino”ti codanattāṃ vuttaṃ. **Sāvako anuppanassāti** pañhepi ayameva nayo. **Aññāṇīti** pañhe avijjāsāṅkhātassa aññāṇassa vihatattā paṭikkhitto, na panassa Buddhānaṃ viya phale ñāṇaṃ atthi. Tasmā appaṭiṭṭhitova paravādīvādoti.

Phalaññānakathāvaṇṇanā.

Pañcama vaggo.

Mahāpaṇṇāsako samatto.

1. Phalā (Syā)

6. Chatṭhavagga

1. Niyāmakathāvaṇṇanā

445-447. Idāni niyāmakathā nāma hoti. Tattha **niyāmoti** “bhabbo niyāmaṃ okkamitum kusalesu dhammesu sammattan”¹ vacanato ariyamaggo vuccati. Yasmā pana tasmim uppajjitvā niruddhepi puggalo aniyato nāma na hoti, tasmā “so niyāmo niccaṭṭhena asaṅkhato”² ti yesaṃ laddhi seyyathāpi Andhakānaṃ, te sandhāya pucchā sakavādissa, paṭiññā itarassa. Tato “yadi so asaṅkhato, evarūpena tena bhavitabban”² ti dīpento **nibbānanti**-ādimāha. Saṃsandanapucchā uttānatthāyeva.

Atthi kecīti-ādi niyāmassa saṅkhatabhāvādīpanattham vuttam. **Maggo asaṅkhatotipaṇhe** tassa uppādanirodhabhāvato paṭikkhipatīti. **Niyāmo saṅkhatotipaṇhe** niruddhepi magge niyāmassa atthitam sandhāya paṭikkhipati. **Sotāpattiniyāmoti**-ādīpaṇhesupi anulomato ca paṭilomato ca imināva nayena attho vedītabbo. **Pañca asaṅkhatānīti** puṭṭho pañcannaṃ asaṅkhatānaṃ āgataṭṭhānaṃ apassanto paṭikkhipati. Dutiyaṃ puṭṭho catunnaṃ sammattaniyāmānaṃ niyāmavacanato nibbānassa ca asaṅkhatabhāvato paṭijānāti. Micchattaniyāmapaṇho niyāmavacanamattena asaṅkhatatāya ayuttabhāvādīpanattham vuttoti.

Niyāmakathāvaṇṇanā.

2. Paṭiccasamuppādakathāvaṇṇanā

448. Idāni paṭiccasamuppādakathā nāma hoti. Tattha yesaṃ Nidānavagge “uppādā vā Tathāgatānaṃ anuppādā vā Tathāgatānaṃ ṭhitāva sā dhātu dhammaṭṭhitatā”² ti-ādivacanato² “paṭiccasamuppādo asaṅkhato”² ti laddhi seyyathāpi Pubbaseliyānañca Mahisāsakānañca, te sandhāya pucchā sakavādissa, paṭiññā itarassa.

1. Abhi 3. 116 piṭṭhe.

2. Saṃ 1. 264 piṭṭhe.

449. **Avijjā asaṅkhatā**ti-ādayo pañhā avijjādīnaṃyeva paṭiccasamuppādabhāvadassanattamaṃ vuttā. Yena panatthena tattha ekekaṃ aṅgaṃ “paṭiccasamuppādo”ti vuccati, so Paṭiccasamuppādavibhaṅge vuttoyeva.

451. **Avijjāpaccayā saṅkhārā**ti yā **tattha dhammaṭṭhitā**ti-ādi yena suttana laddhi paṭiṭṭhāpitā, tasseva atthadassanena laddhibhīdanattamaṃ vuttam. Ayañhettha attho—yā ayaṃ heṭṭhā “ṭhitāva sā dhātu dhammaṭṭhitā dhammaniyāmatā”ti vuttā, na sā aññatra avijjādīhi visum ekā atthi, avijjādīnaṃ pana paccayānaṃyevetaṃ nāmaṃ. Uppannepi hi Tathāgate anuppannepi avijjāto saṅkhārā sambhavanti, saṅkhārādīhi ca viññāṇādīni, tasmā “avijjāpaccayā saṅkhārā”ti yā etasmim pade saṅkhāradhammānaṃ kāraṇaṭṭhena ṭhitatāti dhammaṭṭhitatā, tesamyeva ca dhammānaṃ kāraṇaṭṭheneva niyāmatāti dhammaniyāmatāti avijjā vuccati, sā ca asaṅkhatā, nibbānaṅca asaṅkhatanti pucchati. Paravādī laddhivasena paṭijānitvā puna **dve asaṅkhatānī**ti puṭṭho suttābhāvena paṭikkhipitvā laddhivaseneva paṭijānāti. Sesapadesupi eseva nayo. Heṭṭhā vuttasadisam pana tattha vuttanayeneva veditabbanti.

Paṭiccasamuppādakathāvaṇṇanā.

3. Saccakathāvaṇṇanā

452-454. Idāni saccakathā nāma hoti. Tattha yesam “cattārimāni bhikkhave tathāni avitathāni”ti¹ suttam nissāya “cattāri saccāni niccāni asaṅkhatāni”ti² laddhi seyyathāpi Pubbaseliyānaṃ, te sandhāya pucchā sakavādissa, paṭiññā itarassa. Ayañhissa adhippāyo— dukkhasamudayamaggesu vatthusaccam saṅkhatam, lakkhaṇasaccam asaṅkhatam. Nirodhe vatthusaccam nāma natthi, asaṅkhatameva tanti. Tasmā **āmantā**ti āha. Tam panassa laddhimattameva. So hi dukkham vatthusaccam icchati, tathā samudayam maggaṅca. Yāni pana nesaṃ bādhanapabhavaniyyānikalakkhaṇāni, tāni lakkhaṇasaccam nāmāti, na ca bādhanalakkhaṇādīhi aññāni dukkhādīni nāma atthīti. **Tāpānī**ti-ādīsu adhippāyo vuttanayeneva veditabbo.

1. Sam 3. 377 piṭṭhe.

2. Saccāni asaṅkhatānīti (Sī, Syā)

Dukkhasaccanti pañhe laddhivasena lakkhaṇaṃ sandhāya paṭijānāti. **Dukkanti** pañhe vatthum sandhāya paṭikkhipati. Ito paraṃ suddhikapañhā ca saṃsandanapañhā ca sabbe Pāḷi-anusāreṇeva veditabbā. Avasāne laddhipaṭiṭṭhāpanatthaṃ āhaṭasuttaṃ atthassa micchā gahitattā anāhaṭasadisamevāti.

Saccakathāvaṇṇanā.

4. Āruppakathāvaṇṇanā

455-456. Idāni āruppakathā nāma hoti. Tattha yesaṃ “cattāro āruppā āneñjā”ti vacanaṃ nissāya “sabbepi te dhammā asaṅkhatā”ti laddhi, te sandhāya **Ākāsānañcāyatananti** pucchā sakavādissa, paṭiññā itarassa. Sesamettha uttānatthamevāti. Sādhakasuttampi atthaṃ ajānitvā āhaṭattā anāhaṭasadisamevāti.

Āruppakathāvaṇṇanā.

5. Nirodhasamāpattikathāvaṇṇanā

457-459. Idāni nirodhasamāpattikathā nāma hoti. Tattha **nirodhasamāpattī**ti catunnaṃ khandhānaṃ appavatti. Yasmā pana sā kariyamānā kariyati, samāpajjiyamānā samāpajjiyati, tasmā nipphannāti¹ vuccati. Saṅkhatāsaṅkhatalakkhaṇānaṃ pana abhāvena na vattabbā “saṅkhatāti vā asaṅkhatā”ti vā. Tattha yesaṃ “yasmā saṅkhatā na hoti, tasmā asaṅkhatā”ti laddhi seyyathāpi Andhakānañceva Uttarāpathakānañca, te sandhāya **nirodhasamāpattī**ti pucchā sakavādissa, paṭiññā itarassa. **Uppādentī**-ādi samāpajjanapaṭilābhavaseneva vuttaṃ. Yathā pana rūpādayo asaṅkhatadhamme uppādentī, na tathā taṃ keci uppādentī nāma. **Nirodhā vodānaṃ vuṭṭhānanti** phalasaṃpatti veditabbā. Asaṅkhatā pana

1. Niruddhāti (Syā)

taṃ natthiyeva, tasmā paṭikkhipati. **Tena hīti** yasmā saṅkhatā na hoti, tasmā asaṅkhatāti laddhi. Idaṃ pana asaṅkhatabhāve kāraṇaṃ na hotīti vuttampi avuttasadisamevāti.

Nirodhasamāpattikathāvaṇṇanā.

6. Ākāsakathāvaṇṇanā

460-462. Idāni ākāsakathā nāma hoti. Tattha tividho ākāso paricchedākāso, kasiṇugghāṭimākāso, ajaṭākāso. “Tucchākāso”ti tasseva nāmaṃ. Tesu paricchedākāso saṅkhatō, itare dve paññattimattā. Yesaṃ pana “duvidhopi yasmā saṅkhatō na hoti, tasmā asaṅkhatō”ti laddhi seyyathāpi Uttarāpathakānaṃ Mahisāsakānañca, te sandhāya **ākāso**ti pucchā sakavādissa, paṭiññā itarassa. Sesamettha uttānatthamevāti.

Ākāsakathāvaṇṇanā.

7. Ākāsosanidassanotikathāvaṇṇanā

463-464. Idāni ākāso sanidassanotikathā nāma hoti. Tattha yesaṃ tālacchiddādīsu ñāṇappavattim nissāya “sabbopi ajaṭākāso sanidassano”ti laddhi seyyathāpi Andhakānaṃ, te sandhāya **ākāso sanidassano**ti pucchā sakavādissa, paṭiññā itarassa. Atha naṃ “yadi sanidassano, evaṃvidho bhaveyyā”ti codanattam **rūpanti**-ādi vuttam. **Cakkuñca paṭiccā**tipañhesu evarūpassa suttassa abhāvena paṭikkhipitvā tulantarikādīnaṃ¹ upaladdhim nissāya paṭijānāti. **Dvinnam rukkhānam antaranti** ettha rukkhārūpaṃ cakkhunā disvā antare rūpābhāvato ākāsaṃ manodvāraviññānaṃ uppajjati, na cakkhuvīññānaṃ. Sesesupi eseva nayo. Tasmā asādhakametanti.

Ākāso sanidassanotikathāvaṇṇanā.

1. Tulānantarikādīnaṃ (Ka)

10. Pathavīdhātusanidassanāti-ādikathāvaṇṇanā

465-470. Idāni pathavīdhātu sanidassanāti-ādikathā nāma hoti. Tattha yesaṃ pāsāṇa-udakajālarukkhacalanānañceva pañcindriyapatiṭṭhokāsānañca vaṇṇāyatanam kāyaviññattikāle hatthapādādirūpañca disvā “pathavīdhātu-ādayo sanidassanā”ti laddhi seyyathāpi Andhakānam, te sandhāya sabbakathāsu ādipucchā sakavādissa, paṭiññā itarassa. Sesam sabbattha Pāḷi-anusārena ceva heṭṭhā vuttanayena ca veditabbanti. **Pathavīdhātu sanidassanāti-ādīm katvā kāyakammaṃ sanidassananti** pariyosānakathā niṭṭhitā.

Chaṭṭho vaggo.

7. Sattamavagga

1. Saṅgahitakathāvaṇṇanā

471-472. Idāni saṅgahitakathā nāma hoti. Tattha yasmā dāmādīhi balibaddādayo viya keci dhammā kehici dhammehi saṅgahitā nāma natthi, tasmā “natthi keci dhammā kehici dhammehi saṅgahitā, evaṃ sante ekavidhena rūpasāṅgahoti-ādi niratthakan”ti yesaṃ laddhi seyyathāpi Rājagirikānañceva Siddhatthikānañca, te sandhāya aññenatthena saṅgahabhāvaṃ dassetuṃ pucchā sakavādissa, attano laddhivasena paṭiññā itarassa. Idāni yenatthena saṅgaho labbhati, taṃ dassetuṃ **nanu atthi keci dhammāti-ādi āraddham**. Taṃ sabbaṃ heṭṭhā vuttanayattā uttānatthameva. Yā panesā paravādinā laddhipatiṭṭhāpanattham **yathā dāmena vāti-ādikā** upamā āhaṭā, sakavādinā taṃ anabhinanditvā appaṭikkositvā “hañci dāmena vā”ti tassa laddhi bhinnāti veditabbā. Ayañhettha attho—yadi te dāmādīhi balibaddādayo saṅgahitā nāma, atthi keci dhammā kehici dhammehi saṅgahitāti.

Saṅgahitakathāvaṇṇanā.

2. Sampayuttakathāvaṇṇanā

473-474. Idāni sampayuttakathā nāma hoti. Tattha yasmā tilamhi telam viya na vedanādayo saññādīsu anupaviṭṭhā, tasmā “natthi keci dhammā kehici dhammehi sampayuttā, evam sante nāṇasampayuttanti-ādi niratthakam hoti”ti yesam laddhi seyyathāpi Rājagirikasiddhatthikānañña¹, te sandhāya aññenevatthena sampayuttatam dasseturam pucchā sakavādissa, attano laddhivasena paṭiññā itarassa. Sesamidhāpi heṭṭhā vuttanayattā uttānatthameva. Yo panesa paravādinā “yathā tilamhi telan”ti-ādiko upamāpaṇho āhaṭo, so yasmā vedanāsaññānam viya tilatelānam lakkhaṇato nānattavavattānam natthi. Sabbesupi hi tila-aṭṭhitacesu tiloti vohāramattam, teneva tilam nibbattetvā gahite purimasañṭhānena tilo nāma na paññāyati, tasmā anāhaṭasadisova hotīti.

Sampayuttakathāvaṇṇanā.

3. Cetasikakathāvaṇṇanā

475-477. Idāni cetasikakathā nāma hoti. Tattha yasmā phassikādayo nāma natthi, tasmā “cetasikenāpi na bhavitabbam, iti natthi cetasiko dhammo”ti yesam laddhi seyyathāpi Rājagirikasiddhatthikānam te sandhāya pucchā sakavādissa, paṭiññā itarassa. **Sahajātoti** sampayuttasahajātam sandhāya vuttam. **Phassikāti** tādīsam vohāram apassantassa pucchā paravādissa, kim vohārena, yathā cittanissitakoti cetasiko, evam sopi phassanissitattā phassikoti vutte doso natthīti paṭiññā sakavādissa. Sesam uttānatthamevāti.

Cetasikakathāvaṇṇanā.

1. Rājagirikānañceva siddhatthikānañña (Syā)

4. Dānakathāvaṇṇanā

478. Idāni dānakathā nāma hoti. Tattha dānaṃ nāma tividham cāgacetanāpi viratipi deyyadhammopi. “Saddhā hiriyaṃ kusalañca dānaṃ”¹ti āgataṭṭhāne cāgacetanā dānaṃ. “Abhayaṃ deti”²ti āgataṭṭhāne virati. “Dānaṃ ceti annaṃ pānaṃ”³ti āgataṭṭhāne deyyadhammo. Tattha cāgacetanā “deti vā deyyadhammaṃ, denti vā etāya deyyadhammaṃ”³ti dānaṃ. Virati avakhaṇḍanaṭṭhena lavanaṭṭhena vā dānaṃ. Sā hi uppajjamānā bhayaabheravādisaṅkhātā dussīlyacetanaṃ dāti khaṇḍeti lunāti vāti dānaṃ. Deyyadhammo diyyatīti dānaṃ. Evametaṃ tividhampi atthato cetasiko ceva dhammo deyyadhammo cāti duvidham hoti. Tattha yesaṃ “cetasikova dhammo dānaṃ, na deyyadhammo”³ti laddhi seyyathāpi Rājagirikasiddhatthikānaṃ, te sandhāya **cetasikoti** pucchā sakavādissa, paṭiññā itarassa. Atha naṃ deyyadhammasena codetuṃ **labbhāti** pucchā sakavādissa, annādīni viya so na sakkā dātunti paṭikkhepo itarassa. Puna daḷhaṃ katvā puṭṭhe “abhayaṃ deti”²ti suttavasena paṭiññā tasseva. Phassapañhādīsu pana phassaṃ³ detīti-ādivohāraṃ apassanto paṭikkhipateva.

479. **Aniṭṭhaphalanti**-ādi acetasikassa dhammassa dānabhāvādīpanatthaṃ vuttaṃ. Na hi acetasiko annādīdhammo āyatim vipākaṃ deti, iṭṭhaphalabhāvaniyamanatthaṃ panetaṃ vuttanti veditabbaṃ. Ayampi hettha adhippāyo—yadi acetasiko annādīdhammo dānaṃ bhaveyya, hitacittena aniṭṭhaṃ akantaṃ bhesajjaṃ dentassa nimbabījādīhi viya nimbādayo aniṭṭhameva phalaṃ nibbatteyya. Yasmā panettha hitapharaṇacāgacetanā dānaṃ, tasmā aniṭṭhepi deyyadhamme dānaṃ iṭṭhaphalameva hotīti.

Evam paravādinā cetasikadhammassa dānabhāve patiṭṭhāpīte sakavādī itarena pariyāyena deyyadhammassa dānabhāvaṃ sādhetuṃ **dānaṃ iṭṭhaphalaṃ vuttaṃ Bhagavatā**ti-ādimāha. Paravādī pana cīvarādīnaṃ iṭṭhavipākataṃ apassanto paṭikkhipati. Suttasādhanāṃ paravādīvādepi yujjati sakavādīvādepi, na pana ekenatthena. Deyyadhammo iṭṭhaphaloti iṭṭhaphalabhāvamattameva paṭikkhittaṃ. Tasmā **tena hi na vattabbanti** iṭṭhaphalabhāvene na vattabbatā

1. Am 3. 68 piṭṭhe.

2. Am 3. 76 piṭṭhe.

3. Pana na phassaṃ (Ka)

yujjati, dātabbaṭṭhena pana deyyadhammo dānameva. Dvinnañhi dānānaṃ saṅkarabhāvamocanatthameva ayaṃ kathāti.

Dānakathāvaṇṇanā.

5. Paribhogamayapuññakathāvaṇṇanā

483. Idāni paribhogamayapuññakathā nāma hoti. Tattha “tesaṃ divā ca ratto ca, sadā puññaṃ pavaḍḍhati”¹ ti¹ ca “yassa bhikkhave bhikkhu cīvaraṃ paribhuñjamāno”² ti² ca evamādīni suttāni ayoniso gahetvā yesaṃ “paribhogamayam nāma puññaṃ atthī”³ ti laddhi seyyathāpi Rājagirikasiddhatthikasammitiyānaṃ, te sandhāya **paribhogamayanti** pucchā sakavādissa, paṭiññā itarassa. Atha naṃ “puññaṃ nāma phassādayo kusalā dhammā, na tato paraṃ, tasmā phassādīhi te vaḍḍhitabban”⁴ ti codetum **paribhogamayo phassoti**-ādi āraddham. Taṃ sabbaṃ itarena tesam avadḍhanato paṭikkhittam. **Latāviyāti**-ādīni “kiriyāya vā bhāvanāya vā vināpi yathā latādīni sayameva vaḍḍhanti, kiṃ te evam vaḍḍhanti”⁵ ti codanattham vuttāni. Tathā panassa avadḍhanato **na hevāti** paṭikkhittam.

484. **Na samannāharatī** ti pañhe paṭiggāhakānaṃ paribhogena purimacetanā vaḍḍhati, evam taṃ hoti puññanti laddhivasena paṭijānāti. Tato **anāvattentassāti**-ādīhi puṭṭho dāyakassa cāgacetanaṃ sandhāya paṭikkhipati. Tattha **anāvattentassāti**³ dānacetanāya purecārikena āvajjanena bhavaṅgam anāvattentassa aparivattentassa⁴. **Anābhogassāti** nirābhogassa. **Asamannāharantassāti** na samannāharantassa. Āvajjanañhi bhavaṅgam vicchinditvā attano gatamagge uppajjamānaṃ dānacetanam samannāharati nāma. Evamkiccena iminā cittaena asamannāharantassa puññaṃ hotīti pucchati. **Amanasikarontassāti** manam akarontassa. Āvajjanena hi⁵ tadanantaram uppajjamānaṃ manam karoti nāma, evam akarontassāti attho. Upayogavacanasmiñhi etaṃ bhummaṃ. **Acetayantassāti** cetanaṃ anuppādentassa.

1. Saṃ 1. 31 piṭṭhe.

2. Aṃ 1. 365 piṭṭhe.

3. Anāvajjentassāti (Syā)

4. Aparivajjentassa (Syā)

5. Āvajjanañhi (Syā)

Apatthentassāti patthanāsaṅkhātāṃ kusalacchandaṃ akarontassa.
Appañidahantassāti dānacetanāvasena cittaṃ aṭṭhapentassāti attho. **Nanu āvaṭṭentassāti** vāre **ābhogassāti** ābhogavato. Atha vā ābhogā assa¹, ābhogassa vā anantaraṃ taṃ puññaṃ hotīti attho.

485. **Dvinnam phassānanti**-ādīsupi ekakkhaṇe dāyakassa dvinnam phassādīnam abhāvā paṭikkhipati, dāyakassa ca paribhuñjantassa cāti ubhinnaṃ phassādayo sandhāya paṭijānāti. Apicassa pañcannaṃ viññāṇaṃ samodhānaṃ hotīti laddhi, tassāpi vasena paṭijānāti. Atha naṃ sakavādī pariyaṃyassa dvāraṃ pidahitvā ujuvipaccanīkavasena codetuṃ **kusalā**dipaṇhaṃ pucchati. Tatrāpi kusalākusalānaṃ ekassekakkhaṇe sampayogābhāvaṃ sandhāya paṭikkhipati. Paribhogamayaṃ pana cittavippayuttaṃ uppajjati laddhiyā paṭijānāti. Atha naṃ sakavādī suttena niggaṇāti.

486. Suttasādhane ārāmaropakādīnaṃ anussaraṇapaṭisaṅkharaṇādivasena antarantarā uppajjamānaṃ puññaṃ sandhāya **sadā puññaṃ pavaḍḍhatīti** vuttaṃ. **Appamāṇo tassa puññābhisandoti** idam² appamāṇavihārino dinnapaccayattā ca “evarūpo me cīvaraṃ paribhuñjati”ti anumodanavasena ca vuttaṃ, taṃ so **paribhogamayanti** sallakkheti. Yasmā pana paṭiggāhakena paṭiggahetvā aparibhuttepi deyyadhamme puññaṃ hotiyeva, tasmā sakavādīvādova balavā, tattha paṭiggāhakena paṭiggahiteti attho daṭṭhabbo. Sesam uttānatthamevāti.

Paribhogamayapuññakathāvaṇṇanā.

6. Itodinnakathāvaṇṇanā

488-491. Idāni ito dinnakathā nāma hoti. Tattha yesaṃ “ito dinnena yāpentī, petā kālaṅkatā tahiṃ”ti³ vacanaṃ nissāya “yaṃ ito cīvaraḍi dinnam, teneva yāpentī”ti laddhi seyyathāpi Rājagirikasiddhatthikānaṃ, te sandhāya **ito dinnenāti** pucchā sakavādissa, paṭiññā

1. Ābhogo assa (Sī, Syā)

2. Idampi (Syā)

3. Khu 2. 129 piṭṭhe.

itarassa. Puna cīvarādivasena anuyutto paṭikkhipati. **Añño aññassa kārakoti** aññassa vipākadāyakanāṃ kammānaṃ añño kārako, na attanāva attano kammaṃ karotīti vuttaṃ hoti. Evaṃ puṭṭho pana itaro suttavirodhabbhayena paṭikkhipati. **Dānaṃ dentanti** dānaṃ dadamānaṃ disvāti attho. Tattha yasmā attano anumoditattā ca tesāṃ tattha bhogā uppajjanti, tasmāssa iminā kāraṇena laddhiṃ paṭiṭṭhapentassāpi¹ appaṭiṭṭhitāva hoti. Na hi te ito dinneneva vatthunā² yāpenti. Sesesupi suttasādhanesu eseva nayoti.

Ito dinnakathāvaṇṇanā.

7. Pathavīkammavipākotikathāvaṇṇanā

492. Idāni pathavī kammavipākotikathā nāma hoti. Tattha yasmā “atthi issariyasamvattaniyaṃ kammaṃ, ādhipaccasamvattaniyaṃ kamman”ti ettha issarānaṃ bhāvo issariyaṃ nāma, adhipatīnaṃca bhāvo ādhipaccaṃ nāma³, pathavissariya-ādhipaccasamvattanikaṃca kammaṃ atthīti vuttaṃ, tasmā yesāṃ “pathavī kammavipāko”ti laddhi seyyathāpi Andhakānaṃ, te sandhāya **pathavīti** pucchā sakavādissa, paṭiññā itarassa. **Sukhavedanīyāti-**ādi kammavipākasabhāvadassanavasena vuttaṃ. “Phasso hotī”ti-ādinā nayena niddiṭṭhesu vipākesu phasso sukhavedanīyādibhedo hoti. So ca saññādayo ca sukhavedanādihi sampayuttā, vedanādayo saññādihi, sabbepe sārammaṇā, atthi ca nesāṃ purecārika-āvaṭṭanādisaṅkhātāṃ āvajjanaṃ, kammappaccayabhūtā cetanā, yo tattha iṭṭhavipāko, tassa patthanā, paṇidhānavasena pavattā mūlataṇhā, kiṃ te evarūpā pathavīti pucchati. Itaro paṭikkhipati. Paṭilomapucchādīni uttānatthāneva.

493. **Kammavipāko paresāṃ sādharmaṇoti** pañhe phassādayo sandhāya paṭikkhipati, kammasamuṭṭhānaṃ rūpaṃca pathavī-ādīnaṃyeva ca sādharmaṇabhāvaṃ sandhāya paṭijānāti. **Asādharmaṇamaññesanti** suttāṃ parasamayato

1. Laddhi paṭiṭṭhapentiyāpi (Ka)

2. Dinnāneva vatthūni (Ka)

3. Issarānaṃ issariyaṃ nāma, adhipatīnaṃca ādhipaccaṃ nāma, (Sī, Ka)

āharitvā dassitaṃ. **Sabbe sattā pathaviṃ paribhuñjantī**ti pañhe pathaviṃ anissite sandhāya paṭikkhipati, nissite sandhāya paṭijānāti. **Pathaviṃ aparibhuñjitvā parinibbāyantī**ti pañhe āruppe parinibbāyantānaṃ vasena paṭijānāti. **Kammavipākaṃ akhepetvāti** idam paraśamayavasena vuttaṃ. Kammavipākañhi khepetvāva parinibbāyantīti tesam laddhi. Sakasamaye pana katokāsassa kammaśa uppannaṃ vipākaṃ akhepetvā parinibbānaṃ natthi. Tesañca laddhiyā pathavī sādharmaṇavipākattā uppannavipākoyeva hoti, taṃ vipākabhāvena ṭhitaṃ akhepetvā parinibbānaṃ na yujjati codetuṃ vaṭṭati. Itaro laddhivasena paṭikkhipati. **Cakkavattisattassa kammavipākanti** pañhe asādhāraṇaṃ phassaḍim sandhāya paṭikkhipati, sādharmaṇaṃ sandhāya paṭijānāti. Pathavīsamuddasūriyacandimādayo hi sabbesam sādharmaṇakammavipākoti tesam laddhi.

494. **Issariyaśaṃvattaniyanti** ettha issariyaṃ nāma bahudhanaṭā, ādhipaccaṃ nāma sesajane attano vase vattetvā tehi garukātabbaṭṭhena adhipatibhāvo. Tattha kammaṃ paṭilābhavasena taṃśaṃvattanikaṃ nāma hoti, na janakavasena, tasmā vipākabhāve asādhakametanti.

Pathavī kammavipākotikathāvaṇṇanā.

8. Jarāmaṇaṃ vipākotikathāvaṇṇanā

495. Idāni jarāmaṇaṃ vipākotikathā nāma hoti. Tattha yesam “atthi dubbaṇṇasaṃvattaniyaṃ kammaṃ appāyukasaṃvattaniyaṃ kamman”ti ettha dubbaṇṇatā nāma jarā, appāyukatā nāma maṇaṃ, taṃśaṃvattaniyañca kammaṃ atthi. Tasmā jarāmaṇaṃ vipākoti laddhi seyyathāpi Andhakānaṃ, te sandhāya pucchā sakavāḍissa, paṭiññā itarassa. Paṭilomapañhe **anārammaṇanti** rūpadhammaṇaṃ tāga anārammaṇameva, arūpānaṃ pana jarāmaṇaṃ sampayogalakkhaṇābhāvā anārammaṇameva.

496. **Akusalānaṃ dhammaṇaṃ jarāmaṇaṃ akusalānaṃ dhammaṇaṃ vipākoti** pañhe jarāmaṇena nāma aṇiṭṭhavipākena bhavitabbanti laddhiyā

paṭijānāti. Teneva kāraṇena kusalānaṃ dhammānaṃ jarāmaraṇassa kusalavipākataṃ paṭikkhipati, parato cassa akusalavipākataññeva paṭijānāti.

Kusalānañca akusalānañcāti pucchāvasena ekato kataṃ, ekakkhaṇe pana taṃ natthi. Abyākatānaṃ avipākānaṃ jarāmaraṇaṃ vipākoti vattabbatāya pariyāyo natthi, tasmā abyākatavasena **pucchā na katā**.

497. **Dubbaṇṇasaṃvattaniyanti** ettha dubbaṇṇiyaṃ nāma aparisuddhavaṇṇatā, appāyukatā nāma āyuno ciraṃ pavattitum asamatthatā. Tattha akusalakammaṃ kammamuṭṭhānassa dubbaṇṇarūpassa kammappaccayo hoti, asadisattā panassa taṃvipāko na hoti. Utusamuṭṭhānādino¹ pana taṃpaṭilābhavasena āyuno ca upacchedakavasena paccayo hoti. Evametaṃ pariyāyena taṃsaṃvattanikaṃ nāma hoti, na vipākaphassādīnaṃ viya janakavasena, tasmā vipākabhāve asādhakaṃ. Sesamettha heṭṭhā vuttasadisamevāti.

Jarāmaraṇaṃ vipākotikathāvaṇṇanā

9. Ariyadhammavipākakathāvaṇṇanā

498. Idāni ariyadhammavipākakathā nāma hoti. Tattha yesaṃ kilesappahānamattameva sāmaññaphalaṃ, na cittacetasikā dhammāti laddhi seyyathāpi Andhakānaṃ, te sandhāya **natthi ariyadhammavipākoti** pucchā sakavādissa. Tattha **ariyadhammavipākoti** maggasaṅkhātassa ariyadhammassa vipāko. Kilesakkhayamattaṃ ariyaphalanti laddhiyā paṭiññā itarassa. **Sāmaññanti** samaṇabhāvo, maggassettaṃ nāmaṃ. “Sāmaññañca vo bhikkhave desessāmi sāmaññaphalañcā”²ti² hi vuttaṃ. Brahmaññepi eseva nayo.

Sotāpattiphalaṃ na vipākoti-ādīsu sotāpattimaggādīnaṃ apacayagāmitaṃ sandhāya ariyaphalānaṃ navipākabhāvaṃ paṭijānāti, dānaphalādīnaṃ

1. Utusamuṭṭhānādibhedena (Sī, Ka)

2. Sāmaññaphalāni cāti (Saṃ 3. 20 piṭṭhe)

paṭikkhipati. So hi Ācayagāmittikassa evaṃ atthaṃ dhāreti—
vipākasaṅkhātāṃ ācayāṃ gacchanti, taṃ vā ācinantā gacchantīti
ācayagāmino, vipākāṃ apacinantā gacchantīti apacayagāminoti. Tasmā
evaṃ paṭijānāti ca paṭikkhipati ca.

500. **Kāmāvacaraṃ kusalaṃ savipākāṃ ācayagāmīti**-ādikā pucchā
paravādissa, paṭiññā ca paṭikkhepo ca sakavādissa. Lokiyañhi kusalaṃ
vipākacutipāṭisandhiyo¹ ceva vaṭṭaṅga ācinantaṃ gacchatīti ācayagāmi,
lokuttarakusalaṃ cutipāṭisandhiyo ceva vaṭṭaṅga apacinantaṃ gacchatīti
apacayagāmi. Evametam savipākameva hoti, na apacayagāmivacanamattena
avipākāṃ. Imamatthaṃ sandhāyettha sakavādino paṭiññā ca paṭikkhepo ca
veditabbāti.

Ariyadhammavipākakathāvaṇṇanā.

10. Vipākavipākadhammadhammotikathāvaṇṇanā

501. Idāni vipāko vipākadhammadhammotikathā nāma hoti. Tattha
yasmā vipāko vipākassa aññamaññādipaccayavasena paccayo hoti, tasmā
vipākopi vipākadhammadhammoti yesaṃ laddhi seyyathāpi Andhakānaṃ, te
sandhāya pucchā sakavādissa, paṭiññā itarassa. **Tassa vipākoti** tassa
vipākadhammadhammassa vipākassa yo vipāko, sopi te
vipākadhammadhammo hotīti pucchati. Itaro āyatim vipākadānābhāvaṃ
sandhāya paṭikkhipati. Dutiyam puṭṭho tappaccayāpi aññassa vipākassa
uppattim sandhāya paṭijānāti. Evaṃ sante panassa kusalākusalassa viya
tassāpi vipākassa vipāko, tassāpi vipākoti vaṭṭānupacchedo āpajjatīti puṭṭho
samayavirodhabhayena paṭikkhipati.

Vipākoti vāti-ādimhi vacanasādhane pana yadi vipākassa
vipākadhammadhammena ekatthatā bhavēyya, kusalākusalābyākatānaṃ
ekatthatam āpajjeyyāti paṭikkhipati. **Vipāko ca vipākadhammadhammo cāti**

1. Kusalavipākāṃ cutipāṭisandhiyo (sabbattha)

ettha ayaṃ adhippāyo—so hi catūsu vipākakkhandhesu ekekaṃ aññaṃaññaṃpaccayādisu paccayaṭṭhena vipākadhammadhammataṃ paccayuppannaṭṭhena ca vipākaṃ maññaṃāno “vipāko vipākadhammadhammo”ti puṭṭho āmantāti paṭijānāti. Atha naṃ sakavādī “yasmā tayā ekakkhaṇe catūsu khandhesu vipāko vipākadhammadhammopi anuññāto, tasmā tesam sahaḡatādibhāvo āpajjati”ti codetuṃ evamāha. Itaro kusalākusalasaṅkhātāṃ¹ vipākadhammadhammaṃ sandhāya paṭikkhipati. **Taññaeva akusalanti** yadi te vipāko vipākadhammadhammo, yo akusalavipāko, so akusalaṃ āpajjati. Kasmā? Vipākadhammadhammena ekattā. **Taññaeva kusalanti**-ādīsupi eseva nayo.

502. **Aññaṃaññaṃpaccayā**ti idaṃ sahaḡatānaṃ paccayamattavasena vuttaṃ, tasmā asādhakaṃ. Mahābhūtānampi ca aññaṃaññaṃpaccayathā vuttā, na ca tāni vipākāni, na ca vipākadhammadhammānīti.

Vipāko vipākadhammadhammotikathāvaṇṇanā.

Sattamo vaggo.

8. Aṭṭhamavagga

1. Chagatikathāvaṇṇanā

503-504. Idāni chagatikathā nāma hoti. Tattha Asurakāyena saddhiṃ cha gatiyoti yesaṃ laddhi seyyathāpi Andhakānañceva Uttarāpathakānañca, te sandhāya pucchā sakavādissa, paṭiññā itarassa. Atha naṃ sakavādī “pañca kho paṇimā Sāriputta gatiyo”ti² lomahaṃsanapariyāye paricchinnānaṃ gatīnaṃ vasena codetuṃ **nanu pañca gatiyoti**-ādimāha. Itaro suttavirodhabhayena paṭijānāti. Kasmā pana sakavādī cha gatiyo na sampaṭicchati, nanu “catūhāpāyehi ca vippamutto”ti ettha Asurakāyopi gahitoti. Saccam gahito, na panesā gati. Kasmā? Visuṃ abhāvato. Asurakāyasmiñhi Kālakañcikā Asurā petagatiyā

1. Kusalasaṅkhātāṃ (Syā)

2. Ma 1. 106 piṭṭhe.

saṅgahitā, Vepacittiparisā devagatiyā, asurakāyoti visum ekā gati nāma natthi.

Idāni etameva atthaṃ dassetuṃ **nanu Kālakañcīkāti**-ādi āradham. Tattha **samānavañṇāti** sadisarūpasaṅghānā bībhacchā virūpā duddassikā. **Samānabhogāti** sadisamethunasamācārā. **Samānāhārāti** sadisakheḷasiṅghāṇikapubbalohitādi-āhārā. **Samānāyukāti** sadisa-āyuparicchedā. **Āvāhavivāhanti** kaññāgahaṇaṇceva kaññādānaṇca. Sukkapakkhe **samānavañṇāti** sadisarūpasaṅghānā abhirūpā pāsādikā dassanīyā pabhāsampannā. **Samānabhogāti** sadisapañcakāmaguṇabhogā. **Samānāhārāti** sadisasudhābhojanādi-āhārā. Sesam vuttanayameva. **Nanu atthi asurakāyoti** idaṃ asurakāyasseva sādham. Tassa pana visum gatiparicchedābhāvena na gatisādhakanti.

Chagatikathāvāṇṇanā.

2. Antarābhavakathāvāṇṇanā

505. Idāni antarābhavakathā nāma hoti. Tattha yesaṃ “antarā parinibbāyī”ti suttapadaṃ ayoniso gahetvā “antarābhavo nāma atthi, yattha satto dibbacakkhuko viya adibbacakkhuko, iddhimā viya aniddhimā mātāpitisamāgamaṇceva utusamayaṇca olokayamāno sattāham vā atirekasattāham vā tiṭṭhatī”ti laddhi seyyathāpi Pubbaseliyānaṇceva Sammitiyānaṇca, te sandhāya **atthīti** pucchā sakavādissa, laddhiyaṃ ṭhatvā paṭiññā itarassa. Atha naṃ ye ca Bhagavatā tayo bhavā vuttā, tesam vasena codetuṃ **kāmabhavoti**-ādimāha. Tatrāyaṃ adhippāyo—yadi te antarābhavo nāma koci bhavo atthi, tena kāmabhavādīnaṃyeva aññatarena bhavitabbaṃ pañcavokārabhavādīnaṃ¹ viya, tena taṃ pucchāmi “kiṃ te ayaṃ antarābhavo nāma kāmabhavo, udāhu rūpabhavo arūpabhavo vā”ti. Itaro tathā anicchanto sabbaṃ paṭikkhipati. **Kāmabhavassa cāti**-ādi yadi antarābhavo nāma atthi, imesaṃ bhavānaṃ antarā dvinnāṃ sīmānaṃ

1. Pañcavokārabhavādīnaṃ (Ka)

sīmantarikā viya bhaveyyāti codetuṃ āradhmaṃ. Paravādī pana tathā anicchanto sabbapañhe paṭikkhipati kevalaṃ laddhiyā, na sahadhammena. Teneva naṃ sakavādī no vata reti paṭisedheti.

506. **Pañcamī sā yonī**-ādīnipi yathāparicchinnayoni-ādīsu so samodhānaṃ na gacchati, atha tena tato tato atirekena bhavitabbanti codetuṃ vuttāni. **Antarābhavūpagaṃ kammanti** yadi sopi eko bhavo, yathā kāmabhavūpagādīni kammāni atthīti Satthārā vibhajitvā dassitāni, evaṃ tadupagenāpi kamma bhavitabbanti codanattham vuttam. Yasmā pana parasamaye antarābhavūpagaṃ nāma pāṭiyekkaṃ kammaṃ natthi, yaṃ yaṃ bhavaṃ upapajjissati, tadupageneva kamma antarābhavo nibbattatīti tesam laddhi, tasmā nahevanti paṭikkhittam. **Atthi antarābhavūpagā sattāti** puṭṭhopi kāmabhavūpagāyeva¹ nāma teti laddhiyā paṭikkhipati. **Jāyantīti**-ādīni puṭṭhopi tattha jātijarāmaraṇāni ceva cutipaṭisandhiparamparañca anicchanto paṭikkhipati. Rūpādivasena puṭṭhopi yasmā antarābhavasattassa anidassanaṃ rūpaṃ, vedanādayopi aññesaṃ viya na oḷārikāti tassa laddhi, tasmā paṭikkhipati. Imināva kāraṇena pañcavokārabhavabhāvepi paṭikkhepo veditabbo.

507. Idāni **kāmabhavo bhavo gatīti**-ādī bhavasamsandanaṃ nāma hoti. Tatrāyaṃ adhippāyo—yadi te antarābhavo nāma koci bhavo² bhaveyya, yathā kāmabhavādīsu bhavagati-ādibhedo labbhati, tathā tatrāpi labbhettha. Yathā vā tattha na labbhati, tathā imesupi na labbhettha. Samānasmīñhi bhavabhāve etesvevesa vibhāgo atthi, na itarasminti ko ettha visesahetūti. Itaro puna laddhimattavasena taṃ taṃ paṭijānāti ceva paṭikkhipati ca.

508. **Sabbesaññeva sattānaṃ atthi antarābhavoti** puṭṭho yasmā nirayūpaga-asaññasattūpaga-arūpūpagaṇaṃ antarābhavaṃ na icchati, tasmā paṭikkhipati. Teneva kāraṇena paṭilome³ paṭijānāti. **Ānantariyassāti**⁴ ādi yesaṃ so antarābhavaṃ na icchati, te tāva

1. Kāmabhavarūpabhavūpagāyeva (Ka)

3. Paṭilomena (Syā)

2. Gatibhavo (Sī, Ka)

4. Anantarikassāti (Sī, Syā, Ka)

vibhajitvā dassetuṃ vuttaṃ. Taṃ sabbam Pāḷi-anusāreṇeva vedittabbam saddhim suttasādhanenāti.

Antarābhavakathāvaṇṇanā.

3. Kāmaguṇakathāvaṇṇanā

510. Idāni kāmaguṇakathā nāma hoti. Tattha sakasamaye tāva **kāmadhātū**ti vatthūkāmāpi vuccanti kilesakāmāpi kāmabhavopi. Etesu hi vatthūkāmā kamanīyaṭṭhena kāmā, sabhāvanissattasuññataṭṭhena dhātūti kāmadhātu. Kilesakāmā kamanīyaṭṭhena ceva kamaṇaṭṭhena ca kāmā, yathāvuttenevatthena dhātūti kāmadhātu. Kāmabhavo kamanīyaṭṭhena kamaṇaṭṭhena vatthūkāmapavattidesaṭṭhenāti tīhi kāraṇehi kāmo, yathāvuttenevatthena dhātūti kāmadhātu. Parasamaye pana “pañcime bhikkhave kāmaguṇā”ti vacanamattaṃ nissāya pañceva kāmaguṇā kāmadhātūti gahitaṃ, tasmā yesaṃ ayaṃ laddhi seyyathāpi etarahi Pubbaseliyānaṃ, te sandhāya kāmadhātunānattaṃ bodhetuṃ¹ **pañcevā**ti pucchā sakavādissa, laddhivasena paṭiññā itarassa. **Nanu atthī**-ādi kilesakāmadassanattaṃ vuttaṃ. Tattha **tappaṭisaṃyutto**ti kāmaguṇapaṭisaṃyutto, kāmaguṇārammaṇoti attho. **No ca vata re vattabbe pañcevā**ti imesu tappaṭisaṃyuttachandādisu sati pañceva kāmaguṇā kāmadhātūti na vattabbam. Etepi hi chandādayo kamanīyaṭṭhena kāmā ca dhātu cātipi kāmadhātu, kamaṇaṭṭhena kāmasaṅkhātā dhātūtipi kāmadhātūti attho.

Manussānaṃ cakkhūti-ādi vatthūkāmadassanattaṃ vuttaṃ. Tattha paravādī channampi āyatanānaṃ vatthūkāmabhāvena nakāmadhātubhāvaṃ paṭikkhipitvā puna manoti puṭṭho mahaggatalokuttaraṃ sandhāya nakāmadhātubhāvaṃ paṭijānāti. Yasmā pana sabbopi tebhūmakamano kāmadhātuyeva, tasmā naṃ sakavādī suttena niggaṇhāti.

1. Codetuṃ (Syā)

511. **Kāmaguṇā bhavoti**-ādi bhavassa kāmadhātubhāvadassanattamaṃ vuttaṃ. Yasmā pana kāmaguṇamatte bhavoti vohāro natthi, tasmā paravādi nahevāti paṭikkhipati. **Kāmaguṇūpagaṃ kammanti**-ādi sabbaṃ kāmaguṇamattassa nakāmadhātubhāvadassanattamaṃ vuttaṃ. Kāmadhātusaṅkhātakāmahavūpagameva hi kammaṃ atthi, kāmahavūpagā eva ca sattā honti. Tattha jāyanti jiyanti miyanti cavanti upapajjanti, na kāmaguṇesūti iminā upāyena sabbattha attho veditabboti.

Kāmaguṇakathāvaṇṇanā.

4. Kāmakathāvaṇṇanā

513-514. Idāni kāmakathā nāma hoti. Tattha yesaṃ “pañcime bhikkhave kāmaguṇā”ti vacanamattaṃ nissāya rūpāyatanādīni pañcevāyatanāni kāmāti laddhi seyyathāpi Pubbaseliyānaṃ, tesāṃ kilesakāmasseva nippariyāyena kāmahāvaṃ dassetuṃ **pañcevāti** pucchā sakavādissa, paṭiññā itarassa. Sesamettha uttānatthamevāti.

Kāmakathāvaṇṇanā.

5. Rūpadhātukathāvaṇṇanā

515-516. Idāni rūpadhātukathā nāma hoti. Tattha “rūpino dhammā rūpadhātu nāma”ti yesaṃ laddhi seyyathāpi Andhakānaṃ, te sandhāya **rūpinoti** pucchā sakavādissa, paṭiññā itarassa. Atha naṃ sakavādī yasmā rūpadhātu nāma rūpabhavo, na rūpamattameva, tasmā tenatthena codetuṃ **rūpadhātūti**-ādimāha. Taṃ sabbaṃ kāmaguṇakathāyaṃ vuttanayeneva veditabbaṃ. **Sāva kāmadhātūti** puṭṭho bhūmiparicchedena virodhaṃ passamāno paṭikkhipati. Puna daḷhaṃ katvā puṭṭho attano laddhivasena paṭijānāti. Evaṃ sante pana dvīhi bhavehi samannāgatatā āpajjati, tena taṃ sakavādī **kāmahavena cāti**-ādimāha. Itaro ekassa dvīhi samannāgatābhāvato paṭikkhipatīti.

Rūpadhātukathāvaṇṇanā.

6. Arūpadhātukathāvaṇṇanā

517-518. Arūpadhātukathāyapi imināvupāyena attho veditabbo. Arūpadhammesu pana vedanākkhandhameva gahetvā vedanā bhavoti-ādinā nayanettha desanā katā. Tattha kim te arūpino dhammāti saṅkham gata vedanādīsu aññatarā hotīti evamattho daṭṭhabbo. Sesam heṭṭhā vuttanayeneva veditabbanti.

Arūpadhātukathāvaṇṇanā.

7. Rūpadhātuyā-āyatanakathāvaṇṇanā

519. Idāni rūpadhātuyā āyatanakathā nāma hoti. Tattha yesam “rūpī manomayo sabbaṅgapaccaṅgī ahīnindriyo”¹ti¹ suttam nissāya brahmakāyikānam ghānādīnīnīpi āyatanānevāti kappetvā saḷāyataniko tesam attabhāvoti laddhi seyyathāpi Andhakānañceva Sammitiyānañca, te sandhāya **saḷāyatanikoti** pucchā sakavādissa, laddhivasena paṭijānā itarassa. Atha nam yaṃ tattha āyatanam natthi, tassa vasena codetum **atthi tattha ghānāyatananti**-ādi āraddham. Tato paravādī yaṃ tattha ajjhātikānam tiṇṇam āyatanānam ghānādīkam saṅghānanimittam, tadeva āyatananti laddhiyā paṭijānāti. Bāhirānam gandhāyatanādīnam vasena puṭṭho ghānappasādādayo tattha na icchati, tasmā tesam gocaram paṭisedhento paṭikkhipati. Paṭilomapañhasamsandanapañhesupi imināvupāyena attho veditabbo.

521. Atthi tattha ghānāyatanam atthi gandhāyatanam tena ghānena tam gandham ghāyatīti tasmīmyeva parasamaye ekacce ācariye sandhāya vuttam. Te kira tattha cha ajjhātikāni āyatanāni paripuṇṇāni icchanti, āyatanena ca nāma sakiccakena bhavitabbanti tehi ghānādīhi te gandhādayo ghāyanti sāyanti phusantītipi icchanti. Tam laddhim sandhāya paravādī āmantāti paṭijānāti.

1. Dī 1. 31 piṭṭhe.

522. **Atthi tattha mūlagandhoti-**ādīni pana puṭṭho atthibhāvaṃ sādhetuṃ asakkonto paṭikkhipati. **Nanu atthi tattha ghānanimittanti-**ādi saṅghānamattasseva sādhaḥkaṃ, na āyatanassa, tasmā udāhaṭampi anudāhaṭasadisamevāti.

Rūpadhātuyā āyatanakathāvaṇṇanā.

8. Arūpe rūpakathāvaṇṇanā

524-526. Idāni arūpe rūpakathā nāma hoti. Tattha yesaṃ “viññāṇapaccayā nāmarūpan”ti vacanato āruppabhavēpi oḷārikarūpā nissaṭaṃ sukhumarūpaṃ atthīti laddhi seyyathāpi Andhakānaṃ, te sandhāya **atthi rūpanti** pucchā sakavādissa, paṭiññā itarassa. Sesamettha uttānatthamevāti.

Arūpe rūpakathāvaṇṇanā.

9. Rūpaṃ kammantikathāvaṇṇanā

527-537. Idāni rūpaṃ kammantikathā nāma hoti. Tattha yesaṃ kāyavacīviññattisaṅkhātāṃ rūpameva kāyakammaṃ vacīkammaṃ nāma, tañca kusalasamuṭṭhānaṃ kusalaṃ, akusalasamuṭṭhānaṃ akusalanti laddhi seyyathāpi Mahisāsakānañceva Sammitiyānañca, te sandhāya **kusalena cittaena samuṭṭhitanti** pucchā sakavādissa, paṭiññā itarassa. Atha naṃ sace taṃ kusalaṃ, yvāyaṃ sārammaṇādibhedo kusalassa labbhati, atthi te so tassāti codetuṃ **sārammaṇanti-**ādi āradham. Tattha **patthanā paṇidhīti** cetanāyevetaṃ vevacanaṃ. Kusalacetanāyeva hi pakappayamānā patthanāti, pakappanavasena ṭhitattā paṇidhīti ca vuccati. Parato pana **kusalena cittaena samuṭṭhitā vedanā saññā cetanā saddhāti-**ādīsu vedanādīnaññeva cettha patthanā paṇidhīti labbhati, na cetanāya. Kasmā? Dvinnāṃ cetanānaṃ ekato abhāvā, sotapatitattā pana evaṃ tanti gatāti veditabbā. **Rūpāyatananti-**ādi purimavāre “sabbantaṃ kusalan”ti saṃkhittassa pabhedadassanattham

vuttaṃ. Sesā saṃsandananayā, vacīkammakathā, “akusalena cittena samuṭṭhitan”ti-ādividhānaṅca sabbaṃ Pāḷi-anusāreṇeva veditabbaṃ. **Asucīti** panettha sukkaṃ adhippettaṃ. Suttasādhanāṃ uttānatthameva.

Rūpaṃ kammantikathāvaṇṇanā.

10. Jīvitindriyakathāvaṇṇanā

540. Idāni jīvitindriyakathā nāma hoti. Tattha yesaṃ jīvitindriyaṃ nāma cittavippayutto arūpadhammo, tasmā rūpajīvitindriyaṃ natthīti laddhi seyyathāpi Pubbaseliyānaṅceva Sammitiyānaṅca, te sandhāya pucchā sakavādissa, paṭiññā itarassa. **Natthi rūpīnaṃ dhammānaṃ āyūti** pañhe upādinnarūpānampi tiṇakaṭṭhādīnampi santānavasena pavattimeva āyu ṭhiti yapanā yāpanā iriyanā vattanā pālanāti icchati, tasmā paṭikkhipati. **Atthīti** pañhepi iminā kāraṇena paṭijānāti. **Atthi arūpajīvitindriyanti** pañhe arūpadhammānaṃ cittavippayuttaṃ jīvitindriyasantānaṃ nāma atthīti icchati, tasmā paṭijānāti.

541. **Rūpīnaṃ dhammānaṃ āyu arūpajīvitindriyanti** pañhe sattasantāne rūpino vā hontu arūpino vā, sabbesaṃ cittavippayuttaṃ arūpajīvitindriyameva icchati, tasmā paṭijānāti.

542. Nirodhasamāpannapañhesupi cittavippayuttaṃ arūpajīvitameva sandhāya paṭikkhipati ca paṭijānāti ca. Sakavādī pana taṃ asampaṭicchanto yaṃ arūpapavatte asati atthi, rūpena tena bhavitabbanti¹ codetuṃ **hañcīti-**ādimāha. Saṅkhārakkhandhapañhe phassādisaṅkhārakkhandham sandhāya paṭikkhipati, kāyakammādisaṅkhārakkhandham sandhāya paṭijānāti. Kāyaviññatti vacīviññatti sammāvācā sammākammanto jīvitindriyanti evamādayopi dhammā saṅkhārakkhandhāpariyāpannātissa laddhi. Sakavādī pana taṃ asampaṭicchanto yadi niruddhepi arūpapavatte saṅkhārakkhandho atthi, catunnampi khandhānaṃ atthitā hotīti codetuṃ **atthi vedanākkhandhoti-**ādimāha, itaro antosamāpattim sandhāya paṭikkhipati, samāpajantassa ca vuṭṭhahantassa ca pubbāparabhāgam sandhāya paṭijānāti.

1. Atthi rūpena bhavitabbanti (Sī, Syā)

543. Asaññasattavārepi eseva nayo. Tassa hi laddhiyā Asaññasattānaṃ paṭisandhikāle cittaṃ uppajjivā nirujjhati, tena saha cittavippayutta-arūpajīvitindriyaṃ uppajjivā yāvatāyukaṃ pavattati. Tasmā tesam jīvitindriyaṃ natthīti puṭṭho paṭikkhipati, atthīti puṭṭho paṭijānāti. Vedanākkhandhādayopi tesam pavattivasena paṭikkhipati, cutipaṭisandhivasena paṭijānāti. Sakavādī pana taṃ anicchanto “sace tattha ekakkhaṇepi vedanādayo atthi, pañcavokārabhavattaṃ pāpuṇāti”ti codetuṃ **pañcavokārabhavoti** āha. Itaro suttavirodhabhayā paṭikkhipati.

544-545. **Ekadesam bhijjati**ti pañhe sampayuttaṃ bhijjati, vippayuttaṃ tiṭṭhatīti tassa laddhi, tasmā paṭijānāti. **Dve jīvitindriyānīti** pucchā paravādissa, paṭiññā sakavādissa. Rūpārūpavasena hi dve jīvitindriyāni, tehiyeva satto jīvati, tesam bhaṅgena maratīti vuccati. Cutikkhaṇasmiñhi dvepi jīvitāni saheva bhijjanti.

Jīvitindriyakathāvaṇṇanā.

11. Kammahetukathāvaṇṇanā

546. Idāni kammahetukathā nāma hoti. Tattha yena arahatā purimabhava arahā abbhācikkhitapubbo, so tassa kammaṃsa hetu arahattā parihāyatīti yesam laddhi seyyathāpi Pubbaseliyānañceva Sammitiyānañca, te sandhāya **kammahetūti** pucchā sakavādissa, paṭiññā itarassa. Sesam parihānikathāya vuttanayameva.

Handa hi arahantānaṃ abbhācikkhatīti idam yassa kammaṃsa hetu parihāyati, taṃ sampaṭicchāpetuṃ vadati. Atha naṃ sakavādī taṃ pakkham paṭijānāpetvā “yadi evam yehi arahanto na abbhācikkhitapubbā, te sabbe arahattaṃ pāpuṇeyyūn”ti codetuṃ **ye kecīti-ādimāha**. Itaro tassa kammaṃsa arahattaṃ sampāpuṇane niyāmaṃ apassanto paṭikkhipati.

Kammahetukathāvaṇṇanā.

Aṭṭhamo vaggo.

9. Navamavagga

1. Ānisaṃsadassāvīkathāvaṇṇanā

547. Idāni ānisaṃsadassāvīkathā nāma hoti. Tattha sakasamaye saṅkhāre ādīnavato nibbānañca ānisaṃsato passantassa saṃyojanappahānaṃ hotīti nicchayo. Yesaṃ pana tesu dvīsupi ekasikavādaṃ gahetvā “ānisaṃsadassāvīnovā saṃyojanappahānaṃ hotī”ti laddhi seyyathāpi Andhakānaṃ, te sandhāya pucchā sakavādissa, paṭiññā itarassa. Athassa “ekasikavādo tayā gahito, ādīnavopi daṭṭhabbovevā”ti vibhāgadassanattaṃ sakavādī **saṅkhareti**-ādimāha.

Saṅkhāre ca aniccato manasikaroti, nibbāne ca ānisaṃsadassāvī hotīti pañhasmiṃ ayamadhippāyo—ānisaṃsadassāvissa saṃyojanānaṃ pahānaṃ hotīti tesāṃ laddhi. Nanu saṅkhāre aniccato manasikaroto saṃyojanā pahīyantīti ca puṭṭho āmantāti paṭijānāti. Tena te saṅkhāre ca aniccato manasikaroti, nibbāne ca ānisaṃsadassāvī hotīti idaṃ āpajjati, kiṃ sampaṭicchasi etanti. Tato paravādī ekacittakkhaṇaṃ sandhāya paṭikkhipati, dutiyaṃ puṭṭho nānācittavasena paṭijānāti. Sakavādī panassa adhippāyaṃ madditvā aniccamanasikārassa ānisaṃsadassāvītiya ca ekato paṭiññātattā **dvinnāṃ phassānaṃ dvinnāṃ cittānaṃ samodhānaṃ hotīti** pucchati. Itaro dvinnāṃ samodhānaṃ apassanto paṭikkhipati. **Dukkhatoti**-ādipañhesupi eseva nayo. Kiṃ panettha sanniṭṭhānaṃ, kiṃ aniccādito manasikaroto saṃyojanā pahīyanti, udāhu nibbāne ānisaṃsadassāvīya, udāhu dvepi ekato karontassāti. Yadi tāva aniccādito manasikaroto pahānaṃ bhavēyya, vipassanācitteneva bhavēyya, atha ānisaṃsadassāvīno, anussavavasena nibbāne ānisaṃsaṃ passantassa vipassanācitteneva bhavēyya, atha dvepi ekato karontassa bhavēyya, dvinnāṃ phassādīnaṃ samodhānaṃ bhavēyya. Yasmā pana ariyamaggakkhaṇe aniccādīmanasikārassa kiccaṃ nipphattiṃ gacchati puna niccatoti-ādīgahaṇassa anuppattidhamabhāvato, nibbāne ca paccakkhatova ānisaṃsadassanaṃ ijjhati, tasmā kiccanipphattivasena

aniccādito manasikaroto ārammaṇaṃ katvā pavattivasena ca nibbāne ānisaṃsadassāvissa saṃyojanānaṃ pahānaṃ hotīti veditabbaṃ.

548. **Nibbāne sukhānupassīti** suttaṃ nibbāne sukhānupassanādibhāvameva sādheti, na ānisaṃsadassāvitāmattena saṃyojanānaṃ pahānaṃ, tasmā ābhatampi anābhatasadisamevāti.

Ānisaṃsadassāvīkathāvaṇṇanā.

2. Amatārammaṇakathāvaṇṇanā

549. Idāni amatārammaṇakathā nāma hoti. Tattha yesaṃ “nibbānaṃ maññatī”ti-ādīnaṃ ayoniso atthaṃ gahetvā amatārammaṇaṃ saṃyojanaṃ hotīti laddhi seyyathāpi Pubbaseliyānaṃ, te sandhāya pucchā sakavādissa, paṭiññā itarassa. Atha naṃ sace amatārammaṇaṃ saṃyojanaṃ, amatassa saṃyojanīyādibhāvo āpajjatīti codetuṃ **amataṃ saṃyojanīyanti**-ādimāha, itaro suttavirodhabhayena sabbaṃ paṭikkhipati. Iminā upāyena sabbavāresu attho veditabbo. **Nibbānaṃ nibbānatoti** āhaṭasuttaṃ pana diṭṭhadhammanibbānaṃ sandhāya bhāsitaṃ, tasmā asādhakanti.

Amatārammaṇakathāvaṇṇanā.

3. Rūpaṃsārammaṇantikathāvaṇṇanā

552-553. Idāni rūpaṃ sārammaṇantikathā nāma hoti. Tattha rūpaṃ sappaccayaṭṭhena sārammaṇaṃ nāma hoti, na aññaṃ ārammaṇaṃ karotīti ārammaṇapaccayavasena. Yesaṃ pana avisesena rūpaṃ sārammaṇanti laddhi seyyathāpi Uttarāpathakānaṃ, te sandhāya ārammaṇatthassa vibhāgadassanattamaṃ pucchā sakavādissa, paṭiññā itarassa. Sesamettha Pāḷi-anusāreneva veditabbaṃ. **Na vattabbanti** pañhe olubbhārammaṇaṃ sandhāya paṭiññā sakavādissa. Dutiyapañhepi paccayārammaṇaṃ sandhāya paṭiññā tasseva. Iti sappaccayaṭṭhenevettha sārammaṇatā siddhāti.

Rūpaṃ sārammaṇantikathāvaṇṇanā.

4. Anusayā-anārammaṇakathāvaṇṇanā

554-556. Idāni anusayā anārammaṇātikathā nāma hoti. Tattha yesaṃ anusayā nāma cittavippayuttā ahetukā abyākatā, teneva ca anārammaṇāti laddhi seyyathāpi Andhakānañceva ekaccānañca Uttarāpathakānaṃ, te sandhāya **anusayāti** pucchā sakavādissa, paṭiññā itarassa. Atha naṃ anārammaṇena nāma evaṃvidhena bhavitabbanti codetuṃ **rūpanti**-ādimāha. **Kāmarāgoti**-ādi kāmarāgānusayato anaññattā dassitaṃ. **Saṅkhārakkhandho anārammaṇoti** pañhe cittasampayuttasaṅkhārakkhandhaṃ sandhāya paṭikkhipati. Anusayaṃ jīvitindriyaṃ kāyakammādirūpañca saṅkhārakkhandhāpariyāpannaṃ, taṃ sandhāya paṭijānāti. Imināvupāyena sabbavāresu attho veditabbo. **Sānusayoti** pañhe pana appahīnānusayattā sānusayatā anuññātā, na anusayānaṃ pavattisabbhāvā. Yo hi appahīno, na so atīto nānāgato na paccuppanno ca. Maggavajjhakilesa panesa appahīnattāva atthīti vuccati. Evarūpassa ca idaṃ nāma ārammaṇanti na vattabbaṃ. Tasmā taṃ paṭikkhittaṃ. Taṃ panetaṃ na kevalaṃ anusayassa, rāgādīnampi tādisameva, tasmā anusayānaṃ anārammaṇatāsādhakaṃ na hotīti.

Anusayā anārammaṇātikathāvaṇṇanā.

5. Ñāṇaṃanārammaṇantikathāvaṇṇanā

557-558. Idāni ñāṇaṃ anārammaṇantikathā nāma hoti. Tattha yasmā arahā cakkhuviññāṇasamaṅgī ñāṇīti vuccati, tassa ñāṇassa tasmim̐ khaṇe ārammaṇaṃ natthi, tasmā ñāṇaṃ anārammaṇanti yesaṃ laddhi seyyathāpi Andhakānaṃ, te sandhāya pucchā sakavādissa, paṭiññā itarassa. Sesametta anusayakathāyaṃ vuttanayeneva veditabbanti.

Ñāṇaṃ anārammaṇantikathāvaṇṇanā.

6. Atītānāgatārammaṇakathāvaṇṇanā

559-561. Idāni atītānāgatārammaṇakathā nāma hoti. Tattha yasmā atītānāgatārammaṇaṃ nāma natthi, tasmā tadārammaṇena cittena

ārammaṇassa natthitāya anārammaṇena bhavitabbanti atītaṃ anārammaṇanti yesaṃ laddhi seyyathāpi Uttarāpathakānaṃ, te sandhāya **atītārammaṇanti** pucchā sakavādissa, paṭiññā itarassa. Sesamettha yathāpālīmeva niyyātīti.

Atītanāgatārammaṇakathāvaṇṇanā.

7. Vitakkānupatitakathāvaṇṇanā

562. Idāni vitakkānupatitakathā nāma hoti. Tattha vitakkānupatitā nāma duvidhā ārammaṇato ca sampayogato ca. Tattha asukacittaṃ nāma vitakkassārammaṇaṃ na hotīti niyamābhāvato siyā sabbaṃ cittaṃ vitakkānupatitaṃ, vitakkavippayuttacittasabbhāvato pana na sabbaṃ cittaṃ vitakkānupatitaṃ. Iti imaṃ vibhāgaṃ akatvā aviseseneva sabbaṃ cittaṃ vitakkānupatitanti yesaṃ laddhi seyyathāpi Uttarāpathakānaṃ, te sandhāya pucchā sakavādissa, paṭiññā itarassa. Sesamettha Pāḷivaseneva niyyātīti.

Vitakkānupatitakathāvaṇṇanā.

8. Vitakkavipphārasaddakathāvaṇṇanā

563. Idāni vitakkavipphārasaddakathā nāma hoti. Tattha yasmā “vitakkavicārā vacīsaṅkhārā”ti vuttā, tasmā sabbaso vitakkayato vicārayato antamaso manodhātupavattikālepi vitakkavipphāro saddoyevāti yesaṃ laddhi seyyathāpi Pubbaseliyānaṃ, te sandhāya **sabbasoti** pucchā sakavādissa, paṭiññā itarassa. Atha naṃ yadi vitakkavipphāramattaṃ saddo, phassādivipphāropi saddo bhavyeyyāti codetuṃ **sabbaso phusayatoti-** ādimāha. Itaro tādīsaṃ suttalesaṃ apassanto paṭikkhipatī. **Vitakkavipphāro saddo sotaviññeyyoti** vitakkassa vipphāramattameva saddoti katvā pucchati, na vitakkavipphārasamuṭṭhitaṃ

suttapamattānaṃ saddaṃ, itaro paṭikkhipati. **Nanu vitakkavipphārasaddo na sotaviññeyyoti** idaṃ tasseva laddhiyā dasseti. So hi vitakkavipphāramattameva saddaṃ vadati, so na sotaviññeyyoti. Itaro pana “vitakkavipphārasaddaṃ sutvā ādisatī”¹ti vacanato sotaviññeyyovāti vadati.

Vitakkavipphārasaddakathāvaṇṇanā.

9. Nayathācittassavācātikathāvaṇṇanā

564. Idāni nayathācittassa vācātikathā nāma hoti. Tattha yasmā koci aññaṃ bhaṇissāmīti aññaṃ bhaṇati, tasmā nayathācittassa vācā cittānurūpā cittānugatikā na hoti, vināpi cittena pavattatīti yesaṃ laddhi seyyathāpi Pubbaseliyānaṃ, te sandhāya pucchā sakavādissa, paṭiññā itarassa. Atha naṃ “yadi taṃsamuṭṭhāpakānaṃ cittaṃ na siyā, phassādayopi tasmaṃ khaṇe na siyūn”ti codetuṃ **aphassakassāti**-ādimāha. **Na bhaṇitukāmoti**-ādisu yasmā aññaṃ bhaṇissāmīti aññaṃ bhaṇantopi bhaṇitukāmoyeva nāma hoti, tasmā na hevāti paṭikkhipati.

565. **Nanu atthi koci aññaṃ bhaṇissāmīti**-ādisu cīvaranti bhaṇitukāmo cīranti bhaṇeyya. Tattha aññaṃ bhaṇitukāmatācittaṃ, aññaṃ bhaṇanacittaṃ, iti pubbabhāgena cittena asadisattā ayathācitto nāma hoti, tenassa kevalaṃ anāpatti nāma hoti, na pana cīranti vacanasamuṭṭhāpakacittaṃ natthi, iti acittakā sā vācāti atthaṃ sandhāya iminā udāharaṇena “nayathācittassa vācā”ti patiṭṭhāpitāpi appatiṭṭhāpitāva hotīti.

Nayathācittassa vācātikathāvaṇṇanā.

10. Nayathācittassakāyakammantikathāvaṇṇanā

566-567. Idāni nayathācittassa kāyakammantikathā nāma hoti. Tattha yasmā koci aññatra gacchissāmīti aññatra gacchati, tasmā nayathācittassa kāyakammaṃ cittānurūpaṃ cittānugatikaṃ na hoti, vināpi cittaena pavattatīti yesaṃ laddhi seyyathāpi Pubbaseliyānaṃyeva, te sandhāya pucchā sakavādissa, paṭiññā itarassa. Sesamettha heṭṭhā vuttanayeneva veditabbanti.

Nayathācittassa kāyakammantikathāvaṇṇanā.

11. Atītānāgatasamannāgatakathāvaṇṇanā

568-570. Idāni atītānāgatehi samannāgatakathā nāma hoti. Tattha samannāgatapaññatti paṭilābhapaññattīti dve paññattiyo veditabbā. Tāsu paccuppannadhammasamaṅgī samannāgatoti vuccati. Aṭṭha samāpattilābhino pana samāpattiyo kiñcāpi na ekakkhaṇe pavattanti, aññā atītā honti, aññā anāgatā aññā paccuppannā, paṭivijjhivā aparihīnatāya pana lābhīti vuccati. Tattha yesaṃ imaṃ vibhāgaṃ aggahetvā yasmā jhānalābhīnaṃ atītānāgatāni jhānānīpi atthi, tasmā “te atītenapi anāgatenapi samannāgatā”ti laddhi seyyathāpi Andhakānaṃ, te sandhāya pucchā sakavādissa, paṭiññā itarassa. Sesamettha uttānatthamevāti. “Aṭṭhavimokkhajhāyī”ti-ādi pana lābhībhāvassa sādhamā, na samannāgatabhāvassāti.

Atītānāgatasamannāgatakathāvaṇṇanā.

Navamo vaggo.

10. Dasamavagga

1. Nirodhakathāvaṇṇanā

571-572. Idāni nirodhakathā nāma hoti. Tattha yesaṃ “upapattesiyaṃti saṅkhamā gatassa bhavaṅgacittassa bhaṅgakkhaṇena saheva kiriyāti saṅkhamā

gatā kusalā vā akusalā vā cattāro khandhā cittasamuṭṭhānarūpañcāti pañcakkhandhā uppajjanti. Tesu hi anuppannesu bhavaṅge¹ niruddhe santativicchedo bhaveyyā”ti laddhi seyyathāpi Andhakānaṃ, te sandhāya **upapattesiye**ti pucchā sakavādissa, paṭiññā itarassa. Tattha **upapattesiye**ti catūsipi padesu bahuvacanabhummattthe ekavacanabhummaṃ, upapattesiyesu pañcasu khandhesu aniruddhesūti ayañhettha attho.

Dasannanti upapattesiyaḥkhandhānañca kiriyakhandhānañca vasena vuttaṃ. Tattha paṭhamapañhe khandhalakkhaṇavasena kiriyavasena ca pañceva nāma te khandhāti paṭikkhipati. Dutiyapañhe purimapacchimavasena upapattesiyaḥkiriyavasena ca nānattaṃ sandhāya paṭijānāti. Dvinnāṃ pana phassānaṃ cittānañca samodhānaṃ puṭṭho suttalesābhāvena paṭikkhipati.

Kiriya cattāroti rūpena vinā kusalā akusalā vā cattāro gahitā.

Kiriyaññanti paravādinā cakkhuviññāṇasamaṅgikkhaṇe arahato anuññātaṃ anārammaṇāññaṃ. **Niruddhe maggo uppajjati**ti pucchā paravādissa, aniruddhe anuppajjanato paṭiññā sakavādissa. **Mato maggaṃ bhāveti**ti chalena pucchā paravādissa. Yasmā pana paṭisandhito yāva cuticcitā satto jīvatīyeva nāma, tasmā sakavādī **na hevanti** paṭikkhipati.

Nirodhakathāvaṇṇanā.

2. Rūpaṃmaggotikathāvaṇṇanā

573-575. Idāni rūpaṃ maggotikathā nāma hoti. Tattha yesaṃ “sammāvācākamantājīvā rūpaṃ”ti laddhi seyyathāpi Mahisāsakasammitiyamahāsaṅghikānaṃ, te sandhāya **maggasamaṅgissāti** pucchā sakavādissa, paṭiññā itarassa. Atha naṃ “yadi te sammāvācādayo rūpaṃ, na viratiyo, yathā sammādiṭṭhādimaggo sārammaṇādisabhāvo, evaṃ tampi rūpaṃ siyā”ti codetuṃ **sārammaṇoti**-ādimāha. Tattha paṭikkhepo ca paṭiññā ca paravādinō laddhi-anurūpena veditabbā. Sesamettha uttānatthamevāti.

Rūpaṃ maggotikathāvaṇṇanā.

1. Bhavaṅgacitte (Syā)

3. Pañcaviññāṇasamaṅgissamaggakathāvaṇṇanā

576. Idāni pañcaviññāṇasamaṅgissa maggakathā nāma hoti. Tattha yesaṃ “cakkhunā rūpaṃ disvā na nimittaggāhī hoti”ti suttaṃ nissāya “pañcaviññāṇasamaṅgissa atthi maggabhāvanā”ti laddhi seyyathāpi Mahāsaṃghikānaṃ, te sandhāya pucchā sakavādissa, paṭiññā itarassa. Atha naṃ “sace tassa maggabhāvanā atthi, pañcaviññāṇagatikena vā maggena, maggagatikehi vā pañcaviññāṇehi bhavitabbaṃ, na ca tāni maggagatikāni anibbānārammaṇattā alokuttarattā ca, na maggo pañcaviññāṇagatiko tesam lakkhaṇena asaṅgahitattā”ti codetuṃ **nanu pañcaviññāṇā uppannavatthukā**ti-ādimāha. Tatrāyaṃ adhippāyo—yadi pañcaviññāṇasamaṅgissa maggabhāvanā siyā, yena manoviññāṇena maggo sampayutto, tampi pañcaviññāṇasamaṅgissa siyā. Evaṃ sante yadidaṃ “pañcaviññāṇā uppannavatthukā”ti-ādi lakkhaṇaṃ vuttaṃ, taṃ evaṃ avatvā “cha viññāṇā”ti vattabbaṃ siyā. Tathā pana avatvā “pañcaviññāṇā”tveva vuttaṃ, tasmā na vattabbaṃ “pañcaviññāṇasamaṅgissa atthi maggabhāvanā”ti. Yasmā cettha ayameva adhippāyo, tasmā sakavādī taṃ lakkhaṇaṃ paravādiṃ sampañicchāpetvā **no ca vata re vattabbe pañcaviññāṇasamaṅgissa atthi maggabhāvanā**ti āha.

Aparo nayo—pañcaviññāṇā uppannavatthukā, maggo avatthukopi hoti. Te ca uppannārammaṇā, maggo navattabbārammaṇo. Te purejātavatthukāva, maggo avatthukopi. Te purejātārammaṇā, maggo apurejātārammaṇo. Te ajjhattikavatthukāva, maggo avatthukopi hoti. Te ca rūpādivasena bāhirārammaṇā, maggo nibbānārammaṇo. Te aniruddhaṃ vatthuṃ nissayaṃ katvā pavattanato asambhinnavatthukā, maggo avatthukopi. Te aniruddhāneva rūpādīni ārabha pavattanato asambhinārammaṇā, maggo nibbānārammaṇo. Te nānavatthukā, maggo avatthuko vā ekavatthuko vā. Te nānārammaṇā, maggo ekārammaṇo. Te attano attanova rūpādigocare pavattanato na aññamaññassa gocaravisayaṃ paccanubhonti, maggo rūpādīsu ekampi gocaraṃ na karoti. Te kiriyamanodhātuṃ purecārikaṃ katvā uppajjanato na asamannāhārā na amanasikārā uppajjanti, maggo nirāvajjanova. Te sampañicchanādīhi vokiṇṇā uppajjanti, maggassa vokāroyeva natthi. Te aññamaññaṃ

pubbacarimabhāvena uppajjanti, maggassa tehi saddhim purimapacchimatāva natthi tesam anuppattikāle tikkhavipassanāsamaye, tesam anuppattidese āruppepi ca uppajjanato. Te sampaṭicchanaḍḍhi antaritattā na aññamaññassa samanantarā uppajjanti, maggassa sampaṭicchanaḍḍhi antaritabhāvova natthi. Tesam aññatra abhinipātā ābhogamattampi kiccaṃ natthi, maggassa kilesasamugghātanam kiccanti. Yasmā cettha ayampi adhippāyo, tasmā sakavādī imehākārehi paravādim maggassa apañcaviññānagatikabhāvam sampaṭicchāpetvā **no ca vata re vattabbe pañcaviññānasamaṅgissa atthi maggabhāvanāti** āha.

577. **Suññatam ārabbhāti** “yathā lokuttaramaggo suññatam nibbānam ārabbhā, lokiyo suddhasaṅkhārapuñjam ārabbhā uppajjati, kim te evam cakkhuviññānan”ti pucchti. Itaro “cakkhuñca paṭicca rūpe cā”ti vacanato paṭikkhipati. Dutiyam puṭṭho “na nimittaggāhī”ti vacanato yam tattha animittam, tadeva suññatanti sandhāya paṭijānāti. **Cakkhuñca paṭiccāti** pañhadvayepi eseva nayo.

578-579. **Cakkhuviññānam atītānāgataṃ ārabbhāti** ettha ayamadhippāyo—manoviññānasamaṅgissa atthi maggabhāvanā, manoviññānañca atītānāgatampi ārabbhā uppajjati, kim te evam cakkhuviññānampīti. **Phassam ārabbhāti**-ādīsipi eseva nayo. **Cakkhunā rūpam disvā na nimittaggāhīti** ettha javanakkhaṇe na nimittaggāhitā vuttā, na cakkhuviññānakkhaṇe. Tasmā lokiyamaggampi sandhāyetaṃ asādhakanti.

Pañcaviññānasamaṅgissa maggakathāvaṇṇanā.

4. Pañcaviññānakusalāpītikathāvaṇṇanā

580-583. Idāni pañcaviññānā kusalāpītikathā nāma hoti. Sā heṭṭhā vuttanayeneva atthato veditabbāti.

Pañcaviññānā kusalāpītikathāvaṇṇanā.

5. Pañcaviññāṇāsābhogātikathāvaṇṇanā

584-586. Idāni pañcaviññāṇā sābhogāti kathā nāma hoti. Tattha ābhogo nāma kusalākusalavasena hoti¹, Satthārā ca “cakkhunā rūpaṃ disvā nimittaggāhī hoti na nimittaggāhī hoti”ti-ādi vuttaṃ, taṃ ayoniso gahetvā “pañcaviññāṇā sābhogā”ti yesaṃ laddhi seyyathāpi Mahāsaṃghikānaṃ, te sandhāya pucchā sakavādissa, paṭiññā itarassa. Sesamettha purimakathāsadisamevāti.

Pañcaviññāṇā sābhogātikathāvaṇṇanā.

6. Dvīhisīlehītikathāvaṇṇanā

587-589. Idāni dvīhi sīlehītikathā nāma hoti. Tattha “sīle patiṭṭhāya naro sapañño”ti² ādivacanato yasmā lokiyena sīlena sīlavā lokuttaraṃ maggaṃ bhāveti, tasmā “purimena ca lokiyena maggakkhaṇe lokuttarena cāti dvīhi sīlehi samannāgato nāma hoti”ti yesaṃ laddhi seyyathāpi Mahāsaṃghikānaṃyeva, te sandhāya **maggasamaṅgī**ti pucchā sakavādissa, paṭiññā itarassa. Atha naṃ “yadi so ekakkhaṇe lokiyalokuttarehi dvīhi sīlehi samannāgato, dvīhi phassādīhipi tena samannāgatena bhavitabban”ti codetuṃ **dvīhi phassehī**ti-ādimāha. Itaro tathārūpaṃ nayaṃ apassanto paṭikkhipati. **Lokiyena ca lokuttarena cāti** pañhe pubbe samādinnañce maggakkhaṇe uppannasammāvācādīni ca sandhāya paṭijānāti.

Lokiye sīle niruddheti pucchā paravādissa, khaṇabhaṅganirodhaṃ sandhāya paṭiññā sakavādissa. Itaro pana taṃ vītakkamaṃ viya sallakkhento **dussīloti**-ādimāha. Laddhipatiṭṭhāpanaṃ panassa pubbe abhinnaṣīlataṃyeva dīpeti, na dvīhi samannāgatataṃ. Tasmā appatiṭṭhitāva laddhīti.

Dvīhi sīlehītikathāvaṇṇanā.

1. Namī (Tīkāyaṃ), namanāṃ (?)

2. Saṃ 1. 13 piṭṭhe.

7. Sīlamācetasikantikathāvaṇṇanā

590-594. Idāni sīlamācetasikantikathā nāma hoti. Tattha yasmā sīle uppajjitvā niruddhepi samādānahetuko sīlopacayo nāma atthi, yena so sīlavāyeva nāma hoti, tasmā “sīlamācetasikan”ti yesam laddhi seyyathāpi Mahāsaṃghikānaṃ, te sandhāya pucchā sakavādissa, paṭiññā itarassa. Sesamettha “dānamācetasikan”tikathāyaṃ vuttanayeneva vedītabbāṃ. Laddhipaṭiṭṭhāpanampi ayoniso gahitattā appaṭiṭṭhāpanamevāti.

Sīlamācetasikantikathāvaṇṇanā.

8. Sīlamnacittānuparivattītikathāvaṇṇanā

595-597. Idāni sīlamā na cittānuparivattītikathā nāma hoti. Tattha na cittānuparivattīti bhāsantameva nānaṃ, sesam purimakathāsadisamevāti.

Sīlamā na cittānuparivattītikathāvaṇṇanā.

9. Samādānahetukakathāvaṇṇanā

598-600. Idāni samādānahetukakathā nāma hoti. Tattha “ārāmaropā”ti gāthāya attham ayoniso gahetvā “sadā puññaṃ pavaḍḍhatī”ti vacanato “samādānahetukam sīlamā vaḍḍhatī”ti yesam laddhi seyyathāpi Mahāsaṃghikānaññeva, te sandhāya pucchā sakavādissa, cittavippayuttam sīlopacayaṃ sandhāya paṭiññā paravādissa. Sesam purimakathāsadisamevāti.

Samādānahetukakathāvaṇṇanā.

10. Viññattisīlantikathāvaṇṇanā

601-602. Idāni viññatti sīlantikathā nāma hoti. Tattha kāyaviññatti, kāyakammaṃ, vacīviññatti, vacīkammanti gahitattā “viññatti sīlan”ti yesam laddhi seyyathāpi Mahāsaṃghikānaññeva Sammitiyānañca, te sandhāya

viññattīti pucchā sakavādissa, paṭiññā itarassa. Atha nam yasmā sīlam nāma virati, na rūpadhammo, tasmā tenatthena codetum **pāṇātipātā veramaṇī**-ādimāha. **Abhivādanam sīlanti**¹ ādi yathārūpam viññattim so “sīlan”ti maññati², tam uddharitvā dassetum vuttam. Yasmā pana sā virati na hoti, tasmā puna **pāṇātipātā**-ādimāha. Laddhi panassa chalena patiṭṭhitattā appatiṭṭhitāyevāti.

Viññatti sīlantikathāvaṇṇanā.

11. Aviññattidussīlyantikathāvaṇṇanā

603-604. Idāni aviññatti dussīlyantikathā nāma hoti. Tattha cittavippayuttam apuññūpacayañceca āṇattiyā ca pāṇātipātādīsu aṅgapāripūrim sandhāya “aviññatti dussīlyan”ti yesam laddhi seyyathāpi Mahāsamghikānam, te sandhāya pucchā sakavādissa, paṭiññā itarassa. Atha nam “sace sā dussīlyam, pāṇātipātādīsu aññatarā siyā”ti codetum **pāṇātipātoti**-ādimāha. **Pāpakammaṃ samādiyivāti** “asukam nāma ghātessāmi, asukam bhaṇḍam avaharissāmi”ti evam pāpasamādānam katvā. **Ubho vaḍḍhantī**ti puṭṭho dānakkhaṇe pāpassa anuppattim sandhāya paṭikkhipati. Dutiyam puṭṭho cittavippayuttam pāpūpacayam sandhāya paṭijānāti. Sesamettha paribhogamayakathāyam vuttanayeneva veditabbam. Laddhipatiṭṭhāpanampissa pāpasamādinnaṃpubbabhāgameva sādheti, na aviññattiyā dussīlabhāvanti.

Aviññatti dussīlyantikathāvaṇṇanā.

Dasamo vaggo.

Dutiyapaṇṇāsako samatto.

1. Abhivādanādīhi sīlanti (Syā)

2. Paññatti (Syā)

11. Ekādasamavagga

1-3. Tissopi-anusayakathāvaṇṇanā

605-613. Idāni anusayā abyākatā, ahetukā, cittavippayuttāti tissopi anusayakathā nāma honti. Tattha yasmā puthujjano kusalābyākate citte vattamāne “sānusayo”ti vattabbo, yo cassa tasmim̄ khaṇe hetu, na tena hetunā anusayā sahetukā, na tena cittena sampayuttā, tasmā “te abyākatā, ahetukā, cittavippayuttā”ti yesam̄ laddhi seyyathāpi Mahāsaṃghikānañceva Sammitiyānañca, te sandhāya tīsupi kathāsu pucchā sakavādissa, paṭiññā itarassa. Sesam̄ heṭṭhā vuttanayattā sakkā Pāḷimaggena jānitunti tasmā na vitthāritanti.

Tissopi anusakayathāvaṇṇanā.

4. Ñāṇakathāvaṇṇanā

614-615. Idāni ñāṇakathā nāma hoti. Tattha maggañāṇena aññāṇe vigatepi puna cakkhuviññāṇādivasena ñāṇavippayuttacitte vattamāne yasmā taṃ maggacittaṃ na pavattati, tasmā “na vattabbaṃ ñāṇī”ti yesam̄ laddhi seyyathāpi Mahāsaṃghikānaṃ, te sandhāya pucchā sakavādissa, paṭiññā itarassa. Atha naṃ “yadi aññāṇe vigate ‘ñāṇī’ti paññatti na siyā, rāgādīsu vigatesu vītarāgādīpaññattipi na siyāti puggalapaññattiyam̄ akovidosī”ti codetum̄ **rāge vigateti**-ādimāha. Itaro tesu vigatesu sarāgādībhāve yuttim̄ apassanto paṭikkhipati. Pariyosāne yasmā ñāṇapaṭilābhena so ñāṇīti vattabbaṃ arahati, tasmā **na hevanti** paṭikkhepo sakavādissāti.

Ñāṇakathāvaṇṇanā.

5. Ñāṇaṃcittavippayuttantikathāvaṇṇanā

616-617. Idāni ñāṇaṃ cittavippayuttantikathā nāma hoti. Tattha yasmā arahā cakkhuviññāṇadisamaṅgī paṭiladdhaṃ maggañāṇaṃ sandhāya “ñāti”ti vuccati, na cassa taṃ tena cittaena sampayuttaṃ, tasmā “ñāṇaṃ cittavippayuttan”ti yesaṃ laddhi seyyathāpi Pubbaseliyānaṃ, te sandhāya pucchā sakavādissa, paṭiññā itarassa. Atha naṃ “yadi te ñāṇaṃ cittavippayuttaṃ, cittavippayuttesu rūpādīsu aññataraṃ siyā”ti codetuṃ **rūpanti**-ādimāha, itaro paṭikkhipati. Sesaṃ hetṭhā vuttanayameva. Pariyosāne pana **paññavāti** puṭṭho paṭilābhavasena taṃ pavattiṃ icchati, tasmā paṭijānātīti.

Ñāṇaṃ cittavippayuttantikathāvaṇṇanā.

6. Idamdukkhantikathāvaṇṇanā

618-620. Idāni idaṃ dukkhantikathā nāma hoti. Tattha yesaṃ “lokuttaramaggakkhaṇe yogāvacarō idaṃ dukkhanti vācaṃ bhāsati, evamassa idaṃ dukkhanti vācaṃ bhāsato ca idaṃ dukkhanti ñāṇaṃ pavattatī”ti laddhi seyyathāpi Andhakānaṃ, te sandhāya pucchā sakavādissa, maggakkhaṇe tathā vācābhāsanaṃ ñāṇappavattiṅca sandhāya paṭiññā itarassa. Yasmā pana so sesasaccapaṭisaṃyuttaṃ vācaṃ puthujjanova bhāsati, na ca tassa tathā ñāṇappavattīti¹ icchati, tasmā samudayādīpañhesu paṭikkhipati. **Rūpaṃ aniccanti**-ādi dukkhaṇāyadassanavasena vuttaṃ, itaro pana sakasamaye tādīsaṃ vohāraṃ aṇṇanto paṭikkhipati. **Iti ca danticāti**-ādi yadi tassa dukkhe ñāṇaṃ pavattatī, i-kāra daṃ-kāra du-kāra kha-kāresu paṭipāṭiyā catūhi ñāṇehi pavattitabbanti dassetuṃ vuttaṃ. Itaro pana tathā na icchati, tasmā paṭikkhipati.

Idaṃ dukkhantikathāvaṇṇanā.

1. Ñāṇaṃ pavattatīti (Syā)

7. Iddhibalakathāvaṇṇanā

621-624. Idāni iddhibalakathā nāma hoti. Tattha iddhipādabhāvanānisaṃsassa atthaṃ ayoniso gahetvā “iddhibalena samannāgato kammaṃ tiṭṭheyyā”ti yesaṃ laddhi seyyathāpi Mahāsaṃghikānaṃ, te sandhāya **iddhibalena samannāgato kammaṃ tiṭṭheyyā**ti pucchā sakavādissa. Tattha kappo nāma mahākappo, kappekadeso, āyukappoti tividho. “Cattārimāni bhikkhave kappassa asaṅkhyeyyāni”ti¹ ettha hi mahākappova kappoti vutto. “Brahmakāyikānaṃ devānaṃ kappo āyuppamāṇan”ti² ettha kappekadeso. “Kammaṃ nirayamhi paccati, kammaṃ saggamhi modatī”ti³ ettha āyukappo, āyukappanaṃ āyuvīdhānaṃ kammaṃ vipākavasena vā vassagaṇanāya vā āyuparicchedoti attho. Tesu mahākammaṃ sandhāya pucchati, itaro paṭijānāti.

Atha naṃ sakavādī “sace te iddhibalena samannāgato ‘yo ciraṃ jīvati, so vassasataṃ appaṃ vā bhīyyo’⁴ti evaṃ paricchinnā āyukappā uddhaṃ mahākammaṃ vā mahākappekadesaṃ vā jīveyya, iddhimayikenassa āyuna bhavitabban”ti codetum **iddhimayiko so āyūti**-ādimāha. Itaro “jīvitindriyaṃ nāma iddhimayikaṃ natthi, kammaṃ samuṭṭhānamevā”ti vuttatā paṭikkhipati. Ko panettha iddhimato viseso, nanu aniddhimāpi āyukappaṃ tiṭṭheyyāti? Ayaṃ viseso—iddhimā hi yāvatāyukaṃ jīvitappavattiyā antarāyakare dhamme iddhibalena paṭibāhitvā antarā akālamaraṇaṃ nivāretum sakkoti, aniddhimato etaṃ balaṃ natthi. Ayametesam viseso.

Atītaṃ anāgatanti idaṃ avisesena kammaṃ tiṭṭheyyāti paṭiññātattā codeti. **Dve kappeti**-ādi “yadi iddhimā jīvitaparicchedaṃ atikkamitum sakkoti, na kevalaṃ ekaṃ anekepi kappe tiṭṭheyyā”ti codanatthaṃ vuttaṃ. **Uppanno phassoti**-ādi na sabbaṃ iddhiyā labbhati, iddhiyā avisayopi atthīti dassetum vuttaṃ. Sesamettha uttānatthamevāti.

Iddhibalakathāvaṇṇanā.

1. Am 1. 460 piṭṭhe.

3. Vi 4. 369 piṭṭhe.

2. Am 1. 441 piṭṭhe.

4. Saṃ 1. 398 piṭṭhe.

8. Samādhikathāvaṇṇanā

625-626. Idāni samādhikathā nāma hoti. Tattha yesaṃ ekacittakkhaṇe uppannāpi ekaggatā samādhānaṭṭhena samādhīti aggahetvā “satta rattindivāni ekantasukhapaṭṭisaṃvedī viharitun”ti-ādivacanaṃ¹ nissāya “cittasantati samādhī”ti laddhi seyyathāpi Sabbatthivādānañceva Uttarāpathakānañca, te sandhāya **cittasantatī**ti pucchā sakavādissa, paṭiññā itarassa. Atha naṃ “yadi cittasantati samādhī, cittasantati nāma atītāpi atthi, anāgatāpi atthi. Na hi ekaṃ paccuppannacittameva cittasantati nāma hoti, kiṃ te sabbāpi sā samādhī”ti codetuṃ **atītā**ti-ādimāha, itaro tathā anicchanto paṭikkhipati.

Nanu atītaṃ niruddhanti-ādi “cittasantatiyaṃ paccuppannameva cittaṃ kiccakaraṃ, atītānāgataṃ niruddhattā anuppannattā ca natthi, kathaṃ taṃ samādhī nāma hoti”ti dassetuṃ vuttaṃ. **Ekacittakkhaṇikoti**ti pucchā paravādissa. Tato yā sakasamaye “samādhim bhikkhave bhāvēthā”ti-ādīsu paccuppannakusalacittasampayuttā ekaggatā samādhīti vuttā, taṃ sandhāya paṭiññā sakavādissa. **Cakkhuvīññānasamaṅgī**ti-ādi “ekacittakkhaṇiko”ti vacanamattaṃ gahetvā chalena vuttaṃ, teneva sakavādinā paṭikkhittaṃ. **Nanu vuttaṃ Bhagavatā**ti suttaṃ purimapacchimavasena pavattamānassa samādhissa abbokiṇṇataṃ sādheti, na santatiyā samādhībhāvaṃ, tasmā asādhakanti.

Samādhikathāvaṇṇanā.

9. Dhammaṭṭhitatākathāvaṇṇanā

627. Idāni dhammaṭṭhitatākathā nāma hoti. Tattha “ṭhitāva sā dhātū”ti vacanaṃ nissāya “paṭiccasamuppādasāṅkhātā dhammaṭṭhitatā nāma ekā atthi, sā ca parinipphannā”ti yesaṃ laddhi seyyathāpi Andhakānaṃ, te sandhāya pucchā sakavādissa, paṭiññā itarassa. Atha naṃ “yadi parinipphannānaṃ avijjādīnaṃ

1. Ma 1. 132 piṭṭhe.

aññā dhammaṭṭhitatā nāma parinipphannā atthi, tāyapi ca te dhammaṭṭhitatāya aññā ṭhitatā parinipphannā āpajjati”ti codetum **tāya ṭhitatā**ti-ādimāha, paravādī evarūpāya laddhiyā abhāvena paṭikkhipati. Dutiyam puṭṭho anantarapaccayatañceva aññamaññapaccayatañca sandhāya paṭijānāti. Sesam heṭṭhā vuttanayattā uttānatthamevāti.

Dhammaṭṭhitatākathāvaṇṇanā.

10. Aniccatākathāvaṇṇanā

628. Idāni aniccatākathā nāma hoti. Tattha “aniccānam rūpādīnam aniccatāpi rūpādayo viya parinipphannā”ti yesam laddhi seyyathāpi Andhakānam, te sandhāya pucchā sakavādissa, paṭiññā itarassa. Atha nam “yadi te rūpādayo viya aniccatā parinipphannā, tassāpi aññāya parinipphannāya aniccatāya bhavitabban”ti codetum **tāya aniccatāyā**ti-ādimāha. Itaro dvinnam aniccatāya ekato abhāvena paṭikkhipitvā puna yasmā sā aniccatā niccā na hoti, teneva aniccena saddhim antaradhāyati, tasmā paṭijānāti. Athassa sakavādī lesokāsam adatvā yā tena dutiyā aniccatā paṭiññātā, tāyapi tato parāyapīti paramparavasena anupacchedadosam āropento **tāya tāyevāti**-ādimāha. **Jarā parinipphannāti**-ādi yasmā uppanassa jarāmarāṇato aññā aniccatā nāma natthi, tasmā aniccatāvibhāgānuyuñjanavasena vuttaṃ. Tatrāpi paravādino purimanayeneva paṭiññā ca paṭikkhepo ca vedītabbo.

629. **Rūpam parinipphannanti**-ādi yesam sā aniccatā, tehi saddhim saṃsandanattham vuttaṃ. Tattha “yathā parinipphannānam rūpādīnam aniccatājarāmarāṇāni atthi, evam parinipphannānam aniccatādīnam tāni natthi”ti maññamāno ekantena paṭikkhipatiyevāti.

Aniccatākathāvaṇṇanā.

Ekādasamo vaggo.

12. Dvādasamavagga

1. Saṁvaro kammantikathāvaṇṇanā

630-632. Idāni saṁvaro kammantikathā nāma hoti. Tattha “cakkhunā rūpaṁ disvā nimittaggāhī hoti na nimittaggāhī hotī”ti suttam nissāya “saṁvaropi asaṁvaropi kamman”ti yesaṁ laddhi seyyathāpi Mahāsaṁghikānaṁ, te sandhāya pucchā sakavādissa, paṭiññā itarassa.

Atha naṁ yā sakasamaye cetanā “kamman”ti vuttā yathā sā kāyavacīmanodvāresu pavattamānā kāyakammādināmaṁ labhati, tathā “yadi te saṁvaro kamman, sopi cakkhundriyādīsū pavattamāno cakkhukammādināmaṁ labheyyā”ti codetum **cakkhundriyasamvaro cakkhukammanti**-ādimāha. Itaro tādisaṁ suttapadaṁ apassanto catūsū dvāresu paṭikkhipitvā pañcame kāyadvāre pasādakāyaṁ sandhāya paṭikkhipati, viññattikāyaṁ sandhāya paṭijānāti. So hi pasādakāyampi viññattikāyampi kāyindriyantveva icchati. Manodvārepi vipākadvāraṁ sandhāya paṭikkhipati, kammadvāraṁ sandhāya paṭijānāti. Asaṁvarepi eseva nayo. “Cakkhunā rūpaṁ disvā”ti suttam tesu dvāresu saṁvarāsaṁvaremeva dīpeti, na tassa kammabhāvaṁ, tasmā asādhakanti.

Saṁvaro kammantikathāvaṇṇanā.

2. Kammakathāvaṇṇanā

633-635. Idāni kammakathā nāma hoti. Tattha “nāhaṁ bhikkhave sañcetanikānaṁ kammānaṁ”ti¹ suttapadaṁ nissāya “sabbaṁ kamman savipākaṁ”ti yesaṁ laddhi seyyathāpi Mahāsaṁghikānaṁ, tesam “cetanāhaṁ bhikkhave kamman vadāmi”ti² Satthārā avisesena cetanā “kamman”ti vuttā, sā ca kusalākusalāva savipākā, abyākatā avipākāti imaṁ vibhāgaṁ dassetum **sabbaṁ kammanti** pucchā sakavādissa, paṭiññā itarassa. Puna **sabbā cetanāti** pañhesu abyākataṁ sandhāya paṭikkhepo, kusalākusale sandhāya paṭiññā

1. Am 3. 497 piṭṭhe.

2. Am 2. 363 piṭṭhe.

veditabbā. **Vipākābyākātā**ti-ādi savipākāvipākacetanaṃ sarūpena dassetuṃ vuttaṃ. Sesamettha uttānatthameva. “Nāhaṃ bhikkhave”ti suttam sati paccaye diṭṭhadhammādisu vipākapaṭisaṃvedanaṃ sandhāya vuttaṃ, tasmā asādhakanti.

Kammakathāvaṇṇanā.

3. Saddo vipākotikathāvaṇṇanā

636-637. Idāni saddo vipākotikathā nāma hoti. Tattha “so tassa kammaṃ katattā upacitattā ussannattā vipulattā brahmāssaro hoti”ti-ādīni¹ ayoniso gahetvā “saddo vipāko”ti yesaṃ laddhi seyyathāpi Mahāsaṃghikānaṃ, tesāṃ “kammaṃ samuṭṭhānā arūpadhammāva² vipākāti nāmaṃ labhanti, rūpadhammesu paṇāyaṃ vohāro natthi”ti dassetuṃ pucchā sakavādissa, paṭiññā itarassa. **Sukhavedanīyoti**-ādi “vipāko nāma evarūpo hoti”ti dassanattam vuttaṃ. “So tassa kammaṃ”ti suttam lakkhaṇapaṭilābhadassanattam vuttaṃ. Mahāpuriso hi kammaṃ³ katattā suciparivāropi hoti, na ca parivāro vipāko, tasmā asādhakametanti.

Saddo vipākotikathāvaṇṇanā.

4. Saḷāyatanakathāvaṇṇanā

638-640. Idāni saḷāyatanakathā nāma hoti. Tattha yasmā saḷāyatanam kammaṃ katattā uppannam, tasmā “vipāko”ti yesaṃ laddhi seyyathāpi Mahāsaṃghikānaṃ, te sandhāya **cakkhāyatanam vipākoti** pucchā sakavādissa, paṭiññā itarassa. Sesāṃ heṭṭhā vuttanayameva. **Saḷāyatanam vipākoti** ettha manāyatanam siyā vipāko, sesāni kevalam kammaṃ samuṭṭhānāni, na vipāko. Tasmā asādhakametanti.

Saḷāyatanakathāvaṇṇanā.

1. Dī 3. 141 piṭṭhe.

2. Arūpadhammā (Syā)

3. Purimakammaṃ (Syā)

5. Sattakkhattuparamakathāvaṇṇanā

641-645. Idāni sattakkhattuparamakathā nāma hoti, tattha yasmā “sattakkhattuparamo”ti vuttam, tasmā “sattakkhattuparamo puggalo sattakkhattuparamatāya niyato”ti yesam laddhi seyyathāpi Uttarāpathakānam, tesam ṭhapetvā “ariyamaggam añño tassa niyamo natthi, yena so sattakkhattuparamatāya niyato bhavyeṃyā”ti imam vibhāgam dassetuṃ pucchā sakavādissa, paṭiññā itarassa.

Mātā jīvītāti-ādīsu ayamadhippāyo—dve niyāmā sammattaniyāmo ca micchattaniyāmo ca. Sammattaniyāmo ariyamaggo, so avinipātadhammatañceva phaluppattiñca niyameti. Micchattaniyāmo ānantariyakammaṃ, taṃ anantarā nirayūpapattiṃ niyameti. Tattha sattakkhattuparamo sotāpattimaggena avinipātadhammatāya ca phaluppattiyā ca niyapito, sesamagganiyāmo panassa natthi anadhigatattā, ānantariyampi kātuṃ so abhabbo, tvaṃ panassa niyāmaṃ icchasi, tena taṃ vadāma “kiṃ te so iminā micchattaniyāmeva niyamito”ti.

Abhabbo antarāti pañhesu ānantariyābhāvaṃ sandhāya paṭikkhipati, sattakkhattuparamaṃ sandhāya paṭijānāti. **Atthi so niyāmoti** pañhe¹ sattakkhattuparamatāya niyāmaṃ apassanto paṭikkhipati. **Atthi te satipaṭṭhānā**ti-ādi niyāmasaṅkhāte maggadhamme dassetuṃ vuttam. Tassa pana puna paṭhamamaggānuppattito tepi natthi, tasmā paṭikkhipati. Sesamettha uttānatthameva. **Nanu so sattakkhattuparamoti** ettha Bhagavā “ayaṃ puggalo ettake bhava sandhāvitvā parinibbāyissati, ayaṃ ettake”ti attano nāṇabalena byākaroti, na bhavaniyāmaṃ nāma kiñci, tena² sattakkhattuparamo, kolaṅkolo, ekabījī vātī³ vuttam, tasmā asādhakametanti.

Sattakkhattuparamakathāvaṇṇanā.

646-647. Kolaṅkola-ekabījīkathāyopi imināvupāyena veditabbā.

1. Pañhesu (Syā)

2. Yena (?)

3. Ekabījīti (Syā)

8. Jīvitāvoropanakathāvaṇṇanā

648-649. Idāni jīvibhāvoropanakathā nāma hoti. Tattha yasmā dosasampayuttēna citta¹ pāṇātipāto hoti, doso ca diṭṭhisampannassa appahīno, tasmā “diṭṭhisampanno sañcicca pāṇaṃ jīvitā voropeyyā”ti yesaṃ laddhi seyyathāpi pubbaseliyāparaseliyānaṃ², te sandhāya diṭṭhisampannoti pucchā sakavādissa, paṭiññā itarassa. **Sañcicca mātaranti**-ādipañhesu pana “aṭṭhānametaṃ anavakāso”ti suttabhayena paṭikkhipati. **Satthari agāravoti**-ādi Satthārādīsu sagāravassa sikkhāpadassa vītikkamābhāvadassanattaṃ vuttaṃ. Itaro pana akusalavasena tassa agāravo nāma natthīti paṭikkhipitvā sagāravabhāvañca sampaṭicchitvā puna **agāravoti** puṭṭho tesu tesu kiccesu pasutatāya vikkhittānaṃ asatiyā amanasikārena cetiye abhivādanapadakkhiṇakaraṇābhāvaṃ sandhāya paṭijānāti. Puna **ohadeyyāti**-ādinā nayena puṭṭho tādisāya kiriyāya sañcicca akaraṇato paṭikkhipati. Sesamettha uttānatthamevāti.

Jīvitāvoropanakathāvaṇṇanā.

9. Duggatikathāvaṇṇanā

650-652. Idāni duggatikathā nāma hoti. Tattha ye duggatiñca duggatisattānaṃ rūpādi-ārammaṇaṃ taṇhañcāti ubhayampi duggatīti gahetvā puna tathā avibhajitvā aviseseneva “diṭṭhisampannassa pahīnā duggatī”ti vadanti seyyathāpi uttarāpathakā, te sandhāya pucchā sakavādissa, paṭiññā itarassa. **Āpāyike rūpe rajjeyyāti**-ādi paravādino laddhiyā diṭṭhisampannassa duggati appahīnā, tassa vasena codetuṃ vuttaṃ. Sesamettha uttānatthameva. **Nirayaṃ upapajjeyyāti**-ādi duggatipahānameva duggatigāminitaṇhāpahānaṃ vā dīpeti, na duggatisattānaṃ rūpādi-ārammaṇāya taṇhāya pahānaṃ, tasmā asādhakanti.

Duggatikathāvaṇṇanā.

1. Dosasampayuttacittēna (Syā)

2. Pubbaseliyānaṃ (Syā)

653. Sattamabhavikakathāyapi eseva nayoti.

Dvādasamo vaggo.

13. Terasamavagga

1. Kappaṭṭhakathāvaṇṇanā

654-657. Idāni Kappaṭṭhakathā nāma hoti. Tattha yesam “saṅgham samaggaṃ bhettvāna, kammaṃ nirayamhi paccaṭi”ti “sakalampi kammaṃ saṅghabhedako niraye tiṭṭhati”ti laddhi seyyathāpi Rājagirikānaṃ, te sandhāya **kappaṭṭhoti** pucchā sakavādissa, paṭiññā itarassa. **Buddho ca loketi** idaṃ vinā Buddhuppādena saṅghabhedassa abhāvacassanattaṃ vuttaṃ. **Kappo ca saṅṭhāti saṅgho ca bhijjati**-ādi “yadi so sakalam kammaṃ tiṭṭhati, saṅṭhahanato paṭṭhāya taṃ kammaṃ katvā tattha uppajjitvā tiṭṭheyyā”ti dassetuṃ vuttaṃ. **Atṭanti**-ādi heṭṭhā vuttādhippāyameva. **Kappaṭṭho iddhi**māti pañhe bhāvanāmayam sandhāya paṭikkhipati, parasamaye panassa jātimayam iddhiṃ icchanti, taṃ sandhāya paṭijānāti. **Chandiddhipādoti**-ādi “jātimayāya iddhiyā iddhiṃ laddhimattametam, kiṃ tena, yadi panassa iddhi atthi, iminā nayena iddhipādā bhāvitā bhavēyyun”ti codanattaṃ vuttaṃ. **Āpāyiko nerayikoti** suttaṃ yam so ekaṃ kammaṃ asītibhāge katvā tato ekabhāgamattaṃ kālam tiṭṭheyya, taṃ āyukammaṃ sandhāya vuttaṃ, tasmā asādhamanti.

Kappaṭṭhakathāvaṇṇanā.

2. Kusalapaṭilābhakathāvaṇṇanā

658-659. Idāni kusalapaṭilābhakathā nāma hoti. Tattha kappaṭṭho sakasamaye kāmāvacarakusalameva paṭilabhati. Yena pana taṃ upapattim paṭibāheyya, taṃ mahaggataṃ lokuttaram vā na paṭilabhati. Yesam pana imaṃ vibhāgam akatvā aviseseneva “so kusalcittam na

paṭilabhatī”ti laddhi seyyathāpi Uttarāpathakānaṃ, tesam vibhāgadassanena taṃ laddhiṃ bhindituṃ pucchā sakavādissa, paṭiññā itarassa. Sesamettha uttānatthamevāti.

Kusalapaṭilābhakathāvaṇṇanā.

3. Anantarāpayuttakathāvaṇṇanā

660-662. Idāni anantarāpayuttakathā nāma hoti. Tattha anantarāpayutto nāma yena khandhabhedato anantarā vipākadāyakaṃ mātughātādi ānantariyakammaṃ āṇattaṃ. Tattha yassa niyatāya āṇattiyā āṇatto taṃ kammaṃ karissati, so atthasādhikāya cetanāya uppāditattā micchattaniyato hoti, abhabbo sammattaniyāmaṃ okkamituṃ. Yassa aniyatāya āṇattiyā āṇatto taṃ kammaṃ karissati, so atthasāmikāya cetanāya anuppāditattā na micchattaniyato, bhabbo sammattaniyāmaṃ okkamitunti idaṃ sakasamaye sanniṭṭhānaṃ. Yesam pana “aniyatāyapi āṇattiyā abhabboyeva sammattaniyāmaṃ okkamitun”ti laddhi seyyathāpi Uttarāpathakānaṃ, tesam taṃ laddhiṃ bhindituṃ sakavādī pubbapakkaṃ datvā **anantarāpayuttoti** paravādinā attānaṃ pucchāpeti. Tenettha paṭhamapucchā paravādissa, atthakādhikacetanāya abhāvaṃ sandhāya paṭiññā sakavādissa. Tato paravādī mātughātādikammaṃ āṇattattāva “so micchattaniyato”ti maññati, tasmā **micchattaniyāmañcāti** pañhaṃ pucchati. Sakavādī pana ekassa puggalassa dvinnam niyamānaṃ anokkantimattameva sandhāya **na hevanti** paṭikkhipati.

Nanu taṃ kammanti mātughātādikammaṃ. Tattha aniyatāṇattim sandhāya “āmantā”ti paṭiññā sakavādissa. Aniyatampi hi āṇattim payojetvā ṭhitassa “ananucchavikaṃ mayā katan”ti kukkucam uppajjateva, vippaṭisāro jāyateva. **Hañcīti**-ādi kukkucuppattimattam gahetvā paravādinā laddhipaṭiṭṭhāpanattham vuttam.

661. Idāni yassa aniyatāṇattikassāpi anantarāpayuttassa paravādinā sammattaniyāmokkamaṇaṃ paṭisiddham, tameva puggalam gahetvā

anantarāpayutto puggalo abhabboti pucchā sakavādissa, attano laddhivasena paṭiññā itarassa. Atha naṃ sakavādī “abhabbo nāma mātughātādikammānaṃ kārako, kiṃ te tena tāni kammāni katāni”ti codetuṃ **mātā jīvītā voropitāti-** ādimāha. Itaro tesam vatthūnaṃ arogatāya tathārūpaṃ kiriyaṃ apassanto “na hevan”ti paṭikkhipati.

Taṃ kammaṃ paṭisaṃharitvāti aniyatāṇattikammaṃ sandhāya vuttam. Tañhi “mā kho mayā āṇattam akāsi”ti āṇattam nivārentena paṭisaṃhaṭam nāma hoti, paṭisaṃhaṭattāyeva cettha kukkuccaṃ paṭivinoditam, vipaṭisāro paṭivinīto nāma hoti. Evaṃ santepi panettha purimāṇattiyāyeva niyatabhāvaṃ maññamāno paravādī “āmantā”ti paṭijānāti. Atha naṃ sakavādī tassa kammaṃ paṭisaṃhaṭabhāvaṃ sampaṭicchāpetvā attano laddhiṃ paṭiṭṭhāpetvā **hañcīti-**ādimāha.

662. Puna **anantarāpayuttoti** pariyosānapañhe paṭhamapañhe viya pucchā paravādissa, paṭiññā sakavādissa. **Nanu taṃ kammanti** anuyogo paravādissa, paṭisaṃhaṭakālato pubbe payuttakālaṃ sandhāya paṭiññā sakavādissa. Payuttapubbatāmatam gahetvā aniyatāṇattivasena hañcīti laddhipaṭiṭṭhāpanam paravādissa. Ayaṃ pana laddhi ayoniso paṭiṭṭhitattā appaṭiṭṭhitāva hotīti.

Anantarāpayuttakathāvaṇṇanā.

4. Niyatassaniyāmakathāvaṇṇanā

663-664. Idāni niyatassa niyāmakathā nāma hoti. Tattha duvidho niyāmo micchattaniyāmo ca ānantariyakammaṃ, sammattaniyāmo ca ariyamaggo, ime dve niyāme ṭhapetvā añño niyāmo nāma natthi. Sabbepi hi sesā tebhūmakadhammā aniyatā nāma, tehi samannāgatopi aniyatoyeva. Buddhehi pana attano ñāṇabalena “ayaṃ satto anāgate bodhim pāpuṇissatī”ti byākato bodhisatto puññussadattā niyatoti vuccati. Iti imaṃ vohāramattam gahetvā “pacchimabhaviko

bodhisatto tāya jātiyā bhabbo dhammaṃ abhisametun”ti adhippāyena
 “niyato niyāmaṃ okkamaṭi”ti yesaṃ laddhi seyyathāpi
 pubbaseliyāparaseliyānaṃ, te sandhāya pucchā sakavādissa, paṭiññā itarassa.
Micchattaniyatoti-ādi aññena niyāmena niyatassa
 aññaniyāmābhāvadassanattamaṃ vuttaṃ. **Pubbe maggaṃ bhāvetvāti**-ādi
 niyāmappabhedadassanattamaṃ vuttaṃ. **Satipaṭṭhānanti**-ādi ekasmimpi
 niyāme dhammappabhedadassanattamaṃ vuttaṃ. **Bhabbo bodhisattoti**
 vacanaṃ kevalaṃ bodhisattassa bhabbataṃ dīpeti, na niyatassa
 niyāmokkamaṇaṃ, tasmā asādhakaṃ. So hi pubbe ekenapi niyatadhammena
 aniyato bodhimūle saccadassanena niyāmaṃ okkantoti.

Niyatassa niyāmakathāvaṇṇanā.

5. Nivutakathāvaṇṇanā

665-667. Idāni nivutakathā nāma hoti. Tattha suddhassa
 suddhakiccābhāvato nīvaraṇehi nivuto ophuṭo pariyoṇaddho ca nīvaraṇaṃ
 jahatīti yesaṃ laddhi seyyathāpi Uttarāpathakānaṃ, te sandhāya
nivutotipucchā sakavādissa, paṭiññā itarassa. **Ratto rāganti**-ādi nivutassa
 nīvaraṇajahane dosadassanattamaṃ vuttaṃ. **Parisuddhe pariyodātetī**-ādi
 vikkhambhanavisuddhiyā visuddhassa samucchadavisuddhidassanattamaṃ
 vuttaṃ. **Tassa evaṃ jānatoti**-ādi jānato passato āsavakkhayaṃ dīpeti, na
 nivutassa nīvaraṇajahanaṃ, tasmā asādhakanti.

Nivutakathāvaṇṇanā.

6. Sammukhībhūtakathāvaṇṇanā

668-670. Idāni sammukhībhūtakathā nāma hoti. Tattha
sammukhībhūtoti saṃyojanānaṃ sammukhībhāvaṃ tehi samaṅgībhāvaṃ
 upagato. Sesamettha nivutakathāsadisamevāti.

Sammukhībhūtakathāvaṇṇanā.

7. Samāpanno-assādetītikathāvaṇṇanā

671-673. Idāni samāpanno assādetītikathā nāma hoti. Tattha “paṭhamam jhānam upasampajja viharati, so tadassādetī”ti-ādivacanam nissāya “samāpanno assādeti, sā cassa jhānanikanti jhānārammaṇā hoti”ti yesam laddhi seyyathāpi Andhakānam, te sandhāya **samāpannoti** pucchā sakavādissa, paṭiññā itarassa. **Tam jhānam tassa jhānassa ārammaṇanti** pañhesu tasseva tadārammaṇataṃ apassanto suttavirodhabhayena paṭikkhipati, “tadassādetī”tivacanamattena paṭijānāti. **So tadassādetīti** suttam jhānalābhino jhānā vuṭṭhāya jhānassādam sādheti, na antosamāpattiyāmyeva jhānanikantiyā jhānārammaṇataṃ, tasmā asādhakanti.

Samāpanno assādetītikathāvaṇṇanā.

8. Asātarāgakathāvaṇṇanā

674. Idāni asātarāgakathā nāma hoti. Tattha “yamkiñci vedanam vedeti sukham vā dukkham vā adukkhamasukham vā, so tam vedanam abhinandati abhivadati”ti² sutte diṭṭhābhinandanavasena vuttam “abhinandati”tivacanam nissāya “dukkhavedanāyapi rāgassādasena abhinandanā hoti, tasmā atthi asātarāgo”ti yesam laddhi seyyathāpi Uttarāpathakānam, te sandhāya **atthi asātarāgoti** pucchā sakavādissa. Tattha **asātarāgoti** asāte dukkhavedayite “aho vata me etadeva bhavye”ti rajjanā. **Āmantāti** laddhivasena paṭiññā itarassa. Sesamettha uttānatthameva.

675. **So tam vedanam abhinandati**ti sutte pana vinivaṭṭetvā dukkhavedanameva ārabha rāgupatti nāma natthi, samūhaggahaṇena pana vedayitalakkhaṇam dhammam dukkhavedanameva vā attato samanupassanto diṭṭhimaññanāsankhātāya diṭṭhābhinandanāya vedanam abhinandati, dukkhāya vedanāya vipariṇāmam abhinandati, dukkhāya vedanāya abhibhūto tassā paṭipakkham kāmasukham

1. Am 1. 441 piṭṭhe.

2. Ma 1. 333 piṭṭhe.

patthayantopi dukkhavedanaṃ abhinandati nāma. Evaṃ dukkhavedanāya abhinandanā hotīti adhippāyo. Tasmā asādhakametaṃ asātarāgassāti.

Asātarāgakathāvaṇṇanā.

9. Dhammataṇhā-abyākatātikathāvaṇṇanā

676-680. Idāni dhammataṇhā abyākatātikathā nāma hoti. Tattha rūpataṇhā -pa- dhammataṇhāti imāsu chasu taṇhāsu yasmā sabbapacchimā taṇhā dhammataṇhāti vuttā, tasmā sā abyākatāti yesaṃ laddhi seyyathāpi Pubbaseliyānaṃ, te sandhāya pucchā sakavādissa, paṭiññā itarassa. Sesapañhānaṃ Pāḷiyā attho niyyāti. **Kāmataṇhāti**-ādīhi tīhi koṭṭhāsehi chapi taṇhā saṃkhipitvā dassitā, rūpādīsu hi chasu ārammaṇesu kāmassādavasena pavattā taṇhā kāmataṇhā, “bhavissati attā ca loko cā”ti sassatadiṭṭhisahagatā taṇhā bhavataṇhā, “na bhavissatī”ti ucchedadiṭṭhisahagatā taṇhā vibhavataṇhāti. **Nanu sā dhammataṇhāti** padaṃ taṇhāya dhammārammaṇaṃ ārabha pavattiṃ dīpeti, na abyākatabhāvaṃ, tasmā asādhakanti.

Dhammataṇhā abyākatātikathāvaṇṇanā.

10. Dhammataṇhānadukkkhasamudayotikathāvaṇṇanā

681-685. Idāni dhammataṇhā na dukkkhasamudayotikathā nāma hoti. Tatrāpi yasmā sā dhammataṇhāti vuttā, tasmā na dukkkhasamudayoti yesaṃ laddhi seyyathāpi pubbaseliyānaṃyeva, te sandhāya pucchā sakavādissa, paṭiññā itarassa. Sesaṃ purimakathāsadisamevāti.

Dhammataṇhā nadukkkhasamudayotikathāvaṇṇanā.

Terasamo vaggo.

14. Cuddasamavagga

1. Kusalākusalapaṭisandahanakathāvaṇṇanā

686-690. Idāni kusalākusalapaṭisandahanakathā nāma hoti. Tattha kusalam vā akusalassa, akusalam vā kusalassa anantarā uppajjanakam nāma natthīti tesam aññamaññam paṭisandhānam na yujjati. Ye pana yasmā ekavatthusmiññeva rajjati virajjati ca, tasmā tam aññamaññam paṭisandahatīti laddhim gahetvā ṭhitā seyyathāpi Mahāsaṅghikā, te sandhāya pucchā sakavādissa, paṭiññā itarassa. **Āvaṭṭanā paṇidhīti** ubhayam āvajjanasseva nāmam. Tañhi bhavaṅgam āvaṭṭetīti āvaṭṭanā, bhavaṅgārammaṇato aññasmim ārammaṇe cittam paṇidahati ṭhapatīti paṇidhi. **Kusalam anāvaṭṭentassāti** yam tam akusalānantaram paṭisandahantam kusalam uppajjati, tam anāvaṭṭentassa uppajjatīti pucchati. Itaro pana vinā āvajjanena kusalassa uppattim apassanto paṭikkhipati. **Kusalam ayoniso manasikarototi** idam yadi akusalānantaram kusalam uppajjeyya, akusalasseva āvajjanena ayoniso manasikaroto uppajjeyyāti codanattam vuttam. Sesam yathāpāḷimeva niyyāti. **Nanu yasmimyeva vatthusminti** vacanam ekārammaṇe sarāgavirāguppattim dīpeti, na kusalākusalānam anantarataṃ, tasmā asādhakanti.

Kusalākusalapaṭisandahanakathāvaṇṇanā.

2. Saḷāyatanuppattikathāvaṇṇanā

691-692. Idāni saḷāyatanuppattikathā nāma hoti. Tattha upapattesiya paṭisandhicittena saheva opapātikānam saḷāyatanam uppajjati, gabbhaseyyakānam ajjhattikāyatanesu manāyatanakāyāyatanāneva paṭisandhikkhaṇe uppajjanti, sesāni cattāri sattasattatirattimhi, tāni ca kho yena kammunā paṭisandhi gahitā, tasseva aññassa vā katattāti ayam sakasamaye vādo. Yesam pana ekakammasambhavattā sampannasākhāviṭapānam rukkhādīnam aṅkuro viyu bījamattam saḷāyatanam mātukucchismim paṭisandhikkhaṇeyeva uppajjatīti laddhi seyyathāpi Pubbaseliyanam, te sandhāya **saḷāyatananti** pucchā sakavādissa, paṭiññā itarassa. **Sabbaṅgapaccaṅgīti**-ādi

saḷāyatane sati evarūpo hutvā okkameyyāti codanattham vuttam.

Mātukucchigatassāti pucchā paravādissa. Parato **mātukucchigatassa pacchā kesāti** pucchā sakavādissa. Sesamettha uttānatthamevāti.

Saḷāyatanuppattikathāvaṇṇanā.

3. Anantarapaccayakathāvaṇṇanā

693-697. Idāni anantarapaccayakathā nāma hoti. Tattha naccagītādīsu rūpadassanasaddasavanādīnam lahuparivattitam disvā “imāni viññāṇāni aññamaññassa anantarā uppajjanti”ti yesam laddhi seyyathāpi Uttarāpathakānam, te sandhāya **cakkhuviññāṇassāti** pucchā sakavādissa, paṭiññā itarassa. **Sotaviññāṇam rūpārammaṇam** yevāti yadi cakkhuviññāṇassa anantarā uppajjeyya, vipākamanodhātu viya rūpārammaṇam siyāti codetum vuttam. **Cakkhuṇca paṭicca rūpe ca uppajjati sotaviññāṇanti** pañhesu suttābhāvena paṭikkhipitvā anantaruppattim¹ sallakkhento laddhivasena paṭijānāti. **Taññeva cakkhuviññāṇam tam sotaviññāṇanti** yathā paḥmajavanānantaram dutiyajavanam manoviññāṇabhāvena taññeva hoti, kim te tathā etampi dvayam ekamevāti pucchati. Iminā nayena sabbavāresu attho veditabbo. **Naccati gāyatī-**ādivacanam ārammaṇasamodhāne lahuparivattitāya vokiṇṇabhāvam dīpeti, na anantarapaccayatam, tasmā asādhakanti.

Anantarapaccayakathāvaṇṇanā.

4. Ariyarūpakathāvaṇṇanā

698-699. Idāni ariyarūpakathā nāma hoti. Tattha sammāvācākamantā rūpam, tañca kho “sabbam rūpam cattāri ca mahābhūtāni catunnañca mahābhūtānam upādāyarūpan”ti² vacanato upādāyarūpanti yesam laddhi seyyathāpi Uttarāpathakānam, te sandhāya **ariyarūpam mahābhūtānam upādāyāti**

1. Anantarapavattim (Sī, Ka)

2. Ma 3. 49 piṭṭhe.

pucchā sakavādissa. Tattha ariyānaṃ rūpaṃ, ariyaṃ vā rūpanti **ariyarūpaṃ**. **Āmantāti** laddhiyaṃ ṭhatvā paṭiññā itarassa. **Kusalanti** puṭṭho laddhivaseneva paṭijānāti. Anāsavapucchādīsupi eseva nayo. **Yaṃ kiñci rūpanti** suttam ṭhapetvā bhūtāni sesarūpassa upādābhāvaṃ dīpeti, na sammāvācākammantānaṃ. Tesañhi rūpamattaññeva asiddham, kuto upādārūpatā, tasmā asādhakanti.

Ariyarūpakathāvaṇṇanā.

5. Añño-anusayotikathāvaṇṇanā

700-701. Idāni añño anusayotikathā nāma hoti. Tattha yasmā puthujjano kusalābyākate citte vattamāne sānusayoti vattabbo, na pariyuṭṭhitoti, tasmā añño anusayo aññaṃ pariyuṭṭhānanti yesaṃ laddhi seyyathāpi Andhakānaṃ, te sandhāya **añño kāmarāgānusayoti** pucchā sakavādissa, paṭiññā itarassa. Sesaṃ heṭṭhā anusayakathāyaṃ vuttanayeneva vedittabbaṃ. **Sānusayoti**-ādi pana tasmim samaye anusayassa appahīnattā sānusayoti vattabbataṃ, anuppannattā ca pariyuṭṭhitoti avattabbataṃ dīpeti, na anusayapariyuṭṭhānānaṃ aññattaṃ, tasmā asādhakanti.

Añño anusayotikathāvaṇṇanā.

6. Pariyuṭṭhānaṃcittavippayuttantikathāvaṇṇanā

702. Idāni pariyuṭṭhānaṃ cittavippayuttantikathā nāma hoti. Tattha yasmā aniccādito manasikarotopi rāgādayo uppajjanti. Vuttampi cetam “appekadā bho bhāradvāja asubhato manasikarissāmīti subhatova manasikaroti”¹. Tasmā pariyuṭṭhānaṃ cittavippayuttanti yesaṃ laddhi seyyathāpi Andhakānaṃyeva, te sandhāya pucchā sakavādissa, paṭiññā itarassa. Sesamettha uttānatthamevāti.

Pariyuṭṭhānaṃ cittavippayuttantikathāvaṇṇanā.

1. Saṃ 2. 329 piṭṭhe.

7. Pariyāpannakathāvaṇṇanā

703-705. Idāni pariyāpannakathā nāma hoti. Tattha yasmā kāmarāgo kāmadhātum anuseti, kāmadhātupariyāpannoti ca vuccati, tasmā rūparāgarūparāgāpi rūpadhātu-arūpadhātuyo anusenti, rūpadhātu-arūpadhātupariyāpannāyeva ca nāma hontīti yesaṃ laddhi seyyathāpi Andhakānañceva sammitiyānañca, te sandhāya **rūparāgoti** pucchā sakavādissa, paṭiññā itarassa. Tattha **anusetīti** yathā kāmarāgo kāmavitakkasaṅkhātāṃ kāmadhātum sahaḥātavasena anuseti, kiṃ te evaṃ rūparāgo rūpadhātuntī pucchati. **Pariyāpannoti** yathā ca so tividhāya kāmadhātuyā kilesakāmavasena pariyāpannattā kāmadhātupariyāpanno, kiṃ te evaṃ rūparāgopi rūpadhātupariyāpannoti pucchati. Itaro panassa adhippāyaṃ asallakkhento kevalaṃ laddhivasena āmantāti paṭijānāti. Atha naṃ tamatthaṃ sallakkhāpetum kusalavipākakiriyāsaṅkhātehi samāpattesiyaḍḍhi saṃsanditvā pucchitum **samāpattesiyaḍḍhi**-ādimāha. Sesamettha yathāpālimeva niyyāti. **Nanu kāmarāgoti**-ādivacanampi kāmarāgasseva kāmadhātuyāṃ anusayabhāvaṃ pariyāpannatañca dīpeti, na itaresaṃ itaradhātūsūti.

Pariyāpannakathāvaṇṇanā.

8. Abyākatakathāvaṇṇanā

706-708. Idāni abyākatakathā nāma hoti. Tattha vipākakiriyarūpanibbānasaṅkhātāṃ catubbidhaṃ abyākataṃ avipākattā abyākatanti vuttaṃ, diṭṭhigataṃ “sassato lokoti kho vaccha abyākatametā”¹ sassatādibhāvena akathitattā. Yesaṃ pana imaṃ vibhāgaṃ aggahetvā purimābyākataṃ viya diṭṭhigatampi abyākatanti laddhi seyyathāpi Andhakānañceva Uttarāpathakānañca, tesaṃ taṃ vibhāgaṃ dassetum **diṭṭhigataṃ abyākatanti** pucchā sakavādissa, paṭiññā itarassa. Sesamettha yathāpālimeva niyyāti.

Abyākatakathāvaṇṇanā.

1. Saṃ 2. 559 piṭṭhe thokaṃ visadisāṃ.

9. Apariyāpannakathāvaṇṇanā

709-710. Idāni apariyāpannakathā nāma hoti. Tattha yasmā puthujjano jhānalābhī kāmesu vītarāgoti vattabbo hoti, na pana vigatadiṭṭhikoti, tasmā diṭṭhigataṃ apariyāpannanti yesaṃ laddhi seyyathāpi Pubbaseliyānaṃ, te sandhāya pucchā sakavādissa, paṭiññā itarassa. Sesamettha yathāpāḷimeva niyyātīti.

Apariyāpannakathāvaṇṇanā.

Cuddasamo vaggo.

15. Pannarasamavagga

1. Paccayatākathāvaṇṇanā

711-717. Idāni paccayatākathā nāma hoti. Tattha yo dhammo hetupaccayena paccayo, so yesaṃ hetupaccayena paccayo, tesaññeva yasmā ārammaṇānantarasamanantarapaccayena paccayo na hoti, yo vā ārammaṇapaccayena paccayo, so yasmā tesaññeva anantarasamanantarapaccayena paccayo na hoti, tasmā paccayatā vavattitīti yesaṃ laddhi seyyathāpi Mahāsaṃghikānaṃ, te sandhāya pucchā sakavādissa, paṭiññā itarassa. Sesamettha yathāpāḷimeva niyyātīti.

Paccayatākathāvaṇṇanā.

2. Aññamaññapaccayakathāvaṇṇanā

718-719. Idāni aññamaññapaccayakathā nāma hoti. Tattha yesaṃ samaye “avijjāpaccayā saṅkhārā”ti ayameva tanti, “saṅkhārapaccayāpi avijjā”ti ayaṃ natthi, tasmā avijjāva saṅkhārānaṃ paccayo, na pana saṅkhārā avijjāyāti laddhi seyyathāpi Mahāsaṃghikānaṃ, te sandhāya avijjāsaṅkhārādīnaṃ aññamaññapaccayatāpi atthīti dassetuṃ pucchā sakavādissa, paṭiññā

itarassa. **Avijjā saṅkhārenā**ti ettha apuññābhisaṅkhārova gahito, tasmā saṅkhārapaccayāpi avijjāti ettha sahaajāta-aññamañña-atthivigatasampayuttavasena paccayatā veditabbā. **Upādānapaccayāpi taṇhāti** ettha ṭhapetvā kāmupādānaṃ sesāni tīṇi upādānāni avijjāya saṅkhārā viya taṇhāya paccayā hontīti veditabbāni. Sesam yathāpāḷimeva niyyāti. **Jarāmarāṇapaccayāti** pucchā paravādissa, **nāmarūpaṃ viññāṇapaccayāti** sakavādissāti.

Aññamaññapaccayakathāvaṇṇanā.

3. Addhākathāvaṇṇanā

720-721. Idāni addhākathā nāma hoti. Tattha “tīṇimāni bhikkhave kathāvattūnī”¹ti¹ suttam nissāya kālasaṅkhāto addhā nāma parinipphanno atthīti yesam laddhi, tesam “addhā nāma koci parinipphanno natthi aññatra kālapaññattimattā, rūpādayo pana khandhāva parinipphannā”ti vibhāgam dassetuṃ **addhā parinipphannoti** pucchā sakavādissa, paṭiññā itarassa. Atha nam “sace so parinipphanno, rūpādīsu anena aññatarena bhavitabban”ti codetuṃ **rūpanti-ādimāha**. Itaro paṭikkhipati. Sesam yathāpāḷimeva niyyātīti.

Addhākathāvaṇṇanā.

722-723. Khaṇalayamuhuttakathāsupi eseva nayo. Sabbepi hete khaṇādayo addhāpariyāyā evāti.

Khaṇalayamuhuttakathāvaṇṇanā.

5. Āsavakathāvaṇṇanā

724-725. Idāni āsavakathā nāma hoti. Tattha yasmā catūhi āsavehi uttari añño āsavo nāma natthi, yena cattāro

1. Am 1. 197 piṭṭhe.

āsavā sāsavā siyūṃ, tasmā cattāro āsavā anāsavāti yesaṃ laddhi seyyathāpi hetuvādānaṃ, te sandhāya pucchā sakavādissa, paṭiññā itarassa. Atha naṃ “yadi te āsavā anāsavā, evaṃ sante tehi maggādilakkhaṇappattehi bhavitabban”ti codetuṃ **maggoti-ādimāha**. Sesamettha uttānatthamevāti.

Āsavakathāvaṇṇanā.

6. Jarāmarañakathāvaṇṇanā

726-727. Idāni jarāmarañakathā nāma hoti. Tattha jarāmarāṇaṃ nāma aparinipphannattā lokiyanti vā lokuttaranti vā na vattabbaṃ. “Lokiyā dhammā lokuttarā dhammā”ti hi duke jarāmarāṇaṃ neva lokiyapade, na lokuttarapade niddiṭṭhaṃ. Tattha yesaṃ imaṃ lakkhaṇaṃ anādiyitvā lokuttarānaṃ dhammānaṃ jarāmarāṇaṃ lokuttaranti laddhi seyyathāpi Mahāsaṃghikānaṃ, te sandhāya pucchā sakavādissa, paṭiññā itarassa. Sesamettha yathāpālimeva niyyātīti.

Jarāmarañakathāvaṇṇanā.

7. Saññāvedayitakathāvaṇṇanā

728-729. Idāni saññāvedayitakathā nāma hoti. Tattha saññāvedayitanirodhasamāpatti nāma na koci dhammo, catunnaṃ pana khandhānaṃ nirodho. Iti sā neva lokiyā na lokuttarā. Yasmā pana lokiyā na hoti, tasmā lokuttarāti yesaṃ laddhi seyyathāpi hetuvādānaṃyeva, te sandhāya pucchā sakavādissa, paṭiññā itarassa. Sesaṃ purimakathāsadisamevāti.

Saññāvedayitakathāvaṇṇanā.

8. Dutiyasaññāvedayitakathāvaṇṇanā

730-731. Idāni yasmā sā lokuttarā na hoti, tasmā lokiyāti yesaṃ laddhi seyyathāpi hetuvādānaṃ, te sandhāya pucchā sakavādissa, paṭiññā itarassa. Sesaṃ purimasadisamevāti.

Dutiyasaññāvedayitakathāvaṇṇanā.

9. Tatiyasaññāvedayitakathāvaṇṇanā

732. Idāni yasmā “asuko maraṇadhammo, asuko na maraṇadhammo”ti sattānaṃ maraṇadhammatāya niyāmo natthīti saññāvedayitanirodhaṃ samāpannopi kālaṃ kareyyāti yesaṃ laddhi seyyathāpi rājagirikānaṃ, tesāṃ samāpannāyapi maraṇadhammatāya maraṇasamayañca amaraṇasamayañca dassetuṃ pucchā sakavādissa, paṭiññā itarassa. Atha naṃ yasmā kālaṃ karontassa nāma maraṇantikehi phassādihi bhavitabbaṃ, tasmā tenākārena codetuṃ **atthīti**-ādimāha.

Aphassakassa kālakiriyāti-ādīni puṭṭho sesasatte sandhāya paṭikkhipati. **Visaṃ kameyyāti**-ādīni puṭṭho samāpatti-ānubhāvaṃ sandhāya paṭikkhipati. Dutiyavāre sarīrapakatim sandhāya paṭijānāti. Evaṃ sante pana samāpatti-ānubhāvo nāma na hoti, teneva **na nirodhasamāpannoti** anuyuñjati.

733-734. **Na kālaṃ kareyyāti** pucchā paravādissa. **Atthi so niyāmoti** paravādissa pañhe pana yasmā evarūpo niyāmo nāma natthi, tasmā paṭikkhipati. **Cakkhuviññāṇasamaṅgīti**-ādi sakavādinā “niyāme asantepi maraṇasamayeneva parati, nāsamayenā”ti dassetuṃ vuttaṃ. Tatrāyamadhippāyo—yadi niyāmābhāvena kālakiriyā bhaveyya, cakkhuviññāṇasamaṅginopi bhaveyya, tato “pañcahi viññāṇehi na cavati na upapajjati”ti suttavirodho siyā. Yathā pana cakkhuviññāṇasamaṅgissa kālakiriyā na hoti, tathā nirodhasamāpannassāpīti.

Tatiyasaññāvedayitakathāvaṇṇanā.

10. Asaññasattupikākathāvaṇṇanā

735. Idāni Asaññasattupikā kathā nāma hoti. Tattha saññāvirāgavasena pavattabhāvanā asaññasamāpattipi nirodhasamāpattipi saññāvedayitanirodhasamāpatti nāma. Iti dve saññāvedayitanirodhasamāpattiyo lokiyā ca lokuttarā ca. Tattha lokiyā puthujjanassa Asaññasattupikā hoti, lokuttarā ariyānaṃ, sā ca nāsaññasattupikā. Imaṃ pana vibhāgaṃ akatvā avisesena saññāvedayitanirodhasamāpatti Asaññasattupikāti yesaṃ laddhi seyyathāpi hetuvādānaṃ, te sandhāya pucchā sakavādissa, paṭiññā itarassa. Atha naṃ yasmā asaññasamāpattim samāpannassa alobhādayo atthi, na nirodhasamāpattim, tasmā tesam vasena codetuṃ **atthi**ti-ādimāha.

736. **Idhāpi asaññi**ti pañhe idha saññāvirāgavasena samāpannattā asaññitā anuññātā, **tatrāpi**¹ Asaññasatteneva. Tasmā imaṃ paṭiññānaṃ gahetvā laddhim patiṭṭhapentena chalena patiṭṭhāpitā hoti. Idha vā nirodhasamāpattim sandhāya asaññitā anuññātā, tatrāpi ito cutassa anāgāmino nirodhasamāpattimeva. Tasmāpi imāya paṭiññāya patiṭṭhāpitā laddhi appatiṭṭhitāyevāti.

Asaññasattupikākathāvaṇṇanā.

11. Kammūpacayakathāvaṇṇanā

737. Idāni kammūpacayakathā nāma hoti. Tattha yesaṃ kammūpacayo nāma kammato añño cittavippayutto abyākato anārammaṇoti laddhi seyyathāpi Andhakānañceva sammitiyānañca, te sandhāya **aññaṃ kammanti** pucchā sakavādissa, paṭiññā itarassa. Atha naṃ “yadi kammato añño kammūpacayo, phassādītopi aññena phassūpacayādīnā bhavitabban”ti codetuṃ **añño phassoti**-ādimāha. Itaro laddhiyā abhāvena paṭikkhipati.

1. Tatra (Sī, Ka)

738-739. **Kammena sahaḷātoti** pañhesu cittavippayuttaṃ sandhāya paṭikkhipati, cittasampayuttaṃ sandhāya paṭijānāti. **Kusaloti** pañhesupi cittavippayuttaṃ sandhāya paṭijānāti¹. Parato **akusaloti**pañhesupi eseva nayo.

740. **Sārammaṇoti** puṭṭho pana ekantaṃ anārammaṇameva icchati, tasmā paṭikkhipati. **Cittaṃ bhijjamānanti** yadā cittaṃ bhijjamānaṃ hoti, tadā kammaṃ bhijjatīti attho. Bhummatthe vā paccattaṃ, citte bhijjamāneti attho. Ayameva vā pāṭho. Tattha yasmā sampayutto bhijjati, vippayutto na bhijjati, tasmā paṭijānāti ceva paṭikkhipati ca.

741. **Kammamhi kammūpacayoti** kamme sati kammūpacayo, kamme vā paṭiṭṭhite kammūpacayo, kammūpacayatova vipāko nibbattati. Tasmim̄ pana kamme niruddhe yāva aṅkuruppādā bījaṃ viya yāva vipākuppādā kammūpacayo tiṭṭhatīti laddhi, tasmā paṭijānāti. **Taññeva kammaṃ, so kammūpacayo, so kammavipākoti** yasmā kammamhi kammūpacayo, so ca yāva vipākuppādā tiṭṭhatīti laddhi, tasmā naṃ tesam̄ tiṇṇampi ekattaṃ pucchati. **Vipāko sārammaṇoti** idaṃ vipāko viya vipākadhammadhammopi ārammaṇapaṭibaddhoyevāti codanattaṃ pucchati. Itaro pana laddhivasenekaṃ paṭijānāti, ekaṃ paṭikkhipati. Paṭilomepi eseva nayo. Sesamettha yathāpālimeva niyyātīti.

Kammūpacayakathāvaṇṇanā.

Pannarasamo vaggo.

Tatīyapaṇṇāsako samatto.

1. Vippayuttaṃ sandhāya paṭikkhipati, sampayuttaṃ sandhāya paṭijānāti (Sī, Syā)
cittavippayuttaṃ sandhāya paṭikkhipati, cittasampayuttaṃ sandhāya paṭijānāti (Ṭikā)

16. Soḷasamavagga

1. Niggahakathāvaṇṇanā

743-744. Idāni niggahakathā nāma hoti. Tattha ye loke balappattā vasībhūtā, te yadi parassa cittaṃ niggaṇhituṃ na sakkuṇeyyūṃ, kā tesāṃ balappatti, ko vasībhāvo. Balappattiyā pana vasībhāvena ca addhā te parassa cittaṃ niggaṇhantīti yesāṃ laddhi seyyathāpi Mahāsaṃghikānaṃ, te sandhāya **paro parassāti** pucchā sakavādissa, paṭiññā itarassa. Tattha **niggaṇhātīti** saṃkilesāpattito nivāreti. Sesamettha yathāpāḷimeva niyyātīti. Paggahakathāyapi eseva nayo.

Niggahakathāvaṇṇanā.

3. Sukhānuppadānakathāvaṇṇanā

747-748. Idāni sukhānuppadānakathā nāma hoti. Tattha “bahūnaṃ vata no Bhagavā sukhadhammānaṃ upahattā”¹ti¹ suttaṃ nissāya paro parassa sukhāṃ anuppadetīti yesāṃ laddhi seyyathāpi hetuvādānaṃ, te sandhāya pucchā sakavādissa, paṭiññā itarassa. **Dukkhaṃ anuppadetīti** puṭṭho pana tādisaṃ suttapadaṃ apassanto paṭikkhipati. **Attano sukhanti**-ādīpañhe yaṃ attano parassa vā, taṃ anuppadātuṃ na sakkā. Yaṃ tasseva, kiṃ tattha anuppadānaṃ nāmāti paṭikkhipati. **Nevattanoti**-ādīpañhe pana yaṃ evarūpaṃ, na taṃ anuppadinnaṃ nāma bhavitumarahatīti laddhiyāpaṭijānāti. **No ca vata reti** tādissa sukhassa abhāvā vuttaṃ. **Sukhadhammānaṃ upahattā**tivacanaṃ Bhagavato paresāṃ sukhupattiyā paccayabhāvaṃ dīpeti, na annādīnaṃ viya sukhassa anuppadānaṃ, tasmā asādhakanti.

Sukhānuppadānakathāvaṇṇanā.

1. Ma 2. 111 piṭṭhe.

4. Adhigayhamanasikāarakathāvaṇṇanā

749-753. Idāni adhigayha manasikāarakathā nāma hoti. Tattha duvidho manasikāro nayato ca ārammaṇato ca. Tattha ekasaṅkhārassāpi aniccatāya diṭṭhāya sabbe saṅkhārā aniccāti avasesesu nayato manasikāro hoti. Atīte pana saṅkhāre manasikaronto na anāgate manasikātuṃ sakkoti. Atītādīsu aññatarāṃ manasikaroto ārammaṇato manasikāro hoti. Tattha paccuppanne manasikaronto yena cittena te manasikaroti, taṃ paccuppannakkhaṇe manasikātuṃ na sakkoti. Tattha yesaṃ “sabbe saṅkhārā aniccā”ti-ādivacanaṃ nissāya “manasikaronto nāma adhigayha adhigaṇhitvā saṅgaṇhitvā sabbe saṅkhāre ekato manasikaroti”ti laddhi seyyathāpi pubbaseliyāparaseliyānaṃ, te sandhāya pucchā sakavādissa, paṭiññā itarassa.

Atha naṃ yasmā sabbe ekato manasikarontena yena cittena te manasikaroti, tampi manasikātabbaṃ hoti, tasmā taṃcittatāya codetuṃ **tena cittenā**ti āha. Itaro ārammaṇaṃ katvā na sakkā jānitunti sandhāya paṭikkhipati. Evaṃlakkhaṇaṃ cittanti ñātattā pana tampi cittaṃ ñātameva hotīti sandhāya paṭijānāti. Atha vā taññeva tassa ārammaṇaṃ na hotīti paṭikkhipati, “sabbe saṅkhārā aniccā, yadā paññāya passatī”ti-ādīni nissāya uppajjaladdhivasena paṭijānāti. Sesapañhadvayepi eseva nayo. **Tena phassenā**ti-ādīsu pana tathārūpaṃ suttāṃ apassanto paṭikkhipateva. Atītādīpañhesu heṭṭhā vuttanayeneva paṭikkhepaṭiññā veditabbā. Sesaṃ yathāpālīmeva niyyātīti. **Sabbe saṅkhārā**ti-ādivacanaṃ nayato dassanaṃ sandhāya vuttaṃ, na ekakkhaṇe ārammaṇato, tasmā asādhakanti.

Adhigayhamanasikāarakathāvaṇṇanā.

5. Rūpaṃhetūtikathāvaṇṇanā

754-756. Idāni rūpaṃ hetūti kathānāma hoti. Tattha **hetūti** kusalāmūlādino hetuhetussāpi nāmaṃ, yassa kassaci paccayassāpi.

imaṃ pana vibhāgaṃ akatvā “cattāro mahābhūtā hetū”ti vacanamattaṃ nissāya aviseseneva rūpaṃ hetūti yesaṃ laddhi seyyathāpi Uttarāpathakānaṃ, te sandhāya pucchā sakavādissa, paṭiññā itarassa. **Alobho hetūti** kiṃ te rūpaṃ alobhasaṅkhāto hetūti pucchati, itaro paṭikkhipati. Sesesupi eseva nayo. **Mahābhūtā upādāyarūpānaṃ upādāyahetūti** ettha paccayaṭṭhena hetubhāvo vutto, na mūlaṭṭhena, tasmā asādhakanti.

Rūpaṃ hetūtikathāvaṇṇanā.

757-759. Sahetukakathāyampi imināva nayena attho veditabboti.

Rūpaṃ sahetukantikathāvaṇṇanā.

7. Rūpaṃkusalākusalantikathāvaṇṇanā

760-764. Idāni rūpaṃ kusalākusalantikathā nāma hoti. Tattha “kāyakammaṃ vacīkammaṃ kusalampi akusalampī”tivacanaṃ nissāya kāyavacīkammaṃsaṅkhātāṃ kāyaviññattivacīviññattirūpaṃ kusalampi akusalampīti yesaṃ laddhi seyyathāpi Mahisāsakānañceva Sammitiyānañca, te sandhāya **rūpaṃ kusalanti** pucchā sakavādissa, paṭiññā itarassa. Atha naṃ “yadi te rūpaṃ kusalaṃ, evaṃvidhena anena bhavitabban”ti codetuṃ **sārammaṇanti**-ādimāha. Parato akusalapañhepi eseva nayo. Sesamettha uttānatthamevāti.

Rūpaṃ kusalākusalantikathāvaṇṇanā.

8. Rūpaṃvipākotikathāvaṇṇanā

765-767. Idāni rūpaṃ vipākotikathā nāma hoti. Tattha yaṃ kammaṃ katattā uppannā cittacetasikā viya kammaṃ katattā uppannaṃ, taṃ rūpampi vipākoti yesaṃ laddhi seyyathāpi Andhakānañceva sammitiyānañca,

te sandhāya pucchā sakavādissa, paṭiññā itarassa. Atha nam “yadi te rūpaṃ vipāko, evaṃvidhena anena bhavitabban”ti codetuṃ **sukhavedanīyanti-**ādimāha. Sesam yathāpālimeva niyyātīti.

Rūpaṃ vipākotikathāvaṇṇanā.

9. Rūpaṃrūpāvacarārūpāvacarantikathāvaṇṇanā

768-770. Idāni rūpaṃ rūpāvacarārūpāvacarantikathā nāma hoti. Tattha yaṃ kāmāvacarakammaṃ katattā rūpaṃ, taṃ yasmā kāmāvacaraṃ, tasmā rūpāvacarārūpāvacarakammānampi katattā rūpena rūpāvacarārūpāvacarena bhavitabbanti yesaṃ laddhi seyyathāpi Andhakānaṃ, te sandhāya **atthi rūpaṃ rūpāvacarārūpāvacaranti** pucchā sakavādissa, paṭiññā itarassa. Sesamettha heṭṭhā vuttanayamevāti.

Rūpaṃ rūpāvacarārūpāvacarantikathāvaṇṇanā.

10. Rūpārūpadhātupariyāpannakathāvaṇṇanā

771-775. Idāni rūparāgo rūpadhātupariyāpanno arūparāgo arūpadhātupariyāpannoti kathā nāma hoti. Tattha yasmā kāmarāgo kāmadhātupariyāpanno, tasmā rūparāgārūparāgehipi rūpadhātu-arūpadhātupariyāpannehi bhavitabbanti yesaṃ laddhi seyyathāpi Andhakānaṃ, te sandhāya pucchā sakavādissa, paṭiññā itarassa. Sesam heṭṭhā vuttanayeneva veditabbaṃ. Kevalaṃhi tattha “rūpadhātuṃ anuseti, arūpadhātuṃ anuseti”tipadaṃ viseso. Sā ca laddhi Andhakānañceva sammitiyānañca, ayaṃ andhakānaṃyevāti.

Rūparāgo rūpadhātupariyāpanno arūparāgo arūpadhātupariyāpannotikathāvaṇṇanā.

Soḷasamo vaggio.

17. Sattarasamavagga

1. Atthi-arahatopuññūpacayakathāvaṇṇanā

776-779. Idāni atthi arahato puññūpacayoti kathā nāma hoti. Tattha yesaṃ arahato dānasamvibhāgacetiavandanādīni kammāni disvā¹ atthi arahato puññūpacayoti laddhi seyyathāpi Andhakānaṃ, te sandhāya pucchā sakavādissa, paṭiññā itarassa. Atha naṃ “arahā nāma pahīnapuññapāpo, so yadi puññaṃ kareyya, pāpampi kareyyā”ti codetuṃ **apuññūpacayoti** āha. Itaro pāṇātipātādikiriyāṃ apassanto paṭikkhipati. **Puññābhisankhāranti**-ādīsu bhavagāmikammaṃ arahato natthīti paṭikkhipati. **Dānaṃ dadeyyāti**-ādīsu kiriyacittena dānādipavattisabbhāvato sakavādī paṭijānāti. Itaro cittaṃ anādiyitvā kiriyāpavattimattadassaneneva laddhiṃ patiṭṭhabeti. Sā pana ayoniso patiṭṭhāpitattā appatiṭṭhāpitā hotīti.

Atthi arahato puññūpacayotikathāvaṇṇanā.

2. Natthi-arahato-akālamaccūtikathāvaṇṇanā

780. Idāni natthi arahato akālamaccūtikathā nāma hoti. Tattha “nāhaṃ bhikkhave sañcetanikānaṃ kammānaṃ katānaṃ upacitānaṃ apaṭisaṃveditvā byantībhāvaṃ vadāmi”ti² suttassa atthaṃ ayoniso gahetvā “arahatā nāma sabbakammavipākāṃ paṭisaṃvedayitvāva parinibbāyitabbaṃ, tasmā natthi arahato akālamaccū”ti yesaṃ laddhi seyyathāpi Rājagirikānañceva Siddhatthikānañca, te sandhāya pucchā sakavādissa, paṭiññā itarassa. Atha naṃ “sace tassa natthi akālamaccu, arahantaghātakena nāma na bhavitabban”ti codetuṃ **natthi arahantaghātakoti** āha. Itaro ānantariyakammaṃ ceva tādīsānañca puggalānaṃ sabbhāvato paṭikkhipati.

781. **Visaṃ na kameyyāti** pañhe “yāva pubbe katakammaṃ parikkhayaṃ na gacchati, tāva na kamati”ti laddhiyā paṭikkhipati. Sesamettha yathāpālimeva niyyāti.

1. Nissāya (Syā)

2. Am 3. 497 piṭṭhe.

782. **Nāhaṃ bhikkhaveli** suttaṃ idaṃ sandhāya vuttaṃ—
 sañcetanikānaṃ kammānaṃ katānaṃ vipākaṃ apaṭisaṃveditvā avinditvā
 ananubhavitvā byantībhāvaṃ tesaṃ kammānaṃ
 parivaṭumaparicchinnaḥvāraṃ na vadāmi, tañca kho
 diṭṭhadhammavedanīyānaṃ diṭṭheva dhamme, na tato paraṃ,
 upapajjavedanīyānaṃ anantaraṃ upapattiṃ upapajjitvāva, na tato paraṃ,
 aparāpariyavedanīyānaṃ yadā vipākokāsaṃ labhanti, tathārūpe, aparāpare
 vā¹ pariyāye. Evaṃ sabbathāpi saṃsārapavatte sati laddhavipākavāre
 kamme na vijjateso jagatippadeso, yatthaṭṭhito mucceyya pāpakammāti.
 Evaṃ sante yadetaṃ “aladdhavipākavārampi kammaṃ avassaṃ arahato
 paṭisaṃveditabban”ti kappanāvasena “natthi arahato akālamaccū”ti
 laddhipatiṭṭhāpanaṃ kataṃ, taṃ dukkaṭamevāti.

Natthi arahato akālamaccūtikathāvaṇṇanā.

3. Sabbamidaṃkammatotikathāvaṇṇanā

783. Idāni sabbamidaṃ kammatotikathā nāma hoti. Tattha “kammunā
 vattati loko”ti suttaṃ nissāya “sabbamidaṃ kammakilesavipākavaṭṭaṃ
 kammatoḥ hoti”ti yesaṃ laddhi seyyathāpi Rājagirikānañceva
 Siddhatthikānañca, te sandhāya **sabbamidanti** pucchā sakavādissa, paṭiññā
 itarassa. Atha naṃ “evaṃ sante kammampi kammato āpajjati”ti codetuṃ
kammampi kammatotī āha. Itaro yadi kammampi kammatoḥ nāma taṃ
 kammaṃ vipākoyeva siyāti paṭikkhipati. **Pubbekatahetūti** “yadi sabbamidaṃ
 kammato, pubbekatahetunā tena bhavitabban”ti codetuṃ pucchati, itaro
 pubbekatahetuvādabhayena paṭikkhipati.

784. **Kammavipākatoti** “yadi sabbamidaṃ kammato, yaṃ atītabhave
 pavattassa hetubhūtaṃ kammaṃ, tampi purimatāre bhava kammatotī
 kammavipāko sampajjati, tena te sabbamidaṃ kammavipākato āpajjati”ti
 codetuṃ pucchati. Itaro bījato añkurasseva paccuppannapavattassa kammato
 nibbattiṃ sandhāya paṭikkhipati. Dutiyāṃ puṭṭho tassāpi kammaṃ bījassa
 purimabījato

1. Tathārūpe apare vā (Sī, Syā)

viya purimakammato pavattattā paṭijānāti. **Pāṇaṃ haneyyāti**-ādi “yadi sabbaṃ kammavipākato, pāṇātipātādīni kammavipākeneva kareyyā”ti codetuṃ vuttaṃ. Itaro dussilyacetanāpi purimakammanibbāttā ekena pariyaēyena vipākoyevāti laddhiyā paṭijānāti. Atha naṃ “yadi te pāṇātipāto kammavipākato nibbattati, pāṇātipāto viya vipākopi saphalo āpajjati”ti cocetuṃ **saphaloti** āha. Itaro pāṇātipātassa nirayaśaṃvattanikādibhāvato saphalataṃ passanto paṭijānāti, kammavipākassa pana idaṃ nāma phalanti vuttaṭṭhānaṃ apassanto paṭikkhipati. Adinnādānādīsupi eseva nayo. **Gilānapaccayabhesajjaparikkhāro saphaloti** deyyadhammasena dānaphalaṃ pucchati. **Kammunā vattatīti** suttaṃ “natthi kamman”ti akammavāditaṃ paṭikkhipitvā “atthi kamman”ti kammavāditaṃ kammassakataṃ dīpeti, na sabbasseva kammato nibbattiṃ, tasmā asādhakanti.

Sabbamidaṃ kammatotikathāvaṇṇanā.

4. Indriyabaddhakathāvaṇṇanā

786-787. Idāni indriyabaddhakathā nāma hoti. Tattha duvidhaṃ dukkhaṃ indriyabaddhaṃ anindriyabaddhañca. Indriyabaddhaṃ dukkhavatthutāya dukkhaṃ, anindriyabaddhaṃ udayabbayapaṭipīḷanaṭṭhena “yadaniccaṃ taṃ dukkhaṃ”ti saṅgahitattā dukkhaṃ. Imaṃ vibhāgaṃ aggaheṭvā “yassa pariññāya Bhagavati brahmacariyaṃ vussati, taṃ indriyabaddhameva dukkhaṃ, na itaraṃ”ti yesaṃ laddhi seyyathāpi Hetuvādānaṃ, tesāṃ itarassāpi dukkhabhāvaṃ dassetuṃ **indriyabaddhaññevāti** pucchā sakavādissa, paṭiññā itarassa. Atha naṃ “yasmā Bhagavatā ‘yadaniccaṃ taṃ dukkhaṃ’ti vuttaṃ, tasmā indriyabaddheneva tena aniccena bhavitabban”ti codetuṃ **indriyabaddhaññeva aniccanti**-ādimāha. **Nanu anindriyabaddhaṃ aniccanti** nanu pathavīpabbatapāsāṇādi anindriyabaddhampi aniccanti attho.

788. **Na vattabbaṃ indriyabaddhaññeva dukkhanti** pañhe **āmantāti** paṭiññā sakavādissa. Anindriyabaddhañhi dukkhadomanassānaṃ ārammaṇaṃ hoti. Uṇhakālasmiñhi aggi sītakāle ca vāto dukkhassa ārammaṇaṃ,

niccampi bhogavināsādayo domanassassa. Tasmā vināpi aniccaṭṭhena anindriyabaddhaṃ dukkhanti vattabbaṃ. Kammakilesehi pana anibbattattā dukkhaṃ ariyasaccanti na vattabbaṃ, tathā maggena apariññeyyattā. Yasmā pana tiṇakatṭhādinirodho vā utubijādinirodho vā dukkhanirodhaṃ ariyasaccaṃ nāma na hoti, tasmā indriyabaddhaṃ dukkhañceva ariyasaccañca, itaraṃ pana dukkhamevāti idaṃ nānattaṃ dassetuṃ paṭijānāti. **Yathā indriyabaddhassāti**-ādivacanaṃ indriyabaddhassa pariññāya brahmacarivāsaṃ pariññātassa puna anuppattiṃ dīpeti. Tenevettha sakavādinā paṭikkhepo kato, “yadaniccaṃ taṃ dukkhaṃ”ti vacanena pana saṅgahitassa anindriyabaddhassa dukkhabhāvaṃ paṭisedhetuṃ na sakkāti, tasmā asādhakanti.

Indriyabaddhakathāvaṇṇanā.

5. Ṭhapetvā-ariyamaggantikathāvaṇṇanā

789-790. Idāni ṭhapetvā ariyamaggantikathā nāma hoti. Tattha “yasmā ariyamaggo ‘dukkhanirodhagāminipaṭipadā’ti vutto, tasmā ṭhapetvā ariyamaggaṃ avasesā saṅkhārā dukkhā”ti yesaṃ laddhi seyyathāpi Hetuvādānaṃ, te sandhāya pucchā sakavādissa, paṭiññā itarassa. Atha naṃ “yadi evaṃ samudayassāpi dukkhabhāvo āpajjati”ti codetuṃ **dukkhasamudayopīti** āha. Itaro hetulakkhaṇaṃ sandhāya paṭikkhipati. Puna puṭṭho pavatta¹pariyāpanabhāvaṃ sandhāya paṭijānāti. **Tiṇevāti** pañhesu suttavirodhabhayena paṭikkhipati, laddhivasena paṭijānāti. Sesamettha uttānatthamevāti.

Ṭhapetvā ariyamaggantikathāvaṇṇanā.

6. Navattabbaṃsaṃghodakkhiṇaṃpaṭiggaṇhātītikathāvaṇṇanā

791-792. Idāni na vattabbaṃ saṃgho dakkhiṇaṃ paṭiggaṇhātītikathā nāma hoti. Tattha “paramatthato maggaphalāneva saṃgho, maggaphalehi

1. Pavatti (Syā). Parivatta (Ka)

añño saṅgho nāma natthi, maggaphalāni ca na kiñci paṭiggaṇhanti, tasmā na vattabbaṃ saṅgho dakkhiṇaṃ paṭiggaṇhātī”ti yesaṃ laddhi seyyathāpi etarahi mahāpuññavādīsankhātānaṃ vetullakānaṃ, te sandhāya **na vattabbanti** pucchā sakavādissa, paṭiññā itarassa. Atha naṃ “yadi saṅgho na paṭiggaṇheyya, na naṃ Satthā āhuneyyāti-ādīhi thomeyyā”ti codetuṃ **nanu saṅgho āhuneyyoti**-ādimāha. **Saṅghassa dānaṃ denti** “ye te saṅghassa denti, te paṭiggāhakesu asati kassa dadeyyuṃ”ti codanattamaṃ vuttaṃ. **Āhutiṃ jātavedovā**ti suttaṃ parasamayato āgataṃ. Tattha **mahāmeghanti** meghavutthiṃ sandhāya vuttaṃ. Vutthiñhi medanī paṭiggaṇhāti, na meghameva. **Maggo paṭiggaṇhātī** “maggaphalāni saṅgho”ti laddhiyā vadati, na ca maggaphalāneva saṅgho, maggaphalapātubhāvaparissuddhe pana khandhe upādāya paññattā aṭṭha puggalā saṅgho, tasmā asādhakametanti.

Na vattabbaṃ saṅgho dakkhiṇaṃ paṭiggaṇhātītikathāvaṇṇanā.

7. Navattabbaṃsaṅghodakkhiṇaṃvisodhetītikathāvaṇṇanā

793-794. Idāni na vattabbaṃ saṅgho dakkhiṇaṃ visodhetītikathā nāma hoti. Tattha “maggaphalāneva saṅgho nāma, na ca tāni dakkhiṇaṃ visodhetuṃ sakkonti, tasmā na vattabbaṃ saṅgho dakkhiṇaṃ visodhetī”ti yesaṃ laddhi seyyathāpi tesaññeva, te sandhāya pucchā sakavādissa, paṭiññā itarassa. **Āhuneyyoti**-ādi “yadi saṅgho dakkhiṇaṃ visodhetuṃ na sakkuṇeyya¹, na naṃ Satthā evaṃ thomeyyā”ti dassanattamaṃ vuttaṃ. **Visodhetī** mahapphalaṃ karoti. Saṅghasmiñhi appaṃ dinnāṃ bahu hoti, bahu dinnāṃ bahutaraṃ. **Dakkhiṇeyyāti** dakkhiṇārahā dakkhiṇāya anucchavikā, dakkhiṇaṃ visodhetuṃ samatthāti attho. **Dakkhiṇaṃ ārādhentī**ti sampādentī, appamattikāyapi dakkhiṇāya mahantaṃ phalaṃ pāpuṇantīti attho. Sesāṃ heṭṭhā vuttanayamevāti.

Na vattabbaṃ saṅgho dakkhiṇaṃ visodhetītikathāvaṇṇanā.

1. Na sakkā (Sī, Ka)

8. Navattabbaṃsaṃghobhuñjatītikathāvaṇṇanā

795-796. Idāni na vattabbaṃ saṃgho bhuñjatītikathā nāma hoti. Tatrāpi “maggaphalāneva saṃgho nāma, na ca tāni kiñci bhuñjanti, tasmā na vattabbaṃ saṃgho bhuñjati, pivati, khādati, sāyatī”ti yesaṃ laddhi seyyathāpi tesāmyeva, te sandhāya pucchā sakavādissa, paṭiññā itarassa. Atha nam “yadi saṃgho na bhuñjeyya, saṃghabhattādikaraṇaṃ niratthakaṃ bhavyeyā”ti codetuṃ **nanu atthi keci saṃghabhattāni karontīti**-ādimāha. **Gaṇabhojananti**-ādi “yadi saṃgho na bhuñjeyya, kassa gaṇabhojanādāni siyun”ti codanattamaṃ vuttaṃ. **Aṭṭha pānāni**ti idampi “yadi saṃgho na piveyya, kassetāni pānāni Satthā anujāneyyā”ti codanattamaṃ vuttaṃ. Sesamidhāpi heṭṭhā vuttanayeneva veditabbanti.

Na vattabbaṃ saṃgho bhuñjatītikathāvaṇṇanā.

9. Navattabbaṃsaṃghassadinnamāmahapphalantikathāvaṇṇanā

797-798. Idāni na vattabbaṃ saṃghassa dinnamā mahapphalantikathā nāma hoti. Tatrāpi “maggaphalāneva saṃgho nāma, na ca sakkā tesam kiñci dātuṃ, na ca tehi paṭiggaṇhituṃ, nāpi tesam dānena koci upakāro ijjhati, tasmā na vattabbaṃ saṃghassa dinnamā mahapphalan”ti yesaṃ laddhi seyyathāpi tesāmyeva, te sandhāya pucchā sakavādissa, paṭiññā itarassa. **Āhuneyyoti**-ādi “yadi saṃghassa dinnamā mahapphalanā na bhavyeyya, na nam satthā evam thomeyyā”ti dassanattamaṃ vuttaṃ. Sesam yathāpāḷimeva niyyātīti.

Na vattabbaṃ saṃghassa dinnamā mahapphalantikathāvaṇṇanā.

10. Navattabbaṃbuddhassadinnamāmahapphalantikathāvaṇṇanā

799. Idāni na vattabbaṃ Buddhassa dinnamā mahapphalantikathā nāma hoti. Tattha “Buddho Bhagavā na kiñci paribhuñjati, lokānuvattanattamaṃ pana paribhuñjamānaṃ viya attānaṃ dasseti, tasmā nirupakārattā na vattabbaṃ tasmim dinnamā mahapphalan”ti

yesaṃ laddhi seyyathāpi tesāmyeva, te sandhāya pucchā sakavādissa, paṭiññā itarassa. **Dvipadānaṃ** aggoti-ādi “manussadussīlepi dānaṃ sahasagūṇaṃ hoti, kimaṅgaṃ pana evarūpe aggapuggale”ti dassanattamaṃ vuttaṃ. Sesamettha yathāpāḷimeva niyyāṭīti.

Na vattabbaṃ Buddhassa dinnamaṃ mahapphalantikathāvaṇṇanā.

11. Dakkhiṇāvisuddhikathāvaṇṇanā

800-801. Idāni dakkhiṇāvisuddhikathā nāma hoti. Tattha “yadi paṭiggāhakato dakkhiṇā visujjheyya, mahapphalā bhaveyya. Dāyakena dānaṃ dinnamaṃ, paṭiggāhakena vipāko nibbattitoti añño aññassa kāraṇo bhaveyya, paramkātaṃ sukhadukkhaṃ āpajjheyya, añño kareyya, añño paṭisaṃvedeyya. Tasmā dāyakatovadānaṃ visujjhati, no paṭiggāhakato, dāyakasseva¹ cittavisuddhi vipākadāyikā hoti”ti yesaṃ laddhi seyyathāpi Uttarāpathakānaṃ, te sandhāya pucchā sakavādissa, paṭiññā itarassa. **Āhuneyyāti**-ādi “yadi paṭiggāhakato dānaṃ na visujjheyya, kimassa āhuneyyādibhāvo kareyyā”ti dassanattamaṃ vuttaṃ. **Añño aññassa kāraṇoti** yadi dāyakassa dānacetanā paṭiggāhakena katā bhaveyya, yuttarūpaṃ siyā. Tassa pana dānacetanā parisuddhā paṭiggāhakasaṅkhātamaṃ vatthum paṭicca mahāvīpākattṭhena visujjhati, tasmā acodanā esā “paṭiggāhakato² dānaṃ visujjhati”ti.

Dakkhiṇāvisuddhikathāvaṇṇanā.

Sattarasamo vaggo.

18. Aṭṭhārasamavagga

1. Manussalokakathāvaṇṇanā

802-803. Idāni manussalokakathā nāma hoti. Tattha “Tathāgato loke jāto loke saṃvaḍḍho lokaṃ abhibhuyya

1. Dāyakassevettha (Sī)

2. Paṭiggāhakatopi (Ka)

viharati anupalitto lokenā”¹ti¹ suttaṃ ayoniso gahetvā “Bhagavā Tusitabhavane nibbatto tattheva vasati, na manussalokaṃ āgacchati, nimmitarūpamattakaṃ panettha dasseti”ti yesaṃ laddhi seyyathāpi etarahi Vetullakānaṃmyeva, te sandhāya pucchā sakavādissa, paṭiññā itarassa. Atha naṃ puṭṭhokāsenā ceva suttasādhanaena ca saññāpetuṃ **nanu atthīti**-ādimāha. **Loke jātoti** paravādī Tusitapuraṃ sandhāya vadati, Satthārā panetaṃ manussalokaññeva sandhāya lokaṃ vuttaṃ. **Lokaṃ abhibhuyyāti** paravādī manussalokaṃ abhibhavitvāti diṭṭhiyā vadati, Satthā pana ārammaṇalokaṃ abhibhavitvā vihāsi. **Anupalitto lokenāti** paravādī manussalokena anupalittataṃva sandhāya vadati, Satthā pana lokadhammesu kilesehi anupalitto vihāsi. Tasmā asādhakametanti.

Manussalokakathāvaṇṇanā.

2. Dhammadesanākathāvaṇṇanā

804-806. Idāni dhammadesanākathā nāma hoti. Tattha “Tusitapure ṭhito Bhagavā dhammadesanattāya abhinimmitaṃ pesesi, tena ceva tassa ca desanaṃ sampaṭicchitvā āyasmatā Ānandena dhammo desito, na Buddhena Bhagavatā”ti yesaṃ laddhi seyyathāpi Vetullakānaññeva, te sandhāya pucchā sakavādissa, paṭiññā itarassa. Atha naṃ “yadi tena dhammo desito, sveva Satthā bhaveyyā”ti codetuṃ **abhinimmito Jinoti**-ādimāha. Itaro tathā asampaṭicchanto paṭikkhipati. Sesamettha uttānatthamevāti.

Dhammadesanākathāvaṇṇanā.

3. Karuṇākathāvaṇṇanā

807-808. Idāni karuṇākathā nāma hoti. Tattha piyāyitānaṃ vatthūnaṃ vipattiyā sarāgānaṃ rāgavasena karuṇāpatirūpikaṃ pavattim disvā

1. Saṃ 2. 114 piṭṭhe.

“rāgo va karuṇā nāma, so ca Bhagavato natthi, tasmā natthi Buddhassa Bhagavato karuṇā”ti yesaṃ laddhi seyyathāpi Uttarāpathakānaṃ, te sandhāya pucchā sakavādissa, paṭiññā itarassa. Atha naṃ “karuṇā nāmesā nikkilesatāya ceva sattārammaṇatāya ca cetovimuttitāya ca ekādasānisamsatāya ca mettādīhi samānajātikā, tasmā yadi Bhagavato karuṇā natthi, mettādayopissa na siyun”ti codanattamaṃ **natthi Buddhassa Bhagavato mettāti-ādimāha. Akāruṇikoti** pañhe tathārūpaṃ vohāraṃ apassanto paṭikkhipati. Sesamettha uttānatthamevāti.

Karuṇākathāvaṇṇanā.

4. Gandhajātakathāvaṇṇanā

809. Idāni gandhajātakathā nāma hoti. Tattha yesaṃ Buddhe Bhagavati ayoniso pemavasena “Bhagavato uccārapassāvo aññe gandhajāte ativiya adhigaṇhāti, natthi tato ca sugandhataraṃ gandhajātan”ti laddhi seyyathāpi ekaccānaṃ Andhakānañceva Uttarāpathakānañca, te sandhāya pucchāya sakavādissa, paṭiññā itarassa. Sesamettha yathāpālīmeva niyyātīti.

Gandhajātakathāvaṇṇanā.

5. Ekamaggakathāvaṇṇanā

810-811. Idāni ekamaggakathā nāma hoti. Tattha yesaṃ Buddhe Bhagavati ayoniso pemavaseneva “Bhagavā sotāpanno hutvā sakadāgāmī, sakadāgāmī hutvā anāgāmī, anāgāmī hutvā¹ arahattaṃ sacchākāsī, ekeneva pana ariyamaggena cattāri phalāni sacchākāsī”ti laddhi seyyathāpi tesaññeva, te sandhāya pucchā sakavādissa, paṭiññā itarassa. Atha naṃ catūhi phalehi saddhiṃ uppannānaṃ catunnaṃ phassādīnaṃ

1. Sotāpanno hutvā, sakadāgāmī hutvā, anāgāmī hutvā (Syā)

ekato samodhānavasena codetuṃ **catunnaṃ phassānanti**-ādimāha. **Sotāpattimaggenā**ti-ādi “kataramaggena sacchikaroti”ti pucchanatthaṃ vuttaṃ. **Arahattamaggenā**ti ca vutte tena sakkāyadiṭṭhi-ādīnaṃ pahānābhāvavasena codeti. **Bhagavā sotāpannoti** Buddhabhūtaṃ sotāpannabhāvo natthīti paṭikkhipati. Parato pañhadvayepi eseva nayo. Sesamettha yathāpālimeva niyyātīti.

Ekamaggakathāvaṇṇanā.

6. Jhānasaṅkantikathāvaṇṇanā

813-816. Idāni jhānasaṅkantikathā nāma hoti. Tattha yesaṃ “idha bhikkhave bhikkhu vivicceva kāmehi paṭhamānaṃ jhānaṃ upasampajja viharati, vitakkavicārānaṃ vūpasamā dutiyaṃ jhānaṃ, tatiyaṃ jhānaṃ, catutthaṃ jhānaṃ, upasampajja viharati”ti¹ imaṃ paṭipāṭidesanaṃ nissāya “tassa tassa jhānassa upacārapavattim vināva jhānā jhānaṃ saṅkamati”ti laddhi seyyathāpi Mahisāsakānañceva ekaccānañca Andhakānaṃ, te sandhāya pucchā sakavādissa, paṭiññā itarassa. Atha naṃ “yadi te dutiyajjhānūpacāraṃ appatvā uppaṭipāṭiyā paṭhamajjhānā dutiyajjhānameva saṅkamati, paṭhamato tatiyaṃ, dutiyato catutthampi saṅkameyyā”ti codetuṃ **paṭhamā jhānā**ti-ādimāha. **Yā paṭhamassā**ti-ādi “yadi paṭhamato anantaraṃ dutiyaṃ, dutiyādīhi vā tatiyādīni samāpajjati, ekāvajjanena samāpajjeyyā”ti codanatthaṃ vuttaṃ. **Kāme ādīnavatoti** paṭhamānaṃ kāme ādīnavato manasi karoto pacchā uppajjati, jhānakkhaṇe panaṃsa nimittameva manasi karoti. **Taññeva paṭhamanti** “yadi purimajavanato pacchimajavanaṃ viya anantaraṃ uppajjeyya, ṭhapetvā purimacchimabhāvaṃ lakkhaṇato taññeva taṃ bhavēyyā”ti codetuṃ pucchati. Iminā upāyena sabbattha attho veditabbo. **Vivicceva kāmehī**ti-ādīhi paṭipāṭiyā jhānānaṃ desitabhāvaṃ dīpeti, na anantaruppattim, tasmā asādhakanti.

Jhānasaṅkantikathāvaṇṇanā.

1. Saṃ 3. 268 piṭṭhe.

7. Jhānantarikakathāvaṇṇanā

817-818. Idāni jhānantarikakathā nāma hoti. Tattha yesaṃ samaye “pañcakanaye pañca jhānāni vibhattāni, kevalaṃ tayo samādhī uddiṭṭhā”ti avitakkavicāramattassa samādhino okāsaṃ ajānantānaṃ “paṭhamassa ca dutiyassa ca jhānassa antare jhānantarikā nāma esā”ti laddhi seyyathāpi Sammitiyānañceva ekaccānañca Andhakānaṃ, te sandhāya pucchā sakavādissa, paṭiññā itarassa. Atha naṃ “jhānampi cetasikā dhammā, phassādayopi, tasmā yadi jhānantarikā nāma bhaveyya, phassantarikādīhipi bhavitabban”ti codanattaṃ **atthi phassantarikāti**-ādimāha.

Dutiyassa ca jhānassāti “yadi jhānantarikā nāma bhaveyya, dutiyatatiyādīnīpi jhānāneva, tesampi antarikāya bhavitabban”ti codanattaṃ vuttaṃ. So kevalaṃ laddhiyā abhāvena paṭikkhipati ceva paṭijānāti ca. **Paṭhamassa cāti** puṭṭho laddhivasena paṭijānāti.

819. **Savitakko savicāroti**-ādi “tiṇṇampi samādhīnaṃ samādhībhāve samāne avitakko vicāramattova samādhī jhānantariko, na itaroti ko ettha visesahetū”ti codanattaṃ vuttaṃ.

820-822. **Dvinnāṃ jhānānaṃ paṭuppannānanti** paṭhamadutiyāni sandhāya pucchati. Itaro “tesaṃ paccuppannānaṃyeva¹ antare avitakko vicāramatto samādhī jhānantariko nāma hotī”ti laddhiyā paṭijānāti. **Paṭhamāṃ jhānaṃ niruddhanti** puṭṭho tiṇṇāṃ ekakkhaṇe pavatti na yuttāti paṭijānāti. **Avitakko vicāramatto samādhī paṭhamāṃ jhānanti** catukkanayavasena pucchati. Sakavādī tasmim naye tassa abhāvā paṭikkhipati. **Nanu tayo samādhīti** etthāyamadhippāyo—yathā tesu tīsu samādhīsu dve samādhī jhānāneva, na jhānantarikā, evaṃ itarenapī jhānāneva bhavitabban, na jhānantarikāyāti.

Jhānantarikakathāvaṇṇanā.

1. Paṭuppannānaṃyeva (Sī, Syā)

8. Samāpannosaddam̐suṇātītikathāvaṇṇanā

823-825. Idāni samāpanno saddam̐ suṇātītikathā nāma hoti. Tattha “yasmā paṭhamassa jhānassa saddo kaṇḍako vutto Bhagavatā, yadi ca samāpanno tam̐ na suṇeyya, katarim̐ kaṇḍako siyā. Tasmā samāpanno saddam̐ suṇātī”ti yesam̐ laddhi seyyathāpi Pubbaseliyānam̐, te sandhāya pucchā sakavādissa, paṭiññā itarassa. **Cakkhunā rūpam̐ passatī**-ādi “samāpannassa tāva pañcadvārappavattam̐ natthi, tasmim̐ asati yadi so saddam̐ suṇeyya, rūpampi passeyyā”ti codanattham̐ vuttam̐. **Saddo kaṇḍakoti** vikkhepakarattā¹ vuttam̐. Oḷārikena hi saddena sote ghaṭṭite paṭhamajjhānato vuṭṭhānam̐ hoti, tenetam̐ vuttam̐, tasmā asādhakam̐. **Dutiyassa jhānassā**-ādi “yathā aññopi kaṇḍako antosamāpattiyam̐ natthi, evam̐ saddassavanampī”ti bodhanattham̐ vuttam̐, tam̐ sabbam̐ uttānatthamevāti.

Samāpanno saddam̐ suṇātītikathāvaṇṇanā.

9. Cakkhunārūpam̐passatītikathāvaṇṇanā

826-827. Idāni cakkhunā rūpam̐ passatītikathā nāma hoti. Tattha “cakkhunā rūpam̐ disvā”ti vacanam̐ nissāya “pasādacakkhumeva rūpam̐ passatī”ti yesam̐ laddhi seyyathāpi Mahāsam̐ghikānam̐, te sandhāya pucchā sakavādissa, paṭiññā itarassa. Atha nam̐ “yadi cakkhunā rūpam̐ passeyya, rūpena rūpam̐ passeyyā”tīti codetum̐ **rūpena rūpam̐ passatī** āha. Itaro rūpāyatanam̐ sandhāya paṭikkhipitvā puna puṭṭho cakkhumeva sandhāya paṭijānāti. **Paṭivijānātī** ettha ayamadhippāyo—passatīti hi mayam̐ paṭijānanam̐ sandhāya pucchāma, na cakkhūpasam̐hāramattam̐. Tasmā vadehi tāva “kim̐ te cakkhumā rūpena rūpam̐ paṭivijānātī”ti. Itaro purimanayeneva paṭikkhipati ceva paṭijānāti ca. Atha nam̐ “evam̐ sante rūpam̐ manoviññānam̐ āpajjati, tañhi paṭivijānāti nāmā”ti codetum̐ **rūpam̐ manoviññānanti** āha. Itaro lesam̐ alabhanto paṭikkhipateva. **Atthi cakkhussa āvaṭṭanā**-ādi “yadi cakkhu paṭivijānanaṭṭhena passati, cakkhuviññānassa viya tassāpi

1. Vikkhepakaraṇattā (Syā)

āvajjanāya bhavitabban”ti codetuṃ pucchati. Itaro yasmā na āvajjanapaṭibaddhaṃ cakkhu, na taṃ āvajjanānantaraṃ uppajjati, tasmā **na hevanti** paṭikkhipati. **Sotena saddanti**-ādīsupi eseva nayo. **Idha bhikkhave bhikkhu cakkhunā rūpaṃ passatīti** sasambhārakathānayaena vuttaṃ. Yathā hi usunā vijjhantopi “dhanunā vijjhatī”ti vuccati, evaṃ cakkhuviññāṇena passantopi “cakkhunā passatī”ti vutto, tasmā asādhakametam. Sesesupi eseva nayoti.

Cakkhunā rūpaṃ passatītikathāvaṇṇanā.

Aṭṭhārasamo vaggo.

19. Ekūnavīsativavagga

1. Kilesapajahanakathāvaṇṇanā

828-831. Idāni kilesapajahanakathā nāma hoti. Tattha “yasmā kilesapahānaṃ nāma atthi, pahīnakilesassa ca atītāpi kilesā pahīnāva honti, anāgatāpi, paccuppannāpi, tasmā atītepi kilese pajahati, anāgatepi, paccuppannepī”ti yesaṃ laddhi seyyathāpi ekaccānaṃ Uttarāpathakānaṃ, te sandhāya **atīte**-ādipucchā sakavādissa, paṭiññā itarassa. Sesaṃ yathāpālīmeva niyyāti. **Natthi kilese jahatīti** imasmim̐ pana paravādissa pañhe yasmā kacavaraṃ pajahantassa kacavare chaḍḍanavāyāmo viya kilese pajahantassa na atītādibhede su kilesesu vāyāmo atthi, nibbānārammaṇe pana ariyamagge pavattite kilesā anuppannāyeva nuppajjantīti pahīnā nāma honti, tasmā **na hevanti** paṭikkhipati. **Tena hi atīte kilese pajahatīti**-ādi pana yasmā “natthi kilesapajahanā”ti na vattabbaṃ, tasmā atītādibhede pajahatīti chalena vuttaṃ.

Kilesapajahanakathāvaṇṇanā.

2. Suññatakathāvaṇṇanā

832. Idāni suññatakathā nāma hoti. Tattha **suññatā**ti dve suññatā khandhānañca anattalakkhaṇaṃ, nibbānañca. Tesu anattalakkhaṇaṃ tāva ekaccaṃ ekena pariyāyena siyā saṅkhārakkhandhapariyāpannaṃ, nibbānaṃ apariyāpannameva. Imaṃ pana vibhāgaṃ aggahetvā “suññatā saṅkhārakkhandhapariyāpannā”ti yesaṃ laddhi seyyathāpi Andhakānaṃ, te sandhāya pucchā sakavādissa, paṭiññā itarassa. **Animittanti** sabbanimittarahitaṃ nibbānaṃ. “Appaṇihito”tipi tasseva nāmaṃ. Kasmā panetaṃ ābhatanti? Avibhajjavādīvāde dosāropanatthaṃ. Yassa hi avibhajjivā “ekadeseneva suññatā saṅkhārakkhandhapariyāpannā”ti laddhi, tassa nibbānampi saṅkhārakkhandhapariyāpannanti āpajjati. Imassa dosassāropanatthaṃ “animittaṃ appaṇihitaṃ”ti ābhatanti. Itaro tassa pariyāpannabhāvaṃ anicchanto paṭikkhipati. **Saṅkhārakkhandho na aniccoti-**ādi nibbānasaṅkhātāya suññatāya aniccabhāvāpattidosadassanatthaṃ vuttaṃ.

833. **Saṅkhārakkhandhassa suññatā**ti “yadi aññassa khandhassa suññatā aññakkhandhapariyāpannā, saṅkhārakkhandhasuññatāyapi sesakkhandhapariyāpannāya bhavitabban”ti codanatthaṃ vuttaṃ. **Saṅkhārakkhandhassa suññatā na vattabbāti-**ādi “yadi saṅkhārakkhandhasuññatā sesakkhandhapariyāpannā na hoti, sesakkhandhasuññatāpi saṅkhārakkhandhapariyāpannā na hoti”ti paṭilomadassanatthaṃ vuttaṃ.

834. **Suññamidam bhikkhave saṅkhārā**ti suttam parasamayato ābhatanti. Tattha **saṅkhārā**ti “sabbe saṅkhārā aniccā”ti āgataṭṭhāne viya pañcakkhandhā, te ca attattaniyasuññattā suññatāti sāsānāvācaram hoti, na virujjhati, tasmā anuññatā. Yasmā panetaṃ na suññatāya saṅkhārakkhandhapariyāpannabhāvaṃ dīpeti, tasmā asādhakanti.

Suññatakathāvaṇṇanā.

3. Sāmaññaphalakathāvaṇṇanā

835-836. Idāni sāmaññaphalakathā nāma hoti. Tattha maggavīthiyampi phalasaṃpattivīthiyampi¹ ariyamaggassa vipākacittam sāmaññaphalaṃ

1. Phalasaṃpattiyampi (Syā)

nāmāti sakasamaye sanniṭṭhānaṃ. Yesaṃ pana tathā aggahetvā
 “kilesapahānañceva phaluppatti ca sāmāññaphalaṃ, tasmā asaṅkhatan”ti
 laddhi seyyathāpi Pubbaseliyānaṃ, te sandhāya pucchā sakavādissa, paṭiññā
 itarassa. Sesamettha heṭṭhā vuttanayattā yathāpāḷimeva niyyātīti.

Sāmāññaphalakathāvaṇṇanā.

4. Pattikathāvaṇṇanā

837-840. Idāni pattikathā nāma hoti. Tattha “yaṃ yaṃ paṭilabbhati¹,
 tassa tassa paṭilābho patti nāma, sā ca asaṅkhatā”ti yesaṃ laddhi seyyathāpi
 Pubbaseliyānaññeva, te sandhāya pucchā sakavādissa, paṭiññā itarassa.
 Sesamidhāpi heṭṭhā vuttanayattā yathāpāḷimeva niyyātīti. **Na vattabbanti**-ādi
 yāya laddhiyā patti asaṅkhatāti maññati, taṃ pakāsetuṃ vuttaṃ. Tattha
 sakavādī “na hevaṃ vattabbe”ti paṭikkhipanto kevalaṃ pattiyā
 rūpādibhāvaṃ na sampācchati. Na hi patti nāma koci dhammo atthi, na
 pana asaṅkhatabhāvaṃ anujānāti. Itaro pana paṭikkhepamatteneva
 asaṅkhatāti laddhiṃ paṭiṭṭhapeti, sā ayoniso paṭiṭṭhāpitattā appaṭiṭṭhitāyevāti.

Pattikathāvaṇṇanā.

5. Tathatākathāvaṇṇanā

841-843. Idāni tathatākathā nāma hoti. Tattha yesaṃ “rūpādīnaṃ
 sabbadhammānaṃ rūpādisabhāvatāsaṅkhātā tathatā nāma atthi, sā ca
 saṅkhatesu rūpādīsu apaniyāpannattā asaṅkhatā”ti laddhi seyyathāpi
 ekaccānaṃ Uttarāpathakānaṃ, te sandhāya pucchā sakavādissa, paṭiññā
 itarassa. Sesamidhāpi heṭṭhā vuttanayattā pākāṭamevāti.

Tathatākathāvaṇṇanā.

1. Paṭilabbhati (Syā)

6. Kusalakathāvaṇṇanā

844-846. Idāni kusalakathā nāma hoti. Tattha anavajjampi kusalam, iṭṭhapākampi. Anavajjam nāma kilesavippayuttaṃ. Ayaṃ nayo ṭhapetvā akusalam sabbadhamme bhajati. Iṭṭhavipākaṃ nāma āyatim upapattipavattesu iṭṭhaphalanipphādakaṃ puññaṃ. Ayaṃ nayo Kusalattike ādipadameva bhajati. Yesam pana imam vibhāgaṃ aggahetvā anavajjabhāvamatteneva nibbānaṃ kusalanti laddhi seyyathāpi Andhakānaṃ, tesam iṭṭhavipākaṭṭhena nibbānassa kusalatābhāvaṃ dīpetum pucchā sakavādissa, attano laddhivasena paṭiññā itarassa. Sesamidhāpi heṭṭhā vuttanayattā uttānatthamevāti.

Kusalakathāvaṇṇanā.

7. Accantaniyāmakathāvaṇṇanā

847. Idāni accantaniyāmakathā nāma hoti. Tattha yesam “sakim nimuggo nimuggova hoti”¹ti¹ suttam nissāya “atthi puthujjanassa accantaniyāmatā”ti laddhi seyyathāpi ekaccānaṃ Uttarāpathakānaṃ, te sandhāya pucchā sakavādissa, paṭiññā itarassa. **Mātughātakoti**-ādi “niyatamicchādiṭṭhikassa ca mātughātakādīnañca samāne micchattaniyāme mātughātakādīhipi te accantaniyatehi bhavitabban”ti codanattham vuttam. Itaro “niyatamicchādiṭṭhiko saṃsārakhāṇuko bhavantarepi niyatova, ime pana ekasmiññeva attabhāve”ti laddhiyā **na hevanti** paṭikkhipati.

848. **Vicikicchā uppajjeyyāti** “ayaṃ niyato vā no vā”ti evam uppajjeyyāti pucchati. Itaro anuppattikāraṇam apassanto paṭijānāti. **Nuppajjeyyāti** puṭṭho pana yaṃ diṭṭhim āsevanto niyāmaṃ okkanto, tattha anuppattim sandhāya paṭijānāti. Tato **pahīnāti** puṭṭho maggena appahīnattā paṭikkhipati, tam diṭṭhim ārabba asamudācārato paṭijānāti. Atha nam yasmā pahānaṃ nāma vinā ariyamaggena natthi, tasmā tassa vasena codetum **soṭāpattimaggenāti**-ādimāha. So ekamaggenāpi

1. Am 2. 403 piṭṭhe.

appahīnattā paṭikkhipatī. Puna **katamenā**ti puṭṭho micchāmaggaṃ sandhāya **akusalenā**ti-ādimāha.

849. **Ucchedadiṭṭhi uppajjeyyā**ti dutiyaniyāṃmuppattim̄ pucchati. Itaro yasmā “yepi te okkalā vayabhiññā natthikavādā akiriyavādā ahetukavādā”²ti² vacanato tissopi niyatamicchādiṭṭhiyo ekassa uppajjanti, tasmā paṭijānāti.

850. Atha nam̄ “na ca nāma so accantaniyāmo”³ti codetum̄ **hañcī**ti-ādimāha. Accantaniyatassa hi dutiyaniyāmo niratthako. **Nuppajjeyyā**ti pañhe yaṃ sassatadiṭṭhiyā sassatanti gahitaṃ, tadeva ucchijjissatī³ gahetvā anuppattim̄ sandhāya paṭijānāti. **Pahīnā**ti puṭṭho maggena appahīnattā paṭikkhipatī, vuttanayena anuppajjanato paṭijānāti. **Sassatadiṭṭhi uppajjeyyā**ti-ādīsupi eseva nayo. Sesam̄ vicikicchāvāre vuttanayameva.

851-852. **Na vattabbanti** pucchā paravādissa, suttassa⁴ atthitāya paṭiññā sakavādissa. Na pana so bhavantarepi nimuggova. Imasmiññeva hi bhava abhabbo so taṃ diṭṭhim̄ pajahitunti ayamettha adhippāyo, tasmā asādhakametanti. **Sabbakālam̄ ummujjitvā nimujjati**ti-ādi vacanamatte abhinivesam̄ akatvā attho⁵ pariyesitabboti dassanattham̄ vuttanti.

Accantaniyāmakathāvaṇṇanā.

8. Indriyakathāvaṇṇanā

853-856. Idāni indriyakathā nāma hoti. Tattha lokiyā saddhā saddhā eva nāma, na saddhindriyam̄. Tathā lokiyam̄ vīriyam̄, sati, samādhi, paññā paññāyeva nāma, na paññindriyanti yesam̄ laddhi seyyathāpi Hetuvādānañceva Mahisāsakānañca, te sandhāya pucchā sakavādissa, paṭiññā

1. Ukkaṇṇavassa aññā (Sī, Syā, Ka) 2. Ma 3. 121 piṭṭhe. 3. Uchijjatīti (Syā)

4. Tassa suttassa (Syā)

5. Attho pana (Sī, Syā)

itarassa. **Natthi lokiyā saddhāti**-ādi yasmā lokiyāpi saddhādayova dhammā adhipatiyaṭṭhena indriyaṃ, na saddhādīhi aññaṃ saddhindriyādi nāma atthi, tasmā lokiyānampi saddhādīnaññeva saddhindriyādībhāvadassanattamaṃ vuttaṃ. **Atthi lokiyo manoti**-ādi yathā te lokiyāpi manādayo dhammā manindriyādīni, evaṃ lokiyā saddhādayopi saddhindriyānīti upamāya tassatthassa vibhāvanattamaṃ vuttaṃ. Sesamettha yathāpālimeva niyyātīti.

Indriyakathāvaṇṇanā.

Ekūnavīsatisimo vaggo.

20. Vīsativavagga

1. Asañciccakathāvaṇṇanā

857-862. Idāni asaṅciccakathā nāma hoti. Tattha “ānantariyavatthūni nāma garūni bhāriyāni, tasmā asaṅciccāpi tesu vatthūsu vikopitesu ānantariko hoti”ti yesaṃ laddhi seyyathāpi ekaccānaṃ Uttarāpathakānaṃ, te sandhāya **asaṅciccāti** pucchā sakavādissa, laddhivasena paṭiññā itarassa. Atha naṃ “yasmā ānantariyakammaṃ nāma kammaṭṭhappattaṃ, yadi ca asaṅcicca kammaṭṭhabhedo siyā, avasesā paṇātipātādayopi asaṅcicca bhavēyyun”ti codanattamaṃ **asaṅcicca paṇāmaṃ hantvāti**-ādimāha. Itaro tathārūpāya laddhiyā abhāvena paṭikkhipati. Sesaṃ yathāpālimeva niyyāti. **Na vattabbaṃ mātughātakoti** pucchā paravādissa, rogapaṭikārādikāle¹ asaṅcicca ghātaṃ sandhāya paṭiññā sakavādissa. **Nanu mātā jīvitā voropitāti** pañhepi asaṅcicca voropitaṃ sandhāya paṭiññā sakavādisseva. Evaṃ adhippāyaṃ pana aggahetvā hañcīti laddhipaṭiṭṭhāpanaṃ itarassa, taṃ ayoniso paṭiṭṭhāpitattā appaṭiṭṭhitameva. Pitughātakādīsopi eseva nayo. Saṃghabhedake pana dhammasaññiṃ sandhāya **saṃghabhedo ānantarikoti** pucchā sakavādissa, “saṃghaṃ samaggaṃ bhettvāna,

1. Rogatikicchākārādikāle (Syā)

kappaṃ nirayamhi paccatī”ti vacanaṃ ayoniso gahetvā paṭiññā paravādissa. Puna **sabbeti** puṭṭho sakapakkhe dhammasaññim sandhāya paṭikkhipati, parapakkhe dhammasaññim sandhāya paṭijānāti. **Dhammasaññīti** pañhadvayepi eseva nayo. **Nanu vuttaṃ Bhagavatāti** suttaṃ ekanteneva dhammavādissa ānatarikabhāvadassanatthaṃ vuttaṃ. **Āpāyiko nerayikoti** gāthāyapi adhammavādīyeva adhippeto. Itaro pana adhippāyaṃ aggahetvā laddhiṃ paṭiṭṭhapeti. Sā ayoniso paṭiṭṭhāpitattā apatiṭṭhitāyevāti.

Asañciccakathāvaṇṇanā.

2. Ñānakathāvaṇṇanā

863-865. Idāni ñānakathā nāma hoti. Tattha duvidhaṃ ñānaṃ lokiyañca lokuttarañca. Lokiyaṃ samāpattiñānampi hoti dānādivasena pavattaṃ kammassakatañānampi, lokuttaraṃ saccaparicchedakaṃ maggañānampi phalañānampi. Imaṃ pana vibhāgaṃ akatvā “saccaparicchedakameva ñānaṃ, na itaraṃ, tasmā natthi puthujjanassa ñānaṃ”ti yesaṃ laddhi seyyathāpi Hetuvādānaṃ, te sandhāya pucchā sakavādissa, paṭiññā itarassa. **Paññāti**-ādi ñānavevacanadassanatthaṃ vuttaṃ. Tenetaṃ dīpeti—yadi tassa ñānaṃ natthi, paññādayopi natthi. Atha paññādayo atthi, ñānampi atthi. Kasmā? Paññādīnaṃ ñānato anaññattāti, **paṭhamaṃ jhānanti**-ādi samāpattiñānaṃ dassanatthaṃ vuttaṃ. **Dānaṃ dadeyyāti**-ādi kammassakatañānaṃ. **Dukkhaṃ pari jānāti**ti lokuttaramaggañānameva dīpeti, na ca lokuttarameva ñānanti.

Ñānakathāvaṇṇanā.

3. Nirayapālakathāvaṇṇanā

866. Idāni nirayapālakathā nāma hoti. Tattha “niraye nerayikakammāneva nirayapālarūpavasena¹ vadhenti, natthi nirayapālā nāma

1. Nirayapālarūpena (Syā)

sattā”ti yesaṃ laddhi seyyathāpi Andhakānaṃ, te sandhāya pucchā sakavādissa, paṭiññā itarassa. Atha naṃ “yadi tattha nirayapālā na siyūṃ, kammakāraṇāpi na bhaveyyūṃ. Kāraṇikesu hi sati kāraṇā”ti codetuṃ **natthi nirayesūti**-ādimāha.

867-868. **Atthi manussesūti** paccakkhena nāpanatthaṃ vuttaṃ. Yathā hi manussesu sati kāraṇikesu kāraṇā, evaṃ tatthāpīti ayamettha adhippāyo. **Atthi nirayesūti** pucchā paravādissa, paṭiññā itarassa. **Na Vessabhū nopi ca Pettirājāti** paravādinā sakasamayato suttaṃ ābhattaṃ. Taṃ pana sāsanaṅvacarikanti sakavādinā anuññātaṃ. Tattha **Vessabhūti** eko devo. **Pettirājāti** pettivisaye petamahiddhiko. **Somādayo** pākaṭā eva. Idaṃ vuttaṃ hoti—attano kammehi ito paṇunnaṃ¹ paralokaṃ pattaṃ purisaṃ na ete Vessabhū-ādayo hananti. Yehi pana so kammehi tattha paṇunno, tāni sakāni kammāniyeva naṃ tattha hanantīti kammassakataṃ dīpeti, na nirayapālānaṃ abhāvaṃ. Sakavādinā pana **tamenaṃ bhikkhaveli** ābhattāni suttapadāni nītatthānevāti.

Nirayapālakathāvaṇṇanā.

4. Tiracchānakathāvaṇṇanā

869-871. Idāni tiracchānakathā nāma hoti. Tattha devesu Erāvaṇādayo devaputtā hatthivaṇṇaṃ assavaṇṇaṃ vikubbanti, natthi tattha tiracchānagatā. Yesaṃ pana tiracchānavaṇṇino devaputte disvā “atthi devesu tiracchānagatā”ti laddhi seyyathāpi Andhakānaṃ te sandhāya pucchā sakavādissa, paṭiññā itarassa. Atha naṃ “yadi devayoniyāṃ tiracchānagatā siyūṃ, tiracchānayoniyampi devā siyūṃ”ti codetuṃ **atthi tiracchānagatesūti**-ādimāha. **Kiṭṭāti**-ādi yesaṃ so abhāvaṃ icchati, te dassetuṃ vuttaṃ. **Erāvaṇoti** pañhe tassa atthitāya paṭiññā

1. Panuṇṇaṃ (Sī, Syā)

sakavādissa, na tiracchānagatassa. **Hatthibandhā**ti-ādi “yadi tattha hatthi-ādayo siyūṃ, hatthibandhādayopi siyūṃ”ti codanattamaṃ vuttaṃ. Tattha **yāvasikā**ti yavassa dāyakā. **Kāraṇikā**ti hatthācariyādayo, yehi te nānāvidhaṃ kāraṇaṃ kareyyūṃ. **Bhatakāra**kāti hatthi-ādīnaṃ bhattarandhakā. **Na hevanti** tathā anicchanto paṭikkhipatīti.

Tiracchānakathāvaṇṇanā.

5. Maggkathāvaṇṇanā

872-875. Idāni maggakathā nāma hoti. Tattha yesaṃ “pubbeva kho panassa kāyakammaṃ vacīkammaṃ ājīvo suparisuddho hotī”ti¹ idañceva suttāṃ sammāvācākammantājīvānañca cittavippayuttataṃ nissāya “nippariyāyena pañcaṅgikova maggo”ti laddhi seyyathāpi Mahisāsakānaṃ, te sandhāya **pañcaṅgikoti** pucchā sakavādissa, paṭiññā itarassa. **Sammāvācā maggaṅgaṃ, sā ca na maggoti**-ādi parasamayavasena vuttaṃ. Parasamayasmiñhi sammāvācādayo maggaṅganti āgatā. Rūpattā pana maggo na hotīti vaṇṇitā. **Sammādiṭṭhi maggaṅganti**-ādi maggaṅgassa amaggatā nāma natthīti dassanattamaṃ vuttaṃ. **Pubbeva kho panassā**ti sutte parisuddhasīlassa maggabhāvanā nāma hoti, na itarassāti āgamaniyapaṭipadāya visuddhibhāvadassanattamaṃ “kāyakammaṃ vacīkammaṃ ājīvo suparisuddho hotī”ti vuttaṃ, na imehi vinā pañcaṅgikabhāvadassanattamaṃ. Tenevāha “evamassāyaṃ ariyo aṭṭhaṅgiko maggo bhāvanāpāripūriṃ gacchatī”ti. Sakavādinā ābhata suttāṃ nītatthamevāti.

Maggkathāvaṇṇanā.

6. Nāṇakathāvaṇṇanā

876-877. Idāni nāṇakathā nāma hoti. Tattha dhammacakkappavattane dvādasākārañānaṃ sandhāya “dvādasavatthukaṃ nāṇaṃ lokuttaraṃ”ti yesaṃ laddhi

1. Ma 3. 337 piṭṭhe.

seyyathāpi Pubbaseliyānaṃ¹, te sandhāya pucchā sakavādissa, paṭiññā itarassa. Atha naṃ “sace taṃ dvādasavattukam, dvādasahi maggañāṇehi bhavitabban”ti codetum **dvādasāti**-ādimāha. Itaro maggassa ekattaṃ sandhāya paṭikkhipati, ekekasmiṃ sacce saccañāṇakiccañāṇakatañāṇaṃ vasena ñāṇanānattaṃ sandhāya paṭijānāti. **Dvādasa sotāpattimaggāti**-ādīsupi eseva nayo. **Nanu vuttaṃ Bhagavatāti** suttaṃ saddhim pubbhāgaparabhāgehi ñāṇanānattaṃ dīpeti, na ariyamaggassa dvādasa ñāṇataṃ. Tasmā asādhakanti.

Ñāṇakathāvaṇṇanā.

Vīsatiṃ vaggero.

Catutthapaṇṇāsako samatto.

21. Ekavīsativavagga

1. Sāsanakathāvaṇṇanā

878. Idāni sāsanakathā nāma hoti. Tattha tisso saṅgītiyo sandhāya “sāsanam navam katan”ti ca “atthi koci Tathāgatassa sāsanam navam karoti”ti ca “labbhā Tathāgatassa sāsanam navam kātun”ti ca yesam laddhi seyyathāpi ekaccānam Uttarāpathakānam, te sandhāya tīsupi kathāsu pucchā sakavādissa, paṭiññā itarassa. **Satipaṭṭhānāti**-ādi sāsanam nāma satipaṭṭhānādayo ceva ariyadhammā, kusalādīnaṃ desanā. Tattha yesam² Bhagavatā desitā satipaṭṭhānādayo, ṭhapetvā te aññesam vā satipaṭṭhānādīnam karaṇena akusalādīnam vā kusalādibhāvakaṇena sāsanam navamkataṃ nāma bhavēyya, kiṃ taṃ evam kataṃ kenaci, atthi vā koci evam karoti, labbhā vā evam kātunti tīsupi pucchāsu codanattham vuttaṃ. Sesam sabbattha yathāpālimeva niyyātīti.

Sāsanakathāvaṇṇanā.

1. Pubbaseliyāparaseliyānaṃ (Syā)

2. Ye (?)

2. Avivittakathāvaṇṇanā

879-880. Idāni avivittakathā nāma hoti. Tattha yassa puggalassa yo dhammo paccuppanno, so tena avivitto nāmāti idaṃ sakasamaye sannitṭhānaṃ. Yasmā pana puthujjanena tedhātukā dhammā apariññātā, tasmā so ekakkhaṇeyeva sabbehipi tedhātukehi dhammehi avivittoti yesaṃ laddhi seyyathāpi tesaññeva, te sandhāya pucchā sakavādissa, paṭiññā itarassa. **Phassehīti**-ādi sabbesaṃ phassādīnaṃ ekakkhaṇe pavattidosadasanattamaṃ vuttaṃ. Sesaṃ sabbattha uttānatthamevāti.

Avivittakathāvaṇṇanā.

10. Saññojanakathāvaṇṇanā

881-882. Idāni saññojanakathā nāma hoti. Tattha yasmā arahā sabbaṃ Buddhavisayaṃ na jānāti, tasmā tassa tattha avijjāvicikicchāhi appahīnāhi bhavitabbanti saññāya “atthi kiñci saññojanaṃ appahāya arahattappattī”ti yesaṃ laddhi seyyathāpi Mahāsaṃghikānaṃ, te sandhāya pucchā sakavādissa, paṭiññā itarassa. **Atthi kiñci sakkāyadiṭṭhīti**-ādi arahato sabbasaṃyojanappahānadassanattamaṃ vuttā. **Sabbaṃ Buddhavisayanti** pañhadvaye arahato sabbaññutaññābhāvena paṭisedho kato, na avijjāvicikicchānaṃ appahānena. Itaro pana tesaṃ appahīnataṃ sandhāya **tena hīti** laddhiṃ paṭiṭṭhapeti. Sā ayoniso paṭiṭṭhāpitattā appaṭiṭṭhitāva hotīti.

Saññājanakathāvaṇṇanā.

11. Iddhikathāvaṇṇanā

883-884. Idāni iddhikathā nāma hoti. Tattha iddhi nāmesā katthaci ijjhati, katthaci na ijjhati, aniccādīnaṃ niccādikaraṇe ekanteneva na ijjhati. Sabhāgasantatiṃ pana parivattetvā visabhāgasanthatikaraṇe vā

sabhāgasantativaseneva ciratarappavattane vā yesaṃ atthāya kariyati, tesam puññādīni kāraṇāni nissāya katthaci ijjhati bhikkhūnaṃ atthāya pānīyassa sappikhīrādikaraṇe viya mahādhātunidhāne dīpādīnaṃ cirasantānappavattane viya cāti idaṃ sakasamaye sanniṭṭhānaṃ. Yaṃ pana āyasmā Pilindavaccho rañño pāsādaṃ suvaṇṇantveva adhimucci, taṃ nissāya yesaṃ “atthi adhippāya-iddhī”ti laddhi seyyathāpi Andhakānaṃ, te sandhāya **atthi adhippāya-iddhī**ti pucchā sakavādissa. Tattha **adhippāya-iddhī**ti adhippāya-iddhī¹, yathādhippāyaṃ ijjhana-iddhīti attho. **Āmantāti** laddhimatte ṭhatvā paṭiññā paravādissa. Atha naṃ aniccādīnaṃ niccādītāya anuyunjitum **niccapaṇṇā rukkhā** **hontūti**-ādimāha. Sesamettha uttānatthameva. Laddhipatiṭṭhāpane **suvaṇṇo ca panāsīti** rañño puññūpanissayena āsi, na kevalaṃ therassa adhippāyeneva. Tasmā asādhakametanti.

Iddhikathāvaṇṇanā.

12. Buddhakathāvaṇṇanā

885. Idāni Buddhakathā nāma hoti. Tattha ṭhapetvā tasmim tasmim kāle sarīravemattataṃ āyuvemattataṃ pabhāvemattatañca sesehi Buddhadhammehi Buddhānaṃ Buddhehi hīnātirekatā nāma natthi. Yesaṃ pana aviseseneva atthāti laddhi seyyathāpi Andhakānaṃ, te sandhāya **atthi Buddhānanti** pucchā sakavādissa, paṭiññā itarassa. Atha naṃ Buddhadhammehi anuyunjitum **satipaṭṭhānatoti**-ādimāha. Itaro tesam vasena hīnātirekataṃ apassanto paṭikkhipatiyevāti.

Buddhakathāvaṇṇanā.

13. Sabbadisākathāvaṇṇanā

886. Idāni sabbadisākathā nāma hoti. Tattha catūsu disāsu, heṭṭhā, uparīti samantato lokadhātusannivāsaṃ, sabbalokadhātūsu

1. Adhippāyaṃ iddhi (Sī, Syā)

ca Buddhā atthīti attano vikappasippan̄am uppādetvā “sabbadisāsu Buddhā tiṭṭhantī”ti yesaṃ laddhi seyyathāpi Mahāsaṃghikānaṃ, te sandhāya pucchā sakavādissa, paṭiññā itarassa. **Purattimāyāti** puṭṭho Sakyamuniṃ sandhāya paṭikkhipati. Puna puṭṭho laddhivasena aññalokadhātuyaṃ ṭhitaṃ sandhāya paṭijānāti. **Kinnāmo so Bhagavāti**-ādi “sace tvaṃ jānāsi¹, nāmādivasena naṃ kathehī”ti codanattamaṃ vuttaṃ. Iminā upāyena sabbattha attho veditabboti.

Sabbadisākathāvaṇṇanā.

14. Dhammakathāvaṇṇanā

887-888. Idāni dhammakathā nāma hoti. Tattha yasmā rūpādayo rūpādisabhāvena niyatā na taṃ sabhāvaṃ vijahanti, tasmā sabbadhammā niyatāti yesaṃ laddhi seyyathāpi Andhakānañceva ekaccānañca Uttarāpathakānaṃ, te sandhāya **sabbe dhammāti** pucchā sakavādissa, paṭiññā itarassa. Atha naṃ “sace te niyatā, micchattaniyatā vā siyumaṃ sammattaniyatā vā, ito añño niyāmo² nāma natthī”ti codetumaṃ **micchattaniyatāti**-ādimāha. Tattha paṭikkhepo ca paṭiññā ca paravādissa. **Rūpaṃ rūpaṭṭhena**ti-ādi yenatthena niyatāti vadati, tassa vasena codetumaṃ vuttaṃ. Tatrāyaṃ adhippāyo—rūpañhi rūpaṭṭhena niyatanti rūpaṃ rūpameva, na vedanādisabhāvanti adhippāyena vattabbaṃ, ito aññathā na vattabbaṃ. Kasmā? Rūpaṭṭhato aññassa rūpassa abhāvā. Rūpasabhāvo hi rūpaṭṭho, rūpasabhāvo ca rūpameva, na rūpato añño. Vedanādīhi panassa nānattapaññāpanattham̄ esa vohāro hotīti. Tasmā “rūpaṃ rūpaṭṭhena niyatan”ti vadantena rūpaṃ niyatanti vuttaṃ hoti. Niyatañca nāma micchattaniyataṃ vā siyā sammattaniyataṃ vā, ito añño niyāmo² nāma natthīti. Atha kasmā paṭijānātīti? Atthantaravasena. **Rūpaṃ rūpaṭṭhena niyatanti** ettha hi rūpaṃ rūpameva, na vedanādisabhāvanti ayamattho. Tasmā paṭijānāti. Ito aññathā panassa niyatattaṃ natthīti puna teneva nayena codetumaṃ

1. Na jānāsi (Sī, Syā, Ka)

2. Niyato (Ka)

micchattaniyatanti-ādimāha. Taṃ sabbaṃ uttānatthameva. **Tena hi rūpanti** laddhipi ayoniso paṭiṭṭhāpitattā appaṭiṭṭhitāva hotīti.

Dhammakathāvaṇṇanā.

15. Kammakathāvaṇṇanā

889. Idāni kammakathā nāma hoti. Tattha “yasmā diṭṭhadhammavedanīyādāni diṭṭhadhammavedanīyaṭṭhādīhi niyatāni, tasmā sabbe kammā niyatā”ti yesaṃ laddhi seyyathāpi tesaññeva, te sandhāya pucchā sajavādissa, paṭiññā itarassa. **Diṭṭhadhammavedanīyaṭṭhena niyatanti** ettha diṭṭhadhammavedanīyaṃ diṭṭhadhammavedanīyaṭṭhameva. Sace diṭṭheva dhamme vipākaṃ dātuṃ sakkoti, deti, no ce, ahosikammaṃ nāma hotīti imamatthaṃ sandhāya paṭiññā sakavādissa. Micchattasammattaniyāmasena¹ panetaṃ aniyatamevāti sabbaṃ heṭṭhā vuttanayeneva veditabbanti.

Kammakathāvaṇṇanā.

Ekavīsatisimo vaggo.

22. Bāvīsativagga

1. Parinibbānakathāvaṇṇanā

892. Idāni parinibbānakathā nāma hoti. Tattha “yasmā arahā sabbaññuvisaye appahīnasāmyojanova parinibbāyati, tasmā atthi kiñci sāmyojanaṃ appahāya parinibbānaṃ”ti yesaṃ laddhi seyyathāpi Andhakānaṃ, te sandhāya pucchā sakavādissa, paṭiññā itarassa. Sesamettha heṭṭhā vuttanayamevāti.

Parinibbānakathāvaṇṇanā

1. Micchattaniyāmasena (Syā)

2. Kusalacittakathāvaṇṇanā

894-895. Idāni kusalacittakathā nāma hoti. Tattha yasmā arahā sativapullappatto parinibbāyantopi sato sampajānova parinibbāti, tasmā kusalacitto parinibbāyatīti yesaṃ laddhi seyyathāpi Andhakānaṃ, te sandhāya pucchā sakavādissa, paṭiññā itarassa. Atha naṃ yasmā kusalacitto nāma puññābhisankhāraṇādivasena hoti, tasmā tenatthena codetuṃ **arahā puññābhisankhāraṇā**-ādimāha. Sesamettha yathāpāḷimeva niyyāti. **Sato sampajāno**ti idaṃ javanakkhaṇe kiriyasatisampajāññānaṃ vasena asammohamaṇaḍḍipanaṭṭhaṃ vuttaṃ, na kusalacittadīpanatthaṃ. Tasmā asādhakanti.

Kusalacittakathāvaṇṇanā.

3. Āneñjakathāvaṇṇanā

896. Idāni āneñjakathā nāma hoti. Tattha Bhagavā catutthajjhāne ṭhito parinibbāyīti sallakkhetvā “arahā āneñje ṭhito parinibbāyatī”ti yesaṃ laddhi seyyathāpi ekaccānaṃ Uttarāpathakānaṃ, te sandhāya pucchā sakavādissa, paṭiññā itarassa. **Pakaticitteti** bhavaṅgacitte. Sabbe hi saññino sattā bhavaṅgacitte ṭhatvā¹ bhavaṅgapariyosānena cuticittena kālaṃ karonti. Iti naṃ iminā atthena codetuṃ evamāha. Tattha kiñcāpi catuvokārabhave arahato pakaticittampi āneñjaṃ hoti, ayaṃ pana pañho pañcavokārabhavavasena uddhaṭo. Tasmā **no ca vata re vattabbeti** āha. Sesamettha uttānatthamevāti.

Āneñjakathāvaṇṇanā.

4. Dhammābhisamayakathāvaṇṇanā

897. Idāni dhammābhisamayakathā nāma hoti. Tattha atītabhave sotāpannaṃ mātukucchiyaṃ vasitvā nikkhantaṃ disvā “atthi gabbhaseyyāya

1. Ṭhitā (Sī, Ka)

dhammābhisamayo”ti yesaṃ laddhi seyyathāpi ekaccānaṃ Uttarāpathakānaṃ, te sandhāya pucchā sakavādissa, paṭiññā itarassa. Atha naṃ “yadi tattha dhammābhisamayo atthi, dhammābhisamayassa kāraṇehi dhammadesanādīhi bhavitabban”ti codetuṃ **atthi gabbhaseyyāya dhammadesanāti-ādimāha. Suttassāti-ādi bhavaṅgavāraṃ sandhāya vuttam.** Gabbhaseyyāya hi yebhuyyena bhavaṅgameva pavattati. Teneva satto¹ kiriyamayappavattābhāvā² sutto, bhāvanānuyogassa abhāvā pamatto, kammaṭṭhānapariggāhakānaṃ satisampajaññānaṃ abhāvā muṭṭhassati asampajāno nāma hoti, tathārūpassa kuto dhammābhisamayoti.

Dhammābhisamayakathāvaṇṇanā.

5-7. Tissopikathāvaṇṇanā

898-900. Idāni tissopikathā nāma hoti. Tattha acirajātānaṃ pana sotāpannānaṃ arahattappattiṃ suppvāsāya ca upāsikāya sattavassikaṃ gabbhaṃ disvā “atthi gabbhaseyyāya arahattapattī”ti ca supine ākāśagamanādīni disvā “atthi dhammābhisamayo”ti ca “atthi tattha arahattapattī”ti ca idhāpi yesaṃ laddhiyo seyyathāpi tesaññeva, te sandhāya pucchā sakavādissa, paṭiññā itarassa. Sesamettha purimakathāsadisamevāti.

Tissopikathāvaṇṇanā.

8. Abyākatakathāvaṇṇanā

901-902. Idāni abyākatakathā nāma hoti. Tattha “atthesā bhikkhave cetanā, sā ca kho abbohārikā”ti³ vacanato “sabbaṃ supinagatassa cittaṃ abyākatan”ti yesaṃ laddhi seyyathāpi ekaccānaṃ Uttarāpathakānaññeva, te sandhāya pucchā sakavādissa, paṭiññā itarassa. Sesamettha yathāpālimeva niyyāti. **Supinagatassa cittaṃ abbohārikanti**

1. Sutto (Sī, Syā) 2. Kiriyasamayappavattābhāvo (Sī, Syā) 3. Vi 1. 153 piṭṭhe.

idaṃ āpattiṃ sandhāya vuttaṃ. Supinagatassa hi pāṇātipātādivasena kiñcāpi akusalacittaṃ pavattati, vatthuvikopanaṃ pana natthīti na sakkā tatha āpattiṃ paññāpetuṃ. Iminā kāraṇena taṃ abbohārikaṃ, na abyākatattāti.

Abyākatakathāvaṇṇanā.

9. Āsevanapaccayakathāvaṇṇanā

903-905. Idāni āsevanapaccayakathā nāma hoti. Tattha yasmā sabbe dhammā khaṇikā, na koci muhuttampi ṭhatvā āsevanapaccayaṃ āsevati nāma. Tasmā natthi kiñci āsevanapaccayatā, āsevanapaccayatāya uppannaṃ pana na kiñci atthīti yesaṃ laddhi seyyathāpi tesaññeva, te sandhāya pucchā sakavādissa, paṭiññā itarassa. Atha naṃ suttavaseneva paññāpetuṃ **nanu vuttaṃ Bhagavatā pāṇātipātoti**-ādi ābhataṃ. Taṃ sabbaṃ uttānatthamevāti.

Āsevanapaccayakathāvaṇṇanā.

10. Khaṇikakathāvaṇṇanā

906-907. Idāni khaṇikakathā nāma hoti. Tattha yasmā sabbasaṅkhatadhammā aniccā, tasmā ekacittakkhaṇikāyeva. Samānāya hi aniccatāya eko lahuṃ bhijjati, eko cirenāti ko ettha niyāmoti¹ yesaṃ laddhi seyyathāpi Pubbaseliyāparaseliyānaṃ, te sandhāya **ekacittakkhaṇikāti** pucchā sakavādissa, paṭiññā itarassa. **Citte mahāpathavīti**-ādīsu tesaṃ tathā saṅghānaṃ apassanto paṭikkhipati. **Cakkhāyatananti**-ādi “yadi sabbe ekacittakkhaṇikā bhaveyyuṃ, cakkhāyatanādīni cakkhuvīññāpādīhi saddhimyeva uppajjitvā nirujjheyun”ti codanatthaṃ vuttaṃ. Itaro pana automātukucchigatassa viññāṇupattiṃ sandhāya

1. Visesoti (Syā)

paṭikkhipati, pavattaṃ sandhāya laddhivasena¹ paṭijānāti. Sesametta uttānatthamevāti. **Tena hi ekacittakkhaṇikā**ti yasmā niccā na honti, tasmā ekacittakkhaṇikāti attano ruciyā kāraṇaṃ vadati. Taṃ avuttasadisamevāti.

Khaṇikakathāvaṇṇanā.

Bāvīsatiṃ vaggo.

23. Tevīsativavagga

1. Ekādhippāyakathāvaṇṇanā

908. Idāni ekādhippāyakathā nāma hoti. Tattha kāruṇṇena vā ekena adhippāyena ekādhippāyo, saṃsāre vā ekato bhavissāmāti itthiyā saddhiṃ Buddhapūjādāni katvā paṇidhivasena eko adhippāyo assāti ekādhippāyo, evarūpo dvinnampi janānaṃ ekādhippāyo methuno dhammo paṭisevitabboti yesaṃ laddhi seyyathāpi Andhakānañceva Vetullakānañca, te sandhāya pucchā sakavādissa, paṭiññā itarassa. Sesametta yathāpālimeva niyyātīti.

Ekādhippāyakathāvaṇṇanā.

2. Arahantavaṇṇakathāvaṇṇanā

909. Idāni arahantavaṇṇakathā nāma hoti. Tattha iriyāpathasampanne ākappasampanne pāpabhikkhū disvā “arahantānaṃ vaṇṇena amanussā methunaṃ dhammaṃ paṭisevantī”ti yesaṃ laddhi seyyathāpi ekaccānaṃ Uttarāpathakānaṃ, te sandhāya pucchā sakavādissa, paṭiññā itarassa. Sesametta uttānatthamevāti.

Arahantavaṇṇakathāvaṇṇanā.

1. Laddhivaseneva (Syā)

3-7. Issariyakāmakārikākathāvaṇṇanā

910-914. Idāni issariyakāmakārikākathā nāma hoti. Chaddantajātakādīni sandhāya “bodhisatto issariyakāmakārikāhetu vinipātaṃ gacchati, gabbhaseyyaṃ okkamati, dukkarakārikāṃ akāsi, aparantapaṃ akāsi, aññaṃ sathhāraṃ uddisi”¹ti yesaṃ laddhi seyyathāpi Andhakānaṃ, te sandhāya pucchā sakavādissa, paṭiññā itarassa. Sesaṃ paṭhamakathāyaṃ uttānatthameva. Dutiyakathāyaṃ **iddhimāti** yadi issariyakāmakārikāhetu gaccheyya, iddhiyā gaccheyya, na kammavasenāti codanattham vuttaṃ. Itaro pana paṭhamapañhe bhāvanāmayāṃ sandhāya paṭikkhipati, dutiyapañhe puññiddhiṃ sandhāya paṭijānāti. Tatiyakathāyaṃ issariyakāmakārikāhetu nāma dukkarakārikā micchādīṭṭhiyā kariyati. Yadi ca so taṃ kareyya, sassatādīnipi gaṇheyyāti codanattham **sassato lokoti-**ādi vuttaṃ. Catutthakathāyampi eseva nayoti.

Issariyakāmakārikākathāvaṇṇanā.

8. Patirūpakathāvaṇṇanā

915-916. Idāni rāgapatirūpakathā nāma hoti. Tattha mettākaraṇāṃmuditāyo sandhāya “na rāgo rāgapatirūpako”²ti ca issāmacchariyakukkuccāni sandhāya “na doso dosapatirūpako”³ti ca hasituppādaṃ sandhāya “na moho mohapatirūpako”³ti ca dummaṅkūnaṃ puggalānaṃ niggahaṃ pesalānaṃ bhikkhūnaṃ anuggahaṃ pāpagarahitaṃ kalyāṇapasāmsaṃ āyasmato Pilindavacchassa vasalavādaṃ Bhagavato kheḷāsakavādaṃ¹ moghapurisavādañca sandhāya “na kilesa kilesapatirūpako”³ti ca yesaṃ laddhi seyyathāpi Andhakānaṃ, te sandhāya sabbakathāsu pucchā sakavādissa, paṭiññā itarassa. Ayaṃ naṃ yasmā phassādipatirūpakā naphassādayo² nāma natthi, tasmā rāgādipatirūpakā narāgādayopi³

1. Kheḷāsikavādaṃ (Sī, Syā)

2. Phassādipatirūpakānaṃ phassādayo (Sī, Syā)

3. Rāgādipatirūpakānaṃ rāgādayopi (Sī, Syā)

natthīti codetuṃ **atthi na phassoti**-ādimāha. Itaro tesam abhāvā paṭikkhipati. Sesam sabbattha uttānatthamevāti.

Patirūpakathāvaṇṇanā.

9. Aparinipphannakathāvaṇṇanā

917-918. Idāni aparinipphannakathā nāma hoti. Tattha

“Dukkameva hi sambhoti, dukkham tiṭṭhati veti ca.

Nāññatra dukkhā sambhoti, nāññam dukkhā nirujjhatī”¹—

Vacanam nissāya dukkhaññeva parinipphannaṃ, sesā khandhāyatanadhātu-indriyadhammā aparinipphannāti yesam laddhi seyyathāpi ekaccānam Uttarapathakānañceva Hetuvādānañca, te sandhāya **rūpaṃ aparinipphannanti** pucchā sakavādissa, paṭiññā itarassa. Atha nam “sace rūpaṃ aparinipphannaṃ, na aniccādisabhāvaṃ siyā”^{ti} codetuṃ **rūpaṃ na aniccanti**-ādimāha. Itaro tathārūpaṃ rūpaṃ apassanto paṭikkhipati. Sakavādī **nanu rūpaṃ aniccanti**-ādivacanena tassa ekaṃ laddhiṃ paṭisedhetvā dutiyam pucchanto **dukkhaññeva parinipphannanti**-ādimāha. Athassa tampi laddhiṃ paṭisedhetuṃ **na yadaniccanti**-ādimāha. Tatrāyam adhippāyo—na kevalañhi paṭhamasaccameva dukkham, yaṃ pana kiñci aniccaṃ, taṃ dukkameva. Rūpañca aniccaṃ, tasmā tampi parinipphannaṃ. Iti yaṃ tvam vadesi “rūpaṃ aparinipphannaṃ, dukkhaññeva parinipphannaṃ”^{ti}, taṃ no vata re vattabbe “dukkhaññeva parinipphannaṃ”^{ti}. Vedanādimūlikādīsipi yojanāsu eseva nayo. Dhammāyatanadhammadhātūsu pana ṭhapetvā nibbānam sesadhammānam vasena aniccata veditabbā. Indriyāni aniccānevāti.

Aparinipphannakathāvaṇṇanā.

Tevīsatiṃ vaggio.

1. Sam 1. 137 piṭṭhe.

Nigamanakathā

Ettāvatā ca—

Paṇṇāsakehi catūhi, tīhi vaggehi ceva ca.

Saṅgahetvā kathā sabbā, ūnatisatabhedanā.

Kathāvatthuppakaraṇaṃ, kathāmaggesu kovido.

Yaṃ Jino desayi tassa, niṭṭhitā atthavaṇṇanā.

Imaṃ terasamattehi, bhāṇavārehi tantiyā.

Ciraṭṭhitatthaṃ dhammassa, saṅkharontena yaṃ mayā.

Yaṃ pattam kusalam tena, lokoyaṃ sanarāmaro.

Dhammarājassa saddhamma-rasamevādhigacchatūti.

Kathāvatthu-aṭṭhakathā niṭṭhitā.

Abhidhammapiṭaka

Yamakappakaraṇaṭṭhakathā

Namo tassa Bhagavato Arahato Sammāsambuddhassa.

Saṅkhepeneva devānaṃ, Devadevo surālaye.
Kathāvatthuppakaraṇaṃ, desayitvā raṇañjaho.
Yamassa visayātīto, nānāyamakamaṇḍitaṃ.
Abhidhammapakaraṇaṃ, chaṭṭhaṃ chaṭṭhāna desako.
Yamakaṃ ayamāvatta¹, nīlāmalatanūruho.
Yaṃ desayi anuppatto, tassa saṃvaṇṇanākkamo.
Idāni yasmā tasmāssa, hoti saṃvaṇṇanā ayanti.

1. Mūlayamaka uddesavāraṇṇanā

1. Mūlayamakaṃ Khandhayamakaṃ Āyatanayamakaṃ Dhātuyamakaṃ Saccayamakaṃ Saṅkhārayamakaṃ Anusayayamakaṃ Cittayamakaṃ Dhammayamakaṃ Indriyayamakanti imesaṃ dasannaṃ Yamakānaṃ vasena idaṃ pakaraṇaṃ dasavidhena vibhattanti hi vuttaṃ. Tattha yesaṃ dasannaṃ Yamakānaṃ vasena idaṃ pakaraṇaṃ dasavidhena vibhattaṃ, tesañceva imassa ca pakaraṇassa nāmattho tāva evaṃ veditabbo—kenaṭṭhena Yamakanti? Yugaḷaṭṭhena. Yugaḷañhi Yamakanti vuccati “yamakapāṭihāriyaṃ yamakasālā”ti-ādīsu viya. Iti yugaḷasaṅkhātānaṃ Yamakānaṃ vasena desitattā imesu dasasu ekekaṃ Yamakaṃ nāma, imesaṃ pana Yamakānaṃ samūhabhāvato sabbampetaṃ pakaraṇaṃ Yamakanti veditabbaṃ.

Tattha mūlavasena pucchāvissajjanaṃ katvā desitattā dasannaṃ tāva sabbapaṭṭhamāṃ Mūlayamakanti vuttaṃ. Tattha uddesavāro niddesavāroti dve vārā

1. Ayamāvatta (Syā)

honti, tesu uddiṭṭhānukkamena niddisitabbattā uddesavāro paṭhamo. Tassa **ye keci kusalā dhammā, sabbe te kusalamūlā, ye vā pana kusalamūlā, sabbe te dhammā kusalāti** idaṃ yamakāṃ ādi. Tassa kusalākusalamūlasaṅkhātānaṃ dvinnaṃ atthānaṃ vasena atthayamakanti vā tesaññeva atthānaṃ vasena anulomapaṭilomato pavattapāḷidhammasena dhammayamakanti vā anulomapaṭilomato pavattapucchāvasena pucchāyamakanti vā tidhā yamakabhāvo veditabbo. Sesesupi eseva nayo.

Idāni imesaṃ yamakānaṃ vasena desite imasmim̐ Mūlayamake uddesavarassa tāva nayayamakapucchā-atthavārappabhedavasena Pāḷivavatthānameva evaṃ veditabbaṃ—Kusalattikamātikāya hi “kusalā dhammā”ti idaṃ ādipadaṃ nissāya mūlanayo mūlamūlanayo mūlakanayo mūlamūlakanayoti ime cattāro nayā honti. Tesāṃ ekekasmim̐ naye mūlayamakaṃ ekamūlayamakaṃ aññamaññamūlayamakanti tīṇi tīṇi yamakāni. Evaṃ catūsu navesu dvādasa yamakāni, ekekasmim̐ yamake anulomapaṭilomavasena dve dve pucchāti catuvīsati pucchā, ekekāya pucchāya sanniṭṭhānasamsayavasena dve dve atthāti aṭṭhacattālīsa atthāti.

Tattha **ye keci kusalā dhammāti** kusalesu “kusalā nu kho, na kusalā nu kho”ti sandehābhāvato imasmim̐ pade sanniṭṭhānattho veditabbo. **Sabbe te kusalamūlāti** “sabbe te kusalā dhammā kusalamūlā nu kho, nanu kho”ti evaṃ vimativasena pucchitattā imasmim̐ pade samsayattho veditabbo. So ca kho veneyyānaṃ samsayatṭhāne samsayadīpanatthaṃ vutto, Tathāgatassa pana samsayo nāma natthi. Ito paresupi pucchāpadesu eseva nayo.

Yathā ca kusalapadaṃ nissāya ime cattāro nayā, ekekasmim̐ naye tiṇṇaṃ tiṇṇaṃ yamakānaṃ vasena dvādasa yamakāni, ekekasmim̐ yamake dvinnaṃ dvinnaṃ pucchānaṃ vasena catuvīsati pucchā, ekekāya pucchāya dvinnaṃ dvinnaṃ atthānaṃ vasena aṭṭhacattālīsa atthā ca honti, akusalapadaṃ nissāyapi tatheva, abyākatapadaṃ nissāyapi tatheva, tīṇipi padāni ekato katvā niddiṭṭhaṃ nāmapadaṃ nissāyapi tathevāti Kusallattikamātikāya catūsu padesu sabbepi¹ soḷasa nayā aṭṭhacattālīsa

1. Sabbesupi (Syā)

yamakāni channavuti pucchā dvenavutisatāṃ atthā ca uddesavasena vuttāti veditabbā. Ettāvataṃ mūlavāro nāma paṭhamāṃ uddiṭṭho hoti.

Tato paramṃ **ye keci kusalā dhammā, sabbe te kusalahetūti**-ādayo tasseva Mūlavārassa vevacanavasena nava vārā uddiṭṭhā. Iti Mūlavāro Hetuvāro Nidānavāro Sambhavavāro Pabhavavāro Samuṭṭhānavāro Āhāravāro Ārammaṇavāro Paccayavāro Samudayavāroti sabbepi dasa vārā honti. Tattha Mūlavāre āgataparicchadeneva sesesupi nayādayo veditabbāti sabbesupi dasasu vāresu saṭṭhisatanayā asīti-adhikāni cattāri yamakasatāni saṭṭhi-adhikāni navapucchāsātāni vīsādhikāni ekūnavīsati atthasātāni ca uddiṭṭhānīti veditabbāni. Evaṃ tāva uddesavāre nayayamakapucchā-atthavārappabhedavasena Pāḷivavattthānameva veditabbāṃ.

Mūlaṃ hetu nidānañcāti gāthā dasannampi vārānaṃ uddānagāthā nāma. Tattha mūlādīni sabbānīpi kāraṇavevacanāneva. Kāraṇāñhi patiṭṭhānaṭṭhena mūlaṃ, attano phalanippḥādanatthamṃ hinoti pavattatīti hetu, handa naṃ gaṇhāthāti dassentaṃ viya attano phalaṃ nideṭīti nidānaṃ, etasmā phalaṃ sambhotīti¹ sambhavo, pabhavatīti pabhavo, samuṭṭhāti ettha phalaṃ, etena vā samuṭṭhātīti samuṭṭhānaṃ, attano phalaṃ āharatīti āhāro, appaṭikkhipitabbena attano phalena ālambiyatīti ālambaṇaṃ, etaṃ paṭicca appaṭikkhipitvā phalaṃ eti pavattatīti paccayo, etasmā phalaṃ samudetīti samudayo. Evametesamṃ padānaṃ vacanatto veditabbo.

Uddesavāraṇṇanā.

Niddesavāraṇṇanā

50. Idāni **yekeci kusalā dhammāti**-ādinā nayena niddesavāro āraddho. Tattha **ye kecīti**-anavasesavacanaṃ. **Kusalā dhammāti** Kusalattikassa padabhājane vuttalakkhaṇā anavajjasukhavipākā kusalasabhāvā. **Sabbe te kusalamūlāti** kiṃ te sabbeyeva kusalamūlāti pucchati.

1. Sambhavatīti (Syā)

tīṇeva kusalamūlānīti na te sabbe kusalamūlāni, alobhādīni pana tīṇi eva kusalamūlānīti attho. **Avasesā kusalā dhammā na kusalamūlāti** avasesā phassādayo kusalā dhammā kusalamūlāni nāma na hontī. Atha vā avasesā phassādayo kusalā dhammāyeva nāma, na kusalamūlānītipi attho. **Ye vā pana kusalamūlāti** ye vā pana paṭhamapucchāya dutiyapadena kusalamūlāti tayo alobhādayo gahitā. **Sabbe te dhammā kusalāti** kim te sabbe tayopi dhammā kusalāti pucchati. **Āmantāti** sabbesampi kusalamūlānaṃ kusalabhāvaṃ sampaṭicchanto āha. Ayaṃ tāva mūlanaye mūlayamakassa attho. Iminā upāyena sabbapucchāsu vissajjananayo veditabbo. Yaṃ pana yattha visesamattaṃ atthi, tadeva vaṇṇayissāma.

51. Ekamūlayamake tāva **sabbe te kusalamūlena ekamūlāti** gaṇanaṭṭhena ekamūlakaṃ aggahetvā samānaṭṭhena gahetabbā. Ayañhettha attho—sabbe te kusalamūlena samānamūlā, yaṃ phassassa mūlaṃ, tadeva vedanādīnanti. Atha nesam tathābhāvaṃ sampaṭicchanto **āmantāti** āha. **Kusalasamuṭṭhānanti** kusalacittasamuṭṭhānarūpaṃ dassitaṃ. **Ekamūlanti** alobhādīnā kusalamūlena samānamūlaṃ. Yatheva hi phassādīnaṃ alobhādayo hetupaccayattā mūlaṃ, tathā taṃsamuṭṭhānarūpassāpi, kusalalakkhaṇābhāvena pana taṃ na kusalaṃ.

52. Aññamaññayamake “yekeci kusalā”ti apucchitvā **yekeci kusalamūlena ekamūlāti** pucchā katā, kasmā? Imināpi byañjanena tassevatthassa sambhavato. **Kusalamūlānī**ti idaṃ purimassa visesanaṃ. “Mūlāni yāni ekato uppajantī”ti hi vuttaṃ, tāni pana kusalamūlānīpi hontī akusala-abyākatamūlānīpi, idha kusalamūlānīti visesadassanattamidaṃ vuttaṃ. **Aññamaññamūlāni cāti** aññamaññaṃ hetupaccayena paccayā hontīti attho. Tasseva paṭilomapucchāya “sabbe te dhammā kusalamūlena ekamūlā”ti avatvā **sabbe te dhammā kusalāti** vuttaṃ, kasmā? Atthavisesābhāvato. Kusalamūlena ekamūlāti hi pucchāya katāya “mūlāni yāni ekato uppajantī”ti heṭṭhā vuttanayeneva vissajjanaṃ kātabbaṃ bhaveyya, evañca satī atthavisesābhāvo hotī. Tasmā tathā

akatvā evaṃ pucchā katā. Iminā upāyena mūlamūlanayādīsupi aññamaññamūlayamake pucchāviseso veditabbo.

53-55. Mūlamūlanaye **sabbe te kusalamūlamūlā**ti sabbe te kusalamūlasaṅkhātā mūlāti pucchati. **Ekamūlamūlā**ti samānaṭṭhena ekameva mūlamūlaṃ etesanti ekamūlamūlā. **Aññamaññamūlamūlā**ti aññamaññassa mūlaṃ aññamaññamūlaṃ, aññamaññamūlaṃ hetupaccayaṭṭhena mūlaṃ etesanti aññamaññamūlamūlā.

56. Mūlakanaye **kusalamūlakā**ti hetupaccayaṭṭhena kusalaṃ mūlaṃ etesanti kusalamūlakā.

57-61. Mūlamūlakanaye **kusalamūlamūlakā**ti kusalānaṃ mūlaṃ kusalamūlaṃ, hetupaccayaṭṭheneva kusalamūlaṃ mūlaṃ etesanti kusalamūlamūlakāti. Ayaṃ tāva kusalapadaṃ nissāya nayayamakapucchāsu visesattho.

62-73. **Akusalapadā**dīsupi eseva nayo. Ayaṃ pana viseso, **ahetukaṃ akusalanti** vicikicchāya ceva uddhaccena ca sampayuttaṃ moham sandhāya vuttaṃ.

74-85. **Ahetukaṃ abyākatanti** aṭṭhārasa cittuppādā rūpaṃ nibbānañca. **Abyākatamūlena na ekamūlanti** idha pana ṭhapetvā sahetuka-abyākatasamuṭṭhānaṃ rūpaṃ sesaṃ labbhati. Sahetuka-abyākatasamuṭṭhānaṃ rūpaṃ abyākatamūlena ekamūlaṃ hoti, taṃ abbohārikaṃ katvā ekato labbhamānakavaseneva cetam vissajjanaṃ kataṃ.

86-97. **Nāmā dhammā**ti nāmasaṅkhātā dhammā, te atthato cattāro arūpino khandhā nibbānañca. **Naveva nāmamūlānī**ti kusalākusala-abyākatamūlavasena nava mūlāni. **Ahetukaṃ nāmaṃ nāmamūlena na ekamūlanti** ahetukaṃ sabbampi aṭṭhārasa cittuppāda vicikicchuddhaccasampayutta moha nibbānasaṅkhātānaṃ nāmaṃ nāmamūlena na ekamūlaṃ. Na hi taṃ tena saddhim uppajjati.

Sahetukaṃ nāmaṃ nāmamūlenāti padepi sahetukaṃ nāmaṃ nāmamūlenāti attho. Sesam sabbattha uttānatthamevāti.

Mūlavāraṇṇanā.

98-99. Hetuvārādīsupi imināvupāyena attho veditabbo. **Mūlaṃ hetu nidānañcā**ti gāthā yathānidḍiṭṭhānaṃ dasannampi vārānaṃ puna uddānavaseneva vuttāti.

Mūlayamakavaṇṇanā.

2. Khandhayamaka

1. Paṇṇatti-uddesavāraṇṇanā

1. Idāni Mūlayamake desiteyeva kusalādidhamme khandhavasena saṅgaṇhitvā Mūlayamakānantaraṃ desitassa Khandhayamakassa vaṇṇanā hoti. Tattha Pāḷivavattthānaṃ tāva evaṃ veditabbaṃ—imasmiñhi Khandhayamake tayo mahāvārā honti paṇṇattivāro pavattivāro Pariññāvāroti. Tesu Paṇṇattivāro khandhānaṃ nāmābhidhānasodhanavaseneva gatattā paṇṇattivāroti vuccati. Pavattivāro tena sodhitanāmābhidhānānaṃ khandhānaṃ uppādanirodhavasena pavattiṃ sodhayamāno gato, tasmā Pavattivāroti vuccati. Pariññāvāro iminānukkamena pavattānaṃ khandhānaṃ saṅkhepeveva tisso pariññā dīpayamāno gato, tasmā pariññāvāroti vuccati. Tattha Paṇṇattivāro uddesaniddesavasena dvihākārehi vavattthito. Itaresu visum uddesavāro natthi, ādito paṭṭhāya pucchāvissajjanavasena ekadhā vavattthitā¹. Tattha **pañcakkhandhā**tipadaṃ ādim katvā yāva **na khandhā na saṅkhārā**ti padaṃ, tāva Paṇṇattivārassa uddesavāro veditabbo. Pucchāvārotipi tasseva nāmaṃ. Tattha **pañcakkhandhā**ti ayam yamakavasena pucchitabbānaṃ khandhānaṃ uddeso. **Rūpakkhandho -pa- viññāṇakkhandho**ti tesaññeva pabhedato nāmavavattthānaṃ.

1. Vavattthito (Syā)

2-3. Idāni imesaṃ khandhānaṃ vasena Padasodhanavāro Padasodhanamūlacakkavāro Suddhakhandhavāro Suddhakhandhamūlacakkavāroti cattāro nayavārā honti. Tattha **rūpaṃ rūpakkhando, rūpakkhando rūpanti**-ādinā nayena padameva sodhetvā gato Padasodhanavāro nāma, so anulomapaṭilomavasena duvidho hoti. Tattha Anulomavāre “rūpaṃ rūpakkhando, rūpakkhando rūpan”ti-ādīni pañca yamakāni, Paṭilomavārepi “na rūpaṃ na rūpakkhando, na rūpakkhando na rūpan”ti-ādīni pañceva. Tato paraṃ tesaññeva Padasodhanavāre sodhitānaṃ khandhānaṃ “rūpaṃ rūpakkhando, khandhā vedanākkhandho”ti-ādinā nayena ekekakhandhamūlakāni cattāri cattāri cakkāni bandhitvā gato padasodhanamūlakānaṃ cakkānaṃ atthitāya Padasodhanamūlacakkavāro nāma, sopi anulomapaṭilomavasena duvidho hoti. Tattha Anulomavāre “rūpaṃ rūpakkhando, khandhā vedanākkhandho”ti-ādīni ekekakhandhamūlakāni cattāri cattāri katvā vīsati yamakāni, Paṭilomavārepi “na rūpaṃ na rūpakkhando, na khandhā na vedanākkhandho”ti-ādīni vīsatimeva.

Tato paraṃ **rūpaṃ khandho, khandhā rūpanti**-ādinā nayena suddhakhandhaseneva gato Suddhakhandhavāro nāma. Tattha **khandhā rūpanti**-ādīsu khandhā rūpakkhando, khandhā vedanākkhandhoti attho gahetabbo. Kasmā? Niddesavāre evaṃ bhājitattā¹. Tattha hi “rūpaṃ khandhoti, āmantā. Khandhā rūpakkhandhoti? Rūpakkhando khandho ceva rūpakkhando ca, avasesā khandhā na rūpakkhando”ti evaṃ “khandhā rūpan”ti-ādīnaṃ khandhā rūpakkhandhoti-ādinā nayena padaṃ uddharitvā attho vibhatto. Teneva ca kāraṇenesa Suddhakhandhavāroti vutto. Vacanasodhane viya hi ettha na vacanaṃ² pamāṇaṃ. Yathā yathā pana suddhakhandhā labbhanti, tathā tathā atthova pamāṇaṃ. Parato āyatanayamakādīsopi eseva nayo. Esopi ca Suddhakhandhavāro anulomapaṭilomavasena duvidho hoti. Tattha Anulomavāre “rūpaṃ khandho, khandhā rūpan”ti-ādīni pañca yamakāni, Paṭilomavārepi “na rūpaṃ na khandho, na khandhā na rūpan”ti-ādīni pañceva.

Tato paraṃ tesaññeva suddhakhandhānaṃ **rūpaṃ khandho, khandhā vedanāti**-ādinā nayena ekekakhandhamūlakāni cattāri cattāri cakkāni bandhitvā gato suddhakhandhamūlakānaṃ cakkānaṃ atthitāya Suddhakhandhamūlacakkavāro nāma.

1. Vibhajitattā (Syā)

2. Khandhāti vacanaṃ (Syā)

Tattha **khandhā vedanā**ti-ādīsu¹ khandhā vedanākkhandhoti-ādinā nayena attho veditabbo. Itarathā niddesavārena saddhiṃ virodho hoti. Sopi anulomapaṭilomavasena duvidho hoti. Tattha Anulomavāre “rūpaṃ khandho, khandhā vedanā”ti-ādīni ekekakhandhamūlakāni cattāri cattāri katvā vīsati yamakāni, Paṭilomavārepi “na rūpaṃ na khandho, na khandhā na vedanā”ti-ādīni vīsatimeva. Evaṃ tāva ekena yamakasatena dvīhi pucchāsatehi ekekapucchāya sanniṭṭhānasāmsayavasena dve dve atthe katvā catūhi ca atthasatehi paṭimaṇḍito Paṇṇattivārassa uddesavāro veditabboti.

Paṇṇatti-uddesavāraṇṇanā.

1. Paṇṇattiniddesavāraṇṇanā

26. Idāni **rūpaṃ rūpakkhandhoti**-ādinā nayena niddesavāro āradhho. Tattha **rūpaṃ rūpakkhandhoti** yaṃkiñci rūpanti vuccati, sabbaṃ taṃ rūpaṃ rūpakkhandhoti vacanasodhanatthaṃ pucchati. **Piyarūpaṃ sātārūpaṃ rūpaṃ na rūpakkhandhoti** yaṃ “piyarūpaṃ sātārūpan”ti ettha rūpan”ti vuttaṃ, taṃ rūpameva, na rūpakkhandhoti attho. **Rūpakkhandho rūpañceva rūpakkhandho cāti** yo pana rūpakkhandho, so rūpantipi rūpakkhandhotipi vattuṃ vaṭṭatīti attho. **Rūpakkhandho rūpanti** ettha pana yasmā rūpakkhandho niyameneva rūpanti vattabbo, tasmā **āmanta**tī āha. Iminā upāyena sabbavissajjanesu attho veditabbo. Yo pana yattha vireso bhavissati, tattheva taṃ vaṇṇayissāma. Saññāyamake tāva **diṭṭhisaññā**ti “papañcasaññā”ti-ādīsu āgatā diṭṭhisaññā. Saṅkhārayamake **avasesā saṅkhārā**ti “aniccā vata saṅkhārā”ti-ādīsu āgatā saṅkhārakkhandhato avasesā saṅkhatadhammā. Paṭilomavārepi eseva nayoti.

Padasodhanavāro niṭṭhito.

28. Padasodhanamūlacakkavāre **khandhā vedanākkhandhoti** yekeci khandhā, sabbe te vedanākkhandhoti pucchati. Sesapucchāsupi eseva nayo. Paṭilome **na khandhā na vedanākkhandhoti** ettha ye paññattinibbānasāṅkhātā

1. Ādināṃ (Syā)

dhammā khandhā na honti, te yasmā vedanākkhandhopi na honti, tasmā **āmantāti** āha. Sesavissajjanesupi eseva nayoti.

Padasodhanamūlacakkavāro niṭṭhito.

38. Suddhakhandhavāre **rūpaṃ khandhoti** yaṃkiñci rūpanti vuttaṃ, sabbaṃ taṃ khandhoti pucchati. Tattha yasmā piyarūpasātarūpasaṅkhātāṃ vā rūpaṃ hotu bhūtopādārūpaṃ vā, sabbaṃ pañcasu khandhesu saṅghaṃ gacchateva, tasmā **āmantāti** paṭijānāti. Dutiyapade “khandhā rūpaṃ”ti pucchitabbe yasmā rūpantivacanena rūpakkkandhova adhippeto, tasmā vacanaṃ anādiyitvā atthavasena pucchanto **khandhā rūpakkkandhoti** āha. Iminā nayena sabbapadesu attho veditabbo. Parato āyatanayamakādīnaṃ niddesavārepi eseva nayo. **Saññā khandhoti** etthāpi diṭṭhisaññā vā hotu saññā eva vā, sabbāyapi khandhabhāvato āmantāti vuttaṃ. **Sañkhārā khandhoti** padepe eseva nayo. Khandhavinimuttako hi saṅkhāro nāma natthi.

39. Paṭilome **na rūpaṃ na khandhoti** yaṃ dhammajātaṃ rūpaṃ na hoti, taṃ khandhopi na hotīti pucchati. Vissajjane panassa **rūpaṃ ṭhapetvā avasesā khandhā na rūpaṃ khandhāti** rūpato aññe vedanādayo khandhā rūpameva na honti, khandhā pana hontīti attho. **Rūpañca khandhe ca ṭhapetvā avasesāti** pañcakkhandhavinimuttaṃ nibbānañceva paññatti ca. Ito aresupi avasesāti padesu eseva nayoti.

Suddhakhandhavāro niṭṭhito.

40-44. Suddhakhandhamūlacakkavāre **rūpaṃ khandhoti**-ādīnaṃ heṭṭhā vuttanayeneva attho veditabboti.

Suddhakhandhamūlacakkavāro niṭṭhito.

Paṇṇattinidesavāraṇṇanā.

2. Pavattivāraṇṇanā

50-205. Idāni **yassa rūpakkhandhoti**-ādinā nayena Pavattivāro āraddho. Kasmā panettha uddesavāro na vuttoti? Heṭṭhā dassitanayattā. Paṇṇattivārasmiñhi uddesavāre nayo dassito, tena pana nayena sakkā so idha avuttopi jānitunti taṃ avatvā niddesavārova āraddho. Imasmim pana Pavattivārasaṅkhāte mahāvāre Uppādavāro Nirodhavāro Uppādanirodhavāroti tayo antaravārā honti. Tesu paṭhamo dhammānaṃ uppādalakkhaṇassa dīpitattā **Uppādavāro**ti vuccati, dutiyo tesaññeva nirodhalakkhaṇassa dīpitattā **Nirodhavāro**ti vuccati, tatiyo ubhinnampi lakkhaṇānaṃ dīpitattā **Uppādanirodhavāro**ti vuccati. Uppādavārena cettha dhammānaṃ uppajjanākārova dīpito, Nirodhavārena “uppannaṃ nāma niccaṃ natthī”ti tesaññeva aniccatā dīpitā, Uppādanirodhavārena tadubhayaṃ.

Tattha Uppādavāre tāva tiṇṇaṃ addhānaṃ vasena cha kālabhedā honti—paccuppanno atīto anāgato paccuppannenātīto paccuppannenānāgato atītenānāgatoti. Tesu **yassa rūpakkhandho uppajjati**ti paccuppannābhidhānavasena paccuppanno veditabbo, so paccuppannānaṃ dhammānaṃ paccakkhato gahetabbattā ativiya suviññeyyoti paṭhamāṃ vutto. **Yassa rūpakkhandho uppajjitthāti** atītabhidhānavasena atīto veditabbo, so paccakkhato anubhūtapubbānaṃ atītadhabbānaṃ anumānena anāgatehi suviññeyyatarattā dutiyaṃ vutto. **Yassa rūpakkhandho uppajjissatīti** anāgatābhidhānavasena anāgato veditabbo, so paccakkhato ca anubhūtapubbavasena ca gahitadhammānumānena “anāgatepi evarūpā dhammā uppajjissatī”ti gahetabbato tatiyaṃ vutto.

Yassa rūpakkhandho uppajjati tassa vedanākkhandho uppajjitthāti paccuppannena saddhiṃ atītabhidhānavasena paccuppannenātīto veditabbo, so missakesu tīsu suviññeyyatarattā catutthaṃ vutto. **Yassa rūpakkhandho uppajjati tassa vedanākkhandho uppajjissatīti** paccuppannena saddhiṃ anāgatābhidhānavasena paccuppannenānāgato veditabbo, so paccakkhato gahetabbānaṃ dhammānaṃ atthitāya atthato suviññeyyataroti pañcamaṃ vutto. **Yassa rūpakkhandho uppajjittha tassa vedanākkhandho uppajjissatīti**

atītena saddhiṃ anāgatābhīdhānavasena atītenānāgato veditabbo, so purimehi duviññeyyoti chaṭṭhaṃ vutto.

Evametesu chasu kālabhedesu yvāyaṃ paṭhamo paccuppanno, tattha puggalato okāsato puggalokāsatoti tayo vārā honti. Tesu **yassāti** puggalavasena khandhānaṃ uppattidīpano **Puggalavāro, yatthāti** okāsavasena khandhānaṃ uppattidīpano **Okāsavāro, yassa yatthāti** puggalokāsavasena khandhānaṃ uppattidīpano **Puggalokāsavāro**. Ime pana tayopi vārā paṭhamaṃ anulomanayena niddisitvā pacchā paṭilomanayena niddiṭṭhā. Tesu “uppajjati uppajjittha uppajjissatī”ti vacanato uppattidīpano anulomanayo, “nuppajjati nuppajjittha nuppajjissatī”ti vacanato anuppattidīpano paṭilomanayo.

Tattha paccuppannakāle tāva Puggalavārassa anulomanaye “yassa rūpakkhando uppajjati tassa vedanākkhandho uppajjati, yassa vā pana vedanākkhandho uppajjati tassa rūpakkhando uppajjati. Yassa rūpakkhando uppajjati tassa saññākkhandho saṅkhārakkhandho viññāṇakkhandho uppajjati, yassa vā pana viññāṇakkhandho uppajjati tassa rūpakkhando uppajjati”ti evaṃ rūpakkhandhamūlakāni cattāri yamakāni, “yassa vedanākkhandho uppajjati tassa saññākkhandho uppajjati”ti-ādinā nayena vedanākkhandhamūlakāni tīṇi, saññākkhandha mūlakāni dve, saṅkhārakkhandhamūlakaṃ ekanti aggahitaggahaṇena dasa yamakāni honti.

Tattha rūpakkhandhamūlakesu catūsu ādito ekameva vissajjitāṃ, sesāni tena sadisavissajjanānīti tantiyā lahubhāvatthaṃ saṅkhittāni. Vedanākkhandhādīmūlakesupi āmantāti ekasadisameva vissajjanaṃ, tasmā tānīpi tantiyā lahubhāvatthaṃ saṅkhittānevāti evametāni paccuppannakāle Puggalavāre anulomanaye ekayamakavissajjaneneva dasa yamakāni vissajjitāni nāma hontīti veditabbāni. Yatha ca Puggalavāre dasa, evaṃ Okāsavāre dasa, Puggalokāsavāre dasāti paccuppannakāle tīsu vāresu anulomanaye tiṃsa yamakāni honti. Yathā ca anulomanaye, evaṃ paṭilomanayepīti sabbānīpi paccuppannakāle

saṭṭhi yamakāni honti. Tesu¹ vīsapucchāsataṃ cattārīsāni ca dve atthasatāni hontīti veditabbāni. Evaṃ sesesupi pañcasu kālabhedesu puggalādibhedato anulomapaṭilomanayavasena cha cha vārā. Ekekasmim vāre dasa dasa katvā saṭṭhi saṭṭhi yamakānīti tīni yamakasatāni, tāni purimehi saddhim saṭṭhādihikāni tīni yamakasatāni vīsādihikāni sattapucchāsataṃ cattārīsāni ca cuddasa atthasatāni honti. Idaṃ tāva Uppādavāre Pāḷivavatthānaṃ. Yathā ca Uppādavāre, tathā Nirodhavārepi Uppādanirodhavārepiṭi sabbasmimpi Pavattimahāvare asīti yamakasahassaṃ, saṭṭhisatādihikāni dve pucchāsahassāni, vīsaṃ tisatādihikāni ca² cattāri atthasahassāni veditabbāni.

Pāḷi pana Uppādavāre Nirodhavāre ca tīsu asammisakakālabhedesu tasmim tasmim vāre ekekameva yamakaṃ vissajjetvā saṃkhittā. Tīsu missakakālabhedesu “yassa vedanākkhandho uppajjati tassa saññākkhandho uppajjitthā”ti-ādinā nayena vedanākkhandhādīmūlakesupi ekaṃ yamakaṃ vissajjitaṃ. Uppādanirodhavāre pana chasupi kālabhedesu taṃ vissajjimeva. Sesāni tena samānavissajjanattā saṃkhittānīti idaṃ sakalepi Pavattimahāvare Pāḷivavatthānaṃ.

Atthavinicchayatthaṃ panassa idaṃ lakkhaṇaṃ veditabbaṃ—
 imasmiñhi Pavattimahāvare catunnaṃ pañhānaṃ pañca vissajjanāni sattavīsatiyā ṭhānesu pakkhipitvā atthavinicchayo veditabbo. Tattha purepañho pacchāpañho paripuṇṇapañho moghapañhoti ime cattāro pañhā nāma. Ekekasmiñhi yamake dve dve pucchā, ekekapucchāyapi dve dve padāni. Tattha yāya pucchāya vissajjane ekeneva padena gahitakkhandhassa uppādo vā nirodho vā labbhati, ayaṃ **purepañho** nāma. Yāya pana pucchāya vissajjane dvīhipi padehi gahitakkhandhānaṃ uppādo vā nirodho vā labbhati, ayaṃ **pacchāpañho** nāma. Yāya pana pucchāya vissajjane ekenapi padena gahitakkhandhassa dvīhipi padehi gahitakkhandhānaṃ uppādo vā nirodho vā labbhati, ayaṃ **paripuṇṇapañho** nāma. Yāya pana pucchāya vissajjane paṭikkhepo vā paṭisedho vā labbhati, ayaṃ **moghapañho** nāma. Yasmā panesa adassiyamāno na sakkā jānituṃ, tasmā naṃ dassayissāma.

1. Tesam (Ka)

2. Vīsatīsatādihikāni ca (Syā)

“Yattha rūpakkhando nuppajjati tattha vedanākkhando nuppajjati”ti pucchāya tāva uppajjati imasmim vissajjane ekeneva padena gahitassa vedanākkhandhassa uppādo labbhati, iti ayañceva añño ca evarūpo pañho purepañhoti veditabbo. “Yassa rūpakkhando uppajjittha tassa vedanākkhando uppajjitthā”ti pucchāya pana “āmantā”ti imasmim vissajjane dvīhi padehi gahitānaṃ rūpavedanākkhandhānaṃ yassa kassaci sattassa atīte uppādo labbhati, iti ayañceva añño ca evarūpo pañho pacchāpañhoti veditabbo.

“Yassa rūpakkhando uppajjati tassa vedanākkhando uppajjati”ti imāya pana paṭhamapucchāya “asaññasattaṃ upapajjantānaṃ”ti-ādike imasmim vissajjane “asaññasattaṃ upapajjantānaṃ tesam rūpakkhando uppajjati no ca tesam vedanākkhando uppajjati”ti imasmim koṭṭhāse ekeneva padena gahitassa rūpakkhandhassapī uppādo labbhati, “pañcavokāraṃ upapajjantānaṃ tesam rūpakkhando ca uppajjati vedanākkhando ca uppajjati”ti imasmim koṭṭhāse dvīhipi padehi saṅgahitānaṃ rūpavedanākkhandhānampi uppādo labbhati, iti ayañceva añño ca evarūpo pañho paripuṇṇapañhoti veditabbo. Purepacchāpañhotipi etasseva nāmaṃ. Etassa hi vissajjane purimakotṭhāse ekena padena saṅgahitassa rūpakkhandhasseva uppādo dassito. Dutiyakotṭhāse dvīhi padehi saṅgahitānaṃ rūpavedanākkhandhānaṃ. Imināyeva ca lakkhaṇena¹ yattha ekena padena saṅgahitassa khandhassa uppādo vā nirodho vā labbhati, so purepañhoti vutto. Yattha dvīhipi padehi saṅgahitānaṃ khandhānaṃ uppādo vā nirodho vā labbhati, so pacchāpañhoti vutto.

“Yassa rūpakkhando nuppajjittha, tassa vedanākkhando nuppajjitthā”ti imāya pana pucchāya “natthi”ti imasmim vissajjane paṭikkhepo labbhati. “Yassa rūpakkhando uppajjati tassa vedanākkhando nirujjati”ti pucchāya “no”ti imasmim vissajjane paṭisedho labbhati, tasmā ayañceva duvidho añño ca evarūpo pañho moghapañhoti veditabbo. Tucchapañhotipi vuccati. Evaṃ tāva cattāro pañhā veditabbā.

Pāḷigatiyā vissajjanaṃ paṭivacanavissajjanaṃ sarūpadassanena vissajjanaṃ paṭikkhepena vissajjanaṃ paṭisedhena vissajjananti imāni pana pañca vissajjanāni

1. Iminā nayena ca lakkhaṇena ca (Syā)

nāma. Tattha yaṃ vissajjanam Pāḷipadameva hutvā attham vissajjeti, idam **Pāḷigatiyā vissajjanam** nāma, tam purepañhe labbhati. “Yattha rūpakkhando nuppajjati tattha vedanākkhando nuppajjati”ti hi pañhe uppajjati idam vissajjanam Pāḷipadameva hutvā attham vissajjayamānam gataṃ, tasmā evarūpesu ṭhānesu Pāḷigatiyā vissajjanam veditabbaṃ. Yaṃ pana vissajjanam paṭivacanabhāvena attham vissajjeti, idam **paṭivacanavissajjanam** nāma, tam pacchāyañhe labbhati. “Yassa rūpakkhando uppajjittha tassa vedanākkhando uppajjitthā”ti hi pañhe “āmantā”ti idam vissajjanam paṭivacanavaseneva attham vissajjayamānam gataṃ, tasmā evarūpesu ṭhānesu paṭivacanavissajjanam veditabbaṃ. Yaṃ vissajjanam sarūpena dassetvā attham vissajjeti, idam **sarūpadassanena vissajjanam** nāma, tam paripuṇṇapañhe labbhati. “Yassa rūpakkhando uppajjati tassa vedanākkhando uppajjati”ti hi pañhe “asaññasattam upapajjantānan”ti idam vissajjanam “imesam rūpakkhando uppajjati, no ca vedanākkhando, imesam rūpakkhando ca uppajjati vedanākkhando cā”ti sarūpadassaneneva attham vissajjayamānam gataṃ, tasmā evarūpesu ṭhānesu sarūpadassanena vissajjanam veditabbaṃ. Yaṃ pana vissajjanam tathārūpassa atthassābhāvato atthapaṭikkhepena pañham vissajjeti, idam **paṭikkhepena vissajjanam** nāma. Yaṃ tathārūpassa atthassa ekakkaṇḍe alābhato atthapaṭisedhanena pañham vissajjeti, idam **paṭisedhena vissajjanam** nāma, tam moghapañhe labbhati. “Yassa rūpakkhando nuppajjittha tassa vedanākkhando nuppajjitthā”ti hi pañhe “natthi”ti idam vissajjanam evarūpo nāma satto natthi atthapaṭikkhepena pañham vissajjayamānam gataṃ, tasmā evarūpesu ṭhānesu paṭikkhepena vissajjanam veditabbaṃ. “Yassa rūpakkhando uppajjati tassa vedanākkhando nirujjati”ti pañhe pana “no”ti idam vissajjanam ekasmiṃ paṭisandhikkhaṇḍe uppādena saddhiṃ nirodho nāma na labbhatīti atthapaṭisedhanena pañham vissajjayamānam gataṃ, tasmā evarūpesu ṭhānesu paṭisedhena vissajjanam veditabbaṃ.

Idāni ime cattāro pañhā imāni ca pañca vissajjanāni yesu sattavīsatiyā ṭhānesu pakkhipitabbāni, tāni evaṃ veditabbāni—Asaññasattam upapajjantānanti ekaṃ ṭhānam, Asaññasatte tatthāti ekaṃ, Asaññasattānanti ekaṃ, Asaññasattā cavantānanti ekaṃ, arūpaṃ upapajjantānanti ekaṃ, arūpe tatthāti ekaṃ, arūpānanti ekaṃ, arūpā cavantānanti ekaṃ, arūpe

pacchimabhavikānanti ekaṃ, arūpe parinibbantānanti ekaṃ, ye ca arūpaṃ upapajjitvā parinibbāyissantīti ekaṃ, pañcavokāraṃ upapajjantānanti ekaṃ, pañcavokāre tatthāti ekaṃ, pañcavokārānanti ekaṃ, pañcavokārā cavantānanti ekaṃ, pañcavokāre pacchimabhavikānanti ekaṃ, pañcavokāre parinibbantānanti ekaṃ, Suddhāvāsaṃ upapajjantānanti ekaṃ, Suddhāvāse tatthāti ekaṃ, Suddhāvāsānanti ekaṃ, Suddhāvāse parinibbantānanti ekaṃ, sabbesaṃ upapajjantānanti ekaṃ, sabbesaṃ cavantānanti ekaṃ, sabbasādhāraṇavasena pacchimabhavikānanti ekaṃ, parinibbantānanti ekaṃ, catuvokāraṃ pañcavokāraṃ upapajjantānanti ekaṃ, cavantānanti ekaṃ. Evaṃ imesaṃ catunnaṃ pañhānaṃ imāni pañca vissajjanāni imesu sattavīsatiyā ṭhānesu pakkhipitvā imasmim̐ Pavattimahāvāre atthavinicchayo veditabbo. Evaṃ veditvā hi pañhaṃ vissajjantena suvissajjito hoti, atthañca vinicchayantena suvinicchito hoti.

Tatthāyaṃ nayo—**yassa rūpakkhandho uppajjātīti** yassa puggalassa uppādakkaṇṇasamaṅgitāya rūpakkhandho uppajjati. **Tassa vedanākkhandho uppajjātīti** vedanākkhandhopi tassa tasmiññeva kaṇe uppajjātīti pucchati. **Asaññasattaṃ upapajjantānanti** acittakapaṭisandhivasena Asaññasattabhavaṃ upapajjantānaṃ. **Tesaṃ rūpakkhandho uppajjātīti** tesaṃ ekantena rūpakkhandho uppajjatiyeva. Pavatte uppannānaṃ rūpakkhandho uppajjatiṇi nirujjhatiṇi, tasmā asaññasattānanti avatvā “asaññasattaṃ upapajjantānaṃ”ti vuttaṃ. **No ca tesaṃ vedanākkhandho uppajjātīti** acittakattā pana tesaṃ vedanākkhandho nuppajjateva. Idaṃ sattavīsatiyā ṭhānesu paṭhame ṭhāne paripuṇṇapañhassa purimakoṭṭhāse sarūpadassanena vissajjanaṃ. **Pañcavokāraṃ upapajjantānanti** rūparūpamissakapaṭisandhivasena pañcavokārabhavaṃ upapajjantānaṃ. **Tesaṃ rūpakkhandho ca uppajjati vedanākkhandho cāti** tesaṃ ekantena rūpavedanākkhandhasaṅkhātā dvepi khandhā uppajjantiyeva, pavatte pana tattha uppannānaṃ te khandhā uppajjantiṇi nirujjhantiṇi, tasmā pañcavokārānanti avatvā “pañcavokāraṃ upapajjantānaṃ”ti vuttaṃ. Idaṃ pañcavokāraṃ upapajjantānanti ṭhāne paripuṇṇapañhassa pacchimakkoṭṭhāse sarūpadassanena vissajjanaṃ. Iminā upāyena sabbāni vissajjanāni veditabbāni.

Idaṃ panettha uppādanirodhesu niyamalakkhaṇaṃ—sakalepi hi imasmim̐ Khandhayamaṃ tattha tattha uppannānaṃ pavatte yāva maraṇā khandhānaṃ apariyantesu

uppādanīrodhesu vijjamānesupi lahuparivattānaṃ dhammānaṃ vinibbhogaṃ katvā uppādanīrodhe dassetuṃ na sukaranti pavattiyāṃ uppādanīrodhe anāmasitvā abhinavaṃ vipākavaṭṭaṃ nipphādayamānena nānākammena nibbattānaṃ paṭisandhikhandhānaṃ uppādaṃ dassetuṃ sukhanti paṭisandhikāle uppādavāseneva Uppādavāro kathito, uppanassa pana vipākavaṭṭassa pariyośānena nirodhaṃ dassetuṃ sukhanti maraṇakāle nirodhavasena Nirodhavāro kathito.

Kim panettha pavattiyāṃ uppādanīrodhānaṃ anāmaṭṭhabhāve pamāṇanti? Pāḷiyeva. Pāḷiyaṅhi viśesena Uppādavārassa anāgatakālavāre “pacchimabhavikānaṃ tesāṃ rūpakkhando ca nuppajjissati vedanākkhandho ca nuppajjissati”ti yaṃ Pāḷi atipamāṇameva. Pacchimabhavikānaṅhi pavatte rūpārūpadhammānaṃ uppajjituṃ yuttabhāve satipi “rūpakkhando ca nuppajjissati vedanākkhandho ca nuppajjissati”ti sannitṭhānaṃ katvā vuttabhāvena pavatte uppādo na gahitoti veditabbo. “Suddhāvāse parinibbantānaṃ tesāṃ tattha saññākkhandho na nirujjhitta no ca tesāṃ tattha vedanākkhandho na nirujjhati”ti yaṃ pana Pāḷi pavatte nirodhassa anāmaṭṭhabhāve ativiya pamāṇaṃ. Suddhāvāse parinibbantānaṅhi cuticittassa bhaṅgakkhaṇe ṭhitānaṃ paṭisandhito paṭṭhāya pavatte uppajjitvā niruddhasaññākkhandhānaṃ gaṇanapatho natthi. Evaṃ santepi “tesāṃ tattha saññākkhandho na nirujjhithā”ti sannitṭhānaṃ katvā vuttabhāvena pavatte nirodho na gahitoti veditabbo.

Evamettha uppādanīrodhesu niyamalakkhaṇaṃ viditvā paṭisandhi-
uppādameva cutinīrodhameva ca gahetvā tesu tesu ṭhānesu āgatānaṃ
vissajjanānaṃ atthavinicchayo veditabbo. So pana sakkā ādivissajjane
vuttanayena sabbattha viditunti vissajjanapaṭipāṭiyā na vitthārito. Iminā pana
evaṃ dinnenapi nayena yo etesaṃ atthavinicchayaṃ jānituṃ na sakkoti,
tena ācariye payirupāsitvā sādhukaṃ sutvāpi jānitabbo.

Uppādassa nirodhassa, uppanaṅcāpi ekato.

Nayassa anulomassa, paṭilomanayassa ca.

Vasena yāni khandhesu, Yamakāni ca pañcasu.

Puggalaṃ atha okāsaṃ, puggalokāsameva ca.

Āmasitvā pavattesu, ṭhānesu kathayī Jino.
 Tesam Pāḷivavatthānaṃ, dassitaṃ anupubbato.
 Vinicchayatthaṃ atthassa, pañhāvissajjanāni ca.
 Vissajjanānaṃ ṭhānāni, yāni tāni ca sabbaso.
 Dassetvā ekapañhasmiṃ, yojanāpi pakāsītā.
 Vitthārena gate ettha, pañhāvissajjanakkame.
 Atthaṃ vaṇṇayatā kātum, kiṃ nu sakkā ito param.
 Nayena iminā tasmā, atthaṃ jānantu paṇḍitāti.

Pavattimahāvāraṇṇanā.

3. Pariññāvāraṇṇanā

206-208. Tadanantare Pariññāvārepi chaḷeva kālabhedā,
 anulomapaṭilomato dveyeva nayā, Puggalavāro Okāsavāro
 Puggalokāsavāroti imesu pana tīsu Puggalavārova labbhati, na itare dve.
 Kiṃ kāraṇā? Sadisavissajjanatāya. Yo hi koci puggalo yattha katthaci ṭhāne
 rūpakkhandhaṃ ce parijānāti, vedanākkhandhampi parijānātiyeva.
 Vedanākkhandhaṃ ce parijānāti, rūpakkhandhampi parijānātiyeva.
 Rūpakkhandhaṃ ce na parijānāti, vedanākkhandhampi na parijānātiyeva.
 Vedanākkhandhaṃ ce na parijānāti, rūpakkhandhampi na parijānātiyeva.
 Tasmā tesupi “yattha rūpakkhandhaṃ parijānāti tattha vedanākkhandhaṃ
 parijānāti”ti-ādivasena puccham katvā āmantātveva vissajjanaṃ kātabbam
 siyāti sadisavissajjanatāya te idha na labbhantīti veditabbā.

Atha vā pariññākkiccaṃ nāma puggalasseva hoti, no okāsassa,
 puggalova parijānitum samattho, no okāsoti Puggalavārovettha gahito, na
 Okāsavāro. Tassa pana aggahittatā tadanantaro Puggalokāsavāro
 labbhamānopi na gahito. Yo panesa Puggalavāro gahito, tattha
 paccuppannakāle rūpakkhandhamūlakāni cattāri, vedanākkhandhamūlakāni
 tīṇi, saññākkhandhamūlakāni dve, sañkhārakkhandhamūlakāni

ekanti heṭṭhā vuttanayeneva anulomanaye aggahitaggahaṇena dasa yamakāni paṭilomanaye dasāti vīsati, tathā sesesupīti ekekasmim kāle vīsati vīsati katvā chasu kālesu vīsam yamakasatam, cattārīsāni dve pucchāsātāni, asītyādhikāni cattāri atthasātāni ca hontīti idamettha Pāḷivavatthānam.

Atthavinicchaye panettha atītānāgatapaccuppannasaṅkhātā tayo addhā Pavattivāre viya cutipaṭisandhivasena na labbhanti, pavatte cittakkhaṇavaseneva labbhanti. Tenevettha “yo rūpakkhandaṃ parijānāti so vedanākkhandhaṃ parijānāti”ti-ādīsu pucchāsu “āmantā”ti vissajjanam kataṃ. Lokuttaramaggakkhaṇasmiṃhi nibbānārammaṇena cittena pañcasu khandhesu pariññākiccanibbattiyā yaṃkiñci ekaṃ khandhaṃ parijānanto itarampi parijānātīti vuccati. Evamettha “parijānāti”ti pañhesu anulomanaye pariññākiccassa matthakappataṃ aggamaggasamaṅgim sandhāya “āmantā”ti vuttanti veditabbaṃ. Paṭilomanaye pana “na parijānāti”ti pañhesu puthujjanādayo sandhāya āmantāti vuttaṃ, “parijānitthā”ti imasmim pana atītakālavāre maggānantara-aggaphale ṭhitopi pariññākiccassa niṭṭhitattā parijānitthayeveva nāma.

209. **Yo rūpakkhandaṃ parijānāti so vedanākkhandhaṃ parijānitthāti** pañhena aggamaggasamaṅgim pucchati. Yasmā pana khandhapañcakaṃ parijānātiyeva nāma, na tāva niṭṭhitapariññākicco, tasmā “no”ti paṭisedho kato. Dutiyapañhe pana **parijānitthāti** arahantaṃ pucchati. Yasmā paneso niṭṭhitapariññākicco. Natthi tassa pariññeyyaṃ nāma, tasmā “no”ti paṭisedho kato. Paṭilomanayavissajjane panettha **arahā rūpakkhandaṃ na parijānātīti** arahato pariññāya abhāvena vuttaṃ. **Aggamaggasamaṅgī vedanākkhandhaṃ na parijānitthāti** arahattamaggaṭṭhassa aniṭṭhitapariññākiccatāya vuttaṃ. Na kevalaṇca vedanākkhandhameva, ekadhammampi so na parijānittheva. Idam pana pucchāvasena vuttaṃ. **No ca rūpakkhandaṃ** idampi pucchāvaseneva vuttaṃ, aññampi pana so khandhaṃ parijānāti.

210-211. **Yo rūpakkhandaṃ parijānāti so vedanākkhandhaṃ parijānissatīti** ettha yasmā maggaṭṭhapuggalo ekacittakkhaṇiko, tasmā so parijānissatīti saṅkham na gacchati. Tena vuttaṃ “no”ti. **Te rūpakkhandaṇca**

na pariḷānīthāti pucchāsabhāgena vuttam, na pariḷānīmsūti panettha attho.
Iminā upāyena sabbattha atthavinicchayo veditabboti.

Pariññāvāraṇṇanā.

Khandhayamakavaṇṇanā niṭṭhitā.

3. Āyatanayamaka

1. Paṇṇatti-uddesavāraṇṇanā

1-9. Idāni Mūlayamake desiteyeva kusalādidhamme āyatanavasenāpi saṅgaṇhitvā Khandhayamakānantaram desitassa Āyatanayamakassa vaṇṇanā hoti. Tattha Khandhayamake vuttanayeneva Pāḷivavatthānam veditabbanā. Yatheva hi tattha Paṇṇattivāro Pavattivāro Pariññāvāroti tayo mahāvārā honti, tathā idhāpi. Vacanatthopi nesam tattha vuttanayeneva veditabbo. Idhāpi ca Paṇṇattivāro uddesaniddesavasena dvidhā vavatthito, itare niddesavaseneva. Tattha “dvādasāyatanāni”tipadam ādim katvā yāva “nāyatanā na mano”ti, tāva Paṇṇattivārassa uddesavāro veditabbo. Tattha dvādasāyatanāni ti ayam yamakavasena pucchi tabbānam āyatanānam uddeso. Cakkhāyatanam -pa- dhammāyatananti tesaññeva pabhedato nāmavavatthānam. Yamakavasena pucchāsukhatthañcetha paṭhamam paṭipāṭiyā ajjhatarūpāyatanāni vuttāni, pacchā bāhīrarūpāyatanāni, pariyoṣāne manāyatanadhammāyatanāni.

Yathā pana heṭṭhā khandhavasena, evamidha imesam āyatanānam vasena Padasodhanavāro Padasodhanamūlacakkavāro Suddhāyatanavāro suddhāyatanamūlacakkavāroti cattārova nayavārā honti. Ekeko cetha anulomapaṭilomavasena duvidhoyeva. Tesamattho tattha vuttanayeneva veditabbo. Yathā pana Khandhayamake Padasodhanavārassa Anulomavāre “rūpam rūpakkhandho rūpan”ti-ādīni pañca yamakāni, tathā idha “cakkhu cakkhāyatanam, cakkhāyatanam cakkhū”ti-ādīni dvādasa, Paṭilomavārepi “na cakkhu na cakkhāyatanam, na cakkhāyatanam na cakkhū”ti-ādīni

dvādasa. Padasodhanamūlacakkavārassa panettha Anulomavāre ekekāyatanamūlakāni ekādasa ekādasa katvā dvattiṃsasataṃ yamakāni, Paṭilomavārepi dvattiṃsasatameva. Suddhāyatanavārassāpi Anulomavāre dvādasa, Paṭilomavāre dvādasa. Suddhāyatanamūlacakkavārassāpi Anulomavāre ekekāyatanamūlakāni ekādasa ekādasa katvā dvattiṃsasataṃ yamakāni, Paṭilomavārepi dvattiṃsasatamevāti evamidha chasattatādhikehi pañcahi yamakasatehi dvipaññāsādhikehi ekādasahi pucchāsatehi caturādhikehi tevīsāya atthasatehi ca paṭimaṇḍito Paṇṇattivārassa uddesavāro veditabbo.

Paṇṇatti-uddesavāraṇṇanā.

1. Paṇṇattiniddesavāraṇṇanā

10-17. Niddesavāre pana heṭṭhā Khandhayamakassa Paṇṇattivāraniddese vuttanayeneva attho veditabbo aññatra viśesā. Tatrāyaṃ viśeso—**dibbacakkhūti** dutiyavijjāñāṇaṃ. **Paññācakkhūti** tatiyavijjāñāṇaṃ. **Dibbasotanti** dutiya-abhiññāñāṇaṃ. **Tañhāsotanti** tañhāva. **Avaseso kāyoti** nāmakāyo rūpakāyo hatthikāyo assakāyoti evamādi. **Avasesaṃ rūpanti** rūpāyatanato sesaṃ bhūtopādāyarūpañceva piyarūpasātarūpañca. **Sīlagandhoti**-ādīni vāyanatṭhena sīlādīnaṃyeva nāmāni. **Attharasoti**-ādīnīpi sādumadhuraṭṭhena atthādīnaññeva nāmāni. **Avaseso dhammoti** pariyattidhammādi-ane-kappabhedoti ayamettha viśeso.

Paṇṇattiniddesavāraṇṇanā.

2. Pavattivāraṇṇanā

18-21. Idhāpi ca Pavattivārassa uppādavārādīsu tīsu antaravāresu ekekasmīṃ chaḷeva kālabhedā, tesaṃ ekekasmīṃ kāle Puggalavārādayo tayo vārā, te sabbepi anulomapaṭilomanayavasena

duvidhāva honti. Tattha paccuppannakāle Puggalavārassa anulomanaye yathā Khandhayamake rūpakkhandhamūlakāni cattāri, vedanākkhandhamūlakāni tīṇi, saññākkhandhamūlakāni dve, saṅkhārakkhandhamūlakāni ekanti aggahitaggahaṇena dasa yamakāni honti, evaṃ “yassa cakkhāyatanam uppañjati tassa sotāyatanam uppañjati, yassa vā pana sotāyatanam uppañjati tassa cakkhāyatanam uppañjati. Yassa cakkhāyatanam uppañjati tassa ghānāyatanam jivhāyatanam kāyāyatanam rūpāyatanam saddāyatanam gandhāyatanam rasāyatanam phoṭṭhabbāyatanam manāyatanam dhammāyatanam uppañjati, yassa vā pana dhammāyatanam uppañjati tassa cakkhāyatanam uppañjati”ti evaṃ cakkhāyatanamūlakāni ekādasa. “Yassa sotāyatanam uppañjati tassa ghānāyatanam uppañjati”ti-ādinā nayena sotāyatanamūlakāni dasa, ghānāyatanamūlakāni nava, jivhāyatanamūlakāni aṭṭha, kāyāyatanamūlakāni satta, rūpāyatanamūlakāni cha, saddāyatanamūlakāni pañca, gandhāyatanamūlakāni cattāri, rasāyatanamūlakāni tīṇi, phoṭṭhabbāyatanamūlakāni dve, manāyatanamūlakāni ekanti aggahitaggahaṇena chasaṭṭhi yamakāni honti.

Tattha cakkhāyatanamūlakesu ekādasasu “yassa cakkhāyatanam uppañjati tassa sotāyatanam ghānāyatanam rūpāyatanam manāyatanam dhammāyatanam uppañjati”ti imāni pañceva vissajjitāni. Tesu paṭhamam vissajjetabbanṃ tāva vissajjitam. Dutiyam kiñcāpi paṭhamena sadisavissajjanam, cakkhusotāyatanānam pavattiṭṭhāne pana ghānāyatanassa na ekantena pavattito “katham nu kho etaṃ vissajjetabbanṃ”ti vimatinivāraṇattham vissajjitam. Rūpāyatanamanāyatanadhammāyatanehi saddhim tīṇi yamakāni asadisavissajjanattā vissajjitāni. Sesesu jivhāyatanakāyāyatanehi tāva saddhim dve yamakāni purimehi dvīhi saddhim sadisavissajjanāni. Saddāyatanassa paṭisandhikkhaṇe anuppattito tena saddhim yamakassa vissajjanameva natthi. Gandha rasa phoṭṭhabbāyatanehipi saddhim tīṇi yamakāni purimehi dvīhi sadisavissajjanāneva hontīti tantiyā lahubhāvattham saṅkhittāni. Sotāyatanamūlakesu yaṃ labbhati, taṃ purimehi sadisavissajjanamevāti ekampi Pāḷim nāruḷham. Ghānāyatanamūlakesu rūpāyatanena saddhim ekaṃ manāyatanadhammāyatanehi saddhim dveti tīṇi yamakāni Pāḷim āruḷhāni, sesāni ghānāyatanayamakena sadisavissajjanattā nāruḷhāni. Tathā jivhāyatanakāyāyatanamūlakāni

rūpāyatanamūlakesu manāyatanadhammāyatanehi saddhiṃ dveyeva vissajjitāni. Gandharasaphoṭṭhabbehi pana saddhiṃ tīṇi rūpāyatanamanāyatanehi saddhiṃ sadisavissajjanāni. Yatheva hettha “sarūpakānaṃ acittakānaṃ”ti-ādi vuttaṃ, tathā idhāpi “sarūpakānaṃ agandhakānaṃ arasakānaṃ aphoṭṭhabbakānaṃ”ti yojanā veditabbā. Gandhādīni cettha āyatanabhūtāneva adhippetāni, tasmā “sarūpakānaṃ sagandhāyatanānaṃ”ti āyatanavasenettha attho daṭṭhabbo.

Saddāyatanamūlakāni atthābhāvato Pāḷim nāruḷhāneva. Gandharasaphoṭṭhabbamūlakāni cattāri tīṇi dve ca heṭṭhimehi sadisavissajjanattā Pāḷim nāruḷhāni. Manāyatanamūlakam vissajjitamevāti evametāni paccuppannakāle Puggalavārassa anulomanaye katipayayamakavissajjaneneva chasaṭṭhiyamakāni vissajjitāni nāma hontīti veditabbāni. Yathā ca Puggalavāre, evaṃ Okāsavārepi Puggalokāsavārepi chasaṭṭhīti paccuppannakāle tīsu vāresu anulomanaye aṭṭhanavutisatam yamakāni honti. Yathā ca anulomanaye, evaṃ paṭilomanayepīti sabbānīpi paccuppannakāle channavutādhikāni tīṇi yamakasatāni honti. Tesu dvānavutādhikāni satta pucchāsātāni caturāsītādhikāni ca pannarasa atthasatāni hontīti veditabbāni. Evaṃ sesesupi pañcasu kālābhedesūti sabbānīpi chasattatādhikāni tevīsati yamakasatāni, tato diguṇā pucchā, tato diguṇā atthāti idamettha Uppādavāre Pāḷivavatthānaṃ. Nirodhavāra-uppādanirodhavāresupi eseva nayoti sabbasmimpi Pavattivāre aṭṭhavīsāni ekasattati yamakasatāni, tato diguṇā pucchā, tato diguṇā atthā veditabbā. Pāḷi pana manāyatanam dhammāyatanaṃca ekasadisam, nānaṃ natthi. Upari pana “vārasaṅkhepo hoti”ti-ādīni vatvā tattha tattha saṅkhittā. Tasmā yam tattha tattha saṅkhittam, tam sabbam asammuyhantehi sallakkhetabbam.

Atthavinicchaye panettha idaṃ nayumukham—**sacakkhukānaṃ asotakānanti** apāye jātibadhira-opapātikam sandhāya vuttaṃ. So hi sacakkhuko asotako hutvā upapajjati. Yathāha ‘kāmadhātuyā upapattikkhaṇe kassaci aparāni dasāyatanāni pātubhavanti, opapātikānaṃ

petānaṃ opapātikānaṃ asurānaṃ opapātikānaṃ tiracchānagatānaṃ
 opapātikānaṃ nerayikānaṃ jaccabadhirānaṃ upapattikkhaṇe dasāyatanāni
 pātubhavanti cakkhāyatanāni
 rūpaghānagandhajivhārasakāyaphoṭṭhabbāyatanāni manāyatanāni
 dhammāyatanāni”ti. **Sacakkhukānaṃ sasotakānanti** sugatiduggatīsu
 paripuṇṇāyatane ca opapātike rūpībrahmāno ca sandhāya vuttaṃ. Te hi
 sacakkhukā sasotakā hutvā upapajjanti. Yathāha “kāmadhātuyā
 upapattikkhaṇe kassaci ekādasāyatanāni pātubhavanti, kāmāvacarānaṃ
 devānaṃ paṭhamakappikānaṃ manussānaṃ opapātikānaṃ petānaṃ
 opapātikānaṃ Asurānaṃ opapātikānaṃ tiracchānagatānaṃ opapātikānaṃ
 nerayikānaṃ paripuṇṇāyatanānaṃ. Rūpadhātuyā upapattikkhaṇe
 pañcāyatanāni pātubhavanti cakkhāyatanāni rūpasotamanāyatanāni
 dhammāyatanāni”ti.

Aghānakānanti Brahmāpārisajjādayo sandhāya vuttaṃ. Te hi
 sacakkhukā aghānakā hutvā upapajjanti. Kāmadhātuyānaṃ pana aghānako
 opapātikō natthi. Yadi bhavēyya, “kassaci aṭṭhāyatanāni pātubhavanti”ti
 vadeyya. Yo gabbhaseyyako pana aghānako siyā, so “sacakkhukānaṃ”ti
 vacanato idha anadhippeto. **Sacakkhukānaṃ saghānakānanti**
 jaccabadhirampi paripuṇṇāyatanampi opapātikānaṃ sandhāya vuttaṃ.
Saghānakānaṃ acakkhukānanti jaccandhampi jaccabadhirampi opapātikānaṃ
 sandhāya vuttameva. **Saghānakānaṃ sacakkhukānanti** paripuṇṇāyatanameva
 opapātikānaṃ sandhāya vuttaṃ.

Sarūpakānaṃ acakkhukānanti ettha jaccandhajaccabadhira-opapātikesu
 aññataropi gabbhaseyyakopi labbhatiyeva. **Sacittakānaṃ acakkhukānanti**
 ettha heṭṭhā vuttehi jaccandhādīhi tīhi saddhīm arūpinopi labbhanti.
Acakkhukānanti ettha purimāpade vuttehi catūhi saddhīm Asaññasattāpi
 labbhanti. **Sarūpakānaṃ aghānakānanti** ettha gabbhaseyyakā ca Asaññasattā
 ca sesarūpībrahmāno ca labbhanti. **Sacittakānaṃ aghānakānanti** ettha
 gabbhaseyyakā ca rūpārūpābrahmāno ca labbhanti. **Acittakānaṃ**
arūpakānanti padesu pana ekavokāracatuvokārasattāva labbhantīti iminā
 nayena sabbesu Puggalavāresu puggalavibhāgo veditabbo.

22-254. Okāsavāre **yattha cakkhāyatananti** rūpībrahmalokaṃ pucchati,
 teneva **āmantāti** vuttaṃ. Tasmiñhi tale niyamato tāni

āyatanāni paṭisandhiyaṃ uppajjanti. Idamettha nayamukhaṃ, iminā nayamukhena sakalepi pavattivāre attho veditabbo. Pariññāvāro Khandhayamake vuttanayoyevāti.

Pavattivāravaṇṇanā.

Āyatanayamakavaṇṇanā niṭṭhitā.

4. Dhātuyamaka

1-19. Idāni teyeva Mūlayamake desite kusalādidhamme dhātuvasena saṅgaṇhitvā Āyatanayamakānantaraṃ desitassa Dhātuyamakassa vaṇṇanā hoti. Tattha Āyatanayamake vuttanayeneva Pāḷivavatthānaṃ veditabbaṃ. Idhāpi hi paṇṇattivārādayo tayo mahāvārā avasesā antaravārā ca saddhim kālappabhedādīhi Āyatanayamake āgatasadisāyeva. Idhāpi ca yamakapucchāsukhatthaṃ paṭipāṭiyā ajjhattikabāhirā rūpadhātuyova patvā viññāṇadhātuyo vuttā. Dhātūnaṃ pana bahuttā idha Āyatanayamakato bahutarāni yamakāni yamakadiguṇā pucchā pucchādiguṇā ca atthā honti. Tattha cakkhudhātumūlakādīsu yamakesu labbhamānānaṃ yamakānaṃ atthavinicchayo Āyatanayamake vuttanayeneva veditabbo. Taṃsadisāyeva hettha atthagati, teneva ca kāraṇena Pāḷipi saṃkhittā, Pariññāvāro pākaticoyevāti.

Dhātuyamakavaṇṇanā niṭṭhitā.

5. Saccayamaka

1. Paṇṇattivāravaṇṇanā

1-9. Idāni teyeva Mūlayamake desite kusalādidhamme saccavasena saṅgaṇhitvā Dhātuyamakānantaraṃ desitassa Saccayamakassa vaṇṇanā hoti. Tatthāpi heṭṭhā vuttanayeneva Paṇṇattivārādayo tayo

mahāvārā antaravārādayo ca avasesappabhedā veditabbā. Paṇṇattivāre panettha catunnaṃ saccānaṃ vasena Padasodhanavāro Padasodhanamūlacakkavāro Suddhasaccavāro Suddhasaccamūlacakkavāroti imesu catūsu vāresu yamakagaṇanā veditabbā.

10-26. Paṇṇattivāraniddese pana **avasesaṃ dukkhasaccanti** dukkhavedanāya ceva taṇhāya ca vinimuttā tebhūmakadhammā veditabbā. **Avaseso samudayo**ti Saccavibhaṅge niddiṭṭhakāmāvacarakusalādibhedo dukkhasaccassa paccayo. **Avaseso nirodhoti** tadaṅgavikkhambhanasamucchedapaṭipassaddhinirodho ceva khaṇabhaṅganirodho ca. **Avaseso maggoti** tasmim kho pana samaye pañcaṅgiko maggo hoti, aṭṭhaṅgiko maggo micchāmaggo jaṅghamaggo sakaṭamaggoti evamādiko.

Paṇṇattivāraṇṇanā.

2. Pavattivāraṇṇanā

27-164. Pavattivāre panettha paccuppannakāle Puggalavārassa anulomanaye “yassa dukkhasaccaṃ uppajjati tassa samudayasaccaṃ uppajjati, yassa vā pana samudayasaccaṃ uppajjati tassa dukkhasaccaṃ uppajjati”ti dukkhasaccamūlakehi tīhi, samudayasaccamūlakehi dvīhi, nirodhasaccamūlakehi ekenāti labbhamānaṅca alabbhamānaṅca gahetvā Pāḷivasena chahi yamakehi bhavitabbaṃ. Tesu yasmā nirodhassa neva uppādo na nirodho yujjati, tasmā dukkhasaccamūlakāni samudayasaccamaggasaccehi saddhiṃ dve, samudayasaccamūlakam maggasaccena saddhiṃ ekanti tīhi yamakāni āgatāni. Tassa paṭilomanayepi Okāsavārādīsipi eseva nayo. Evamettha sabbavāresu tiṇṇaṃ tiṇṇaṃ yamakānaṃ vasena yamakagaṇanā veditabbā. Atthavinicchaye panettha idaṃ lakkhaṇaṃ—imassa hi saccayamakassa pavattivāre nirodhasaccaṃ tāva na labbhateva, sesesu pana tisu samudayasaccamaggasaccāni ekantena pavattiyāmyeva labbhanti, dukkhasaccaṃ cutipaṭisandhīsipi pavattepi labbhanti, paccuppannādayo pana tayo kālā cutipaṭisandhīnampi pavattiyāpi vasena labbhanti¹. Evamettha yaṃ yaṃ labbhanti, tassa tassa vasena atthavinicchayo veditabbo.

1. Pavattassapi labbhanti (Sī)

Tatridaṃ nayamukhaṃ—**sabbesaṃ upapajjantānanti** antamaso suddhāvāsānampi. Tepi¹ hi dukkhasacceneva upapajjanti.

Taṇhāvippayuttacittassāti idaṃ dukkhasaccasamudayasaccesu ekakoṭṭhāsassa uppattidassanatthaṃ vuttaṃ. Tasmā pañcavokāravaseneva gahetabbaṃ. Catuvokāre pana taṇhāvippayuttassa phalasangāhāpatticittassa uppādakkhaṇe ekampi saccāṃ nuppajjati, idaṃ idha na gahetabbaṃ. **Tesaṃ dukkhasaccañcā**ti tasmīṃhi khaṇe taṇhaṃ ṭhapetvā sesaṃ dukkhasaccāṃ nāma hotīti sandhāyetaṃ vuttaṃ. Maggassa uppādakkhaṇepi eseva nayo. Tattha pana rūpameva dukkhasaccāṃ nāma, sesā maggasampayuttakā dhammā saccavinimuttā, teneva kāraṇena “arūpe maggassa uppādakkhaṇe tesaṃ maggasaccāṃ uppajjati no ca tesaṃ dukkhasaccāṃ uppajjati”ti vuttaṃ. **Sabbesaṃ upapajjantānaṃ pavatte taṇhāvippayuttacittassa uppādakkhaṇe tesaṃ tatthā**ti tesaṃ tasmīṃ upapattikkhaṇe taṇhāvippayuttacittuppattikkhaṇe cāti evamettha khaṇavasena okāso veditabbo. Aññesupi evarūpesu eseva nayo. **Anabhisametāvīnanti** catusaccapaṭivedhasaṅkhātāṃ abhisamayāṃ appattasattānaṃ. **Abhisametāvīnanti** abhisamitasaccānanti. Iminā nayamukhena sabbattha atthavinicchayo veditabbo.

Pavattivāraṇaṇā

3. Pariññāvaravaṇṇanā

165-170. Pariññāvāre pana ñātapariññā tīraṇapariññā pahānapariññāti tissopettha pariññāyo labbhanti. Yasmā ca lokuttaradhammesu pariññā nāma natthi, tasmā idha dve saccāni gahitāni. Tattha **dukkhasaccāṃ parijānātī**ti ñātatīraṇapariññāvaseneva vuttaṃ. **Samudayasaccāṃ pajahatī**ti ñātapahānapariññāvasena. Iti imāsaṃ pariññānaṃ vasena sabbapadesu attho veditabboti.

Pariññāvāraṇaṇā.

Saccayamakavaṇṇanā niṭṭhitā.

1. Tesupi (Ka)

6. Saṅkhārayamaka

1. Paṇṇattivāraṇṇanā

1. Idāni tesaññeva Mūlayamake desitānaṃ kusalādidhammānaṃ labbhamānavasena ekadesaṃ saṅgaṇhitvā Saccayamakānantaraṃ desitassa Saṅkhārayamakassa vaṇṇanā hoti. Tatthāpi heṭṭhā vuttanayeneva Paṇṇattivārādayo tayo mahāvārā antaravārādayo ca avasesapabhedā veditabbā. Ayaṃ panettha viseso—Paṇṇattivāre tāva yathā heṭṭhā khandhādayo dhamme uddisitvā “rūpaṃ rūpakkhandho, cakkhu cakkhāyatanaṃ, cakkhu cakkhudhātu, dukkhaṃ dukkhasaccaṃ”ti Padasodhanavāro āraddho, tathā anārabhitvā “assāsapassāsā kāyasaṅkhāro”ti paṭhamam tayopi saṅkhārā vibhajitvā dassitā.

Tattha kāyassa saṅkhāro **kāyasaṅkhāro**. “Assāsapassāsā kāyikā ete dhammā kāyappaṭibaddhā”ti¹ hi vacanato kāraṇabhūtaṃ karajakāyassa phalabhūto eva saṅkhāroti kāyasaṅkhāro. Aparo nayo—saṅkhariyatīti saṅkhāro. Kena saṅkhariyatīti? Kāyena. Ayañhi vāto viya bhastāya karajakāyena saṅkhariyatīti evampi kāyassa saṅkhāroti kāyasaṅkhāro, kāyena kato assāsapassāsavātoti attho. “Pubbeva kho āvuso visākha vitakketvā vicāretvā pacchā vācaṃ bhindati, tasmā vitakkavicārā vacīsaṅkhāro”ti² vacanato pana saṅkharotīti saṅkhāro. Kim saṅkharoti? Vacīṃ. Vaciyā saṅkhāroti **vacīsaṅkhāro**. Vacībhedasamuṭṭhāpakassa vitakkavicāradvayassetam nāmaṃ. “Saññā ca vedanā ca cetasikā ete dhammā cittappaṭibaddhā”ti³ vacanatoyeva pana tatiyapadepe saṅkhariyatīti saṅkhāro. Kena saṅkhariyati? Cittena. Karaṇatthe sāmivacanam katvā cittassa saṅkhāroti **cittasaṅkhāro**. Sabbesampi cittasamuṭṭhānānaṃ cetasikadhammānametaṃ adhivacanam. Vitakkavicārānaṃ pana vacīsaṅkhārabhāvena visum gahitattā “ṭhapetvā vitakkavicāre”ti vuttam.

1. Ma 1. 375; Saṃ 2. 483 piṭṭhesu. (Atthato samānaṃ)

2. Ma 1. 376 piṭṭhe.

3. Ma 1. 376; Saṃ 2. 483 piṭṭhesu. (Atthato samānaṃ)

2-7. Idāni **kāyo kāyasaṅkhāro**ti Padasodhanavāro āradhho, tassa anulomanaye tīṇi, paṭilomanaye tīṇīti cha yamakāni. Padasodhanamūlacakkavāre ekekaṅkhāramūlakāni dve dve katvā anulomanaye cha, paṭilomanaye chāti dvādasa yamakāni. Suddhasaṅkhāravāre pana yathā Suddhakhandhavārādīsu “rūpaṃ khandho, khandhā rūpaṃ. Cakkhu āyatanam, āyatanā cakkhū”ti-ādinā nayena yamakāni vuttāni, evaṃ “kāyo saṅkhāro, saṅkhārā kāyo”ti avatvā “kāyasaṅkhāro vacīsaṅkhāro, vacīsaṅkhāro kāyasaṅkhāro”ti-ādinā nayena kāyasaṅkhāramūlakāni dve, vacīsaṅkhāramūlakam ekanti anulome tīṇi, paṭilome tīṇīti sabbānīpi suddhikavāre cha yamakāni vuttāni. Kim kārāṇā? Suddhika-ekekapadavasena atthābhāvato. Yathā hi Khandhayamakādīsu rūpādivisiṭṭhānam khandhānam cakkhādivisiṭṭhānaṅca āyatanādīnam adhippetattā “rūpaṃ khandho, khandhā rūpaṃ. Cakkhu āyatanam, āyatanā cakkhū”ti suddhika-ekekapadavasena attho atthi, evamidha “kāyo saṅkhāro, saṅkhārā kāyo”ti natthi. Kāyasaṅkhāroti pana dvīhipi padehi ekova attho labbhati. Assāso vā passāso vāti suddhika-ekekapadavasena atthābhāvato “kāyo saṅkhāro, saṅkhārā kāyo”ti na vuttam, “kāyo kāyasaṅkhāro”ti-ādi pana vattabham siyā, tampi kāyavacīcittapadehi idha adhippetānam saṅkhārānam aggahitattā na yujjati. Suddhasaṅkhāravāro hesa. Padasodhane pana vināpi atthena vacanam yujjati tattha so nayo gahitova. Idha pana kāyasaṅkhārassa vacīsaṅkhārādīhi vacīsaṅkhārassa ca cittasaṅkhārādīhi cittasaṅkhārassa ca kāyasaṅkhārādīhi aññattā “kāyasaṅkhāro vacīsaṅkhāro, vacīsaṅkhāro kāyasaṅkhāro”ti ekekaṅkhāramūlakāni dve dve katvā cha yamakāni yujjanti. Tesu aggahitaggahaṇena tīṇeva labbhanti. Tasmā tāneva dassetuṃ anulomanaye tīṇi, paṭilomanaye tīṇīti cha yamakāni vuttāni. Suddhasaṅkhāramūlacakkavāro panettha na gahitoti evaṃ paṇṇattivārassa uddesavāro veditabbo.

8-18. Niddesavāre panassa anulome tāva yasmā na kāyādayova kāyasaṅkhārādīnam nāmaṃ, tasmā “no”ti paṭisedho kato. Paṭilome **na kāyo na kāyasaṅkhāro**ti yo na kāyo, so kāyasaṅkhāropi na hotīti pucchati.

Kāyasaṅkāro na kāyo

kāyasaṅkhāroti kāyasaṅkhāro kāyo na hoti, kāyasaṅkhāroyeva panesoti attho. **Avasesanti** na kevalaṃ sesasaṅkhāradvayameva, kāyasaṅkhāravinimuttāṃ pana sesaṃ sabbampi saṅkhatāsaṅkhatapaṇṇattibhedāṃ dhammajātaṃ neva kāyo na kāyasaṅkhāroti iminā upāyena sabbavissajjanesu attho veditabboti.

Paṇṇattivāraṇṇanā.

2. Pavattivāraṇṇanā

19. Pavattivāre panettha paccuppannakāle Puggalavārassa anulomanaye “yassa kāyasaṅkhāro uppajjati tassa vacīsaṅkhāro uppajjati”ti kāyasaṅkhāramūlakāni dve, vacīsaṅkhāramūlakaṃ ekanti tiṇeva yamakāni labbhanti, tāni gahitāneva. Tassa paṭilomanayepi Okāsavārādīsipi eseva nayo. Evamettha sabbavāresu tiṇṇaṃ tiṇṇaṃ yamakānaṃ vasena yamakagaṇanā veditabbā.

Atthavinicchaye panettha idaṃ lakkhaṇaṃ—imasmiñhi Saṅkhārayamake “assāsapassāsānaṃ uppādakkhaṇe vitakkavicārānaṃ uppādakkhaṇe”ti-ādivacanato paccuppannādikālabhedo pavattivāsenāpi gahetabbo, na cutipaṭisandhivaseneva. “Dutiyajjhāne tatiyajjhāne tattha kāyasaṅkhāro uppajjati”ti-ādivacanato ca jhānampi okāsavasena gahitanti veditabbaṃ. Evamettha yaṃ yaṃ labbhanti, tassa tassa vasena atthavinicchayo veditabbo.

Tatridaṃ nayamukhaṃ—**vinā vitakkavicārehī**ti dutiyatatiyajjhānavasena vuttaṃ. **Tesanti** tesāṃ dutiyatatiyajjhānasamaṅgīnaṃ. **Kāmāvacarānanti** kāmāvacare uppannasattānaṃ. Rūpāvacaradevānaṃ pana assāsapassāsā natthi, arūpāvacarānaṃ rūpameva natthi. **Vinā assāsapassāsehī**ti rūpārūpabhavesu nibbattasattānaṃ vitakkavicārappattiṃ sandhāya vuttaṃ.

21. **Paṭhamajjhāne kāmāvacareti** kāmāvacarabhūmiyaṃ uppanne paṭhamajjhāne. Aṅgamattavasena cettha paṭhamajjhānaṃ gahetabbaṃ, na appanāvaseneva. Anappanāppattepi hi savitakkasavicāracitte idaṃ saṅkhāradvayaṃ uppajjateva.

24. **Cittassa bhaṅgakkhaṇeti** idaṃ kāyasaṅkhārassa ekantacittasamuṭṭhānattā vuttaṃ. Uppajjamānameva hi cittaṃ rūpaṃ vā arūpaṃ vā samuṭṭhāpeti, na bhijjamānaṃ.

37. **Suddhāvāsānaṃ dutiye citte vattamāneti** paṭisandhito dutiye bhavaṅgacitte. Kāmañcetaṃ paṭisandhicittepi vattamāne tesam tatha nuppajjittheva, yāva pana abbokiṇṇaṃ vipākacittaṃ vattati, tāva nuppajjittheva nāmāti dassanattametaṃ vuttaṃ. Yassa vā jhānassa vipākacittena te nibbattā, taṃ satasopi sahasasopi uppajjamānaṃ paṭhamacittameva. Vipākacittena pana visadisaṃ bhavanikantiyā āvajjanacittaṃ dutiyacittaṃ nāma, taṃ sandhāyetaṃ vuttanti vedītabbā.

44. **Pacchimakittasamaṅgīnanti** sabbapacchimena appaṭisandhikacittena samaṅgībhūtānaṃ khīṇāsavānaṃ. **Avitakka-avicāraṃ pacchimakittanti** rūpāvacarānaṃ dutiyajjhānikādicutticittavasena arūpāvacarānaṃ ca catutthajjhānikacutticittavasenetam vuttaṃ. **Tesanti** tesam pacchimakittasamaṅgī-ādīnaṃ.

79. **Yassa kāyasaṅkhāro nirujjhati tassa cittasaṅkhāro nirujjhatīti** ettha niyamato kāyasaṅkhārassa cittasaṅkhārena saddhiṃ ekakkhaṇe nirujjhanato āmantāti paṭivacanaṃ dinnam, na cittasaṅkhārassa kāyasaṅkhārena saddhiṃ. Kim kāraṇā? Cittasaṅkhāro hi kāyasaṅkhārena vināpi uppajjati ca nirujjhati ca, kāyasaṅkhāro pana cittasamuṭṭhāno assāsapassāsavāto. Cittasamuṭṭhānarūpaṅca cittassa uppādakkhaṇe upajjitvā yāva aññāni soḷasa cittāni uppajjanti, tāva tiṭṭhati. Tesam soḷasannaṃ sabbapacchimena saddhiṃ nirujjhatīti yena cittaṃ saddhiṃ uppajjati, tato paṭṭhāya sattarasamena saddhiṃ nirujjhati. Na kassaci cittassa uppādakkhaṇe vā ṭhitikkhaṇe vā nirujjhati, nāpi ṭhitikkhaṇe vā bhaṅgakkhaṇe vā uppajjati. Esā cittasamuṭṭhānarūpassa dhammatāti niyamato cittasaṅkhārena saddhiṃ ekakkhaṇe nirujjhanato āmantāti vuttaṃ. Yaṃ pana Vibhaṅgappakāraṇassa Sīhaḷaṭṭhakathāyaṃ “cittasamuṭṭhānaṃ rūpaṃ sattarasamassa cittassa uppādakkhaṇe nirujjhatī”ti vuttaṃ, taṃ imāya Pāḷiyā virujjhati. Aṭṭhakathāto ca Pāḷiyeva balavatarāti Pāḷiyaṃ vuttameva pamāṇaṃ.

128. **Kassa kāyasaṅkhāro uppajjati tassa vacīsaṅkhāro nirujjhatīti** ettha yasmā kāyasaṅkhāro cittassa uppādakkhaṇe uppajjati, na ca tasmim

khāṇe vitakkavicārā nirujjhanti, tasmā notī paṭisedho katoti iminā
nāyamukhena sabbattha atthavinicchayo veditabbo. Parīññāvāro
pākātikoyevāti.

Pavattivāraṇṇanā.

Saṅkhārayamakavaṇṇanā niṭṭhitā.

7. Anusayayamaka

Paricchedapāricchinnuddesavāraṇṇanā

1. Idāni tesaññeva Mūlayamake desitānaṃ kusalādidhammānaṃ
labbhamānavasena ekadesaṃ saṅgaṇhitvā Saṅkhārayamakānantaraṃ
desitassa Anusayayamakassa atthavaṇṇanā hoti. Tattha Pāḷivavattthānaṃ tāva
veditabbaṃ—imasmiñhi Anusayayamake Khandhayamakādīsū viya
desanaṃ akatvā aññena nayena Pāḷidesanā katā. Kathaṃ? Paṭhamaṃ tāva
paricchedato uddesato uppattiṭṭhānatoti tīhākārehi anusaye gāhāpetuṃ
paricchedavāro paricchinnuddesavāro uppattiṭṭhānavāroti tayo vārā desitā.
Tato sattannaṃ Mahāvārānaṃ vasena anusaye yojetvā yamakadesanā katā.
Tattha **sattānusayāti** ayaṃ “satteva, na tato uddham, na heṭṭhā”ti
gaṇanapāricchedena paricchinditvā anusayānaṃ desitattā paricchedavāro
nāma. **Kāmarāgānusayo -pa- avijjānusayoti** ayaṃ paricchedavārena
paricchinnānaṃ nāmamattaṃ uddisitvā “ime nāma te”ti desitattā
paricchinnuddesavāro nāma. **Kattha kāmarāgānusayo anuseti -pa- ettha
avijjānusayo anusetīti** ayaṃ “imesu nāma ṭhānesu ime anusayā anusetī”ti
evaṃ tesaṃyeva uppattiṭṭhānassa desitattā uppattiṭṭhānavāro nāma.

Yesāṃ pana sattannaṃ mahāvārānaṃ vasena anusaye yojetvā
yamakadesanā katā, tesaṃ imāni nāmāni—Anusayavāro Sānusayavāro
Pajānavāro Parīññāvāro Pahīnavāro Uppajjanavāro Dhātuvāroti. Tesu
paṭhamo Anusayavāro, so anulomapaṭilomanayavasena duvidho hoti.

“kāmadhātuyā cutassa kāmadhātum upapajjantassa kassaci satta anusayā anusenti”ti-ādinā nayena vissajjanam kataṃ.

Tattha “kāmadhātuyā cutassa kāmadhātum upapajjantassa, rūpadhātum, arūpadhātum, nakāmadhātum, narūpadhātum, na-arūpadhātum upapajjantassā”ti cha suddhikapucchā, “nakāmadhātum na-arūpadhātum, narūpadhātum na-arūpadhātum, nakāmadhātum narūpadhātum upapajjantassā”ti tisso missakā pucchā cāti kāmadhātumūlakā nava anulomapucchā honti. Tathā rūpadhātumūlakā nava, arūpadhātumūlakā navāti sattavīsati anulomapucchā honti. Tathā nakāmadhātunarūpadhātunarūpadhātumūlakā sattavīsati paṭilomapucchā. Puna “nakāmadhātuyā na-arūpadhātuyā narūpadhātuyā na-arūpadhātuyā nakāmadhātuyā na-arūpadhātuyā”ti sattavīsati dukamūlakā pucchāti sabbāpi sampiṇḍitā ekāsīti pucchā honti, tāsam vasenettha vissajjanam katanti idam dhātuvāre Pāḷivavattānam. Evam tāva sakalepi Anusayayamake Pāḷivavattānametaṃ vedittabbam.

Ādito paṭṭhāya panettha yaṃ yaṃ anuttānam, tattha tattha ayaṃ vinicchayakathā—**anusayā**ti kenatṭhena anusayā? Anusayanatṭhena. Ko esa anusayanatṭho nāmāti? Appahīnatṭho. Ete hi appahīnatṭhena tassa tassa¹ santāne anusenti nāma, tasmā anusayāti vuccanti. **Anusentī**ti anurūpaṃ kāraṇam labhitvā uppajjantīti attho. Athāpi siyā—anusayanatṭho nāma appatīnākāro, appahīnākāro ca uppajjatīti vattum na yujjati, tasmā na anusayā uppajjantīti. Tatridam paṭivacanam—appahīnākāro anusayo, anusayoti pana appahīnatṭhena thāmagatakilesa vuccati. So cittasampayutto sārammaṇo sappaccayatṭhena sahetuko ekantākusalo atītopi hoti anāgatopi paccuppanopi, tasmā uppajjatīti vattum yujjati.

Tatridam pamāṇam—abhidhamme tāva Kathāvatthusmim² “anusayā abyākatā anusayā ahetukā anusayā cittavippayuttā”ti sabbe vādā paṭisedhitā. Paṭisambhidāmagge³ “paccuppanne kilese pajahatī”ti puccham katvā anusayānam paccuppanabhāvassa atthitāya “thāmagatānusayam

1. Sattassa (Syā)

2. Abhi 4. 299 piṭṭhe.

3. Khu 9. 394 piṭṭhe.

pajahatī”ti vuttaṃ. Dhammasaṅgahe pana mohassa padabhājane “avijjānusayo avijjāpariyuṭṭhānaṃ avijjālaṅgī moho akusalamūlaṃ, yaṃ tasmim̐ samaye moho hotī”ti¹ akusalacittena saddhim̐ avijjānusayassa uppannabhāvo vutto. Imasmim̐yeva Anusayayamake sattannaṃ mahāvārānaṃ aññatarasmim̐ uppajjanavāre “yassa kāmarāgānusayo uppajjati tassa paṭighānusayo uppajjati”ti-ādi vuttaṃ. Tasmā “anusetīti anurūpaṃ kāraṇaṃ labhitvā uppajjati”ti yaṃ vuttaṃ, taṃ iminā tantippamāṇena suvuttanti veditabbaṃ. Yampi “cittasampayutto sārammaṇo”ti-ādi vuttaṃ, tampi suvuttameva. Anusayo hi nāmesa parinipphanno cittasampayutto akusaladhammoti niṭṭhamettha gantabbaṃ. **Kāmarāgānusayoti-ādīsu kāmarāgo ca so appahīnaṭṭhena anusayo cāti kāmarāgānusayo.** Sesapadesupi eseva nayo.

Paricchedaparinicchinuddesavāraṇṇanā.

Uppattiṭṭhānavāraṇṇanā

2. Idāni tesam̐ uppattiṭṭhānaṃ pakāsetum̐ **kattha kāmarāgānusayo anusetīti-ādīmāha.** Tattha **kāmadhātuyā dvīsu vedanāsūti** kāmāvacarabhūmiyaṃ sukhāya ca upekkhāya cāti dvīsu vedanāsu. **Ettha kāmarāgānusayo anusetīti** imāsu dvīsu vedanāsu uppajjati. So pana sa akusalavedanāsu sahaajātavasena ārammaṇavasena cāti dvīhākārehi anuseti. Akusalāya sukhāya vedanāya ceva upekkhāya vedanāya ca sahaajātopi hutvā uppajjati, tā vedanā ārammaṇaṃ katvāpi uppajjati attho. Avasesā pana kāmāvacarakusalavipākakiriyavedanā ārammaṇameva katvā uppajjati. Kāmadhātuyā dvīsu vedanāsu anusayamāno cesa tāhi vedanāhi sampayuttesu saññāsaṅkhāraviññāṇesupi anusetiyeva. Na hi sakkā vedanāsu anusayamānena taṃsampayuttehi saññādīhi saddhim̐ asahaajātena vā bhavitum̐ taṃsampayutte vā saññādayo ārammaṇaṃ akatvā uppajjitum̐. Evam̐

1. Abhi 1. 94 piṭṭhe.

santepi pana yasmā imā dve vedanāva sātasantasukhattā assādaṭṭhena kāmarāgānusayassa uppattiyā sesasampayuttadhammesu padhānā, tasmā “dvīsu vedanāsu ettha kāmarāgānusayo anusetī”ti vuttaṃ. Oḷārikavasena hi bodhaneyye sukhaṃ bodhetunti.

Nanu cesa ārammaṇavasena anusayamāno na kevalaṃ imāsu dvīsu vedanāsu ceva vedanāsampayuttadhammesu ca anuseti, iṭṭhesu pana rūpādīsupi anusetiyeva. Vuttampi cetāṃ Vibhaṅgappakaraṇe¹ “yaṃ loke piyarūpaṃ sātārūpaṃ, ettha sattānaṃ kāmarāgānusayo anusetī”ti. Imasmimpi pakaraṇe anusayavārassa paṭilomanaye vuttaṃ “yattha kāmarāgānusayo nānuseti tattha diṭṭhānusayo nānusetīti, dukkhāya vedanāya rūpadhātuyā arūpadhātuyā ettha kāmarāgānusayo nānuseti no ca tattha diṭṭhānusayo nānuseti, apariyāpanne ettha kāmarāgānusayo ca nānuseti diṭṭhānusayo ca nānusetī”ti. Ettha hi dukkhavedanāya ceva rūpadhātu-ādīsū ca nānusetīti vuttattā sasampayuttadhammaṃ dukkhavedanaṃ sa-okāse rūpārūpāvacaradhamme nava ca lokuttaradhamme ṭhapetvā avasesesu rūpasaddagandharasaphoṭṭhabbesu anusetīti vuttaṃ hoti. Taṃ idha kasmā na vuttanti? Anoḷārikattā. Heṭṭhā vuttanayena hi vedanānaññeva oḷārikattā imesaṃ pana² anoḷārikattā etesu rūpādīsū anusetīti na vuttaṃ, atthato pana labbhati. Tasmā etesupi kāmarāgānusayo anusetiyevāti veditabbo. Na hi sathā sabbaṃ sabbattha katheti. Bodhaneyyasattānaṃ pana vasena katthaci yaṃ labbhati, taṃ sabbaṃ katheti. Katthaci na katheti. Tathā hi anena katthaci “diṭṭhānusayo anusetī”ti pucchitvā “sabbasakkāyapariyāpannesu dhammesu ettha diṭṭhānusayo anusetī”ti yaṃ labbhati, taṃ sabbaṃ kathitaṃ. Aparasmim ṭhāne vissajjantena “rūpadhātuyā arūpadhātuyā ettha vicikicchānusayo ca mānānusayo ca diṭṭhānusayo ca anuseti, kāmadhātuyā dvīsu vedanāsu ettha vicikicchānusayo ca kāmarāgānusayo ca mānānusayo ca diṭṭhānusayo ca anuseti, dukkhāya vedanāya ettha vicikicchānusayo ca paṭighānusayo ca diṭṭhānusayo ca

1. Abhi 2. 353 piṭṭhe.

2. Imesañca (Sī, Ka)

avijjānusayo ca anusetī”ti yaṃ labbhati, taṃ sabbaṃ akathetvā rūpadhātu-arūpadhātūhi saddhiṃ tisso vedanāva kathitā. Vedanāsampayuttā pana arūpadhammā sabbañca rūpaṃ na kathitaṃ. Kiñcāpi na kathitaṃ, diṭṭhānusayo panettha anusetiyeva. Evameva kiñcāpi idha rūpādi-iṭṭhārammaṇaṃ na kathitaṃ, kāmarāgānusayo panettha anusetiyevāti evaṃ tava kāmarāgānusayassa anusayanaṭṭhānaṃ vedītabbāṃ.

Paṭighānusayassa pana “dukkhāya vedanāyā”ti vacanato dve domanassavedanā kāyaviññāṇasampayuttā dukkhavedanāti tisso vedanā anusayanaṭṭhānaṃ. So panesa domanassavedanāsu sahaajātasena ārammaṇavasena cāti dvihākārehi anuseti, avasesadukkhavedanāya pana ārammaṇavaseneva anuseti. Tāsu vedanāsu anusayamāno cesa tāhi sampayuttesu saññākkhandhādīsupi anusetiyeva. Yāya hi vedanāya esa sahaajāto, taṃsampayuttehi saññādīhipi sahaajātova. Yā ca vedanā ārammaṇaṃ karoti, tāhi sampayutte saññādayopi karotiyeva. Evaṃ santepi pana yasmā dukkhavedanāva asāta dukkhavedayitattā nirassādaṭṭhena paṭighānusayassa uppattiyā sesasampayuttadhammesu adhikā, tasmā “dukkhāya vedanāya ettha paṭighānusayo anusetī”ti vuttaṃ. Oḷārikavasena hi bodhaneyye sukhaṃ bodhetunti.

Nanu cesa ārammaṇavasena anusayamāno na kevalaṃ dukkhavedanāya ceva taṃsampayuttadhammesu ca anuseti, aniṭṭhesu pana rūpādīsupi anusetiyeva. Vuttampi cetaṃ Vibhaṅgappakaraṇe¹ “yaṃ loke appiyarūpaṃ asātarūpaṃ, ettha sattānaṃ paṭighānusayo anusetī”ti. Imasmimpi pakaraṇe anusayavārassa paṭilomanaye vuttaṃ “kāmadhātuyā dvīsu vedanāsu ettha paṭighānusayo nānuseti no ca tattha kāmarāgānusayo nānuseti, rūpadhātuyā arūpadhātuyā apaniyāpanne ettha paṭighānusayo ca nānuseti kāmarāgānusayo ca nānusetī”ti. Ettha hi dvīsu kāmāvacaravedanāsu ceva rūpadhātu-ādīsu ca nānusetīti vuttattā sasampayuttadhammā dve vedanā sa-okaṣe rūpārūpāvacaradhamme nava ca lokuttaradhamme ṭhapetvā avasesesu rūpādīsu anusetīti vuttaṃ

1. Abhi 2. 353 piṭṭhe.

hoti. Tam idha kasmā na vuttanti? Anolārikattā. Heṭṭhā vuttanayena hi dukkhavedanāya eva olārikattā imesaṃ pana anolārikattā etesu rūpādīsu anusetīti na vuttaṃ, atthato pana labbhati. Tasmā etesupi paṭighānusayo anusetiyevāti veditabbo.

Kim pana itarā dve vedanā iṭṭhārammaṇaṃ vā paṭighassa ārammaṇaṃ na hontīti. No na hontī. Parihīnajjhānassa hi vippaṭisāravasena sasampayuttadhammā tā vedanā ārabha domanassaṃ uppajjati, iṭṭhārammaṇassa ca paṭiladdhassa vipariṇāmaṃ vā appaṭiladdhassa appaṭilābhaṃ vā samanussaratopi domanassaṃ uppajjati. Domanassamattameva pana taṃ hoti, na paṭighānusayo. Paṭighānusayo hi aniṭṭhārammaṇe paṭihaññānavasena uppanno thāmagato kilesa, tasmā ettha domanassena saddhiṃ paṭigho uppannopi attano paṭighakiccaṃ akaraṇabhāvena eva paṭighānusayo na hoti, abbohārikattaṃ gacchati. Yathā hi paṇātipātacetanāya saddhiṃ uppannopi byāpādo manokammaṃ nāma na hoti, abbohārikattaṃ gacchati, evaṃ paṭighānusayo na hoti, abbohārikattaṃ gacchati. Vuttampi cetam ekaccaṃ iṭṭhārammaṇaṃ nekkhammasitampi vā domanassaṃ sandhāya “yaṃ evarūpaṃ domanassaṃ, paṭighaṃ tena pajahati, na tattha paṭighānusayo anusetī”ti¹. Evaṃ paṭighānusayassa anusayanaṭṭhānaṃ veditabbaṃ.

Mānānusayassa pana “kāmadhātuyā dvīsu vedanāsū”ti-ādivacanato dve kāmāvacaravedanā rūpārūpadhātuyo cāti idaṃ tividhaṃ anusayanaṭṭhānaṃ, tassa akusalāsu vedanāsu kāmarāgānusayassa viya saha-jātānusayatā veditabbā. Sasampayuttadhammāsu pana sabbāsupi kāmāvacarāsu sukha-adukkhamasukhavedanāsu rūpārūpadhātūsu ca ārammaṇavaseneva anuseti. Anusayavārassa pana paṭilomanaye “dukkhāya vedanāya apariyāpanne ettha kāmarāgānusayo ca nānuseti mānānusayo ca nānuseti”ti vuttattā ṭhapetvā dukkhavedanañceva navavidhaṃ lokuttaradhammañca sesarūpārūpadhammesupi ayaṃ anusetiyevāti. Evaṃ mānānusayassa anusayanaṭṭhānaṃ veditabbaṃ.

1. Ma 1. 378 piṭṭhe.

Diṭṭhānusayavicikicchānusayā pana kevalaṃ lokuttaradhammesveva nānuseti, tebhūmakesu pana sabbesupi anusetiyeva. Tena vuttaṃ “sabbasakkāyapariyāpannesu dhammesu ettha diṭṭhānusayo anuseti, ettha vicikicchānusayo anuseti”ti. Tattha **sabbasakkāyapariyāpannesūti** saṃsāravatṭanissitaṭṭhena sakkāyapariyāpannesu sabbadhammesūti attho. Tattha panete pañcasu cittuppādesu saḥajātānusayanavasena anuseti, te vā pana pañca cittuppāde aññe vā tebhūmakadhamme ārabba pavattikāle ārammaṇānusayanavasena anuseti. Evaṃ diṭṭhānusayavicikicchānusayānaṃ anusayanaṭṭhānaṃ veditabbaṃ.

Bhavarāgānusayo pana kiñcāpi diṭṭhivippayuttesu catūsu cittesu uppajjanato saḥajātānusayanavasena “kāmadhātuyā dvīsu vedanāsu anuseti”ti vattabbo bhaveyya, kāmadhātuyānaṃ panesa dvīhi vedanāhi saddhiṃ uppajjamānopi rūpārūpāvacaradhammameva paṭilabhati, kāmadhātuyā pariyāpannaṃ ekadhammampi ārammaṇaṃ na karoti. Tasmā ārammaṇānusayanavasena niyamaṃ katvā “rūpadhātuyā arūpadhātuyā ettha bhavarāgānusayo anuseti”ti vuttaṃ. Apica rāgo nāmesa kāmarāgabhavarāgavasena duvidho. Tattha kāmarāgo kāmadhātuyā dvīsu vedanāsu anuseti vutto. Sace pana bhavarāgopi kāmarāgo viya evaṃ vucceyya, kāmarāgena saddhiṃ desanā saṃkiṇṇā viya bhaveyyāti rāgakilesaṃ dvidhā bhinditvā kāmarāgato bhavarāgassa visesadassanatthampi evaṃ desanā katāti. Evaṃ bhavarāgānusayassa anusayanaṭṭhānaṃ veditabbaṃ.

Avijjānusayo pana sabbesupi tebhūmakadhammesu anuseti, tena vuttaṃ “sabbasakkāyapariyāpannesu dhammesu ettha avijjānusayo anuseti”ti. Tassa dvādasasu cittuppādesu saḥajātānusayatā veditabbā. Ārammaṇakaraṇavasena pana na kiñci tebhūmakadhammaṃ ārabba na pavattatīti. Evaṃ avijjānusayassa anusayanaṭṭhānaṃ veditabbaṃ. Ayaṃ tāva paricchavedavāraparicchinnuddesavāra-uppattiṭṭhānavāresu vinicchayakathā.

Uppattiṭṭhānavāraṇṇanā.

Mahāvāra 1. Anusayavāraṇṇanā

3. Sattannaṃ pana Mahāvārānaṃ paṭhame Anusayavāre **yassa kāmarāgānusayo anuseti tassa paṭighānusayo anusetī**ti ettha yadetaṃ **āmantā**ti paṭivacanaṃ dinnam, taṃ duddinnaṃ viya khāyati. Kasmā? Kāmarāgapaṭighānaṃ ekakkhaṇe anuppattito. Yathā hi “yassa manāyatanam uppajjati tassa dhammāyatanam uppajjati āmantā. Assāsapassāsānaṃ uppādakkhaṇe tesam kāyasaṅkhāro ca uppajjati, vacīsaṅkhāro ca uppajjati”ti-ādīsu manāyatanadhammāyatanāni kāyasaṅkhāravacīsaṅkhārā ca ekakkhaṇe uppajjanti, na tathā kāmarāgapaṭighā. Kāmarāgo hi aṭṭhasu lobhasahagatacittuppādesu uppajjati, paṭigho dvīsu domanassasahagatesūti natthi nesaṃ ekakkhaṇe uppatti. Tasmā ettha noti paṭisedho kattabbo siyā. Taṃ akatvā pana āmantāti paṭivacanaṃ dinnattā heṭṭhāyamakesu viya ettha khaṇapaccuppannavasena vattamānavohāraṃ aggahetvā aññathā gahetabbo.

Katham? Appahīnavasena. Appahīnatañhi sandhāya ayaṃ anusetīti vattamānavohāro vutto, na khaṇapaccuppannataṃ. Yasmā ca appahīnataṃ sandhāya vutto, tasmā “yassa kāmarāgānusayo anuseti tassa paṭighānusayo anusetī”ti pucchāya yassa kāmarāgānusayo appahīno, na anuppattidhammataṃ āpādito, tassa paṭighānusayopi appahīnoti evamattho daṭṭhabbo. Yasmā ca tesu yasseko appahīno, tassa itaropi appahīnova hoti, tasmā āmantāti vuttam. Yadi evaṃ yaṃ upari uppajjanavāre “yassa kāmarāgānusayo uppajjati tassa paṭighānusayo uppajjati”ti pucchitvā āmantāti vuttam, tattha katham attho gahetabboti? Tatthāpi appahīnavaseneva, uppattipaccaye sati uppattiyā anivāritavasena vā. Yathā hi cittakammādīni ārabhitvā apariniṭṭhitakammantā cittakārādayo tesam kammantānaṃ akaraṇakkhaṇepi mittasuhajjādīhi diṭṭhaditṭhaṭṭhāne “imesu divasesu kiṃ karoṭhā”ti vuttā “cittakammaṃ karoma, kaṭṭhakammaṃ karomā”ti vadanti. Te kiñcāpi tasmim khaṇe na karonti, avicchinnakammantattā pana katakhaṇaṅca kattabbakhaṇaṅca upādāya karontiyeva nāma honti. Evameva yaṃhi santāne anusayā appahīnā, yaṃhi vā pana nesaṃ santāne uppattipaccaye sati uppatti anivāritā, tattha

anuppajjanakkhaṇepi uppannapubbañceva kālantare uppajjanakañca upādāya yassa kāmarāgānusayo uppajjati, tassa paṭighānusayo uppajjatiyeva nāmāti evamattho veditabbo. Ito paresupi evarūpesu vissajjanesu eseve nayo. **No ca tassāti** idaṃ anāgāmiṃsa kāmarāgabyāpādānaṃ anavasesato pahīnattā vuttaṃ. **Tiṇṇaṃ puggalānanti** puthujjanasotāpannasakadāgāmīnaṃ. **Dvinnāṃ puggalānanti** sotāpannasakadāgāmīnaṃ. Paratopi evarūpesu ṭhānesu eseve nayo.

14. Okāsavārassa paṭhamadutiya-pucchāsu yasmā kāmarāgānusayo kāmādhātuyā dvīsu vedanāsu anuseti, paṭighānusayo dukkhavedanāya, tasmā **noti** paṭisedho kato. Tatiya-pucchāyaṃ ubhinnaṃpi kāmādhātuyā dvīsu vedanāsu anusayanato **āmantāti** paṭivacanaṃ dinnāṃ. Rūpadhātu-arūpadhātuyā¹ pana mānānusayassa kāmarāgānusayena saddhiṃ asādhāraṇaṃ uppattiṭṭhānaṃ, tasmā **no ca tattha kāmarāgānusayoti** vuttaṃ. Iminā nayena sabbesaṃ uppattiṭṭhānavāraṃ oloketvā sādharmaṇāsādhāraṇaṃ uppattiṭṭhānaṃ veditabbaṃ.

20. Dukamūlakapucchāyaṃ yasmā kāmarāgapaṭighānusayā nāpi ekasmiṃ ṭhāne uppajjanti, na ekaṃ dhammaṃ ārammaṇaṃ karonti, tasmā **natthīti** paṭikkhepo kato. Ayañhettha adhippāyo—yasmim̐ ime dve anusayā anusayeyyūṃ, taṃ ṭhānameva natthi. Tasmā “kattha mānānusayo anusetī”ti ayaṃ pucchā apucchāyevāti. Aññesupi evarūpesu eseve nayo.

27. Puggalokāsavāre **catunnanti** puthujjanasotāpannasakadāgāmi-anāgāmīnaṃ.

36. Paṭilomanaye yassa kāmarāgānusayo nānusetīti ayaṃ pucchā anāgāmiṃ gahetvā pucchati.

1. Rūpadhātu-arūpadhātuyo (?)

56. **Dvinnam puggalanam sabbattha kāmārāgānusayo nānusetī** anāgāmi-arahantānam. **Kāmadhātuyā tīsu vedanāsūti** ca vedanāggahaṇena vedanāsampayuttakānampi tesam vatthārammaṇānampīti sabbesampi kāmāvacaradhāmmānam gahaṇam veditabbam. Ayam Anusayavāre vinicchayakathā.

Anusayavāravaṇṇanā.

2. Sānusayavāravaṇṇanā

66-131. Sānusayavāre pana **yo kāmārāgānusayena sānusayoti** yathā ekantarikajarādirogena ābādhiko yāva tamhā rogā na muccati, tāva tassa rogassa anuppattikkhaṇepi sarogoyeva nāma hoti, evam sasamkilesassa vaṭṭagāmisattassa yāva ariyamaggena anusayā samugghātam na gacchanti, tāva tesam anusayānam anuppattikkhaṇepi sānusayoyeva nāma hoti. Evarūpaṁ sānusayataṁ sandhāya **āmantāti** vuttaṁ. Sesamettha Anusayavārasadisameva.

Okāsavāre pana “rūpadhātuyā arūpadhātuyā ettha mānānusayena sānusayo”ti vutte tāsu dhātūsu puggalassa sānusayatā paññāyeyya, anusayassa uppattiṭṭhānam na paññāyeyya, anusayassa ca uppattiṭṭhānadassanattam ayam vāro āradhho, tasmā **tato mānānusayena sānusayoti** vuttaṁ. Evañhi sati tato dhātudvayato uppanna mānānusayena sānusayoti anusayassa uppattiṭṭhānam dassitam hoti. Imassa pana pañhassa atthe avutte ādipañhassa attho pākaṭo na hotīti paṭhamam na vutto, tasmā so evam veditabbo. **Yato kāmārāgānusayenāti** yato uppanna kāmārāgānusayena sānusayo, kim so tato uppanna paṭighānusayenapi sānusayoti. Yasmā panete dve ekasmā ṭhānā nuppajjanti, tasmā “no”ti paṭisedho kato. **Arahā sabbatthāti** arahā sabbadhammesu uppajjanakena kenaci anusayena nirānusayoti iminā atthavasena nippadesaṭṭhānesu bhummavacanameva katanti. Iminā upāyena sabbattha atthavinicchayo veditabboti.

Sānusayavāravaṇṇanā.

3. Pajahanavāraṇṇanā

132-197. Pajahanavāre **pajahatī**ti tena tena maggena pahānapariññāvasena pajahati, āyatim anuppattidhammatam āpādeti. **Āmantā**ti anāgāmi maggaṭṭham sandhāya paṭivacanam. **Tadekaṭṭham pajahatī**ti pahānekaṭṭhatam sandhāya vuttam. **Noti arahattamaggaṭṭham sandhāya paṭisedho.**

Yato kāmarāgānusayam pajahatīti yato uppajjanakam kāmarāgānusayam pajahatīti attho. **Aṭṭhamakoti** arahattaphalaṭṭhato paṭṭhāya paccorohanagaṇanāya gaṇiyamāno sotāpattimaggaṭṭho aṭṭhamako nāma. Dakkhiṇeyyagaṇanāya hi arahā aggadakkhiṇeyyattā paṭhamo, arahattamaggaṭṭho dutiyo, anāgāmī tatiyo -pa- sotāpattimaggaṭṭho aṭṭhamo, so idha aṭṭhamakoti vutto, nāmasaññāyeva vā esā tassāti. **Anāgāmi maggasamaṅgiṇca aṭṭhamakaṇca ṭhapetvā avasesāti** saddhim puthujjanena sekkhāsekkhā. Tesu hi puthujjano¹, pahānapariññāya abhāvena nappajahati². Sesā tesam anusayānam pahīnattā. **Dvinnam maggasamaṅgīnanti** dve maggasamaṅgino ṭhapetvāti attho. Iminā nayena sabbattha vinicchayo veditabboti.

Pajahanavāraṇṇanā.

4. Pariññāvāraṇṇanā

198-263. Pariññāvāre **parijānātī**ti tīhi pariññāhi parijānāti. Sesamettha heṭṭhā vuttanayameva. Ayampi hi vāro Pajahanavāro viya maggaṭṭhānaññeva vasena vissajjitoti.

Pariññāvāraṇṇanā.

5. Pahīnavāraṇṇanā

264-274. Pahīnavāre phalaṭṭhavaseneva desanā āradhā. Anāgāmiṇa hi ubhohpete anusayā pahīnā, tasmā “āmantā”ti vuttam.

1. Puthujjanā (Syā)

2. Nappajahanti (Syā)

275-296. Okāsavāre **yattha kāmarāgānusayo pahīno tattha paṭighānusayo pahīnoti** pucchitvā **na vattabbo pahīnoti vā appahīnoti vā**ti vuttam, tam kasmāti? Uppattiṭṭhānassa asādhāraṇattā. Aññaṃ hi kāmarāgānusayassa uppattiṭṭhānaṃ, aññaṃ paṭighānusayassa. Abhāvitamaggassa ca yattha anusayo uppajjati, magge bhāvite tattheva so pahīno nāma hoti. Tattha yasmā neva kāmarāgānusayaṭṭhāne paṭighānusayo uppajjati, na paṭighānusayaṭṭhāne kāmarāgānusayo, tasmā tattha so pahīnoti vā appahīnoti vā na vattabbo. So hi yasmim attano uppattiṭṭhāne kāmarāgānusayo pahīno, tasmim appahīnattā tattha pahīnoti na vattabbo. Yam kāmarāgānusayassa uppattiṭṭhānaṃ, tasmim aṭṭhitattā tattha appahīnoti na vattabbo.

Yattha kāmarāgānusayo pahīno tattha mānānusayo pahīnoti ettha pana sādharmaṇaṭṭhānaṃ sandhāya āmantāti vuttam. Kāmarāgānusayo hi kāmadhātuyā dvīsu vedāsu anuseti, mānānusayo tāsū ceva rūpārūpadhātūsu ca. So ṭhapetvā asādhāraṇaṭṭhānaṃ sādharmaṇaṭṭhāne tena saddhim pahīno nāma hoti, tasmā āmantāti vuttam. Iminā nayena sabbasmimpi Okāsavāre pahīnatā ca navattabbatā ca veditabbā. Natthīti āgataṭṭhānesu pana heṭṭhā vuttasadisova vinicchayo. Puggalokāsavāro Okāsavāragatikoyeva.

297-307. Paṭilomanaye **yassa kāmarāgānusayo appahīnoti** puthujjanasotāpannasakadāgāmivasena pucchati. Kiñcāpi hi ime dve anusayā puthujjanato paṭṭhāya yāva anāgāmimaggaṭṭhā channaṃ puggalānaṃ appahīnā, idha pana parato “tiṇṇaṃ puggalānaṃ dvinnaṃ puggalānaṃ”ti-ādivacanato maggaṭṭhā anadhippetā, tasmā puthujjanasotāpannasakadāgāminova sandhāya āmantāti vuttam. **Dvinnam puggalānanti** sotāpannasakadāgāmīnaṃ. Iminā nayena Puggalavāre vinicchayo veditabbo.

308-329. Okāsavārapuggalokāsavārā pana heṭṭhā vuttanayeneva veditabbāti.

Pahīnavāraṇṇanā.

6. Uppajjanavāraṇṇanā

330. Uppajjanavāro Anusayavārasadisoyeva.

7. Dhātupucchāvāraṇṇanā

332-340. Dhātuvārassa pucchāvāre tāva **kati anusayā anusentīti** kati anusayā santānaṃ anugatā hutvā sayanti. **Kati anusayā nānusetīti** kati anusayā santānaṃ na anugatā hutvā sayanti. **Kati anusayā bhaṅgāti** kati anusayā anusenti nānusetīti evaṃ vibhajitabbāti attho. Sesamettha yaṃ vattabbaṃ siyā, taṃ heṭṭhā Pāḷivavatthāne vuttameva.

7. Dhātuvissajjanāvāraṇṇanā

341-349. Niddesavāre panassa **kassaci satta anusayā anusentīti** puthujjanavasena vuttaṃ. **Kassaci pañcāti** sotāpannasakadāgāmivasena vuttaṃ. Tesañhi diṭṭhānusayo ca vicikicchānusayo ca pahīnāti pañceva anusenti. Tattha yathā anusayavāre anusentīti padassa uppajjantīti attho gahito, evamidha na gahetabbo. Kasmā? Tasmim̐ khaṇe anuppajjanato. Kāmadhātuṃ upapajjantassa hi vipākacittañceva kammamuṭṭhānarūpañca uppajjati, akusalacittaṃ natthi. Anusayā ca akusalacittakkhaṇe uppajjanti, na vipākacittakkhaṇeti tasmim̐ khaṇe anuppajjanato tathā attho na gahetabbo. Kathaṃ pana gahetabboti? Yathā labbhati, tathā gahetabbo. Kathañca labbhati? Appahīnaṭṭhena. Yathā hi rāgadosamohānaṃ appahīnattā kusalābyākatacittasamaṅgī puggalo “sarāgo sadoso samoho”ti vuccati, evaṃ maggabhāvanāya appahīnattā paṭisandhikkhaṇepi tassa tassa puggalassa te te anusayā anusentīti vuccanti. Na kevalañca vuccanti, appahīnattā pana te anusetiyeva nāmāti veditabbā.

Anusayā bhaṅgā natthīti yassa hi yo anuseti, so anusetiyeva. Yo nānuseti, so nānusetiyeva. Ayaṃ anuseti ca nānuseti ca. Ayaṃ siyā anuseti siyā nānusetīti evaṃ vibhajitabbo anusayo nāma natthi. **Rūpadhātuṃ upapajjantassa kassaci**

tayoti nāgāmvasena vuttaṃ. Tassa hi kāmarāgapaṭighadhiṭṭhivicikicchānusayā cattāropi anavasesato pahīnā, itare tayova appahīnā. Tena vuttaṃ “kassaci tayo anusayā anusenti”ti.

Na **kāmadhātunti** kāmadhātuyā paṭisiddhattā sesā dve dhātuyo upapajjantassāti attho. **Sattevāti** yasmā ariyasāvakassa rūpadhātuyā cutassa kāmadhātuyam upapatti nāma natthi, puthujjanasseva hoti, tasmā sattevāti niyametvā vuttaṃ. “Arūpadhātuyā cutassa kāmadhātuṃ upapajjantassa sattevā”ti etthāpi eseva nayo. **Rūpadhātuyā upapatti natthīti** kasmā natthi? Upapattinipphādakassa rūpāvacarajjhānassa abhāvā. So hi sabbaso rūpasaññānaṃ samatikkamā taṃ dhātuṃ upapannoti nāssa tattha rūpāvacarajjhānaṃ atthi, tadabhāvā rūpadhātuyam upapatti natthīti veditabbā. **Arūpadhātuyā cutassa na kāmadhātunti** ettha arūpadhātuyeva adhippetā. Iminā nayena sabbavissajjanesu attho veditabboti.

Dhātuvāraṇṇanā.

Anusayayamakavaṇṇanā niṭṭhitā.

8. Cittayamaka

Uddesavāraṇṇanā

1. 62. Idāni tesaññeva Mūlayamake desitānaṃ kusalādidhammānaṃ labbhamānavasena ekadesameva saṅgaṇhitvā Anusayayamakānantaraṃ desitassa Cittayamakassa atthavaṇṇanā hoti. Tattha Pāḷivavatthānaṃ tāva veditabbaṃ—imasmiñhi Cittayamake mātikāṭhapanam, ṭhapitamātikāya vissajjananti dve vārā honti. Tattha mātikāṭhapanane Puggalavāro Dhammavāro Puggaladhammavāroti-āditova tayo suddhikamahāvārā honti.

Tattha “yassa cittaṃ uppajjati na nirujjhatī”ti evaṃ puggalavasena cittassa uppajjananirujjhanādibhedam dīpento gato Puggalavāro nāma. “Yaṃ cittaṃ uppajjati na nirujjhatī”ti evaṃ dhammavaseneva cittassa uppajjananirujjhanādibhedam dīpento gato dhammavāro nāma. “Yassa yaṃ cittaṃ uppajjati na nirujjhatī”ti evaṃ

ubhayavasena cittassa uppajjananirujjhanādibhedam̐ dīpento gato puggaladhammavāro nāma. Tato “yassa sarāgam̐ cittan̐”ti soḷasannaṃ padānaṃ vasena apare sarāgādipadavisesitā soḷasa Puggalavārā, soḷasa dhammavārā, soḷasa puggaladhammavārāti aṭṭhacattālīsaṃ missakavārā honti. Te sarāgādipadamattaṃ dassetvā saṃkhittā. Tato “yassa kusalaṃ cittan̐”ti-ādīnā nayena chasaṭṭhidvisatasāṅkhānaṃ abhidhammāmātikāpadānaṃ vasena apare kusalādipadavisesitā chasaṭṭhidvisataPuggalavārā, chasaṭṭhidvisatadhammavārā, chasaṭṭhidvisatapuggaladhammavārāti aṭṭhanavutisattasatā missakavārā honti. Tepi kusalādipadamattaṃ dassetvā saṃkhittāyeva. Yānipettha sanidassanādīni padāni cittena saddhim̐ na yujjanti, tāni moghapucchāvasena ṭhapitāni.

Tesu pana tīsu vāresu sabbapaṭhame suddhikapuggalamahāvāre uppādanīrodhakālasambhedavāro uppāduppānavāro nirodhuppānavāro uppādavāro nirodhavāro uppādanīrodhavāro uppajjamānanīrodhavāro uppajjamānuppānavāro nirujjhamānuppānavāro uppānuppādavāro atītānāgatavāro uppānuppajjamānavāro niruddhanirujjhamānavāro atikkantakālavāroti cuddasa antaravārā. Tesu uppādavāro nirodhavāro uppādanīrodhavāroti imesu tīsu vāresu anulomapaṭilomavasena cha cha katvā aṭṭhārasa yamakāni, uppānuppādavāre atītānāgatakālavasena anulomato dve, paṭilomato dveti cattāri yamakāni, sesesu ādito niddiṭṭhesu tīsu, anantare niddiṭṭhesu tīsu, avasāne niddiṭṭhesu catūsūti dasasu vāresu anulomato ekaṃ, paṭilomato ekanti dve dve katvā vīsati yamakāni. Evaṃ sabbesupi cuddasasu antaravāresu dvācattālīsa yamakāni caturāsīti pucchā aṭṭhasaṭṭhi-atthasataṃ hoti. Yathā ca ekasmiṃ suddhikapuggalamahāvāre, tathā suddhikadhammavārepi suddhikapuggaladhammavārepīti tīsu mahāvāresu chabbīsatiyamakasataṃ tato diguṇā pucchā tato diguṇā atthā ca veditabbā. Idaṃ pana vārattayaṃ sarāgādivasena soḷasaguṇaṃ kusalādivasena chasaṭṭhidvisataguṇaṃ katvā imasmiṃ Cittayamake anekāni yamakasahassāni tato diguṇā pucchā tato diguṇā atthā ca hontīti. Pāṭho pana saṃkhittoti. Evaṃ tāva imasmiṃ Cittayamake Pāḷivavatthānaṃ veditabbānaṃ.

Mātikāṭhapanavaṇṇanā.

Niddesa 1. Puggalavāraṇṇanā

63. Idāni ṭhapitānukkamena mātikaṃ vissajjetum **yassa cittaṃ uppajjati na nirujjhatī**-ādi āraddhaṃ. Tattha **uppajjati** uppādakkhaṇasamaṅgitāya uppajjati. **Na nirujjhatī** nirodhakkhaṇaṃ appattatāya na nirujjhati. **Tassa cittaṃ** tassa puggalassa tato paṭṭhāya cittaṃ nirujjhissati nuppajjissatī pucchati. **Tesaṃ cittaṃ** yesaṃ paricchinnavaṭṭadukkhānaṃ khīṇāsavaṇaṃ sabbapacchimassa cuticittassa uppādakkhaṇo vattati, etesaṃ tadeva cuticittaṃ uppādappattatāya uppajjati nāma, bhaṅgaṃ appattatāya na nirujjhati. Idāni pana bhaṅgaṃ patvā taṃ tesaṃ cittaṃ nirujjhissati, tato appaṭisandhikattā aññaṃ nuppajjissati. **Itaresanti** pacchimacittasamaṅgiṃ khīṇāsavaṃ ṭhapetvā avasesānaṃ sekkhāsekkhaputhujjanānaṃ. **Nirujjhissati ceva uppajjissati cāti** yaṃ taṃ uppādakkhaṇappattam, taṃ nirujjhissateva, aññaṃ pana tasmim vā aññasimim vā attabhāve uppajjissati ceva nirujjhissati ca. Dutiyapucchāvissajjanepi tathārūpasseva khīṇāsavassa cittaṃ sandhāya āmantāti vuttaṃ. **Nuppajjati nirujjhatī** bhaṅgakkhaṇe arahato pacchimacittampi sesānaṃ bhijjamānacittampi. Tato paṭṭhāya pana arahato cittaṃ na nirujjhissatī sakkā vattum, uppajjissatī pana na sakkā. Sesānaṃ uppajjissatī sakkā vattum, na nirujjhissatī na sakkā. Tasmā noti paṭisedho kato. Dutiyapañhe yassa cittaṃ na nirujjhissati uppajjissatī so puggaloyeva natthi, tasmā natthī paṭikkhepo kato.

65-82. **Uppannanti** uppādasamaṅginopetaṃ nāmaṃ uppādaṃ patvā aniruddhassāpi. Tattha uppādasamaṅgitaṃ sandhāya āmantāti, uppādaṃ patvā aniruddhabhāvaṃ sandhāya “tesaṃ cittaṃ uppanna”ti vuttaṃ. **Anuppannanti** uppādaṃ appattam. **Tesaṃ cittaṃ uppajjitthāti** etthāpi sabbesaṃ tāva cittaṃ khaṇapaccuppannameva hutvā uppādakkhaṇaṃ atītattā uppajjittha nāma, nirodhasamāpannānaṃ nirodhato pubbe uppannapubbattā, Asaññasattānaṃ saññībhava uppannapubbattā. **Uppajjittha ceva uppajjati cāti** uppādaṃ pattattā uppajjittha, anaṭitattā uppajjati nāmāti attho.

Uppādakkhaṇe anāgatañcāti uppādakkhaṇe ca cittaṃ anāgatañca cittaṃ nattho.

83. Atikkantakālavāre **uppajjamānaṃ khaṇanti** uppādakkhaṇaṃ. Tattha kiñcāpi uppādakkhaṇo uppajjamāno nāma na hoti, uppajjamānassa pana khaṇattā

evam vutto. **Khaṇaṃ vītikkantaṃ atikkantakālaṃ** na ciraṃ vītikkantaṃ, tameva pana uppādakkhaṇaṃ vītikkantaṃ hutvā atikkantakālaṃ saṅkhaṃ gacchati. **Nirujjhamānaṃ khaṇanti** nirodhakkhaṇaṃ. Tattha kiñcāpi nirodhakkhaṇo nirujjhamāno nāma na hoti, nirujjhamānassa pana khaṇattā evam vutto. **Khaṇaṃ vītikkantaṃ atikkantakālaṃ** kim tassa cittaṃ evam nirodhakkhaṇampi vītikkantaṃ hutvā atikkantakālaṃ nāma hotīti pucchati. Tattha yasmā bhaṅgakkhaṇe cittaṃ uppādakkhaṇaṃ khaṇaṃ vītikkantaṃ hutvā atikkantakālaṃ hoti, nirodhakkhaṇaṃ khaṇaṃ vītikkantaṃ hutvā atikkantakālaṃ nāma na hoti, atītaṃ pana cittaṃ ubhopi khaṇe khaṇaṃ vītikkantaṃ hutvā atikkantakālaṃ nāma, tasmā “bhaṅgakkhaṇe cittaṃ uppādakkhaṇaṃ vītikkantaṃ bhaṅgakkhaṇaṃ avītikkantaṃ, atītaṃ cittaṃ uppādakkhaṇaṃca vītikkantaṃ bhaṅgakkhaṇaṃca vītikkantaṃ”ti vissajjanamāha. Dutiyapañhassa vissajjane yasmā atītaṃ cittaṃ ubhopi khaṇe vītikkantaṃ hutvā atikkantakālaṃ nāma hoti, tasmā atītaṃ cittaṃ vuttaṃ. Paṭilomapañhassa vissajjane yasmā uppādakkhaṇe ca cittaṃ anāgataṃca cittaṃ ubhopi khaṇe khaṇaṃ vītikkantaṃ hutvā atikkantakālaṃ nāma na hoti tesam khaṇānaṃ avītikkantattā, tasmā “uppādakkhaṇe cittaṃ anāgataṃ cittaṃ”ti vuttaṃ. Dutiyavissajjanaṃ pākaṭameva.

84-113. Dhammavārepi imināvupāyena sabbavissajjanesu attho veditabbo. Puggaladhammavāro dhammavāragatikoyeva.

114-116. Sabbepi missakavārā **yassa sarāgaṃ cittaṃ** ādinā nayena mukhamattaṃ dassetvā saṅkhittā, vitthāro pana nesam heṭṭhā vuttanayeneva veditabbo. Tesu pana “yassa sarāgaṃ cittaṃ uppajjati na nirujjhati tassa cittaṃ nirujjhissati nuppajjissatī”ti evam vitthāretabbatāya pucchāva sadisā hoti. Yasmā pana sarāgaṃ cittaṃ pacchimacittaṃ na hoti, tasmā “yassa sarāgaṃ cittaṃ uppajjati na nirujjhati tassa cittaṃ nirujjhissati nuppajjissatīti no”ti evam vissajjitabbattā vissajjanaṃ asadisam hoti. Tam tam tassā tassā pucchāya anurūpavasena veditabbanti.

Cittayamakavaṇṇanā niṭṭhitā.

9. Dhammayamaka

1. Paṇṇatti-uddesavāraṇṇanā

1. 16. Idāni tesaññeva Mūlayamake desitānaṃ kusalādidhammānaṃ mātikāṃ ṭhapetvā Cittayamakānantaraṃ desitassa Dhammayamakassa vaṇṇanā hoti. Tattha Khandhayamake vuttanayeneva Pāḷivavatthānaṃ veditabbaṃ. Yathā hi tattha paṇṇattivārādayo tayo mahāvārā avasesā antaravārā ca honti, tathā idhāpi. “Yo kusalaṃ dhammaṃ bhāveti so akusalaṃ dhammaṃ pajahatī”ti āgatattā panettha pariññāvāro bhāvanāvāro nāmāti veditabbo. Tattha yasmā abyākato dhammo neva bhāvetabbo, na pahātabbo, tasmā taṃ padameva na uddhaṭaṃ. Paṇṇattivāre panettha tiṇṇaṃ kusalādidhammānaṃ vasena Padasodhanavāro Padasodhanamūlacakkavāro Suddhadhammavāro Suddhadhammamūlacakkavāroti imesu catūsu vāresu yamakagaṇanā veditabbā.

1. Paṇṇattiniddesavāraṇṇanā

17-32. Paṇṇattivāraniddese pana **kusalā kusaladhammā**ti kusalānaṃ ekantena kusaladhammattā “āmantā”ti vuttaṃ. Sesavissajjanesupi eseva nayo. **Avasesā dhammā na akusalā dhammā**ti avasesā dhammā akusalā na honti, dhammā pana hontīti attho. Iminā nayena sabbavissajjanāni veditabbāni.

Paṇṇattivāraṇṇanā.

2. Pavattivāraṇṇanā

33-34. Pavattivāre panettha paccuppannakāle Puggalavārassa anulomanaye “yassa kusalā dhammā uppajjanti tassa akusalā dhammā uppajjanti, yassa vā pana akusalā dhammā uppajjanti tassa kusalā dhammā uppajjanti”ti kusaladhammamūlakāni dve yamakāni, akusaladhammamūlakaṃ ekanti tiṇi yamakāni honti. Tassa paṭilomanayepi Okāsavārādīsipi eseva nayo. Evamettha sabbavāresu tiṇṇaṃ tiṇṇaṃ yamakānaṃ vasena yamakagaṇanā veditabbā. Atthavinicchaye panettha idaṃ lakkhaṇaṃ—imassa hi

Dhammayamakassa pavattimahāvāre “uppajjanti nirujjhantī”ti imesu uppādanirodhesu kusalākusaladhammā tāva ekantena pavattiyāmyeva labbhanti, na cutipaṭisandhīsu. Abyākatadhammā pana pavatte ca cutipaṭisandhīsu cāti tīsupi kālesu labbhanti. Evamettha yaṃ yattha yattha labbhati, tassa vasena tattha tattha vinicchayo veditabbo.

Tatridaṃ nayamukhaṃ—kusalākusalānaṃ tāva ekakkaṇṇe anuppajjanato “no”ti paṭisedho kato. **Abyākatā cāti** cittasamuṭṭhānarūpavasena vuttaṃ.

35-36. **Yattha kusalā dhammā nuppajjantīti** asaṅṅabhavaṃ sandhāya vuttaṃ. Tenevettha “āmanta”ti vissajjanaṃ kataṃ. **Uppajjantīti** idampi asaṅṅabhavaṃ sandhāya vuttaṃ. Abyākatānaṃ pana anuppattiṭṭhānassa abhāvā “natthī”ti paṭikkhepo kato.

49. **Dutiye akusaleti** bhavaṃ assādetvā uppannesu nikantijavanesu dutiye javanacitte. **Dutiye citte vattamāneti** paṭisandhito dutiye bhavaṅgacitte vattamāne, saha vā paṭisandhiyā bhavaṅgaṃ vipākavasena ekameva katvā bhavanikantiyā āvajjanacitte. Tañhi kiriyacittattā abyākatajātiyaṃ vipākato dutiyaṃ nāma hoti.

57. **Yassa cittassa anantarā aggamagganti** gotrabhucittaṃ sandhāya vuttaṃ. **Kusalā dhammā uppajjissantīti** te aggamaggadhammeyeva sandhāya vuttaṃ.

79. **Yassa cittassa anantarā aggamaggam paṭilabhissanti tassa cittassa uppādakkhaṇeti** idaṃ cittajātivāsena vuttaṃ. Tajjātikassa hi ekāvajjanena uppannassa tato orimacittassa uppādakkhaṇepi etaṃ lakkhaṇaṃ labbhateva.

99. Nirodhavārepi kusalākusalānaṃ ekato anirujjhanato “no”ti vuttaṃ. Iminā nayamukhena sabbattha vinicchayo veditabboti.

Dhammayamakavaṇṇanā niṭṭhitā.

10. Indriyayamaka

Idāni tesaññeva Mūlayamake desitānaṃ kusalādīdhammānaṃ labbhamānavasena ekadesaṃ saṅgaṇhitvā Dhammayamakānantaraṃ desitassa Indriyayamakassa vaṇṇanā hoti. Tattha Khandhayamakādīsū vuttanayeneva Pāḷivavatthānaṃ vedītabbaṃ. Idhāpi hi Paṇṇattivārādayo tayo mahāvārā, avasesā antaravārā ca saddhīṃ kālappabhedādīhi Khandhayamakādīsū āgatasadisāva. Indriyānaṃ pana bahutāya Dhātuyamakato pi bahutarāni yamakāni honti. Yathā pana heṭṭhā Puggalavārādīsū cakkhāyatanacakkhuhātumūlake naye cakkhāyatanacakkhuhātūhi saddhīṃ jivhāyatanakāyāyatanāni na yojitāni, jivhāyatanakāyāyatanamūlakāni ca yamakāneva na gahitāni, tathā idhāpi cakkhundriyamūlake naye jivhindriyakāyindriyāni na yojitāni, jivhindriyakāyindriyamūlakāni ca yamakāneva na gahitāni. Tesāṃ aggahaṇe kāraṇaṃ tattha vuttanayeneva vedītabbaṃ. Manindriyaṃ pana yathā cakkhundriyādīmūlakehi, tatheva itthindriyādīmūlakehi saddhīṃ yasmā yojanaṃ gacchati, tasmā nikkhattapaṭipāṭiyā ayojetvā sabbehi pi cakkhundriyamūlakādīhi saddhīṃ pariyosāne yojitanti vedītabbaṃ. Cakkhundriyena saddhīṃ itthindriyapurisindriyajīvitindriyāni yojitāni. Sukhindriyadukkhindriyadomanassindriyāni paṭisandhiyaṃ natthīti na gahitāni, somanassindriya-upekkhindriyāni paṭisandhiyaṃ uppattisabbhāvato gahitāni, tathā saddhindriyādīni pañca. Lokuttarāni tīṇi paṭisandhiyaṃ abhāveneva na gahitāni. Iti yāni gahitāni, tesāṃ vasenettha cakkhundriyamūlake naye yamakagaṇanā vedītabbā. Yathā cettha, evaṃ sabbattha, yāni pana na gahitāni, tesāṃ vasena yamakāni na gaṇetabbāni, gaṇentena vā moghapucchāvasena gaṇetabbānīti evaṃ tāva sabbavāresu Pāḷivavatthānameva vedītabbaṃ.

Pavattivāravaṇṇanā

1-86. Atthavinicchaye panettha idaṃ nayamukhaṃ—**sacakkhukānaṃ na itthīnanti** Brahmaṃpārisajjādīnañceva rūpīnaṃ purisanaṃpūmsakānañca vasena vuttaṃ. Tesañhi itthindriyaṃ nuppajjati. **Sacakkhukānaṃ na purisānanti** rūpībrahmānañceva itthinapūmsakānañca vasena vuttaṃ. Tesañhi purisindriyaṃ nuppajjati. **Acakkhukānaṃ upapajjantānaṃ tesāṃ jīvitindriyaṃ uppajjati**ti ekavokāracatuvokārakāmadhātusatte sandhāya vuttaṃ. **Sacakkhukānaṃ vinā somanassenāti**

upekkhāsahagatānaṃ catunnaṃ mahāvīpākapaṭisandhīnaṃ vasena vuttaṃ. **Sacakkhukānaṃ vinā upekkhāyāti** somanassasahagatapaṭisandhikānaṃ vasena vuttaṃ. **Upekkhāya acakkhukānanti** aheturapaṭisandhivasena vuttaṃ. **Ahetukānanti** aheturapaṭisandhicittena saddhīṃ saddhindriyādīnaṃ abhāvato vuttaṃ. Tattha hi ekanteneva saddhāsatipaññāyo natthi, samādhivīriyāni pana indriyappattāni na honti. **Sahetukānaṃ acakkhukānanti** gabbhaseyyakavasena ceva arūpīvasena ca vuttaṃ. Añño hi sahetuko acakkhuko nāma natthi. **Sacakkhukānaṃ aheturukānanti** apāye opapātikavasena vuttaṃ. **Sacakkhukānaṃ ñāṇavippayuttānanti** kāmādhātuyāṃ duhetukapaṭisandhikānaṃ vasena vuttaṃ. **Sacakkhukānaṃ ñāṇasampayuttānanti** rūpībrahmāno ceva kāmāvacaradevamanusse ca sandhāya vuttaṃ. **Ñāṇasampayuttānaṃ acakkhukānanti** arūpino ca tiheturagabbhaseyyake ca sandhāya vuttaṃ.

190. Jīvitindriyamūlake **vinā somanassena upapajjantānanti** dvepi jīvitindriyāni sandhāya vuttaṃ. **Pavatte somanassavippayuttacittassa uppādakkhaṇeti** arūpajīvitindriyaṃ sandhāya vuttaṃ. Iminā nayena sabbatthāpi paṭisandhipavattivasena jīvitindriyayojanā veditabbā. Somanassindriyādīmūlakesupi paṭisandhipavattivasenevattho gahetabbo. Paṭilomanaye pana nirodhavāre ca etesañceva aññesañca dhammānaṃ yathālābhavasena cutipaṭisandhipavattesu tīsupi anuppādanirodhā veditabbā.

281. Anāgatavāre **eteneva bhāvenāti** etena purisabhāvene, antarā itthibhāvaṃ anāpajjitvā purisapaṭisandhiggahaṇenevāti attho. **Katicī bhavedasettvā parinibbāyissantīti** katicī paṭisandhiyo gahetvā itthibhāvaṃ appatvā parinibbāyissantīti attho. Dutiyapucchāyapi eseva nayo.

361. Paccuppanna Atītavāre **suddhāvāsānaṃ upapatticittassa bhaṅgakkhaṇe manindriyañca nuppajjitthāti**¹ Cittayamake viya uppādakkhaṇātikamavasena atthaṃ aggahetvā tasmīṃ bhavedasettvā anuppānapubbavasena gahettabboti. Iminā nayamukhena sabbasmimpi pavattivāre atthavinicchayo veditabbo.

Pavattivāraṇṇanā.

1. Jīvitindriyañca nuppajjati somanassindriyañca nuppajjitthāti (?)

Pariññāvāraṇṇanā

435-482. Pariññāvāre pana cakkhumūlakādīsu ekameva cakkhusotayamakam dassitam. Yasmā pana sesānipi lokiya-abyākatāni ceva lokiya-abyākatamissakāni ca pariññeyyāneva, tasmā tāni anupadiṭṭhānipi imināva dassitāni honti. Yasmā pana akusalam ekantato pahātabbameva, ekantam kusalam bhāvetabbameva, lokuttarābyākatam sacchikātabbam, tasmā “domanassindriyam pajahati”ti “anaññātāññassāmītindriyam bhāveti”ti “aññātāvindriyam sacchikaroti”ti vuttam. Aññindriyam pana bhāvetabbampi atthi sacchikātabbampi, tam bhāvanāvaseneva gahitam. Tattha **dve puggalā**ti sakadāgāmimaggasamaṅgī ca arahattamaggasamaṅgī ca. Tesu eko samucchinditum asamatthattā domanassindriyam nappajahati nāma, eko pahīnadosattā. **Cakkhundriyam na pari jānāti**ti anuppādam āpādetum asamatthatāya na pari jānāti. Iminā nayena sabbavissajjanesu attho veditabboti.

Pariññāvāraṇṇanā.

Indriyayamakavaṇṇanā niṭṭhitā.

Nigamanakathā

Ettāvatā ca—

Yassovāde ṭhatvā, niṭṭhitakiccassa kiccasampanno.

Yuvatijanopi atīto, suvihitaniyamo yamassāṇam.

Devaparisāya majjhe, devapure sabbadevadevena.

Yamakam nāma pakāsitam, yamāmalalomena yam tena.

Pāḷivavattānavidhim, pucchāvissajjane ca atthanayam.

Dassetum āradhā, Yamaka-aṭṭhakathā mayā tassa.

Sā subahu-antarāye, lokamhi yathā anantarāyena.

Ayamajja pañcamattehi, tantiyā bhāṇavārehi.

Niṭṭham pattā evaṃ, niṭṭhānam pāpuṇantu sabbepi.

Hitasukhanibbattikarā, manorathā sabbasattānanti.

Yamakappakaraṇaṭṭhakathā niṭṭhitā.

Abhidhammapiṭaka

Paṭṭhānappakaraṇaṭṭhakathā

Namo tassa Bhagavato Arahato Sammāsambuddhassa.

Devātidevo devānaṃ, devadānavapūjito.

Desayitvā pakaraṇaṃ, Yamakaṃ suddhasaṃyamo.

Atthato dhammato ceva, gambhīrassātha tassa yaṃ.

Anantaraṃ Mahāvīro, sattamaṃ Isisattamo.

Paṭṭhānaṃ nāma nāmena, nāmarūpanirodhano.

Desesi atigambhīra¹-nayamaṇḍitadesanaṃ.

Idāni tassa sampatto, yasmā saṃvaṇṇanākkamo.

Tasmā naṃ vaṇṇayissāmi, taṃ suṇātha samāhitāti.

Paccayuddesavaṇṇanā

Sammāsambuddhena hi anulomapaṭṭhāne dvāvīsati tike nissāya Tikapaṭṭhānaṃ nāma niddiṭṭhaṃ, satam² dukaṃ nissāya Dukapaṭṭhānaṃ nāma niddiṭṭhaṃ. Tato paraṃ dvāvīsati tike gahetvā dukasate pakkhipitvā Dukatikapaṭṭhānaṃ nāma dassitaṃ, tato paraṃ dukasataṃ gahetvā dvāvīsatiyā tikesu pakkhipitvā Tikadukapaṭṭhānaṃ nāma dassitaṃ, tike pana tikesuyeva pakkhipitvā Tikatikapaṭṭhānaṃ nāma dassitaṃ, duke ca³ dukesuyeva pakkhipitvā Dukadukapaṭṭhānaṃ nāma dassitaṃ. Evaṃ—

Tikañca Paṭṭhānavaraṃ dukuttamaṃ,

Dukaṃ tikañceva tikaṃ dukañca.

Tikaṃ tikañceva dukaṃ dukañca,

Cha **anulomamhi** nayā sugambhīrāti.

1. Atigambhīraṃ (Syā)

2. Sataduke (Syā)

3. Duke pana (Syā)

Paccanīyapaṭṭhānēpi dvāvīsati tike nissāya Tikapaṭṭhānaṃ nāma, dukasataṃ nissāya Dukapaṭṭhānaṃ nāma, dvāvīsati tike dukasate pakkhipitvā Dukatikapaṭṭhānaṃ nāma, dukasataṃ dvāvīsatiyā tikesu¹ pakkhipitvā Tikadukapaṭṭhānaṃ nāma, tike tikesuyeva pakkhipitvā Tikatikapaṭṭhānaṃ nāma, duke dukesuyeva pakkhipitvā Dukadukapaṭṭhānaṃ nāmāti evaṃ paccanīyepi chahi nayehi Paṭṭhānaṃ niddiṭṭhaṃ. Tena vuttaṃ—

“Tikañca Paṭṭhānavaraṃ dukuttamaṃ,
Dukaṃ tikañceva tikaṃ dukañca.
Tikaṃ tikañceva dukaṃ dukañca,
Cha **paccanīyamhi** nayā sugambhīrā”ti.

Tato paraṃ anulomapaccanīyepi etenevupāyena cha nayā dassitā. Tenāha²—

“Tikañca Paṭṭhānavaraṃ dukuttamaṃ,
Dukaṃ tikañceva tikaṃ dukañca.
Tikaṃ tikañceva dukaṃ dukañca,
Cha **anulomapaccanīyamhi** nayā sugambhīrā”ti.

Tadanantaraṃ paccanīyānulomamhi eteheva chahi nayehi niddiṭṭhaṃ. Tenāha—

“Tikañca Paṭṭhānavaraṃ dukuttamaṃ,
Dukaṃ tikañceva tikaṃ dukañca.
Tikaṃ tikañceva dukaṃ dukañca,
Cha **paccanīyānulomamhi** nayā sugambhīrā”ti.

Evaṃ anulome cha paṭṭhānāni, paccanīye cha, anulomapaccanīye cha, paccanīyānulome cha paṭṭhānānīti idaṃ “catuvīsatisamantapaṭṭhānasamodhānapaṭṭhānamahāpakaraṇaṃ nāmā”ti hi vuttaṃ.

Tattha yesaṃ catuvīsatiyā samantapaṭṭhānānaṃ samodhānavasenetam catuvīsatisamantapaṭṭhānasamodhānaṃ Paṭṭhānamahāpakaraṇaṃ nāmāti³ vuttaṃ, tesañceva imassa ca pakaraṇassa nāmattho tāva evaṃ veditabbo.

1. Tikesuyeva (Sī)

2. Tenevāha (Sī)

3. Nāmāti hi (Syā)

Kenaṭṭhena **Paṭṭhānanti**? Nānappakārapaccayaṭṭhena. Pa-kāro hi nānappakāratthaṃ dīpeti, ṭhānasaddo paccayaṭṭhaṃ. Ṭhānāṭṭhānakusalatāti-ādīsu hi paccayo ṭhānanti vutto. Iti nānappakārānaṃ paccayānaṃ vasena desitattā imesu catuvīsatiyā paṭṭhānesu ekekaṃ paṭṭhānaṃ nāma, imesaṃ pana paṭṭhānānaṃ samūhato sabbampetaṃ pakaraṇaṃ Paṭṭhānanti veditabbaṃ.

Aparo nayo—kenatṭhena Paṭṭhānanti? Vibhajanatṭhena. “Paññāpanā paṭṭhapanā vivaraṇā vibhajanā uttānīkamman”¹ āgataṭṭhānasmiñhi vibhajanatṭhena Paṭṭhānaṃ paññāyati. Iti kusalādīnaṃ dhammānaṃ hetupaccayādivasena vibhattattā imesu catuvīsatiyā paṭṭhānesu ekekaṃ paṭṭhānaṃ nāma, imesaṃ pana paṭṭhānānaṃ samūhato sabbampetaṃ pakaraṇaṃ Paṭṭhānaṃ nāmāti veditabbaṃ.

Aparo nayo—kenatṭhena Paṭṭhānanti? Paṭṭhitatṭhena, gamanaṭṭhenāti attho. “Goṭṭhā paṭṭhitagāvo”² āgataṭṭhānasmiñhi yena paṭṭhānena paṭṭhitagāvoti vutto, taṃ atthato gamanaṃ hoti. Iti nātivitthāritanayesu Dhammasaṅgaṇī-ādīsu anissaṅgagamanassa sabbaññutaññāṇassa hetupaccayādibhedabhinnesu kusalādīsu vitthāritanayaalābhato nissaṅgavasena pavattagamanattā imesu catuvīsatiyā paṭṭhānesu ekekaṃ paṭṭhānaṃ nāma, imesaṃ pana paṭṭhānānaṃ samūhato sabbampetaṃ pakaraṇaṃ Paṭṭhānaṃ nāmāti veditabbaṃ.

Tattha anulomamhi tāva paṭṭhamaṃ tikavasena desitattā Tikapaṭṭhānaṃ nāma. Tassa padacchedo—tikānaṃ paṭṭhānaṃ ettha atthīti **Tikapaṭṭhānaṃ**, tikānaṃ nānappakārakā paccayā etissā desanāya atthīti attho. Dutiyavikappepi tikānaṃ paṭṭhānantveva³ Tikapaṭṭhānaṃ, hetupaccayādivasena tikānaṃ vibhajanāti attho. Tatiyavikappe hetupaccayādibhedabhinnatāya laddhavitthārā tikā eva paṭṭhānaṃ Tikapaṭṭhānaṃ, sabbaññutaññāṇassa nissaṅgagamanabhūmīti attho. Dukapaṭṭhānādīsupi eseva nayo. Evaṃ anulome chapatṭhānāni viditvā paccanīyādīsupi imināvupāyena veditabbāni.

Yasmā panetāni anulome, paccanīye, anulomapaccanīye, paccanīyānulometi samantā cha cha hutvā catuvīsati hontī, tasmā “catuvīsati

1. Ma 3. 291 piṭṭhe.

2. Ma 1. 112 piṭṭhe.

3. Paṭṭhānaṃ tena (Ka)

samantapaṭṭhānānī”ti vuccanti. Iti imesaṃ catuvīsatiyā khuddakapaṭṭhānasaṅkhātānaṃ samantapaṭṭhānānaṃ samodhānavasenetāṃ catuvīsatisamantapaṭṭhānasamodhānaṃ Paṭṭhānamahāpakaraṇaṃ nāma.

Taṃ panetaṃ ye tikādayo nissāya niddiṭṭhattā “tikapaṭṭhānaṃ Dukapaṭṭhānaṃ -pa- Dukadukapaṭṭhānaṃ”ti vuttaṃ, te anāmasitvā yesaṃ paccayānaṃ vasena te tikādayo vibhattā, te paccaye dassetuṃ ādito tāvassa mātikānikkhepavāro nāma vutto, paccayavibhaṅgavārotipi tasseva nāmaṃ. So uddesaniddesato duvidho. Tassa **hetupaccayo -pa- avigatapaccayoti** ayaṃ uddeso.

Tattha hetu ca so paccayo cāti **hetupaccayo**. Hetu hutvā paccayo, hetubhāvena paccayoti vuttaṃ hoti. Ārammaṇapaccayādisupi eseva nayo. Tattha **hetū**ti vacanāvayavakāraṇamūlānametaṃ adhivacanāṃ. “Paṭiññā hetū”ti-ādīsu hi loke vacanāvayavo hetūti vuccati. Sāsane pana “ye dhammā hetuppabhavā”ti¹ ādīsu kāraṇaṃ. “Tayo kusalā hetū, tayo akusalā hetū”ti² ādīsu mūlaṃ hetūti vuccati. Taṃ idha adhippetāṃ. **Paccayoti** ettha pana ayaṃ vacanattho—paṭicca etasmā etīti paccayo, appaccakkhāya naṃ vattatīti attho. Yo hi dhammo yaṃ dhammaṃ appaccakkhāya tiṭṭhati vā uppajjati vā, so tassa paccayoti vuttaṃ hoti.

Lakkhaṇato pana upakāraḥkalakkhaṇo paccayo. Yo hi dhammo yassa dhammassa ṭhitiyā vā uppattiyā vā upakāraḥko hoti, so tassa paccayoti vuccati. Paccayo hetu kāraṇaṃ nidānaṃ sambhavo pabhavoti atthato ekaṃ, byañcanato nānaṃ. Iti mūlaṭṭhena hetu, upakāraḥkaṭṭhena paccayoti saṅkhepato mūlaṭṭhena upakāraḥko dhammo hetupaccayo. So hi sāli-ādīnaṃ sālibījādīni viya maṇippabhādīnaṃ viya ca maṇivaṇṇādayo kusalādīnaṃ kusalādibhāvasādhakoti ācariyānaṃ adhippāyo. Evaṃ sante pana taṃsamutṭhānarūpesu hetupaccayatā na sampajjati. Na hi so tesāṃ kusalādibhāvaṃ sādheti, na ca paccayo na hotīti. Vuttañhetāṃ “hetū hetusampayuttakānaṃ dhammānaṃ

1. Vi 3. 51 piṭṭhe.

2. Abhi 1. 214, 215 piṭṭhesu.

taṃsamuṭṭhānānaṃ rūpānaṃ hetupaccayena paccayo”ti. Ahetukacittānaṃ vinā etena abyākatabhāvo siddho.

Sahetukānampi ca yonisomanasikārādipaṭibaddho kusalādibhāvo, na sampayuttahetupaṭibaddho. Yadi ca sampayuttahetūsu sabhāvatova kusalādibhāvo siyā, taṃsampayuttesu hetupaṭibaddho, alobho kusalo vā siyā abyākato vā. Yasmā pana ubhayathāpi hoti, tasmā yathā sampayuttesu, evaṃ hetūsupi kusalādītā pariyesitabbā. Kusalādibhāvasādhanavasena pana hetūnaṃ mūlaṭṭhaṃ aggahetvā suppatiṭṭhitabhāvasādhanavasena gayhamāne na kiñci virujjhati. Laddhahetupaccayā hi dhammā viruḷhamulā viya pādapaṭṭhiraṃ honti suppatiṭṭhitā, ahetukā pana tilabijakādisevālā viya na suppatiṭṭhitā. Iti mūlaṭṭhena upakāraṅkoti suppatiṭṭhitabhāvasādhanena upakāraṅko dhammo hetupaccayoti veditabbo.

Tato paresu ārammaṇavasena upakāraṅko dhammo **ārammaṇapaccayo**. So¹ “rūpāyatanāṃ cakkhuvīññādhātuyā”ti ārabhitvāpi “yaṃ yaṃ dhammāṃ ārabha ye ye dhammā uppajjanti cittacetāsikā dhammā, te te dhammā tesāṃ tesāṃ dhammānaṃ ārammaṇapaccayena paccayo”ti osāpitattā na koci dhammo na hoti. Yathā hi dubbalo puriso daṇḍaṃ vā rajjumaṃ vā ālambitvāva uṭṭhahati ceva tiṭṭhati ca, evaṃ cittacetāsikā dhammā rūpādi-ārammaṇānaṃ ārabheva uppajjanti ceva tiṭṭhanti ca. Tasmā sabbepi cittacetāsikānaṃ dhammānaṃ ārammaṇabhūtā dhammā ārammaṇapaccayoti veditabbā.

Jeṭṭhakaṭṭhena upakāraṅko dhammo **adhipatipaccayo**. So sahaṅgārammaṇavasena duvidho. Tattha “chandaḍhipati chandasampayuttakānaṃ dhammānaṃ taṃsamuṭṭhānānaṃ rūpānaṃ adhipatipaccayena paccayo”ti-ādivacanato chandaḍvīriyacittavīmaṃsaṅkhātā cattāro dhammā sahaṅgāḍadhipatipaccayoti veditabbā, no ca kho ekato. Yadaḍ hi chandaḍaṃ dhuraṃ jeṭṭhakaṃ katvā cittaṃ pavattati, tadaḍ chandaḍva adhipati, na itare. Esa nayo sesesupi. Yaṃ pana dhammaṃ garumaṃ katvā arūpadhammā pavattanti, so nesāṃ ārammaṇāḍadhipati.

1. So rūpādivasena chabbidho (Syā)

Tena vuttaṃ “yaṃ yaṃ dhammaṃ garuṃ katvā ye ye dhammā uppajjanti cittacetāsikā dhammā, te te dhammā tesāṃ tesāṃ dhammānaṃ adhipatipaccayena paccayo”ti.

Anantarabhāvena upakārako dhammo **anantarapaccayo**. Samanantarabhāvena upakārako dhammo **samanantarapaccayo**. Idañca paccayadvayaṃ bahudhā papañcayanti. Ayaṃ panettha sāro—yo hi esa cakkhuviññāṇanantarā manodhātu, manodhātu-anantarā manoviññāṇadhātūti-ādi cittaniyamo, so yasmā purimacittavaseneva ijjhati, na aññathā. Tasmā attano attano anantaraṃ anurūpassa cittuppādassa uppādanasamatthova dhammo anantarapaccayo. Tenevāha “anantarapaccayoti cakkhuviññāṇadhātu taṃsampayuttakā ca dhammā manodhātuyā taṃsampayuttakānañca dhammānaṃ anantarapaccayena paccayo”ti-ādi.

Yo anantarapaccayo, sveva samanantarapaccayo. Byañjanamattameva hettha nānaṃ upacayasantati-ādīsu viya adhivacananiruttidukādīsu viya ca, atthato pana nānaṃ natthi. Yampi “addhānantaratāya anantarapaccayo, kālānantaratāya samanantarapaccayo”ti ācariyānaṃ mataṃ, taṃ “nirodhā vuṭṭhahantassa nevasaññānāsaññāyatanakusalaṃ phalasaṃpattiyā samanantarapaccayena paccayo”ti-ādīhi virujjhati. Yampi tattha vadanti “dhammānaṃ samuṭṭhāpanasamatthatā na parihāyati, bhāvanābalena pana vāritattā dhammā samanantaraṃ nuppajjanti”ti, tampi kālānantaratāya abhāvameva sādheti. Bhāvanābalena hi tattha kālānantaratā natthīti mayampi etadeva vadāma. Yasmā ca kālānantaratā natthi, tasmā samanantarapaccayatā na yujjati. Kālānantaratāya hi tesāṃ samanantarapaccayo hotīti laddhi. Tasmā abhinivesaṃ akatvā byañjanamattatovettha nānākaraṇaṃ paccetabbaṃ, na atthato. Kathaṃ? Natthi etesaṃ antaranti hi anantarā. Saṅghānābhāvato suṭṭhu anantarāti samanantarā.

Uppajjamāno saha uppajjamānabhāvena upakārako dhammo **sahajātapaccayo** pakāsassa¹ padīpo viya. So arūpakkhandhādivasena chabbidho hoti. Yathāha—cattāro khandhā arūpino aññamaññaṃ sahajātapaccayena paccayo. Cattāro mahābhūtā aññamaññaṃ -pa-. Okkantikkhaṇe

1. Pabhāsassa (Syā)

nāmarūpaṃ aññamaññaṃ -pa-. Cittacetāsikā dhammā cittasamuṭṭhānānaṃ rūpānaṃ -pa-. Mahābhūtā upādārūpānaṃ -pa-. Rūpino dhammā arūpīnaṃ dhammānaṃ kiñci kāle sahaḥajātapaccayena paccayo, kiñci kāle na sahaḥajātapaccayena paccayoti. Idam hadayavatthumeva sandhāya vuttaṃ.

Aññamaññaṃ uppādanupatthambhanabhāvena upakārako dhammo **aññamaññapaccayo** aññamaññupatthambhakaṃ tidaṇḍaṃ viya. So arūpakkhandhādivasena tividho hoti. Yathāha—cattāro khandhā arūpino aññamaññapaccayena paccayo. Cattāro mahābhūtā -pa-. Okkantikkhaṇe nāmarūpaṃ aññamaññapaccayena paccayoti.

Adhiṭṭhānākārena nissayākārena ca upakārako dhammo **nissayapaccayo** tarucittakammādīnaṃ pathavīpaṭādayo viya. So “cattāro khandhā arūpino aññamaññaṃ nissayapaccayena paccayo”ti evaṃ sahaḥāte vuttanayeneva veditabbo. Chaṭṭho panettha koṭṭhāso “cakkhāyatanaṃ cakkhuviññādhātuyā, sota, ghāna, jivhā, kāyāyatanaṃ kāyaviññādhātuyā taṃsampayuttakāraṇa dhammānaṃ nissayapaccayena paccayo. Yaṃ rūpaṃ nissāya manodhātu ca manoviññādhātu ca vattanti, taṃ rūpaṃ manodhātuyā ca manoviññādhātuyā ca taṃsampayuttakāraṇa dhammānaṃ nissayapaccayena paccayo”ti evaṃ vibhatto.

Upanissayapaccayoti idha pana ayaṃ tāva vacanatto—
tadadhīnavuttitāya attano phalena nissito, na paṭikkhittoti nissayo. Yathā pana bhuso āyāso upāyāso, evaṃ bhuso nissayo upanissayo. Balavakāraṇassetam adhivacanaṃ. Tasmā balavakāraṇabhāvena upakārako dhammo upanissayapaccayoti veditabbo. So ārammaṇūpanissayo anantarūpanissayo pakatūpanissayoti tividho hoti. Tattha “dānaṃ datvā sīlaṃ samādiyivā uposathakammaṃ katvā taṃ garuṃ katvā paccavekkhati, pubbe suciṇṇāni garuṃ katvā paccavekkhati, jhānā vuṭṭhahitvā jhānaṃ garuṃ katvā paccavekkhati, sekkhā gotrabhuṃ garuṃ katvā paccavekkhanti, vodānaṃ garuṃ katvā paccavekkhanti, sekkhā maggā vuṭṭhahitvā maggaṃ garuṃ katvā paccavekkhanti”ti evamādinā nayena **ārammaṇūpanissayo** tāva ārammaṇādhipatinā saddhim nānattaṃ akatvā vibhatto. Tattha yaṃ ārammaṇaṃ garuṃ katvā cittacetāsikā uppajjanti, taṃ niyamato tesam ārammaṇesu balavārammaṇaṃ

hoti. Iti garukātabbamattaṭṭhena ārammaṇādhipati, balavakāraṇaṭṭhena ārammaṇūpanissayoti evametesam nānattam veditabbam.

Anantarūpanissayopi “purimā purimā kusalā khandhā pacchimānam pacchimānam kusalānam khandhānam upanissayapaccayena paccayo”ti-ādinā nayena anantarapaccayena saddhim nānattam akatvāva vibhatto. Mātikānikkhepe pana nesam “cakkhuvīññādhātu taṁsampayuttakā ca dhammā manodhātuyā taṁsampayuttakānañca dhammānam anantarapaccayena paccayo”ti-ādinā nayena anantarassa ca “purimā purimā kusalā dhammā pacchimānam pacchimānam kusalānam dhammānam upanissayapaccayena paccayo”ti-ādinā nayena upanissayassa ca āgatattā nikkhepaviseso atthi, sopi atthato ekībhāvameva gacchati. Evaṁ santepi attano attano anantaram anurūpassa cittuppādassa pavattanasamatthatāya anantarā purimacittassa ca pacchimakittuppādane balavatāya anantarūpanissayatā veditabbā. Yathā hi hetupaccayādīsu kañci dhammam vināpi cittam uppajjati, na evam anantaracittam vinā cittassa uppatti nāma atthi, tasmā balavapaccayo hoti. Iti attano attano anantaram anurūpacittuppādavasena anantarapaccayo, balavakāraṇavasena anantarūpanissayoti evametesam nānattam veditabbam.

Pakatūpanissayo pana pakato upanissayo pakatūpanissayo. Pakato nāma attano santāne nipphādito vā saddhāsīlādi, upasevito vā utubhojanādi. Pakatiyāyeva vā upanissayo pakatūpanissayo, ārammaṇānantarehi asammissoti attho. Tassa “pakatūpanissayo—saddham upanissāya dānam deti, sīlam samādiyati, uposathakammaṁ karoti, jhānam uppādeti, vipassanam uppādeti, maggam uppādeti, abhiññam uppādeti, samāpattim uppādeti. Sīlam, sutam, cāgam, paññam upanissāya dānam deti -pa-samāpattim uppādeti. Saddhā, sīlam, sutam, cāgo, paññā saddhāya, sīlassa, sutassa, cāgassa, paññāya upanissayapaccayena paccayo”ti-ādinā nayena anekappakārako pabhedo veditabbo. Iti ime saddhādayo pakatā ceva balavakāraṇaṭṭhena upanissayā cāti pakatūpanissayoti.

Paṭhamataram uppajjitvā vattamānabhāvena upakārako dhammo **purejātapaccayo**. So pañcadvāre vatthārammaṇahadayavatthivasena ekādasavidho

hoti. Yathāha—cakkhāyatanaṃ cakkhuviññādhātuyā taṃsampayuttakānañca dhammānaṃ purejātapaccayena paccayo. Sota, ghāna, jivhā, kāyāyatanaṃ rūpāyatanaṃ, sadda, gandha, rasa, phoṭṭhabbāyatanaṃ kāyaviññādhātuyā taṃsampayuttakānañca dhammānaṃ purejātapaccayena paccayo.

Rūpasaddagandharasaphoṭṭhabbāyatanaṃ manodhātuyā taṃsampayuttakānañca dhammānaṃ purejātapaccayena paccayo. Yaṃ rūpaṃ nissāya manodhātu ca manoviññādhātu ca vattanti, taṃ rūpaṃ manodhātuyā taṃsampayuttakānañca dhammānaṃ purejātapaccayena paccayo, manoviññādhātuyā taṃsampayuttakānañca dhammānaṃ kiñci kāle purejātapaccayena paccayo, kiñci kāle na purejātapaccayena paccayoti.

Purejātānaṃ rūpadhammānaṃ upatthambhakaṭṭhena upakārako arūpadhammo **pacchājātapaccayo** gijjhapotakasarīraṇaṃ āhārāsācetanā viya. Tena vuttaṃ “pacchājātā cittacetāsikā dhammā purejātassa imassa kāyassa pacchājātapaccayena paccayo”ti.

Āsevanaṭṭhena anantarānaṃ paguṇabalavabhāvāya upakārako dhammo **āsevanapaccayo** ganthādīsu purimāpurimābhiyogo viya. So kusalākusalakiriyajavanavasena tividho hoti. Yathāha—purimā purimā kusalā dhammā pacchimānaṃ pacchimānaṃ kusalānaṃ dhammānaṃ āsevanapaccayena paccayo. Purimā purimā akusalā -pa- kiriyābyākatā dhammā pacchimānaṃ pacchimānaṃ kiriyābyākatānaṃ dhammānaṃ āsevanapaccayena paccayoti.

Cittapayogasaṅkhātena kiriyābhāvena upakārako dhammo **kammapaccayo**. So nānakkhaṇikāya ceva kusalākusalacetanāya saha-jātāya ca sabbāyapī¹ cetanāya vasena duvidho hoti. Yathāha—kusalākusalānaṃ kammanāṃ vipākānaṃ khandhānaṃ kaṭattā ca rūpānaṃ kammapaccayena paccayo. Cetanā sampayuttakānaṃ dhammānaṃ taṃsamuṭṭhānānañca rūpānaṃ kammapaccayena paccayoti.

Nirussāhasantabhāvena nirussāhasantabhāvāya upakārako vipākadhammo **vipākapaccayo**. So pavatte cittasamuṭṭhānānaṃ² paṭisandhiyaṃ kaṭattā

1. Sabbāya (Sī, Ka)

2. Cittasamuṭṭhānānaṃ rūpānaṃ (Syā)

ca rūpānaṃ sabbattha ca sampayuttadhammānaṃ vipākappaccayo hoti. Yathāha—vipākābyākato eko khandho tiṇṇaṃ khandhānaṃ cittasamuṭṭhānānaṃca rūpānaṃ vipākappaccayena paccayo -pa-. Paṭisandhikkhaṇe vipākābyākato eko khandho -pa- dve khandhā dvinnaṃ khandhānaṃ kaṭattā ca rūpānaṃ vipākappaccayena paccayo. Khandhā vatthussa vipākappaccayena paccayoti.

Rūpārūpānaṃ upatthambhakaṭṭhena upakāraḱā cattāro āhārā **āhārappaccayo**. Yathāha—kabalīkāro āhāro imassa kāyassa āhārappaccayena paccayo. Arūpino āhārā sampayuttakānaṃ dhammānaṃ taṃsamuṭṭhānānaṃca rūpānaṃ āhārappaccayena paccayoti. Pañhāvāre pana “paṭisandhikkhaṇe vipākābyākatā āhārā sampayuttakānaṃ khandhānaṃ kaṭattā ca rūpānaṃ āhārappaccayena paccayo”tipi vuttaṃ.

Adhipatiyaṭṭhena upakāraḱā itthindriyapurisindriyavajjā vīsatindriyā **indriyappaccayo**. Tattha cakkhundriyādayo pañca arūpadhammānaṃyeva, sesā rūpārūpānaṃ paccayā honti. Yathāha—cakkhundriyaṃ cakkhuviññādhātuyā, sota, ghāna, jivhā, kāyindriyaṃ kāyaviññādhātuyā taṃsamyuttakānaṃca dhammānaṃ indriyappaccayena paccayo. Rūpajīvitindriyaṃ kaṭatārūpānaṃ indriyappaccayena paccayo. Arūpino indriyā sampayuttakānaṃ dhammānaṃ taṃsamyuttānānaṃca rūpānaṃ indriyappaccayena paccayoti. Pañhāvāre pana “paṭisandhikkhaṇe vipākābyākatā indriyā sampayuttakānaṃ khandhānaṃ kaṭattā ca rūpānaṃ indriyappaccayena paccayo”tipi vuttaṃ.

Upanijjhāyanaṭṭhena upakāraḱāni ṭhapetvā dvipaṅcaviññāṇesu kāyikasukhadukkhavedanādvayaṃ sabbānīpi kusalādhedāni satta jhānaṅgāni **jhānapaccayo**. Yathāha “jhānaṅgāni jhānasampayuttakānaṃ dhammānaṃ taṃsamyuttānānaṃca rūpānaṃ jhānapaccayena paccayo”ti. Pañhāvāre pana “paṭisandhikkhaṇe vipākābyākatāni jhānaṅgāni sampayuttakānaṃ khandhānaṃ kaṭattā ca rūpānaṃ jhānapaccayena paccayo”tipi vuttaṃ.

Yato tato vā niyyānaṭṭhena upakāraḱāni kusalānibhedāni dvādasa maggaṅgāni **maggapaccayo**. Yathāha “maggaṅgāni maggasampayuttakānaṃ dhammānaṃ taṃsamyuttānānaṃca rūpānaṃ maggapaccayena paccayo”ti. Pañhāvāre pana “paṭisandhikkhaṇe vipākābyākatāni maggaṅgāni sampayuttakānaṃ khandhānaṃ kaṭattā ca

rūpānaṃ maggapaccayena paccayo”ti vuttaṃ. Na ete pana dvepi jhānamaggapaccayā yathāsaṅkhyānaṃ dvipaṇcaviññāṇahetukacittesu labbhantīti veditabbā.

Ekavatthuka-ekārammaṇa-ekuppādekanirodhasaṅkhātena sampayuttabhāvena upakāraṇā arūpadhammā **sampayuttapaccayo**. Yathāha “cattāro khandhā arūpino aññamaññaṃ sampayuttapaccayena paccayo”ti.

Ekavatthukādibhāvānupagamena upakāraṇā rūpino dhammā arūpīnaṃ, arūpino dhammā rūpīnaṃ **vippayuttapaccayena** paccayo. So saha-jātapacchā-jātapurejātavasena tividho hoti. Vuttañhetam—sahajātā kusalā khandhā cittasamuṭṭhānānaṃ rūpānaṃ vippayuttapaccayena paccayo. Pacchajātā kusalā khandhā purejātassa imassa kāyassa vippayuttapaccayena paccayoti. Abyākatapadassa pana saha-jātavibhaṅge “paṭisandhikkhaṇe vipākābyākatā khandhā kaṭattārūpānaṃ vippayuttapaccayena paccayo. Khandhā vatthussa, vatthu khandhānaṃ vippayuttapaccayena paccayo”ti vuttaṃ. Purejātam pana cakkhundriyādivatthuvaseva veditabbam. Yathāha—purejātam cakkhāyatanam cakkhaviññāṇassa -pa- kāyāyatanam kāyaviññāṇassa vippayuttapaccayena paccayo. Vatthu vipākābyākatānaṃ kiriyābyākatānaṃ khandhānaṃ, vatthu kusalānaṃ khandhānaṃ, vatthu akusalānaṃ khandhānaṃ vippayuttapaccayena paccayoti.

Paccuppannalakkhaṇena atthibhāvena tādisasseva dhammassa upatthambhakaṭṭhena upakāraṇā dhammo **atthipaccayo**. Tassa arūpakkhandhamahābhūtanāmarūpacittacetāsikamahābhūtāyatanavattuvase na sattadhā mātikā nikkhattā. Yathāha—cattāro khandhā arūpino aññamaññaṃ atthipaccayena paccayo. Cattāro mahābhūtā aññamaññaṃ. Okkantikkhaṇe nāmarūpaṃ aññamaññaṃ. Cittacetāsikā dhammā cittasamuṭṭhānānaṃ rūpānaṃ. Mahābhūtā upādārūpānaṃ. Cakkhāyatanam cakkhaviññāṇadhātuyā -pa-. Kāyāyatanam -pa-. Rūpāyatanam -pa-. Phoṭṭhabbāyatanam kāyaviññāṇadhātuyā taṃsampayuttakānaṇca dhammānaṃ atthipaccayena paccayo. Rūpāyatanam -pa-. Phoṭṭhabbāyatanam manodhātuyā taṃsampayuttakānaṇca dhammānaṃ atthipaccayena paccayo. Yaṃ rūpaṃ nissāya manodhātu ca manoviññāṇadhātu ca vattanti, taṃ rūpaṃ manodhātuyā ca manoviññāṇadhātuyā ca taṃsampayuttakānaṇca dhammānaṃ atthipaccayena paccayoti. Pañhāvāre pana saha-jātam purejātam pacchajātam āhāram indriyantipi nikkhipitvā saha-jāte tāva “eko khandho tiṇṇam khandhānaṃ

cittasamuṭṭhānānañca rūpānaṃ atthipaccayena paccayo”ti-ādinā nayena niddeso kato. Purejāte purejātānaṃ cakkhādīnaṃ vasena niddeso kato. Pacchājāte purejātassa imassa kāyassa pacchājātānaṃ cittacetāsikānaṃ paccayavasena niddeso kato. Āhārindriyesu pana “kabalīkāro āhāro imassa kāyassa atthipaccayena paccayo. Rūpajīvitindriyaṃ kaṭattārūpānaṃ atthipaccayena paccayo”ti evaṃ niddeso katoti.

Attano anantaraṃ uppajjamānānaṃ arūpadhammānaṃ pavatti-okāsassa dānena upakāraḱā samanantaraniruddhā arūpadhammā **natthipaccayo**. Yathāha—samanantaraniruddhā cittacetāsikā dhammā paṭuppannānaṃ cittacetāsikānaṃ dhammānaṃ natthipaccayena paccayoti.

Te eva vigatabhāvena upakāraḱattā **vigatapaccayo**. Yathāha—samanantaravigatā cittacetāsikā dhammā paṭuppannānaṃ cittacetāsikānaṃ dhammānaṃ vigatapaccayena paccayoti.

Atthipaccayadhammā eva avigatabhāvena upakāraḱattā **avigatapaccayoti** veditabbā. Desanāvilāsena pana tathā vinetabbaveneyyavasena vā ayaṃ duko vutto sahetukadukaṃ vatvāpi hetusampayuttaduko viyāti.

Imesu pana catuvīsatiyā paccayesu asammohatthaṃ—

Dhammato kālato ceva, nānappakārabhedato.

Paccayuppannato ceva, viññātabbo vinicchayo.

Tattha **dhammatoti**—imesu hi paccayesu hetupaccayo tāva nāmarūpadhammesu nāmadhammekadeso. Ārammaṇapaccayo saddhiṃ paññattiyā ca abhāvena sabbepi nāmarūpadhammā. Adhipatipaccaye sahaḱātādhipati nāmadhammakadeso. Tathā kammajhānamaggapaccayā. Ārammaṇādhipati sabbepi garukātabbā ārammaṇadhammā. Anantarasamanantarapacchājāta-āsevanavipākasampayuttanattvivigatapaccayā nāmadhammāva. Nibbānassa asaṅghitattā nāma dhammekadesotipi vattuṃ vaṭṭati. Purejātapaccayo rūpekadeso. Sesā yathālābhavasena nāmarūpadhammāti evaṃ tāvettha dhammato viññātabbo vinicchayo.

Kālatoti—

Paccuppannāva hontettha, paccayā dasa pañca ca.

Atītā eva pañceko, te kāle dvepi nissito.

Tayo tikālikā ceva, vimuttā cāpi kālatoti.

Etesu hi hetupaccayo sahajāta-aññamaññanissayapurejātapacchājāta vipāka āhāra indriya jhāna maggasampayuttavippayutta atthi-avigatapaccayoti ime pannarasa paccayā paccuppannadhammāva honti. Anantarapaccayo samanantara-āsevananattvivigatapaccayoti ime pañca atītāyeva honti. Eko pana kammapaccayo te paccuppannātīte dvepi kāle nissito hoti. Sesā ārammaṇapaccayo adhipatipaccayo upanissayapaccayoti ime tayo paccayā tekālikāpi honti, paññattiyā saddhim nibbānassa saṅgahitattā kālavimuttāpīti evamettha kālatopi viññātabbo vinicchayo.

Nānappakārabhedato paccayuppannatoti imesaṃ pana dvinnam padānam attho niddesavāre āvibhavissatīti.

Paccayuddesavaṇṇanā.

Paccayaniddesa 1. Hetupaccayaniddesavaṇṇanā

1. Idāni sabbepi te paccaye uddiṭṭhapaṭipāṭiyā niddisitvā dassetuṃ **hetupaccayoti hetū hetusampayuttakānam dhammānam taṃsamuṭṭhānānaṃ rūpānam hetupaccayena paccayoti-ādimāha.** Tattha **hetupaccayoti** catuvīsatiyā paccayesu nikkhattapaṭipāṭiyā sabbapaṭhamam bhājetabbassa paduddhāro. Sesapaccayesu imināva nayena paṭhamam bhājetabbapadam uddharitvā vissajjanam katanti veditabbam. Ayam panettha sambandho—yo paccayuddese hetupaccayoti uddiṭṭho, so niddesato “hetū hetusampayuttakānam dhammānam taṃsamuṭṭhānānaṃ rūpānam hetupaccayena paccayo”ti evam

veditabbo. Iminā upāyena sabbapaccayesu bhājetabbassa padassa vissajjanena saddhim sambandho veditabbo.

Idāni **hetū hetusampayuttakānanti** ettha “hetusampayuttakānan”ti avatvā “hetū hetusampayuttakānan”ti kasmā vuttanti? Paccayassa ceva paccayuppannānañca vavatthāpanato. Hetusampayuttakānanti hi vutte hetunā sampayuttakānaṃ hetupaccayena paccayoti attho bhaveyya. Evaṃ sante asuko nāma dhammo hetupaccayena paccayoti paccayavavatthānaṃ na paññāyeyya. Athāpi hetunā sampayuttakānaṃ hetusampayuttakānanti atthaṃ aggahevāya yesaṃ kesañci sampayuttakānaṃ hetū hetupaccayena paccayoti attho bhaveyya, evaṃ sante hetunā vippayuttā cakkhuvīññāṇādayopi sampayuttakāyeva, hetunā sampayuttā kusalādayopi. Tattha ayaṃ hetu asukassa nāma sampayuttakadhammassa paccayoti paccayuppannavavatthānaṃ na paññāyeyya. Tasmā paccayañceva paccayuppannañca vavatthāpento “hetū hetusampayuttakānan”ti āha. Tassattho—hetusampayuttakānaṃ kusalādidhammānaṃ yo hetu sampayuttako, so hetupaccayena paccayoti. Tatrāpi “paccayo”ti avatvā “hetupaccayenā”ti vacanaṃ hetuno aññathā paccayabhāvapaṭisedhanatthaṃ. Ayañhi hetu hetupaccayenāpi paccayo hoti saha-jātādipaccayenāpi. Tatrāssa yvāyaṃ saha-jātādipaccayavasena aññathāpi paccayabhāvo, tassa paṭisedhanatthaṃ hetupaccayenāti vuttaṃ. Evaṃ santepi “taṃsampayuttakānan”ti avatvā kasmā “hetusampayuttakānan”ti vuttanti? Niddisitabbassa apākaṭattā. Taṃsampayuttakānanti hi vutte yena te taṃsampayuttakā nāma honti, ayaṃ nāma soti niddisitabbo apākaṭo. Tassa apākaṭattā yena sampayuttā te taṃsampayuttakāti vuccanti, taṃ sarūpatova dassetuṃ “hetusampayuttakānan”ti vuttaṃ.

Taṃsamuttāhānānanti ettha pana niddisitabbassa pākaṭattā taṃ-gahaṇaṃ kataṃ. Ayañhettha attho—te hetū ceva hetusampayuttakā ca dhammā samuttāhānaṃ¹ etesanti taṃsamuttāhānāni. Tesāṃ taṃsamuttāhānaṃ, hetuto ceva hetusampayuttadhammehi ca nibbattānanti attho. Iminā cittasamuttāhānarūpaṃ

1. Samuttāhānā (Sī, Syā, Ka)

gaṇhāti. Kiṃ pana taṃ cittato aññenapi samuṭṭhātīti. Āma samuṭṭhāti. Sabbepi hi cittacetāsikā ekato hutvā rūpaṃ samuṭṭhāpentī. Lokiyadhammadeśanāyaṃ pana cittassa adhiḅabhāvato tathāvidhaṃ rūpaṃ cittasamuṭṭhānanti vuccati. Tenevāha—cittacetāsikā dhammā cittasamuṭṭhānānaṃ rūpānaṃ sahaḅātāpaccayena paccayoti.

Yadi evaṃ idhāpi “taṃsamuṭṭhānānaṃ”ti avatvā cittasamuṭṭhānānanti kasmā na vuttanti. Acittasamuṭṭhānānampi saṅgaṇhanato. Pañhāvārasmiñhi “paṭisandhikkhaṇe vipākābyākātā hetū sampayuttakānaṃ khandhānaṃ kaṭattā ca rūpānaṃ hetupaccayena paccayo”ti āgataṃ. Tassa saṅgaṇhanatthaṃ idha cittasamuṭṭhānānanti avatvā taṃsamuṭṭhānānanti vuttaṃ. Tassattho—cittajarūpaṃ ajanayamānāpi te hetū hetusampayuttakā dhammā sahaḅātādipaccayavasena samuṭṭhānaṃ etesanti taṃsamuṭṭhānāni. Tesāṃ taṃsamuṭṭhānānaṃ pavatte cittajānaṃ paṭisandhiyañca kaṭattārūpānampi² hetū hetupaccayena paccayoti. Iminā upāyena aññesupi taṃsamuṭṭhānānanti āgataṭṭhānesu attho vedītabbo.

Kasmā paṇāyaṃ hetu paṭisandhiyameva kaṭattārūpānaṃ hetupaccayo hoti, na pavatteti? Paṭisandhiyaṃ kammajarūpānaṃ cittapaṭibaddhavuttitāya. Paṭisandhiyañhi kammajarūpānaṃ cittapaṭibaddhā pavatti, cittavasena uppajjanti ceva tiṭṭhanti ca. Tasmīñhi khaṇe cittaṃ cittajarūpaṃ janetuṃ na sakkoti, tānīpi vinā cittaena uppajjituṃ vā ṭhātuṃ vā na sakkonti. Tenevāha “viññāṇapaccayā nāmarūpaṃ, tasmīñ patiṭṭhite viññāṇe nāmarūpassa avakkanti hotī”ti³. Pavattiyaṃ pana tesāṃ citte vijjamānepi kammaṭṭibaddhāva pavatti, na cittapaṭibaddhā. Avijjamāne cāpi citte nirodhasamāpannānaṃ uppajjantiyeva.

Kasmā pana paṭisandhikkhaṇe cittaṃ cittajarūpaṃ janetuṃ na sakkotīti? Kammavegakkhittatāya ceva appatiṭṭhitavattutāya ca dubbalattā. Tañhi tadā kammavegakkhittaṃ apureḅātavattutakattā ca appatiṭṭhitavattutkanti dubbalaṃ hoti. Tasmā papāte patitamatto puriso kiñci sippaṃ kātuṃ viya rūpaṃ janetuṃ na sakkoti, kammajarūpameva panassa cittasamuṭṭhānarūpaṭṭhāne tiṭṭhati. Tañca kammajarūpasseva bīḅāṭṭhāne tiṭṭhati. Kammaṃ panassa khettasadisāṃ.

1. Samuṭṭhānā (Syā)

2. Kaṭattārūpānaṃ (Syā)

3. Saṃ 1. 296 piṭṭhe.

kilesā āpasadisā. Tasmā santepi khette āpe ca paṭhamuppattiyaṃ bījānubhāvena rukkhuppatti viya paṭisandhikkhaṇe cittānubhāvena rūpakāyassa uppatti. Bīje pana vigatepi pathavī-āpānubhāvena rukkhassa uparūpari pavatti viya vinā cittena kammato va kaṭattārūpānaṃ pavatti hotīti veditabbā. Vuttampi cetāṃ “kammaṃ khettaṃ, viññāṇaṃ bījaṃ, taṇhā sneho”¹.

Ayañca panattho okāsavaseneva gahetabbo. Tayo hi okāsā nāmokāso rūpokāso nāmarūpokāsoti. Tattha arūpabhavo nāmokāso nāma. Tatra hi hadayavatthumattampi rūpapaccayaṃ vinā arūpadhammāva uppajjanti. Asaññabhavo rūpokāso nāma. Tatra hi paṭisandhicittamattampi arūpapaccayaṃ vinā rūpadhammāva uppajjanti. Pañcavokārabhavo nāmarūpokāso nāma. Tatra hi vatthurūpamattampi vinā paṭisandhiyaṃ arūpadhammā, paṭisandhicittañca vinā kammajāpi rūpadhammā nuppajjanti. Yuganaddhāva² rūpārūpānaṃ uppatti. Yathā hi sassāmike sarājake gehe sadvārapālake rājāṇattim vinā paṭhamappaveso nāma natthi, aparabhāge pana vināpi āṇattim purimāṇatti-ānubhāveneva hoti, evameva pañcavokāre paṭisandhiviññāṇarājassa sahajātādipaccayataṃ vinā rūpassa paṭisandhivasena paṭhamuppatti nāma natthi. Aparabhāge pana vināpi paṭisandhiviññāṇassa sahajātādipaccayānubhāvaṃ purimānubhāvavasena laddhappavesassa kammato pavatti hoti. Asaññabhavo pana yasmā arūpokāso na hoti, tasmā tattha vināva arūpapaccayā asaṇṇokāsattā³ rūpaṃ pavattati assāmike suññagehe attano gehe ca purisassa paveso viya. Arūpabhavopi yasmā rūpokāso na hoti, tasmā tattha vināva rūpapaccayā aṇṇokāsattā arūpadhammā pavattanti. Pañcavokārabhavo pana rūpārūpokāsoti natthettha arūpapaccayaṃ vinā paṭisandhikkhaṇe rūpānaṃ uppattīti. Iti ayaṃ hetu paṭisandhiyameva kaṭattārūpānaṃ paccayo hoti, na pavatteti.

Nanu “hetū sahajātānaṃ hetupaccayena paccayo”^{ti} vutte sabbopi ayamatto gahito hoti, atha kasmā “hetusampayuttakānaṃ dhammānaṃ taṃsamuttāhānānaṃ rūpānaṃ”^{ti} idaṃ gahitanti? Pavattiyaṃ kaṭattārūpādīnaṃ paccayabhāvapaṭibāhanato. Evañhi sati yāni pavattiyaṃ

1. Am 1. 224 piṭṭhe.

2. Yuganandhāva (Sī, Ka)

3. Aṇṇokāsattā (Sī)

hetunā saha ekakkhaṇe kaṭattārūpāni ceva utu-āhārasamuṭṭhānāni ca jāyanti, tesampi hetu hetupaccayoti āpajjeyya, na ca so tesam paccayo. Tasmā tesam paccayabhāvassa paṭibāhanatthametam gahitanti vedītabbān.

Idāni “nānappakārabhedato paccayuppannato”ti imesam padānaṃ vasenettha viññātabbo vinicchayo. Tesu **nānappakārabhedatoti** ayañhi hetu nāma jātito kusalākusalavipākakiriyabhedato catubbidho. Tattha kusalahetu bhūmantarato kāmāvacarādibhedena catubbidho, akusalahetu kāmāvacarova, vipākahetu kāmāvacarādibhedena catubbidho, kiriyahetu kāmāvacaro rūpāvacaro arūpāvacaroti tividho. Tattha kāmāvacarakusalahetu nāmato alobhādivasena tividho. Rūpāvacarādikusalahetūsupi eseva nayo. Akusalahetu lobhādivasena tividho. Vipākakiriyahetū pana alobhādivasena tayo tayo honti. Tamtaṃcittasampayogavasena pana tesam tesam hetūnaṃ nānappakārabhedoyevāti evaṃ tāvettha nānappakārabhedato viññātabbo vinicchayo.

Paccayuppannatoti iminā paccayena ime dhammā uppajjanti, imesam nāma dhammānaṃ ayaṃ paccayoti evampi viññātabbo vinicchayoti attho. Tattha imasmiṃ tāva hetupaccaye kāmāvacarakusalahetu kāmabhavarūpabhavesu attanā sampayuttadhammānaṃ ceva cittasamuṭṭhānarūpānaṃca hetupaccayo hoti, arūpabhavesu sampayuttadhammānaṃyeva. Rūpāvacarakusalahetu kāmabhavarūpabhavesuyeva sampayuttadhammānaṃceva cittasamuṭṭhānarūpānaṃca hetupaccayo. Arūpāvacarakusalahetu kāmāvacarakusalahetusadisova. Tathā apaniyāpannakusalahetu, tathā akusalahetu. Kāmāvacaravipākahetu pana kāmabhavasmimiyeva attanā sampayuttadhammānaṃ paṭisandhiyaṃ kaṭattārūpānaṃ pavatte cittasamuṭṭhānarūpānaṃca hetupaccayo. Rūpāvacaravipākahetu rūpabhavesu vuttappakāraṇānaṃceva hetupaccayo. Arūpāvacaravipākahetu arūpabhavesu sampayuttakānaṃceva hetupaccayo. Apaniyāpannavipākahetu kāmabhavarūpabhavesu sampayuttakānaṃceva cittasamuṭṭhānarūpānaṃca arūpabhavesu arūpadhammānaṃceva hetupaccayo. Kiriyahetūsu pana

tebhūmakesupi kusalahetusadisova paccayoti evamettha paccayuppannatopi viññātabbo vinicchayoti.

Hetupaccayaniddesavaṇṇanā.

2. Ārammaṇapaccayaniddesavaṇṇanā

2. Ārammaṇapaccayaniddese **rūpāyatananti** rūpasāṅkhātāṃ āyatanāṃ. Sesesupi eseva nayo. **Cakkhuvīññādhātuyāti** cakkhuvīññāsaṅkhātāya dhātuyā. Sesapadesupi eseva nayo. **Tāmsampayuttakānanti** tāya cakkhuvīññādhātuyā sampayuttakānaṃ tiṇṇaṃ khandhānaṃ, sabbesampi cakkhupasādavattukānaṃ catunnaṃ khandhānaṃ rūpāyatanāṃ ārammaṇapaccayena paccayoti attho. Ito paresupi eseva nayo. **Manodhātuyāti** sasampayuttadhammāya tividhāyapi manodhātuyā rūpāyatanādīni pañca ārammaṇapaccayena paccayo, no ca kho ekakkaṇe. **Sabbe dhammāti** etāni ca rūpāyatanādīni pañca avasesā ca sabbe pi ñeyyadhammā imā cha dhātuyo ṭhapetvā sesāya sasampayuttadhammāya manovīññādhātuyā ārammaṇapaccayena paccayoti attho. **Yaṃ yaṃ dhammaṃ ārabbhāti** iminā ye ete etāsaṃ sattannaṃ viññādhātūnaṃ ārammaṇadhammā vuttā, te tāsāṃ dhātūnaṃ ārammaṇaṃ katvā uppajjanakkaṇe ye va ārammaṇapaccayo hontīti dīpeti. Evaṃ hontāpi ca na ekato honti, yaṃ yaṃ ārabbhā ye ye uppajjanti, tesāṃ tesāṃ te te visuṃ visuṃ ārammaṇapaccayo hontītipi dīpeti. **Uppajjantīti** idaṃ yathā najjo sandanti, pabbatā tiṭṭhantīti sabbakālasaṅgahavasena, evaṃ vuttanti veditabbaṃ. Tena yepi ārabbhā ye uppajjimsu, yepi uppajjissanti, te sabbe ārammaṇapaccayeneva uppajjimsu ca uppajjissanti cāti siddhaṃ hoti. **Cittacetāsikā dhammāti** idaṃ “ye ye dhammāti vuttānaṃ sarūpato nidassanaṃ. **Te te dhammāti** te te ārammaṇadhammā. **Tesaṃ tesanti** tesāṃ tesāṃ cittacetāsikadhammānaṃ. Ayaṃ tāvettha Pālivaṇṇanā.

Idaṃ pana ārammaṇaṃ nāma rūpārammaṇaṃ saddagandharasaphoṭṭhabbadhammārammaṇanti koṭṭhāsato chabbidhaṃ hoti. Tattha ṭhapetvā paññattim avasesaṃ

bhūmito kāmāvacaram -pa- apariyāpannanti catubbidham hoti. Tattha kāmāvacaram kusalākusalavipākakiriyarūpabhedato pañcavidham, rūpāvacaram kusalavipākakiriyato tividham, tathā arūpāvacaram, apariyāpannam kusalavipākanibbānavasena tividham hoti. Sabbameva vā etaṃ kusalākusalavipākakiriyarūpanibbānapaññattibhedato sattavidham hoti. Tattha kusalam bhūmibhedato catubbidham hoti, akusalam kāmāvacarameva, vipākam catubhūmakam, kiriyam tibhūmakam, rūpam ekabhūmakam kāmāvacarameva, nibbānampi ekabhūmakam apariyāpannameva, paññatti bhūmiviniṃuttāti evamettha nānapakārabhedato viññātabbo vinicchayo.

Evam bhinne panetasmiṃ ārammaṇe kāmāvacarakusalārammaṇam kāmāvacarakusalassa rūpāvacarakusalassa akusalassa kāmāvacaravipākassa kāmāvacarakiriyassa rūpāvacarakiriyassa cāti imesaṃ channaṃ rāsīnaṃ ārammaṇapaccayo hoti. Rūpāvacarakusalārammaṇam tesu chasu rāsīsu kāmāvacaravipākavajjānaṃ pañcannaṃ rāsīnaṃ ārammaṇapaccayo hoti. Arūpāvacarakusalārammaṇam kāmāvacarakusalassa rūpāvacarakusalassa arūpāvacarakusalassa akusalassa arūpāvacaravipākassa kāmāvacarakiriyassa rūpāvacarakiriyassa arūpāvacarakiriyassa cāti imesaṃ aṭṭhannaṃ rāsīnaṃ ārammaṇapaccayo hoti. Apariyāpannakusalārammaṇam kāmāvacararūpāvacarato kusalakiriyānameva ārammaṇapaccayo hoti. Akusalārammaṇam kāmāvacararūpāvacarakusalassa akusalassa kāmāvacaravipākassa kāmāvacararūpāvacarakiriyassa cāti imesaṃ channaṃ rāsīnaṃ ārammaṇapaccayo hoti.

Kāmāvacaravipākārammaṇam kāmāvacararūpāvacarakusalassa akusalassa kāmāvacaravipākassa kāmāvacararūpāvacarakiriyassa cāti imesaṃ channaṃ rāsīnaṃ ārammaṇapaccayo hoti. Rūpāvacaravipākārammaṇam kāmāvacararūpāvacarakusalassa akusalassa kāmāvacararūpāvacarakiriyassa cāti imesaṃ pañcannaṃ rāsīnaṃ ārammaṇapaccayo hoti. Arūpāvacaravipākārammaṇampi imesaṃyeva pañcannaṃ rāsīnaṃ ārammaṇapaccayo hoti. Apariyāpannavipākārammaṇam kāmāvacararūpāvacarakusalakiriyānaññeva ārammaṇapaccayo hoti.

Kāmāvacarakiriyārammaṇam kāmāvacararūpāvacarakusalassa akusalassa kāmāvacaravipākassa kāmāvacararūpāvacarakiriyassa cāti imesaṃ channaṃ

rāsīnaṃ ārammaṇapaccayo hoti. Rūpāvacarakiriyārammaṇaṃ imesu chasu rāsīsu kāmāvacaravipākavajjānaṃ pañcannaṃ rāsīnaṃ ārammaṇapaccayo hoti. Arūpāvacarakiriyārammaṇaṃ tesāṃ pañcannaṃ arūpāvacarakiriyassa cāti imesaṃ channaṃ rāsīnaṃ ārammaṇapaccayo hoti. Catusamuṭṭhānaṃ rūpakkhandaṣaṅkhātaṃ rūpārammaṇaṃ kāmāvacararūpāvacarakusalassa akusalassa kāmāvacaravipākassa kāmāvacararūpāvacarakiriyassa cāti imesaṃ channaṃ rāsīnaṃ ārammaṇapaccayo hoti. Nibbānārammaṇaṃ kāmāvacararūpāvacarakusalassa apariyāpannato kusalavipākassa kāmāvacararūpāvacarakiriyassa cāti imesaṃ channaṃ rāsīnaṃ ārammaṇapaccayo hoti. Rūpāvacarakusalakiriyānaṃ keci nicchanti, taṃ yuttito upadhāretabbaṃ. Nānappakāraṅgaṃ pana paññatti-ārammaṇaṃ tebhūmakakusalassa akusalassa rūpāvacaravipākassa arūpāvacaravipākassa tebhūmakakiriyassa cāti imesaṃ navannaṃ rāsīnaṃ ārammaṇapaccayo hoti. Tattha yaṃ yaṃ ārammaṇaṃ yesaṃ yesaṃ paccayo, te te taṃtaṃpaccayuppannā nāma hontīti evamettha paccayuppannatopi viññātabbo vinicchayoti.

Ārammaṇapaccayaniddesavaṇṇanā.

3. Adhipatipaccayaniddesavaṇṇanā

3. Adhipatipaccayaniddese **chandādhipatī**ti chandasāṅkhāto adhipati. Chandaṃ dhuraṃ katvā chandaṃ jeṭṭhakaṃ katvā cittupattikāle uppannassa kattukamyatāchandassetāṃ nāmaṃ. Sesaṃ eseva nayo. Kasmā pana yathā hetupaccayaniddese “hetū hetusampayuttakānaṃ”ti vuttaṃ, evamidha “adhipatī adhipatisampayuttakānaṃ”ti avatvā “chandādhipati chandasampayuttakānaṃ”ti-ādinā nayena desanā katāti? Ekakkhaṇe abhāvato. Purimanayasmiñhi dve tayo hetū ekakkhaṇepi hetupaccayo honti mūlaṭṭhena upakārahāvassa avijāhanato. Adhipati pana jeṭṭhakaṭṭhena upakāraṅgaṃ, na ca ekakkhaṇe bahū jeṭṭhakaṃ nāma honti. Tasmā ekato uppannānampi nesaṃ ekakkhaṇe adhipatipaccayabhāvo natthi. Tassa adhipatipaccayabhāvassa ekakkhaṇe abhāvato idha evaṃ desanā katāti.

Evam sahajātādhipatim dassetvā idāni ārammaṇādhipatim dassetuṃ **yaṃ yaṃ dhammaṃ garuṃ katvāti**-ādi āradham. Tattha **yaṃ yaṃ dhammanti** yaṃ yaṃ ārammaṇadhammaṃ. **Garuṃ katvāti** garukāracittikārasena vā assādasena vā garuṃ bhāriyaṃ laddhabbam avijahitabbaṃ anavaññātaṃ katvā. **Te te dhammāti** te te garukātabbadhammā. **Tesaṃ tesanti** tesaṃ tesaṃ garukāradhammānaṃ. **Adhipatipaccayenāti** ārammaṇādhipatipaccayena paccayo hotīti ayaṃ tāvettha Pāḷivaṇṇanā.

Ayaṃ pana adhipati nāma sahajātārammaṇavasena duvidho. Tattha sahajāto chandādivasena catubbidho. Tesu ekeko kāmāvacarādivasena bhūmito catubbidho. Tattha kāmāvacaro kusalākusalakiriyavasena tividho, akusalaṃ patvā panettha vīmaṃsādhipati na labbhati. Rūpārūpāvacaro kusalakiriyavasena duvidho, apariyāpanno kusalavipākavasena duvidho. Ārammaṇādhipati pana jātibhedato kusalākusalavipākakiriyarūpanibbānānaṃ vasena chabbidhoti evamettha nānapakārabhedato viññātabbo vinicchayo.

Evam bhinne panettha sahajātādhipatimhi tāva kāmāvacarakusalakiriyasaṅkhāto adhipati duhetukatihetukesu cittuppādesu chandādīnaṃ aññataraṃ jeṭṭhakaṃ katvā uppattikāle attanā sampayuttadhammānañceva cittasamuṭṭhānarūpassa ca adhipatipaccayo hoti. Rūpāvacarakusalakiriyasaṅkhātepi eseva nayo. Ayaṃ pana¹ ekanteneva labbhati. Na hi te dhammā sahajātādhipatim vinā uppajjanti. Arūpāvacarakusalakiriyasaṅkhāto pana pañcavokāre rūpāvacara-adhipatisadisova, catuvokāre pana sampayuttadhammānaññeva adhipatipaccayo hoti. Tathā tatthuppanno sabbopi kāmāvacarādhipati. Apariyāpanno kusalatopi vipākatopi pañcavokāre ekanteneva sampayuttadhammānañceva cittasamuṭṭhānarūpānañca adhipatipaccayo hoti, catuvokāre arūpadhammānaññeva. Akusalo kāmabhava micchattaniyatacittesu² ekanteneva sampayuttakānañceva cittasamuṭṭhānarūpānañca adhipatipaccayo hoti. Aniyato kāmabhava-

1. Panettha (Syā)

2. Micchattaniyatacittesu dvepaṭighacittesu ca (Ka)

rūpabhavesu attano adhipatikāle tesaññeva. Arūpabhave arūpadhammānaññeva adhipatipaccayo hoti. Ayaṃ tāva sahaḥjātādhipatimhi nayo.

Ārammaṇādhipatimhi pana kāmāvacarakusalō ārammaṇādhipati kāmāvacarakusalassa lobhasahagatākusalassāti imesaṃ dvinnāṃ rāsīnaṃ ārammaṇādhipatipaccayo hoti. Rūpāvacarārūpāvacarepi kusalārammaṇādhipatimhi eseva nayo. Apariyāpannakusalō pana ārammaṇādhipati kāmāvacarato ñāṇasampayuttakusalassa ceva ñāṇasampayuttakiriyassa ca ārammaṇādhipatipaccayo hoti. Akusalō pana ārammaṇādhipati nāma lobhasahagatacittuppādo vuccati. So lobhasahagatākusalasseva ārammaṇādhipatipaccayo hoti. Kāmāvacaro pana vipākārammaṇādhipati lobhasahagatākusalasseva ārammaṇādhipatipaccayo hoti. Tathā rūpāvacarārūpāvacaravipākārammaṇādhipati. Lokuttaro pana vipākārammaṇādhipati kāmāvacarato ñāṇasampayuttakusalakiriyānaññeva ārammaṇādhipatipaccayo hoti. Kāmāvacarādibhedato pana tividhopi kiriyārammaṇādhipati lobhasahagatākusalasseva ārammaṇādhipatipaccayo hoti. Catusamuṭṭhānikarūpasaṅkhāto rūpakkhandho ārammaṇādhipati lobhasahagatākusalasseva ārammaṇādhipatipaccayo hoti. Nibbānaṃ kāmāvacarato ñāṇasampayuttakusalassa ñāṇasampayuttakiriyassa lokuttarakusalassa lokuttaravipākassa cāti imesaṃ catunnaṃ rāsīnaṃ ārammaṇādhipatipaccayo hotīti evamettha paccayuppannatopi viññātabbo vinicchayoti.

Adhipatipaccayaniddesavaṇṇanā.

4. Anantarapaccayaniddesavaṇṇanā

4. Anantarapaccayaniddese **manodhātuyāti** vipākamanodhātuyā.
Manoviññāṇadhātuyāti santīraṇakiccāya
 ahetukavipākamanoviññāṇadhātuyā. Tato paraṃ pana
 voṭṭhabbanajavanatadārammaṇabhavaṅgakiccā

manoviññāṇadhātuyo vattabbā siyūṃ, tā avuttāpi imināva nayena veditabbāti nayaṃ dassetvā desanā saṃkhittā. “Purimā purimā kusalā dhammā”ti-ādike ca chaṭṭhanaye tā saṅgahitātipi idha na vuttāti veditabbā. Tattha **purimā purimāti** chasu dvāresupi anantarātītā kusalajavanadhammā daṭṭhabbā. **Pacchimānam pacchimānanti** anantara-uppajjamānānaññeva. **Kusalānanti** sadisakusalānam. **Abyākatānanti** idaṃ pana kusalānantaram tadārammaṇabhavaṅgaphalasaṃpattivasena vuttam. Akusalamūlake **abyākatānanti** tadārammaṇabhavaṅgasāṅkhātānaññeva. Abyākatamūlake **abyākatānanti** āvajjanajavanavasena vā bhavaṅgavasena vā pavattānam kiriyavipākābyākatānam. Kiriyamanodhātuto paṭṭhāya pana yāva voṭṭhabbanakiccā manoviññāṇadhātu, tāva pavattesu vīthicittesupi ayaṃ nayo labbhateva. **Kusalānanti** pañcadvāre voṭṭhabbanānantarānam manodvāre āvajjanānantarānam paṭhamajavanakusalānam. **Akusalānanti** padepi eseva nayo. **Yesam yesanti** idaṃ sabbesampi anantarapaccayadhammānam saṅkhepalakkhaṇanti ayaṃ tāvettha Pāḷivaṇṇanā.

Ayaṃ pana anantarapaccayo nāma ṭhapetvā nibbānam catubhūmako arūpadhammarāsiyevāti veditabbo. So jātivaseṇa kusalākusalavipākakiriyato catudhā bhijjati. Tattha kusalo kāmāvacarādibhedato catubbidho hoti, akusalo kāmāvacarova, vipāko catubhūmako, kiriyānantarapaccayo pana tebhūmakoti evamettha nānappakārabhedato viññātabbo vinicchayo.

Evam bhinne panettha kāmāvacarakusalo attanā sadisasseva kāmāvacarakusalassa anantarapaccayo hoti. Ñāṇasampayuttakāmāvacarakusalo pana rūpāvacarakusalassa arūpāvacarakusalassa lokuttarakusalassāti imesaṃ tiṇṇaṃ rāsīnaṃ anantarapaccayo hoti. Kāmāvacarakusalo ca kāmāvacaravipākassa, rūpāvacarārūpāvacaravipākassa, ñāṇasampayutto lokuttaravipākassāpīti imesaṃ catunnaṃ rāsīnaṃ anantarapaccayo hoti. Rūpāvacarakusalo rūpāvacarakusalassa ñāṇasampayuttakāmāvacaravipākassa rūpāvacaravipākassāti imesaṃ tiṇṇaṃ rāsīnaṃ anantarapaccayo hoti. Arūpāvacarakusalo tesam dvinnaṃ vipākānam

attano kusalassa vipākassa cāti avisesena catunnaṃ rāsīnaṃ
 anantarapaccayo hoti. Visesena panettha nevasaññānāsaññāyatanakusalo
 anāgāmiphalaśāṅkhātassa lokuttaravipākassapi anantarapaccayo hoti.
 Lokuttarakusalo lokuttaravipākasseva anantarapaccayo hoti. Akusalo
 avisesena akusalassa ceva kusalākusalavipākassa ca. Visesena panettha
 sukhamajjhattedanāsampayutto akusalo rūpāvacarā
 rūpāvacaravipākassāpīti imesaṃ catunnaṃ rāsīnaṃ anantarapaccayo hoti.

Kāmāvacaravipākassa ñāṇasampayutto vā ñāṇavippayutto vā vipāko
 kāmāvacarakiriyāvajjanassa, ñāṇasampayuttavipāko panettha
 paṭisandhivasena uppajjamānassa rūpāvacarārūpāvacaravipākassāpīti
 imesaṃ catunnaṃ rāsīnaṃ anantarapaccayo hoti. Rūpāvacaravipāko
 sahetukakāmāvacaravipākassa rūpāvacarārūpāvacaravipākassa
 kāmāvacarakiriyāvajjanassāti imesaṃ catunnaṃ rāsīnaṃ anantarapaccayo
 hoti. Arūpāvacaravipāko tihetukakāmāvacaravipākassa
 arūpāvacaravipākassa kāmāvacarakiriyāvajjanassāti tiṇṇaṃ rāsīnaṃ
 anantarapaccayo hoti. Lokuttaravipāko tihetukakāmāvacaravipākassa
 rūpāvacarārūpāvacaralokuttaravipākassāti catunnaṃ rāsīnaṃ
 anantarapaccayo hoti.

Kāmāvacarakiriyāṃ kāmāvacarakusalākusalassa catubhūmakavipākassa
 tebhūmakakiriyassāti navannaṃ rāsīnaṃ anantarapaccayo hoti.
 Rūpāvacarakiriyāṃ tihetukakāmāvacaravipākassa rūpāvacaravipākassa
 rūpāvacarakiriyassāti tiṇṇaṃ rāsīnaṃ anantarapaccayo hoti.
 Arūpāvacarakiriyāṃ tihetukakāmāvacaravipākassa
 rūpāvacarārūpāvacaralokuttaravipākassa arūpāvacarakiriyassāti pañcannaṃ
 rāsīnaṃ anantarapaccayo hotīti evamettha paccayuppannatopi viññātabbo
 vinicchayoti.

Anantarapaccayaniddesavaṇṇanā.

5. Samanantarapaccayaniddesavaṇṇanā

5. Samanantarapaccayaniddesopi iminā samānagatikova. Ime pana dve paccayā mahāvitthārā, tasmā sabbacittuppattivaseṇa tesam upaparikkhitvā vitthāro gahetabboti.

Samanantarapaccayaniddesavaṇṇanā.

6. Sahajātapaccayaniddesavaṇṇanā

6. Sahajātapaccayaniddese aññamaññanti añño aññassa. Iminā etesaṃ¹ dhammānaṃ ekakkhaṇe paccayabhāvañceva paccayuppannabhāvañca dīpeti. **Okkantikkhaṇeti** pañcavokārabhave paṭisandhikkhaṇe. Tasmīñhi khaṇe nāmarūpaṃ okkantaṃ viya pakkhandantaṃ viya paralokato imaṃ lokaṃ āgantvā pavisantaṃ viya uppajjati, tasmā so khaṇo “okkantikkhaṇo”ti vuccati. Ettha ca **rūpanti** hadayavatthumattameva adhippetāṃ. Tañhi nāmassa, nāmañca tassa aññamaññaṃ sahajātapaccayaṭṭhaṃ pharati. **Cittacetāsikāti** pavattiyāṃ cattāro khandhā. **Sahajātapaccayenāti** ettha cittasamuṭṭhānarūpā cittacetāsikānaṃ paccayaṭṭhaṃ na pharanti, tasmā “aññamaññaṃ”ti na vuttaṃ. Tathā upādārūpā bhūtānaṃ. **Rūpino dhammā arūpīnaṃ dhammānanti** hadayavatthu catunnaṃ khandhānaṃ. **Kiñci kāleti** kismiñci kāle. **Sahajātapaccayenāti** paṭisandhim sandhāya vuttaṃ. **Na sahajātapaccayenāti** pavattim sandhāya vuttaṃ.

Ayaṃ pana cattāro khandhā arūpino aññamaññaṃ sahajātapaccayena paccayoti evaṃ chahi koṭṭhāsehi ṭhito. Tattha tayo koṭṭhāsā aññamaññavasena vuttā, tayo na aññamaññavasena. Tattha paṭhamakoṭṭhāse arūpameva paccayo ceva paccayuppannañca, dutiye rūpameva, tatiye nāmarūpaṃ, catutthe paccayo arūpaṃ, paccayuppannaṃ rūpaṃ, pañcame paccayopi paccayuppannampi rūpameva, chaṭṭhe paccayo rūpaṃ, paccayuppannaṃ arūpanti ayaṃ tāvettha Pāḷivaṇṇanā.

Ayaṃ pana sahajātapaccayo jātivaseṇa kusalo akusalo vipāko kiriyaṃ rūpanti pañcadhā bhijjati. Tattha kusalo bhūmito

1. Imināva tesam (Sī, Ka)

catubbidho hoti, akusalo ekavidhova, vipāko catubbidho, kiriyasaṅkhāto tividho, rūpaṃ ekavidhaṃ kāmāvacaramevāti evaṃ tāvettha nānappakārabhedato viññātabbo vinicchayo.

Evaṃ bhinne panettha catubhūmakampi kusalaṃ pañcavokārabhave attanā sampayuttadhammānañceva cittasamuṭṭhānarūpassa ca sahaajātapaccayo hoti, tathā akusalaṃ. Yaṃ panettha arūpe uppajjati, taṃ arūpadhammānañceva sahaajātapaccayo hoti.

Kāmāvacararūpāvacaravipākaṃ cittasamuṭṭhānarūpassa ceva sampayuttadhammānañca sahaajātapaccayo hoti. Yaṃ panettha rūpaṃ na samuṭṭhāpeti, taṃ sampayuttadhammānañceva. Yaṃ paṭisandhiyaṃ uppajjati, taṃ kaṭattārūpānañcāpi sahaajātapaccayo hoti. Arūpāvacaravipākaṃ sampayuttadhammānañceva. Lokuttaravipākaṃ pañcavokāre sampayuttadhammānañceva cittasamuṭṭhānarūpānañca, catuvokāre arūpānañceva. Kāmāvacara-arūpāvacarakiriyā pañcavokāre sampayuttakānañceva cittasamuṭṭhānarūpānañca sahaajātapaccayo hoti, catuvokāre arūpānañceva. Rūpāvacarakiriyā sampayuttadhammānañceva cittasamuṭṭhānarūpānañca ekantena sahaajātapaccayo hoti.

Catusamuṭṭhānikassa rūpassa kammamuṭṭhānarūpe ekaṃ mahābhūtaṃ tiṇṇaṃ, tīṇi ekassa, dve dvinnāṃ mahābhūtānaṃ, mahābhūtā upādārūpassa sahaajātapaccayena paccayo. Kāmāvacararūpāvacarapaṭisandhikkhaṇe vatthurūpaṃ vipākakkhandhānaṃ sahaajātapaccayena paccayo. Utucittāhārasamuṭṭhānesu pana mahābhūtāni aññamaññañceva upādārūpassa ca sahaajātapaccayena paccayoti evamettha paccayuppannatopi viññātabbo vinicchayoti.

Sahaajātapaccayaniddesavaṇṇanā.

7. Aññamaññapaccayaniddesavaṇṇanā

7. Aññamaññapaccayaniddese sahaajātapaccayaniddesassa purimānaṃ tiṇṇaṃ koṭṭhāsānaṃ vasena Pāḷi āgatā, tassā tattha vuttasadisāva vaṇṇanāti puna na gahitā. Ayampi ca aññamaññapaccayo jātivāsena kusalo akusalo vipāko kiriyāṃ rūpanti pañcadhā bhinno. Tattha kusalo

bhūmito catubbidho. Sabbaṃ purimaladisamevāti evamettha
nānappakārabhedato viññātabbo vinicchayo.

Evam bhinne panettha sabbampi catubhūmakam kusalam attanā
sampayuttadhammānam aññamaññapaccayena paccayo. Tathā akusalam.
Vipāke pana kāmāvacararūpāvacaravipākam paṭisandhiyam vatthurūpassa,
pavatte sampayuttadhammānaññeva. Arūpāvacaralokuttaravipākam attanā
sampayuttadhammānaññeva aññamaññapaccayena paccayo. Sabbampi
kiriyaṃ sampayuttadhammānaññeva aññamaññapaccayena paccayo.
Catusamuṭṭhānikarūpassa kammamuṭṭhāne ekam mahābhūtam tiṇṇam, tīṇi
ekassa, dve dvinnam mahābhūtānam aññamaññapaccayena paccayo.
Kāmāvacararūpāvacarapaṭisandhiyam vatthurūpaṃ vipākakkhandhānam
aññamaññapaccayena paccayo. Utucittāhārasamuṭṭhānesu mahābhūtāneva
mahābhūtānam aññamaññapaccayena paccayoti evamettha
paccayuppannatopi viññātabbo vinicchayoti.

Aññamaññapaccayaniddesavaṇṇanā.

8. Nissayapaccayaniddesavaṇṇanā

8. Nissayapaccayaniddese sahaḷātapaccayaniddesassa purimānam
pañcannaṃ koṭṭhāsānam vasena sahaḷātanissayanayaṃ dassetvā puna
chaṭṭhena koṭṭhāsena pureḷātanissayanayaṃ dassetuṃ **cakkhāyatanaṃ**
cakkhuvīññāna dhātuyāti-ādi āradham. Tattha **yaṃ rūpaṃ nissāyāti**
vatthurūpaṃ sandhāya vuttam. Tañhi nissāya tividhā manodhātu, ṭhapetvā
arūpavipākam dvāsattatividhā manoviññāṇadhātūti imāni pañcasattati cittāni
vattantīti ayaṃ tāvettha Pāḷivaṇṇanā. Ayampi nissayapaccayo jātivasena
kusalādibhedato pañcadhāva bhijjati. Tattha kusalo bhūmito catubbidhova,
akusalo ekavidho, vipāko catubbidho, kiriyasaṅkhāto tividho, rūpaṃ
ekavidhamevāti evamettha nānappakarabhedato viññātabbo vinicchayo.

Evam bhinne panettha catubhūmakampi kusalam pañcavokāre
sampayuttakkhandhānañceva cittasamuṭṭhānarūpassa ca nissayapaccayena
paccayo hoti. Tathā

akusalāṃ. Yaṃ panettha āruppe uppajjati, taṃ arūpadhammānaññeva nissayapaccayo hoti. Kāmāvacararūpāvacaravipākāṃ pavatte sampayuttadhammānaññeva cittasamuṭṭhānarūpassa ca, paṭisandhiyaṃ kaṭattārūpassāpi nissayapaccayo hoti. Arūpāvacaravipākāṃ sampayuttakkhandhānaṃyeva¹ hoti. Lokuttaravipākāṃ pañcavokāre sampayuttakānaññeva cittasamuṭṭhānarūpassa ca, catuvokāre arūpasseva nissayapaccayo hoti. Kāmāvacara-arūpāvacarakiriyā pañcavokāre sampayuttakānaññeva cittasamuṭṭhānarūpassa ca nissayapaccayo hoti, catuvokāre arūpānaññeva. Rūpāvacarakiriyā sampayuttakānaññeva² cittasamuṭṭhānarūpassa ca ekantena nissayapaccayo hoti.

Catusamuṭṭhānikarūpassa ca kmmasamuṭṭhānarūpe ekaṃ mahābhūtaṃ tiṇṇaṃ, tīṇi ekassa, dve dvinnaṃ mahābhūtānaṃ, mahābhūtā upādārūpānaṃ, vatthurūpaṃ pañcavokārabhave catubhūmakakusalassa, akusalassa, ṭhapetvā āruppavipākāññeva dve pañcaviññāṇāni ca sesatebhūmakavipākassa, tebhūmakakiriyassāti imesaṃ catunnaṃ dhammarāsīnaṃ nissayapaccayo hoti. Cakkhāyatanādīni pañca sasampayuttānaṃ cakkhuviññāṇādīnaṃ nissayapaccayo hoti. Utucittāhārasamuṭṭhānesu pana mahābhūtā mahābhūtānaññeva upādārūpassa ca nissayapaccayena paccayoti evamettha paccayuppannatopi viññātabbo vinicchayoti.

Nissayapaccayaniddesavaṇṇanā.

9. Upanissayapaccayaniddesavaṇṇanā

9. Upanissayapaccayaniddese **purimā purimāti** anantarūpanissaye samanantarātītā labbhanti, ārammaṇūpanissayapakatūpanissayesu nānāvīthivasena purimatarā. Te tayopi rāsayo kusalavasena³ kusalapade labbhanti, kusalena pana akusale samanantarātītā na labbhanti. Teneva vuttaṃ “akusalānaṃ dhammānaṃ kesañci upanissayapaccayena

1. Sampayuttadhammānaṃyeva (Syā)

2. Pañcavokāre sampayuttakānaññeva (Sī, Syā)

3. Kusalapadena (Syā)

paccayo”ti. Idañhi “kusalo dhammo akusalassa dhammassa upanissayapaccayena paccayo. Ārammaṇūpanissayo pakatūpanissayo. Ārammaṇūpanissayo—dānaṃ datvā sīlaṃ samādiyivā uposathakammaṃ katvā taṃ garuṃ katvā assādeti abhinandati, taṃ garuṃ katvā rāgo uppajjati, diṭṭhi uppajjati, pubbe suciṇṇāni garuṃ katvā assādeti abhinandati, taṃ garuṃ katvā rāgo uppajjati diṭṭhi uppajjati. Jhānā vuṭṭhahitvā jhānaṃ garuṃ katvā assādeti abhinandati, taṃ garuṃ katvā rāgo uppajjati, diṭṭhi uppajjati. Pakatūpanissayo—saddhaṃ upanissāya mānaṃ jappeti, diṭṭhiṃ gaṇhāti. Sīlaṃ suttaṃ cāgaṃ paññaṃ upanissāya mānaṃ jappeti, diṭṭhiṃ gaṇhāti. Saddhā sīlaṃ suttaṃ cāgo paññaṃ rāgassa dosassa mohassa mānassa diṭṭhiyā patthanāya upanissayapaccayena paccayo”ti imaṃ nayaṃ sandhāya vuttaṃ. Kusalena abyākate tayopi labbhanti. Tathā akusalena akusale.

Akusalena pana kusale samanantarātītā na labbhanti. Tena vuttaṃ “kusalānaṃ dhammaṇaṃ kesañci upanissayapaccayena paccayo”ti. Idampi hi “akusalo dhammo kusalassa dhammassa upanissayapaccayena paccayo. Pakatūpanissayo—rāgaṃ upanissāya dānaṃ deti, sīlaṃ samādiyati, uposathakammaṃ karoti, jhānaṃ uppādeti, vipassanaṃ uppādeti, maggaṃ uppādeti, abhiññaṃ uppādeti, samāpattiṃ uppādeti. Dosāṃ mohāṃ mānaṃ diṭṭhiṃ patthanāṃ upanissāya dānaṃ deti -pa- samāpattiṃ uppādeti. Rāgo doso moho māno diṭṭhi patthanā saddhāya sīlassa sutassa cāgassa paññāya upanissāyapaccayena paccayo. Pāṇaṃ hantvā tassa paṭighātatthāya dānaṃ deti”ti-ādinā nayaṃ Pañhāvāre āgataṃ pakatūpanissayameva sandhāya vuttaṃ. Akusalaṃ pana kusalassa ārammaṇūpanissayo na hoti. Kasmā? Taṃ garuṃ katvā tassa appavattanatoti yathā anantarūpanissayo, evaṃ ārammaṇūpanissayopettha na labbhātīti vedītabbo. Akusalena abyākatapade ārammaṇūpanissayova na labbhāti. Na hi abyākatā dhammā akusalaṃ garuṃ karonti. Yasmā pana anantaratā labbhāti, tasmā ettha “kesañci”ti na vuttaṃ. Abyākatena pana abyākate kusale akusaleti tīsu navesu tayopi upanissayā labbhanteva. **Puggalopi senāsanampīti** idaṃ dvayaṃ pakatūpanissayavasena vuttaṃ. Idañhi dvayaṃ kusalākusalapavattiyā balavapaccayo hoti.

paccayabhāvo cassa panettha pariyāyavasena veditabboti ayaṃ tāvettha Pālivaṇṇanā.

Ayaṃ pana upanissayapaccayo nāma saddhim ekaccāya paññattiyā sabbepe catubhūmakadhammā. Vibhāgato pana ārammaṇūpanissayādivasena tividho hoti. Tattha ārammaṇūpanissayo ārammaṇādhipatinā ninnānākaraṇoti heṭṭhā vuttanayeneva nānappakārabhedato gahetabbo. Anantarūpanissayo anantarapaccayena ninnānākaraṇo, sopi heṭṭhā vuttanayeneva nānappakārabhedato veditabbo. Paccayuppannatopi nesam tattha vuttanayeneva vinicchayo veditabbo. Pakatūpanissayo pana jātivasena kusalākusalavipākakiriyarūpabhedato pañcavidho hoti, kusalādīnaṃ pana bhūmibhedato anekavidhoti evaṃ tāvettha nānappakārabhedato viññātabbo vinicchayo.

Evaṃ bhinne panettha tebhūmakakusalo catubhūmakassāpi kusalassa akusalassa vipākakiriyassāti catunnaṃ rāsīnaṃ pakatūpanissayo hoti. Lokuttaro akusalasseva na hoti. “Amhākaṃ ācariyena lokuttaradhammo nibbattito”ti iminā pana nayena aññesaṃ akusalassāpi hoti. Yassa vā uppajjissati, tassāpi anuttaresu vimokkhesu pihaṃ upaṭṭhāpayato¹ iminā nayena hotiyeva. Akusalo sabbesampi catubhūmakānaṃ khandhānaṃ pakatūpanissayo hoti, tathā tebhūmakavipāko. Lokuttaravipāke heṭṭhimāni tīṇi phalāni akusalasseva na honti, upariṭṭhimaṃ kusalassāpi. Purimanayena pana aññesaṃ vā yassa vā uppajjissati, tassa santāne sabbopi lokuttaravipāko sabbesaṃ kusalādīnaṃ arūpakkhandhānaṃ pakatūpanissayo hoti. Kiriyasaṅkhātopi pakatūpanissayo catubhūmakānaṃ akusalādikhandhānaṃ hotiyeva, tathā rūpasaṅkhāto. Sayam pana rūpaṃ imasmim Paṭṭhānamahāpakaraṇe āgatanayena upanissayapaccayaṃ na labhati, suttantikapariyāyena pana labhatīti vattum vaṭṭati. Evamettha paccayuppannatopi viññātabbo vinicchayoti.

Upanissayapaccayaniddesavaṇṇanā.

1. Upaṭṭhāpayatoti (Sī, Syā)

10. Purejātapaccayaniddesavaṇṇanā

10. Purejātapaccayaniddese **purejātapaccayena paccayoti** ettha purejātaṃ nāma yassa paccayo hoti, tato purimataraṃ jātaṃ jātikkhaṇaṃ atikkamitvā ṭhitikkhaṇappattaṃ. **Cakkhāyatananti**-ādi vatthupurejātavasena vuttaṃ. **Rūpāyatananti**-ādi ārammaṇapurejātavasena. **Kiñcikāle purejātapaccayenāti** pavattiṃ sandhāya vuttaṃ. **Kiñcikāle na purejātapaccayenāti** paṭisandhiṃ sandhāya vuttaṃ. Evaṃ sabbathāpi pañcadvāre vatthārammaṇavasena, manodvāre vatthuvasevāyaṃ Pāli āgatā, Pañhāvāre pana “ārammaṇapurejātaṃ—sekkhā vā puthujjanā vā cakkhuṃ aniccato dukkhato anattato vipassanti”ti āgatattā manodvārepi ārammaṇapurejātaṃ labbhateva. Idha pana sāvasesavasena desanā katāti ayaṃ tāvettha Pāliavaṇṇanā.

Ayaṃ pana purejātapaccayo suddharūpameva hoti, tañca kho uppādakkhaṇaṃ atikkamitvā ṭhitippattaṃ aṭṭhārasavidhaṃ rūparūpameva. Taṃ sabbampi vatthupurejātaṃ ārammaṇapurejātanti dvidhā ṭhitaṃ. Tattha cakkhāyatanam -pa- kāyāyatanam vatthurūpanti idaṃ vatthupurejātaṃ nāma. Sesam imāya Pāliya āgatañca anāgatañca vaṇṇo saddo gandho raso catasso dhātuyo tiṇi indriyāni kabaḷikāro āhāroti dvādasavidhaṃ rūpaṃ ārammaṇapurejātapaccayo nāmāti evamettha nānappakārabhedato viññātabbo vinicchayo.

Evaṃ bhinne panettha cakkhāyatanam dvinnam cakkhuviññāṇanam purejātapaccayena paccayo, tathā itarāni cattāri sotaviññāṇādīnam. Vatthurūpaṃ pana ṭhapetvā dvipaṇcaviññāṇāni cattāro ca āruppavipāke sesānam sabbesampi catubhūmakānam kusalākusalābyākatānam cittacetasikānam purejātapaccayo hoti. Rūpādīni pana pañcārammaṇāni dvipaṇcaviññāṇānañceva manodhātūnañca ekanteneva purejātapaccayā honti. Aṭṭhārasavidhampi panetaṃ rūparūpaṃ kāmāvacarakusalassa rūpāvacarato abhiññākusalassa akusalassa tadārammaṇabhāvino kāmāvacaravipākassa kāmāvacarakiriyassa rūpāvacarato abhiññākiriyassāti imesaṃ channaṃ rāsīnaṃ

purejātapaccayo hotīti evamettha paccayuppannatopi viññātabbo vinicchayoti.

Purejātapaccayaniddesavaṇṇanā.

11. Pacchājātapaccayaniddesavaṇṇanā

11. Pacchājātapaccayaniddese **pacchājātā**ti yassa kāyassa paccayā honti, tasmim̄ uppajjitvā ṭhite jātā. **Purejātassā**ti tesam̄ uppādato paṭhamataram̄ jātassa jātikkhaṇam̄ atikkamitvā ṭhitippattassa. **Imassa kāyassā**ti imassa catusamuṭṭhānikatisamuṭṭhānikabhūta-upādārūpasāṅkhātassa kāyassa. Ettha ca tisamuṭṭhānikakāyoti āhārasamuṭṭhānassa abhāvato brahmapārisajjādīnam̄ kāyo veditabbo. Ayam̄ panā pacchājātapaccayo nāma saṅkhepato ṭhapetvā āruppavipāke avasesā catubhūmakā arūpakkhandhā. So jātivāsena kusalākusalavipākakiriyabhedena catudhā bhijjatīti evamettha nānappakārabhedato viññātabbo vinicchayo.

Evam̄ bhinne panettha pañcavokārabhave uppannam̄ catubhūmakakusalañca akusalañca uppādakkhaṇam̄ atikkamitvā ṭhitippattassa catusamuṭṭhānikatisamuṭṭhānikarūpakāyassa pacchājātapaccayo hoti. Vipākepi ṭhapetvā paṭisandhivipākam̄ avaseso kāmāvacararūpāvacaravipāko tasseva ekantena pacchājātapaccayo hoti. Lokuttaropi pañcavokāre uppannavipāko tasseva pacchājātapaccayo hoti. Tebhūmakakiriyāpi pañcavokāre uppannāva vuttappakāraṇassa kāyassa pacchājātapaccayo hotīti evamettha paccayuppannatopi viññātabbo vinicchayoti.

Pacchājātapaccayaniddesavaṇṇanā.

12. Āsevanapaccayaniddesavaṇṇanā

12. Āsevanapaccayaniddese **purimā purimā**ti sabbanayesu samanantarātītāva daṭṭhabbā. Kasmā panettha anantarapaccaye viya “purimā purimā

kusalā dhammā pacchimānaṃ pacchimānaṃ abyākatānaṃ dhammānaṃ”ti-
 ādinā nayena bhinnajātikehi saddhiṃ niddeso na katoti? Attano gatim
 gāhāpetum asamatthatāya. Bhinnajātikā hi bhinnajātikānaṃ
 arūpadhammānaṃ¹ āsevanaguṇena paguṇabalavabhāvaṃ sādhayamānā
 attano kusalādibhāvasaṅkhātāṃ gatim gāhāpetum na sakkonti. Tasmā tehi
 saddhiṃ niddesaṃ akatvā ye yesaṃ vāsanāsaṅkhātena āsevanena
 paguṇatarabalavatarabhāvavisiṭṭhaṃ attano kusalādibhāvasaṅkhātāṃ gatim
 gāhāpetum sakkonti, tesaṃ tehi samānajātikeheva saddhiṃ niddeso katoti
 veditabbo. Atha vipākābyākataṃ kasmā na gahitanti? Āsevanābhāvena.
 Vipākāñhi kammavasena vipākabhāvappattaṃ kammapariṇāmitaṃ hutvā
 vattati nirussāhaṃ dubbalanti taṃ² āsevanaguṇena attano sabhāvaṃ
 gāhāpetvā paribhāvetvā neva aññaṃ vipākaṃ uppādetum sakkoti, na
 purimavipākānubhāvaṃ gahetvā uppajjitunti³. Kammavegakkhittaṃ pana
 patitaṃ viya hutvā uppajjatīti sabbathāpi vipāke āsevanāṃ natthīti
 āsevanābhāvena vipākaṃ na gahitaṃ. Kusalākusalakiriyānantaraṃ
 uppajjamānampi cetāṃ kammaṭṭhābaddhavuttitāya āsevanaguṇaṃ na
 gaṇhātīti kusalādayopissa āsevanapaccayā na hontī. Apica nānājātikattāpete
 na hontiyeva. Bhūmito pana ārammaṇato vā nānājātikattaṃ nāma natthi.
 Tasmā kāmāvacarakusalakiriyāmahaggatakusalakiriyānampi,
 saṅkhārārammaṇaṇca anulomakusalaṃ nibbānārammaṇassa
 gotrabhukusalassa āsevanapaccayo hotiyevāti ayaṃ tāvettha Pāḷivaṇṇanā.
 Ayaṃ pana āsevanapaccayo jātito tāva kusalo akusalo kiriyābyākatoti tidhā
 ṭhito. Tattha kusalo bhūmito kāmāvacaro rūpāvacaro arūpāvacaroti tividho
 hoti, akusalo kāmāvacarova, kiriyābyākato kāmāvacaro rūpāvacaro
 arūpāvacaroti tividhova, lokuttaro āsevanapaccayo nāma natthīti evamettha
 nānappakārabhedato viññātabbo vinicchayo.

Evam bhinne panettha kāmāvacarakusalaṃ attano anantarassa
 kāmāvacarakusalasseva. Yaṃ panettha nāṇasampayuttaṃ, taṃ attanā
 sadisavedanassa rūpāvacarakusalassa arūpāvacarakusalassa
 lokuttarakusalassāti

1. Bhinnajātikānaṃ (Syā)

2. Dubbalaṃ taṃ (Syā), dubbalanti (Ka)

3. Uppajjitum (?)

imesaṃ rāsīnaṃ āsevanapaccayo hoti. Rūpāvacarakusalaṃ pana rūpāvacarakusalasseva. Arūpāvacarakusalaṃ arūpāvacarakusalasseva. Akusalaṃ pana akusalasseva āsevanapaccayo hoti. Kiriyaṭo pana kāmāvacarakiriyasaṅkhāto tāva kāmāvacarakiriyasseva. Yo panettha ñāṇasampayutto, so attanā sadisavedanassa rūpāvacarakiriyassa arūpāvacarakiriyassāti imesaṃ rāsīnaṃ āsevanapaccayo hoti. Rūpāvacarakiriyasaṅkhāto pana rūpāvacarakiriyasseva, arūpāvacarakiriyasaṅkhāto arūpāvacarakiriyasseva āsevanapaccayo hoti. Vipāko pana ekadhammassāpi ekadhammopi vā koci vipākassa āsevanapaccayo natthīti evamettha paccayuppannatopi viññātabbo vinicchayoti.

Āsevanapaccayaniddesavaṇṇanā.

13. Kammapaccayaniddesavaṇṇanā

13. Kammapaccayaniddese **kammanti** cetanākammameva. **Kaṭattā ca rūpānanti** kammaṣṣa kaṭattā uppannarūpānaṃ. **Kammapaccayenāti** anekānampi kappakoṭīnaṃ matthake attano phalaṃ uppādetuṃ samatthena nānākkhaṇīkakammapaccayenāti attho. Kusalākusalañhi kammaṃ attano pavattikkhaṇe phalaṃ na deti. Yadi¹ dadeyya, yaṃ manusso devalokūpagaṃ kusalakammaṃ karoti, tassānubhāvena tasmimyeva khaṇe devo bhaveyya. Yasmiṃ pana khaṇe taṃ kataṃ, tato aññasmiṃ khaṇe avijjamānampi kevalaṃ kaṭattāyeva diṭṭheva dhamme upapajje vā apare vā pariyāye avasesapaccayasamāyoge sati phalaṃ uppādeti niruddhāpi purimasippādikiriyā viya kālantare pacchimasippādikiriyāya. Tasmā nānākkhaṇīkakammapaccayoti vuccati. **Cetanāsampayuttakānaṃ dhammānanti** yā kāci cetanā attanā sampayuttakānaṃ dhammānaṃ. **Taṃsamuṭṭhānānanti** iminā paṭisandhikkhaṇe kaṭattārūpampi gaṇhāti. **Kammapaccayenāti** idaṃ sahaṇācetanāṃ sandhāya vuttaṃ. Kusalādīsu hi yā kāci sahaṇācetanā² sesadhammānaṃ cittapayogasaṅkhātena

1. Yadi phalaṃ (Syā)

2. Cetanā (Syā)

kiriyābhāvena upakārikā hoti. Tasmā sahajātakammaṇṇapaccayo vuccati.
Ayaṃ tāvettha Pāḷivaṇṇanā.

Ayaṃ pana kammaṇṇapaccayo atthato catubhūmikacetanāṃattameva. So hi jātibhedato kusalo akusalo vipāko kiriyāti catudhā bhijjati. Tattha kusalo bhūmito kāmāvacarādivasena catudhā bhijjati. Akusalo ekadhāva, vipāko catudhā, kiriyā tidhāvāti evamettha nānappakārabhedato viññātabbo vinicchayo.

Evam bhinne panettha sahajātā kāmāvacarakusalacetanā pañcavokāre attano sampayuttadhammānañceva cittasamuṭṭhānarūpassa ca, catuvokāre sampayuttakhandhānaññeva sahajātakammaṇṇapaccayo hoti. Uppajjitvā niruddhā pana attano vipākānaṃ khandhānaṃ kaṭattā ca rūpānaṃ nānākkhaṇikakammaṇṇapaccayena paccayo hoti. Sā ca kho pañcavokāreyeva, na aññattha. Sahajātā rūpāvacarakusalacetanā attanā sampayuttadhammānañceva cittasamuṭṭhānarūpānañca ekanteneva sahajātakammaṇṇapaccayena paccayo. Uppajjitvā niruddhā pana attano vipākānañceva kaṭattārūpānañca nānākkhaṇikakammaṇṇapaccayena paccayo. Arūpāvacarā pana lokuttarā ca sahajātā kusalacetanā pañcavokāre attanā sampayuttadhammānañceva cittasamuṭṭhānarūpānañca, catuvokāre sampayuttakkhandhānaññeva sahajātakammaṇṇapaccayena paccayo. Uppajjitvā niruddhā panesā duvidhāpi attano attano vipākakkhandhānaññeva nānākkhaṇikakammaṇṇapaccayena paccayo. Sahajātā akusalacetanā pañcavokāre attanā sampayuttakkhandhānañceva cittasamuṭṭhānarūpānañca, catuvokāre arūpakkhandhānaññeva sahajātakammaṇṇapaccayena paccayo. Uppajjitvā niruddhā pana vipākakkhandhānañceva kaṭattārūpānañca nānākkhaṇikakammaṇṇapaccayena paccayo.

Kāmāvacararūpāvacarato vipākacetanā attanā sampayuttadhammānaṃ pavatte cittasamuṭṭhānarūpānaṃ, paṭisandhiyaṃ kaṭattārūpānañca sahajātakammaṇṇapaccayena paccayo. Arūpāvacaravipākacetanā attanā sampayuttadhammānaññeva sahajātakammaṇṇapaccayena paccayo. Lokuttaravipākacetanā pañcavokāre attanā sampayuttadhammānañceva cittasamuṭṭhānarūpassa ca, catuvokāre arūpasseva sahajātakammaṇṇapaccayena paccayo. Tebhūmikā kiriyacetanā

pañcavokāre sampayuttadhammānañceva cittasamuṭṭhānarūpassa ca sahajātakammapaccayena paccayo. Yā panettha āruppe uppajjati, sā arūpadhammānañeva¹ sahajātakammapaccayena paccayoti evamettha paccayuppannatopi viññātabbo vinicchayoti.

Kammapaccayaniddesavaṇṇanā.

14. Vipākapaccayaniddesavaṇṇanā

14. Vipākapaccayaniddese **vipākā cattāro khandhāti** yasmā kammasamuṭṭhānāpi rūpā vipākā na honti, tasmā “vipākā”ti vatvā “cattāro khandhā”ti vuttaṃ. Evaṃ ayaṃ Pāḷi arūpadhammānañeva vipākapaccayavasena āgatā. Pañhāvāre pana “vipākābyākato eko khandho tiṇṇannaṃ khandhānaṃ cittasamuṭṭhānañca rūpānaṃ vipākapaccayena paccayo. Paṭisandhikkhaṇe vipākābyākato eko khandho tiṇṇannaṃ khandhānaṃ kaṭattā ca rūpānaṃ vipākapaccayena paccayo”ti āgatattā cittasamuṭṭhānakammasamuṭṭhānarūpānampi vipākapaccayo labbhati. Idha pana sāvasesavasena desanā katāti ayaṃ tāvettha Pāḷivaṇṇanā. Ayaṃ pana vipākapaccayo vipākabhāvena jātito ekavidho, bhūmibhedato kāmāvacarādivasena catudhā bhijjatīti evamettha nānappakārabhedato viññātabbo vinicchayo.

Evaṃ bhinne panettha kāmāvacararūpāvacaravipāko attanā sampayuttadhammānaṃ² pavatte cittasamuṭṭhānarūpānaṃ, paṭisandhiyaṃ kaṭattārūpānañca vipākapaccayo hoti. Arūpāvacaravipāko sampayuttadhammānañeva. Lokuttaravipāko pañcavokāre sampayuttadhammānañceva cittasamuṭṭhānarūpassa ca, catuvokāre sampayuttakkhandhānañeva³ vipākapaccayo hotīti evamettha paccayuppannatopi viññātabbo vinicchayoti.

Vipākapaccayaniddesavaṇṇanā.

1. Arūpānañeva (Syā)

2. Sampayuttakkhandhānaṃ (Syā)

3. Sampayuttadhammānaṃ (Syā)

15. Āhārapaccayaniddesavaṇṇanā

15. Āhārapaccayaniddese **kabaḷikāro āhāro**ti catusantatisamuṭṭhāne rūpe oḷā āhāro nāma. So pana yasmā kabaḷam karitvā ajjhoharitova āhārakiccaṃ karoti, na bahi ṭhito, tasmā āhāroti avatvā “kabaḷikāro āhāro”ti vuttaṃ. Kabaḷam karitvā ajjhoharitabbavatthukattā vā kabaḷikāroti nāmametam¹ tassa. **Arūpino āhārāti** phassacetanāviññāṇāhārā. **Taṃsamuṭṭhānānanti** idhāpi kammaṣamuṭṭhānāni gahitāneva. Vuttañhetam Pañhāvāre— paṭisandhikkhaṇe vipākābyākata āhārā sampayuttakānaṃ khandhānaṃ kaṭattā ca rūpānaṃ āhārapaccayena paccayoti. Ayam tāvettha Pāḷivaṇṇanā.

Ayam pana āhārapaccayo saṅkhepato kabaḷikāro āhāro phasso cetanā viññānanti cattārova dhammā honti. Tattha ṭhapetvā kabaḷikārāhāraṃ sesā tayo arūpāhārā jātivaseṇa kusalākusalavipākakiriyabhedato catudhā bhijjanti. Puna bhūmibhedena kusalo catudhā, akusalo ekadhā, vipāko catudhā, kiriyā tidhāti evaṃ anekadhā bhijjanti. Kabaḷikārāhāro pana jātito abyākato, bhūmito kāmāvacarovāti evamettha nānappakārabhedato viññātabbo vinicchayo.

Evaṃ bhinne panettha catubhūmakāpi tayo kusalāhārā pañcavokāre attanā sampayuttadhammānañceva cittasamuṭṭhānarūpassa ca āhārapaccayena paccayo, ṭhapetvā pana rūpāvacaraṃ avasesā āruppe sampayuttadhammānañneva āhārapaccayena paccayo. Akusalāhāresupi eseva nayo. Catubhūmakavipākāhārā pana sabbattha sampayuttakānaṃ āhārapaccayā honti. Kāmāvacararūpāvacaravipākā panettha pañcavokāre uppajjamānā pavatte cittasamuṭṭhānarūpassa paṭisandhiyaṃ kaṭattārūpassāpi āhārapaccayā honti. Lokuttarā pana cittasamuṭṭhānarūpasseva, āruppe uppannā rūpassa paccayā na honti. Tebhūmakāpi tayo kiriyāhārā pañcavokāre sampayuttadhammānañceva cittasamuṭṭhānarūpassa ca, kāmāvacarā rūpāvacarā pana āruppe sampayuttadhammānañneva āhārapaccayena

1. Nāmamattamevetam (Syā)

paccayo. Catusantatisamuṭṭhāno kabaḷikārāhāro kiñcāpi “imassa kāyassā”ti avisesato vutto, visesato panāyamettha āhārasamuṭṭhānarūpassa janako ceva anupālako ca hutvā āhārapaccayena paccayo hoti, sesatisantatisamuṭṭhānassa anupālakova hutvā āhārapaccayena paccayo hotīti evamettha paccayuppannatopi viññātabbo vinicchayoti.

Āhārapaccayaniddesavaṇṇanā.

16. Indriyapaccayaniddesavaṇṇanā

16. Indriyapaccayaniddese **cakkhundriyanti** cakkhusaṅkhātāṃ indriyaṃ. **Indriyapaccayenā**ti sayāṃ purejāto hutvā arūpadhammānaṃ uppādato paṭṭhāya yāva bhaṅgā indriyapaccayena paccayo hoti. Sotindriyādīsupi eseva nayo. **Arūpino indriyā**ti ettha arūpajīvitindriyampi saṅgahitaṃ. **Tāmsamuṭṭhānā**nti ettha heṭṭhā vuttanayeneva kaṭattārūpampi saṅgahitaṃ. Vuttañhetāṃ Pañhāvāre—paṭisandhikkhaṇe vipākābyākātā indriyā sampayuttakānaṃ khandhānaṃ kaṭattā ca rūpānaṃ indriyapaccayena paccayoti. Evaṃ tāvettha Pāḷivaṇṇanā veditabbā.

Ayaṃ pana indriyapaccayo itthindriyapurisindriyavajjānaṃ samavīsatiyā indriyānaṃ vasena ṭhito. Itthindriyapurisindriyāni hi kiñcāpi itthiliṅgapurisalīṅgādīnaṃ bījabhūtāni, kalalādīkāle pana vijjamānesupi tesu itthiliṅgapurisalīṅgādīnaṃ abhāvā tāni neva tesāṃ, na aññesaṃ indriyapaccayataṃ pharanti. Indriyapaccayo hi attano vijjamānakkhaṇe avinibbhuttadhammānaṃ indriyapaccayataṃ aphaṇanto nāma natthi, tasmā tāni indriyapaccayā na honti. Yesāṃ panetāni bījabhūtāni, tesāṃ tāni suttantikapariyāyena pakatūpanissayabhāvaṃ bhajanti. Iti indriyapaccayo samavīsatiyā indriyānaṃ vasena ṭhitoti veditabbo. So jātito kusalākusalavipākakiriyarūpavasena pañcadhā bhijjati. Tattha kusalo bhūmivasena catudhā, akusalo kāmāvacarova, vipāko catudhāva, kiriyāsaṅkhāto tidhā, rūpaṃ kāmāvacaramevāti evaṃ anekadhā bhijjati evaṃ tāvettha nānappakārabhedato viññātabbo vinicchayo.

Evam bhinne panettha catubhūmakopi kusalindriyapaccayo pañcavokāre sampayuttadhammānañceva cittasamuṭṭhānarūpassa ca indriyapaccayena paccayo, tathā akusalo. Thapetvā pana rūpāvacarakusalam avasesā kusalākusalā āruppe sampayuttadhammānaññeva indriyapaccayena paccayo. Catubhūmako vipākindriyapaccayo ekanteneva sampayuttakānam indriyapaccayena paccayo. Kāmāvacararūpāvacarā panettha pañcavokāre uppajjanato pavatte cittasamuṭṭhānarūpassa, paṭisandhiyam kaṭattārūpassāpi indriyapaccayena paccayā honti. Lokuttarā cittasamuṭṭhānarūpasseva. Āruppe uppannā lokuttaravipākā indriyā rūpassa paccayā na honti. Tebhūmakā kiriyindriyā pañcavokāre sampayuttadhammānañceva cittasamuṭṭhānarūpassa ca, kāmāvacararūpāvacarā pana āruppe sampayuttadhammānaññeva indriyapaccayatam pharanti. Cakkhundriyādivasena chabbidhe rūpindriye cakkhundriyam kusalākusalavipākato sampayuttadhammānam dvinnam cakkhuviññāṇānam, sotindriyādini tathāvidhānaññeva sotaviññāṇādīnam, rūpajīvitindriyam attanā sahaṭātarūpānam ṭhitikkhaṇe indriyapaccayena paccayo. Sahaṭātapaccayatā pana tassa natthīti evamettha paccayuppannatopi viññātabbo vinicchayoti.

Indriyapaccayaniddesavaṇṇanā.

17. Jhānapaccayaniddesavaṇṇanā

17. Jhānapaccayaniddese **jhānaṅgānī**ti dvipañcaviññāṇavajjesu sesacittesu uppannāni vitakkavicārapītisomanassadomanassupekkhācittetekaggatāsaṅkhātāni satta aṅgāni. Pañcannam pana viññāṇakāyānam abhinipātamattattā tesu vijjamānānīpi upekkhāsukhadukkhāni upanijjhānākārassa abhāvato jhānaṅgānīti na uddhaṭāni. Tattha pacchinnattā pana sesāhetukesupi jhānaṅgam na uddhaṭameva¹. **Tamsamuṭṭhānānanti** idhāpi kaṭattārūpam saṅgahitanti veditabbanam. Vuttañhetam Pañhāvāre—paṭisandhikkhaṇe vipākābyākatāni jhānaṅgāni sampayuttakānam khandhānam kaṭattā ca rūpānam

1. Dhammaṅgahe, idha pana uddhaṭameva (Syā)

jhānapaccayena paccayoti. Ayaṃ tāvettha Pāḷivaṇṇanā. Ayaṃ pana jhānapaccayo sattannaṃ jhānaṅgānaṃ vasena ṭhitopi jātibhedato kusalākusalavipākakiriyavasena catudhā bhijjati, puna bhūmivasena catudhā ekadhā catudhā tidhāti dvādasadhā bhijjatīti evamettha nānappakārabhedato viññātabbo vinicchayo.

Evam bhinne panettha catubhūmakampi kusalajhānaṅgaṃ pañcavokāre sampayuttadhammānañceva cittasamuṭṭhānarūpassa ca, ṭhapetvā rūpāvacaraṃ avasesaṃ āruppe sampayuttadhammānañceva jhānapaccayena paccayo. Akusalepi eseva nayo. Kāmāvacararūpāvacaravipākāṃ pavatte sampayuttadhammānañceva cittasamuṭṭhānarūpassa ca, paṭisandhiyaṃ sampayuttadhammānañceva kaṭattārūpassa ca, āruppavipākāṃ sampayuttadhammānañceva. Yañca āruppe lokuttaravipākāṃ uppajjati, tañca. Pañcavokāre pana taṃ cittasamuṭṭhānarūpassapi jhānapaccayena paccayo hoti. Tebhūmakampi kiriyajhānaṅgaṃ pañcavokāre sampayuttadhammānañceva cittasamuṭṭhānarūpassa ca. Yaṃ panettha āruppe uppajjati, taṃ sampayuttadhammānañceva jhānapaccayena paccayoti evamettha paccayuppannatopi viññātabbo vinicchayoti.

Jhānapaccayaniddesavaṇṇanā.

18. Maggapaccayaniddesavaṇṇanā

18. Maggapaccayaniddese **maggaṅgānī**ti ahetukacittuppādavajjesu sesacittesu uppannāni paññā vitakko sammāvācākammantājīvā vīriyaṃ sati samādhi micchādiṭṭhi micchāvācākammantājīvāti imāni dvādasāṅgāni. Maggassa pana hetupacchimakkatā ahetukacittesu maggaṅgāni na uddhaṭāni. **Taṃsamuṭṭhānānanti** idhāpi kaṭattārūpaṃ saṅgahitameva. Vuttañhetam Pañhāvāre “paṭisandhikkhaṇe vipākābyākatāni maggaṅgāni sampayuttakānaṃ khandhānaṃ kaṭattā ca rūpānaṃ maggapaccayena paccayo”ti. Ayaṃ tāvettha Pāḷivaṇṇanā.

Ayaṃ pana maggapaccayo dvādasannaṃ maggaṅgānaṃ vasena ṭhitopi jātibhedato kusalādivasena catudhā, kusalādīnañca kāmāvacarādibhūmibhedato dvādasadhā bhijjatīti evamettha nānappakārabhedato viññātabbo

vinicchayo. Evaṃ bhinne panettha catubhūmakampi kusalamaggaṅgaṃ pañcavokāre sampayuttadhammānañceva cittasamuṭṭhānarūpassa ca, ṭhapetvā rūpāvacaraṃ avasesaṃ āruppe sampayuttadhammānaññeva maggapaccayena paccayoti sabbaṃ jhānapaccaye viya vitthāretabbanti evamettha paccayuppannatopi viññātabbo vinicchayoti.

Maggapaccayaniddesavaṇṇanā.

19. Sampayuttapaccayaniddesavaṇṇanā

19. Sampayuttapaccayaniddese Pāḷi uttānatthā eva. Ayaṃ pana sampayuttapaccayo nāma saṅkhepato sabbepi arūpino khandhā. Pabhedato panaesa jātito kusalādīnaṃ bhūmito ca kāmāvacarādīnaṃ vasena anekadhā bhijjatīti evamettha nānappakārabhedato viññātabbo vinicchayo. Evaṃ bhinne panettha catubhūmakesupi kusalakkhandhesu eko khandho tiṇṇannaṃ khandhānaṃ, tayo ekassa, dve dvinnanti evaṃ sabbepi aññamaññaṃ sampayuttapaccayena paccayo. Akusalavipākakiriyakkhandhesupi eseva nayoti evamettha paccayuppannatopi viññātabbo vinicchayoti.

Sampayuttapaccayaniddesavaṇṇanā.

20. Vippayuttapaccayaniddesavaṇṇanā

20. Vippayuttapaccayaniddese **rūpino dhammā arūpīnanti** idaṃ tāva hadayavattuno ceva cakkhundriyādīnañca vasena veditabbaṃ. Rūpadhammesu hi eteyeva cha koṭṭhāsā arūpakkhandhānaṃ vippayuttapaccayena paccayā honti. Rūpāyatanādayo pana ārammaṇadhammā kiñcāpi vippayuttadhammā, vippayuttapaccayā pana na honti. Kim kāraṇā? Sampayogāsāṅkāya abhāvato. Arūpino hi khandhā cakkhādīnaṃ vatthūnaṃ abhantarato nikkhamantā viya uppajjanti. Tattha āsaṅkā hoti “kim nu kho ete etehi sampayuttā, udāhu vippayuttā”ti. Ārammaṇadhammā pana vatthunissayena uppajjamānānaṃ ārammaṇamattā¹ hontīti natthi tesu sampayogāsāṅkā. Iti

1. Ārammaṇamattāva (Syā)

sampayogāsaṅkāya abhāvato na te vippayuttapaccayā. Hadayavatthu-ādīsu eva panāyaṃ vippayuttapaccayatā veditabbā. Vuttampi cetam Pañhāvāre—vatthu kusalānaṃ khandhānaṃ vippayuttapaccayena paccayo. Vatthu akusalānaṃ khandhānaṃ vippayuttapaccayena paccayo. Cakkhāyatanam cakkhuviññāṇassa vippayuttapaccayena paccayo. Sota, ghāna, jivhā, kāyāyatanam kāyaviññāṇassa vippayuttapaccayena paccayo. Vatthu vipākābyākatānaṃ kiriyābyākatānaṃ khandhānaṃ vippayuttapaccayena paccayoti.

Arūpino dhammā rūpīnanti idaṃ pana catunnaṃ khandhānaṃ vasena veditabbaṃ. Arūpadhammesu hi cattāro khandhāva saha-jātapurejātānaṃ rūpadhammānaṃ vippayuttapaccayā honti, nibbānaṃ pana arūpampi samānaṃ rūpassa vippayuttapaccayo na hoti. “Catūhi sampayogo catūhi vippayogo”ti hi vuttaṃ. Iti catunnaṃ arūpakhandhānaṃyeva vippayuttapaccayatā veditabbā. Vuttampi cetam Pañhāvāre—sahajātā kusalā khandhā cittasamuṭṭhānānaṃ rūpānaṃ vippayuttapaccayena paccayo. Pacchājātā kusalā khandhā purejātassa imassa kāyassa vippayuttapaccayena paccayo. Paṭisandhikkhaṇe vipākābyākatā khandhā kaṭattārūpānaṃ vippayuttapaccayena paccayo, khandhā vatthussāti. Evaṃ tāvettha Pāḷivaṇṇanā veditabbā.

Ayaṃ pana vippayuttapaccayo nāma saṅkhepato pañcavokārabhave vattamānā rūpārūpadhammā. Tesu rūpaṃ vatthuno cakkhādīnaṃ vasena chadhā bhinnaṃ, arūpaṃ pañcavokārabhave uppannakusalākusalavipākakiriyavasena catudhā bhinnaṃ. Tassa bhūmito kāmāvacarādivasena catudhā ekadhā tidhā tidhāti ekādasadhā bhedo hoti. Āruppavipākāhi vippayuttapaccayo na hotīti evamettha nānappakārabhedato viññātabbo vinicchayo.

Evaṃ bhinne panettha pañcavokārabhave uppannaṃ catubhūmakampi kusalaṃ akusalaṃ attanā samuṭṭhāpitacittasamuṭṭhānarūpassa saha-jātavippayuttapaccayena paccayo hoti. Uppādakkhaṇaṃ pana atikkamitvā ṭhitikkhaṇaṃ pattassa purejātassa catusamuṭṭhānikasamuṭṭhānikarūpakāyassa pacchājātavippayuttapaccayena paccayo hoti. Ettha ca tisamuṭṭhānikakāyoti āhārasamuṭṭhānassa abhāvato brahmapārisajjādīnaṃ kāyo veditabbo. Kāmāvacararūpāvacaravipākam pana pavatte cittasamuṭṭhānarūpassa,

paṭisandhiyaṃ kaṭattārūpassa ca sahajātavippayuttapaccayena paccayo hoti. Lokuttaravipākaṃ cittasamuṭṭhānarūpasseva. Tividhampi panetaṃ purejātassa catusamuṭṭhānikatisamuṭṭhānikakāyassa pacchājātavippayuttapaccayena paccayo. Tebhūmakampi kiriyaṃ cittasamuṭṭhānassa sahajātavippayuttapaccayena paccayo, purejātassa catusamuṭṭhānikatisamuṭṭhānikakāyassa pacchājātavippayuttapaccayena paccayo. Chadhā ṭhitesu pana rūpesu vatthurūpaṃ paṭi-asandhikkhaṇe kāmāvacararūpāvacaravipākānaṃ sahajātavippayuttapaccayena paccayo, pavatte uppajjamānānaṃ catubhūmakakusalānaṃ akusalānaṃ dvipañcaviññāṇavajjānaṃ tebhūmakavipākānaṃ tebhūmakakiriyānaṃca purejātavippayuttapaccayena paccayo. Cakkhāyatanādīni cakkhuvīññāṇādīnaṃ purejātavippayuttapaccayena paccayoti evamettha paccayuppannatopi viññātabbo vinicchayoti.

Vippayuttapaccayaniddesavaṇṇanā.

21. Atthipaccayaniddesavaṇṇanā

21. Atthipaccayaniddese **cattāro khandhā**ti-ādīhi sahajātavasena atthipaccayo niddiṭṭho. **Cakkhāyatananti**-ādīhi purejātavasena. **Yaṃ rūpaṃ nissāyāti** ettha sahajātapurejātavasena atthipaccayo niddiṭṭho. Evamayam Pāḷi sahajātapurejātānaññeva atthipaccayānaṃ vasena āgatā. Pañhāvāre pana sahajātaṃ purejātaṃ pacchājātaṃ āhāraṃ indriyanti imesaṃ vasena āgatattā pacchājāta-āhārindriyavasenaṃpi atthipaccayo labbhati. Idha pana sāvasesavasena desanā katāti ayaṃ tāvettha Pāḷivaṇṇanā.

Ayaṃ pana atthipaccayo nāma duvidho aññamaññato na aññamaññato. Tattha aññamaññaṃ tividhaṃ arūpaṃ arūpena, rūpaṃ rūpena, rūpārūpaṃ rūpārūpena. “Cattāro khandhā arūpino”ti ettha hi sabbacittuppattivasena arūpaṃ arūpena vuttaṃ. “Cattāro mahābhūtā”ti ettha sabbasantativasena rūpaṃ rūpena. “Okkantikkhaṇe nāmarūpan”ti ettha paṭisandhikkhandhānañceva vatthuno ca vasena rūpārūpaṃ rūpārūpena vuttaṃ. Na aññamaññaṃpi tividhaṃ arūpaṃ rūpassa, rūpaṃ rūpassa,

rūpaṃ arūpassa. “Cittacetāsikā dhammā”ti ettha hi pañcavokārasena arūpaṃ rūpassa vuttaṃ. “Mahābhūtā upādārūpānaṃ”ti ettha sabbasantativasena rūpaṃ rūpassa. “Cakkhāyatanaṃ cakkhuviññādhātuyā”ti-ādīsu vatthārammaṇavasena rūpaṃ arūpassa atthipaccayoti vuttaṃ.

Apicesa atthipaccayo nāma saṅkhepato khaṇattayappattaṃ nāmañceva rūpañca, vattamānā pañcakkhandhātīpi vattum vaṭṭati. So jātibhedato kusalākusalavipākakiriyarūpavasena pañcadhā bhijjati. Tattha kusalo saha-jātapacchājātavasena duvidho hoti, tathā akusalo vipākakiriyasaṅkhāto ca. Tesu kusalo kāmāvacarādibhedena catudhā bhijjati, akusalo kāmāvacarova, vipāko catubhūmako, kiriyāsaṅkhāto tibhūmako. Rūpasaṅkhāto atthipaccayo kāmāvacarova. So pana saha-jātapurejātavasena duvidho. Tattha pañca vatthūni ārammaṇāni ca purejātāneva, hadayavatthu saha-jātaṃ vā hoti purejātaṃ vā. Pañhāvāre pana āgato āhāro indriyañca saha-jātādibhedam na labhatīti evamettha nānappakārabhedato viññā tabbo vinicchayo.

Evam bhinne panettha catubhūmakakusalopi saha-jāto atthipaccayo pañcavokāre “eko khandho tiṇṇannaṃ khandhānaṃ”ti-ādīnā nayena aññamaññaṃ khandhānañceva cittasamuṭṭhānarūpassa ca, ṭhapetvā pana rūpāvacarakusalaṃ avaseso āruppe sampayuttakkhandhānañneva saha-jātakusalo atthipaccayena paccayo hoti. Catubhūmako panesa pañcavokāre catusamuṭṭhānikatisamuṭṭhānikakāyassa pacchājāto kusalo atthipaccayena paccayo hoti. Akusalepi eeva nayo. Sopi hi pañcavokāre sampayuttakkhandhānañceva cittasamuṭṭhānarūpassa ca, catuvokāre sampayuttakkhandhānañneva saha-jātākusalo atthipaccayena paccayo, pañcavokāre catusamuṭṭhānikatisamuṭṭhānikakāyassa pacchājātākusalo atthipaccayena paccayo.

Vipākato pana kāmāvacararūpāvacaro atthipaccayo niyameneva paṭisandhikkhaṇe khandhānañceva kaṭattārūpassa ca saha-jātathipaccayena paccayo.

Pavatte pana sampayuttakkhandhānañceva cittasamuṭṭhānarūpassa ca sahaajātatthipaccayena paccayo, ṭhitippattassa catusamuṭṭhānikatisamuṭṭhānikakāyassa pacchājātatthipaccayena paccayo. Arūpāvacaravipāko pana āruppe uppannalokuttaravipāko ca attanā sampayuttakkhandhānañceva sahaajātatthipaccayena paccayo. Pañcavokāre lokuttaravipāko sampayuttakkhandhānañceva cittasamuṭṭhānarūpassa ca sahaajātatthipaccayena paccayo, catusamuṭṭhānikatisamuṭṭhānikakāyassa pacchājātatthipaccayena paccayo. Kiriya rūpāvacaro atthipaccayo sampayuttakkhandhānañceva cittasamuṭṭhānarūpassa ca sahaajātatthipaccayena paccayo, catusamuṭṭhānikatisamuṭṭhānikakāyassa pacchājātatthipaccayena paccayo. Kāmāvacarārūpāvacaro pana āruppe sampayuttakkhandhānañceva, pañcavokāre cittasamuṭṭhānarūpassapi sahaajātatthipaccayena paccayo, catusamuṭṭhānikatisamuṭṭhānikakāyassa pacchājātatthipaccayena paccayo.

Rūpasaṅkhāto pana atthipaccayo sahaajāto purejāto āhāro indriyanti catubbidho. Tattha sahaajātarūpatthipaccayo¹ catusamuṭṭhānavasena catudhā ṭhito. Tattha kammamuṭṭhāno ekaṃ mahābhūtaṃ tiṇṇannaṃ mahābhūtānaṃ, tiṇi ekassa, dve dvinnaṃ, mahābhūtā upādārūpānanti evaṃ sahaajātatthipaccayena paccayo hoti. Paṭisandhikkhaṇe vatthurūpaṃ kāmāvacarārūpāvacaravipākakkhandhānaṃ sahaajātatthipaccayena paccayo hoti. Tesampi tisamuṭṭhānikarūpaṃ ekaṃ mahābhūtaṃ tiṇṇannaṃ mahābhūtānaṃ, tiṇi ekassa, dve dvinnaṃ, mahābhūtā upādārūpānanti evaṃ sahaajātatthipaccayena paccayo hoti. Purejātatthipaccayo pana vatthupurejāta-ārammaṇapurejātavasena duvidho hoti, so duvidhopi heṭṭhā purejātapaccaye vuttanayeneva yojetvā gahetabbo. Āhāratthipaccayopi heṭṭhā kabalīkārāhārapaccaye yojitanayeneva yojetabbo. Idha panesa attano aniruddhakkhaṇe paccayabhāvena atthipaccayoti vutto. Rūpajīvitindriyampi heṭṭhā indriyapaccaye rūpajīvitindriyayojanāyaṃ vuttanayeneva yojetabbaṃ. Idha panetampi attano aniruddhakkhaṇeyeva paccayabhāvena atthipaccayoti vuttanti evamettha paccayuppannatopi viññātabbo vinicchayoti.

Atthipaccayaniddesavaṇṇanā.

1. Sahaajāto rūpatthipaccayo (Syā)

22. Natthipaccayaniddesavaṇṇanā

22. Natthipaccayaniddese **samanantaraniroddhā**ti aññena cittuppādena anantarikā hutvā samanantaraniroddhā. **Paṭuppannānanti** paccuppannānaṃ. Iminā natthipaccayassa okāsadānaṭṭhena natthipaccayabhāvaṃ sādheti. Purimesu hi nirodhavasena pacchimānaṃ pavattanokāsaṃ adentesu tesāṃ paṭuppannabhāvo na siyāti ayamettha Pāḷivaṇṇanā. Sesāṃ sabbaṃ anantarapaccaye vuttanayeneva veditabbaṃ. Paccayalakkhaṇameva hettha nānaṃ, paccayānaṃ pana paccayuppannānañca nānākaraṇaṃ natthi. Kevalaṃ pana tattha “cakkhuvīññādhātu taṃsampayuttakā ca dhammā manodhātuyā”ti-ādīnaṃ nayena paccayā ca paccayuppannā ca sarūpato dassitā. Idha pana “samanantaraniroddhā cittacetāsikā dhammā paṭuppannānaṃ cittacetāsikānaṃ dhammānaṃ”ti sabbepe te nirodhuppādivasena sāmāññato dassitāti.

Natthipaccayaniddesavaṇṇanā.

23. Vigatapaccayaniddesavaṇṇanā

23. Vigatapaccayaniddese **samanantaravīgatā**ti samanantameva vīgatā. Iminā vīgatapaccayassa vīgacchamānabhāveneva paccayabhāvaṃ dasseti. Iti natthipaccayassa ca imassa ca byañjanamatteyeva nānattaṃ, na attheti.

Vigatapaccayaniddesavaṇṇanā.

24. Avigatapaccayaniddesavaṇṇanā

24. Avigatapaccayaniddese **cattāro khandhā**ti-ādīnaṃ sabbākārena atthipaccayaniddese vuttanayeneva attho veditabbo. Imassape hi paccayassa atthipaccayena saddhirī byañjanamatteyeva nānattaṃ, na attheti.

Avigatapaccayaniddesavaṇṇanā.

Paccayaniddesapakiṇṇakavinicchayakathā

Idāni evaṃ uddesaniddesato dassitesu imesu catuvīsatiyā paccayesu ñāṇacārassa visadabhāvattaṃ anekadhammānaṃ ekapaccayabhāvato, ekadhammassa anekapaccayabhāvato, ekapaccayassa anekapaccayabhāvato, paccayasabhāgato, paccayavisabhāgato, yugaḷakato, janakājanakato, sabbaṭṭhānikāsabbaṭṭhānikato, rūpaṃ rūpassāti-ādivikappato, bhavabhedaṭṭhi imesaṃ dasannaṃ padānaṃ vasena pakiṇṇakavinicchayo veditabbo. Tattha **anekadhammānaṃ ekapaccayabhāvato**ti etesu hi ṭhapetvā kammaṇṇapaccayaṃ avasesesu tevīsatiyā paccayesu anekadhammā ekato paccayā honti, kammaṇṇapaccayo pana eko cetanādhammoyevāti evaṃ tāvettha anekadhammānaṃ ekapaccayabhāvato vinicchayo veditabbo.

Ekadhammassa anekapaccayabhāvatoti hetupaccaye tāva amoho eko dhammo, so purejātakammāhārajhānapaccayova na hoti, sesānaṃ vīsatiyā paccayānaṃ vasena paccayo hoti. Alobhādosā indriyamaggapaccayāpi na honti, sesānaṃ aṭṭhārasannaṃ paccayānaṃ vasena paccayā honti. Lobhamohā vipākapaccayāpi na honti, sesānaṃ sattarasannaṃ paccayānaṃ vasena paccayā honti. Doso adhipatipaccayopi na hoti, sesānaṃ soḷasannaṃ paccayānaṃ vasena paccayo hoti. Ārammaṇapaccaye rūpāyatanāṃ cakkhuviññāṇadhātuyā ārammaṇapurejāta-atthi-avigatavasena catudhā paccayo, tathā manodhātuyā ahetukamanoviññāṇadhātuyā ca. Sahetukāya pana ārammaṇādhipati-ārammaṇūpanissayavasenāpi paccayo hoti. Iminā nayena sabbesaṃ ārammaṇapaccayadhammānaṃ anekapaccayabhāvo veditabbo.

Adhipatipaccaye ārammaṇādhipatino ārammaṇapaccaye vuttanayeneva anekapaccayabhāvo veditabbo. Sahajātādhipatīsu vīmaṃsā amohahetu viya vīsatiḍhā paccayo hoti. Chando hetupurejātakamma-āhāra-indriyajhānamaggapaccayo na hoti, sesānaṃ sattarasannaṃ paccayānaṃ vasena paccayo hoti. Cittāṃ hetupurejātakammajhānamaggapaccayo na hoti, sesānaṃ ekūnavīsatiyā paccayānaṃ vasena paccayo hoti. Vīriyaṃ hetupurejātakammāhārajhānapaccayo na hoti, sesānaṃ ekūnavīsatiyā vasena paccayo hoti.

Anantarapaccaye “cakkhuviññāṇadhātū”ti-ādinā nayena vuttesu catūsu khandhesu vedanākkhandho hetupurejātakammāhāramaggapaccayo na hoti, sesānaṃ ekūnavīsatiyā vasena paccayo hoti. Saññākkhandho indriyajhānapaccayopi na hoti, sesānaṃ sattarasannaṃ vasena paccayo hoti. Saṅkhārakkhandhe hetū hetupaccaye vuttanayena, chandavīriyāni adhipatipaccaye vuttanayeneva paccayā honti. Phasso hetupurejātakamma-indriyajhānamaggapaccayo na hoti, sesānaṃ aṭṭhārasannaṃ vasena paccayo hoti. Cetanā hetupurejāta-indriyajhānamaggapaccayo na hoti, sesānaṃ ekūnavīsatiyā vasena paccayo hoti. Vitakko hetupurejātakammāharindriyapaccayo na hoti, sesānaṃ ekūnavīsatiyā vasena paccayo hoti. Vicāro maggapaccayopi na hoti, sesānaṃ aṭṭhārasannaṃ vasena paccayo hoti. Pīti tesaññeva vasena paccayo hoti. Cित्तेkaggatā hetupurejātakammāhārapaccayo na hoti, sesānaṃ vīsatiyā vasena paccayo hoti. Saddhā hetupurejātakammāhārajhānamaggapaccayo na hoti, sesānaṃ aṭṭhārasannaṃ vasena paccayo hoti. Sati tehi ceva maggapaccayena cāti ekūnavīsatiyā vasena paccayo hoti. Jīvitindriyaṃ saddhāya vuttānaṃ aṭṭhārasannaṃ vasena paccayo hoti. Hirottappaṃ tato indriyapaccayaṃ apanetvā sesānaṃ sattarasannaṃ vasena paccayo hoti. Tathā kāyapassaddhādīni yugaḷakāni, yevāpanakesu adhimokkhamanasikāratatramajjhataṭṭā karuṇāmuditā ca. Viratiyo pana tehi ceva maggapaccayena cāti aṭṭhārasadhā paccayā honti. Micchādiṭṭhi tato vipākapaccayaṃ apanetvā sattarasadhā, micchāvācākammantājīvā tehi ceva kammāhārapaccayehi cāti ekūnavīsatiḍhā. Ahirikaṃ anottappaṃ māno thināṃ middhaṃ uddhaccanti ime hetupurejātakammavipākāhāharindriyajhānamaggapaccayā na honti, sesānaṃ pana soḷasannaṃ paccayānaṃ vasena paccayā honti. Vicikicchā-issāmacchariyakukkuccāni tato adhipatipaccayaṃ apanetvā pannarasadhā. Viññāṇakkhandhassa adhipatipaccaye vuttanayeneva anekapaccayabhāvo vedītabbo. Samanantarapaccayepi eseva nayo.

Sahajātapaccaye catūsu tāva khandhesu ekekassa dhammassa anekapaccayabhāvo vuttanayeneva vedītabbo. Cattāri mahābhūtāni

ārammaṇa-ārammaṇādhipati sahaajāta aññamañña nissaya upanissaya purejāta-atthi-avigatavasena navadhā paccayā honti. Hadayavatthu tesañceva vippayuttassa ca vasena dasadhā paccayo hoti. Aññamaññapaccaye apubbaṃ natthi. Nissayapaccaye cakkhāyatanādīni ārammaṇa-ārammaṇādhipatinissaya-upanissayapurejāta-indriyavippayutta-atthi-avigatavasena navadhā paccayā honti. Upanissaye apubbaṃ natthi. Purejātapaccaye rūpa sadda gandha rasāyatanāni ārammaṇa-ārammaṇādhipati-upanissayapurejāta-atthi-avigatavasena chadhā paccayā honti. Ettakamevettha apubbaṃ. Pacchājātādīsu apubbaṃ natthi. Āhārapaccaye kabaḷikārāhāro ārammaṇa-ārammaṇādhipati-upanissaya-āhāra-atthi-avigatavasena chadhā paccayo hoti. Indriyādīsu apubbaṃ natthi. Evamettha ekadhammassa anekapaccayabhāvatopi viññātabbo vinicchayo.

Ekapaccayassa anekapaccayabhāvatoti hetupaccayādīsu yassa kassaci ekassa paccayassa yenākārena yenatthena yo paccayuppannānaṃ paccayo hoti, taṃ ākāraṃ taṃ atthaṃ avijahitvāva aññehipi yehākārehi yehi atthehi so tasmiññeva khaṇe tesam dhammānaṃ anekapaccayabhāvaṃ gacchati, tato anekapaccayabhāvato tassa vinicchayo veditabboti attho. Seyyathidaṃ? Amoho hetupaccayo, so hetupaccayattaṃ avijahantova adhipatisahajāta aññamañña nissaya vipāka indriya magga sampayutta vippayutta atthi avigatānaṃ vasena aparehipi ekādasahākārehi anekapaccayabhāvaṃ gacchati. Alobhādosā tato adhipati indriya maggapaccaye tayo apantvā sesānaṃ vasena anekapaccayabhāvaṃ gacchanti. Idaṃ vipākahetūsuyeva labbhati, kusalakiriyesu pana vipākapaccayatā parihāyati. Lobhadosamohā te tayo vipākañcāti cattāro apantvā sesānaṃ vasena anekapaccayabhāvaṃ gacchanti.

Ārammaṇapaccayo taṃ ārammaṇapaccayattaṃ avijahantaṃyeva ārammaṇādhipatinissaya-upanissayapurejātavippayutta-atthi-avigatānaṃ vasena aparehipi sattahākārehi anekapaccayabhāvaṃ gacchati. Ayamettha ukkaṭṭhaparicchedo, arūpadhammānaṃ pana atītānāgatānaṃ vā rūpadhammānaṃ ārammaṇapaccayabhāve sati ārammaṇādhipati-ārammaṇūpanissayamattaññeva

uttari labbhati. Adhipatipaccaye vīmaṁsā amohasadisā, chando adhipatipaccayo adhipatipaccayattam avijahantova saha-jāta-aññamaññanissayavipākasampayuttavippayutta-atthi-avigatānam vasena aparehipi aṭṭhahākārehi anekapaccayabhāvaṁ gacchati. Vīriyam tesañceva indriyamaggapaccayānañcāti imesaṁ vasena aparehipi dasahākārehi anekapaccayabhāvaṁ gacchati. Cittaṁ tato maggapaccayaṁ apanetvā āhārapaccayaṁ pakkhipitvā imesaṁ vasena adhipatipaccayato uttari dasahākārehi anekapaccayabhāvaṁ gacchati. Ārammaṇādhipatino pana heṭṭhā ārammaṇapaccaye vuttanayeneva anekapaccayabhāvo veditabbo.

Anantarasamanantarapaccayā anantarasamanantarapaccayattam avijahantāva upanissayakamma-āsevana natthivigatānam vasena aparehipi pañcahākārehi anekapaccayabhāvaṁ gacchanti. Ariyamaggacetanāyeva cettha kamma-paccayattam labhati, na sesadhammā. Sahajātapaccayo saha-jātapaccayattam avijahantova hetu-adhipati-aññamañña nissaya kammavipāka āhāra-indriyajhāna magga sampayutta vippayutta atthi avigatānam vasena aparehi cuddasahākārehi anekapaccayabhāvaṁ gacchati. Ayampi ukkaṭṭhaparicchedo, vatthusahajātādīnam pana vasenettha hetupaccayādīnam abhāvopi veditabbo. Aññamañña-paccayepi eseva nayo.

Nissayapaccayo nissayapaccayattam avijahantova catuvīsatiyā paccayesu attano nissayapaccayattañceva anantarasamanantarapaccchājāta-āsevananattivigatapaccaye ca cha apanetvā sesānam vasena aparehipi sattarasahākārehi anekapaccayabhāvaṁ gacchati. Ayampi ukkaṭṭhaparicchedova, vatthunissayādīnam pana vasenettha hetupaccayādīnam abhāvopi veditabbo.

Upanissayapaccaye ārammaṇūpanissayo ārammaṇādhipatisadiso. Anantarūpanissayo anantarūpanissayapaccayattam avijahantova anantarasamanantarakamma-āsevananattivigatānam vasena aparehipi chahākārehi anekapaccayabhāvaṁ gacchati. Ariyamaggacetanāyeva cettha kamma-paccayattam labhati, na sesadhammā. Pakatūpanissayo pakatūpanissayova. Purejātapaccayo attano purejātapaccayattam avijahantova ārammaṇa-ārammaṇādhipatinissaya-upanissaya-indriyavippayutta-atthi-avigatānam vasena

aparehipi aṭṭhahākārehi anekapaccayabhāvaṃ gacchati. Ayampi ukkaṭṭhaniddesova, ārammaṇapurejāte panettha nissaya-indriyavippayuttapaccayatā na labbhati. Ito uttaripi labbhamānālabbhamānaṃ veditabbaṃ. Pacchājātapaccayo attano pacchājātapaccayabhāvaṃ avijahantova vippayutta-atthi-avigatānaṃ vasena aparehipi tīhākārehi anekapaccayabhāvaṃ gacchati. Āsevanapaccayo āsevanapaccayattaṃ avijahantova anantarasamanantara-upanissayanatthivigatānaṃ vasena aparehipi pañcahākārehi anekapaccayabhāvaṃ gacchati.

Kammaṇapaccayo kammaṇapaccayattaṃ avijahantova ekakkhaṇiko tāva sahajāta aññamañña nissaya vipāka āhāra sampayutta vippayutta atthi avigatānaṃ vasena aparehipi navahākārehi anekapaccayabhāvaṃ gacchati, nānākkhaṇiko upanissaya-anantarasamanantaranatthivigatānaṃ vasena aparehipi pañcahākārehi anekapaccayabhāvaṃ gacchati. Vipākapaccayo vipākapaccayattaṃ avijahantova hetu-adhipatisahajāta-aññamaññanissayakamma-āhāra-indriya-jhānamaggasampayuttavippayutta-atthi-avigatānaṃ vasena aparehipi cuddasahārehi anekapaccayabhāvaṃ gacchati. Āhārapaccaye kabalīkāro āhāro āhārapaccayattaṃ avijahantova atthi-avigatānaṃ vasena aparehipi dvīhākārehi anekapaccayabhāvaṃ gacchati. Sesā tayo āhārapaccayattaṃ avijahantāva yathānurūpaṃ adhipatisahajāta aññamañña nissaya kamma vipāka indriya sampayutta vippayutta atthi avigatānaṃ vasena aparehipi ekādasahākārehi anekapaccayabhāvaṃ gacchanti.

Indriyapaccaye rūpino pañcindriyā indriyapaccayattaṃ avijahantāva nissayapurejātavippayutta-atthi-avigatānaṃ vasena aparehipi pañcahākārehi anekapaccayabhāvaṃ gacchanti. Rūpajīvitindriyampi indriyapaccayattaṃ avijahantaññeva atthi-avigatānaṃ vasena aparehipi dvīhākārehi anekapaccayabhāvaṃ gacchati. Arūpino indriyāni yathānurūpaṃ indriyapaccayattaṃ avijahantāneva hetu adhipati sahajāta aññamañña nissaya vipāka āhāra jhāna magga sampayuttavippayutta-atthi-avigatānaṃ vasena aparehipi terasahākārehi anekapaccayabhāvaṃ gacchanti. Jhānapaccayo jhānapaccayattaṃ avijahantova

yathānurūpaṃ sahaajāta aññaamañña nissaya vipāka
 indriyamaggasampayuttavippayutta-atthi-avigatānaṃ vasena aparehipi
 dasahākārehi anekapaccayabhāvaṃ gacchati. Maggapaccayo
 maggapaccayattaṃ avijahantova yathānurūpaṃ jhānapaccaye vuttānaṃ
 dasannaṃ hetu-adhipatīnañcāti imesaṃ vasena aparehipi dvādasahākārehi
 anekapaccayabhāvaṃ gacchati.

Sampayuttapaccayo sampayuttapaccayattaṃ avijahantova yathānurūpaṃ
 hetu-adhipatisahajāta-aññaamaññanissayakammavipāka-āhāra-
 indriyajhānamagga-atthi-avigatānaṃ vasena aparehipi terasahākārehi
 anekapaccayabhāvaṃ gacchati. Vippayuttapaccayo vippayuttapaccayattaṃ
 avijahantova anantarasamanantara-āsevanasampayuttanatthivigatasāṅkhāte
 cha paccaye apanetvā sesānaṃ vasena yathānurūpaṃ aparehipi
 sattarasahākārehi anekapaccayabhāvaṃ gacchati. Tattha rūpassa ca arūpassa
 ca paccayavibhāgo veditabbo. Atthipaccayo atthipaccayattaṃ avijahantova
 anantarasamanantara-āsevananatthivigatasāṅkhāte pañca paccaye apanetvā
 sesānaṃ vasena yathānurūpaṃ aparehi aṭṭhasahākārehi
 anekapaccayabhāvaṃ gacchati. Natthipaccayavigatapaccayā
 anantarapaccayasadisā. Avigatapaccayo atthipaccayasadisoyevāti evamettha
 ekapaccayassa anekapaccayabhāvatoṇi viññātabbo vinicchayo.

Paccayasabhāgatoti etesu hi catuvīsatiyā paccayesu
 anantarasamanantara-anantarūpanissaya-āsevananatthivigatā sabhāgā, tathā
 ārammaṇa-ārammaṇādhipati-ārammaṇūpanissayāti iminā upāyenettha
 paccayasabhāgatopi viññātabbo vinicchayo.

Paccayavisabhāgatoti purejātapaccayo panettha pacchājātapaccayena
 visabhāgo, tathā sampayuttapaccayo vippayuttapaccayena, atthipaccayo
 natthipaccayena, vigatapaccayo avigatapaccayenāti iminā upāyenettha
 paccayavisabhāgatopi viññātabbo vinicchayo.

Yugaḷakatoti etesu ca atthasarikkhatāya saddasarikkhatāya
 kālaṇḍakapakkhatāya hetuphalatāya aññaamaññaṇapaṭipakkhatāyāti imehi
 kāraṇehi yugaḷakato viññātabbo vini cchayo. Anantarasamanantarā hi
 atthasarikkhatāya ekaṃ yugaḷakaṃ nāma, nissayūpanissayā
 saddasarikkhatāya,

purejātapacchājātā kālapaṭipakkhatāya, kammaṭṭhāpaccayavipākappaccayā hetuphalatāya, sampayuttavipṭṭayuttapaccayā aññamaññapaṭipakkhatāya ekaṃ yugaḷakaṃ nāma. Tathā atthinatthipaccayā vigatāvīgatapaccayā cāti evamettha yugaḷakatopi viññātabbo vinicchayo. **Janakājanakatoti** etesu ca anantarasamanantarānantarūpanissayapakatūpanissayāsevanapaccayā nānākkhaṇiko kammaṭṭhāpaccayo natthivīgatapaccayāti ime paccayā janakāyeva, na ajanakā, pacchājātapaccayo kevalaṃ upatthambhakoyeva, na janako, sesā janakā ca ajanakā ca upatthambhakā cāti attho. Evamettha jānakājanakatopi viññātabbo vinicchayo.

Sabbaṭṭhānikāsabbaṭṭhānikatoti etesu ca sahaḷātānissaya-atthivīgatapaccayā sabbaṭṭhānikā nāma, sabbesaṃ saṅkhatānaṃ rūpārūpadhammānaṃ ṭhānabhūtā kāraṇabhūtāti attho. Etehi vinā uppajjamāno ekadhammopi natthīti. Ārammaṇa-ārammaṇādhipati-anantarasamanantarānantarūpanissayapakatūpanissayāsevanasampayuttanattavīgatapaccayā asabbaṭṭhānikā nāma, na sabbesaṃ rūpārūpadhammānaṃ ṭhānabhūtā, arūpakkhandhānaññeva pana ṭhānabhūtā kāraṇabhūtāti attho. Arūpadhammāyeva hi etehi uppajjanti, na rūpadhammā. Purejātapacchājātāpi asabbaṭṭhānikā arūparūpānaññeva yathākkamena paccayabhāvato. Vuttāvasesaṃ ekaccānaṃ rūpārūpadhammānaṃ uppattihetuto na sabbaṭṭhānikāti evamettha sabbaṭṭhānikāsabbaṭṭhānikatopi viññātabbo vinicchayo.

Rūpaṃ rūpassāti-ādivikappatoti etesu ca catuvīsatiyā paccayesu ekapaccayopi ekantena rūpameva hutvā rūpasseva paccayo nāma natthi, ekantena pana rūpaṃ hutvā arūpasseva paccayo nāma atthi. Kataro panesoti. Purejātapaccayo. Purejātapaccayo hi ekantena rūpameva hutvā arūpasseva paccayo hoti. Ekantena rūpameva hutvā rūpārūpasseva paccayo nāmātipi natthi, ekantena pana arūpaṃ hutvā arūpasseva paccayo nāma atthi. Kataro panesoti. Anantarasamanantara-āsevanasampayuttanattavīgatavasena chabbidho. So hi sabbopi ekantena arūpameva hutvā arūpasseva paccayo hoti. Ekantena arūpameva hutvāpi ekantena rūpasseva paccayo nāmātipi atthi. Kataro panesoti. Pacchājātapaccayo. So hi

ekantena arūpaṃ hutvā rūpasseva paccayo hoti. Ekantena pana arūpadhammova hutvā rūpārūpānaṃ paccayopi atthi. Kataro panesoti. Hetukammavipākajhānamaggavasena pañcavidho. So hi sabbopi ekantena arūpameva hutvā rūpadhammānaṃ arūpadhammānampi paccayo hoti. Ekantena pana rūpārūpameva hutvā rūpasseva paccayo nāmātipi natthi, arūpasseva pana hoti. Kataro panesoti. Ārammaṇapaccayo ceva upanissayapaccayo ca. Idañhi dvayaṃ ekantena rūpārūpameva hutvā arūpasseva paccayo hoti. Ekantena rūpārūpameva hutvā pana rūpārūpasseva paccayo nāmātipi atthi. Kataro panesoti. Adhipatisahajāta-aññamaññanissaya-āhāra-indriyavippayutta-atthi-avigatavasena navavidho. So hi sabbopi ekantena rūpārūpameva hutvā rūpārūpasseva paccayo hotīti evamettha rūpaṃ rūpassāti-ādivikappatopi viññātabbo vinicchayo.

Bhavabhedatoti imesu pana catuvīsatiyā paccayesu pañcavokārabhave tāva na koci paccayo na labbhati nāma. Catuvokārabhave pana tayo purejātapacchājātavippayuttapaccaye apanetvā sesā ekavīsatimeva labbhanti. Ekavokārabhave sahajāta-aññamaññanissayakamma-indriya-atthi-avigatavasena satteva labbhanti. Bāhire pana anindriyabaddharūpe sahajāta-aññamaññanissaya-atthi-avigatavasena pañceva labbhantīti evamettha bhavabhedatopi viññātabbo vinicchayoti.

Paccayaniddesavāraṇṇanā niṭṭhitā.

Pucchāvāra 1. Paccayānulomavaṇṇanā

Evam anulomapaṭṭhānādīsu Tikapaṭṭhānādivasena catuvīsatisamantapaṭṭhānasamodhāne Paṭṭhānamahāpakaraṇe ye tikādayo nissāya niddiṭṭhattā etaṃ Tikapaṭṭhānaṃ Dukapaṭṭhānaṃ -pa- Dukadukapaṭṭhānanti vuttaṃ, te anāmasitvā yesaṃ paccayānaṃ vasena te tikādayo vibhattā, te paccaye eva tāva iminā mātikānikkhepapaccayavibhaṅgasāṅkhātena vārena uddesato ca niddesato ca dassetvā idāni ye tikādayo nissāya niddiṭṭhattā etaṃ Tikapaṭṭhānaṃ Dukapaṭṭhānaṃ -pa- Dukadukapaṭṭhānanti vuttaṃ,

te tikādayo imesaṃ paccayānaṃ vasena vitthāretvā dassetuṃ ekekaṃ tikadukaṃ nissāya sattahi mahāvārehi desanā katā. Tesāṃ imāni nāmāni—
Paṭiccavāro Sahajātavāro Paccayavāro Nissayavāro Saṃsaṭṭhavāro
Sampayuttavāro Pañhāvāroti.

Tattha “kusalaṃ dhammaṃ paṭicca kusalo dhammo”ti evaṃ paṭiccābhidhānavasena vutto **Paṭiccavāro** nāma. “Kusalaṃ dhammaṃ sahajāto kusalo dhammo”ti evaṃ sahajātābhidhānavasena vutto **Sahajātavāro** nāma. So purimena Paṭiccavārena atthato ninnānākaraṇo. Paṭiccābhidhānavasena bujjhanakānaṃ vasena pana paṭhamo vutto, sahajātābhidhānavasena bujjhanakānaṃ vasena dutiyo. Dvīsupi cetesu rūpārūpadhammasena paccayā ceva paccayuppannadhammā ca veditabbā. Te ca kho sahajātāva, na purejātapacchājātā labbhanti. “Kusalaṃ dhammaṃ paccayā kusalo dhammo”ti evaṃ paccayābhidhānavasena vutto pana **Paccayavāro** nāma. Sopi purimavāradvayaṃ viya rūpārūpadhammaseneva veditabbo. Paccayo panettha purejātopi labbhati. Ayamassa purimavāradvayato viseso. Tadanantaro “kusalaṃ dhammaṃ nissāya kusalo dhammo”ti evaṃ nissayābhidhānavasena vutto **Nissayavāro** nāma. So purimena Paccayavārena atthato ninnānākaraṇo. Paccayābhidhānavasena bujjhanakānaṃ vasena pana paṭhamo vutto, nissayābhidhānavasena bujjhanakānaṃ vasena dutiyo. Tato paraṃ “kusalaṃ dhammaṃ saṃsaṭṭho kusalo dhammo”ti evaṃ saṃsaṭṭhābhidhānavasena vutto **Saṃsaṭṭhavāro** nāma. “Kusalaṃ dhammaṃ sampayutto kusalo dhammo”ti evaṃ sampayuttābhidhānavasena vutto **Sampayuttavāro** nāma. So purimena Saṃsaṭṭhavārena atthato ninnānākaraṇo. Saṃsaṭṭhābhidhānavasena bujjhanakānaṃ vasena pana paṭhamo vutto, sampayuttābhidhānavasena dutiyo. Dvīsupi cetesu arūpadhammaseneva paccayā paccayuppannā ca veditabbā. Sattamavāre pana yasmā “kusalo dhammo kusalassa dhammassa hetupaccayena paccayo”ti-ādinā nayena te te pañhe uddharitvā puna “kusalā hetū sampayuttakānaṃ khandhānaṃ”ti-ādinā nayena sabbepe te pañhā nijjaṭā niggumbā ca katvā vibhattā, tasmā so vāro pañhānaṃ sādhukaṃ vibhattatā **Pañhāvārot**veva saṅkhyāṃ gato. Rūpārūpadhammaseneva panettha paccayāpi paccayuppannāpi veditabbā.

Tattha yo tāva esa sabbapaṭhamo Paṭiccavāro nāma, so uddesato niddesato ca duvidho hoti. Tattha uddesavāro paṭhamo, pucchāvārotipi vuccati. Paṇṇattivārotipi tasseva nāmaṃ. So hi kusalādayo paṭicca kusalādīnaṃ hetupaccayādīnaṃ vasena uddiṭṭhattā uddesavāro, kusalādayo paṭicca hetupaccayādivasena kusalādīnaṃ uppattiyā pucchitattā pucchāvāro, kusalādayo paṭicca hetupaccayādivasena kusalādīnaṃ uppattiyā paññāpitattā paṇṇattivārotipi vutto.

25-34. Tattha **siyā kusalaṃ dhammaṃ paṭicca kusalo dhammo uppajjeyya hetupaccayā**ti parikappapucchā. Ayañhettha attho—yo kusalo dhammo uppajjeyya hetupaccayā, kiṃ so kusalaṃ dhammaṃ paṭicca siyāti. Atha vā kusalaṃ dhammaṃ paṭicca yo kusalo dhammo uppajjeyya, so hetupaccayā siyāti ayamettha attho. Tattha **paṭī**ti sadisatthe vattati. Sadisapuggalo hi paṭipuggalo, sadisabhāgo ca paṭibhāgoti vuccati. **Iccā**ti gamanussukkavacanametam. Ubhayaṃ ekato katvā¹ **paṭiccā**ti paṭigantvā sahuppattisaṅkhātena sadisabhāvena patvā, tena saddhiṃ ekato uppattibhāvaṃ upagantvāti vuttaṃ hoti. **Kusalo dhammoti** evaṃ sahuppattibhāvena kusalaṃ dhammaṃ paṭicca kusalo dhammo uppajjeyya hetupaccayāti pucchati. Atha vā **paṭiccā**ti paccayaṃ katvā. Taṃ pana paccayakaraṇaṃ purejātepi paccaye labbhati saha-jātepi. Idha saha-jātaṃ adhippetam. **Siyā kusalaṃ dhammaṃ paṭicca akusalo**ti-ādīsipi eseva nayo. Tattha kiñcāpi saha-jātavasena kusalaṃ dhammaṃ paṭicca akusalo natthi, imasmiṃ pana pucchāvāre yampi vissajjyamānaṃ atthato labbhati, yampi na labbhati, taṃ sabbaṃ pucchāvasena uddhaṭaṃ. Parato pana vissajjane yaṃ na labbhati, taṃ pahāya, yaṃ labbhati, tadeva vissajjitaṃ.

Evamettha pucchānaṃ atthañceva pucchāgatiñca ñatvā idāni gaṇanavasena pucchāparicchedo vedītabbo. Ettha hi “kusalaṃ dhammaṃ paṭiccā”ti kusalapadaṃ ādiṃ katvā kusalāku-alābyākatantā tisso pucchā, puna tadevādiṃ katvā kusalābyākatādivasena dukappabhedantā tisso, puna tadevādiṃ katvā tikantā ca ekā, evaṃ kusalaṃ dhammaṃ paṭiccāti

1. Vatvā (Syā)

kusalādikā satta pucchā. Tathā akusalādikā, tathā abyākatādikā, tathā kusalābyākatādikā, akusalābyākatādikā, kusalākusalādikā, kusalākusalābyākatādikāti sabbāpi sattannaṃ sattakānaṃ vasena Kusallattikaṃ nissāya hetupaccaye ekūnapaññāsaṃ pucchā.

Tattha ekamūlakāvasānā nava, ekamūladukāvasānā nava, ekamūlatikāvasānā tisso, dukamūla-ekāvasānā nava, dukamūladukāvasānā nava, dukamūlatikāvasānā tisso, tikamūla-ekāvasānā tisso, tikamūladukāvasānā tisso, tikamūlatikāvasānā ekāti evametā mūlavasenāpi veditabbā. Yathā ca hetupaccaye ekūnapaññāsaṃ, ārammaṇapaccayādīsupi tathevāti sabbesupi catuvīsatiyā paccayesu—

Sahassamekañca sataṃ, chasattati punāparā.

Pucchā sampiṇḍitā honti, nayamhi ekamūlake.

35-36. Tato paraṃ **hetupaccayā ārammaṇapaccayā**ti dumūlakanayo āraddho. Tattha hetārammaṇaduko -pa- hetu-avigatadukoti hetupaccayena saddhiṃ tevīsati dukā honti. Tesu hetupaccaye viya hetārammaṇadukepi ekūnapaññāsaṃ pucchā, tāsu Pāliyaṃ dveveva dassitā. Yathā ca hetārammaṇaduke ekūnapaññāsaṃ, tathā hetādhipatidukādīsupi. Tattha paṭhamapucchāvasena hetādhipatiduko hetānantaraduko hetusamanantaradukoti paṭipāṭiyā tayo duke dassetvā pariyosāne hetu-avigataduko dassito, sesaṃ saṃkhittaṃ. Pucchāparicchedo panettha evaṃ veditabbo—

Sahassamekañca sataṃ, sattavīsatimeva ca.

Dukesu tevīsatiyā, pucchā honti dumūlake.

37. Tato paraṃ **hetupaccayā ārammaṇapaccayā adhipatipaccayā**ti timūlakanayo āraddho. Tattha hetārammaṇadukena saddhiṃ adhipatipaccayādīsū bāvīsatiyā paccayesu ekamekassa yojanāvasena bāvīsati tikā honti. Tesu paṭhamapucchāvasena paṭhamattikañca dutiyattikañca dassetvā pariyosānatiko dassito, sesaṃ saṃkhittaṃ. Yathā

pana dukesu, evaṃ tikesupi ekamekasmim tike ekūnapaññāsaṃ katvā sabbesupi bāvīsatiyā tikesu—

Sahassamekaṃ pucchānaṃ, aṭṭhasattatimeva ca.
Pucchā gaṇanato honti, nayamhi tikamūlake.

38. Tato paraṃ **hetupaccayā ārammaṇapaccayā adhipatipaccayā anantarapaccayā**ti catumūlakanayo āraddho. Tattha paṭhamattikena saddhim anantarapaccayādīsu ekavīsatiyā paccayesu ekamekassa yojanāvasena ekavīsati catukkā honti. Tesu dve catukke dassetvā sesaṃ saṃkhittaṃ. Idhāpi ekamekasmim catukke ekūnapaññāsaṃ katvā sabbesupi ekavīsatiyā catukkesu—

Sahassamekaṃ pucchānaṃ, ekūnatimsa punāparā.
Pucchā gaṇanato honti, nayamhi catumūlake.

Tato paraṃ pañcamūlakaṃ ādim katvā yāva sabbamūlakā desanā katā, taṃ sabbaṃ¹ saṅkhipitvā heṭṭhā vuttañca upari² vattabbañca ekato katvā Pāḷiyam “ekamūlakaṃ dumūlakaṃ timūlakaṃ catumūlakaṃ pañcamūlakaṃ sabbamūlakaṃ asammuyhantena vitthāretabban”ti nayo dassito. Tattha ekamūlakādīsu yaṃ vattabbaṃ, taṃ vuttameva. Pañcamūlake pana paṭhamacatukkena saddhim samanantarapaccayādīsu samavīsatiyā paccayesu ekamekassa yojanāvasena samavīsati pañcakā honti. Tesu ekamekasmim ekūnapaññāsaṃ katvā—

Satāni nava pucchānaṃ, asīti ca punāparā.
Pucchā gaṇanato honti, nayamhi pañcamūlake.

Chamūlake paṭhamapañcakena saddhim sahaajātapaccayādīsu ekūnavīsatiyā paccayesu ekamekassa yojanāvasena ekūnavīsati chakkā honti. Tesu ekamekasmim ekūnapaññāsaṃ katvā—

Satāni nava pucchānaṃ, ekatimsa tatoparā.
Pucchā gaṇanato honti, nayamhi chakkamūlake.

1. Uttari vattabbaṃ sabbaṃ (Sī, Ka)

2. Uttari (Sī, Ka)

Sattamūlake paṭhamachakkena saddhiṃ aññamaññapaccayādīsu
aṭṭhārasasu paccayesu ekamekassa yojanāvasena aṭṭhārasa sattakā honti.
Tesu ekamekasmiṃ ekūnapaññāsaṃ katvā—

Satāni aṭṭha pucchānaṃ, dvāsīti ca tatoparā.

Pucchā gaṇanato honti, nayamhi sattamūlake.

Aṭṭhamūlake paṭhamasattakena saddhiṃ nissayapaccayādīsu sattarasasu
paccayesu ekamekassa yojanāvasena sattarasa aṭṭhakā honti. Tesu
ekamekasmiṃ ekūnapaññāsaṃ katvā—

Satāni aṭṭha pucchānaṃ, tettimsā ca tatoparā.

Pucchā gaṇanato honti, nayamhi aṭṭhamūlake.

Navamūlake paṭhama-aṭṭhakena saddhiṃ upanissayapaccayādīsu
soḷasasu paccayesu ekamekassa yojanāvasena soḷasa navakā honti. Tesu
ekamekasmiṃ ekūnapaññāsaṃ katvā—

Satāni satta pucchānaṃ, caturāsīti tatoparā.

Pucchā gaṇanato honti, nayamhi navamūlake.

Dasamūlake paṭhamanavakena saddhiṃ purejātapaccayādīsu
pannarasasu paccayesu ekamekassa yojanāvasena pannarasa dasakā honti.
Tesu ekamekasmiṃ ekūnapaññāsaṃ katvā—

Satāni satta pucchānaṃ, pañcatimsa tatoparā.

Pucchā gaṇanato honti, nayamhi dasamūlake.

Ekādasamūlake paṭhamadasakena saddhiṃ pacchājātapaccayādīsu
cuddasasu paccayesu ekamekassa yojanāvasena cuddasa ekādasakā honti.
Tesu ekamekasmiṃ ekūnapaññāsaṃ katvā—

Cha satāni ca pucchānaṃ, chaḷāsīti tatoparā.

Nayamhi pucchā gaṇitā, ekādasakamūlake.

Dvādasamūlake paṭhama-ekādasakena saddhiṃ āsevanapaccayādīsu
terasasu paccayesu ekamekassa yojanāvasena terasa dvādasakā honti. Tesu
ekamekasmiṃ ekūnapaññāsaṃ katvā—

Cha satāni ca pucchānaṃ, sattatimsa tatoparā.

Pucchā gaṇanato honti, naye dvādasamūlake.

Terasamūlake paṭhamadvādasakena saddhiṃ kammaṭṭaccayādīsu
dvādasasu paccayesu ekamekassa yojanāvasena dvādasā terasakā honti.
Tesu ekamekasmim ekūnapaññāsaṃ katvā—

Satāni pañca pucchānaṃ, aṭṭhāsīti punāparā.

Pucchā gaṇanato honti, naye terasamūlake.

Cuddasamūlake paṭhamaterasakena saddhiṃ vipākaccayādīsu
ekādasasu paccayesu ekamekassa yojanāvasena ekādasā cuddasakā honti.
Tesu ekamekasmim ekūnapaññāsaṃ katvā—

Satāni pañca pucchānaṃ, timsa cātha navāparā.

Pucchā gaṇanato honti, naye cuddasamūlake.

Pannarasamūlake paṭhamacuddasakena saddhiṃ āhārapaccayādīsu
dasasu paccayesu ekamekassa yojanāvasena dasā pannarasakā honti. Tesu
ekamekasmim ekūnapaññāsaṃ katvā—

Satāni cattāri pucchānaṃ, navuti ca tatoparā.

Pucchā gaṇanato honti, naye pannarasamūlake.

Soḷasamūlake paṭhamapannarasakena saddhiṃ indriyapaccayādīsu
navasu paccayesu ekamekassa yojanāvasena nava soḷasakā honti. Tesu
ekamekasmim ekūnapaññāsaṃ katvā—

Satāni cattāri cattā-līsekā¹ ceva punāparā.

Pucchā gaṇanato honti, naye soḷasamūlake.

Sattarasamūlake paṭhamasoḷasakena saddhiṃ jhānapaccayādīsu aṭṭhasu
paccayesu ekamekassa yojanāvasena aṭṭha sattarasakā honti. Tesu
ekamekasmim ekūnapaññāsaṃ katvā—

Satāni tīni pucchānaṃ, navuti dve punāparā.

Pucchā gaṇanato honti, naye sattarasamūlake.

1. Tālīsaṃ, ekā (Syā)

Aṭṭhārasamūlake paṭhamasattarasakena saddhiṃ maggapaccayādīsu sattasu paccayesu ekamekassa yojanāvasena satta aṭṭhārasakā honti. Tesu ekamekasmim ekūnapaññāsaṃ katvā—

Satāni tīṇi pucchānaṃ, tecattārīsameva ca.

Pucchā gaṇanato honti, naye aṭṭhārasamūlake.

Ekūnavīsatiṃmūlake paṭhama-aṭṭhārasakena saddhiṃ sampayuttapaccayādīsu chasu paccayesu ekamekassa yojanāvasena cha ekūnavīsatikā honti. Tesu ekamekasmim ekūnapaññāsaṃ katvā—

Dve satā navuti ceva, catasso ca punāparā.

Pucchā gaṇanato honti, naye ekūnavīsatike¹.

Vīsatiṃmūlake paṭhama-ekūnavīsatikena saddhiṃ vippayuttapaccayādīsu pañcasu paccayesu ekamekassa yojanāvasena pañcavīsatikā honti. Tesu ekamekasmim ekūnapaññāsaṃ katvā—

Dve satā honti pucchānaṃ, cattālīsā ca pañca ca.

Pucchā gaṇanato honti, naye vīsatiṃmūlake.

Ekavīsatiṃmūlake paṭhamavīsatikena saddhiṃ atthipaccayādīsu catūsu paccayesu ekamekassa yojanāvasena cattāro ekavīsatikā honti. Tesu ekamekasmim ekūnapaññāsaṃ katvā—

Sataṃ chanavuti ceva, pucchā honti sampiṇḍitā.

Gaṇitā lakkhaṇaññūhi, ekavīsatike naye.

Dvāvīsatiṃmūlake paṭhama-ekavīsatikena saddhiṃ natthipaccayādīsu tīsu paccayesu ekamekassa yojanāvasena tayo dvāvīsatikā honti. Tesu ekamekasmim ekūnapaññāsaṃ katvā—

Cattālīsādhikaṃ sataṃ, satta ceva punāparā.

Pucchā gaṇanato honti, naye dvāvīsatiṃmūlake.

1. Ekūnavīsake (Syā)

Tevīsatiṃmūlake paṭhamadvāvīsatikena saddhiṃ dvīsu
vigatāvīgatapaccayesu ekamekassa yojanāvasena dve tevīsatikā honti. Tesu
ekamekasmim ekūnapaññāsāṃ katvā—

Aṭṭhanavutimevidha, pucchā gaṇanato matā.

Nayamhi tevīsatime, tevīsatikamūlake.

Catuvīsatiṃmūlako pana sabbapaccayānaṃ samodhānavasena veditabbo,
teneva sabbamūlakoti vutto. Tattha ekūnapaññāsameva pucchā hontīti
sabbāpetā hetupaccayapadameva gahetvā ekamūlakādīnaṃ
sabbamūlakapariyosānānaṃ vasena Satthārā devaparisiṭṭi vitthārato vibhattā
pucchā idha saṅkhepena dassitā.

Tāsāṃ pana sabbosampi ayaṃ gaṇanapiṇḍo—ekamūlakanayasmimhi
ekādasa satāni chasattati ca pucchā āgatā. Hetupaccayanaye teneva
mūlakena ekūnapaññāsāṃ katvā imasmim hetupaccayamūlake gahetabbā,
sesā sesapaccayamūlakesu pakkipitabbā. Dumūlake sattavīsāni ekādasa
satāni, timūlake saḥassāṃ aṭṭhasattati ca, catumūlake saḥassāṃ
ekūnatimsāna, pañcamūlake asītādhikāni nava satāni, chamūlake
ekatimsāni nava satāni, sattamūlake dvāsītāni aṭṭha satāni, aṭṭhamūlake
tettimsāni aṭṭha satāni, navamūlake caturāsītāni satta satāni, dasamūlake
pañcatimsāni satta satāni, ekādasamūlake chāsītāni cha satāni,
dvādasamūlake sattatimsāni cha satāni, terasamūlake aṭṭhāsītāni pañca
satāni, cuddasamūlake ekūnacattālīsāni pañca satāni, pannarasamūlake
navutāni cattāri satāni, soḷasamūlake ekacattālīsāni cattāri satāni,
sattarasamūlake dvānavutāni tīṇi satāni, aṭṭhārasamūlake tecattālīsāni tīṇi
satāni, ekūnavīsatiṃmūlake catunavutāni dve satāni, vīsatiṃmūlake
pañcacattālīsāni dve satāni, ekavīsatiṃmūlake chanavutisatāṃ,
dvāvīsatiṃmūlake sattacattālīsasatāṃ, tevīsatiṃmūlake aṭṭhanavuti,
sabbamūlake ekūnapaññāsāti evaṃ hetupadaṃ ādīm katvā vibhatesu
ekamūlakādīsū—

Cuddaseva saḥassāni, puna satta satāni ca.

Pucchā hetupadasseva, ekamūlādibhedatoti.

39-40. Evaṃ hetupaccayaṃ ādim katvā ekamūlakato paṭṭhāya yāva sabbamūlakanayā pucchābhedaṃ dassetvā idāni ārammaṇapaccayaṃ ādim katvā dassetuṃ **siyā kusalaṃ dhammaṃ paṭicca kusalo dhammo uppajjeyya ārammaṇapaccayā hetupaccayā**ti-ādimāha. Tattha **ārammaṇapaccayā hetupaccayā**ti ettāvata ārammaṇapaccayaṃ ādim katvā hetupaccayapariyosāno ekamūlakanayo dassito. Tato paraṃ **ārammaṇapaccayā adhipatipaccayā**ti dukamūlakaṃ āraddhaṃ. Tattha imaṃ paṭhamadukañceva ārammaṇāvigatadukañca dassetvā sesaṃ saṃkhittaṃ. **Ārammaṇapaccayā hetupaccayā**ti ayaṃ osānadukopi na dassito. Sace pana katthaci vācanāmagge sandissati, sveva vācanāmaggo gahetabbo. Tato paraṃ ārammaṇapaccayavasena tikamūlakādayo adassetvāva adhipatipaccayaṃ ādim katvā ekakādayo dassetuṃ **adhipatipaccayā anantarapaccayā samanantarapaccayā sahajātapaccayā aññaṃaññaṇapaccayā**ti ettakameva vuttaṃ, taṃ ekamūlakavasena vā sabbamūlakavasena vā veditabbaṃ.

41. Tato paraṃ avigatapaccayaṃ ādim katvā dumūlakameva dassetuṃ **avigatapaccayā hetupaccayā**ti-ādi āraddhaṃ. Tattha avigatahetuduko avigatārammaṇaduko avigatādhipatidukoti paṭipāṭiyā tayo duke vatvā pariyosāne ca avigatavigataduko eko duko dassito. Tato avigatapaccayavaseneva timūlakaṃ dassetuṃ “avigatapaccayā hetupaccayā ārammaṇapaccayā, avigatapaccayā hetupaccayā adhipatipaccayā, avigatapaccayā hetupaccayā anantarapaccayā”ti evaṃ paṭipāṭiyā tayo tike vatvā “avigatapaccayā hetupaccayā vigatapaccayā”ti pariyosānattiko vutto. Tato avigatapaccayavaseneva catumūlakaṃ dassetuṃ “avigatapaccayā hetupaccayā ārammaṇapaccayā adhipatipaccayā, avigatapaccayā hetupaccayā ārammaṇapaccayā anantarapaccayā”ti dve catukke vatvā “vigatapaccayā”ti padaṃ uddharitvā ṭhapitaṃ, sesaṃ sabbaṃ saṃkhittaṃ. Tassa saṃkhittabhāvaṃ dassetuṃ “ekekassa padassa ekamūlakaṃ dumūlakaṃ timūlakaṃ sabbamūlakaṃ asammuyhantena vitthāretabbaṃ”ti vuttaṃ. Tasmā yathā hetupaccayaṃ ādim katvā hetu-ādipadavasena ekamūlake ekādasa pucchāsātāni chasattati ca pucchā -pa- sabbamūlake ekūnapaññasaṃ, evaṃ ārammaṇapaccayādisupi ekamekaṃ ādim katvā ārammaṇādipadavasena

ekamekassa padassa ekamūlake ekādasa pucchāsātāni chasattati ca pucchā
-pa- sabbamūlake ekūnapaññāsāti ekekassa padassa ekamūlakādibhede
sattasatādhikāni cuddasa pucchāsahassāni honti. Tāsāṃ sabbesupi
catuvīsatiyā paccayesu ayaṃ gaṇanaparicchedo—

Dvāpaññāsasahassāna-ṭṭhasātāni tīṇi satasahassāni.
Kusalattikassa pucchā, anulomanayamhi suvibhattā.

Yathā ca Kusalattikassa, evaṃ Vedanāttikādīnampīti sabbesupi
bāvīsatiyā tikesu.

Ekasaṭṭhisahassāni, cha satāni satta sattati.
Satasahassāni pucchānaṃ, tikabhede pabhedato.

Sāṃkhittā vācanāmagge.

Dukesu pana “siyā hetuṃ dhammaṃ paṭicca hetudhammo uppajjeyya
hetupaccayā”ti evaṃ hetuṃ paṭicca hetu, hetuṃ paṭicca nahetu, hetuṃ
paṭicca hetu ca nahetu ca, nahetuṃ paṭicca nahetu, nahetuṃ paṭicca hetu,
nahetuṃ paṭicca hetu ca nahetu ca, hetuñca nahetuñca paṭicca hetu, hetuñca
nahetuñca paṭicca nahetu, hetuñca nahetuñca paṭicca hetu ca nahetu cāti
ekamekasmim̐ duke hetupaccayādīsu ekamekasmim̐ paccaye nava pucchā
honti. Tāsu hetupaccayaṃ ādim̐ katvā ekamūlake dvesatāni soḷasa ca pucchā
honti. Tāsu hetupaccayasseva aññena asammissā nava pucchā gahetabbā,
sesā aṭṭha vārena gahitā¹.

Tāsāṃ dukamūlakādīsu tevīsatiyā vāresu ekekaṃ navakaṃ apanetvā
yāva sabbamūlakā ayaṃ gaṇanaparicchedo—dukamūlake tāva ekamūlake
dassitesu dvīsu soḷasādhikesu pucchāsatesu nava apanetvā dvesatāni satta ca
pucchā honti, tato nava apanetvā timūlake aṭṭhanavutisatāṃ. Evaṃ
purimapurimato nava nava apanetvā catumūlake ekūnanavutisatāṃ,
pañcamūlake asītisatāṃ, chamūlake ekasattatisatāṃ, sattamūlake
dvāsaṭṭhisatāṃ, aṭṭhamūlake tepaññāsasatāṃ,

1. Atthavārena gahitā (Syā)

navamūlake catucattālīsasataṃ, dasamūlake pañcatimsasataṃ, ekādasamūlake chabbīsasataṃ, dvādasamūlake sattarasādhikasataṃ, terasamūlake aṭṭhādhikasataṃ, cuddasamūlake navanavuti, pannarasamūlake navuti, soḷasamūlake ekāsīti, sattarasamūlake dvāsattati, aṭṭhārasamūlake tesatṭhi, ekūnavīsatiṃmūlake catupaññāsam, vīsatiṃmūlake pañcacattālīsam, ekavīsatiṃmūlake chattimsam, dvāvīsatiṃmūlake sattavīsa, tevīsatiṃmūlake aṭṭhārasa, sabbamūlake navāti. Yathā panetāni hetupaccayavasena ekamūlake soḷasādhikāni dve pucchāsātāni -pa- sabbamūlake nava, evaṃ ārammaṇapaccayādīsipi ekamekaṃ ādiṃ katvā ārammaṇādīpadavasena ekekassa padassa ekamūlake soḷasādhikāni dve pucchāsātāni -pa- sabbamūlake navāti ekekassa padassa ekamūlakādībhede dve pucchāsahassāni sattasātāni ca pucchā honti. Tāsam sabbesupi catuvīsatiyā paccayesu ayaṃ gaṇanaparicchedo—

Catusatṭhisahassāni, puna aṭṭhasātāni ca.

Pucchā hetudukasseva, anulomanaye matā.

Yathā ca hetudukassa, evaṃ sahetukadukādīnampīti sabbasmimpi dukasate—

Satṭhi satahassāni, cattāri ca tatoparaṃ.

Asīti ca sahasāni, pucchā dukasate vidū.

Ayaṃ tāva suddhike Tikapaṭṭhāne ceva Dukapaṭṭhāne ca pucchānaṃ gaṇanaparicchedo.

Yaṃ pana tato paraṃ dvāvīsati tike gahetvā dukasate pakkhipitvā **Dukatikapatṭhānaṃ** nāma desitaṃ, tathā “siyā hetuṃ kusalaṃ dhammaṃ paṭicca hetu kusalo dhammo uppajjeyya hetupaccayā”ti evaṃ dvāvīsatiyā tikesu ekekaṃ tikaṃ dukānaṃ satena satena saddhiṃ yojetvā dassetabbānaṃ pucchānaṃ heṭṭhā vuttanayena sabbesaṃ ekamūlakādīnaṃ vasena gahetvā paricchedo veditabbo.

Yampi tato paraṃ dukasataṃ gahetvā dvāvīsatiyā tikesu pakkhipitvā **Tikadukapatṭhānaṃ** nāma desitaṃ, tathāpi “siyā kusalaṃ hetuṃ dhammaṃ paṭicca kusalo hetudhammo uppajjeyya hetupaccayā”ti evaṃ dukasate

ekekaṃ dukkaṃ dvāvīsatiyā tikehi saddhiṃ yojetvā dassetabbānaṃ pucchānaṃ heṭṭhā vuttanayena sabbesaṃ ekamūlakādīnaṃ vasena gaḥetvā¹ paricchedo veditabbo.

Yampi tato paraṃ tike tikesuyeva pakkhipitvā **Tikatikapattḥānaṃ** nāma desitaṃ, tatthāpi “siyā kusalaṃ sukhāya vedanāya sampayuttaṃ dhammaṃ paṭicca kusalo sukhāya vedanāya sampayutto dhammo uppajjeyya hetupaccayā”ti evaṃ dvāvīsatiyā tikesu ekekaṃ tikaṃ sesehi ekavīsatiyā tikehi saddhiṃ yojetvā dassetabbānaṃ pucchānaṃ heṭṭhā vuttanayena sabbesaṃ ekamūlakādīnaṃ vasena gaḥetvā paricchedo veditabbo.

Yampi tato paraṃ duke dukesuyeva pakkhipitvā **Dukadukapattḥānaṃ** nāma desitaṃ, tatthāpi “siyā hetuṃ sahetukaṃ dhammaṃ paṭicca hetu sahetuko dhammo uppajjeyya hetupaccayā”ti evaṃ dukasate ekekaṃ dukkaṃ sesehi navanavutiyā dukehi saddhiṃ yojetvā dassetabbānaṃ pucchānaṃ heṭṭhā vuttanayena sabbesaṃ ekamūlakādīnaṃ vasena gaḥetvā paricchedo veditabbo. Tathāgatena hi sabbampetaṃ pabhedaṃ dassetvāva devaparisāya dhammo desito, Dhammasenāpatissa pana tena ajja idañcidañca desitanti saṅkhipitvā nayadassanamatteneva desanā akkhātā. Therenāpi saṅkhipitvāva vācanāmaggo pavattito, so therena pavattitanayeneva saṅgītikāle saṅghaṃ āropito.

Taṃ panassa saṅkhepanayaṃ dassetuṃ **tikañca Patḥānavaranti** ayaṃ gāthā ṭhapitā. Tassattho—**tikañca Patḥānavaranti** pavaraṃ Tikapattḥānañca. **Dukuttamanti** uttamaṃ seṭṭhaṃ Dukapattḥānañca. **Dukatikañcevāti** Dukatikapattḥānañca. **Tikadukañcāti** Tikadukapattḥānañca. **Tikatikañcevāti** Tikatikapattḥānañca. **Dukadukañcāti** Dukadukapattḥānañca. **Cha anulomamhi nayā sugambhīrāti** ete Tikapattḥānādayo suṭṭhu gambhīrā cha nayā anulomamhi veditabbāti. Tattha dve anulomāni Dhammānulomañca Paccayānulomañca. Tattha “kusalaṃ dhammaṃ paṭicca kusalo dhammo”ti evaṃ abhidhammamātikāpadehi saṅgahitānaṃ

1. Gaḥetvā (Syā)

dhammānaṃ anulomadesanāvasena pavattaṃ **Dhammānulomaṃ** nāma. “Hetupaccayā ārammaṇapaccayā”ti evaṃ catuvīsatiyā paccayānaṃ anulomadesanāvasena pavattaṃ **Paccayānulomaṃ** nāma.

Tattha heṭṭhā Aṭṭhakathāyaṃ “tikañca Paṭṭhānavaraṃ -pa- cha anulomamhi nayā sugambhīrā”ti ayaṃ gāthā Dhammānulomaṃ sandhāya vuttā. Idha pana ayaṃ gāthā tasmim̄ Dhammānulome Paccayānulomaṃ sandhāya vuttā. Tasmā “cha anulomamhi nayā sugambhīrā”ti Aṭṭhakathāgāthāya Dhammānulome Tikapaṭṭhānādayo cha nayā sugambhīrāti evamattho veditabbo. Imasmim̄ panokāse “hetupaccayā ārammaṇapaccayā”ti evaṃ pavatte Paccayānulome ete Dhammānulome Tikapaṭṭhānādayo “cha nayā sugambhīrā”ti-evamattho veditabbo. Tesu anulome Tikapaṭṭhāne Kusalattikamattasseva vasena ayaṃ imasmim̄ Paṭṭicavārassa Paṇṇattivāre saṃkhipitvā pucchāpabhedo dassito. Sesesu pana tikesu¹ sesapaṭṭhānesu ca ekāpi pucchā na dassitā. Tato paresu pana Sahajātavārādīsu Kusalattikassāpi vasena pucchāṃ anuddharitvā labbhamānakavasena vissajjanameva dassitaṃ, “cha anulomamhi nayā sugambhīrā”ti vacanato pana imasmim̄ Paccayānulome chapi ete paṭṭhānanayā pucchāvasena uddharitvā dassetabbā. Paṭṭhānaṃ vaṇṇayantānañhi ācariyānaṃ bhāro esoti.

Pucchāvāra 2. Paccayapaccanīyavaṇṇanā

42-44. Idāni paccanīyaṃ hoti, taṃ dassetuṃ **siyā kusalaṃ dhammaṃ paṭicca kusalo dhammo uppajjeyya na hetupaccayāti**-ādi āraddhaṃ. Tattha anulomapucchāhi samappamaṇova pucchāparicchedo. Tenevettha “yathā anulome hetupaccayo vitthārito, evaṃ paccanīyepi nahetupaccayo vitthāretabbo”ti vatvā puna pariyosāne “yathā anulome ekekassa padassa ekamūlakaṃ dumūlakaṃ timūlakaṃ catumūlakaṃ yāva tevīsati-mūlakaṃ, evaṃ paccanīyepi vitthāretabban”ti vuttam̄. **Tevīsati-mūlakanti** idañcetha dumūlakaṃyeva sandhāya vuttam̄. Pariyosāne pana sabbamūlakaṃ catuvīsati-mūlakampi hotiyeva. Taṃ sabbam̄ saṃkhittamevāti.

1. Tikadukesu (Syā)

Tikañca Paṭṭhānavaraṃ -pa- cha paccanīyamhi nayā sugambhīrāti etthāpi dve paccanīyāni Dhammapaccanīyañca Paccayapaccanīyañca. Tattha “kusalā dhammā”ti evaṃ abhidhammamātikāpadehi saṅgahitānaṃ dhammānaṃ “na kusalaṃ dhammaṃ paṭicca na kusalo dhammo”ti paccanīyadesanāvasena pavattaṃ **Dhammapaccanīyaṃ** nāma. “Nahetupaccayā nārammaṇapaccayā”ti evaṃ catuvīsatiyā paccayānaṃ paccanīyadesanāvasena pavattaṃ **Paccayapaccanīyaṃ** nāma. Tattha heṭṭhā Aṭṭhakathāyaṃ “tikañca Paṭṭhānavaraṃ -pa- cha paccanīyamhi nayā sugambhīrā”ti ayaṃ gāthā Dhammapaccanīyaṃ sandhāya vuttā, idha pana ayaṃ gāthā Dhammānulomeyeva Paccayapaccanīyaṃ sandhāya vuttā. Tasmā “cha paccanīyamhi nayā sugambhīrā”ti Aṭṭhakathāgāthāya Dhammapaccanīye Tikapaṭṭhānādayo cha nayā sugambhīrāti evamattho vedītabbo. Imasmiṃ panokāse nahetupaccayā nārammaṇapaccayāti evaṃ pavatte Paccayapaccanīye ete Dhammānulomeyeva Tikapaṭṭhānādayo cha nayā sugambhīrāti evamattho vedītabbo.

Tesu anulomatikaṭṭhāneyeva Kusalattikamattassa vasena ayaṃ imasmiṃ Paṭiccavārassa Paṇṇattivāre saṅkhipitvā pucchāpabhedo dassito, sesesu pana tikesu sesapaṭṭhānesu ca ekāpi pucchā na dassitā. Tato paresu pana Sahajātavārādīsu Kusalattikassapi vasena pucchānaṃ anuddharitvā labbhamānakavasena vissajjanameva dassitaṃ. “Cha paccanīyamhi nayā sugambhīrā”ti vacanato pana imasmiṃ Paccayapaccanīye chapi ete paṭṭhānanayā pucchāvasena uddharitvā dassetabbā. Paṭṭhānaṃ vaṇṇayantānañhi ācariyānaṃ bhāro esoti.

Pucchāvāra 3. Anulomapaccanīyavaṇṇanā

45-48. Idāni anulomapaccanīyaṃ hoti, taṃ dassetuṃ **siyā kusalaṃ dhammaṃ paṭicca kusalo dhammo uppajjeyya hetupaccayā nārammaṇapaccayāti**-ādi āraddhaṃ. Tattha “hetupaccayā nārammaṇapaccayā -pa- hetupaccayā na-avigatapaccayā”ti hetupadassa sesesu tevīsatiyā paccayesu ekekena saddhiṃ yojanāvasena hetupadādike ekamūlake tevīsati anulomapaccanīyāni. Tesu ekekasmim ekūnapaññāsaṃ katvā sattavīsādhikāni ekādasa pucchāsātāni honti. Dumūlake pana hetārammaṇapadānaṃ sesesu dvāvīsatiyā paccayesu ekekena

saddhiṃ yojanāvasena dvāvīsati anulomapaccanīyānīti evaṃ anulome vuttesu sabbesu ekamūlakādīsu ekekaṃ padaṃ parihāpetvā avasesānaṃ vasena pucchāgaṇaṇā veditabbā. Ekamūlakādīsu cettha yā pucchā Pāliyaṃ āgatā, yā ca na āgatā, tā sabbā heṭṭhā vuttanayānusārenea veditabbā.

Tikañca Paṭṭhānavaraṃ -pa- cha anulomapaccanīyamhi nayā sugambhīrāti ettha pana heṭṭhā vuttanayeneva dve anulomapaccanīyāni Dhammānulomapaccanīyaṃ Paccayānulomapaccanīyañca. Tattha “kusalā dhammā”ti evaṃ abhidhammamātikāpadehi saṅgahitānaṃ dhammānaṃ “kusalaṃ dhammaṃ paṭicca na kusalo dhammo”ti anulomapaccanīyadesanāvasena pavattaṃ **Dhammānulomapaccanīyaṃ** nāma. “Hetupaccayā na-ārammaṇapaccayā”ti evaṃ catuvīsatiyā paccayesu labbhamānapadānaṃ anulomapaccanīyadesanāvasena pavattaṃ **Paccayānulomapaccanīyaṃ** nāma. Tattha heṭṭhā Aṭṭhakathāyaṃ “tikañca Paṭṭhānavaraṃ -pa- cha anulomapaccanīyamhi nayā sugambhīrāti”ti ayaṃ gāthā Dhammānulomapaccanīyaṃ sandhāya vuttā, idha pana ayaṃ gāthā Dhammānulomeyeva Paccayānulomapaccanīyaṃ sandhāya vuttā. Tasmā “cha anulomapaccanīyamhi nayā sugambhīrāti”ti Aṭṭhakathāgāthāya Dhammānulomapaccanīye Tikapaṭṭhānādayo cha nayā sugambhīrāti evamattho veditabbo. Imasmiṃ panokāse hetupaccayā nārammaṇapaccayāti evaṃ pavatte Paccayānulomapaccanīye ete Dhammānulomeyeva Tikapaṭṭhānādayo cha nayā sugambhīrāti evamattho veditabbo.

Tesu Anulome Tikapaṭṭhāneyeva Kusalattikamattassa vasena ayaṃ imasmiṃ Paṭiccavārassa Paṇṇattivāre saṅkhipitvā pucchāpabhedo dassito, sesesu pana tikesu sesapaṭṭhānesu ca ekāpi pucchā na dassitā. Tato paresu pana Sahajātavārādīsu Kusalattikassāpi vasena pucchāṃ anuddharitvā labbhamānakavasena vissajjanameva dassitaṃ. “Cha anulomapaccanīyamhi nayā sugambhīrāti”ti vacanato pana imasmiṃ Paccayānulomapaccanīye chapi ete paṭṭhānanayā pucchāvasena uddharitvā dassetabbā. Paṭṭhānaṃ vaṇṇayantānañhi ācariyānaṃ bhāro esoti.

Pucchāvāra 4. Paccanīyānulomavaṇṇanā

49-52. Idāni Paccanīyānulomaṃ hoti, taṃ dassetuṃ siyā kusalam dhammaṃ paṭicca kusalo dhammo uppajjeyya nahetupaccayā ārammaṇapaccayāti-ādi āraddhaṃ. Tattha anulomapaccanīyapucchāhi samappamaṇo eva pucchāparicchedo. Ekamūlakādīsu cettha yā pucchā Pāḷiyāṃ āgatā, yā ca na āgatā, tā sabbā heṭṭhā vuttanayānusāreṇeva veditabbā.

Tikañca Paṭṭhānavaraṃ -pa- cha Paccanīyānulomamhi nayā sugambhīrāti etthāpi heṭṭhā vuttanayeneva dve Paccayānulomāni Dhammapaccanīyānulomaṃ Paccayapaccanīyānulomañca. Tattha “kusala dhammā”ti evaṃ abhidhammamātikāpadehi saṅgahitānaṃ dhammaṇaṃ “nakusalaṃ dhammaṃ paṭicca kusalo dhammo”ti Paccanīyānulomadesanāvasena pavattaṃ **Dhammapaccanīyānulomaṃ** nāma. “Nahetupaccayā ārammaṇapaccayā”ti evaṃ catuvīsatiyā paccayesu labbhamānapadānaṃ Paccayapaccanīyānulomadesanāvasena pavattaṃ **Paccayapaccanīyānulomaṃ** nāma. Tattha heṭṭhā Aṭṭhakathāyaṃ “tikañca Paṭṭhānavaraṃ -pa- cha Paccanīyānulomamhi nayā sugambhīrā”ti ayaṃ gāthā Dhammapaccanīyānulomaṃ sandhāya vuttā, idha pana ayaṃ gāthā Dhammānulomeyeva Paccayapaccanīyānulomaṃ sandhāya vuttā. Tasmā “cha Paccanīyānulomamhi nayā sugambhīrā”ti Aṭṭhakathāya Dhammapaccanīyānulome Tikapaṭṭhānādayo cha nayā sugambhīrāti evamattho veditabbo. Imasmim̐ panokāse nahetupaccayā ārammaṇapaccayāti evaṃ pavatte Paccayapaccanīyānulome ete Dhammānulomeyeva Tikapaṭṭhānādayo cha nayā sugambhīrāti evamattho veditabbo.

Tesu anulomatikaṭṭhāneyeva Kusalattikamattassapi vasena ayaṃ imasmim̐ Paṭiccavārassa Paṇṇattivāre saṅkhipitvā pucchāpabhedo dassito, sesesu pana tikesu sesapaṭṭhānesu ca ekāpi pucchā na dassitā. Tato paresu pana Sahajātavārādīsu Kusalattikassapi vasena pucchāṃ anuddharitvā labbhamānakavasena vissajjanaṃ eva dassitaṃ. “Cha Paccanīyānulomamhi nayā sugambhīrā”ti vacanato pana imasmim̐ Paccayapaccanīyānulome chapi ete paṭṭhānanayā pucchāvasena uddharitvā dassetabbā. Paṭṭhānaṃ vaṇṇayantānañhi ācariyānaṃ bhāro esoti.

Pucchāvāravaṇṇanā niṭṭhitā.

1. Kusalattika 1. Paṭiccavāraṇṇanā

1. Paccayānuloma 1. Vibhaṅgavāra

53. Idāni yā etā Paṇṇattivāre Kusalattikaṃ nissāya hetupaccayādivasena ekūnapaññāsaṃ ādim katvā nayamattaṃ dassentena aparimāṇā pucchā dassitā, tattha kusalākusalādīnaṃ sahuppattiyā abhāvato yā pucchā “kusalaṃ dhammaṃ paṭicca akusalo dhammo uppajjati hetupaccayā”ti evaṃ vissajjanaṃ na labhanti, tā pahāya yā vissajjanaṃ labhanti, tāyeva vissajjetuṃ ayaṃ **kusalaṃ dhammaṃ paṭicca kusalo dhammo uppajjati hetupaccayā**ti-ādīnā nayena Paṭiccavārassa niddesavāro āraddho.

Tattha siyā—sace imā hetupaccayādivasena ekūnapaññāsaṃ pucchā sabbaso vissajjanaṃ na labhanti, atha kasmā dassitā. Nanu yā labhanti, tāyeva dassetabbāti. Āma dassetabbā siyuṃ, tathā dassiyamānā pana sabbesu Tikadukapaṭṭhānādīsu ekekasmim tike duke dukatike tikaduke tikatike dukaduke ca saṅkhepaṃ akatvā dassetabbāyeva bhaveyyuṃ. Kasmā? Yasmā yā Kusalattike labhanti, na tāyeva Vedanāttikādīsu. Dhammānulomapaccanīye ca Tikapaṭṭhāne Vitakkattikapīttikānaṃ vissajjane sabbāpetā vissajjanaṃ labhanti, tasmā ukkaṭṭhaparicchena ekekasmim tike yattakāhi pucchāhi bhavitabbaṃ, sabbā Kusalattike dassitā. Evaṃ dassitāsu hi yā tattha vissajjanaṃ na labhanti, tā pahāya, yā labhanti, tā vuccamānā sakkā sukhena vijānitunti sukhena vijānanatthaṃ sabbāpi Kusalattike dassitā. Yā panettha vissajjanaṃ na labhanti, tā pahāya, yā labhanti, tāyeva vissajjitāti veditabbā.

Tattha **kusalaṃ dhammaṃ paṭiccā**ti catubhūmakakusaladhammesu vedanākkhandhādibhedaṃ ekaṃ dhammaṃ paṭicca paṭigantvā sahuppattisaṅkhātena sadisabhāvena patvā, tena saddhim ekato uppattibhāvaṃ¹ upagantvāti attho. **Kusalo dhammoti** catubhūmakakusaladhammesuyeva saññākkhandhādibhedo eko dhammo. **Uppajjatī**ti uppādato yāva nirodhagamanā uddham pajjati, nibbattaṭīpi

1. Pavattibhāvaṃ (Sī, Ka)

attho. Attānaṃ labhati, uppādādayo tayopi khaṇe pāpuṇātīti vuttaṃ hoti. **Hetupaccayā**ti kusalahetunā hetupaccayabhāvaṃ sādhetena.

Evam “uppajjeyyā”ti pucchāya “uppajjati”ti vissajjanaṃ vatvā idāni yaṃ dhammaṃ paṭicca yo dhammo uppajjati, taṃ dhammaṃ khandhavasena dassetuṃ **kusalaṃ ekaṃ khandhanti**-ādīmāha. Tatha **ekanti** vedanādīsu catūsu yaṃkiñci ekaṃ. **Tayo khandhāti** yo yo paccayabhāvena gahito, taṃ taṃ ṭhapetvā avasesā tayo khandhā. **Tayo khandheti** vedanādīsu yo eko khandho uppajjati gahito, taṃ ṭhapetvā sese tayo. **Dve khandheti** vedanāsaññādukādīsu chasu dukesu yekeci dve khandhe paṭicca. **Dve khandhāti** ye ye paccayabhāvena gahitā, te te ṭhapetvā avasesā dve khandhā kusalahetunā hetupaccayabhāvaṃ sādhetena uppajjantīti attho.

Yasmā pana eko khandho ekasseva dvinnāmyeva vā, dve vā pana ekasseva paccayo nāma natthi, tasmā “ekaṃ khandhaṃ paṭicca eko khandho, ekaṃ khandhaṃ paṭicca dve khandhā, dve khandhe paṭicca eko khandho”ti na vuttaṃ. **Kusalaṃ dhammaṃ paṭicca abyākato dhammo uppajjati**-ādīsipi vuttanayeneva attho veditabbo. **Cittasamuṭṭhānaṃ rūpanti** idaṃ paṭiccattassa sahaṇātatthattā yaṃ kusaleṇa sahaṇātañceva hetupaccayañca labhati, taṃ dassetuṃ vuttaṃ. Paratopi evarūpesu ṭhānesu ayameva nayo.

Vipākābyākataṃ kiriyaḃyākatanti ettha hetupaccayābhāvato ahetukaṃ, rūpeṇa saddhiṃ anuppattito āruppavipākāñca na gahetabbaṃ. **Paṭisandhikkhaṇeti** kaṭattārūpasāṅkhātassa abyākatassa abyākataṃ paṭicca uppattidassanatthaṃ vuttaṃ. **Vipākābyākataṃ** tasmim khaṇe vijjamānabyākatavasena vuttaṃ. ¹**Khandhe paṭicca vatthu, vatthum paṭiccakhandhāti** idaṃ kaṭattārūppaggahaṇeṇa vatthumhi gahitepi vatthum paṭicca khandhānaṃ uppattidassanatthaṃ vuttaṃ¹.

Ekaṃ mahābhūtaṃ-ādi rūpābyākataṃ paṭicca rūpābyākatassa uppattidassanatthaṃ vuttaṃ. **Ekaṃ khandhanti**-ādīsu vuttanayeneva panettha atthayojanā veditabbā. Evam rūpābyākatamhi bhūte paṭicca bhūtānaṃ uppattim vatvā idāni

1-1. Khandhe paṭicca vatthuntī idaṃ kaṭattārūppaggahaṇeṇa vatthumhi gahitepi khandhe paṭicca vatthuno uppattidassanatthaṃ vuttaṃ. Vatthum paṭicca khandhāti vatthum paṭicca khandhānaṃ uppattidassanatthaṃ vuttaṃ (Syā)

bhūte paṭicca upādārūpānaṃ uppattiṃ dassetuṃ **mahābhūte paṭicca cittasamuṭṭhānanti**-ādi vuttaṃ. Evaṃ sante upādārūpanti ettakameva vattabbaṃ, itaradvayaṃ kasmā vuttanti?. Mahābhūtepi paṭicca uppattidassanattamā. Yañhi heṭṭhā “cittasamuṭṭhānaṃ rūpaṃ kaṭattā ca rūpaṃ”ti dassitaṃ, taṃ na kevalaṃ khandheya ca paṭicca uppajjati, mahābhūtepi pana paṭicca uppajjatiṃ dassanattamidaṃ vuttanti vedittabbaṃ. Tattha cittasamuṭṭhānaṃ pavatteya, kaṭattārūpaṃ paṭisandhiyampi. **Upādārūpanti** tasseva ubhayassa viśesaṇaṃ.

Kusale khandhe ca mahābhūte ca paṭiccāti ettha cittasamuṭṭhānāva mahābhūtā gahitā. **Cittasamuṭṭhānaṃ rūpanti** ettha pana bhūtarūpampi upādārūpampi gahitaṃ. “Ekaṃ mahābhūtaṃ paṭicca tayo mahābhūtā”ti-ādinā nayena hi bhūtarūpampi khandhe ca mahābhūte ca paṭicca uppajjati. **Mahābhūte paṭicca upādārūpanti** vuttanayena upādārūpampi. **Akusalaṅca abyākataṅcā**ti pañhāvissajjanesupi eśeva nayo. Evaṃ hetupaccaye nava pucchā viśajjitā. Etāyeva hi ettha labbhanti, sesā cattālisa moghapucchāti na viśajjitā. Iminā upāyena ārammaṇapaccayādīsupi pucchāvissajjanānaṃ attho vedittabbo. Tattha tattha pana vicāretabbayuttakameva vicārayissāma.

54. Ārammaṇapaccaye tāva rūpassa ārammaṇapaccayavasena anuppattito tāsu navasu rūpamiśakā pahāya tiśsova pucchā viśajjitā. Teneva ca kāraṇena “vatthuṃ paṭicca khandhā”ti vatvā “khandhe paṭicca vatthū”ti na vuttaṃ. Na hi taṃ ārammaṇapaccayena uppajjati.

55. Adhipatipaccaye **vipākābyākatanti** lokuttarameva sandhāya vuttaṃ. Tenevettha “paṭisandhikkhaṇe”ti na gahitaṃ. Sesāṃ hetupaccayasadisameva.

56. Anantarasamanantaresupi rūpaṃ na labbhatīti ārammaṇapaccaye viya tiśsova pucchā.

57. Sahajātapaccaye **paṭisandhikkhaṇeti** pañcavokāre paṭisandhivasena vuttaṃ. Heṭṭhā pana paccayavibhaṅge “okkantikkhaṇe”ti āgataṃ. Tampi iminā saddhiṃ atthato ekaṃ, byañjanamattameva hettha nānanti. Apica “tiṇṇaṃ sannipātā

gabbhassa avakkanti hotī”ti¹ vacanato **okkantīti**
 pañcavokārapaṭisandhiyāvetam nāmaṃ. **Paṭisandhīti**
 sabbabhavasādhāraṇaṃ, idha pana “kaṭattā ca rūpan”ti-ādivacanato
 pañcavokārapaṭisandhiyeva adhippetā. Sā hi rūpassapi arūpassapi
 paccayabhāvañceva paccayuppannabhāvañca saṅgaṇhāti, tasmā
 paripuṇṇavissajjanā hotīti gahitā. **Bāhiraṃ ekaṃ mahābhūtaṃ**
 anindriyabaddhesu pathavīpāsāṇādīsu mahābhūtaṃ sandhāya vuttaṃ.
 Paccayavibhaṅgavārasmiñhi cattāro mahābhūtāti ajjhattikañca bāhirañca
 ekato katvā gahitaṃ. Saṅkhepadesanā hi sā. Ayaṃ pana vitthāradesanā,
 tasmā sabbam vibhajitvā dassento “bāhiraṃ ekaṃ mahābhūtan”ti-ādimāha.
Asaññasattānaṃ ekaṃ mahābhūtaṃ paṭiccāti
 dvisantatisamuṭṭhānabhūtavasena vuttaṃ. **Mahābhūte paṭicca kaṭattārūpanti**
 idaṃ pana kammasamuṭṭhānavaseneva vuttaṃ. **Upādārūpanti**
 utusamuṭṭhānavaseneva.

58. Aññamaññapaccaye **khandhe paṭicca vatthu, vatthuṃ paṭicca**
khandhāti catunnampi khandhānaṃ ekato vatthunā aññamaññapaccayatam
 dassetuṃ vuttaṃ.

59. Nissayapaccaye yasmā paṭiccatho nāma sahaṅgātattho, tasmā yā
 heṭṭhā paccayavibhaṅgavāre cakkhāyatanādīnaṃ nissayapaccayatā dassitā,
 na sā gahitā. Cakkhāyatanādīni hi purejātāni hutvā paccayā honti, idha
 sahaṅgātameva labbhati. Teneva vuttaṃ “nissayapaccayo
 sahaṅgātapaccayasadiso”ti.

60. Upanissayapaccaye rūpassa upanissayapaccayābhāvā tīṇeva
 vissajjanāni labbhanti, tena vuttaṃ “ārammaṇapaccayasadisaṃ”ti. Tattha
 kiñcāpi na sabbe kusalākusalābyākatā ārammaṇūpanissayaṃ labhanti, ye
 pana labhanti, tesam vasenetaṃ vuttanti veditabbaṃ.

61. Purejātapaccaye **vatthuṃ purejātapaccayāti** vatthuṃ paṭicca
 vatthunā purejātapaccayatam sādhentena uppajantīti attho. **Vipākābyākataṃ**
ekaṃ khandhanti ettha yaṃ vipākābyākatassa vatthu okkantikkhaṇe
 sahaṅgātapaccayo hoti, taṃ purejātapaccayabhājanīyattā idha na gahetabbaṃ.
 Yepi

kusalādayo āruppe purejātapaccayaṃ na labhanti, tepi purejātapaccayabhājanīyatoyeva idha na gahetabbā. Ārammaṇaṃ pana niyamato purejātapaccayabhāvaṃ na labhati. Rūpāyatanādīni hi cakkhuviññāḍīnamīyeva purejātapaccayatāṃ sādheṇti, manoviññāḍadhātuyā atītānāgatānīpi ārammaṇaṃ¹ hontiyeva. Tasmā idha na gahitaṃ. Khandhavasena hi ayaṃ desanā, na viññāḍadhātuvasena. “Vipākābyākataṃ ekaṃ khandhan”ti desanāya ca sabbāpi viññāḍadhātuyo gahitā, na cakkhuviññāḍadhātu-ādayo evāti.

Pacchājāto kusalākusalānaṃ paccayo na hoti, abyākatassapi upatthambhako va janako, tasmā “uppajjati pacchājātapaccayā”ti evaṃ vattabbo ekadhammopi natthīti pacchājātapaccayavasena vissajjanaṃ na kataṃ.

62. Āsevanapaccaye kāmaṃ sabbā kiriyā āsevanapaccayaṃ na labhanti, labbhamānavasena pana “kiriyābyākatan”ti vuttaṃ. Tasmā javanakiriyāvettha gahitāti veditabbā.

63. Kammaṃpaccaye kusalākusalesu ekakkhaṇiko kammaṃpaccayo veditabbo, tathā kiriyābyākate. Vipākābyākate pana nānākkhaṇikopi, tathā paṭisandhikkhaṇe mahābhūtānaṃ. Cittasamuṭṭhānānaṃ pana ekakkhaṇiko. Kaṭattārūpānaṃ nānākkhaṇikova, tathā asaṅghasattarūpānaṃ. Kaṭattārūpaṃ panettha jīvitindriyaṃ. Sesāṃ na ekantato kammaṃsamuṭṭhānattā upādārūpanti vuttaṃ. Evaṃ santepi idha kammaṃsamuṭṭhānameva adhippetāṃ.

64. Vipākāpaccaye kusalākusalaṃ kiriyāṅca na labbhatīti abyākatavaseneva vissajjanaṃ kataṃ. **Cittasamuṭṭhānanti** vipākācittasamuṭṭhānameva. **Kaṭattārūpanti** yathālābhavasena indriyarūpaṅca vatthurūpaṅca. **Upādārūpanti** tadavasesaṃ tasmaṃ samaye vijjamānakaṃ upādārūpaṃ.

65. Āhārapaccaye sabbesampi kusalādīnaṃ khandhānaṃ cittaṃsamuṭṭhānarūpassa ca arūpāhāravasena uppatti veditabbā, tathā paṭisandhikkhaṇe mahābhūtānaṃ. **Cittasamuṭṭhānanti** bhavaṅgādicittasamuṭṭhānaṃ. **Āhārasamuṭṭhānanti**

1. Ārammaṇāni (Syā)

kabaḷikārāhārasamuṭṭhānam. **Cittasamuṭṭhānanti** kusalākusalacittasamuṭṭhānameva. Paccayavibhaṅgavāre āhārapaṭipāṭiyā paṭhamam kabaḷikāro āhāro dassito, idha pana kusalam dhammanti pucchāvasena paṭhamam arūpāhārā dassitāti veditabbā.

66. Indriyapaccaye paccayavibhaṅge indriyapaṭipāṭiyā paṭhamam cakkhundriyādīni dassitāni, idha pana kusalādipucchāvasena paṭhamam arūpindriyānam paccayatā dassitā. Tattha kusalādīsu yathālābhavasena arūpindriyā gahetabbā. Asaññasattānam bhūtarūpesupi jīvitindriyanti.

67. Jhānamaggapaccayesu hetupaccayasadisameva vissajjanam, tenevettha “hetupaccayasadisan”ti vuttam.

68. Sampayuttapaccaye vissajjanam ārammaṇapaccayagatikam, tenevettha “ārammaṇapaccayasadisan”ti vuttam.

69. Vippayuttapaccaye **vatthum vippayuttapaccayāti** vatthum paṭicca vippayuttapaccayā, vatthunā vippayuttapaccayataṃ sādhentena uppajjantīti attho. **Khandhe vippayuttapaccayāti** khandhe paṭicca vippayuttapaccayā, khandhehi vippayuttapaccayataṃ sādhentehi uppajjantīti attho. **Khandhā vatthum vippayuttapaccayāti** vatthum paṭicca khandhā vippayuttapaccayā, vatthunā vippayuttapaccayataṃ sādhentena uppajjantīti attho. **Cittasamuṭṭhānarūpaṃ khandhe vippayuttapaccayāti** khandhe paṭicca vippayuttapaccayā, cittasamuṭṭhānam rūpaṃ khandhehi vippayuttapaccayataṃ sādhentehi uppajjantīti attho. Sesavissajjanesupi **vatthum vippayuttapaccayāti**-ādīsipi vuttanayenevattho veditabbo. Vipākābyākate cettha vatthuggahaṇena cakkhādīni saṅgahitabbāni. **Ekam mahābhūtanti**-ādi rūpābyākatassa paccayabhāvam dassetum vuttam. **Cittasamuṭṭhānanti** abyākatacittasamuṭṭhānampi kusalākusalacittasamuṭṭhānampi.

70. Atthipaccaye sabbam sahajātapaccayagatikam. Tenevettha “sahajātapaccayasadisan”ti vuttam.

71-72. Natthivigatā ārammaṇapaccayagatikā, avigatam sahajātagatikam. Tenevettha “ārammaṇapaccayasadisam, sahajātapaccayasadisan”ti

vuttaṃ. **Ime tevīsati paccayāti** saṅkhipitvā dassitānaṃ vasenetaṃ vuttaṃ. **Vitthāretabbāti** yā pucchā vissajjanaṃ labhanti, tāsāṃ vasena vitthāretabbā. Ayam hetupaccayaṃ ādim katvā ekamūlake Paccayānulome Paṭiccavārassa Kusalattikavissajjane atthavaṇṇanā.

1. Paccayānuloma 2. Saṅkhyāvāra

73. Idāni ye ettha hetupaccayādīsu ekekasmim paccaye vissajjanavārā laddhā, te gaṇanavasena dassetuṃ **hetuyā navāti**-ādi āraddhaṃ. Tattha hetuyā navāti hetupaccaye nava pucchāvissajjanavārā honti. Seyyathidaṃ— kusalena kusalaṃ, kusalena abyākataṃ, kusalena kusalābyākataṃ, akusalena akusalaṃ, akusalena abyākataṃ, akusalena akusalābyākataṃ, abyākatena abyākataṃ, kusalābyākatena abyākataṃ, akusalābyākatena abyākatanti.

Ārammaṇe tīṇīti kusalena kusalaṃ, akusalena akusalaṃ, abyākatena abyākataṃ. **Adhipatiyā navāti** hetuyā vuttasadisāva. Dvādasasu hi paccayesu nava navāti vuttaṃ. Sabbesupi pucchāvissajjanāni hetupaccayasadisāneva. Vibhaṅge pana atthi viseso. Dasasu paccayesu tīṇi tīṇīti vuttaṃ. Sabbesupi pucchāvissajjanāni ārammaṇasadisāneva. Vibhaṅge pana atthi viseso. Aññamaññapaccayasmiñhi abyākatapadassa vissajjane rūpampi labbhati, tathā purejātapaccaye. Āsevanapaccaye vipākāni ceva vīthicittāni ca na labbhanti. **Vipāke ekanti** abyākatameva. Evamettha saṅkhepato nava tīṇi ekanti tividhova vāraparicchedo. Vitthārato dvādasava navakā, dasa tikā, ekam ekakanti sabbesupi tevīsatiyā paccayesu ekūnacattālīsādhikaṃ vārasataṃ hoti ekūnacattālīsādhikañca pucchāsataṃ. Ekūnacattālīsādhikaṃ pucchāvissajjanasatantipi tasseva nāmaṃ.

74. Evaṃ hetupaccayādike ekamūlake gaṇanaṃ dassetvā ito paresu dumūlakādīsu vitthāradesanaṃ saṅkhipitvā ekamūlake dassitāya desanāya labbhamānagaṇanañneva ādāya vāraparicchedaṃ dassetuṃ dumūlake tāva **hetupaccayā ārammaṇe tīṇīti**-ādimāha. Tatridaṃ

lakkhaṇaṃ—bahugaṇanopi paccayo abahugaṇanena saddhiṃ yutto tena samānagaṇanova hoti. Tena vuttaṃ “hetupaccayā ārammaṇe tīṇī”ti. Hetu-ārammaṇaduke ārammaṇe vuttāni tīṇeva vissajjanāni labbhantīti attho. Samānagaṇano pana samānagaṇanena saddhiṃ yutto aparihīnagaṇanova hoti. Tena vuttaṃ “hetupaccayā adhipatiyā navā”ti. Hetādhipatiduke naveva vissajjanāni labbhantīti attho. **Vipāke ekanti** hetuvipākaduke vipāke vuttaṃ ekameva vissajjanāni labbhatīti evaṃ tāva dumūlake vāraparicchedo veditabbo.

75. Timūlakādīsupi idameva lakkhaṇaṃ. Tenevāha **hetupaccayā ārammaṇapaccayā adhipatiyā tīṇī**ti. Hetārammaṇādhipatitike ārammaṇe vuttāni tīṇeva vissajjanāni labbhantīti attho. Evaṃ sabbattha nayo netabbo.

76-79. Dvādasamūlake pana vipākapaccayo na labbhati, tasmā **āsevanapaccayā kamme tīṇī**ti vatvā vipākaṃ aparāmasitvā **āhāre tīṇī**ti vuttaṃ. Terasamūlakādīsupi eseva nayo. Te pana saṅkhipitvā tevīsati-mūlakovettha dassito. So duvidho hoti sāsevano vā savipāko vā. Tattha paṭhamāṃ sāsevano dassito. Sā tīṇeva vissajjanāni labhati. Tena vuttaṃ “āsevanapaccayā avigate tīṇī”ti. Savipāko pana āsevanaṃ na labhati, tasmā taṃ pahāya vipākavasena gaṇanāya dassanatthaṃ anantarāyeva “hetupaccayā -pa- vipākapaccayā āhāre ekan”ti ekaṃ nayaṃ dassetvā pacchā tevīsati-mūlakova dassito. Etesu pana dvīsū tevīsati-mūlakesu kiñcāpi ekasmiṃ vipākapaccayo natthi, ekasmiṃ āsevanapaccayo, pacchājātapaccayo pana ubhayatthāpi. Ruḷhīsaddena panete tevīsati-mūlakātveva veditabbā. Tesu sāsevane āsevanassa vasena sabbattha tīṇeva vissajjanāni, savipāke vipākapaccayassa vasena ekamevāti ayaṃ hetupaccayaṃ ādīṃ katvā ekamūlakādīsū gaṇanā.

Yaṃ panetaṃ hetumūlakānantaraṃ “ārammaṇe ṭhitena sabbattha tīṇeva pañhā”ti vuttaṃ, taṃ ārammaṇapaccayaṃ ādīṃ katvā ekamūlakepi dumūlakādīsūpi

sabbattha ārammaṇapade ceva ārammaṇena saddhiṃ sesapaccayayojanāsu ca yattha navahi bhavitabbaṃ, tattha tayova pañhā hontīti dassanatthaṃ vuttaṃ. Vipākapade pana vipākapadena saddhiṃ sesapaccayayojanāsu ca ekova pañho hotīti. Iti yaṃ heṭṭhā avocumha “bahugaṇanopi paccayo abahugaṇanena saddhiṃ yutto tena samānagaṇano hotī”ti, taṃ suvuttameva.

80-85. Idāni ye ārammaṇādīnaṃ paccayānaṃ vasena ekamūlakādayo dassetabbā, tesu ekamūlako tāva hetu-ekamūlakeneva sadisoti ekasmimpi paccayena dassito. Ārammaṇapaccayavasena pana dumūlake gaṇanaṃ dassetuṃ **ārammaṇapaccayā hetuyā tīṇi, adhipatiyā tīṇi -pa- avigate tīṇi**ti vuttaṃ. Ettha ca “ārammaṇapaccayā adhipatiyā tīṇi -pa- avigate tīṇi”ti vattabbe ye hetupaccayādayo paccayā bahugaṇanā, tesam ūnataragaṇanehi ca samānagaṇanehi ca saddhiṃ saṃsandane yā gaṇanā labbhati, taṃ dassetuṃ ārammaṇapaccayassa purimabhāge ṭhitampi hetupaccayam pacchimabhāgeva ṭhapetvā “ārammaṇapaccayā hetuyā tīṇi”ti vuttaṃ. Tenetaṃ āvi karoti—ārammaṇapaccayo yena yena bahutaragaṇanena vā samānagaṇanena vā paccayena saddhiṃ dukatikādibhedam gacchati, sabbattha tīṇeva pañhāvissajjanāni veditabbāni. Vipākapaccayena pana saddhiṃ saṃsandane ekameva labbhati, taṃ vipākapaccayādikāya gaṇanāya āvi bhavissatīti idha na dassitam. Yā cesā dumūlake gaṇanā dassitā, timūlakādīsupi esāva gaṇanāti ārammaṇapaccayavasena timūlakādayo na vitthāritā.

Idāni adhipatipaccayādivasena dumūlakādīsu gaṇanaṃ dassetuṃ **adhipatipaccayā hetuyā navāti-ādi** vuttaṃ. Tatthāpi vuttanayeneva paccayasanniveso veditabbo. Yathā ca adhipatipaccayā hetuyā nava, evam sesesupi hetunā samānagaṇanāsu naveva. Iti yo yo paccayo ādimhi tiṭṭhati, tena tena saddhiṃ samānagaṇanānaṃ saṃsandane ādimhi ṭhitassa vasena gaṇanā hoti, tena pana saddhiṃ ūnataragaṇanānaṃ saṃsandane ūnataragaṇanānaṃyeva vasena gaṇanā hotīti veditabbo. Yathā ca ārammaṇapaccayavasena, evam adhipatipaccayavasenāpi tato paresam anantarādīnaṃ vasenāpi timūlakādayo na vitthāritā. Tasmā

dumūlake dassitaḅaṇaṇāvaseneva sabbattha sādhetabbā. Teneva vuttaṁ “ekekam paccayaṁ mūlakam kātuna sajjhāyamaggena gaṇetabbā”ti.

Paccayānulomavaṇṇanā.

Paṭiccavāra Paccayapaccanīyavaṇṇanā

86-87. Paccayapaccanīyam pana yasmā kusalapade na labbhati kusalahammassa hetupaccayena vinā anuppattito, tasmā **akusalam dhammaṁ paṭiccāti**-ādi āraddham. Tattha **nahetupaccayāti** hetupaccayapaṭikkhepo hetupaccayaṁ vinā aññena paccayena uppajjātīti attho. **Vicikicchāsahagato uddhaccasahagato mohoti** ayañhi sampayuttadhammānañceva cittasamuṭṭhānarūpassa ca sayam hetupaccayo hoti, aññassa pana sampayuttahetuno abhāvā na hetupaccayā uppajjātīti ṭhapetvā hetupaccayaṁ sesehi attano anurūpapaccayehi uppajjati. Iminā nayena sabbapaccayapaṭikkhepesu attho veditabbo. **Ahetukam vipākābyākatanti** idam rūpasamuṭṭhāpakavaseneva veditabban. Aññesupi evarūpesu eseva nayo.

88. Na-adhipatipaccaye kāmam adhipatipi attanā saddhim dutiyassa adhipatino abhāvā na-adhipatipaccayaṁ labhati, yathā pana vicikicchuddhaccasahagato moho ahetuko, na tathā adhipatayo eva¹ nirādhipati. Chandādisu pana aññataram adhipatim akatvā kusalādīnam uppattikāle sabbepi kusalādayo nirādhipatino. Tasmā moham viya visum adhipatimattameva anuddharitvā sabbasaṅgāhikavasena esā “ekam khandham paṭicca tayo khandhā”ti-ādikā desanā katāti veditabbā.

89. Nānantaranasamanantaresu nārammaṇe viya rūpameva paccayuppannam. Tena vuttaṁ “nārammaṇapaccayasadisaṇ”ti. Sahajātapaccayo parihīno. Yathā cesa, tathā nissaya-atthi-avigatapaccayāpi. Kim kāraṇā? Etehi vinā kassaci anuppattito. Sahajātanissaya-atthi-avigatapaccayepi hi paccakkhāya ekopi rūpārūpadhammo nuppajjati, tasmā te parihīnā.

1. Adhipatiyeva (Syā)

90. Na-aññamaññapaccayavibhaṅge **paṭisandhikkhaṇe vipākābyākate khandhe paṭicca kaṭattārūpanti** hadayavatthuvajjam veditabbaṃ.

91. Na-upanissayapaccayavibhaṅge rūpameva paccayuppannaṃ. Tañhi upanissayaṃ na labhati. Arūpaṃ pana kiñcāpi ārammaṇūpanissayapakatūpanissaye na labheyya, anantarūpanissayamuttakaṃ pana natthi. Tena vuttaṃ “nārammaṇapaccayasadisaṃ”ti.

92. Napurejāte **cittasamuṭṭhānarūpanti** pañcavokāravasena vuttaṃ.

93. **Napacchājātapaccayāti** ettha saha-jātapurejātapaccayā saṅgahaṃ gacchanti. Tasmā saha-jātapaccayasadisā ettha Pāḷi, sā na-adhipatipaccaye vitthāritāti idha saṅkhittā. Nāsevanapaccaye kusalākusalā paṭhamajavanavasena veditabbā, tathā kiriyābyākataṃ. Pāḷi pana idhāpi na-adhipatipaccaye vitthāritavasena veditabbā. Tenevāha “napacchājātapaccayampi nāsevanapaccayampi nādhipatipaccayasadisaṃ”ti.

94-97. Nakammapaccaye vipākacetanā nānākkhaṇikakammappaccayaṃ labhatīti na gahitā. Nāhārapaccaye ekaccaṃ rūpameva paccayuppannaṃ, tathā na-indriyapaccaye.

98. Najhānapaccaye pañcaviññāṇadhammā ceva ekaccaṃca rūpaṃ paccayuppannaṃ. Pañcaviññāṇasmiñhi vedanā ca cittekaggatā ca dubbalattā upanijjhānalakkaṇaṃ na pāpuṇantīti jhānapaccaye na gahitā.

99-102. Namaggapaccaye ahetukavipākakiriyañceva ekaccaṃca rūpaṃ paccayuppannaṃ. Nasampayuttanonatthinovigatesu rūpameva paccayuppannaṃ. Tena vuttaṃ “nārammaṇapaccayasadisaṃ”ti.

103. **Nahetuyā dveti** ekamūlakagaṇanāya yathāpāḷimeva niyyāti.

104. Dumūlake **nahetupaccayā nārammaṇe ekanti** ettha kiñcāpi bahugaṇanena saddhiṃ ūnataragaṇanassa saṃsandane ūnataragaṇanavasena nahetuyā viya dvīhi bhavitabbaṃ, nārammaṇavasena pana arūpadhammānaṃ parihīnattā abyākataṃ paṭicca rūpābyākatassa uppattim sandhāya “ekan”ti

vuttaṃ. Sabbesu ekakesupi eseva nayo. Dveti vuttaṭṭhāne pana nahetuyā laddhavasena vāradvayaṃ veditabbam.

105-106. Timūlakādīsu pana sabbesu nārammaṇapaccayassa aparihīnattā ekameva vissajjananti ayaṃ paccanīye nahetupaccayaṃ ādim katvā ekamūlakādīsu gaṇanā.

107-130. Nārammaṇapaccayādayo pana ekamūlake tāva purimena sadisattā idhāpi na dassitāyeva. Nārammaṇapaccayavasena dumūlake **nārammaṇapaccayā nahetuyā ekanti** nahetudumūlake vuttameva. **Nādhīpatiyā pañcāti** nārammaṇapaccaye laddhavasena veditabbāti evaṃ sabbasaṃsandanesu ūnataragaṇanasseva paccayassa vasena gaṇanā veditabbā. Yattha yattha ca nārammaṇapaccayo pavisati, tattha tattha rūpameva paccayuppannaṃ. Nānantara nasamanantara na-aññañña na-upanissaya nāhāra na-indriya nasampayuttanonatthi novigatapaccayānaṃ pavitṭhatṭhānepi eseva nayo. Nāhārana-indriyanajhāna namaggapaccayā sabbattha sadisavissajjanā. Nasahajātādicatukkaṃ idhāpi parihīnamevāti idamettha lakkhaṇaṃ. Iminā pana lakkhaṇena sabbesu dumūlakādīsu “ayaṃ paccayo mūlaṃ, ayamettha dumūlako, ayaṃ timūlako, ayaṃ sabbamūlako”ti sallakkhetvā ūnataragaṇanassa paccayassa vasena gaṇanā veditabbāti.

Paccayapaccanīyavaṇṇanā.

Paṭiccavāra Paccayānulomapaccanīyavaṇṇanā

131-189. Idāni anulomapaccanīye gaṇanaṃ dassetuṃ **hetupaccayā nārammaṇe pañcāti**-ādi āradhmaṃ. Tattha hetādhīpatimaggapaccayesu anulomato ṭhitesu sahaajātādayo cattāro sabbatṭhānikapaccayā, āhārindriyajhānamaggapaccayā cattāroti ime aṭṭha paccanīyato na labbhanti. Hetupaccayādivasena hi uppajjamāno dhammo ime aṭṭha paccaye alabhanto nāma natthi. Ārammaṇa-anantarasamanantara-upanissayasampayuttanattavigatapaccayesu pana anulomato ṭhitesu arūpatṭhānikā

paccanīkato na labbhanti. Na hi ārammaṇapaccayādīhi uppajjamānā anantarasamanantarapaccayādayo na labhanti¹. Sahajāta-aññamaññanissayakammāhārindriya-atthi-avigatapaccayesu pana anulomato ṭhitesu cattāro sabbaṭṭhānikāyeva paccanīkato na labbhanti. Etesaṅhi paccayānaṃ vasena uppajjamāno sabbaṭṭhānike alabhanto nāma natthi. Pacchājātapaccayassa anulomato ṭhānaṃ nāma natthi. Evaṃ sesesu anulomato ṭhitesu ye ca labbhanti, ye ca na labbhanti, te sallakkhetvā sabbesupi dumūlakādīsu nayesu tesam tesam paccayānaṃ saṃsandane ūnataragaṇaṇāmyeva vasena gaṇaṇā veditabbāti.

Paccayānulomapaccanīyavaṇṇanā.

Paṭiccavāra Paccayapaccanīyānulomavaṇṇanā

190. Idāni Paccanīyānulome gaṇanaṃ dassetuṃ **nahetupaccayā ārammaṇe dveti-**ādi āradham. Tattha hetumhi paccanīkato ṭhite ṭhapetvā adhipatiṃ avasesā anulomato labbhanti. Pacchājāto pana anulomato sabbattheva na labbhati, ye nava paccayā “arūpānaññevā”ti vuttā, tesu purejātaṅca āsevanaṅca ṭhapetvā avasesesu sattasu paccanīkato ṭhitesu sesā arūpaṭṭhānikā anulomato na labbhanti. Yo hi ārammaṇādīhi nuppajjati, na so anantarādayo labhati. Paṭisandhivipāko pana purejātato, sabbavipāko ca saddhiṃ kiriyamanodhātuyā āsevanato anuppajjamānopi anantarādayo labhati, tasmā “purejātaṅca āsevanaṅca ṭhapetvā”ti vuttaṃ.

Purejātapacchājāta-āsevanavipākavippayuttesu paccanīkato ṭhitesu ekaṃ ṭhapetvā² avasesā anulomato labbhanti. Kammaṇapaccaye paccanīkato ṭhite ṭhapetvā vipākapaccayaṃ avasesā anulomato labbhanti. Āhārindriyesu paccanīkato ṭhitesu ṭhapetvā sabbaṭṭhānike ceva aññamaññakammāhārindriyapaccaye ca avasesā anulomato na labbhanti, itare yujjamānakavasena labbhanti. Jhānapaccaye paccanīkato ṭhite

1. Na labbhanti (sabbattha)

2. Avigataṃ ṭhapetvā (Syā)

hetādhipati-āsevanamaggapaccayā anulomato na labbhanti, maggapaccaye paccanīkato ṭhite hetādhipatipaccayā anulomato na labbhanti.

Vippayuttapaccaye paccanīkato ṭhite purejātapaccayaṃ ṭhāpetvā avasesā anulomato labbhanti. Evaṃ tesu tesu paccayesu paccanīkato ṭhitesu ye ye anulomato na labbhanti, te te ñatvā tesāṃ tesāṃ paccayānaṃ saṃsandane ūnataragaṇanānaṃ vasena gaṇanā veditabbā.

191-195. Dumūlakādīsu ca nāyesu yaṃ yaṃ paccayaṃ ādiṃ katvā ye ye dukādayo dassitā, te te labbhamānālabbhamānapaccayavasena yathā yathā dassitā, tathā tathā sādhukaṃ sallakkhetabbā. Tattha yaṃ nahetuvāsena dumūlakādayo nāye dassentena **nahetupaccayā nārammaṇapaccayā -pa- nāsevanapaccayā**ti vatvā “yāva āsevanā sabbaṃ sadisaṃ”ti vuttaṃ. Tassa “na-aññamaññapaccayā sahaḥjāte ekan”ti-ādīhi sadisatā veditabbā. Yaṃ pana “nakamme gaṇite pañca gaṇhātī”ti¹ sīhaḥabhāsāya likhitaṃ, tassattho—nahetupaccayaṃ ādiṃ katvā nakammapaccayāti evaṃ nakammapaccayena ghaṭṭhite sahaḥjāte ekanti evaṃ dassitā pañceva paccayā anulomato labbhanti, na aññeti. Evaṃ aññesupi evarūpesu ṭhānesu byañjanaṃ anādiyitvā adhippetatthoyeva gahetabbo. Evarūpañhi byañjanaṃ attano saññānibandhanatthaṃ porāṇehi sakasakabhāsāya likhitaṃ.

Apica imasmiṃ Paccanīyānulome paccayuppannadhammesupi atthi dhammo kammapaccayaṃ labhati, na-indriyapaccayaṃ, so asaññesu ceva pañcavokāre pavatte ca rūpajīvitindriyavasena veditabbo. Atthi dhammo maggapaccayaṃ labhati nahetupaccayaṃ, so vicikicchuddhaccasahaḥjātamohavasena veditabbo, atthi dhammo jhānapaccayaṃ labhati, namaggapaccayaṃ, so manodhātu ahetukamanoviññādhātuvāsena veditabbo. Yattha kaṭattārūpāni nānākkhaṇikakammavaseneva kammapaccayaṃ labhanti, tattha rūpadhammā hetādhipati vipākīndriyajhānamaggapaccaye na labhanti, sabbaṭṭhānikā paccanīyā na honti. Ahetuke adhipatipaccayo natthīti imesampi pakiṇṇakānaṃ vasenettha gaṇanavāro asammohato veditabbo.

1. Pañca pañhātīti (Sī)

Tatrāyaṃ nayo—**nahetupaccayā ārammaṇe dveti** ettha tāva ahetukamoho ceva ahetukavipākakiriyā ca paccayuppannaṃ, tasmā akusalenākusalaṃ, abyākatena abyākataṃ sandhāyettha dveti vuttaṃ. Sesesupi eseva nayo. Āsevane pana vipākaṃ na labbhati, tathā kiriyamanodhātu. Tasmā kiriyāhetumanoviññādhātuvasenettha abyākatena abyākataṃ veditabbaṃ. **Vipāke ekanti** abyākatena abyākatameva. **Magge ekanti** akusalena akusalameva.

196-197. Nārammaṇamūlake **hetuyā pañcāti** rūpameva sandhāya vuttaṃ, tañhi kusalaṃ akusalaṃ abyākataṃ kisalābyākataṃ akusalābyākatañcāti pañca koṭṭhāse paṭicca uppajjati. Sabbapañcakesu eseva nayo. **Aññamaññe ekanti** bhūtarūpāni ceva vatthuñca sandhāya vuttaṃ. Tāni hi nārammaṇapaccayā aññamaññapaccayā uppajjanti. Timūlakepi eseva nayo.

198-202. Nādhīpatimūlake **hetuyā navāti** anulome hetumhi vuttāneva. **Tiṇīti**-ādīnīpi heṭṭhā anulome vuttasadisāneva. Timūlake **dveti** heṭṭhā nahetupaccayā ārammaṇe vuttasadisāneva.

203-233. Napurejātamūlake **hetuyā sattāti** heṭṭhā “āruppe kusalaṃ ekaṃ khandhaṃ paṭiccā”ti-ādīnā nayena purejāte dassitāneva. Sabbasattakesu eseva nayo. Nakammamūlake **hetuyā tiṇīti**-ādīsu cetanāva paccayuppannā, tasmā kusalaṃ akusalaṃ abyākatañca paṭicca uppattim sandhāya tiṇīti vuttaṃ. Iminā nayena “ekaṃ dve tiṇi pañca satta navā”ti āgataṭṭhānesu gaṇanā veditabbā. “Cattāri cha aṭṭhā”ti imā pana tisso gaṇanā natthevāti.

Paccayapaccanīyānulomavaṇṇanā.

Niṭṭhitā ca Paṭiccavārassa atthavaṇṇanā.

2. Sahajātavāraṇṇanā

234-242. Sahajātavāre **kusalaṃ dhammaṃ sahaajātoti** kusalaṃ dhammaṃ paṭicca tena sahaajāto hutvāti attho. Sesamettha Paṭiccavāre vuttanayeneva veditabbaṃ. Avasāne panassa “paṭiccattaṃ nāma sahaajātattaṃ, sahaajātattaṃ nāma paṭiccattanti¹ idam ubhinnampi etesaṃ vārānaṃ atthato ninnānākaraṇabhāvadassanattaṃ vuttaṃ. Atthato hi ete dvepi ninnānākaraṇā. Evaṃ santepi aññamaññassa atthaniyamanattaṃ vuttā. “Cakkhuṅca paṭicca rūpe cā”ti-ādīsu hi asahaajātampi paṭicca uppajjati vuccati. Sahajātampi ca upādārūpaṃ bhūtarūpassa paccayo na hoti. Iti Paṭiccavārena sahaajātapaccayabhāvaṃ, Sahajātavārena ca paṭiccāti vuttassa sahaajātabhāvaṃ niyametum ubhopete vuttā. Apica tathā bujghanakānaṃ ajjhāsayasena desanāvilāsena niruttiṭṭhisambhidāppabhedajānanavasena cāpi ete ubhopi vuttāti.

Sahaajātavāraṇṇanā niṭṭhitā.

3. Paccayavāraṇṇanā

243. Paccayavāre **kusalaṃ dhammaṃ paccayāti** kusaladhamme paṭiṭṭhito hutvā kusalaṃ dhammaṃ nissayaṭṭhena paccayaṃ katvāti attho. **Kusalaṃ ekaṃ khandhaṃ paccayāti** kusalaṃ ekaṃ khandhaṃ nissayapaccayaṃ katvā tayo khandhā uppajjanti hetupaccayāti vuttaṃ hoti. Imināvupāyena sabbapadesu attho veditabbo. **Vatthum paccayā vipākābyākatā kiriyābyākatā khandhāti** idam pañcavokāre pavattivasena vuttaṃ. Pañcavokāre pavattiyañhi khandhānaṃ purejātaṃ vatthu nissayapaccayo hoti. Paṭiccaṭṭhassa pana sahaajātaṭṭhattā Paṭiccavāre esa nayo na labbhatīti paṭisandhiyaṃ sahaajātameva vatthum sandhāya “vatthum paṭicca khandhā”ti vuttaṃ. **Kusalaṃ ekaṃ khandhaṅca vatthuṅca paccayā tayo khandhāti**-ādīsupi imināva nayena attho veditabbo.

1. Paṭiccaṭṭhaṃ nāma sahaajātaṭṭhaṃ, sahaajātaṭṭhaṃ nāma paṭiccaṭṭhanti (Sī, Ka), paṭiccaṭṭhaṃ nāma sahaajātaṭṭhaṃ, sahaajātaṭṭhaṃ nāma paṭiccaṭṭhanti (Syā)

Abyākataṃ dhammaṃ paccayā kusalo ca abyākato cāti

kusalābyākatānaṃ hetupaccayavasena ekato uppattiṃ sandhāya vuttaṃ. Kusaluppattikkhaṇasmiṃhi vatthuṃ nissāya kusalā khandhā, cittasamuṭṭhāne ca mahābhūte nissāya cittasamuṭṭhānaṃ upādārūpaṃ hetupaccayavasena ekato uppajjati. Iti paccayabhūtassa abyākatassa nānattepi paccayuppannaṃ hetupaccayavasena ekato uppattiṃ sandhāyetaṃ vuttanti veditabbaṃ. Aññesupi evarūpesu ṭhānesu eseva nayo. Evaṃ imasmim̐ hetupaccaye sahajātaṅca purejātaṅca nissayaṭṭhena paccayaṃ katvā sattarasa pañhā vissajjitā. Tattha khandhā ceva bhūtā ca sahajātavasena, vatthu sahajātapurejātavasena gahitaṃ. Paṭiccavāre pana sahajātavasena paccayo labbhati, tasmā tattha naveva pañhā vissajjitā. Ye panete ettha sattarasa pañhā vissajjitā, tesu ekādike ekāvasāne vissajjane kusalādīsu ekapaccayato eko paccayuppanno. Ekādike dukāvasāne ekapaccayato nānāpaccayuppanno. Dukādike ekāvasāne nānāpaccayato eko paccayuppanno. Dukādike dukāvasāne nānāpaccayato nānāpaccayuppanno.

248-252. Ārammaṇapaccayādīsipi imināvupāyena pañhāvissajjanappabhedo veditabbo. Yaṃ panetaṃ ārammaṇapaccaye **vatthuṃ paccayā khandhāti** vuttaṃ, taṃ paṭisandhikkhaṇe vipākakkhandheyeva sandhāya vuttaṃ. Cakkhuviññāṇādīni abyākataṃ nissāya ārammaṇapaccayena uppajjantānaṃ pabhedadassanatthaṃ vuttāni. Puna **vatthuṃ paccayāti** pavatte vipākakiriyābyākatānaṃ uppattidassanatthaṃ vuttaṃ. Sesam̐ purimanayeneva veditabbaṃ. Evaṃ imasmim̐ ārammaṇapaccaye sahajātaṅca purejātaṅca paccayaṃ katvā satta pañhā vissajjitā. Tattha khandhā sahajātavasena, vatthu sahajātapurejātavasena, cakkhāyatanādīni purejātavaseneva gahitāni. Paṭiccavāre pana sahajātavaseneva paccayo labbhati, tasmā tattha tayova pañhā vissajjitā.

253-254. Adhipatipaccaye vipākābyākataṃ lokuttarameva veditabbaṃ. Anantarasamanantarā rūpābhāvena ārammaṇasadisā. Parato āsevananatthivigatesupi eseva nayo.

255. Sahajātapaccaye **kaṭattārūpaṃ upādārūpanti** upādārūpasāṅkhātāṃ kaṭattārūpaṃ. Idaṃ asaññasattānaññeva rūpaṃ sandhāya vuttaṃ. Cakkhāyatanādīni pañcavokāravasena vuttāni.

256-257. Aññaṃaṇṇapaccaye ca **yathā ārammaṇapaccayā evanti** vissajjanasamataṃ sandhāya vuttaṃ. Paccayuppannesu pana nānattaṃ atthi.

258. Upanissayapaccaye **ārammaṇapaccayasadisanti** rūpābhāvatoṇi vissajjanasamatāyapī vuttaṃ.

259-260. **Vatthum purejātapaccayāti**-ādīnaṃ Paṭiccavāre vuttanayenevattho gahetabbo.

261-266. Kammaṇapaccaye **tīṇīti** kusalaṃ paccayā kusalo abyākato kusalābyākato cāti evaṃ tīṇi vedittabbāni. Akusalepi eseḃa nayo.

267-268. Vippayuttapaccaye **khandhe vippayuttapaccayāti** khandhe nissāya vippayuttapaccayā uppajjantīti attho. **Khandhā vatthum vippayuttapaccayāti** khandhā vatthum nissāya vippayuttapaccayā uppajjantīti attho. Sesam heṭṭhā vuttanayeneḃa vedittabbam.

269-276. Idāni yathāladdhāni vissajjanāni gaṇanavasena dassetuṃ **hetuyā sattarasāti**-ādīmāha. Tattha **hetuyā sattarasāti** kusalena kusalaṃ, kusalena abyākataṃ, kusalena kusalābyākatanti evaṃ kusalavasena ekādīkāni ekāvasānāni dve, dukāvasānaṃ ekanti tīṇi vuttāni hontī, tathā akusalavasena. Abyākatena abyākataṃ, teneḃa kusalaṃ, akusalaṃ, kusalābyākataṃ, akusalābyākatañca, kusalābyākatehi kusalaṃ, abyākataṃ, kusalābyākataṃ, akusalābyākatehi akusalaṃ, abyākataṃ, akusalābyākatanti evaṃ sattarasa vedittabbāni.

Ārammaṇe sattāti kusalena kusalaṃ, akusalena akusalaṃ, abyākatena abyākataṃ, kusalaṃ, akusalaṃ, kusalābyākatena kusalaṃ, akusalābyākatena akusalanti evaṃ satta.

Vipāke ekanti abyākatena abyākatameva. Evamettha sattarasa satta ekanti tayo vāraparicchedā honti. Tesu dvādasa sattarasakā dasa¹ satta ekam ekakanti te sabbe sādhuḥkaṃ sallakkhetvā parato dukatikādivasena paccayasamsandane ūnataragaṇanassa vasena gaṇanā veditabbā. Sakkā hi imāya gaṇanāya dukamūlādīsu vāraparicchede jānitunti puna “kusalaṃ dhammaṃ paccayā kusalo dhammo”ti anāmasitvā gaṇanavaseneva vāraparicchedaṃ dassetuṃ **hetupaccayā ārammaṇe sattāti**-ādi āraddhaṃ.

Tattha kusalaṃ dhammaṃ paccayā kusalo dhammo uppajjati hetupaccayā ārammaṇapaccayā. Kusalaṃ ekam khandhaṃ paccayā tayo khandhāti iminā nayena ārammaṇe laddhavissajjanāni vitthāretabbāni. Ayam tāva anulome nayo.

277-285. Paccanīye pana kusalaṃ na labbhatīti **akusalaṃ dhammaṃ paccayāti** akusalameva ādiṃ katvā vissajjanaṃ āraddhaṃ. Taṃ yathāpālīmeva niyyāti. Yañhettha vattabbaṃ siyā, taṃ Paṭiccavārassa paccanīye vuttameva.

286-287. Yam panetaṃ paccanīye laddhavissajjanaparicchedaṃ gaṇanato dassetuṃ **nahetuyā c-attārīti**-ādi vuttaṃ, tattha cattāri sattarasa satta pañca tīṇi ekanti cha paricchedā. Tesam vasena dukatikādīsu paccayasamsandane gaṇanā veditabbā. Yo hi paccayo sattarasa vissajjanāni labhati, tena saddhiṃ sadisamsandane sattarasa, ūnatarasamsandane sesā chapi paricchedā labbhanti. Evaṃ sesesupi adhikaparicchedaṃ ṭhapetvā samasamā ūnatarā ca abbhantīti.

Ettha ca adhikatarā na labbhantīti ayamettha niyamo, samasamā pana ūnatarā ca atthā virodhe² sati labbhanti. Tenettha “nahetupaccayā nārammaṇe ekan”ti-ādi vuttaṃ. Ettha hi nahetuyā catunnaṃ, nārammaṇe pañcannaṃ āgatattā nahetuvaseva cattārīti vattabbaṃ siyā, nārammaṇena saddhiṃ ghaṭitattā pana ārammaṇadhammo virujjhatīti akusalaṃ dhammaṃ paccayā akusalo dhammo, abyākataṃ dhammaṃ paccayā akusalo,

1. Ekādasa (Syā)

2. Atthavirodhe (?)

akusalañca abyākatañca dhammaṃ paccayā akusaloti tīṇi vissajjanāni parihīnāni. Abyākataṃ dhammaṃ paccayā abyākatoti rūpavasena ekameva vuttaṃ. Evaṃ sabbattha viruddhāviruddhaṃ ñatvā labbhamānaparicchedo veditabbo. Apicettha idaṃ nayamattadassanaṃ. **Nādhipatiyā cattārīti** nahetuyā laddhāneva. Sesacatukkesupi eseva nayo.

Nānantare ekanti ahetukacittasamuṭṭhānassa ceva sesarūpassa ca vasena abyākatena abyākataṃ. Evaṃ sabbesu ekakesu yujjamānakarūpaṃ jānitabbaṃ. **Napurejāte dveti** idhāpi nahetuvaseṇa cattārīti vattabbaṃ siyā, napurejātena saddhiṃ ghaṭitattā pana abyākataṃ dhammaṃ paccayā akusalo, akusalañca abyākatañca dhammaṃ paccayā akusaloti vatthupurejātavaseṇa dve vissajjanāni parihīnāni. Āruppe pana ahetukamohassa ahetukakiriyassa ca vasena dve vuttāni. **Navippayutte dveti** āruppe ahetukākusalakiriyavasena dve. Nonatthi novigatesu ekanti sabbassa rūpassa vasena abyākatena abyākataṃ daṭṭhabbaṃ. Tikādisu apubbaṃ natthi.

288. Nārammaṇamūlake pana **na-adhipatiyā pañcāti** nārammaṇe laddhāneva. **Nakamme ekanti** ettha cittasamuṭṭhānañca kaṭattārūpañca aggahetvā sesarūpavasena abyākatena abyākataṃ veditabbaṃ.

289-296. Nādhipatimūlake **napurejāte sattāti** napurejāte laddhāneva. **Napacchājāte sattarasāti** imānipi tattha laddhāni sattaraseva. Nānantara nasamanantara na-aññamañña na-upanissaya nasampayuttanonatthinovigatamūlakāni nārammaṇamūlakasadisāneva. Imināva nayamattadassanena sabbattha āgatānāgataṃ labbhamānālabbhamānañca veditabbanti.

Paccanīyavaṇṇanā niṭṭhitā.

297-328. Imināyeva pana lakkhaṇena anulomaṃ purato katvā anulomapaccanīye paccanīyaṃ purato katvā Paccanīyānulome ca gaṇanaparicchedo āgatānāgataṃ labbhamānālabbhamānañca veditabbanti.

Paccayavāraṇṇanā niṭṭhitā.

4. Nissayavāraṇṇanā

329-337. Nissayavāre **kusalaṃ dhammaṃ nissāyāti** kusalaṃ dhammaṃ patiṭṭhaṭṭhena nissayaṃ katvāti attho. Sesamettha Paccayavāre vuttanayeneva veditabbaṃ. Avasāne panassa “paccayattaṃ nāma nissayattaṃ, nissayattaṃ nāma paccayattan”¹ti idam ubhinnampi etesaṃ vārānaṃ atthato ninnānākaraṇabhāvadassanattaṃ vuttaṃ. Atthatotī etepi paṭiccasahajātā viya ninnānākaraṇā. Evaṃ santepi aññamaññaṃ atthaniyamanattaṃ vuttā. Avijjāpaccayā saṅkhārāti-ādīsu hi anissāya vattamānaṃ nānakkhaṇikampi “paccayā uppajjati”¹ti vuttaṃ. Aññamaññaṃ allīyitvā ṭhitakaṭṭhādīsu ca ekaṃ ekassa nissayapaccayo na hoti, tathā upādārūpaṃ mahābhūtaṃ nissayapaccayo na hotiyeva. Iti Paccayavārena nissayapaccayabhāvaṃ Nissayavārena ca paccayāti vuttassa saṃsāraṃ purejātabhāvaṃ niyametuṃ ubhohete vuttā. Apica tathā bujjanakānaṃ ajjhāsayavasena desanāvīlāsena niruttapaṭisambhidāpabhedajānanavasena cāpi ete ubhohi vuttāti.

Nissayavāraṇṇanā.

5. Saṃsaṭṭhavāraṇṇanā

338-346. Saṃsaṭṭhavāre **kusalaṃ dhammaṃ saṃsaṭṭhoti** kusalaṃ dhammaṃ ekuppādādīlakkaṇena sampayogaṭṭhena paccayaṃ katvāti attho. **Kusalaṃ ekaṃ khandhaṃ saṃsaṭṭhoti** kusalaṃ ekaṃ khandhaṃ sampayuttapaccayaṃ katvā tayo khandhā uppajjanti hetupaccayāti vuttaṃ hoti. Iminā upāyena sabbapadesu attho veditabbo. Imasmiṃ pana hetupaccaye arūpadhammasseva sampayogaṭṭhena paccayaṃ katvā tayo pañhā vissajjitā. Yathā ca hetupaccaye, tathā ārammaṇapaccayādīsūpi, kevalaṃ vipākapaccaye ekameva vissajjanaṃ.

347-350. Idāni yathāladdhāni vissajjanāni gaṇanavasena dassetuṃ **hetuyā tīṇīti**-ādi vuttaṃ. Tattha sabbatikesu kusalena kusalaṃ,

1. Paccayaṭṭhaṃ nāma nissayaṭṭhaṃ, nissayaṭṭhaṃ nāma paccayaṭṭhanti (Sī, Ka), paccayaṭṭhaṃ nāma nissayaṭṭhaṃ, nissayaṭṭhaṃ nāma paccayaṭṭhanti (Syā)

akusalena akusalaṃ, abyākatena abyākatanti ayameva niyamo. Ekame pana abyākatena abyākatameva labbhatīti evamettha bāvīsatiyā paccayesu tīṇi, vipāke ekanti dve paricchedā. Pacchājāte anulomaṃ natthi. Tasmā tīṇi ekanti imesaññeva vasena dukatikādīsu paccayasamsandane yattha vipākapaccayo pavisati, tattha ekaṃ, sesesu tīṇīti evaṃ gaṇanā veditabbā. Sesamettha anulome uttānatthameva.

351-354. Paccanīye pana kusalaṃ na labbhatīti akusalameva ādim katvā vissajjanaṃ kataṃ, taṃ uttānatthameva.

359. Yaṃ panettha paccanīye vissajjanaparicchedaṃ gaṇanato dassetuṃ **nahetuyā dveti**-ādi vuttaṃ, tattha dve tīṇi ekanti tayo paricchedā, tesam vasena dukatikādīsu paccayasamsandane gaṇanā veditabbā. Idhāpi adhikataragaṇanānaṃ ūnataragaṇanena saddhiṃ samsandane ūnataragaṇanameva labbhati, samagaṇanena saddhiṃ samagaṇanaṃ. Yasmā cettha arūpadhammāyeva paccayuppannā, tasmā nahetunādhipatinapurejātanapacchājātanāsevananakammanavipākanajhānana magga-navippayuttavasena daseva paccayā paccanīkato dassitā, sesā cuddasa na labbhanti. Yepi labbhanti, tesupi vipāke paccayuppanne nakammanavipākā na labbhanti.

360-368. **Nahetupaccayā nādhipatiyā dveti** nahetuyā laddhaṃ dvayameva. Sesadvayesupi eseva nayo. **Nakamme ekanti** ahetikakiriyacetanaṃ paccayuppannaṃ katvā abyākatena abyākatam. **Navipāke dveti** ahetikamohakiriyavasena dve. **Najhāne ekanti** ahetikapañcaviññāṇavasena abyākatavissajjanaṃ veditabbaṃ. **Namagge ekanti** ahetikavipākakiriyavasena abyākatavissajjanaṃ. Imināvupāyena sabbasamsandanesu attho veditabboti.

369-383. Anulomapaccanīye heṭṭhā vuttā nahetu-ādayo daseva paccanīyato labbhanti, na sesā. Yepi labbhanti, tesu hetumhi anulomato ṭhite jhānamaggā paccanīyato na labbhantīti sabbaṃ heṭṭhā vuttanayeneva veditabbanti.

384-391. Paccanīyānulome nahetupaccayuppannesu ahelukamohova jhānamaggapaccayaṃ labhati, sesā na labhanti. Najhānapaccaye aṭṭhāhetukacittānīpi. **Nakammapaccayā nahetupaccayā nāhipatipaccayā napurejātapaccayā ārammaṇe ekanti** āruppe ahelukakiriyacetanāvasena abyākatena abyākatam. Iminā upāyena yaṃ labbhati, yañca na labbhati, tassa vasena sabbattha gaṇanā veditabbāti.

Samsaṭṭhavāraṇṇanā.

6. Sampayuttavāraṇṇanā

392-400. Sampayuttavāre **kusalaṃ dhammaṃ sampayuttoti** kusalaṃ dhammaṃ sampayuttapaccayaṃ katvāti attho. Sesamettha Samsaṭṭhavāre vuttanayeneva veditabbam. Avāsāne panassa “samsaṭṭhattam nāma sampayuttattam, sampayuttattam nāma samsaṭṭhattan”ti idaṃ ubhinnaṃpi etesaṃ vārānaṃ atthaho ninnānākaraṇabhāvadassanattam vuttam. Atthato hi etepi paṭiccasahajātā viya paccayanissayā viya ca ninnānākaraṇā. Evaṃ santepi aññamaññassa atthaniyamanattam vuttā. “Samsaṭṭhā yojitā hayā”ti-ādīsu¹ hi asampayuttampi samsaṭṭhanti vuccati. “Yā sā vīmaṃsā kosajjasahagatā kosajjasampayuttā”ti-ādīsu² asamsaṭṭham³ vokiṇṇampi sampayuttanti. Iti Samsaṭṭhavārena ekuppādalakkhaṇassa sampayuttassa samsaṭṭhabhāvaṃ Sampayuttavārena ca samsaṭṭhassa ekuppādādīlakkhaṇassa sampayuttabhāvaṃ niyametum ubhopete vuttā. Apica tathā bujjhanakānaṃ ajjhāsayavasena desanāvīlāsena niruttipaṭisambhidāpabhedajānanavasena cāpi ete ubhopi vuttāti.

Sampayuttavāraṇṇanā.

Etesu pana chasu vāresu atthi koci paccayo ekantaṃ anulomato na tiṭṭhati, paccanīkatova tiṭṭhati, atthi ekantaṃ paccanīkato na tiṭṭhati, anulomatova tiṭṭhati, atthi anekantaṃ anulomato ceva tiṭṭhati, paccanīkato cāti idaṃ pakiṇṇakaṃ veditabbam. Tattha paṭhamo

1. Khu 6. 154 piṭṭhe Jātake.

2. Saṃ 3. 244 piṭṭhe.

3. Ayaṃ sampayuttatṭhonāma asamsaṭṭham (Sī, Ka)

pañho pacchājātassa, dutiyo mahācatukkassa, tatiyo yujjamānakānaṃ sesānaṃ vasena veditabboti.

7. Pañhāvāravibhaṅgavaṇṇanā

401-403. Pañhāvāre “siyā kusalo dhammo kusalassa dhammassa hetupaccayena paccayo”ti-ādinā Kusalattike uddharitabbapucchānaṃ labbhamānavasena vissajjanaṃ dassetuṃ **kusalo dhammo kusalassa dhammassa hetupaccayena paccayoti-ādi vuttaṃ**. Kusalo ca nāmesa sayam uppajjanto ṭhapetvā pacchājātañca vipākañca sesehi dvāvīsatiyā paccayehi uppajjati, kusalassa paccayo honto ṭhapetvā purejātapacchājātavipākavippayutte sesehi vīsatiyā paccayehi paccayo hoti. Tasmā yehi paccayehi kusalo kusalassa paccayo hoti, te paccaye paṭipāṭiyā dassetuṃ **hetupaccayenāti-ādi āraddhaṃ**.

Tattha yā esā paccayavibhaṅgavāre viya “hetusampayuttakānaṃ dhammānaṃ”ti akatvā “hetū sampayuttakānaṃ khandhānaṃ”ti desanā katā, tassā evaṃ karaṇe idaṃ payojanaṃ—tattha hi suññaṭṭhaṃ dīpetuṃ dhammānanti vuttaṃ, idha paccayato uppajjamānā dhammā rāsito uppajjanti na ekekatoti rāsaṭṭhaṃ dīpetuṃ khandhānanti vuttaṃ. Paṭiccavārādīsu vā khandhavasena paccayuppannadesanā āruḷhāti tenevānukkamena idhāpi āruḷhāti. Kasmā panetesu evaṃ āruḷhāti? Asaṅkarato vibhāgadassanattthaṃ. “Ekaṃ dhammaṃ paṭicca sesā dhammā”ti hi ādinā nayena vuccamāne asukadhammaṃ nāma nissāya asukadhammāti na sakkā asaṅkarato paccaye paccayuppanne ca jānituṃ, evaṃ sante uddesaniddesā nibbisesā siyūṃ. Tasmā asaṅkarato vibhāgadassanattthaṃ evaṃ āruḷhāti veditabbā. **Cittasamuṭṭhānānanti** idaṃ yassa abyākatassa kusalo hetupaccayena paccayo hoti, tameva dassetuṃ vuttaṃ. Paccayavibhaṅge pana kusalādivasena vibhāgaṃ akatvā sāmāññato sabbesaṃ hetūnaṃ vasena uppannarūpadassanattthaṃ cittasamuṭṭhānānanti avatvā taṃsamuṭṭhānānanti vuttaṃ. Tasmā tattha abyākatahetusamuṭṭhānarūpaṃ, okkantikkhaṇe kaṭattārūpampi saṅghaṃ gataṃ¹. Iminā upāyena sesesupi evarūpesu vissajjanesu attho veditabbo.

1. Saṅghitaṃ (Syā)

404. **Dānaṃ datvā**ti deyyadhammaṃ cajitvā. Yāya vā cetanāya so diyyati, sā cetanā dānaṃ. **Datvā**ti taṃ cetanaṃ pariyodāpetvā visuddhaṃ katvā. **Sīlaṃ samādiyitvā**ti pañcaṅgādivasena¹ niccasīlaṃ gaṇhitvā. Iminā samādānaviratiyeva dassitā. Sampattaviratisamucchedaviratiyo pana loke sīlanti apākaṭattā na vuttā. Kiñcāpi na vuttā, ārammaṇapaccayā pana hontiyeva. Tattha samucchedavirati sekkhānaṃyeva kusalassa ārammaṇaṃ hoti, na itaresaṃ. **Uposathakammaṃ katvā**ti “pāṇaṃ na hane na cādinnamādiye”ti² evaṃ vuttaṃ uposathadivasesu aṭṭhaṅga-uposathakiriyaṃ katvā. **Taṃ paccavekkhatī**ti taṃ kusalaṃ sekkhopi puthujjanopi paccavekkhati, arahāpi paccavekkhateva. Arahatopi hi pubbe kataṃ kusalaṃ kusalameva, yena pana cittena paccavekkhati, taṃ kiriyacittaṃ nāma hoti. Tasmā etaṃ “kusalo dhammo kusalassa dhammassā”ti imasmim̄ adhikāre na labbhati. **Pubbe suciṇṇānī**ti “datvā samādiyitvā katvā”ti hi āsanne katāni vuttāni, imāni na āsanne katānīti veditabbāni. Dānādīhi vā sesāni kāmāvacarakusalāni dassetuṃ idaṃ vuttaṃ. **Jhānā vuṭṭhahitvā**ti jhānā vuṭṭhahitvā. Ayameva vā Pāḷi. **Sekkhā gotrabhūti** sotāpannaṃ sandhāya vuttaṃ. So hi gotrabhūṃ paccavekkhati. **Vodānanti** idaṃ pana sakadāgāmi-anāgāmino sandhāya vuttaṃ. Tesaṃhi taṃ cittaṃ vodānaṃ nāma hoti. **Sekkhā**ti sotāpannasakadāgāmi-anāgāmino. **Maggā vuṭṭhahitvā**ti maggaphalabhaṅgātikkamavasena attanā paṭiladdhā maggā vuṭṭhahitvā, suddhamaggaṭoyeva pana vuṭṭhāya paccavekkhaṇaṃ nāma natthi.

Kusalaṃ aniccatoti ettha vipassanūpagaṃ tebhūmakakusalameva veditabbaṃ, vipassanākusalaṃ pana kāmāvacarameva. **Cetopariyañāṇenā**ti rūpāvacarakusalaṃ dasseti. **Ākāsānañcāyatananti**-ādīhi arūpāvacarakusalārammaṇavasena uppajjāmānaṃ arūpāvacarakusalameva. **Kusalā khandhā iddhividhañāṇassā**ti-ādīhi puggalaṃ anāmasitvā dhammavasena dasseti. Tenevettha heṭṭhā gahitampi cetopariyañāṇaṃ puna vuttaṃ.

405. **Assādetī**ti somanassasahagatalobhasampayuttacittehi anubhavati ceva rajjati ca. **Abhinandatī**ti sappītikataṇhāvasena nandati,

1. Pañcaṅgadasaṅgādivasena (Syā)

2. Am̄ 1. 215 piṭṭhe.

haṭṭhapahaṭṭho hoti, diṭṭhābhinandanāya vā abhinandati. **Rāgo uppajjati**ti assādentassa rāgo uppajjati nāma. Idam aṭṭhapi lobhayasahagatāni gahetvā vuttam. **Diṭṭhi uppajjati**ti abhinandantassa attā attaniyanti-ādivasena catūhipi cittehi sampayuttā diṭṭhi uppajjati. Asanniṭṭhānagatassa panettha vicikicchā uppajjati. Vikkhepagatassa uddhaccaṃ, akataṃ vata me kalyāṇanti vipaṭṭisārino dimanassam. **Tam ārabbhāti** tani suciṇṇāni ārammaṇam katvāti attho. Bahuvacassa hesa ekavacanādeso, jātivasena vā ekavacanamevetam.

406. **Arahā maggā vuṭṭhahitvāti** maggavīthiyam phalānantarassa bhavaṅgassa atikkamavasena vuṭṭhahitvā. Paccavekkhaṇacittāni panassa kiriyābyākatāni. Evaṃ kiriyābyākatassa ārammaṇapaccayam dassetvā puna vipākābyākatassa dassetuṃ **sekkhā vāti**-ādimāha. **Kusale niruddheti** vipassanājavanavīthiyā pacchinnāya. **Vipākoti** kāmāvacaravipāko. **Tadārammaṇatāti** tadārammaṇatāya, tam kusalassa javanassa ārammaṇabhūtam vipassitakusalam ārammaṇam katvā uppajjati attho. Na kevalaṅca tadārammaṇavaseneva, paṭisandhibhavaṅgacutivasenāpi. Vipāko hi kammaṃ ārammaṇam katvā gahitapaṭisandhikassa kusalārammaṇo hotiyeva, so pana dubbiñṇeyyattā idha na dassito.

Kusalam assādetīti-ādi akusalajavanāvasāne kusalārammaṇavipākam dassetuṃ vuttam. **Viññāṇaṅcāyatanavipākassāti** idam dubbiñṇeyyampi samānam mahaggatavipākassa tadārammaṇabhāvena anuppattito labbhamānakavasena vuttam. **Kiriyaṣāti** arahattam patvā asamāpannapubbe ākāsaṅcāyatane paṭilomato vā ekantarikavasena vā samāpannakiriyāya. **Cetopariyañāṇassāti**-ādini parato āvajjanāya yojetabbāni. Yā etesam āvajjanā, tassā kusalā khandhā ārammaṇapaccayena paccayoti ayañhettha attho.

407-409. **Rāganti** attano vā parassa vā rāgam. Attano rāgavasena panettha vaṇṇanā pākaṭā hoti. **Assādetīti**-ādini vuttatthāneva. Vicikicchādīsu pana tīsu assādetabbatāya abhāvena “assādetī”ti na vuttam. Diṭṭhi panettha uppajjati, sā assādetīti padassa

parihīnattā āgatapaṭipāṭiyā paṭhamam na vuttā. Vicikicchādīsuyeva taṃ taṃ sabhāgam paṭhamam vatvā tassa tassa anantarā vuttā. Imesu ca pana rāgādīsū “kiṃ me pāpadhammā uppajjantī”ti akkhantivasena vā, “kataṃ pāpam kataṃ luddan”ti vippaṭṭisārādivasena vā domanassuppatti veditabbā.

410. **Cakkhum aniccatoti** vipassanānukkamena oḷārikāyatanāni vatthurūpañcāti ekādasa rūpāni pākaṭattā gahitāni. Puna rūpāyatanādīni cakkhuviññānādīnam ārammaṇattā gahitāni. Yasmā panesā viññānakāyavasena desanā, na dhātuvasena, tasmā manodhātu na gahitā. Evaṃ sabbattha gahitāgahitam veditabban.

411. **Phalam paccavekkhanti nibbānam paccavekkhantīti** paccavekkhaṇakusalassa ārammaṇadassanattam vuttam.

413-416. Ārammaṇādhipatiniddese sekkhaputhujjanānam vasena catubhūmakakusalam dassitam, tathā sahaṇātādhipatiniddese. Arahatō uttamadhammam adhigatattā lokiyakusalesu garukāro natthīti aggamaggo va dassito.

417. Anantarapaccaye **purimā purimāti** ekabhūmakāpi nānābhūmakāpi kusalā ekato katvā vuttā. **Anulomam gotrabhussa, anulomam vodānassāti** nānārammaṇavasena. **Gotrabhu maggassa, vodānam maggassāti** nānābhūmivasena. **Kusalam vuṭṭhānassāti** ettha pana **kusalanti** tebhūmakakusalam. **Vuṭṭhānanti** tebhūmakavipākam. Tehi kusalajavanavīthito vuṭṭhahanti, tasmā vuṭṭhānanti vuccati. Tam duvidham hoti tadārammaṇam bhavaṅgaṇca. Tattha kāmāvacarakusalassa ubhayampi vuṭṭhānam hoti, mahagatassa bhavaṅgameva. **Maggo phalassāti** idam yasmā lokuttaravipākam javanavīthipariyāpanattā vuṭṭhānam nāma na hoti, tasmā visum vuttam. **Anulomam sekkhāyāti** asekkhāya kusalam anantaram na hoti, tasmā vibhāgam karoti. **Phalassamāpattiyāti** sotāpattiphalasakadāgāmiphala-anāgāmiphalassamāpattiyāpi. **Phalassamāpattiyāti** anāgāmiphalassamāpattiyā. Akusale duvidhampi vuṭṭhānam labbhati. **Vipākābyākatā kiriyābyākatāti** ettha vipākābyākatā vipākābyākatānaṃyeva, kiriyābyākatā

kiriyābyākatānaṃyeva veditabbā. **Bhavaṅgaṃ āvajjanāyāti**-ādi vomissakavasena vuttaṃ. Tattha **kiriyāti** kāmāvacarakiriyā. Sā duvidhassāpi vuṭṭhānassa anantarapaccayo hoti, mahaggaṭā bhavaṅgasseva. Iti ye heṭṭhā paccayavibhaṅganiddese “purimā purimā kusalā dhammā pacchimānaṃ pacchimānaṃ kusalānaṃ dhammānaṃ anantarapaccayena paccayo”ti ārabhitvā kusalaṃ kusalassa, kusalaṃ abyākatassa, akusalaṃ akusalassa, akusalaṃ abyākatassa, abyākataṃ abyākatassa, abyākataṃ kusalassa, abyākataṃ akusalassāti satta vārā dassitā, tesāṃ vasena idha saṅkhepato anantarapaccayo vibhatto.

Vitthārato panettha—

Dasadhā sattarasadhā, samasaṭṭhividhena ca.

Bahudhāpi ca niddesaṃ, sādhukaṃ upalakkhaye.

Ayañhi anantarapaccayo na kevalaṃ sattadhāva niddesaṃ labhati, kusalaṃ pana kusalassa vipākassa, akusalaṃ akusalassa vipākassa, vipākaṃ vipākassa kiriyassa, kiriyāṃ kusalassa akusalassa vipākassa kiriyassāti evaṃ dasadhāpi niddesaṃ labhati. Na kevalaṃ dasadhāyeva, kusalaṃ pana kusalassa kusalavipākassa akusalavipākassa, akusalaṃ akusalassa akusalavipākassa kusalavipākassa, kusalavipākaṃ kusalavipākassa akusalavipākassa kiriyassa, akusalavipākaṃ akusalavipākassa kusalavipākassa kiriyassa, kiriyāṃ kiriyassa kusalassa akusalassa kusalavipākassa akusalavipākassāti evaṃ sattarasadhā niddesaṃ labhati.

Na kevalaṅca sattarasadhāva, samasaṭṭhividhenāpi niddesaṃ labhateva. Kathaṃ? Kāmāvacarakusalañhi bhūmibhedena catubbidhassa kusalassa anantarapaccayo hoti, rūpāvacarārūpāvacaraṃ sakasakabhūmikassevāti kusalaṃ kusalassa chabbidhena anantarapaccayo. Kāmāvacarakusalaṃ pana kāmāvacarakusalavipākassa akusalavipākassa rūpāvacaravipākassa arūpāvacaravipākassa lokuttaravipākassa, rūpāvacarakusalaṃ rūpāvacaravipākassa kāmāvacarakusalavipākassa, arūpāvacarakusalaṃ kāmāvacarakusalavipākassa rūpāvacara-arūpāvacaralokuttaravipākassa, lokuttarakusalaṃ lokuttaravipākassāti kusalaṃ vipākassa dvādasavidhena

anantarapaccayo. Akusalaṃ akusalassa akusalavipākassa
tebhūmakakusalavipākassāti pañcavidhena anantarapaccayo.

Kāmāvacarakusalavipākaṃ kāmāvacarakusalavipākassa
akusalavipākassa rūpāvacaravipākassa arūpāvacaravipākassāti
kāmāvacarakusalavipākaṃ vipākassa catubbidhena anantarapaccayo.
Rūpāvacaravipākaṃ tebhūmakakusalavipākassāti tividhena
anantarapaccayo. Arūpāvacaravipākaṃ arūpāvacaravipākassa
kāmāvacarakusalavipākassāti duvidhena anantarapaccayo.
Lokuttaravipākaṃ catubhūmakakusalavipākassāti catubbidhena
anantarapaccayo. Evaṃ kuslavipākaṃ vipākassa terasadhāpi
anantarapaccayo. Akusalavipākaṃ akusalavipākassa
kāmāvacarakusalavipākassāti duvidhena anantarapaccayo. Evaṃ sabbathāpi
vipākaṃ vipākassa pañcadasavidhena anantarapaccayo.
Kāmāvacarakusalavipākaṃ pana kāmāvacarakiriyassa, tathā
akusalavipākaṃ, tathā rūpāvacaravipākaṃ, tathā arūpāvacaravipākañcāti
vipākaṃ kiriyassa ca catubbidhena anantarapaccayo.

Kāmāvacarakiriyāṃ tebhūmakakiriyassa, rūpāvacarārūpāvacarakiriyāṃ
rūpāvacarārūpāvacarānaññevāti¹ kiriyāṃ kiriyassa pañcavidhena
anantarapaccayo. Kāmāvacarakiriyāṃ akusalavipākassa ceva
catubhūmakakusalavipākassa ca, rūpāvacarakiriyāṃ
kāmāvacarakusalavipākarūpāvacaravipākānaṃ, arūpāvacarakiriyāṃ
catubhūmakakusalavipākassāpīti kiriyāṃ vipākassa ekādasavidhena
anantarapaccayo. Kāmāvacarakiriyāṃ pana kāmāvacarakusalassa
akusalassāti kusalākusalānaṃ duvidhena anantarapaccayo hoti. Evaṃ
samasatṭhividhenāpi niddesaṃ labhati.

Na kevalaṅca samasatṭhividheneva, bahuvīdhenāpi labhateva. Kathaṃ?
Kāmāvacarapaṭṭhamamahākusala-cittaṃ tāva attano, catunnaṅca
rūpāvacarakusalānaṃ, pādakayogena soḷasannaṃ somanassalokuttarānanti
ekavīsatiyā ca kusalānaṃ, javanapariyosāne tadārammaṇabhavaṅgavasena
uppañjamaṇānaṃ ekādasannaṃ kāmāvacaravipākānaṃ, bhavaṅgavaseneva
pavattānaṃ rūpāvacarārūpāvacaravipākānaṃ, phalasaṃpattivasena
pavattānaṃ dvādasannaṃ

1. Sakakiriyānaññevāti (Syā)

lokuttaravipākānanti evaṃ ekavīsatiyā kusalānaṃ, dvattimsāya vipākānanti tepaññāsāya cittānaṃ anantarapaccayo hoti. Tathā dutiyakusalacittaṃ. Tatiyacatutthāni pana ṭhpetvā uparibhūmakakusalāni ca lokuttaravipākāni ca sesa-ekavīsaticittānaṃ. Pañcamachaṭṭhāni attano ca, navannañca uparibhūmaka-upekkhākusalānaṃ, tevīsatiyā ca vipākānanti tettimsāya. Sattama-aṭṭhamāni ekavīsatiyāva.

Pañca rūpāvacarakusalāni attano attano pacchimānaṃ rūpāvacarakusalānaṃ, catunnampi ñāṇasampayuttamahāvīpākānaṃ, pañcannaṃ rūpāvacaravipākānañcāti dasannaṃ. Eteneva ca nayena arūpāvacarakusalesu paṭhamaṃ attano vipākena saddhim ekādasannaṃ, dutiyaṃ dvādasannaṃ, tatiyaṃ terasannaṃ, catutthaṃ cuddasannaṃ valasamāpattiyā cāti pannarasannaṃ. Lokuttarakusalaṃ attano attano vipākasseva. Aṭṭhasu lobhasahagatesu ekekaṃ akusalaṃ ekādasannaṃ kāmāvacaravipākamanoviññādhātūnaṃ navannaṃ mahaggatavipākānaṃ attano attano pacchimassa cāti ekavīsatiyā. Dve domanassasahagatāni upekkhāsahagatānaṃ channaṃ kāmāvacaravipākamanoviññādhātūnaṃ attano pacchimassa cāti sattannaṃ. Vicikicchuddhaccasahagatadvayaṃ somanassasahagatāhetukavipākena saddhim ekādasannaṃ kāmāvacaravipākamanoviññādhātūnaṃ navannaṃ rūpāvacarārūpāvacaravipākānaṃ attano pacchimassa cāti ekavīsatiyā.

Kusalavipākapañcaviññāṇā kusalavipākamanodhātuyā, manodhātu dvinnāṃ vipākamanoviññādhātūnaṃ. Tāsu dvīsu somanassasahagatā dasannaṃ vipākamanoviññādhātūnaṃ bhavaṅgabhūtānaṃ tadārammaṇakāle attano pacchimassa voṭṭhabbanakiriyassa cāti dvādasannaṃ. Upekkhāsahagatāhetukamanoviññādhātu pana āvajjanamanodhātuyā dviṭṭhānikāya āvajjanamanoviññādhātuyā dasannañca vipākamanoviññādhātūnanti dvādasannameva. Tihetukamahāvīpākā somanassasahagatāhetukavajjānaṃ dasannampi kāmāvacaravipākamanoviññādhātūnaṃ rūpāvacarārūpāvacaravipākānaṃ āvajjanadvayassa cāti ekavīsatiyā, duhetukavipāyā ṭhpetvā mahaggatavipāke sesānaṃ dvādasannaṃ. Pañca rūpāvacaravipākā tebhūmakakusalavipākasaṭṭhasandhicittānaṃ

sattarasannaṃ āvajjanadvayassa cāti ekūnavīsatiyā. Arūpāvacaravipākesu paṭhamam kāmāvacarakusalavipākatihetukapaṭisandhicittānaṃ catunnaṃ arūpāvacaravipākacittānaṃ catunnaṃ manodvārāvajjanassa cāti navannaṃ. Dutiyam heṭṭhimavipākaṃ vajjetvā aṭṭhannaṃ, tatiyam dve heṭṭhimāni vajjetvā sattannaṃ, catuttham tīṇi heṭṭhimāni vajjetvā channaṃ, cattāri lokuttaravipākāni tihetukavipākānaṃ terasannaṃ attano attano pacchimassa cāti cuddasannaṃ.

Akusalavipākapañcaviññāṇā akusalavipākamanodhātuyā, manodhātu akusalavipākāhetukamanoviññāṇadhātuyā. Sā tadārammaṇakāle attano pacchimassa cutikāle paṭisandhivasena bhavaṅgavasena ca pavattānaṃ itaresampi navannaṃ kāmāvacaravipākānaṃ upekkhāsahagatānaṃ dvinnaṃ parittakiriyānañcāti dvādasannaṃ. Kiriyamanodhātu dasannaṃ viññāṇānaṃ. Hasituppādakiriyā pañcavokāre bhavaṅgavasena pavattānaṃ navannaṃ tihetukavipākānaṃ, tadārammaṇavasena pavattānaṃ pañcannaṃ somanassasahagatavipākānaṃ attano pacchimassa cāti aggahitaggahaṇena terasannaṃ. Voṭṭhabbanakiriyā ṭhapetvā kiriyamanodhātuṃ dasannaṃ kāmāvacarakiriyānaṃ, kāmāvacarakusalākusalānaṃ pañcavokāre bhavaṅgavasena pavattānaṃ pannarasannaṃ vipākacittānañcāti pañcacattālīsāya.

Kāmāvacaratihetukasomanassasahagatakiriyadvayam bhavaṅgavasena pavattānaṃ terasannaṃ tihetukavipākānaṃ tadārammaṇavasena pañcannaṃ somanassasahagatavipākānaṃ parikammavasena pavattamānānaṃ catunnaṃ rūpāvacarakiriyānaṃ arahattaphalasaṃpattiyā attano pacchimassa cāti aggahitaggahaṇena dvāvīsatiyā¹ duhetukasomanassasahagatakiriyadvayam yathāvuttānaṃ terasannaṃ bhavaṅgacittānaṃ pañcannaṃ tadārammaṇānaṃ attano pacchimassa cāti aggahitaggahaṇena sattarasannaṃ. Kāmāvacaratihetuka-upekkhāsahagatakiriyadvayam tesamīeva terasannaṃ bhavaṅgānaṃ, tadārammaṇavasena pavattānaṃ channaṃ upekkhāsahagatavipākānaṃ, parikammavasena pavattānaṃ ekissā rūpāvacarakiriyāya catunnaṃ arūpāvacarakiriyānaṃ arahattaphalasaṃpattiyā attano pacchimassa cāti aggahitaggahaṇena catuvīsatiyā. Duhetuka-upekkhāsahagatakiriyadvayam tesamīeva terasannaṃ

1. Pañcavīsatiyā (Sī, Syā)

bhavaṅgānaṃ channaṃ tadārammaṅgānaṃ attano pacchimassa cāti
aggahitaggahaṇena aṭṭhārasannaṃ. Rūpāvacarakiriyesu ekekaṃ navannaṃ
pañcavokāre tihetukabhavaṅgānaṃ attano pacchimassa cāti dasannaṃ.
Arūpāvacarakiriyesu paṭhamāṃ pañcavokāre navannaṃ bhavaṅgānaṃ
catuvokāre ekassa attano pacchimassa cāti ekādasannaṃ. Dutiyāṃ
catuvokāre dve bhavaṅgāni labhati. Tatiyāṃ tīṇi, catutthāṃ cattāri
phalasaṃpattiñcāti tesu ekekaṃ yathāpaṭipāṭiyā ekādasannaṃ dvādasannaṃ
terasannaṃ pañcadasannaṃca anantarapaccayo hoti. Evaṃ bahuvidhenāpi
niddeśaṃ labhati. Tena vuttaṃ—

“Dasadhā sattarasadhā, samasaṭṭhividhena ca.
Bahudhāpi ca niddeśaṃ, sādhukaṃ upalakkhaye”ti.

Samanantarapaccayādayo uttānatthāyeva.

423. Upanissaye **saddhaṃ upanissāyāti** kammakammaphala-
idhalokaparalokādīsu saddhaṃ upanissayaṃ katvā. Yathā hi puriso
heṭṭhāpathaviyaṃ udakaṃ atthīti saddahitvā pathaviṃ khanati, evaṃ saddho
kulaputto dānādīnaṃ phalaṅca ānisaṃsaṅca saddahitvā dānādīni pavatteti.
Tasmā “saddhaṃ upanissāyā”ti vuttaṃ.

Sīlaṃ upanissāyāti—ādīsupi ime sīlādayo dhamme upanissayaṃ katvāti
attho. Sīlavā hi sīlānubhāvesu sīlānisaṃsesu ca kusalo sīlaṃ upanissāya
sīlavantānaṃ dānaṃ deti, uparūpari sīlaṃ samādiyati suparisuddhaṃ
akkhaṇḍaṃ, cātuddasī—ādīsū pakkhadivasesu uposathakammaṃ karoti,
sīlasampadaṃ nissāya jhānādīni uppādeti. Bahussutopi
dānādīpuññakiriyāyattā sabbasampattiyo dānādīnaṃca
saṃkilesavodānādibhedaṃ sutamayāya paññāya paṭivijjhivā ṭhito sutam
upanissāya dānādīni pavatteti. Cāgavāpi cāgādhimutto attano cāgasampadaṃ
upanissāya dānaṃ deti, sīlavanto hutvā dinnam mahapphalanti sīlaṃ
samādiyati, uposathakammaṃ karoti, tāya paṭipattiyā parisuddhacitto
jhānādīni uppādeti. Paññavāpi idhalokaparalokahitaṅceva
lokasamatikkamanupāyaṅca upaparikkhanto “sakkā imāya paṭipattiyā
idhalokahitampi paralokahitampi lokasamatikkamanupāyaṅca
sampādebhun”ti paññaṃ upanissāya dānādīni pavatteti. Yasmā pana na

kevalam saddhādayo dānādīnamīeva upanissayā, attano aparabhāge uppajjamānānam saddhādīnampi upanissayā eva, tasmā **saddhā sīlam sutam cāgo paññā saddhāya sīlassa sutassa cāgassa paññāyāti** vuttam.

Parikammanti anantaram aggahetvā pubbabhāge parikammaṃ gahetabbam. **Yathākammūpagaññāssa anāgatamsaññāssāti** imesaṃ dvinnam dibbacakkhuparikammameva, parikammaṃ visum natthi. Dibbacakkhuseva paribhaṇḍaññāni etāni, tasmim ijhamāne ijhanti. Evaṃ santepi tadadhimuttatāya sahitam dibbacakkhuparikammaṃ tesam parikammanti veditabbam. Na hi etāni sabbesaṃ dibbacakkhukānam samagatikāni honti. Tasmā bhavitabbamettha parikammavisesenāti. **Dibbacakkhu dibbāya sotadhātuyāti** dūre rūpāni disvā tesam saddam sotukāmassa dibbacakkhu sotadhātuvisuddhiyā upanissayo hoti. Tesam pana saddam sutvā tattha gantukāmatādivasena dibbasotadhātu iddhividhaññāssa upanissayo hoti. Evaṃ sabbattha tassa tassa upakārahāvavasena upanissayapaccayatā veditabbā.

Maggam upanissāya anuppannam samāpattinti tena tena maggena sithilikataparipanthakattā¹ pahīnapāripanthakattā ca tam tam samāpattim uppādentīti tesam maggo samāpattiyā upanissayo hoti. **Vipassantīti** uparūparimaggatthāya vipassanti. **Atthapaṭisambhidāyāti**-ādi paṭisambhidānam maggapaṭilābheneva ijghanato vuttam. Evaṃiddhānañca panetāsam pacchā tesu tesu ārammaṇesu pavattiyā maggova upanissayo nāma hoti.

Saddham upanissāya mānam jappetīti ahamasmi saddho pasannoti mānam pavatteti. **Diṭṭhim gaṇhātīti** tasmim tasmim vacane saddhāvaseneva gantvā paññāya attham anupaparikkhanto “atthi puggalo”ti-ādivasena diṭṭhim gaṇhāti. **Sīlam sutam cāgam paññanti** ahamasmi sīlavā sutavā cāgī paññāsampannoti mānam jappeti. Sīlasutacāgapaññāsu pana mānamaññanam viya diṭṭhimaññanam uppādentō diṭṭhim gaṇhāti. **Rāgassāti**-ādīsu saddhādisampadam upanissāya attukkaṃsanakāle tesu ekeko dhammo rāgassa, paravambhanakāle dosassa, ubhayena sampayuttassa mohassa, vuttappakārānam mānadiṭṭhīnam, saddhādisampadam upanissāya bhavabhogasampattipatthanāya upanissayo hoti.

1. ...pāripanthikattā (Sī), ...pāribandhakattā (Ka)

Evamettha lokiyakusalaññeva dassitaṃ, lokuttaraṃ pana santaṃ paṇitaṃ uttamaṃ akusalaviddhaṃsanam. Tasmā cando viya andhakāratamānaṃ na akusalassa upanissayo hotīti na gahitaṃ.

Ātāpetiti-ādi kāyikadukkhavasena abyākatadhammadassanattam vuttaṃ. Saddho hi saddhaṃ nissāya atisītaṃ ati-uṇhanti anosakkivā nānappakārāni navakammaveyyāvaccādīni karonto attānaṃ ātāpeti paritāpeti, bhogaṃ uppādetvā puññāni karissāmīti pariyeṭṭhimūlakam dukkham paccanubhoti. Sīlavāpi sīlānurakkhaṇattam abbhokāsikattādivasena attānaṃ ātāpeti paritāpeti, piṇḍacārikattādivasena pariyeṭṭhimūlakam dukkham paccanubhoti. Sutavāpi bāhussaccānurūpaṃ paṭipattim paṭipajjissāmīti vuttanayeneva paṭipajjanto attānaṃ ātāpeti paritāpeti, pariyeṭṭhimūlakam dukkham paccanubhoti. Cāgavāpi cāgādhimuttatāya attano yāpanamattepi paccaye anavasesetvā pariccajanto, aṅgādi pariccāgaṃ vā pana karonto attānaṃ ātāpeti paritāpeti, pariccajitabbassa vatthuno uppādanattam pariyeṭṭhimūlakam dukkham paccanubhoti. Paññavāpi uparūpari paññaṃ vadḍhessāmīti sappaññatam nissāya sītuṇhādīni agaṇetvā sajjhāyamanasikāresu yogaṃ karonto attānaṃ ātāpeti paritāpeti, micchājīve ādīnavaṃ sammājīve ca ānisaṃsaṃ disvā micchājīvaṃ pahāya parisuddhena ājīvena jīvitavuttim pariyesanto pariyeṭṭhimūlakam dukkham paccanubhoti.

Kāyikassa sukhassāti saddhādisampattim upanissāya uppannāni sukhopakaraṇāni paribhuñjanakāle saddhādisamuṭṭhānapaṇītarūpaphuṭakāyassa ca tesam vasena avippaṭisāramūlakapāmojjapītisamuṭṭhānarūpaphuṭakāyassa ca sukhuppattikāle tesam kaṭattā uppannavipākasukhakāle ca kāyikassa sukhassa, vuttanayeneva dukkhuppattikāle saddhādiḡuṇasampattim asahamānehi payuttavadhabandhanādīkāle ca kāyikassa dukkhassa, saddhādayo upanissāya pavattitaphalasamāpattikāle pana phalasamāpattiyā etesu ekeko upanissayapaccayena paccayo hotīti veditabbo. **Kusalaṃ kammanti** kusalacetanā attano vipākassa upanissayapaccayo, sā pana balavacetanāva labbhati, na dubbalā. Tatridam vatthu—ekā kira itthi ubbandhitukāmā rukkhe rajjuṃ laggetvā samvidhātābbaṃ samvidahati. Atheko

coro rattibhāge taṃ gehaṃ upasaṅkamtivā “imāya rajjuyā kiñcideva bandhitvā harissāmī”ti satthena chindituṃ upagato. Atha sā rajju āsīviso hutvā susūti akāsi. Coro bhīto apasakki. Itthī attano nivesanā nikkhamitvā rajjupāse gīvaṃ paṭimuñcitvā ubbandhā kālamakāsi. Evaṃ balavacetanā antarāye nivāretvā attano vipākassa upanissayo hoti. Na panetaṃ ekantato gahetabbaṃ. Katokāsañhi kammaṃ eva vipākassa antarāyaṃ paṭibāhitvā vipaccati, vipākajanaṃ pana kammaṃ vipākassa upanissayapaccayo na hotīti na vattabbaṃ. **Kammanti** ettha catubhūmakampi veditabbaṃ. Yaṃ pana parato “maggo phalasaṃpattiyā”ti vuttaṃ, taṃ acetanāvasena. Tenetaṃ dīpeti—yo koci vipākajanaṃ dhammo, so attano vipākassa upanissayapaccayo hotīti.

Rāgaṃ upanissāya pāṇaṃ hanatīti yasmim vattuṃsīm sāratto hoti, tasmim vā viruddhaṃ, tassa vā atthāya pāṇaṃ hanati. Adinnādānādisupi etenevupāyena attho veditabbo. **Sandhiṃ chindatīti** adinnādānavasena vuttaṃ. Tattha **sandhinti** gehasandhiṃ. **Nillopaṃ haratīti** niliyitvā harati. **Ekāgārikaṃ karotīti** bahūhi saddhiṃ ekameva gehaṃ parivāretvā vilumpati. **Paripantho tiṭṭhatīti** panthadūhanakammaṃ karoti. **Dosaṃ upanissāyāti-** ādisu “anattaṃ me acari”ti-ādivasena uppannaṃ dosaṃ upanissayaṃ katvā. **Mohaṃ upanissāyāti** pāṇātipātādisu ādivavapaṭicchādaṃ mohaṃ upanissayaṃ katvā. **Mānaṃ upanissāyāti** ahaṃ kiṃ hanituṃ na sakkomi, ādātuṃ na sakkomīti mānaṃ upanissayaṃ katvā. Kenaci vā pana avaññāto hoti paribhūto hīlito, taṃ omānaṃ upanissayaṃ katvātipi attho. **Diṭṭhiṃ upanissāyāti** yaññādisu brāhmaṇādayo viya pādasikamilakkhu-ādayo viya ca diṭṭhiṃ upanissayaṃ katvā. **Patthanaṃ upanissāyāti** “sace me idaṃ nāma ijjhissati, evarūpaṃ te balikammaṃ karissāmīti evaṃ devatāyācanaṃsaṅkhatāṃ vā, asukaṃ nāma me ghātetvā¹ dehi, asukassa santakaṃ āhara, ehi vā me etāni kammāni karontassa sahāyo hohī”ti evamādiṃ vā patthanaṃ upanissayaṃ katvā. **Rāgo doso moho māno diṭṭhi patthanā rāgassāti**

1. Ānetvā (Syā)

ettha rāgo rāgassāpi upanissayo hoti dosādīnampi. Dosādīsupi eseva nayo.

Pāṇātipāto pāṇātipātassāti pāṇātipātī asaṃvare t̥hitattā aññampi pāṇaṃ hanati. Yo vā etena hato, tassa ñātimittehi upadduto tesu aññampi hanati. Evaṃ pāṇātipāto pāṇātipātassa upanissayapaccayena paccayo. Bhaṇḍasāmikaṃ pana gopakaṃ vā ghātetvā parabhaṇḍaharaṇe, sāmikaṃ ghātetvā tassa dārātikkame, nāhaṃ hanāmīti musābhaṇane, katassa paṭicchādanatthāya akatassa vā karaṇatthāya pesuññaṃ upasaṃhāre, teneva nayena pharusavācānicchāraṇe, samphappalāpabhaṇane, paraṃ hanitvā abhijjhāyitabbaparavittūpakaraṇābhijjhāyane, yo tena ghātito hoti, tassa mittāmaccā ucchijjantūti-ādicintane “evaṃ me pāṇātipāto nijjiṇṇo bhavissati”ti dukkarakārikādivasena diṭṭhiggahaṇakāle pāṇātipāto adinnādānādīnampi upanissayo hoti. Iminā upāyena adinnādānādīmūlakesupi cakkesu attho veditabbo.

Mātughātikammaṃ mātughātikammassāti aññaṃ mātaraṃ hanantaṃ disvā “vaṭṭati evaṃ kātun”ti attano mātaraṃ hanantassa vā, ekasmiṃ bhave hantvā aparasmimpi hananavasena vā, ekasmiṃyeva bhave “gaccha me mātaraṃ hanāhi”ti punappunaṃ āṇāpanavasena vā, dvīhi pahārehi niyatamaṇāya dutiyapahāradānavasena vā mātughātikammaṃ mātughātikammaṃ upanissayo hoti. Sesānipi yathāyogaṃ imināva nayena veditabbāni. Yasmā pana balavākusalaṃ dubbalākusalassa upanissayo na hoti, tasmā kammaṭṭhānantariyakammavaseneva desanā katāti vadanti. Taṃ na ekantato gahetabbaṃ. Pāṇātipātādīni hi katvā “kasmā evamakāsī”ti codiyamāno kopamattakampi karoti. Vipphaṇṣārīpi hoti. Appamattakepi ca kilese uppanne taṃ vaḍḍhetvā vītikkamaṃ karoti. Tasmā balavaṃ dubbalassa dubbalañca balavassāpi upanissayo hotiyeva. Yaṃ pana paccayavibhaṅgassa uddesavaṇṇanāyaṃ vuttaṃ “balavakāraṇaṭṭhena upanissayo hoti”ti, taṃ kāraṇabhāvasseva balavatāya vuttaṃ, na upanissayapaccayadhammānaṃ. Kampakilesā hi balavantopi dubbalāpi balavakāraṇaṃ hontiyeva.

Rāgaṃ upanissāya dānaṃ detī-ādīsu aho vatāhaṃ Cātumahārājikānaṃ devānaṃ saḥabyataṃ upapajjeyyanti upapattibhave vā bhogesu vā rāgaṃ upanissāya dānaṃ deti. Sīlasamādāna-uposathakammesupi eśeva nayo. Jhānaṃ pana rāgavikkhambhanatthāya, vipassanaṃ rāgassa pahānatthāya, maggaṃ samucchedanatthāya uppādentō rāgaṃ upanissāya uppādeti nāma. Vītarāgabhāvattthāya pana abhiññaṃ samāpattiñca uppādentō rāgaṃ upanissāya uppādeti nāma. Ettāvata hi vītarāgo nāma hoti.

Saddhāyāti dānādivasena pavattasaddhāya. Sīlādīsupi eśeva nayo. Yatheva hi dānādivasena saddhādayo uppādentō rāgaṃ upanissāya uppādeti nāma, evaṃ rāgādayopi saddhādīnaṃ upanissayapaccayā nāma hotīti veditabbā. **Tassa paṭighātattthāyāti** tassa paṭibāhanatthāya, vipākokāsassa anuppādānatthāyāti attho. Sappaṭighātesu tāva evaṃ hotu, yāni pana appaṭighātāni ānantariyakammāni, tesu “tassa paṭighātattthāyā”ti kasmā vuttanti? Tassa ajjhāsayaśasena. Tappaṭighātattthāya pavattemīti hissa ajjhāsayo, taṃ gaḥetvā evaṃ vuttaṃ.

Rāgaṃ upanissāya attānaṃ ātāpetīti yattha ratto, tassa dukkarena pattim sampassanto evaṃ karotīti sabbaṃ purimanayeneva veditabbāṃ. **Kāyikassa sukhassāti** rāgādisamatikkamavasena kusalaṃ katvā paṭiladdhasukhassa vā rāgādivasena anādīnavadassāvino kāme paribhuñjanavasena uppannasukhassa vā. **Dukkhassāti** ātāpanādivasena uppannasukhassa vā rāgādīhetu pavattavadhabandhanādivasena uppannadukkhassa vā. **Phalasaṃpattiyāti** rāgādayo samucchinditvā vā uppāditāya tehi vā aṭṭīyamānena samāpannāya.

Kāyikaṃ sukhanti-ādīsu sukhe uppanne taṃ assādetvā punappunaṃ tathārūpeheva paccayehi taṃ uppādentassa purimaṃ pacchimassa upanissayo hoti. Sītādīsu pana aggisantāpanādīni atisevantassa pubbabhāge sukhaṃ aparabhāge dukkhassa, “sukho vatimissā paribbājikāya taruṇāya lomasāya bhāyā samphasso”ti vā kāmesu pātabyataṃ āpajjantassa idha kāyikaṃ sukhaṃ nerayikassa kāyikadukkhassa, arogabhāvena pana sukhino phalasaṃpattim samāpajjantassa kāyikaṃ sukhaṃ phalasaṃpattiyā

upanissayapaccayo hoti. Dukkhaṭṭhāyā pana sukhaṃ sevantassa dukkhaṭṭhāyā ca Bhagavato viya ābādhaṃ vikkhambhetvā phalasaṃpattim samāpajantassa kāyikaḍḍhaṃ kāyikasukhassa ceva phalasaṃpattiyā ca upanissayapaccayo hoti. Utusappāyo sukhaṃ ceva phalasaṃpattiyā ca, asappāyo dukkhaṃ. Utu-asappāyaṃ vā abhibhavivā samāpattisamuṭṭhitarūpavasena uppannaṃ sukhaṃ anubhavitukāmassa asappāyopi utu phalasaṃpattiyā paccayova. Bhojanasenāsanēsupi eseva nayo. Puna **kāyikaṃ sukhaṃ**-ādini kevalaṃ ekato dassitāni. Heṭṭhā vuttanayeneva panesaṃ paccayabhāvo veditabbo. **Phalasaṃpatti kāyikassa sukhaṃ**ti samāpattisamuṭṭhānarūpavasena uppannaṃ sukhaṃ. Taṃ hesa samāpattito vuṭṭhāya anubhavati.

Kāyikaṃ sukhaṃ upanissāya dānanti-ādīsu “aho vata me idaṃ sukhaṃ na parihāyeyyā”ti pattassa vā aparihāyanavasena, “aho vatāhaṃ āyatim evarūpaṃ sukhaṃ pāpuṇeyyan”ti appattassa vā pattivasena, dukkhepi “aho vata me dukkhaṃ parihāyeyyā”ti pattassa parihāyanavasena vā, “āyatim evarūpaṃ nuppajjeyyā”ti anuppādapattanāvasena vā sukhadukkhānaṃ upanissayatā veditabbā. Utubhojanasenāsanāni vuttanayāneva. Puna **kāyikaṃ sukhaṃ**-ādīsu yasmā “sādhu kho mārisa Moggallāna Buddhasaraṇagamaṇaṃ hoti”ti¹ sukhaṃ pattānampi, “Sammāsambuddho vata so Bhagavā, yo evarūpassa dukkhaṃ parihāyeyyā dhammaṃ deseti”ti² dukkhaṃ pattānampi saddhā uppajjati. Sukhadukkhēhi ca saṃyogaviyogattāya silādīparipūraṇaṃ kareyya, tasmā sukhadukkhāni saddhādīnaṃ upanissayabhāvena dassitāni. Utu-ādīnīpi yathāyogaṃ yojetabbāni. **Kāyikaṃ sukhaṃ upanissāya pāṇaṃ hanatī**-ādīsupi vuttanayānusāreṇeva sukhadīnaṃ upanissayatā veditabbā.

Imasmiṃ pana upanissayabhājanīye kusalo kusalassa tividhenāpi upanissayo, akusalassa duvidhena, abyākatassa tividhena. Akusalo akusalassa tividhena, kusalassa ekavidhena, abyākatassa duvidhena. Abyākatopi abyākatassa tividhena, tathā kusalassa,

1. Taṃ Buddhaṃ saraṇaṃ gamaṇaṃ hotīti (sabbattha) Saṃ 2. 463 piṭṭhe pana passitabbāni.

2. Khu 1. 93 piṭṭhe Udāne.

tathā akusalassāti evaṃ kusalo aṭṭhavidhena, akusalo chabbidhena, abyākato navavidhenāti tevīsatividhena upanissayo bhājitoti veditabbo.

424. Purejāte cakkhādīni oḷārikavasena vuttāni, āpodhātu-ādīnīpi pana purejātārammaṇāni hontiyeva. **Vatthupurejātaṃ cakkhāyatananti**-ādi yaṃ vatthu hutvā purejātaṃ hoti, taṃ dassetuṃ vuttaṃ. **Vatthu vipākābyākatānanti** pavattiyāṃ purejātapaccayaṃ sandhāya vuttaṃ.

425. Pacchājāte **imassa kāyassāti** cātumahābhūtikakāyassa. **Pacchājātapaccayena paccayoti** upatthambhanavasena pacchājāto hutvā paccayo. Upatthambhakaṭṭhena paccayattāyeva hesa pacchājātapaccayoti imasmīṃ Pañhāvāre anulomato āgato.

426. Āsevanapaccaye **anulomaṃ gotrabhussāti**-ādīnaṃ visuṃ gahaṇe heṭṭhā vuttanayeneva kāraṇaṃ veditabbaṃ.

427. Kammapaccaye **kusalā cetanā sampayuttakānanti** ettha sahajātānānākkhaṇikavibhāgassa abhāvato sahajātāti na vuttā. Abyākatavissajjane pana so vibhāgo atthi, tasmā tattha vuttā. Paṭisandhiggahaṇaṃ kaṭattārūpānaṃ vasena kataṃ. **Cetanā vatthussāti** kiñcāpi paṭisandhikkhaṇe vatthupatiṭṭhitā arūpadhammā vatthupaccayā vattanti, cetanā pana vatthussāpi paccayoti dassetuṃ vuttaṃ.

428. Vipākapaccaye paṭisandhivāre imināva nayena attho veditabbo.

429-438. Āhārapaccaye **imassa kāyassāti** imasmīṃ catusantativasena pavatte cātumahābhūtikakāye āhārasamuṭṭhānassa janakavasena, sesassa upatthambhakavasena āhārapaccayena paccayo. Indriyapaccayādisupi paṭisandhivāro vuttanayeneva veditabbo. Sesāṃ sabbattha uttānatthamevāti.

Pañhāvāravibhaṅgavaṇṇanā niṭṭhitā.

Pañhāvārassa ghaṭane anulomagaṇanā

439. Idānettha yathāladdhāni vissajjanāni gaṇanāvasena dassetum **hetuyā sattāti**-ādi vuttam. Tattha **sattāti** kusalena kusalam, abyākatam. kusalābyākatanti tīṇi, tathā akusalena, abyākatena abyākatamevāti evam satta. **Ārammaṇe navāti** ekamūlaka-ekāvasānāni nava. **Adhipatīyā dasāti** kusalam kusalassa sahajātato ceva ārammaṇato ca, akusalassa ārammaṇatova, abyākatassa sahajātato ceva ārammaṇato ca, kusalābyākatassa sahajātato evāti kusalamūlakāni cattāri. Akusalam akusalassa sahajātato ceva ārammaṇato ca, abyākatassa sahajātato, tathā akusalābyākatassāti akusalamūlakāni tīṇi. Abyākato abyākatassa sahajātato ceva ārammaṇato ca, kusalassa ārammaṇatova, tathā akusalassāti abyākatamūlakāni tīṇi evam dasa. Ettha pana ārammaṇādhipatipi sattadhā, sahajātādhipatipi sattadhāva labbhati.

Anantare sattāti kusalamūlakāni dve, tathā akusalamūlakāni, abyākatamūlakāni tīṇi evam satta. Samanantarepi etāneva. **Sahajāte navāti** kusalamūlakāni tīṇi, akusalamūlakāni tīṇi, abyākatamūlakam ekam, tathā kusalābyākatamūlakam, akusalābyākatamūlakañcāti evam nava. **Aññamaññe tīṇi** kusalena kusalam, akusalena akusalam, abyākatena abyākatanti evam tīṇi. **Nissaye terasāti** sahajātato kusalamūlakāni tīṇi, tathā akusalamūlakāni, tathā abyākatamūlakāni. Ettha pana purejātampi labbhati. Abyākatañhi abyākatassa sahajātampi hoti purejātampi, kusalassa purejātameva, tathā akusalassa, puna kusalābyākato sahajātapurejātato kusalassa, sahajātato abyākatassa, tathā akusalābyākatoti evam terasa. **Upanissaye navāti** ekamūlakekāvasānā nava. Tesam Vibhaṅge tevīsati bhedā dassitā. Tesu ārammaṇūpanissaye satta, anantarūpanissaye satta, pakatūpanissaye nava honti. **Purejāte tīṇi** abyākato abyākatassa, kusalassa, akusalassāti evam tīṇi.

Pacchājāte tīṇi kusalo abyākatassa, akusalo abyākatassa, abyākato abyākatassāti evaṃ tīṇi. **Āsevane tīṇi** aññamaññasadisāni. **Kamme satta** hetusadisāni. Tattha dvīsu vissajjanesu nānākkhaṇikakammampi āgataṃ, pañcasu sahajātameva. **Vipāke ekaṃ** abyākatena abyākatam. **Āhāra-indriyajhānamaggesu satta** hetusadisāneva. Indriyaṃ panettha sahajātapurejātavasena āgataṃ. **Sampayutte tīṇi** aññamaññasadisāni. **Vippayutte pañcāti** sahajātapacchājātato kusalena abyākatam, akusalena abyākatam, sahajātapurejātapacchājātato abyākatena abyākatam, vatthupurejātato abyākatena kusalam, tathā akusalanti ekaṃ kusalamūlam, ekaṃ akusalamūlam, tīṇi abyākatamūlānīti evaṃ pañca.

Atthiyā terasāti sahajātato kusalena kusalam, sahajātapacchājātato kusalena abyākatam, sahajātato kusalena kusalābyākatanti kusalamūlāni tīṇi, tathā akusalamūlāni, sahajātapurejātapacchājātāhārindriyato pana abyākatena abyākatam, vatthārammaṇapurejātato abyākatena kusalam, tathā akusalam, sahajātapurejātato kusalo ca abyākato ca akusalassa, sveva abyākatassa sahajātapacchājāta-āhārindriyato sahajātapurejātato ca kusalo ca abyākato ca kusalassa, sveva abyākatassa sahajātapacchājāta-āhārindriyatoti evaṃ terasa. **Natthivigatesu satta** anantarasadisāni. **Avigate terasa** atthisadisānīti evamettha satta gaṇanaparicchedā ekaṃ tīṇi pañca satta nava dasa terasāti. Tesu vipākavasena ekameva ekakam, aññamaññapurejātapacchājātāsevanasampayuttavasena pañca tikā, vippayuttavasena ekameva pañcakam, hetu-anantarasamanantarakamma-āhārindriyajhānamagganattvivigatavasena dasa sattakā, ārammaṇa sahajāta-upanissayavasena tayo navakā, adhipativasena ekaṃ dasakam, nissaya-atthivigatavasena tayo terasakāti evaṃ tasmim tasmim paccaye niddiṭṭhavāre gaṇanavasena sādhuḥkam sallakkhetvā tesam vasena dukatikādīsu paccayasamsandane gaṇanā veditabbā.

440. Ye pana paccayā yesam paccayānam visabhāgā vā viruddhā vā honti, te tehi saddhim na yojetabbā. Seyyathidaṃ—hetupaccayassa tāva

ārammaṇānantara samanantarūpanissaya purejātapacchājātakammāsevanā-
hārajhānanatthivigatā adhipatipaccaye ca ṭhapetvā vīmaṁsam sesādhipatino
visabhāgā, saha-jātādayo sabhāgā¹. Kasmā? Tathā bhāvābhāvato.

Hetupaccayo hi yesam hetupaccayo hoti, tesam saha-jātādipaccayopi hoti,
ārammaṇādipaccayo pana na hotīti ārammaṇādayo tassa visabhāgā nāma.
Tasmā so tehi, te vā tena saddhim na yojetabbā.

Purejātapacchājātasampayuttavippayutta atthinatthivigatāvigatā ca
aññamaññaviruddhā, tepi aññamaññaṁ na yojetabbā. Tattha ayojanīye
vajjetvā yojanīyehi yoge ye vārā labbhanti, te saṅkhepato dassetuṁ
hetupaccayā adhipatiyā cattārīti-ādi vuttam.

Tattha kiñcāpi hetupaccayassa adhipatinā saṁsandane
ūnataragaṇanavasena sattahi vārehi bhavitabbaṁ, yasmā pana adhipatīsu
vīmaṁsāva hetupaccayo, na itare, tasmā visabhāge vajjetvā sabhāgavasena
“cattārī”ti vuttam. Tāni evaṁ veditabbāni—kusalo dhammo kusalassa
dhammassa hetupaccayena paccayo adhipatipaccayena paccayo, kusalā
vīmaṁsā sampayuttakānaṁ khandhānaṁ, kusalo dhammo abyākatassa
dhammassa hetupaccayena paccayo adhipatipaccayena paccayo, kusalā
vīmaṁsā cittasamuṭṭhānānaṁ rūpānaṁ, kusalo dhammo kusalassa ca
abyākatassa ca dhammassa hetupaccayena paccayo adhipatipaccayena
paccayo, kusalā vīmaṁsā sampayuttakānaṁ khandhānaṁ
cittasamuṭṭhānānaṁ rūpānaṁ, abyākato dhammo abyākatassa dhammassa
hetupaccayena paccayo adhipatipaccayena paccayo, vipākābyākatā
kiriya-byākatā vīmaṁsā sampayuttakānaṁ khandhānaṁ
cittasamuṭṭhānānaṁ rūpānanti. Ettha ca vipākābyākatā lokuttaratova
gahetabbā. Ārammaṇapaccaya-anantarapaccayādayo pana visabhāgattā na
yojitā. Iminā upāyena sabbattha labbhamānaṁca alabbhamānaṁca ñatvā
labbhamānavasena vārā uddharitabbā.

Sahajāte sattāti hetuyā laddhāneva. **Aññamaññe tīṇīti** suddhika-
aññamaññe laddhāneva. **Nissaye sattāti** hetuyā laddhāneva. **Vipāke ekanti**
suddhikavipāke laddhameva. **Indriyamaggesu cattārīti** heṭṭhā

1. Tassa sabhāgā (Syā)

vuttanayāneva. **Sampayutte tīṇī**ti suddhikasampayutte laddhāneva.

Vippayutte tīṇīti kusalādicittasamuṭṭhānaṃ¹ rūpaṃ paccayuppannaṃ katvā veditabbāni. **Atthi-avigatesu sattā**ti hetuyā laddhāneva.

441-443. Evaṃ yehi adhipatipaccayādīhi ekādasahi paccayehi saddhiṃ hetupaccayo yojanaṃ labhati, tesam vasena dumūlakanaye gaṇanaṃ dassetvā idāni timūlakādīsu tassa dassanattham lakkhaṇaṃ ṭhapento **hetusahajātanissaya-atthi-avigatanti sattā**ti-ādimāha. Potthakesu pana nissapanissa-adhipāti evaṃ parihīnakkharāni paccayanāmāni likhanti, taṃ saññākaraṇamattavasena likhitaṃ, tasmā tādisesu ṭhānesu paripuṇṇā Pāḷi kātābbā. Yaṃ panidaṃ lakkhaṇaṃ ṭhapitaṃ, tena idaṃ dīpeti—ayaṃ hetupaccayo sahajātādīhi catūhi saddhiṃ saṃsandane attano Vibhaṅge laddhāni satteva vissajjanaṃ labhati. Sace panettha aññamaññapaccayo pavisati, aññamaññe laddhāni tīṇi labhati. Sace sampayuttapaccayo pavisati, tāneva tīṇi labhati. Sace vippayuttapaccayo pavisati, hetuvippayuttaduke laddhāni tīṇi labhati. Sace vipākapaccayo pavisati, sabbehi vipākasabhāgehi saddhiṃ saṃsandane ekameva vissajjanaṃ labhati. Sace panettha indriyamaggapaccayā pavisanti, tehi saddhiṃ dumūlake laddhāni cattāriyeva labhati. Sace tehi saddhiṃ aññamaññapaccayo pavisati, hetādhipatiduke dassitesu catūsu vissajjanesu “kusalo dhammo abyākatassa, kusalo dhammo kusalassa ca abyākatassa cā”ti dve apanetvā sesāni dve labhati. Sacepi tattha sampayuttapaccayo pavisati, tāneva dve labhati. Sace pana vippayuttapaccayo pavisati, itarāni dve labhati. Sace pana tesu vipākapaccayo pavisati, sabbattha ekameva labhati. Adhipatinā pana saddhiṃ hetādhipatidukato ūnataragaṇanesu appavisantesu cattāriyeva labhati. Ūnataragaṇanesu pavisantesu tesam vasena dve ekanti labhati. Evaṃ tesam tesam paccayānaṃ samāyoge labbhamānaṃ gaṇanaṃ viditvā timūlakādīsu gaṇanā uddharitabbāti.

1. Kusalādīni cittasamuṭṭhānaṃ (Sī, Ka)

Etesu pana ghaṭanesu sabbapaṭhamāni cattāri ghaṭanāni sāmāññato navannampi hetūnaṃ vasena vuttāni avipākāni. Abyākatena abyākatavissajjane panettha vipākahetupi labbhati.

Tato parāni pañca ghaṭanāni vipākahetuvaseṇa vuttāni. Tattha sabbe pi saha jātavipākā ceva vipākasaha jātārūpā ca. Tesu paṭhame ghaṭane vipākā ceva taṃsamuṭṭhānarūpā ca labbhanti, dutiye vipākā ceva paṭisandhiyañca vatthurūpaṃ. Tatiye arūpadhammāva. Catutthe vipākacittasamuṭṭhānarūpameva labbhati. Pañcame vatthurūpameva.

Tato parāni pañcadasa ghaṭanāni indriyamaggayuttāni amohahetuvaseṇa vuttāni. Tattha paṭhamāni nava nirādhipatīni, pacchimāni cha sādhipatīni. Nirādhipatikesu paṭhamāni cattāri sāmāññato sabbattha amohavaseṇa vuttāni, pacchimāni pañca vipākāmohavaseṇa. Tattha nirādhipatikesu paṭhame **cattāri**ti heṭṭhā hetādhipatiduke dassitāneva. Duttiye cittasamuṭṭhānarūpaṃ parihāyati. Tatiye vatthurūpaṃ parihāyati. Catutthe kusalo dhammo cittasamuṭṭhānānaṃ, abyākato taṃsamuṭṭhānānanti rūpameva labbhati. Tato parāni vipākayuttāni pañca heṭṭhā vuttanayāneva. Sādhipatikesu paṭhamāni tīni ghaṭanāni sāmāññato vipākāvīpākahetuvaseṇa vuttāni. Tesu paṭhame cattāri vuttanayāneva. Duttiye rūpaṃ parihāyati, tatiye arūpaṃ parihāyati. Tato parāni tīni vipākahetuvaseṇa vuttāni. Tesu paṭhame rūpārūpaṃ labbhati, duttiye arūpameva, tatiye rūpameva. Evampi tesāṃ tesāṃ paccayānaṃ samāyoge labbhamānaṃ gaṇanaṃ viditvā timūlakādīsu gaṇanā uddharitabbāti.

Hetumūlakam niṭṭhitam.

444. Ārammaṇamūlakepi adhipatipaccayādayo satta ārammaṇena sabhāgā, sesā soḷasa visabhāgāti te ayojetvā satteva yojitā. Tesu **adhipatīyā sattā**ti kusalo dhammo kusalassa dhammassa, akusalassa dhammassa, abyākatassāti evaṃ kusalamūlāni tīni, akusalamūlaṃ ekaṃ, abyākatamūlāni tīnīti satta. **Nissaye tīnī**ti vatthuvaseṇa abyākatamūlāneva. Upanissaye satta heṭṭhimāni eva. **Purejāte tīnī**ti vatthārammaṇavaseṇa abyākatamūlāni. **Vipayutte**

tīṇīti vatthuvaseveva. **Atthi-avigatesu tīṇī**ti vatthārammaṇavasena. Yathā pana hetumūlake lakkhaṇadassanattamaṃ ghaṭṭanāni ṭhapitāni, tathā ārammaṇamūlakādīsupi.

445. Tattha yāni tāva imasmim ārammaṇamūlake pañca ghaṭṭanāni ṭhapitāni. Tattha paṭhamam ārammaṇādhipativasena sādhipatikam. Tattha **sattā**ti ārammaṇādhipatiduke laddhavisajjanāneva. Dutiyam nirādhipatikam. Tattha **tīṇī**ti vatthārammaṇavasena ārammaṇavaseneva vā abyākatamūlāni. Tatiyam nissayena vuttam. Tatiyam nissayena vuttam. Tattha **tīṇī**ti vatthuvaseva abyākatamūlāni. Catutthapañcamāni sādhipatikāni. Tesu catutthe **ekanti** vatthārammaṇavasena ārammaṇavaseneva vā abyākatamūlam akusalam. Pañcame **ekanti** nissayato abyākatamūlakam akusalam. Evamidhāpi labbhamānavaseva tikādīsū gaṇanā veditabbā. Tathā adhipatimūlakādīsū. Ārammaṇa-indriyavipākavasena vitthārayojanam pana avatvā tattha tattha vattabbayuttakameva vadāmāti.

446. Adhipatimūlake **sahajāte sattā**ti sahajātādhipativasena kusalamūlāni tīṇi, akusalamūlāni tīṇi, abyākatamūlam ekam. Sahajātena pana saddhim ārammaṇādhipati, ārammaṇādhipatinā ca saddhim sahajātamaṃ na labbhati. **Aññamaññe tīṇī**ti sahajātādhipativaseveva. **Nissaye aṭṭhā**ti kusalamūlāni tīṇi, akusalamūlāni tīṇi, abyākatamūlāni dve. Abyākato hi adhipati abyākatassa sahajātato ceva ārammaṇato ca nissayo hoti, akusalassa ārammaṇatova. Kusalassa pana ubhayathāpi na hoti abyākatamūlāni dveyevāti evam aṭṭha. **Upanissaye satta** ārammaṇasadisāneva. **Purejāte ekanti** abyākatādhipati ārammaṇavasena akusalassa. **Vipāke ekam** abyākatena abyākatam lokuttaram. Āhārādīsū satta heṭṭhā ekamūlake laddhāneva. **Vippayutte cattārī**ti kusalena abyākatam, tathā akusalena, abyākatena abyākatañca kusalañca. Atthi-avigatesu aṭṭha nissayasadisāneva.

447-452. Ghaṭṭanāni panettha paṭipāṭiyā ārammaṇādīhi ayojetvā paṭhamam atthi-avigatehi yojitāni. Kimkāraṇāti? Ubhayādhipatimissakattā. Tattha paṭhame ghaṭṭane ārammaṇādhipativasena vatthārammaṇam

labbhati, dutiye nissayavasena garuṃ katvā assādentassa vatthumeva, tatiye sahaḥjātādhipativasena kusalādayo rūpānaṃ, ārammaṇādhipativasena vatthu akusalassa. Tato parāni tīṇi ghaṭanāni ārammaṇādhipativasena vuttāni. Tattha paṭhame **sattā**ti heṭṭhā vuttāneva. Dutiyē **ekanti** purejātāni vatthārammaṇāni akusalassa. Tatiye vatthumeva akusalassa. Tato parāni tīṇi ghaṭanāni vipākāvīpākāsādhāraṇāni sahaḥjātādhipativasena vuttāni. Tattha paṭhame rūpārūpaṃ labbhati, dutiye arūpameva, tatiye rūpameva. Tato parāni tīṇi vipākādhipativasena vuttāni. Tesupi paṭhame rūpārūpaṃ labbhati, dutiye arūpaṃ, tatiye rūpameva. Tato parāni cha ghaṭanāni āhārindriyayuttāni cittādhipativasena vuttāni. Tattha tīṇi avīpākāni, tīṇi savīpākāni. Tesu gaṇanā pākāṭāyeva. Tato parāni cha ghaṭanāni tatheva vīriyādhipativasena vuttāni. Nanu ca adhipatipaṭipāṭiyā paṭhamāṃ vīriyādhipativasena vattabbāni siyūṃ, kasmā tathā na vuttānīti? Parato hetuvasena vuttaghaṭanehi sadisattā. Parato hi hetuvasena ghaṭanāni amohassa vīmaṃsādhipatittā vīmaṃsāya ca sammādiṭṭhibhāvato maggasampayuttāni. Vīriyampi ca sammāvāyāmicchāvāyāmahāvena maggoti tena saddhiṃ ghaṭanāni parato hetuvasena vuttaghaṭanehi sadisānīti parivattetvā vuttāni. Tesupi gaṇanā pākāṭāyeva.

453-456. Anantarasamanantaramūlakesu **sattā**ti kusalo kusalassa abyākatassa ca, tathā akusalo, abyākato tiṇṇannampīti evaṃ satta. **Kamme ekanti** kusalā maggacetanā attano vipākābyākatassa. Ghaṭanāni panetesu tīṇi tīṇiyeva. Tāni bahutarapaṭipāṭiyā vuttāni.

457-460. Sahaḥjāta-aññamaññanissayamūlakesu ye ye dukamūlake paccayā vuttā, te teyeva ādito ṭhitena sabhāvā. Tasmā dukamūlake gaṇanaṃ ṇātvā ye upari paccayā ghaṭitā, tesu unataragaṇanassa vasena sabbaghaṭanesu gaṇanā veditabbā. Tattha sahaḥjātamūlake dasa ghaṭanāni. Tesu pañca avīpākāni, pañca savīpākāni. Tattha avīpākesu tāva paṭhame kusalo kusalassa

abyākatassa, kusalābyākatassa, kusalābyākato abyākatassāti cattāri, tathā akusalo, abyākato abyākatassevāti evaṃ nava. Tattha kusalākusalādikesu aṭṭhasu vissajjanesu arūpañceva cittasamuṭṭhānarūpañca labbhati. Abyākate vatthurūpampi. Dutiye ghaṭane abyākatavissajjane rūpesu vatthumeva labbhati, tatiye tīsupi arūpameva, catutthe cittasamuṭṭhānarūpameva, pañcame paṭisandhiyaṃ vatthunā saddhiṃ arūpadhammā. Savipākesu paṭhame vipākā ceva vipākacittasamuṭṭhānarūpañca, dutiye vipākā ceva vatthurūpañca, tatiye vipākameva, catutthe vipākacittasamuṭṭhānameva, pañcame vatthurūpameva labbhati.

Aññamaññamūlake cha ghaṭanāni. Tesu paṭhamāni tīni avipākāni, pacchimāni tīni savipākāni. Tesu gaṇanā pākaṭāyeva.

461. Nissayamūlake **nissayapaccayā ārammaṇe tīṇīti** vatthum ārammaṇaṃ katvā pavattakusalādivasena veditabbāni. **Upanissaye ekanti** vatthum ārammaṇūpanissayaṃ katvā uppannākusalaṃ. Sesam dumūlake heṭṭhā vuttanayeneva veditabbam.

462-464. Imasmiṃ pana nissayapaccaye vīsati ghaṭanāni. Tesu purimāni cha ghaṭanāni purejātasahajātavasena vuttāni, tato cattāri purejātavaseneva, tato dasa sahajātavaseneva. Tattha paṭhame ghaṭane **terasāti** nissayapaccayavibhaṅge vuttāneva. Dutiye **aṭṭhāti** sahajātādhipativasena satta, vatthum garum katvā akusalañcāti aṭṭha. Tatiye satta indriyapaccaye laddhāneva. Catutthe pañca vippayutte laddhāni. Pañcame **cattārīti** kusalādīni cittasamuṭṭhānānaṃ, vatthu ca akusalassa. Chaṭṭhe **tīṇīti** kusalādīni cittasamuṭṭhānassa. Purejātavasena catūsu paṭhame **tīṇīti** vatthu kusalādīnaṃ, cakkhādīni ca abyākatassa. Dutiye vatthumeva kusalādīnaṃ. Tatiye **ekanti** vatthu akusalassa. Catutthe cakkhādīni viññāṇapañcakassa. Sahajātavasena dasa savipākāvipākavasena dvidhā bhinditvā sahajātamūlake vuttanayeneva veditabbāni.

465. Upanissayamūlake **ārammaṇe sattāti** ārammaṇūpanissaye laddhāneva. **Adhipatiyā sattāti** tāneva. Anantarasamanantaresu anantarūpanissaye laddhāneva. **Nissaye ekanti** vatthu akusalassa. **Purejāte**

ekanti tasseva vatthum vā ārammaṇam vā. **Āsevane tīṇi** anantarūpanissayavasena. **Kamme dve** pakatūpanissayavasena. Lokuttarakusalacetanā pana anantarūpanissayopi hoti. **Vippayutte ekam** ārammaṇūpanissayavasena, tathā atthi-avigatesu. Natthivigahesu satta anantarasamāneva.

466. Upanissayamūlakāni pana satta ghaṭanāni honti. Tattha purimāni tīṇi ārammaṇūpanissayavasena vuttāni. Tattha paṭhame **sattāti** kusalo kusalādīnaṃ, tathā abyākato, akusalo akusalassevāti evaṃ satta. Dutiye **ekanti** cakkhādi-abyākataṃ akusalassa. Tatiye vatthu akusalassa. Tato parāni dve anantarūpanissayavasena vuttāni. Tesu gaṇanā pākaṭāyeva. Tato dve anantarapakatūpanissayavasena vuttāni. Tattha paṭhame lokiyakusalākusalacetanā paccayabhāvato gahetabbā, dutiye lokuttarakusalāva.

467-468. Purejātamūlake **ārammaṇe tīṇi** abyākato kusalādīnaṃ. **Adhipatiyā ekanti** abyākato akusalassa. Sesesupi eseva nayo. Ettha pana satta ghaṭanāni. Tesu paṭhamam vatthārammaṇavasena vuttam, dutiyam vatthuvaseva, tatiyam ārammaṇavasena, catuttham vatthussa ārammaṇakālavasena, pañcamam ārammaṇādhipativasena, chaṭṭham vatthuno ārammaṇādhipatikālavasena, sattamam cakkhādivasena.

469-472. Pacchājātamūlake vīsati paccayā na yujjanti, tayova yojanam labhanti. Ekamevettha ghaṭanam, tam kāyassa kusalādīnam vasena veditabbam. Āsevanamūlakepi ekameva ghaṭanam.

473-477. Kammamūlake **anantare ekanti** maggacetanāvasena vuttam. **Aññamaññe tīṇi** ettha paṭisandhiyam vatthupi gahetabbam. **Upanissaye dve**ti anantarapakatūpanissayavasena heṭṭhā vuttāneva. Evaṃ sesānipi heṭṭhā vuttanayeneva veditabbāni. Ettha pana ekādasa ghaṭanāni. Tattha paṭhamāni dve pakatūpanissayānantarūpanissayavibhāgato nānākkhaṇikakammavasena vuttāni. Tato parāni cattāri vipākāvīpākato ekakkhaṇikakammavasena vuttāni. Tattha paṭhame arūpena saddhim cittasamuṭṭhānarūpaṃ labbhati,

dutiye arūpena saddhiṃ vatthu, tatiye arūpameva, catutthe cittasamuṭṭhānarūpameva. Paṭisandhiyaṃ pana kaṭattārūpampi labbhati. Tato parāni pañca savipākāni, tāni heṭṭhā vuttanayāneva. Vipākamūlake pañca ghaṭānāni uttānatthāneva.

478-483. Āhāramūlake **sattāti-ādīni** vuttanayāneva. Ghaṭānāni panettha catuttimsa. Tesu paṭhamāni pañca vipākāvipākāsāmaññato vuttāni. Tattha paṭhame cattāropi āhārā labbhanti, dutiye tayo arūpāhārāva. Tatiye vatthupi paccayuppannaṃ hoti, catutthe taṃ parihāyati. Pañcame rūpameva paccayuppannaṃ. Tato parāni pañca savipākaghaṭānāni, tāni heṭṭhā vuttanayāneva. Tato parāni nava ghaṭānāni cetanāhāravasena vuttāni. Tato parāni nava nirādhipativīññāhāravasena. Tato parāni sādhipativīññāhāravasena cha ghaṭānāni vuttāni. Tattha tīpi vipākāvipākāsāmaññavasena vuttāni, tīpi vipākavaseneva. Tattha lokiyānaṃ vipākānaṃ abhāvato vatthu parihāyati.

484-495. Indriyamūlake **purejāte ekanti** cakkhundriyādīnaṃ vasena abyākatena abyākatam. Sesam dumūlakam heṭṭhā vuttanayeneva veditabbaṃ. Ghaṭānāni panettha cha sattati. Tattha paṭhame sabbānipi indriyāni paccayaṭṭhena¹ labbhanti. Dutiye rūpajīvitindriyaṃ hāyati. Na hi taṃ nissayo hoti. Tatiye arūpindriyāni rūpānaṃ. Catutthe cakkhādīni cakkhuvīññāādīnaṃ. Tato parāni nava ghaṭānāni sahaajāta-arūpindriyavasena vuttāni, tato nava maggabhūtānaṃ indriyānaṃ vasena, tato nava jhānaṅgabhūtānaṃ, tato nava jhānamaggabhūtānaṃ, tato nava manindriyavaseneva, tato sādhipatīni cha, tato vīriyavasena maggasampayuttāni cha, tato amohahetivasena nirādhipatīni nava, sādhipatīni cha. Tesu sabbesu vipākapaccayena ayuttāni ca yuttāni ca heṭṭhā vuttanayeneva veditabbāni.

496-500. Jhānamūlakepi dumūlakam heṭṭhā vuttanayeneva veditabbaṃ. Ghaṭānāni panettha chattimsa. Tesu paṭhamāni nava indriyamaggabhāvaṃ anāmasitvā

1. Paccayattena (Ka)

sādhāraṇajhānaṅgavaseneva vuttāni. Tato parāni nava indriyabhūtajhānaṅgavasena, tato nava maggabhūtajhānaṅgavasena, tato nava indriyamaggabhūtajhānaṅgavasena. Catūsupi cetesu navakesu ādito cattāri cattāri vipākāvipākasādhāraṇāni. Avasāne pañca pañca vipākāneva, tāni heṭṭhā vuttanayāneva.

501-508. Maggamūlakepi dumūlakam vuttanayeneva veditabbaṃ. Ghaṭṭanāni panettha sattapaññāsa. Tesu paṭhamāni nava indriyajhānabhāvaṃ anāmasitvā suddhikamaggavaseneva vuttāni. Tato nava indriyabhūtamaggavasena, tato nava jhānabhūtamaggavasena, tato nava indriyajhānabhūtamaggavasena, tato cha adhipatibhūtamaggavasena, tato nava nirādhipatimaggahetuvāsena, tato cha sādhipatimaggahetuvāsena, tattha navakesu pañca pañca chakkesu tīṇi tīṇi vipākāni. Sesāni sādharmaṇāni, tāni heṭṭhā vuttanayāneva.

509-510. Sampayuttamūlake dumūlakam uttānatthameva. Ettha pana dveyeva ghaṭṭanāni. Tattha ekam sādharmaṇavasena, ekam vipākavasena vuttaṃ.

511-514. Vippayuttamūlakepi dumūlakam uttānatthameva. Ghaṭṭanāni panettha terasa. Tattha paṭhame **pañcā**ti kusalo abyākatassa, tathā akusalo, abyākato tiṇṇannampi. Ettha ca ime vippayuttādayo sahaḥajāpi honti pacchajātapurejātāpi. Dutiye purejātasahaḥajātāva, tatiye teyeva adhipativāsena. Tattha kusalo abyākatassa, tathā akusalo, abyākato pana abyākatassa ca ārammaṇādhipativāsena akusalassa cāti evaṃ cattāri. Catutthe **tīṇi**ti kusalādīni abyākatassa. Indriyāni panettha rūpānipi arūpānipi. Pañcame paccayā arūpāva, chaṭṭhe vatthuvāsena rūpāva, sattame kusalābyākatānaṃ vipassanāvasena, akusalassa assādanavasena vatthumeva. Aṭṭhame tadevākusalassa, navame cakkhādīni abyākatassa, dasame kusalādayo cittasamuṭṭhānānaṃ, ekādasame paṭisandhiyaṃ vatthu khandhānaṃ, dvādasame paṭisandhiyaṃ khandhā kaṭattārūpānaṃ, terasame paṭisandhiyaṃ khandhā vatthussa.

515-518. Atthipaccayamūlake **upanissaye ekanti** ārammaṇūpanissayavasena abyākataṃ akusalassa. Sesam̐ dumūlake uttānameva. Ghaṭṭanāni panettha ekūnatimsa. Tesu paṭhame arūpavattārammaṇamahābhūta-indriyāhārānaṃ vasena saha-jātapurejātapacchā-jātapaccayā labbhanti. Dutīye pacchā-jātakabaḷīkārāhārā na labbhanti¹. Paṭhamadutiya-ghaṭṭanāneva adhipatinā saddhiṃ upari tatiyacatutthāni katāni. Puna paṭhamameva catūhi āhārehi saddhiṃ pañcamaṃ, rūpindriyehi saddhiṃ chaṭṭhaṃ, rūpārūpindriyehi saddhiṃ sattamaṃ kataṃ. Dutiyameva vā pana indriyehi saddhiṃ sattamaṃ kataṃ. Paṭhamadutiya-neva vippayuttapaccayena saddhiṃ aṭṭhamanavamāni. Tesu navamaṃ adhipatinā saddhiṃ dasamaṃ kataṃ. Tato ekādasame paccayavasena vatthu hāyati. Dvādasame arūpadhammāyeva paccayā, terasame vatthārammaṇā, cuddasame vatthumeva, pannarasame ārammaṇameva, soḷasame vatthumeva ārammaṇaṃ, sattarasame pana tadeva ārammaṇādhipatibhāvena, aṭṭhārasamepi tadeva ārammaṇūpanissayavasena, ekūnavīsati me cakkhādayova paccayā. Imāni ekūnavīsati pakiṇṇakaghaṭṭanāni nāma saha-jātaṃ aggahetvā vuttāni. Tato parāni dasa saha-jātavasena vuttāni.

519. Natthivigatamūlakesu anantarasamanantaramūlakesu viya upanissayāsevanakammavasena tīṇīyeva ghaṭṭanāni, avigatamūlakaṃ atthimūlakasadisamevāti.

Yāni panetāni imasmim̐ Pañhāvāre ghaṭṭanāni vuttāni, tāni sabbānipi duvidhāniyeva pakiṇṇakato saha-jātato ca. Tattha sabbesampi ārammaṇamūlakādīnaṃ ādito saha-jātaṃ aggahetvā vuttāni **pakiṇṇakāni** nāma. Tāni ārammaṇamūlake pañcapi, adhipatimūlake cha, anantaramūlake tīṇīpi, tathā samanantaramūlake, nissayamūlake dasa, upanissayamūlake satta, purejātamūlake satta, pacchā-jāta-amūlake ekameva, tathā āsevanamūlake, kammamūlake dve, āhāramūlake ekaṃ, indriyamūlake cattāri, vippayuttamūlake nava, atthimūlake ekūnavīsati, natthimūlake tīṇīpi, tathā vigatamūlake. Avigatamūlake ekūnavīsati sabbānipi satañceva tīṇī ca honti. Saha-jātanissayabhāvena panetāni pakiṇṇakānīti vuttāni.

1. Pacchā jātakabaḷīkārāhārārūpajīvitindriyāni labbhanti (Syā) Ṭīkā passitabbā.

Yāni pana sahajātaṃ labhanti, tāni **sahajātaghaṭanāni** nāmāti vuccanti. Tāni ārammaṇamūlake anantarasamanantarapurejātapacchājāta-āsevananatthivigatamūlakesu na labbhanti. Na hi te paccayā sahajātānaṃ paccayā honti. Yathā ca sahajātānaṃ na honti, tathā hetusahajāta-aññamaññavipākajhānamaggasampayuttapaccayā¹ asahajātānanti hetumūlake sabbāni catuvīsati ghaṭanāni sahajātaghaṭanāneva. Tathā adhipatimūlake catuvīsati, sahajātamūlake dasapi, aññamaññamūlake chapi, nissayamūlake dasa, kammamūlake nava, vipākamūlake pañcapi, āhāramūlake tettiṃsa, indriyamūlake dvāsattati, jhānamūlake chattiṃsāpi, maggamūlake sattapaññāsampi, sampayuttamūlake dvepi, vippayuttamūlake cattāri, atthimūlake dasa, avigatamūlake dasāti sabbānipi tīṇi satāni dvādasa ca honti. Iti purimāni sataṃ tīṇi ca imāni ca dvādasuttarāni tīṇi satānīti sabbānipi pañcadasādhikāni cattāri ghaṭanasatāni Pañhāvāre āgatāni. Tesu ye ye paccayadhammā nāmavasena na pākaṭā hutvā paññāyanti, tepi hetumūlakādīnaṃ nayānaṃ ādito vipākāvīpakasāmaññato vuttesu ghaṭanesu dassetabbā. Dvādaseva hi hetū cha ārammaṇā cattāro adhipatayo cattāro āhārā vīsati indriyāni satta jhānaṅgāni dvādasa maggaṅgānīti ete paccayadhammā nāma. Tesu ye ye dhammā ekantena kusalā ekanteneva akusalā ekantena kusalavīpakā ekantenevākusalavīpakā ekanteneva vipākā ekanteneva avīpakā, te te sādhukaṃ sallakkhetvā ye tattha vipākā, te vipākaghaṭanesu, ye avīpakā, te avīpakaghaṭanesu yathāyogaṃ yojetabbāti.

Pañhāvārassa ghaṭane anulomagaṇanā.

Paccanīyuddhāraṇṇanā

527. Idāni paccanīyaṃ hoti. Tattha yathā Paṭiccvārādīsu “akusalaṃ dhammaṃ paṭicca akusalo dhammo uppajjati nahetupaccayā”ti-ādinā nayena

1. Maggasampayuttapaccayānaṃ (Si)

labbhamānā pañhā labbhamānānaṃ paccayānaṃ vasena sarūpatova vitthāritā, evaṃ avitthāretvā ekena lakkhaṇena saṅkhepato paccanīyaṃ dassetuṃ dhammasaṅgāhakehi **kusalo dhammo kusalassa dhammassa ārammaṇapaccayena paccayoti**-ādinā nayena anulomato kusalādīnaṃ paccayā uddhaṭā. Te ca kho paccayā samūhavasena, no ekekapaccayavaseneva, tasmā ye yattha samūhato dassitā, te vibhajitvā veditabbā. Sabbepi hi ime catuvīsati paccayā aṭṭhasu paccayesu saṅgahaṃ gacchanti. Kataresu aṭṭhasu? Ārammaṇe sahaḷāte upanissaye purejāte pacchājāte kamme āhāre indriyeti. Kathaṃ? Ṭhapetvā hi ime aṭṭha paccaye sesesu soḷasasu hetupaccayo aññamaññavipākajhānamaggasampayuttapaccayoti ime cha paccayā ekantena sahaḷāte hutvā sahaḷātānaññeva paccayabhāvato sahaḷātapaccaye saṅgahaṃ gacchanti. Anantarapaccayo samanantara-āsevananattavigatapaccayoti ime pana pañca uppajjitvā niruddhā attano anantaraṃ uppajjamānānaññeva paccayabhāvato anantarūpanissayalakkhaṇena upanissaye saṅgahaṃ gacchanti. Nissayapaccayo sahaḷātapurejātabhedato duvidho. Tattha sahaḷātanissayo sahaḷātānaññeva nissayapaccayabhāvato sahaḷātapaccaye saṅgahaṃ gacchati, purejātanissayo purejātapaccaye saṅgahaṃ gacchati.

Adhipatipaccayopi sahaḷātādhipati-ārammaṇādhipativasena duvidho. Tattha sahaḷātādhipati sahaḷātānaññeva adhipatipaccayabhāvato sahaḷātapaccaye saṅgahaṃ gacchati. Ārammaṇādhipati ārammaṇūpanissayo hotiyevāti ārammaṇūpanissayalakkhaṇena upanissayapaccaye saṅgahaṃ gacchati. Vippayuttapaccayo sahaḷātapurejātapacchājātabhedato tividho. Tattha sahaḷātavippayutto sahaḷātānaññeva vippayuttapaccayabhāvato sahaḷātapaccaye saṅgahaṃ gacchati. Purejātavippayutto pure uppajjitvā pacchā uppajjamānānaṃ paccayabhāvato purejāte saṅgahito. Pacchājātavippayutto pacchā uppajjitvā pure uppanānaṃ upatthambhanavasena paccayabhāvato pacchājātapaccaye saṅgahaṃ gacchati. Atthipaccaya-avigatapaccayā sahaḷātapurejātapacchājāta-āhārindriyānaññeva atthi-avigatesu ca ekekassa vasena chahi bhedehi ṭhitā. Tattha sahaḷāta-atthi-avigatā sahaḷātānaññeva atthi-avigatapaccayabhāvato

sahajātapaccaye saṅgahaṃ gacchanti. Purejātā pure uppajjivā pacchā uppajjamānānaṃ paccayabhāvato purejātapaccaye saṅgahaṃ gacchanti. Pacchājātā pacchā uppajjivā pure uppannānaṃ upatthambhanavasena paccayabhāvato pacchājātapaccaye saṅgahaṃ gacchanti. Āhārabhūtā kabalīkārāhārapaccaye saṅgahaṃ gacchanti. Indriyabhūtā rūpajīvitindriyapaccaye saṅgahaṃ gacchantīti evaṃ ime soḷasapaccayā imesu aṭṭhasu paccayesu saṅgahaṃ gacchantīti veditabbā.

Imesampi pana aṭṭhannaṃ paccayānaṃ aññamaññaṃ saṅgato atthiyeva. Ādīto niddiṭṭho hi ārammaṇapaccayo adhipati-anadhipatibhedena duvidho. Tattha adhipatibhūto ārammaṇūpanissayalakkhaṇena upanissaye saṅgahaṃ gacchati. Anadhipatibhūto suddho ārammaṇapaccayova. Kammaṇapaccayopi saṅgātānānākkhaṇikavasena duvidho. Tattha saṅgātānānākkhaṇikavasena saṅgahaṃ gacchati. Nānākkhaṇikakammaṃ balavadubbalaavasena duvidhaṃ. Tattha balavakammaṃ vipākadhammānaṃ upanissayova hutvā paccayo hotīti upanissaye saṅgahaṃ gacchati. Balavampi pana rūpānaṃ dubbalaṅca arūpānaṃ nānākkhaṇikakammaṇapaccayeneva paccayo. Āhārapaccayopi rūpārūpato duvidho. Tattha arūpāhāro attanā saṅgātānānākkhaṇikavasena paccayo hotīti saṅgātānānākkhaṇikavasena saṅgahaṃ gacchati. Rūpāhāro saṅgātānānākkhaṇikavasena paccayo na hoti. Attano pana uppāḍakkhaṇaṃ atikkamivā ṭhitippatto āhārapaccayataṃ sādhetīti āhārapaccayova hoti. Indriyapaccayopi rūpārūpato duvidho. Tattha arūpindriyapaccayo attanā saṅgātānānākkhaṇikavasena indriyapaccayataṃ sādhetīti saṅgātānānākkhaṇikavasena saṅgahaṃ gacchati. Rūpindriyapaccayo pana ajjhatabhiddhābhedato duvidho. Tattha ajjhataṃ indriyapaccayo pure uppajjivā pacchā uppajjamānānaṃ sasampayuttadhammānaṃ cakkhuviññānādīnaṃ indriyapaccayo hotīti purejāteyeva saṅgahaṃ gacchati. Bāhiro indriyapaccayo nāma rūpajīvitindriyaṃ, taṃ saṅgātānānākkhaṇikavasena paccayo hontampi anupālanamattavaseneva hoti, na janakavasena indriyapaccayova hoti. Evaṃ ime aṭṭha paccayā aññamaññaṃ saṅgahaṃ gacchantīti veditabbā. Ayaṃ tāva aṭṭhasu paccayesu avasesānaṃ soḷasannaṅcava tesameva ca aṭṭhannaṃ aññamaññaṃavasena saṅgahanayo.

Idāni imesaṃ aṭṭhannaṃ paccayānaṃ ekekasmim̃ catuvīsatiyāpi paccayesu ye ye saṅgahaṃ gacchanti, te te veditabbā. Tattha aṭṭhannaṃ tāva sabbapaṭhame ārammaṇapaccaye ārammaṇapaccayova saṅgahaṃ gacchati, na sesā tevīsati. Dutiye sahajātapaccaye hetupaccayo sahajātādhipatipaccayo sahajātapaccayo aññamaññapaccayo sahajātanissayapaccayo sahajātakammaṇapaccayo vipākaṇapaccayo sahajāta-āhārapaccayo sahajāta-indriyapaccayo jhānaṇapaccayo maggaṇapaccayo sampayuttapaccayo sahajātavippayuttapaccayo sahajātatthipaccayo sahajātāvigatapaccayoti ime pannarasa paccayā saṅgahaṃ gacchanti. Tatiye upanissayapaccaye adhipatibhūto ārammaṇapaccayo ārammaṇabhūto adhipatipaccayo anantarasamanantara-upanissaya-āsevanapaccayā nānākkhaṇiko balavakammaṇapaccayo natthipaccayo vigatapaccayoti ime nava paccayā saṅgahaṃ gacchanti. Catutthe purejātapaccaye purejātanissayapaccayo purejātapaccayo purejātindriyapaccayo purejātavippayuttapaccayo purejātatthipaccayo purejātāvigatapaccayoti ime cha paccayā saṅgahaṃ gacchanti. Pañcame pacchājātapaccaye pacchājātapaccayo pacchājātavippayuttapaccayo pacchājātatthipaccayo pacchājātāvigatapaccayoti ime cattāro paccayā saṅgahaṃ gacchanti. Chaṭṭhe kammaṇapaccaye nānākkhaṇikakammaṇapaccayova saṅgahito. Sattame āhārapaccaye kabalīkārāhāravaseneva āhārapaccayo āhāratthipaccayo āhārāvigatapaccayoti ime tayo paccayā saṅgahitā. Aṭṭhame indriyapaccaye rūpajīvitindriyapaccayo indriyatthipaccayo indriyāvigatapaccayoti ime tayo paccayā saṅgahaṃ gacchanti. Evaṃ imesaṃ aṭṭhannaṃ paccayānaṃ ekekasmim̃ ime cime ca paccayā saṅgahaṃ gatāti ñatvā ye yattha saṅgahaṃ gatā, te tassa gaṇanena gahitāva hontīti veditabbā.

Evaṃ sabbapaccayasasaṅgāhakānaṃ imesaṃ aṭṭhannaṃ paccayānaṃ vasena ekūnapaññāsāya pañhesu imasmim̃ paccanīye “kusalo dhammo kusalassa dhammassa ārammaṇapaccayena paccayo”ti-ādayo ime pannarasa pañhā uddharitvā vissajjitā. Tattha kusalo kusalassa, kusalo akusalassa, kusalo abyākatassa, kusalo kusalābyākatassāti kusalādikā cattāro pañhā, tathā akusalādikā, abyākato pana abyākatassa,

abyākato kusalassa, abyākato akusalassāti abyākatādīkā tayo, kusalo ca abyākato ca kusalassa, tathā abyākatassa, akusalo ca abyākato ca akusalassa, tathā abyākatassāti dumūlakekāvasānā cattāro honti. Tesu paṭhame pañhe yehi bhavitabbaṃ, te sabbe saṅgahetvā tayo paccayā vuttā. Dutiye dve. Tatiye pañca. Catutthe ekova. Pañcame tayo. Chaṭṭhe dve. Sattame pañca. Aṭṭhame ekova. Navame satta. Dasame tayo. Ekādasame tayo. Dvādasame dve. Terasame cattāro. Cuddasame dve. Pannarasamepi cattārova. Te “sahajātapaccayenā”ti avatvā “sahajātaṃ pacchājātan”ti vuttā. Tattha kāraṇaṃ parato vakkhāma¹.

Samāsato panettha eko dve tayo cattāro pañca sattāti chaḷeva paccayaparichedā honti. Ayaṃ Pañhāvārassa Paccanīye ukkaṭṭhavasena pañhāparicchedo ceva te te paccaye saṅgahetvā dassitapaccayaparichedo ca. “Na hetupaccayo”ti-ādīsu hi catuvīsatiyāpi Paccayapaccanīyesu ekapaccanīyepi ito uddham pañhā vā paccayā vā na labbhanti, heṭṭhā labbhanti. Tasmā yesu pañhesu “kusalo dhammo kusalassa ca abyākatassa ca dhammassa sahajātapaccayena paccayo”ti evaṃ ekova paccayo āgato, tasmim paccaye paṭikkhitte te pañhā parihāyanti. Yasim pana pañhe “kusalo dhammo akusalassa dhammassa ārammaṇapaccayena paccayo upanissayapaccayena paccayo”ti evaṃ dve paccayā āgatā, tattha nārammaṇapaccayāti evaṃ ekasim paccaye paṭikkhittepi itarassa paccayassa vasena so pañho labbhateva. Tesu pana dvīsupi paccayesu paṭikkhittesu so vāro pacchijjati. Evameva yesu pañhesu tayo cattāro pañca satta vā labbhanti, tesu ṭhapetvā paṭikkhitte paccaye avasesānaṃ vasena te pañhā labbhantiyeva. Sabbesu pana paccayesu paṭikkhittesu sabbepe te vārā pacchijjantīti idameva cettha lakkhaṇaṃ. Iminā lakkhaṇena ādito paṭṭhāya tesu tesu pañhesu saṅkhipivā vuttapaccayānaṃ pabhedo ca tasmim tasmim paccanīye tesam tesam pañhānaṃ parihāni ca veditabbā.

1. Vaṇṇayissāma (Syā)

Tatrāyaṃ vitthārakathā—paṭhamapañhe tāva tīhi paccayehi ekūnavīsati paccayā dassitā. Kathaṃ? Kusalo hi kusalassa purejātapacchājātavipākavippayutteheva paccayo na hoti, sesehi vīsatiyā hoti. Tesu ārammaṇapaccayo ekova, sahaajāte pana sabbasaṅgāhikavasena pannarasa paccayā saṅgahaṃ gacchantīti vuttā. Tesu hetupaccaye paṭikkhitte cuddasa honti. Kusalo pana kusalassa neva vipākapaccayo na, vippayuttapaccayoti te dve apanetvā sese dvādasa sandhāya sahaajātapaccayena paccayoti vuttaṃ. Upanissayapaccayepi sabbasaṅgāhikavasena nava paccayā saṅgahaṃ gacchantīti vuttā. Tesu adhipatibhūto ārammaṇapaccayo ārammaṇabhūto ca adhipatipaccayo ārammaṇūpanissayavasena upanissayameva anupaviṭṭho. Kusalo pana kusalassa nānākkhaṇikakammappaccayo na hotīti taṃ apanetvā sese cha sandhāya upanissayapaccayena paccayoti vuttaṃ. Evaṃ paṭhamapañhe tīhi paccayehi ekūnavīsati paccayā dassitāti veditabbā. Tesu imasmim hetupaccanīye “kusalo dhammo kusalassa dhammassa nahetupaccayena paccayoti dānaṃ datvā sīlaṃ samādiyivā uposathakammaṃ katvā taṃ paccavekkhati, pubbe suciṇṇāni paccavekkhati”ti evamādinā ārammaṇapaccayādīsu vuttanayeneva uddharitvā Pāḷi dassetabbā.

Ārammaṇapaccaye pana paṭikkhitte tassa vitthāraṃ apanetvā hetupaccayavitthāraṃ pakkipitvā sāyeva Pāḷi dassetabbā. Sesapaccayapaṭikkhepesupi eseve nayo. Tasmim pana paccaye paṭikkhitte ye vārā parihāyanti, te parato vakkhāma¹.

Dutiyañhe pana dvīhi paccayehi tayo paccayā dassitā. Kathaṃ? Kusalo hi akusalassa anantarādivasena paccayo na hoti, tasmā te apanetvā ārammaṇūpanissayavasena saṅgahitaṃ ārammaṇādhipatiñceva pakatūpanissayañca sandhāya upanissayapaccayena paccayoti vuttaṃ. Tasmā suddho ārammaṇapaccayo ārammaṇādhipativasena adhipatipaccayo upanissayapaccayoti dutiyañhe dvīhi paccayehi ime tayo paccayā dassitāti veditabbā.

1. Vaṇṇayissāma (Syā)

Tatiyapañhe pana pañcahi paccayehi aṭṭhārassa paccayā dassitā katham? Kusalo hi abyākatassa aññamaññapurejātāsevanavipākasampayuttehiyeva paccayo na hoti, sesehi ekūnavīsatiyā hoti. Tesu ārammaṇapaccayo eko. Yasmā pana kusalo abyākatassa aññamaññavipākasampayuttavasena paccayo na hoti, hetupaccayo paṭikkhitto, kammaṇapaccayo visum gahito, tasmā ime pañca apanetvā saḥajātena dasa paccayā dassitā. Upanissayena heṭṭhā vuttesu chasu ṭhapetvā āsevanam sesā pañca. Pacchājāto ekova, tathā saḥajātanānākkhaṇikavasena duvidhopi kammaṇapaccayoti evam tatiyapañhe pañcahi paccayehi ime aṭṭhārassa paccayā dassitāti veditabbā.

Catutthapañhe pana ekena paccayena dasa. Katham? Kusalo hi kusalaḥabyākatassa saḥajāte vuttesu pannarasasu aññamaññavipākasampayuttavippayuttehi paccayo na hoti, hetupaccayo paṭikkhitto. Iti ime pañca apanetvā sesā dasa paccayā ettha ekena paccayena dassitāti veditabbā.

528. Yathā ca imesu kusalādikesu catūsu, tathā akusalādikesupi catūsu pañhesu tehi tehi paccayehi te teyeva paccayā dassitāti veditabbā.

529. Tato parānam abyākatādīnam tiṇṇam pañhānam paṭhamapañhe sattahi paccayehi tevīsati paccayā dassitā. Katham? Abyākato hi abyākatassa catuvīsatiyāpi paccayehi paccayo hoti, hetupaccaye pana paṭikkhitte tevīsati honti. Tesu ārammaṇapaccayo ekova. Yasmā panettha asaḥajātānampi saṅgahaṇattham āhārindriyapaccayā visum gahitā, tasmā ime tayo apanetvā saḥajātena dvādasa paccayā dassitā, upanissayena heṭṭhā vuttā cha, purejāto ekova, tathā pacchājāta-āhārindriyapaccayāti evamettha sattahi paccayehi ime tevīsati paccayā dassitāti veditabbā. Dutiye tīhi paccayehi dvādasa dassitā. Katham? Ārammaṇapaccayo eko, upanissayena pana ārammaṇūpanissayavasena ārammaṇādhipati-anantarasamanantaranatthivigata-upanissayapaccayoti

cha dassitā, purejātena purejātanissayavippayutta-atthi-avigatā pañcāti evamettha tīhi paccayehi ime dvādasa paccayā dassitāti veditabbā. Tatiyepi eseva nayo.

530. Tato parānaṃ dukamūlakānaṃ catunnaṃ pañhānaṃ paṭhamapañhe “sahajātapaccayena purejātapaccayenā”ti avatvā “sahajātaṃ purejātan”ti vuttehi dvīhi nissaya-atthi-avigatavasena tayo paccayā dassitā. Kusalā hi khandhā vatthunā saddhiṃ ekato kusalassa paccayabhāvaṃ sādhayamānā kiñcāpi sahajātā, sahajātapaccayā pana na honti vatthumissakattā. Tasmā tesam sahajātānaṃ nissaya-atthi avigatānaṃ vasena sahajātanti vuttaṃ. Vatthumhipi eseva nayo. Tampi hi kiñcāpi purejātaṃ, khandhamissakattā pana purejātapaccayo na hoti. Kevalaṃ purejātānaṃ nissayādīnaṃ vasena purejātanti vuttaṃ.

Dutiyapañhe “sahajātaṃ pacchājātaṃ āhāraṃ indriyan”ti vuttehi catūhipi sahajātanissaya-atthi-avigatavasena cattāro paccayā dassitā. Imasmiñhi vāre sahajātapaccayo labbhati, pacchājātapaccayādayo na labbhanti. Pacchājātānaṃ pana āhārindriyasaṅkhātānañca atthi-avigatānaṃ vasenetam vuttaṃ. Kusalā hi khandhā abyākatā ca mahābhūtā upādārūpānaṃ sahajātapaccayena nissayapaccayena atthi-avigatapaccayehīti catudhā paccayā honti. Pacchājātā pana kusalā tehiyeva bhūtehi saddhiṃ tesaññeva upādārūpānaṃ atthi-avigatavasena paccayo. Kabaḷikārāhāropi pacchājātehi kusalehi saddhiṃ purejātassa kāyassa atthi-avigatavaseneva paccayo. Rūpajīvitindriyampi pacchājātehi kusalehi saddhiṃ kaṭattārūpānaṃ atthi-avigatapaccayeneva paccayo. Iti imaṃ catudhā paccayabhāvaṃ sandhāya “sahajātaṃ pacchājātaṃ āhāraṃ indriyan”ti idaṃ vuttaṃ. Pacchājātāhārindriyapaccayā panettha na labbhantiyeva. Parato akusalamissakapañhādvayepi eseva nayoti. Evamettha tesu tesu pañhesu saṅkhipitvā vuttapaccayānaṃ pabhedo veditabbo. Tasmim tasmim pana paccaye tesam tesam pañhānaṃ parihānāparihānim parato āvikarissāmāti.

Paccanīyuddhārassa atthavaṇṇanā.

Paccanīyagaṇanavaṇṇanā

532. Idāni ete “kusalo dhammo kusalassa dhammassā”ti-ādayo anulomavasena pannarasa vārā dassitā. Yasmā paccanīyepi eteyeva, na ito uddham, heṭṭhā pana honti, tasmā yassa yassa paccayassa paccanīye ye ye vārā labbhanti, te te ādito paṭṭhāya gaṇanavasena dassetuṃ **nahetuyā pannarasāti**-ādi āradham.

Tattha **nahetuyā** sabbesampi yathādassitānaṃ paccayānaṃ vasena pannarasa labbhanti. **Nārammaṇe** sahajāte hetupaccayo pavisati. Tasmim tasmim vāre suddho ārammaṇapaccayo parihāyati, sesapaccayavasena te vārā vissajjanaṃ labhanti. Yathā ca nārammaṇe, evaṃ sesesupi. Sahajāte hetupaccayo pavisati. Tasmim tasmiṃca vāre na-upanissaye na-anantareti evaṃ paccanīyato ṭhitā paccayā parihāyanti, avasesapaccayavasena te te vārā vissajjanaṃ labhanti. **Nasahajāte** pana “kusalo dhammo kusalassa ca abyākatassa ca, akusalo dhammo akusalassa ca abyākatassa ca, kusalo ca abyākato ca dhammā kusalassa, akusalo ca abyākato ca dhammā akusalassā”ti ime cattāro vārā parihāyanti. Etesaṃhi catunnaṃ purimesu dvīsu sahajātapaccayena paccayoti ekādasannaṃ paccayānaṃ vasena ekova paccayasaṅgaho vutto. Te tasmim paṭikkhitte aññenākārena vissajjanaṃ na labhanti. Pacchimesu dvīsu nissaya-atthi-avigatapaccaye sandhāya “sahajātaṃ purejātan”ti vuttaṃ. Te sahajāte paṭikkhitte avasesānaṃ hetu-ādīnaṃca purejātānaṃceva nissaya-atthi-avigatānaṃ vasena vissajjanaṃ na labhanti, tasmā ime cattāropi vārā parihāyanti, avasesānaṃ vasena “ekādasā”ti vuttaṃ.

Tattha siyā—yathā hetumhi paṭikkhitte sesānaṃ adhipati-ādīnaṃ vasena te vārā laddhā, evaṃ sahajāte paṭikkhitte avasesānaṃ hetu-ādīnaṃ vasena kasmā na labhantīti? Nippadesattā. Hetu-ādayo hi sahajātānaṃ ekadesamattato sappadesā, tasmā tesu paṭikkhittesu aññesaṃ vasena te vārā labbhanti. Sahajāto pana nippadeso sabbepi hetu-ādayo gaṇhāti, tasmā tasmim paṭikkhitte sabbepi te paṭikkhittā honti. Na hi asahajāta hetupaccayādayo nāma

atthi. Iti saḥajātaṃ nippadesattā tasmim̐ paṭikkhitte sabbepi te ubhopi vārā na labbhanti. “Sahajātaṃ purejātan”ti vissajjitavāresu pana kiñcāpi saḥajātapaccayo yeva natthi, yasmā panettha saḥajātāva arūpakkhandhā nissaya-atthi-avigatavasena paccayā, saḥajāte ca paṭikkhitte ekantena saḥajātanissaya-atthi-avigatā paṭikkhittā honti, tasmā tassa paṭikkhittattā tepi vārā na labbhantīti evaṃ sabbathāpettha ime cattāro vārā parihāyanti. Avasesānaññeva vasena ekādasāti vuttam̐.

Na-aññamaññanissayanasampayuttepi te yeva vārā parihāyanti. Kasmā? Saḥajātagatikattā. Yatheva hi arūpadhammabhūto saḥajātapaccayo nippadesena cattāro arūpakkhandhe gaṇhāti, tathā aññamaññanissayasampayuttāpīti saḥajātagatikattā etesupi paṭikkhittesu te vārā na labbhantīti veditabbā. Tena vuttam̐ **na-aññamaññe ekādasa, nanissaye ekādasa, nasampayutte ekādasāti.**

Tattha siyā—kiñcāpi ime avisesena kusalādibhedānam catunnam̐ khandhānam̐ saṅgāhakattā saḥajātagatikā, kusalo pana kusalābyākatassa ṭhapetvā saḥajātapaccayaṃ aññathā paccayova na hoti, tasmā tasmim̐ paṭikkhitte so vāro parihāyatu, kusalo pana kusalābyākatānam̐ neva aññamaññapaccayo hoti, tasmim̐ paṭikkhitte so vāro kasmā parihāyatīti? Aññamaññapaccayadhammavasena pavattisabbhāvato. Yatheva hi kusalābyākatā kusalassa saḥajātapaccayova na honti, saḥajātadhammavasena pana nissayapaccayādīhi pavattisabbhāvato tasmim̐ paṭikkhitte so vāro parihāyati, evamidhāpi aññamaññapaccayadhammavasena saḥajātādīhi pavattisabbhāvato tasmim̐ paṭikkhitte so vāro parihāyati. **Na-aññamaññapaccayena paccayoti** padassa hi ayamatto—ye dhammā aññamaññapaccayasāṅgahaṃ gatā, na tehi paccayo. Kusalo ca kusalābyākatānam̐ saḥajātādivasena paccayo honto aññamaññapaccayadhammeveva paccayo hoti, tasmā tasmim̐ paṭikkhitte so vāro parihāyati. Yathā ca so vāro, tathā sesāpi tayoti cattāropi te vārā parihāyanti.

Nanissaye ekādasāti etthāpi yasmā tesam vārānam ekantena sahajātapaccayadhammāva nissayabhūtā, tasmā nissaye paṭikkhitte parihāyanti. **Napurejāte terasāti** sahajātam purejātanti vuttavissajjane dvimūlake dve apanetvā terasa. Yathā hi te sahajāte paṭikkhitte purejātānaññeva nissaya-atthi-avigatānam vasena vissajjanam na labhanti, tathā purejātepi paṭikkhitte sahajātānaññeva nissaya-atthi-avigatānam vasena vissajjanam na labhanti, tasmā te apanetvā terasāti veditabbā.

Napacchājāte pannarasāti ettha “pacchājātapaccayena paccayo”ti vā “sahajātam pacchājātam āhāram indriyan”ti vā āgataṭṭhānesu ṭhapetvā pacchājātam avasesavasenapi te pañhā labbhanti, tasmā pannaraseva vuttā. **Nakammeti-ādīsu** yasmā kammavipākāhārindriyajhānamaggāpi kusalādibhedānam catunnam khandhānam ekadesova, tasmā ṭhapetvā te dhamme avasesadhammavasena sahajātadhammā paccayā hontīti ekampi pañhāvissajjanam na parihīnam. **Nasampayutte ekādasāti** yasmā tesu catūsu vāresu sampayuttadhammā sahajātādipaccayena paccayā honti, tasmā sampayuttapaccayapaṭikkhepena teyeva vārā parihāyantīti veditabbā. **Navippayutte navāti** dumūlaka-ekāvasānā cattāro ekamūlakadukāvasānā dve cāti ime cha vārā ekantena vippayuttapaccayadhammehi yuttā tehi sahajātādivasena paccayā honti, tasmā vippayutte paṭikkhitte sabbepi te parihāyantīti naveva labbhanti. Tena vuttam “navippayutte navā”ti. No-atthino-avigatesupi teyeva veditabbā. Ekantena hi te vārā atthi-avigatapaccayadhammayuttā, tasmā te tesam paṭikkhepe parihāyanti. Yepi labbhanti, tesu ārammaṇavasena anantarādivasena vā vissajjanāni kātābbāni. Sahajātapurejātapacchājāta-āhārindriyabhedato pañcannam atthi-avigatānam vippayuttadhammānam vā vasena na kātābbānīti.

533. Evam paccanīye laddhavāre gaṇanato dassetvā idāni dumūlakādivasena paccayagaṇanam dassetuṃ **nahetupaccayā nārammaṇe pannarasāti-ādi** āradham. Tattha nahetumūlakadukesu atirekagaṇano ūnataragaṇanena saddhim yojito ūnataragaṇanova hoti.

Timūlake **na-upanissaye terasāti** kusalo akusalassa, akusalo kusalassāti dve vārā parihāyanti. Kasmā? Nārammaṇena saddhiṃ na-upanissayassa ghaṭitattā. Ārammaṇavasena hi upanissayavasena ca imesaṃ pavatti. Tañca ubhayaṃ paṭikkhitaṃ. Ārammaṇādhipati ca ārammaṇūpanissayaggahaṇena gahito hotiyeva.

Chamūlakepi **na-upanissaye terasāti** teyeva terasa. Sattamūlake pana **na-upanissaye sattāti** nasahajātena saddhiṃ ghaṭitattā tattha parihīnehi catūhi saddhiṃ “kusalo kusalassa, kusalo akusalassa, akusalo akusalassa, akusalo kusalassā”ti ime anantarūpanissayapakatūpanissayavasena pavattamānā cattāroti aṭṭha parihāyanti, tasmā avasesānaṃ vasena sattāti vuttaṃ. **Napurejāte ekādasāti** nasahajātena saddhiṃ ghaṭitattā ekādasā. **Napacchājāte navāti** tesu ekādasasu sahajātaṃ pacchājātaṃ āhāraṃ indriyanti laddhāvissajjanesu dumūlake abyākatante dve vāre apanetvā. Te hi sahajāte paṭikkhittepi pacchājātavasena aparihīnā. Sahajātena pana saddhiṃ pacchājāte paṭikkhitte parihāyantīti sesānaṃ vasena navāti vuttaṃ. Aṭṭhamūlake **nanissaye ekādasāti** sabbaṃ heṭṭhā vuttasadisameva. Navamūlake **na-upanissaye pañcāti** kusalādayo abyākatantā tayo dumūlakā abyākatantā dve cāti pañca. Tesu nānākkhaṇikakammakabaḷikārāhārarūpaḷivindriyapacchājātadhamavasena a vissajjanaṃ veditabbaṃ.

Dasamūlake **napurejāte pañcāti**-ādīsipi teyeva. **Napacchājāte tiṇīti** pacchājātavasena labbhamāne dumūlake abyākatante dve apanetvā avasesā. Navippayuttepi teyeva tayo. **No-atthiyā dveti** nānākkhaṇikakammavasena kusalañca akusalañca kaṭattārūpassa. Vipākaṃ panettha na-upanissayena saddhiṃ ghaṭitattā na labbhati. Ekādasamūlake heṭṭhā vuttasadisāva gaṇanā. Dvādasamūlake **nakamme ekanti** abyākatena abyākataṃ. Tattha ca āhārindriyavasena vissajjanaṃ veditabbaṃ. Terasamūlakādīsipi sabbattha **ekanti** āgataṭṭhāne idameva gahetabbaṃ. Nāhāre pana indriyavasena vissajjanaṃ veditabbaṃ. Na-indriye āhāravasena. Cuddasamūlakādīsū nakammena saddhiṃ ghaṭitattā no-atthino-avigatā na

labbhantīti na vuttā. **Nāhārapaccayā najhānapaccayā**ti na-indriyaṃ apanetvā vuttaṃ, tasmā tattha indriyavasena ekaṃ veditabbaṃ. **Navipākapaccayā na-indriyapaccayā**ti nāhāraṃ apanetvā vuttaṃ, tasmā tattha āhāravasena ekaṃ veditabbaṃ. Imesu pana dvīsu paccanīyato ṭhitesu gaṇanā nāma natthi, tasmā ekato na dassitāti.

Nahetumūlakaṃ.

534. Nārammaṇamūlakādīsupi pannarasa terasa ekādasa navāti sabbadukesu cattārova mūlagaṇanaparicchēdā. Tikādīsū pana bahupaccayasamāyoge itarānīpi satta pañca tīṇi dve ekanti paricchinnagaṇanāni vissajjanāni labbhantiyeva. Tesu yesaṃ paccayānaṃ samāyoge yaṃ yaṃ labbhati, taṃ taṃ heṭṭhā vuttanayena sādhukaṃ sallakkhetvā uddharitabbaṃ. Sabbesu cetesu nārammaṇamūlakādīsū nārammaṇādīni padāni atikkantena hetupadena saddhiṃ paṭhamāṃ bandhitvāva cakkāni katāni. Yasmā pana tāni nahetumūlake vuttasadisāneva honti, tasmā vitthārena adassetvā saṅkhepaṃ katvā dassitāni. Tattha yathā nahetumūlake nārammaṇana-upanissayā visuṃ visuṃ pannarasa vāre labhantāpi samāyoge terasa labhiṃsu, evaṃ sabbattha teraseva labhanti. Yathā ca nārammaṇanasahajātehi saddhiṃ na-upanissaye satta vārā honti, evaṃ na-upanissayanārammaṇehi saddhiṃ nasahajātepi satta.

538. **Nanissayapaccayā na-upanissayapaccayā napacchājāte tīṇīti** kusalādīni abyākatantāni. Tesu kaṭattārūpañca āhārasamuṭṭhānañca paccayuppannaṃ.

543-544. Nāhāra-na-indriyamūlakesu catukkesu nakammena saddhiṃ aghaṭitattā nahetumūlake viya ekantena labbhantī¹. Na-indriyamūlake na-upanissaye ca napurejāte ca ṭhapetvā **nāhāre tīṇīti kātābanti** na-indriyapaccayato paṭṭhāya ime dve paccaye ghaṭetvā na-indriyapaccayā -pana-upanissayapaccayā nāhāre tīṇi. Na-indriyapaccayā -panapurejātapaccayā nāhāre tīṇīti evaṃ imehi paccayehi saddhiṃ nāhārapaccaye ca gaṇanā

1. Ekanti na labbhati (?)

kātabbāti attho. Tattha **tīṇī**ti kusalādīneva abyākatassa. Tattha kusalākusalā kaṭattārūpānaṃ purejātassa ca kāyassa pacchājātapaccayena, abyākatā pana cittacetasikā pacchājātapaccayenevāti imesaṃ vasena tīṇi vissajjanāni kātabbāni. Parato pana napacchājātena saddhim ghaṭitattā nāhāre **dveti** vuttaṃ. Tattha kaṭattārūpavasena kusalaṃ abyākatassa, tathā akusalanti ettakameva labbhati. Āhārassa pana paṭikkhittattā kabaḷikārāhāro atthi-avigatavasenāpi paccayabhāvaṃ na labbhati.

545. Navippayuttamūlakassa catumūlake **na-upanissaye pañcā**ti kusalo sahajātakusalassa, kusalo kaṭattārūpasaṅkhātassa abyākatassa, akusalo sahajāta-akusalassa, tathā kaṭattārūpasaṅkhātassa abyākatassa, abyākato sahajāta-abyākatassāti evaṃ pañca. **Navippayuttapaccayā -pa- na upanissaye tīṇī**ti heṭṭhā vuttanayeneva kusalādayo tayo abyākatassa.

546. **No-atthipaccayā nahetuyā navā**ti nahetupaccayā no-atthiyā vuttā naveva. Sabbepi hi te ekamūlakekāvasānā anantarapakatūpanissayavasena labbhanti. **Nārammaṇe navā**tipi teyeva nārammaṇe ṭhatvā na-upanissaye dve kātabbā. **Yāva nissayampī**ti no-atthimūlake naye “no-atthipaccayā nahetupaccayā nārammaṇapaccayā”ti evaṃ cakkabandhagamanena nārammaṇapaccaye ṭhatvā imehi vā tīhi, ito paresu nādhipati-ādīsu aññataraññatarena vā saddhim yāva nissayapaccayaṃ pāpuṇāti, tāva gantvā¹ na-upanissaye dve vissajjanāni kātabbānīti attho.

Evaṃ lakkhaṇaṃ ṭhapetvā puna nārammaṇato paṭṭhāya yāva nissayā satta paccaye gahetvā **na-upanissaye dveti** āha. Tattha no-atthipaccayā nahetupaccayā nārammaṇapaccayā na-upanissaye dve, no-atthipaccayā nahetunārammaṇanādhipatipaccayā na-upanissaye dveti evaṃ nārammaṇato purimapacchimehi nissayapariyosānehi sabbapadehi saddhim yojanā kātabbā. **Dveti** panettha kusalo abyākatassa, akusalo

1. Ṭhatvā (Sī, Ka)

abyākatassāti nānākkhaṇikakammavasena kaṭattārūpassa paccayavasena veditabbāni. Na-upanissayapadena saddhiṃ napurejātādīsu sabbattha dve. Kammaṃpaccayo panettha na gahito. Tasmañhi gahite tepi dve vārā chijjanti, vissajjanameva na labbhati. Evaṃ yena yena saddhiṃ yassa yassa saṃsandane yaṃ labbhati, yañca parihāyati, taṃ sabbaṃ sādhukaṃ sallakkhetvā sabbapaccanīyesu gaṇanā uddharitabbāti.

Paccanīyavaṇṇanā.

Anulomapaccanīyavaṇṇanā

550. Anulomapaccanīye “hetuyā satta, ārammaṇe navā”ti evaṃ anulome “nahetuyā pannarasa, nārammaṇe pannarasā”ti evaṃ paccanīye ca laddhagaṇanesu paccayesu yo paccayo anulomato ṭhito, tassa anulome laddhavārehi saddhiṃ ye paccanīyato ṭhitassa paccanīye laddhavāresu sadisavārā, tesam vasena gaṇanā veditabbā. Anulomasmiñhi hetupaccaye “hetuyā sattā”ti sattavārā laddhā, paccanīye nārammaṇapaccaye “nārammaṇe pannarasā”ti pannarasa laddhā. Tesu ye hetuyā satta vuttā, tehi saddhiṃ nārammaṇe vuttesu pannarasasu “kusalo kusalassa, abyākatassa, kusalābyākatassa, akusalo akusalassa, abyākatassa, akusalābyākatassa, abyākato abyākatassā”ti ime satta sadisā, te sandhāya **hetupaccayā na-ārammaṇe sattāti** vuttam. **Na-adhipatiyā sattāti**-ādīsipi eseva nayo.

Nasahajātassa pana hetupaccayassa abhāvā nasahajāte ekopi na labbhati, tasmā tena saddhiṃ yojanā na katā. **Na-aññamaññe** kusalādayo tayo rūpābyākatassa labbhanti, te sandhāya **tīṇīti** vuttam. Tathā **nasampayutte. Navippayutte** pana kusalam¹ kusalassa, akusalam akusalassa, abyākatam² abyākatassāpi arūpadhammavasena tīṇi veditabbāni. Nanissayano-atthino-avigatā nasahajāto

1. Kusalo (Syā)

2. Abyākato (Syā)

viya na labbhantiyevāti tehipi saddhim yojanā na katā. Evamettha satta tīṇīti dveyeva gaṇanaparicchedā, tesam vasena ūnataragaṇanena saddhim atirekagaṇanassapi gaṇanam parihāpetvā paccayaghaṇanesu gaṇanā veditabbā.

551. Tattha **hetusahajātanissaya-atthi-avigatanti nārammaṇe sattāti** kusalo dhammo kusalassa dhammassa hetupaccayena paccayo, sahajātanissaya-atthi-avigatapaccayena paccayo, nārammaṇapaccayena paccayo. Kusalā hetū sampayuttakānam khandhānam hetupaccayena paccayo, sahajātanissaya-atthi-avigatapaccayena paccayo, nārammaṇapaccayena paccayoti iminā nayena satta vārā uddharitabbā. **Nādhipatiyā sattāti**-ādisupi eseva nayo. Dutiye ghaṇane aññamaññassa pavīṭṭhattā ṭhapetvā nasampayuttam sesesu **tīṇīti** vuttam. Nasampayutte pana aññamaññavippayuttam paṭisandhināmarūpaṃ sandhāya ekanti vuttam. Aññamaññapaccayo cettha anulomaghaṇane pavīṭṭhattā paccanīyato na labbhati, tasmā “na-aññamaññe”ti na vuttam. Yathā cettha, evam sesaghaṇanesupi pavīṭṭhapaccayā paccanīyato na labbhantīti na vuttā. Tatiyaghaṇane sampayuttassa pavīṭṭhattā sabbattha tīṇiyeva. Catutthaghaṇane vippayuttassa pavīṭṭhattā tīṇi kusalādīni cittasamuṭṭhānarūpassa. Pañcame vipākassa pavīṭṭhattā sabbattha ekaṃ abyākakena abyākataṃ. Ito paresupi vipākasampayuttesu eseva nayo.

552. **Hetusahajātanissaya-indriyamagga-atthi-avigatanti nārammaṇe cattārīti** kusalo kusalassa, abyākatassa, kusalābyākatassa, abyākato abyākatassāti imesam vasena veditabbāni. Sesesupi eseva nayo. **Na-aññamaññe dveti** kusalo abyākatassa, tathā abyākato. Paratopi dvīsu eseva nayo. Iminā upāyena sabbaghaṇanesu labbhamānavasena gaṇanā veditabbā. Sabbānīpi cetāni imasmim anulomapaccanīye sahajātavasena ceva pakiṇṇakavasena ca pannarasādhikāni cattāri ghaṇanasatāni vuttāni. Tesu tasmim tasmim ghaṇane ye anulomato ṭhitā paccayā, tesam ekopi paccanīyato na labbhati. Hetumūlake cettha paṭhame ghaṇane anulomato pañcannaṃ paccayānam ṭhitattā paccanīyato ekūnavīsati paccayā āgatā, evam

sesesupi anulomato ʒhitāvasesā paccanīyato āgatā. Anulomato cettha bahūsipi ʒhitesu¹ paccanīyato ekekova āgatoti veditabbo. Yathā ca hetumūlake, evaṃ ārammaṇādīmūlakesupi sabbametaṃ vidhānaṃ yathānurūpatō veditabbanti.

Anulomapaccanīyavaṇṇanā.

Paccanīyānulomavaṇṇanā

631. Paccanīyānulomepi “hetuyā satta, ārammaṇe navā”ti evaṃ anulome “nahetuyā pannarasa nārammaṇe pannarasā”ti evaṃ paccanīye ca laddhagaṇanesu paccayesu yo paccanīyato ʒhito, tassa paccanīyato laddhavāresu ye anulomato ʒhitassa anulomato laddhavārehi sadisā vārā, tesam vasena gaṇanā veditabbā. Paccanīyasmiṃhi nahetupaccaye “nahetuyā pannarasā”ti pannarasa vārā laddhā, anulome ārammaṇapaccaye “ārammaṇe navā”ti nava vārā laddhā. Tattha ye nahetuyā pannarasa vuttā, tesu ye vārā ārammaṇe vutthehi navahi sadisā, tesam vasena gaṇanā veditabbā. Tattha ye ārammaṇe nava vuttā, te nahetuyā vuttesu pannarasasu “kusalo kusalākusalābyākatānaṃ, akusalo akusalakusalābyākatānaṃ, abyākato abyākatakusalākusalānaṃ”ti imehi navahi sadisā, te sandhāya **nahetuyā ārammaṇe navā**ti vuttaṃ. **Adhipatiyā dasāti**-ādīsipi eseva nayo. Ārammaṇādīnaṃhi anulomagaṇanāya ye vārā vuttā, nahetupaccayena saddhiṃ saṃsandanepe te sabbe labbhantīti veditabbā. “Kusalo dhammo kusalassa dhammassa nahetupaccayena paccayo ārammaṇapaccayena paccayo, dānaṃ datvā sīlaṃ samādiyitvā uposathakammaṃ katvā taṃ paccavekkhati, pubbe suciṇṇāni paccavekkhati”ti iminā upāyena tesam Pāḷi uddharitabbā².

Nahetupaccayā adhipatiyā dasāti ettha ʒhapetvā vīmaṃsādhipatiṃ sesādhipativasena anulomavibhaṅge āgatavārā uddharitabbā. Evamettha

1. Paccayesu (Syā)

2. Pāḷiddhāro veditabbo (Syā)

nava dasa satta tīṇi terasa ekanti cha gaṇanaparicchedā, tesam vasena ūnataragaṇanena saddhim atirekagaṇanassāpi gaṇanam parihāpetvā nahetumūlakādīnam nayānam timūlakādīsu sabbasaṃsandanesu gaṇanā veditabbā. Idam tāva sādharāṇalakkhaṇam. Na panetaṃ sabbasaṃsandanesu gacchati, yehi pana paccayehi saddhim yesam paccayānam saṃsandane ye vārā virujjhanti, te apanetvā avasesānam vasenapettha gaṇanā veditabbā.

Nahetupaccayā na-ārammaṇapaccayā adhipatiyā sattāti ettha hi kusalo akusalassa, abyākato kusalassa, akusalassāti ime ārammaṇādhipativasena labbhamānā tayo vārā virujjhanti. Kasmā? Na-ārammaṇapaccayāti vuttattā. Tasmā te apanetvā sahajātādhipatinayenevettha “kusalo kusalassa, abyākatassa, kusalābyākatassa, akusalo akusalassa, abyākatassa, akusalābyākatassa, abyākato abyākatassā”ti tatta vārā veditabbā. Tepi nahetupaccayāti vacanato ṭhapetvā vīmaṃsādhipatiṃ sesādhipatīnam vasena. Evaṃ sabbattha ūnataragaṇanapaccayavasena avirujjhamānagaṇanavasena ca gaṇanā veditabbā.

Yesu ca paccayesu paccanīyato ṭhitesu ye anulomato na tiṭṭhanti, tepi veditabbā. Seyyathidam—anantare paccanīyato ṭhite samanantarāsevananatthivigatā anulomato na tiṭṭhanti, sahajāte paccanīyato ṭhite hetu-aññamaññavipākajhānamaggasampayuttā anulomato na tiṭṭhanti, nissaye paccanīyato ṭhite vatthupurejāto anulomato na tiṭṭhati. Āhāre vā indriye vā paccanīyato ṭhite hetu-aññamaññavipākajhānamaggasampayuttā anulomato na tiṭṭhanti. Ārammaṇe pana paccanīyato ṭhite adhipati-upanissayā anulomato na tiṭṭhanti, ārammaṇādhipati-ārammaṇūpanissayā pana na labbhanti. Iminā upāyena sabbattha yaṃ labbhati, yañca na labbhati, taṃ jānitvā labbhamānavasena vārā uddharitabbā.

Tattha sabbesupi timūlakādīsu **anantare sattāti**-ādayo dumūlake laddhavārāyeva. Sattamūlakādīsu pana **nasahajātapaccayā nissaye tīṇīti** purejātavasena vatthunissaye tīṇi. **Kamme dve** nānākkhaṇikavaseneva.

Āhāre ekaṃ kabaḷikārāhārasena. **Indriye ekaṃ** rūpindriyavasena¹. Kamena gantvā **vippayutte tīṇī**ti kusalādīnaṃ abyākatantāni pacchājātavasena. **Atthi-avigatesu pañcāti** tāni ceva tīṇi, kusalābyākatā abyākatassa, akusalābyākatā abyākatassāti imāni ca dve pacchājātāhārindriyavasenāti. Pacchājātapaccayassa paccanīkabhāvato paṭṭhāya pana **atthi-avigatesu ekanti** abyākato abyākatassa āhārindriyavasena. Nāhāre gahite na-indriyapaccayāti na gahettabbā². Tathā na-indriye gahite nāhārapaccayāti. Kasmā? Dvīsu ekato gahitesu gaṇetabbavārassa abhāvato. Jhānamaggādīsupi paccanīkato ṭhitesu āhārato vā indriyato vā ekaṃ anulomaṃ akatvāva avasāne **indriye ekaṃ, atthiyā ekaṃ, avigate ekaṃ, āhāre ekaṃ, atthiyā ekaṃ**, avigate **ekanti** vuttam. Sesamettha uttānatthamevāti.

Nahetumūlakam.

636. Nārammaṇamūlakādīsū na-aññamaññamūlake **na-aññamaññapaccayā hetuyā tīṇī**ti kusalādīni cittasamuṭṭhānānaṃ. **Adhipatiyā aṭṭhāti** adhipatiyā vuttesu dasasu “kusalo kusalābyākatassa³, akusalo akusalābyākatassā”ti⁴ dve apanetvā sesāni aṭṭha. **Sahajāte pañcāti** hetuyā vuttehi tīhi saddhim “kusalo ca abyākato ca abyākatassa, akusalo ca abyākato ca abyākatassā”ti ime dve. **Nissaye sattāti** tehi pañcāhi saddhim “abyākato kusalassa, abyākato akusalassā”ti ime dve vatthuvāsena. **Kamme tīṇī**ti hetuyā vuttāneva. Sesatikesupi eseva nayo. **Adhipatiyā tīṇī**ti heṭṭhā vuttāneva.

644. Nāhāramūlake **aññamaññe tīṇī**ti ṭhapetvā āhāre sesacetāsikavasena veditabbāni. Yathā ca heṭṭhā, tathā idhāpi nāhārana-indriyesu ekekameva gahitam, na dve ekato.

1. Charūpindriyavasena (Sī, Ka)

3. Kusalassa (Syā)

2. Gahetabbam (Sī, Ka)

4. Akusalassāti (Syā)

648. **Nasampayuttapaccayā hetuyā tīṇī**ti heṭṭhā na-aññamaññe vuttāneva. **Adhipatiyā aṭṭhāti** vuttāneva. Navippayuttamūlake **kamme pañcā**ti kusalādicetanā sahaajātakusalādīnaṃ, nānākkhaṇikā kusalākusalacetanā kammasamuṭṭhānarūpassāti evaṃ pañca. **Āhārindriyesu tīṇi** sahaajātasadisāni. **Jhānamaggādīsu tīṇi** hetusadisāni.

650. No-atthimūlake yasmā hetu no-atthi nāma na hoti, niyamato atthiyeva, tasmā taṃ aggahetvā **nārammaṇe navāti** vuttaṃ. Yathā ca hetu, tathā aññepi atthipaccayalakkhaṇayuttā ettha anulomato na tiṭṭhanti. **Kamme dve**ti idaṃ pana nānākkhaṇikakammavasena vuttaṃ. Paccanīyato sabbe labbhanti. Yaṃ pana anulomato labbhamānampi aggahetvā tato puretarā paccayā paccanīyato gayhanti, so pacchā yojanaṃ labhati. Tenevettha “no-atthipaccayā nahetupaccayā -pa- no-avigatapaccayā kamme dve”ti vuttaṃ. Kasmā panesa sakaṭṭhāneyeva na gahitoti? Yasmā avasesesupi paccanīyato ṭhitesu ekova anulomato labbhanti. Idañhi imasmim paccayānulome lakkhaṇaṃ—yo sabbesu paccanīyato ṭhitesu ekova anulomato labbhanti, so pacchā vuccatīti. **No atthipaccayā nohetupaccayā -pa- no avigatapaccayā upanissaye navāti** etthāpi eseva nayo. Idaṃ pana pakatūpanissayavasena vuttaṃ. Iminā upāyena sabbattha labbhamānaṃ alabbhamānaṃ purevuttaṃ pacchāvuttañca veditabbanti.

Pañhāvārassa Paccanīyānulomavaṇṇanā.

Niṭṭhitā ca Kusalattikapattṭhānassa vaṇṇanāti.

2. Vedanāttikavaṇṇanā

1. Vedanāttike tisso vedanā rūpaṃ nibbānanti ime dhammā na labbhanti, tasmā **ekaṃ khandhaṃ paṭicca dve khandhāti**-ādi vuttaṃ. **Paṭisandhikkhaṇe sukhāya vedanāyāti** sahetukapaṭisandhivasena vuttaṃ. Dukkavedanā paṭisandhiyaṃ na

labbhatīti dutiyavāre paṭisandhiggahaṇaṃ na kataṃ. Tatiyavāre **paṭisandhikkhaṇeti** sahetukapaṭisandhivasena vuttaṃ. Sesamettha ito paresu ca paccayesu yathāpāḷimeva niyyāti. Sabbattha tayo tayo vārā vuttā. Tena vuttaṃ **hetuyā tīṇi -pa- avigate tīṇīti**.

6. Paccayasamsandane pana sahetukāya vipākadukkhavedanāya abhāvato hetumūlakanaye **vipāke dveti** vuttaṃ. Adhipati-ādīhi saddhim samsandanesupi vipāke dveyeva. Kasmā? Vipāke dukkhavedanāya adhipatijhānamaggānaṃ abhāvato. Yehi ca saddhim samsandane vipāke dve vārā labbhanti, vipākena saddhim samsandane tesupi dveyeva.

10. Paccanīye napurejāte āruppe ca paṭisandhiyaṅca dukkhavedanāya abhāvato dve vārā āgatā. Navippayuttepi āruppe dukkhābhāvato dveyeva. Sabba-arūpadhammapariggāhakā pana saha-jātādayo paccayā imasmim Paccanīyavāre parihāyanti. Kasmā? Vedanāsampayuttassa dhammassa vedanāsampayuttaṃ paṭicca saha-jātādīhi vinā anuppattito pacchājātapaccayaṅca vināva uppattito.

17. Paccayasamsandane pana **napurejāte ekanti** āruppe paṭisandhiyaṅca ahetukādukkhamasukhavedanāsampayuttaṃ sandhāya vuttaṃ. **Nakamme dveti** ahetukakiriyasampayuttacetanāvasena vuttaṃ. Sukhāya hi adukkhamasukhāya ca vedanāya sampayutte dhamme paṭicca tāhi vedanāhi sampayuttā ahetukakiriyacetanā uppajjanti. Nahetupaccayā¹ navipākepi eseva nayo. **Navippayutte ekanti** āruppe āvajjanavasena vuttaṃ. Iminā upāyena sabbasamsandanesu gaṇaṇā veditabbā.

25-37. Anulomapaccanīye paccanīye laddhapaccayā eva paccanīyato tiṭṭhanti. Paccanīyānulome sabbā rūpadhammapariggāhakā saha-jātādayo anulomatova tiṭṭhanti, na paccanīyato. Ahetukassa pana cittuppādassa adhipati natthīti adhipatipaccayo anulomato na tiṭṭhati. Paṭiccavārādīsu pana pacchājāto anulomato na labbhatiyevāti parihīno. Ye cettha anulomato labbhanti, te paccanīyato labbhamānehi saddhim

1. Nahetupaccayā nakammapaccayā (Syā)

parivattetvāpi yojitāyeva. Tesu tīṇi dve ekanti tayova vāraparicchedā, te sabbattha yathānurūpaṃ sallakkhetabbā¹. Yo cāyaṃ Paṭṭicavāre vutto, Sahajātavārādīsupi ayameva vaṇṇanāyayo.

38. Pañhāvāre pana **sampayuttakānaṃ khandhānanti** tena saddhim sampayuttakānaṃ khandhānaṃ tehiyeva vā hetūhi sukhavedanādīhi vā.

39. **Vipparissāri**ssāti dānādīsu tāva “kasmā mayā idaṃ kataṃ, duṭṭhu me kataṃ, akataṃ seyyo siyā”ti evaṃ vipparissāri. Jhānaparihāniyaṃ pana “parihīnaṃ me jhānaṃ, mahājāniyo vatamhī”ti evaṃ vipparissāri. **Mohopparajātī**ti dosasampayuttamoho. Tathā **mohaṃ ārabbhāti** dosasampayuttamohameva.

45. **Sukhāya vedanāya sampayuttaṃ bhavaṅgaṃ adukkhamasukhāya vedanāya sampayuttassa bhavaṅgassāti** tadārammaṇasaṅkhātāṃ piṭṭhibhavaṅgaṃ mūlabhavaṅgassa. **Vuṭṭhānassāti** tadārammaṇassa bhavaṅgassa vā. Ubhayampi hetāṃ kusalākusalajavanato vuṭṭhitattā vuṭṭhānanti vuccati. **Kiriyaṃ vuṭṭhānassāti** etthāpi eseva nayo. **Phalaṃ vuṭṭhānassāti** phalacittāṃ bhavaṅgassa. Bhavaṅgena hi phalassa vuṭṭhito nāma hoti. Parato “vuṭṭhānaṃ”ti āgataṭṭhānesupi eseva nayo.

46. **Dukkhāya vedanāya sampayuttā khandhāti** domanassasampayuttā akusalā khandhā. **Adukkhamasukhāya vedanāya sampayuttassa vuṭṭhānassāti** tadārammaṇasaṅkhātassa āgantukabhavaṅgassa vā upekkhāsampayuttamūlabhavaṅgassa vā. Sace pana somanassasahagataṃ mūlabhavaṅgaṃ hoti, tadārammaṇassa ca uppattikāraṇaṃ na hoti, javanassa ārammaṇato aññasmimpi ārammaṇe adukkhamasukhavedanaṃ akusalavipākāṃ uppajjateva. Tampi hi javanato vuṭṭhitattā vuṭṭhānanti vuccati. Sahajātapaccayādiniddeṣā uttānatthāyeva. Nahettha kiñci atthi, yaṃ na sakkā siyā hetthā vuttanayena vedetuṃ, tasmā sādhukaṃ upalakkhetabbāṃ.

62. Idāni yasmim yasmim paccaye ye ye vārā laddhā, sabbe te saṅkhipitvā gaṇanāya dassetuṃ **hetuyā tīṇīti**-ādi vuttaṃ. Tattha sabbāni

1. Sallakkhetvā veditabbā (Syā)

tīṇi suddhānaṃ tiṇṇaṃ padānaṃ vasena veditabbāni. Ārammaṇe nava ekamūlakekāvāsānāni. Adhipatiyā pañca sahajātādhipativasena amissāni¹ tīṇi, ārammaṇādhipativasena ca “sukhāya sampayutto sukhāya sampayuttassa, adukkhamasukhāya sampayutto adukkhamasukhāya sampayuttassā”ti dve, tāni na gaṇetabbāni. Sukhāya pana sampayutto adukkhamasukhāya, adukkhamasukhāya sampayutto sukhāyāti imāni dve gaṇetabbānīti evaṃ pañca. **Anantarāsamanantaresu sattāti** sukhā dvinnaṃ, tathā dukkhā, adukkhamasukhā tiṇṇampīti evaṃ satta. **Upanissaye navāti** sukhasampayutto sukhasampayuttassa tīhipi upanissayehi, dukkhasampayuttassa pakatūpanissayeneva, upekkhāsampayuttassa tīhipi, dukkhasampayutto dukkhasampayuttassa anantarapakatūpanissayehi, sukhasampayuttassa pakatūpanissayena, adukkhamasukhasampayuttassa dvidhā, adukkhamasukhasampayutto adukkhamasukhasampayuttassa tidhāpi, tathā sukhasampayuttassa, dukkhasampayuttassa anantarapakatūpanissayehīti evaṃ nava. Paccayabhedato panettha pakatūpanissayā nava, anantarūpanissayā satta, ārammaṇūpanissayā cattāroti vīsati upanissayā. Purejātapacchājātā panettha chijjanti. Na hi purejātā pacchājātā vā arūpadhammā arūpadhammānaṃ paccayā hontī.

Kamme aṭṭhāti sukhasampayutto sukhasampayuttassa dvidhāpi, dukkhasampayuttassa nānākkhaṇikatova, tathā itarassa. Dukkhasampayutto dukkhasampayuttassa dvidhāpi, sukhasampayuttassa natthi, itarassa nānākkhaṇikatova, adukkhamasukhasampayutto adukkhamasukhasampayuttassa dvidhāpi, itaresaṃ nānākkhaṇikatoti evaṃ aṭṭha. Paccayabhedato panettha nānākkhaṇikā aṭṭha, sahajātā tīṇīti ekādasa kammappaccayā. Yathā ca purejātapacchājātā, evaṃ vippayuttapaccayopettha chijjati. Arūpadhammā hi arūpadhammānaṃ vippayuttapaccayo na hontī. **Natthivigatesu satta** anantarāsadisāva. Evamettha tīṇi pañca satta aṭṭha navāti pañca gaṇanaparichedā. Tesāṃ vasena paccayasāmsandane ūnataragaṇanena saddhiṃ sāmsandanesu atirekañca alabbhamānañca apanetvā gaṇanā veditabbā.

1. Asammissāni (Syā)

63-64. Hetuyā saddhiṃ ārammaṇaṃ na labbhati, tathā anantarādayo. **Adhipatiyā dveti** dukkhapadaṃ ṭhapetvā sesāni dve. Dukkhasampayutto hi hetu adhipati nāma natthi, tasmā so na labbhatīti apanīto. Sesadvayesupi eseva nayo. Iti hetumūlake dveyeva gaṇanaparicchedā, tesaṃ vasena cha ghaṭanāni vuttāni. Tesu paṭhamaṃ avipākabhūtānaṃ ñāṇavippayuttanirādhipatidhammānaṃ vasena vuttāṃ, dutiyaṃ tesaññeva vipākabhūtānaṃ, tatiyacatutthāni tesaññeva ñāṇasampayuttānaṃ, pañcamaṃ avipākabhūtasādhipati-amohavasena, chaṭṭhaṃ vipākabhūtasādhipati-amohavasena. Paṭhamaṃ vā sabbahetuvaseṇa, dutiyaṃ sabbavipākahetuvaseṇa, tatiyaṃ sabbāmohahetuvaseṇa, catutthaṃ sabbavipākāmohahetuvaseṇa. Pañcamaṃ sabbasādhipati-amohavasena, chaṭṭhaṃ sabbasādhipativipākāmohavasena.

66. Ārammaṇamūlake **adhipatiyā cattārīti** ārammaṇādhipativaseṇa sukhaṃ sukhasa, adukkhamasukhasa, adukkhamasukhaṃ adukkhamasukhasa, sukhasāti evaṃ cattārī. Upanissayepi ārammaṇūpanissayavaseṇa cattāro vuttā. Ghaṭanāni panettha ekameva. Adhipatimūlakādīsipi heṭṭhā vuttanayeneva yaṃ labbhati yañca na labbhati, taṃ sabbaṃ sādhukaṃ sallakkhetvā saṃsandanaḡhaṭanagaṇanā veditabbā.

83-87. Paccanīyanayamhi Kusalattike vuttanayeneva anulomato paccaye uddharitvā tattha laddhānaṃ vārānaṃ vasena paccanīyato gaṇanavaseṇa **nahetuyā navāti** sabbapaccayesu nava vārā dassitā. Te ekamūlakekāvasānānaṃ navannaṃ vissajjanānaṃ vasena “sukhāya vedanāya sampayutto dhammo sukhāya vedanāya sampayuttassa dhammassa nahetupaccayena paccayo, sukhāya vedanāya sampayuttena cittaṇa dānaṃ datvā”ti-ādinā nayena Pāḷiṃ uddharitvā dassetabbā. Paccayasamsandane panettha **nahetupaccayā -pa- na upanissaye aṭṭhāti** nānākkhaṇīkakkammappaccayavaseṇa veditabbā. Dubbalakammañhi vipākassa na upanissayo hoti. Kevalaṃ pana nānākkhaṇīkakkammappaccayeneva paccayo hoti. Sesamettha anulomappaccanīyapaccanīyānulomesu ca tesaṃ tesaṃ paccayānaṃ yoge laddhavāravaseṇa sakkā heṭṭhā vuttanayeneva gaṇetuṃ, tasmā na vitthāritanti.

Vedanāttikavaṇṇanā.

3. Vipākattikavaṇṇanā

1-23. Vipākattike **vipākaṃ dhammaṃ paṭicca vipāko dhammo uppajjati hetupaccayāti** ye hetupaccaye terasa vārā vuttā, te saṅkhipitvā gaṇanāya dassetuṃ **hetuyā terasāti** vuttaṃ. **Ārammaṇe pañcāti-ādīsupi** eseva nayo. Evamettha terasa pañca nava satta tīṇi dveti cha gaṇanaparicchedā, tesam vasena paccayasamsandane heṭṭhā vuttanayeneva gaṇanā veditabbā.

24-52. Paccanīyepi **vipākaṃ dhammaṃ paṭicca vipāko dhammo uppajjati nahetupaccayāti** ye nahetupaccaye dasa vārā vuttā, te saṅkhipitvā gaṇanāya dassetuṃ **nahetuyā dasāti** vuttaṃ. **Na ārammaṇe pañcāti-ādīsupi** eseva nayo. Evamettha dasa pañca terasa dvādasa dve ekaṃ nava tīṇi atṭha gaṇanaparicchedā, tesam vasena paccayasamsandane heṭṭhā vuttanayeneva vitthārato gaṇanā veditabbā. Pāli pana saṅkhittā, etesaññeva pana laddha-gaṇanaparicchedānaṃ vārānaṃ vasena samsanditvā anulomapaccanīyaṃ paccanīyanulomañca veditabbaṃ.

Sahajātavāro imināva ekagatiko.

Paccayanissayasamsaṭṭhasampayuttavārā yathāpālimeva niyyanti.

92. Pañhāvāre **kusalākusale niruddheti** etasmiṃ vipassanāvasena pavatte kusale sārājjanādivasena pavatte akusale ca niruddhe. **Vipāko tadārammaṇatā uppajjati** kāmāvacaravipāko tadārammaṇatāya uppajjati. Ye pana “vipassanājavanānaṃ vicikicchuddhaccānañca pariyosāne tadārammaṇaṃ natthi”ti vadanti, te imāya tantiyā paṭisedhetabbā. **Ākāsānañcāyatanakusalaṃ viññāṇañcāyatanassa kiriyassa ārammaṇapaccayena paccayoti** arahattaṃ patvā asamāpannapubbā samāpattiyo paṭilomato samāpajantassa vasenetam vuttaṃ. Iminā upāyena sabbavissajjanesu sādhukaṃ Pāliṃ upaparikkhitvā attho veditabbo.

120. **Hetuyā satta, ārammaṇe nava, adhipatiyā dasāti-ādīsupi** sahajātādhipativasena ārammaṇādhipativasena sahajātanissayavasena purejātanissayavasena anantarūpanissayavasena

ārammaṇūpanissayavasena pakatūpanissayavasena saha-jātavippayuttavasena purejātapacchājātavippayuttavasenāti yattha yattha yathā yathā yattakāni vissajjanāni labbhanti, tattha tattha tathā tathā tāni sabbāni sallakkhetabbāni. Tathā paccanīyādīsu anulomavasena vāruddharaṇaṃ, anulomato laddhavārānaṃ paccanīyato gaṇaṇā, paccayasamsandanā, anulomapaccanīye paccanīyānulome ca suddhikesu ceva samsandanavasena ca pavattesu hetumūlakādīsu labbhamānavāragaṇaṇā, alabbhamānānaṃ alabbhamānatāti sabbaṃ heṭṭhā vuttanayeneva veditabbaṃ.

Yathā cettha, evaṃ ito paresupi tikadukesu. Paṭṭhānapakaraṇaṇi Pālītova anantaṃ aparimāṇaṃ, tassa padapaṭipāṭiyā atthaṃ vaṇṇayissāmīti paṭipannaṃ atidighāyukassāpi āyu nappahoti. Na cassa ekadesaṃ vaṇṇetvā sesamhi nayato dassiyamāne na sakkā attho jānitum, tasmā ito paraṃ ettakampi avatvā sesesu tikadukesu heṭṭhā avuttappakārattā yaṃ yaṃ avassaṃ vattabbaṃ, taṃ tadeva vakkhāma. Yaṃ pana avatvā gamissāma, taṃ Pālīnayeneva veditabbanti.

Vipākattikavaṇṇanā.

4. Upādinnattikavaṇṇanā

51. Upādinnupādāniyattikassa Pañhāvāre **vatthu upādāniyānaṃ khandhānaṃ purejātapaccayena paccayoti** pavattiṃ sandhāya vuttaṃ. Paṭisandhiyaṃ pana taṃ purejātaṃ na hoti.

72. Upādinnupādāniyo **kabalīkāro āhāro upādinnupādāniyassa kāyassa āhārapaccayena paccayoti** ettha upādinnupādāniyo kabalīkārahāro nāma kammasamuṭṭhānānaṃ rūpānaṃ abhantaragatā oḷā. **Upādinnupādāniyassa kāyassāti** tasseva kammasamuṭṭhānarūpakāyassa āhārapaccayena paccayo. Rūpajīvitindriyaṃ viya kaṭattārūpānaṃ anupālana-upatthambhanavasena paccayo, na janakavasena. Yaṃ pana maṇḍūkādayo gilitvā ṭhitānaṃ ahi-ādīnaṃ kāyassa jīvamānakamaṇḍūkādīsarīre oḷā

āhārapaccayena paccayoti vadanti, taṃ na gahetabbaṃ. Na hi jīvamānakasarīre oja aññassa sarīrassa āhārapaccayatam sādheti. **Anupādinupādāniyassa kāyassāti** ettha pana janakavasenāpi labbhati. **Upādinupādāniyassa ca anupādinupādāniyassa cāti** ettha ekassa upatthambhakavasena, ekassa janakavasena, ubhinampi vā upatthambhakavaseneva vutto. Dve pana āhāre ekato paccayā hontā upatthambhakāva honti, na janakā. Sesamettha Pāḷimeva sādhukaṃ oloketvā veditabbaṃ.

Upādinattikavaṇṇanā.

5-22. Saṃkiliṭṭhattikādivaṇṇanā

Saṃkiliṭṭhasaṃkilesikattike sabbaṃ Kusalattike vuttanayānusārenea veditabbaṃ.

79. Vitakkattike **yathākammūpagaññassa parikammanti** dibbacakkhuparikammameva tassa uppādanatthāya parikammaṃ. Uppannassa pana vaḷaṅjanakāle parikammaṃ sandhāyetaṃ vuttaṃ. Sesamettha yathāpāḷimeva niyyāti.

27. Pīṭittike **sukhasahagataṃ bhavaṅgaṃ upekkhāsahagatassa bhavaṅgassa anantarapaccayenāti** tadārammaṇabhavaṅgamūlabhavaṅgānaṃ vasena vuttaṃ. Sesamettha sabbaṃ Pāḷivaseneva veditabbaṃ.

Dassanattike **dassanena pahātabbo rāgo uppajjati** -ādīsu dassanena pahātabbo puthujjanassa uppajjati, bhāvanāya pahātabbo sotāpannassāpīti evaṃ uparimassa uparimassa heṭṭhimā heṭṭhimā nuppajjantīti veditabbā. Dassanena pahātabbo dhammo bhāvanāya pahātabbassa dhammassa ekenapi paccayena paccayo na hoti. Sesamettha Pāḷim anugantvā Kusalattike vuttalakkhaṇavaseneva veditabbaṃ.

Dassanenapahātabbahetukattike dassanenapahātabbahetukādīnaṃ vibhāgo Aṭṭhakathakaṇḍe vuttanayeneva veditabbo. Vicicchuddhaccasahagato moho ahetukattā tatiyapade¹ pavīṭṭho. Evamettha

1. Tatiyarāsīm (Syā)

yesaṃ dassanabhāvanāhi pahātabbo hetu atthi, te pahātabbahetukā. Yesaṃ so natthi, te nevadassanena nabhāvanāyapahātabbahetukāti imaṃ pahātabbahetukavibhāgaṃ ñatvā sesaṃ Dassanenapahātabbattike ceva Kusalattike ca dassitalakkhaṇānusārenea veditabbaṃ.

Ācayagāmittike ca Paṭiccvārasaṃsaṭṭhavāresu anulomaṃ Kusalattikasadisameva. Sesaṃ vissajjanato gaṇanato ca yathāpāḷimeva niyyāti.

Sekkhattike asekkho dhammo sekkhassa dhammassa na kenaci paccayena paccayo, sekkho asekkhassa anantarapakatūpanissayo pana hoti. Sesamettha yathāpāḷimeva niyyāti, tathā Parittattike.

Parittārammaṇattike **appamāṇārammaṇā cetanā**ti sekkhānaṃ gotrabhucetanā, paccavekkhaṇacetanātipi vattum vaṭṭati. **Vipākānaṃ parittārammaṇānanti** paṭisandhiyaṃ kammaṃ ārammaṇaṃ katvā, pavatte cakkhuviññāṇādivasena rūpādi-ārammaṇaṃ, tadārammaṇavasena javanena gahitaparittārammaṇaṅca ārammaṇaṃ katvā uppannānaṃ. Ye pana “gotrabhucittena natthi paṭisandhi”ti vadanti, te iminā suttana paṭisedhetabbā. Sesamettha Pāḷinayeneva veditabbaṃ. Hīnattiko Saṃkiliṭṭhattikasadiso.

Micchattattike micchattaniyato sammattaniyatassa, sammattaniyato vā micchattaniyatassa kenaci paccayena paccayo na hoti. Micchattaniyato vā sammattaniyato vā sahaḷādhīpatirahito nāma natthi. Sammattaniyate ekantato ārammaṇapurejātaṃ natthi, micchattaniyate siyā ārammaṇapurejātaṃ. Aniyataṃ cittaṃ ārabba niyatā micchādiṭṭhi uppajjeyya. Sesā niyataṃ ārabba niyataṃ nuppajjati, micchattaniyataṃ garuṃ katvā na koci dhammo uppajjati. Kusalo micchattassa upanissayapaccayo na hoti. Sesamettha Pāḷiyaṃ vuttanayeneva veditabbaṃ.

Maggārammaṇattike Paṭiccvārassa anulome vipākapaccayo natthi. Kammaḷapaccayepi imasmiṃ tike nānākkhaṇikaṃ na labbhati. Tathā Uppannattika-aṭṭattikesu. Paccanīye **ahetukaṃ maggārammaṇanti** ahetukaṃ maggārammaṇaṃ, āvajjanaṃ sandhāyetaṃ vuttaṃ. Sesamettha Pāḷi-anusārenea veditabbaṃ.

Uppannattike ca Atītattike ca Paṭiccavārādayo natthi, Pañhāvāramattameva labbhati. Kasmā? Paṭiccavārādayo hi saha-jātapurejātānaññeva honti, ime ca tikā atītānāgatamissakā. Uppannattike cettha anantarabhāgiyāpi paccayā na labbhanti. Kasmā? Uppannattike atītassa abhāvato. Uppanno ca anuppanno cāti ime cettha dve dhammā uppannassa ca anuppannassa cāti imesaṃ dvinnam na kenaci paccayena paccayo. Anuppanno ca uppādī cāti ime pana dve uppannassa ārammaṇūpanissayavasena dvīti paccayehi paccayo. Sesamettha Pāḷiyam āgatanayeneva veditabbaṃ.

Atītattike paccuppannam atītānāgatassa, atītānāgatañca atītānāgatassa na kenaci paccayena paccayo. Nibbānam pana dvīsupi imesu tikesu neva paccayato na paccayuppannato labbhati. Sesamidhāpi Pāḷiyam āgatanayeneva veditabbaṃ.

Ajjhattattike ajjhatabhiddhāpadam na gahitam. Ajjhatabhiddhāsāṅkhātā hi ubho rāsayo neva ekato paccayā honti, na paccayuppannā, tasmā hatthatale ṭhapitassa sāsapassa vaṇṇopi hatthatalavaṇṇena saddhim ekato ārammaṇam na hotīti veditabbo. Yathā ca ajjhatabhiddhāpadam, evamettha ajjhātārammaṇattikepi ajjhatabhiddhārammaṇapadam na labbhati. Sesaṃ yathāpālīmeva niyyāti.

Sanidassanattikepi Pāḷivaseneva attho gahetabbo. Gaṇanāpettha Pāḷiyam āgata-vāre saṅkhipitvā heṭṭhā vuttanayeneva saṃsandanesu saṃsanditvā veditabbāti.

Dhammānulome Tikapaṭṭhānavāṇṇanā.

2. Dukapaṭṭhānavāṇṇanā

Dukapaṭṭhānepi sabbadukesu pañhāvissajjanāni ceva gaṇanā ca Pāḷiyam āgatanayeneva veditabbā. Apicettha Sahetukahetusampayuttadukānam vissajjanam Hetudukavissajjanasadisaṃ. Tathā Hetūcevasahetukahetūcevahetusampayuttadukānam. Tathā Sappaccayasaṅkhatadukānam. **Idam dukam yathā Sappaccayadukam, evam kātabbanti** idam yasmā sappaccayo viya

appaccayena, saṅkhatopi asaṅkhatena saddhim yojanaṃ na labbhati, tasmā vuttaṃ. Sārammaṇacittasampayuttasaṃsaṭṭhadukāpi sadisavissajjanāyeva. Tathā Āsava-oghayogagocchakā. Ete hi tayo aññamaññaṃ sadisavissajjanāyeva. Apica Lokiyasāsavasasaṃyojanīyaganthaniyanīvaraṇiyaparāmaṭṭhasaṃkilesikadukā āsavavippayuttasāsavasasaṃyojanavippayuttasaṃyojanīyaganthavippayuttaganthaniyanīvaraṇavippayuttanīvaraṇiyaparāmaṣavippayuttaparāmaṭṭhakilesavippayuttasaṃkilesikapariyāpannasa-uttaradukāti imepi dukā samānā.

Kilesadukaṃ Saṃyojanadukasadisam. Saṃkiliṭṭhakilesasampayuttanīvaraṇasampayuttadassanenapahātabbasaraṇadukāpi samānā. Tathākilesā ceva saṃkiliṭṭhanīvaraṇā ceva nīvaraṇasampayuttakilesā ceva kilesasampayuttadukā. Iminā nayena sabbesaṃ atthato sadisānaṃ dukānaṃ vissajjanāni sadisāneva hontīti veditabbāni. Sabbasmimpi pana Paṭṭhāne Kenaciviññeyyadukaṃ na labbhati. Āsavā ceva āsavasampayuttā ca, saṃyojanā ceva saṃyojanasampayuttā ca, ganthā ceva ganthasampayuttā ca, nīvaraṇā ceva nīvaraṇasampayuttā ca, kilesā ceva saṃkiliṭṭhā cāti evarūpesu dukesu vipākapaccayo ceva nānākkhaṇikakammapaccayo ca na labbhati. Nahetusahetukanahetu-ahetukesu hetupaccayo natthi. Hetū ceva hetusampayuttā ca, āsavā ceva āsavasampayuttā ca, ganthā ceva ganthasampayuttā cāti imesu dukesu nahetunajhānanamaggā na labbhanti, saṃyojanā ceva saṃyojanasampayuttā ca, nīvaraṇā ceva nīvaraṇasampayuttā ca, kilesā ceva kilesasampayuttā ca, kilesā ceva saṃkiliṭṭhā cāti imesu pana vicikicchuddhaccasahagatassa mohassa vasena nahetupaccayo labbhati, najhānanamaggapaccayā na labbhantīti evaṃ sabbadukesu labbhamānālabbhamānaṃ upaparikkhitvā Pāḷivaseneva vāragaṇanā veditabbāti.

Dukapaṭṭhānavaṇṇanā.

3. Dukatikapaṭṭhānavaṇṇanā

Dukatikapāṭṭhāne hetuṃ kusalaṃ dhammaṃ paṭicca hetu kusalo dhammo uppajjati hetupaccayāti evaṃ pañhāmattuddhāraseneva saṅkhepato

desanā katā. “Kusalaṃ alobhaṃ paṭicca adoso amoho”ti-ādinā pana nayena vitthāro vattabbo siyā, so hetṭhā dassitanayena sakkā avuttopi jānitunti ekapadehi ekapaccayo vā na vuttho. Yā panesā saṅkhepato desanā katā, sā evaṃ katāti veditabbā. Hetudukena hi saddhiṃ kusalapadaṃ yojetvā Paṭiccavāre anulomassa ceva paccanīyassa ca vasena sabbe labbhamānakapaccayā dassitā, anulomapaccanīyapaccanīyānulomanayā ceva Sahajātavārādayo ca na dassitā, kevalaṃ “paṭiccavārasadisamīyeva vitthāretabban”ti vuttaṃ. Pañhāvāre pañhampi avissajjetvā kevalaṃ pañhuddhāramattaṃ katvā anulomapaccanīyavaseneva labbhamānapaccayā dassitā. Yathā ca kusalapadaṃ, evaṃ akusala-abyākatapadāni Hetudukena saddhiṃ yojetvā hetukusaladukatikaṃ niddisitabbanti vuttaṃ.

Tato paraṃ **hetuṃ sukhāya vedanāya sampayuttaṃ dhammanti-ādinā** nayena hetuvedanādukatikādīni ekavīsati dukatikāni dassitāni. Yasmā pana hetu nāma sanidassanasappaṭiḡho anidassanasappaṭiḡho vā natthi, tasmā hetupadena saddhiṃ sanidassanasappaṭiḡha-anidassanasappaṭiḡhapadāni na yojitāni. Evaṃ Hetudukena saddhiṃ labbhamānakavasena dvāvīsati tike yojetvā puna te Sahetukadukādīhi Saraṇadukapariyosānehi sabbadukehi saddhiṃ yojitā. Tattha yaṃ yaṃ padaṃ yena yena padena saddhiṃ yojanaṃ na gacchati, taṃ taṃ Pāḷiyamīyeva na labbhatīti vuttaṃ. Evamettha ekena dukena saddhiṃ bāvīsati tike yojetvā puna aparena bāvīsati, aparena bāvīsatiṭi paṭipāṭiyā dukasate labbhamānadukapadehi saddhiṃ dvāvīsati tikā yojitāti dvāvīsati tike gahetvā dukasate pakkipitvā Dukatikapaṭṭhānaṃ nāma desitaṃ. Tattha yesu yesu ṭhānesu nayam dassetvā Pāḷiyā saṅkhepo kato, tesu tesu ṭhānesu dassitanayānurūpena tassā vitthāro veditabboti.

Dukatikapattṭhānavañṇanā.

4. Tikadukapaṭṭhānavaṇṇanā

Tikadukapaṭṭhānēpi kusalaṃ hetuṃ dhammaṃ paṭicca kusalo hetu dhammo uppajjati hetupaccayāti pañhāmattuddhāraseneva desanā katā. Tattha yathā heṭṭhā Hetudukena saddhiṃ kusalapadaṃ yojetvā sabbapaccayavasena sabbavāresu saṅkhepato desanā katā, evamidha Kusalattikena saddhiṃ hetupadaṃ yojetvā sabbapaccayavasena sabbavāresu saṅkhepato desanā katā. Yathā ca hetupadaṃ, evaṃ nahetupadampi Kusalattikena saddhiṃ yojetvā Kusalattikahetudukaṃ niṭṭhāpitaṃ. Tato paraṃ **sukhāya vedanāya sampayuttaṃ hetuṃ dhammanti-ādinā** nayena Vedanāttikahetudukādīni ekavīsati tikadukāni dassitāni.

Evaṃ bāvīsatiyā tikehi saddhiṃ Hetudukaṃ yojetvā puna tehiyeva saddhiṃ Sahetukadukādayo Saraṇadukapariyosānā labbhamānavasena sabbadukā yojitā. Idhāpi yaṃ yaṃ padaṃ yojanaṃ na gacchati, taṃ taṃ Pāḷiyāmyeva paṭikkhittaṃ. Evaṃ dukasataṃ gahetvā dvāvīsatiyā tikesu pakkhipitvā Tikadukapaṭṭhānaṃ nāma desitaṃ. Tatrāpi yena yena nayena Pāḷi saṅkhittā, so so nayo vitthārato veditabbo.

Tikadukapaṭṭhānavaṇṇanā.

5. Tikatikaṭṭhānavaṇṇanā

Tikatikaṭṭhānēpi kusalaṃ sukhāya vedanāya sampayuttaṃ dhammaṃ paṭicca kusalo sukhāya vedanāya sampayutto dhammo uppajjati hetupaccayāti pañhuddhāraseneva saṅkhepato desanā katā. Ettha ca Kusalattikaṃ Vedanāttikādīhi, Vedanāttikādayo ca Kusalattikenāti evaṃ tikesuyeva tikā pakkhittā. Yena yena ca padena saddhiṃ yaṃ yaṃ padaṃ yojanaṃ na gacchati, taṃ taṃ hāpetvā labbhamānavaseneva sabbapaccayesu vārā ca gaṇananayā ca dassitā, tasmā te sādhukaṃ Pāḷiṃ upaparikkhitvā veditabbā. Yathā ca Kusalattikaṃ Vedanāttikādīhi, Vedanāttikādayo ca tena saddhiṃ yojetvā veditabbā, tathā ekekaṃ tikaṃ sesehi, sesā ca tehi saddhiṃ yojetvā veditabbāti.

Tikatikaṭṭhānavaṇṇanā.

6. Dukadukapaṭṭhānavaṇṇanā

Dukadukapaṭṭhānepi hetusahetukam dhammam paṭicca hetusahetuko dhammo uppajjati hetupaccayāti pañhuddhāravaseneva saṅkhepato desanā katā. Tattha hetudukam sahetukadukādīhi, sahetukadukādīni ca tena saddhim yojitāni. Ekekam pana dukam sesehi, sesā ca tehi saddhim paṭipāṭiyā yojetabbā. Idañhi Dukadukapaṭṭhānam nāma dukesuyeva duke pakkhipitvā desitam. Tenettha sabbadukehi saddhim sabbadukānam yojanā veditabbā. Pāḷi pana saṅkhittā. Yena yena ca padena saddhim yam yam padam yojanam na gacchati, tam tam hāpetvāva desanā katāti.

Dukadukapaṭṭhānavaṇṇanā.

Ettāvata—

Tikañca Paṭṭhānavaram dukuttamam,
Dukam tikañceva tikam dukañca.
Tikam tikañceva dukam dukañca,
Cha anulomamhi nayā sugambhīrāti—

Aṭṭhakathāyam vuttagāthāya dīpitā **Dhammānulomapaṭṭhāne** cha nayā niddiṭṭhā honti. Paccayavasena panettha ekekasmiṃ paṭṭhāne anulomādayo cattāro cattāro nayāti ekena pariyāyena catuvīsatinayapaṭimaṇḍitam anulomapaṭṭhānamyeva veditabbam.

7-12. Paccanīyapaṭṭhānavaṇṇanā

1. Idāni kusalādīnam padānam paṭikkhepavasena dhammānam paccanīyatāya laddhanāmam **Paccanīyapaṭṭhānam** dassetuṃ **nakusalam dhammam paṭicca nakusalo dhammo uppajjati hetupaccayāti**-ādi āradham. Tattha **nakusalam dhammam paṭiccāti** kusalassa paccayabhāvam vāreti. **Na kusalo dhammo uppajjati**ti kusalassa uppattim vāreti, tasmā “akusalābyākatam ekam khandham paṭicca akusalābyākatā tayo khandhā cittasamuṭṭhānañca rūpan”ti evamādinā nāyenettha pañham vissajjitabbam. Tasmim tasmim paccaye laddhagaṇanā pana Pāḷiyam vuttāyeva. Yepi vārā sadisavissajjanā, tepi tattheva dassitā. Tasmā sabbamettha heṭṭhā

vuttanayānusāreṇa Pāḷim upaparikkhitvā veditabbaṃ. Yathā cettha, evaṃ Dukapaṭṭhāne Dukatikapaṭṭhāne Tikadukapaṭṭhāne Tikatikapaṭṭhāne Dukadukapaṭṭhāne ca.

Ettāvata—

Tikañca Paṭṭhānavaraṃ dukuttamaṃ,
Dukaṃ tikañceva tikaṃ dukañca.
Tikaṃ tikañceva dukaṃ dukañca,
Cha paccanīyamhi nayā sugambhīrāti—

Aṭṭhakathāyaṃ vuttagāthāya dīpitā **Dhammapaccanīyapaṭṭhāne** cha nayā niddiṭṭhā honti. Paccayasena panettha ekekasmim paṭṭhāne anulomādayo cattāro cattāro nayāti ekena pariyāyena catuṅṅsatīnāyapaṭṭhānaṅṅeva veditabbaṃ.

13-18. Anulomapaccanīyapaṭṭhānavañṇanā

1. Idāni kusalādīsū dhammesu paccayadhammaṃ appaṭikkhipitvā paccayuppanassa kusalādibhāvapaṭikkhepavasena dhammānaṃ anulomapaccanīyatāya laddhanāmaṃ **Anulomapaccanīyapaṭṭhānaṃ** dassetuṃ **kusalaṃ dhammaṃ paṭicca na kusalo dhammo uppajjati hetupaccayāti**-ādi āradhāṃ. Tattha **kusalaṃ dhammaṃ paṭiccāti** kusalassa paccayabhāvaṃ anujānāti, **na kusalo dhammo uppajjati**ti kusalasseva uppattiṃ vāreti. Tasmā “kusale khandhe paṭicca cittasamuṭṭhānaṃ rūpaṃ”ti-ādinā nayena vissajjanaṃ dassitaṃ, taṃ sabbaṃ Pāḷim oloketvā sādhukaṃ sallakkhetabbaṃ. Yampi yena sadisaṃ, yañca yattha labbhati, yo ca yesaṃ vissajjanānaṃ yesu paccayesu gaṇanaparicchedo, so sabbo Pāḷiyaṃ dassito, tasmā Pāḷiyeva ettha attho. Yathā cettha, evaṃ Dukapaṭṭhānādīsūpīti.

Ettāvata—

Tikañca Paṭṭhānavaraṃ dukuttamaṃ,
Dukaṃ tikañceva tikaṃ dukañca.
Tikaṃ tikañceva dukaṃ dukañca,
Cha anulomapaccanīyamhi nayā sugambhīrāti—

Aṭṭhakathāyaṃ vuttagāthāya dīpitā **Dhammānulomapaccanīyapaṭṭhāne** cha nayā niddiṭṭhā honti. Paccayavasena panettha ekekasmim paṭṭhāne anulomādayo cattāro cattāro nayāti ekena pariyāyena catuvīsatinayapaṭimaṇḍitaṃ anulomapaccanīyapaṭṭhānaññeva veditabbaṃ.

19-24. Paccanīyānulomapaṭṭhānavañṇanā

1. Idāni kusalādāsu dhammesu paccayadhammaṃ paṭikkhipitvā paccayuppanassa kusalādibhāvaṃ appaṭikkhepavasena dhammānaṃ paccanīyānulomatāya laddhanāmaṃ **Paccanīyānulomapaṭṭhānaṃ** dassetuṃ **nakusalaṃ dhammaṃ paṭicca akusalo dhammo uppajjati hetupaccayāti**-ādi āraddhaṃ. Tattha **nakusalaṃ dhammaṃ paṭiccāti** kusalassa paccayabhāvaṃ vāreti, **akusalo dhammo uppajjatīti** akusalassa uppattiṃ anujānāti. Nakusalañhi akusalaṃ abyākataṃ vā, tañca sahajātapaccayaṃ katvā uppajjamāno kusalo nāma natthi, tasmā akusalābyākatavasena desanā katā. Tattha “akusalaṃ ekaṃ khandhaṃ paṭicca tayo khandhā”ti evaṃ nakusalaṃ dhammaṃ paṭicca vissajjanaṃ veditabbaṃ. **Abyākato dhammo uppajjati hetupaccayāti** ayaṃ pana pañho “vipākābyākataṃ kiriyābyākataṃ ekaṃ khandhaṃ paṭicca tayo khandhā cittasamuṭṭhānañca rūpaṃ”ti vissajjitova. Iti sabbapañhesu avissajjitassa atthānurūpaṃ vissajjitassa ca Pāli-āgatameva vissajjanaṃ. Ekekasmīñca tikaduke vārappabhedapaccayagaṇanavidhānaṃ sabbaṃ heṭṭhā vuttanayānusāreñeva veditabbaṃ.

Ettāvathā ca—

Tikañca Paṭṭhānavaraṃ dukuttamaṃ,

Dukaṃ tikañceva tikaṃ dukañca.

Tikaṃ tikañceva dukaṃ dukañca,

Cha paccanīyānulomamhi nayā sugambhīrāti—

Aṭṭhakathāyaṃ vuttagāthāya dīpitā **Dhammapaccanīyānulomapaṭṭhāne** cha nayā niddiṭṭhā honti. Paccayavasena panettha ekekasmim paṭṭhāne anulomādayo cattāro cattāro nayāti ekena pariyāyena catuvīsatinayapaṭimaṇḍitaṃ paccanīyānulomapaṭṭhānaññeva veditabbaṃ.

Evam dhammānulomādivasena catūsu vāresu ekekasmim catuvīsatiyā
catuvīsatiyā nayānaṃ vasena channavuti nayā honti. Tattha paccayanaye
aggahetvā ekekasmim paṭṭhāne tikadukādīnaññeva channaṃ channaṃ
nayānaṃ vasenetaṃ catuvīsatinayapaṭimaṇḍitaṃ

Samantapaṭṭhānamahāpakaraṇaṃ veditabbaṃ. Keci pana “kusalārammaṇo
dhammo akusalārammaṇo dhammo”ti-ādinā nayena ārammaṇamātikaṃ
nāma ṭhapetvā “kusalārammaṇo dhammo kusalārammaṇassa dhammassa
hetupaccayena paccayo”ti-ādinā nayena ārammaṇapaṭṭhānaṃ nāma dassetvā
aparampi phassādīnaṃ vasenapi phassapaṭṭhānaṃ nāma uddharitvā dassenti,
taṃ neva Pāḷiyaṃ na Aṭṭhakathāsu sandissatīti idha na vicāritaṃ. Saṅgīti-
ārūhapāḷivaseneva panettha vaṇṇanā katāti veditabbā.

Ettāvata ca—

Sammūḷhā yattha pajā, tantākulādibhāvamāpannā.

Nekavidhadukkhagahanaṃ, sāmsāraṃ nātivattanti.

Paccayabhede kusalo, loke garutampi paccayākāraṃ.

Atinippuṇagambhīraṃ, javanabbhūmim Buddhañāṇassa.

Kusalādidhammabhedam, nissāya nayehi vividhagaṇanehi.

Vitthārento sattama-mabhidhammapakaraṇaṃ Satthā.

Suvihitasanniṭṭhāno, Paṭṭhānaṃ nāma yaṃ pakāsesi.

Saddhāya samāraddhā, yā Aṭṭhakathā mayā tassa.

Ācariyānaṃ vādaṃ, avihāya vibhajjavādisissānaṃ.

Atibahuvidhantarāye, lokamhi anantarāyena.

Sā evam ajja katā¹, cuddasamattehi bhāṇavārehi.

Atthaṃ pakāsayantī, Paṭṭhānavarassa sakalassa.

Sanniṭṭhānaṃ pattā, yatheva niṭṭhaṃ tathā bahujanassa.

Sampāpuṇantu sīghaṃ, kalyāṇā sabbasaṅkappā.

1. Sā esā ajja yathā (Syā)

Ettāvatā—

Sattappakaraṇaṃ Nātho, abhidhammadesayi.

Devātidevo devānaṃ, devalokamhi yaṃ pure.

Tassa Aṭṭhakathā esā, sakalassāpi niṭṭhitā.

Ciraṭṭhitatthaṃ dhammassa, niṭṭhapentena taṃ mayā.

Yaṃ pattaṃ kusalaṃ tassa, ānubhāvena pāṇino.

Sabbe Saddhammarājassa, ñatvā dhammaṃ sukhāvahaṃ.

Pāpuṇantu visuddhāya, sukhāya paṭipattiyā.

Asokamanupāyāsaṃ, nibbānasukhamuttamaṃ.

Ciraṃ tiṭṭhatu saddhammo, dhamme hontu sagāravā.

Sabbepi sattā kālena, sammā devo pavassatu.

Yathā rakkhimsu porāṇā, surājāno tathevimaṃ.

Rājā rakkhatu dhammena, attanova pajaṃ pajanti.

Paṭṭhānappakaraṇaṭṭhakathā niṭṭhitā.

Niṭṭhitā ca Pañcapakaraṇaṭṭhakathāti.

Nigamanakathā

Paramavisuddhasaddhābuddhivīriyapaṭimaṇḍitena
 sīlācārajjavamaddavādiguṇasamudayasamuditena
 sakasamayasamayantaragahanajjhogāhaṇasamatthena
 paññāveyyattiyasamannāgatena Tipiṭakapariyattippabhede sātṭhakathe
 Satthusāsane appaṭihatañāṇappabhāvena mahāveyyākaraṇena
 karaṇasampatti-janitasukhaviniggaṭamadhurodāravacanālāvaṇṇayuttana
 yuttamuttavādinā vādīvarena mahākavinā pabhinnapaṭisambhidāparivāre
 chaḷabhiññādippabhedaguṇapaṭimaṇḍite uttarimanussadhamme
 suppaṭiṭṭhitabuddhīnaṃ theravaṃsappadīpānaṃ therānaṃ
 Mahāvihāravāsīnaṃ vaṃsālāṅkārahūtena vipulavisuddhabuddhinā
Buddhaghosoti garūhi gahitanāmadheyyena therena katā ayam sakalassapi
 Abhidhammapiṭakassa Aṭṭhakathā—

Tāva tiṭṭhatu lokasmiṃ, lokanittaraṇesinaṃ.
 Dassentī kulaputtānaṃ, nayaṃ paññāvisuddhiyā.
 Yāva Buddhoti nāmampi, suddhacittassa tādino.
 Lokamhi Lokajetṭhassa, pavattati Mahesinoti.

Abhidhammapiṭakattṭhakathā niṭṭhitā.

Pañcapakaraṇa-aṭṭhakathāya

Saṁvaṇṇitapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akaniṭṭhagāmī	49	Atthi arahato vimati	160
Akuppadhammo	33	Atthi arūpajīvitindriyaṃ	211
Akusalaṃ dhammaṃ paccayā	429	Atthī	137
Aṅgakūṭaṃ	90	Atthaṭṭho	159
Acetayantassa	198	Atthatthamhi	137
Acchandikā	36	Atthi chinnassa chediyaṃ	144
Ajjhāvasati	99	Atthi dvinnaṃ nibbānaṃ	166
Ajinaṃ	83	Atthi niyāmo	186
Ajinakkhipaṃ	83	Atthipaccayo	351
Ajjhottharati	99	Atthi manussesu	175
Aññaṃaññaṃ	365	Atthi lokiyo mano	271
Aññāṇī	190	Atthi sāvakassa	
Añño aññaṃ kārako	200	khandhapaññaṃ	190
Añño karoti	135	Atthi so niyāmo	232
Aññaṃ jīvaṃ	128	Atītāya	180
Aññaṃ satthāraṃ	182	Atītaṃ atthīti micchā	151
Aṭṭha pānāni	259	Athenena	86
Aṭṭhamako puggalo	172	Adinnādāyī	71
Aṭṭhavimokkhe	30	Adhippāya-iddhi	277
Aṭṭhahi ñāṇehi	165	Adhimattaṃ	44
Aḍḍhamāsikaṃ	82	Adhimuccitā	98
Attantapo	81	Anañño	128
Atthasamhitam	88	Anattā	138
Atthi arahato	185	Anariyā	39
Atthi arahato punabbhavo	147	Anāgāmī	39
Atthi arahato rāgo	160	Anāgāmī puggalo kata-	
		karaṇīyo	147

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Anābhogassa	198	Abrahmacārī	
Anāvaṭṭentassa	198	brahmacāripaṭiñño	57
Animittam	267	Abhabbāgamaṇo	36
Aniyatā	37	Abhabbo	232
Anuppadātā	87	Abhayūparato	36
Anupalitto	261	Abhinandati	435
Anupubbābhisamayo	164	Abhinimmito	261
Anuyogo	90	Abhinisīdati	99
Anurakkhati	34	Amaggena	172
Anurakkhaṇabhabbo	34	Amanasikarontassa	198
Anulomaṃ	437	Ariyadhammavipāko	202
Anusayā	319	Ariyarūpaṃ	242
Anusañceteti	34	Ariyā	39
Anussaviyo	182	Ariyaṃ	168
Anuseti	243	Arukūpamacitto	62
Anusotagāmī	94	Arūpasahagatānaṃ	32
Anodhiṃ	164	Arūpino	377
Anto pūti	57	Avakujjapañño	64
Antarāparinibbāyī	49	Avakkanti	35
Apacayagāmī	158	Avassuto	57
Apatthentassa	199	Avigato	128
Apubbaṃ acarimaṃ	149	Avijjā asaṅkhatā	192
Appaṭisaṅkhāniruddhe	166	Avijjamānapaññatti	26
Appahīno	94	Avinipātadhammo	46
Abbhantaramātikā	2	Avipakkavipākadhammā	157
Abbhokāso	85	Avisaṃvādako	87
Abyākatānaṃ	363	Asaṅkhatapaññatti	28
Abyāsekasukhaṃ	92	Asaṅkhāraparinibbāyī	49
Abrahmacariyaṃ	87	Asaddhā	36
		Asappuriso	71
		Assamaṇo	57

Padānukkamo	Piṭṭhaṅko	Padānukkamo	Piṭṭhaṅko
[A]		[Ā]	
Asamannāharantassa	198	Āhāro	188
Asamayavimutto	31	Āhuneyyo	258-9
Asamāhito	67	[I]	
Assātarāgo	238	Iceca	396
Assādeti	435	Icechāpakato	99
Asuci	57	Ittarasaddho	98
Asekkhā	39	Itthikumārikapaṭiggahaṇā	89
Ahetukaṁ	291	Itthī	89
Aḷacchinno	128	Iddhimā	284
[Ā]		Idha	30
Ākāśānañcāyatanāṁ	435	Indriyapaccayo	350
Ācāmo	83	Iriyāpathasamasīsī	37
Ātāpeti	444	Issariyasamvattaniyaṁ	201
Ādheyyamukho	98	[U]	
Āpāyike	233	Ukkujjo	64
Āpāyiko	272	Ukkuṭikappadhānamanuyutto	83
Āmakamaṁsapaṭiggahaṇā	89	Ukkoṭanaṁ	91
Āmantā	192	Ugghaṭitaññū	73
Āmaṁ pakkavaṇṇī	76	Uccāvacā	144
Ārācārī	87	Uccāsayaṇaṁ	89
Ārabhati	96	Ucchaṅgapañño	64
Ārambhajā	96	Ujjagghati	99
Ārammaṇaṁ	188	Uṇṇatuṇṇato	79
Ārammaṇūpanissayo	347	Uṇṇato	79
Āvaṭṭanā paṇidhi	240	Uṇṇatoṇato	79
Āvāhavivāhaṁ	205	Udakalekhūpamo	66
Āsavānaṁ	168	Uddhato	67
Āsevanapaccayo	349	Uddissakataṁ	81
Āhārapaccayo	350	Unnaḷo	67

Padānukkamo	Piṭṭhaṅko	Padānukkamo	Piṭṭhaṅko
[U]		[E]	
Upaḍḍhadivaso	163	Ekamūlaṃ	290
Upanikkhittapaññatti	28	Ekālopiko	82
Upanidhāpaññatti	27	Ekāhikaṃ	82
Upanissayapaccayo	347	Ekam	457
Upapattesiya	178	Ekamyeva	174
Upahaccapariniḅbāyī	49	Erāvaṇo	273
Uppajjamānaṃ	333	Esece	116
Upādāpaññatti	27	Eḷaṇḍiyāya	166
Uppādanirodhavāro	296	[O]	
Uppādavāro	296	Okkamituṃ	36
Uppaṇḍeti	99	Okkanti	414
Ubbhaṭṭhako	83	Okkantikkhaṇe	365
Ubho vaḍḍhanti	224	Okāsavāro	297
Ummādā	99	Okoṭimako	78
Ummujjitvā	102	Oṇatuṇṇato	79
Ulūkapakkhaṃ	83	Oṇato	79
Ullapati	99	Oṇatoṇato	79
Ussāraṇaṃ	98	Odhisso	148
[Ū]		Orabbhiko	83
Ūhasati	99	Orambhāgiyāni	48
[E]		[Ka]	
Ekāgāriko	82	Kaṭattā ca rūpānaṃ	374
Ekacco	30	Kaṇaṃ	83
Ekaccaṃ	157	Kaṇṭakāpassayiko	83
Ekadesaṃ	170-212	Kaṇḍaracchinno	128
Ekantakāḷakehi	101	Kaṇḍūvamāno	84
Ekabijī	46	Kaṇṇasukhā	61
Ekabhattiko	88	Katassa paṭicayo	144
Ekamūlamūlā	291	Kataṃ karaṇīyaṃ	94

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Kattā	132	Kiriyā cattāro	219
Katihi khandhehi	4	Kiriyāñāṇaṁ	219
Kappo	234	Kiriyāsaṅgaho	3
Kabaḷikāro	377	Kim pariyuṭṭhito	145
Kammaṭṭhāyā	349	Kucchiparihārikena	91
Kammavipākato	255	Kuṇī	78
Kammavipākam	201	Kuppadhammo	32
Kammahetu	212	Kumbho	76
Kammūpacayo	249	Kurūrakammantā	83
Kayavikkayā	90	Kusacīraṁ	83
Kalyāṇadhammo	72	Kusalamūlakā	291
Kalyāṇamitto	69	Kusalamūlamūlakā	291
Kalyāṇasampavaṅko	69	Kusalaṁ dhammaṁ paṭicca	411
Kalyāṇasahāyo	69	Kusalaṁ dhammaṁ paccayā	426
Kalyāṇo	72	Kusalaṁ dhammaṁ sahaḷāto	426
Kasambujāto	57	Kusalaṁ dhammaṁ nissāya	431
Kasiravuttike	78	Kusalaṁ dhammaṁ saṁsaṭṭho	431
Kaḷopi	82	Kuḥim phaluppatti	147
Kāṇo	78	Kūṭaṁ	90
Kāmesumicchācārī	71	Kevalaparipuṇṇaṁ	64
Kāyabhedo	162	Kesakambalaṁ	83
Kālavādī	88	Kodhano	53
Kāyasaṅkhāro	313	Kolaṁkolo	46
Kāraṇikā	274	Kamsakūṭaṁ	90
Kāretā	132	Kaṁso	90
Kiccapaññatti	28		
Kiñci kāle	365	[Kha]	
Kittisaddo	69	Khañjo	78
Kimassa rajaggasmim	99	Khaṇaṁ	334
Kiriyā	438	Khattiyamahāsālā	78

Padānukkamo	Piṭṭhaṅko	Padānukkamo	Piṭṭhaṅko
[Kha]		[Ca]	
Khattiyo	136	Catucattārīsāya	165
Khandhapaññatti	25	Catūhi ñāṇehi	165
Khandhā saṅkhatā	137	Cittacetāsikā	365
Khayagāmī	158	Cittavikkhepā	99
Kharājinaṃ	84	Cittasaṅkhāro	313
[Ga]		Cittasamuṭṭhānaṃ rūpaṃ	412
Gajjitā	75	Cittasamuṭṭhānānaṃ	434
Gaṇabhojanaṃ	259	Cīvaralūkhaṃ	80
Gaṇanasāṅgaho	3	Cetanābhabbo	34
Gandhaṃ	89	Cetopariyañāṇena	435
Gahaṭṭho pabbajito	136	Cetovimuttiṃ	95
Gahaṇakūṭaṃ	90	[Cha]	
Gahapatimahāsālā	79	Chavadussāni	83
Gādhaṃ kattā	75	Chandādhipati	360
Gāmadhammā	87	Chedanaṃ	91
Gilānupaṭṭhāko	59	[Ja]	
Gihissa	177	Janakājanakato	393
Gūthakūpo	69	Jarā parinipphannā	229
Gūthabhāṇī	60	Jahati puthujjano	148
Gotrabhuno	184	Jātarūpaṃ	89
[Gha]		Jātisaṅgaho	3
Ghosappamaṇo	80	Jigucchitabbo	69
[Ca]		Jīvitasamasīsī	38
Cakkavattisatto	181	[Jha]	
Cakkhu anāsavaṃ	178	Jhānaṅgāni	379
Cakkhundriyaṃ	378	Jhānapaccayo	350
Cattāri	454	[Ña]	
Cattāro khandhā	383	Ñātimajjhagato	60
		Ñāṇaṃ	162

Padānukkamo	Piṭṭhaṅko	Padānukkamo	Piṭṭhaṅko
		[Tha]	
Ṭhānaṃ	89	Thale	95
Ṭhitatto	95	Thusodakaṃ	82
		Theto	87
		Thero	66
		[Da]	
Ḍeti	92		
		[Ta]	
Tajjāpaññatti	28	Dakkhiṇeyyā	258
Taññeva anāsavaṃ	178	Dakkhiṇaṃ	258
Tatiyā koṭi	136	Daddulaṃ	82
Tathāgatabalaṃ	167	Dadhi	100
Tadārammaṇatā	436	Dayāpanno	86
Tappetā	56	Dasannaṃ	219
Tamaparāyaṇo	78	Dassanīyā	99
Tameva saṅgāmasīsam	99	Dāsīdāsapaṭiggahaṇā	89
Tamo	78	Dibbacakkhu	443
Tassa paṭighātatthāya	447	Dibbacakkhumaṃ	174
Tassa paṭisaṃvedī	134	Dinnaṇṭikaṅkhi	86
Tassa vipāko	203	Dinnādāyī	86
Tikañca paṭṭhānavaraṃ	406	Dukkammaṃ	406
Tiṇṇo	95	Dukkhatto	213
Tiṇṇo pāraṅgato	102	Dukkahāro	162
Titto	56	Duggatibhayaṃ	36
Tindukālātaṃ	69	Duṭṭhāruko	61
Tiriṭṭāni	83	Duttappayā	55
Tuccho	76	Duddasiko	78
Tena vata re	114	Duppameyyo	67
Terasa	457	Dubbaṇṇasaṃvattaniyaṃ	202
Tevīsatiṃmūlakam	407	Dubbaṇṇo	78
Taṃ jīvaṃ	128	Dussīlo	56
		Dūteyyaṃ	90
		Dvattiṃsimāni	182

Padānukkamo	Piṭṭhaṅko	Padānukkamo	Piṭṭhaṅko
[Da]		[Na]	
Dvādasahi nāṇehi	165	Natthi saddhā	172
Dvinnam maggasamaṅgīnam	328	Natthi saddhindriyam	172
Dve asaṅkhatāni	192	Na nikāmalābhī	32
Dve kathā	139	Nanu atthi asurakāyo	205
Dve khandhā	412	Nanu pañca gatiyo	204
Dveva cakkhūni	174	Nanu bodhi paṭilābhā	181
Dve jīvitindriyāni	212	Nanu sabbasaṅkhāre	189
Dve tāṇāni	166	Nanu so sattakkhattuparamo	232
Dve dukkhanirodhā	166	Nayamātikā	1
Dve nirodhasaccāni	166	Nayamukhamātikā	2
Dve nirodhā	166	Nayā sugambhīrā	406
Dve puggalā	339	Na vattabham bodhiyā	181
[Dha]		Naveva nāmamūlāni	291
Dhajaggam	98	Navo	66
Dhammakkhānam	167	Na hevam	176
Dhammadesanā	167	Nānappakārabhedato	357
Dhammapaccanīyapaṭṭhāne	495	Nāparam itthattāya	94
Dhammapaccanīyānulomaṅ	410	Nāmā dhammā	291
Dhammasaṅgī	272	Nikati	91
Dhammānulomapaccanīyam	409	Nikkujjo	64
Dhammānulomaṅ	407	Nikkhamitvā	138
Dhammābhisamayo	73	Nigaḷo	131
Na akicchalābhī	32	Niggaṇhāti	250
Na akasiralābhī	32	Nicchāto	84
Naccagītavādītavisūkadassanā	89	Nidānam	188
Natthaṭṭho	159	Nidhānavatī	88
Natthi devesu samvaro	175	Nibbāne sukhānupassī	214
Natthi paccayo	352	Nibbuto	84
Natthi lokiyā saddhā	271	Niyatassa	186
		Niyatā	37

Padānukkamo	Piṭṭhaṅko	Padānukkamo	Piṭṭhaṅko
[Na]		[Pa]	
Niyato	46	Pakkhahato	78
Niyāmagamanāya	185	Pakiṇṇakamātikā	2
Niyāmo	191	Pakiṇṇakāni	461
Nirayaṁ	233	Pakkhī	92
Nirujjhamānaṁ khaṇaṁ	334	Pakkaṁ āmavaṇṇī	76
Nirodhavāro	296	Paccattapaññatti	28
Nirodhasamāpatti	193	Paccayapaccanīyānulomaṁ	410
Nillopaṁ harati	445	Paccayavāro	395
Nissayapaccayo	347	Paccayavisabhāgato	392
Nissayavāro	395	Paccayānulomapaccanīyaṁ	409
Nihitadaṇḍo	86	Paccayānulomaṁ	407
Nihitasattho	86	Paccayiko	87
Nīlaṁ rūpaṁ upādāya	130	Paccayuppanato	357
Nīvārā	82	Pacchājātapaccayo	349
Nuppajjati nirujjhati	333	Pacchā pañho	298
Nuppajjeyya	269	Pajahati	328
Negaḷiko	131	Pañca asaṅkhatāni	191
Neyyo	73	Paññattiyo	25
Nerayiko	272	Pañhāvāro	395
Nelā	61	Paññāvāhī	44
Nevasekkhānāsekkhā	39	Paññāvimuttiṁ	95
Neva hāyati no vaḍḍhati	101	Paṭikkhepena vissajjanaṁ	300
Nesādakule	78	Paṭicca	396
No ca vata re	114	Paṭiccavāro	395
No ce pana vattabbe	114	Paṭicchannakammanto	57
No vata re vattabbe	162	Paṭicchannakūṭaṁ	90
[Pa]		Paṭipannassa	184
Pakaticitte	280	Paṭipādā	144
Pakatūpanissayo	348	Paṭivacanaṁ	300
		Paṭisaṅkhā nirodhenti	166

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paṭisandhi	414	Pahiṇagamanam	90
Paṭisedhena vissajjanam	300	Pahīnā	270
Paṭisotagāmī	94	Pākaṭindriyo	67
Paṭuppannānam	386	Pāṭaliputtassa	189
Paṭṭhānā	158	Pāṇātipātā	175
Paṇidhi	210	Pāṇātipātī	71
Paṇītādhimutto	56	Pāpakammaṃ samādiyivā	224
Pattalūkham	80	Pāpadhammo	72
Patthanā	210	Pāpiccho	99
Patigādhappatto	102	Pāpo	72
Pathavī	185	Pāraṅgato	95
Pathavīkasiṇasamāpattim	186	Pāsāṇalekhūpamo	65
Pathavī lekhūpamo	65	Pāsādikā	99
Padaparamo	74	Pāsādiko	79
Pabhavo	188	Pāḷigatiyā vissajjanam	300
Paradhammakusalassa	160	Pihito	76
Paramatthakathā	139	Pukkusakule	78
Paramattho	112	Puggalapaññatti	25
Paramāya	79	Puggalavāro	297
Parantapo	83	Puggalo	112
Pavaḍḍhanti	96	Puggalokāsavāro	297
Parihānāya	144	Puggalopi	369
Parihāni	142	Puggalassa uppādo	137
Parihāyati	141	Pupphabhāṇī	61
Parikammaṃ	443	Pubbacariyā	167
Paripantho	445	Pubbayogo	167
Paripuṇṇapañho	298	Pubbekatahetu	255
Pariyantavatim	88	Pubbe suciṇṇāni	435
Parisaggato	60	Purimā purimā	437
Parisuddham	64	Purejātapaccayo	348

Padānukkamo	Piṭṭhaṅko	Padānukkamo	Piṭṭhaṅko
[Pa]		[Ba]	
Purepañho	298	Brahmacariyaṁ	94
Pūgamajjhagato	60	Brahmacārī	87
Pūro	76	Brāhmaṇamahāsālā	79
Pettirājā	273	Brāhmaṇo	95
Pemaṇiyā	61	[Bha]	
Porī	61	Bhabbo	237
Potthakūpamā	66	Bhayūparato	35
Paṁsukūlāni	83	Bhikkhūnaṁ sikkhāsājīva-	
[Pha]		sammāpanno	86
Phalasaṁpattiyā	447	Bhiyyoso mattāya	
Phassāramaṇe	187	cicciṭṭayati	69
Phusitvā	30	Bhūtavādī	88
Pheggusāraparivāro	79	Bhūmipaṇṇatti	28
[Ba]		[Ma]	
Bandhanāgāriko	83	Maggaṅgāni	380
Bandho	91	Maggapaccayo	350
Barihisatthāya	84	Maggā vuṭṭhahitvā	435
Balībaddo	77	Maggo asaṅkhato	191
Bahujanakantā	61	Maggo bhāvito	172
Bahujanamaṇāpā	61	Macchaghātaṅko	83
Bālaputhujjanā	163	Majjhimo	66
Bāhiraṁatikā	2	Madhubhāṇī	61
Bījagāmaḥūtagāma-		Manussesu	146
samārambhā	88	Manodhātuyā	358-362
Buddho ca loke	234	Manoviññāṇadhātuyā	362
Bodhi	180	Mandattā	99
Bodhagāmī	158	Mando	98
Bodhikaraṇīyaṁ	180	Masāṇāni	83
Bodhipaṭilābhā	181	Mahābhūte	413
Bodhisatto	182-237		

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ra]	
Mahāsayanam	89	Rajaggaṃ	98
Mātā jīvitā	232	Rajataṃ	89
Mātughāṭikammaṃ	446	Rajjubhedo	90
Mānakūṭaṃ	90	Rajopatho	85
Mārakāyikā	160	Rattandhakāratimisāyā	62
Mālā	89	Rattūparato	89
Mukharo	67	Rathakārakule	78
Muttācāro	81	Rājakulamajjhagato	60
Muddhāvasitto	83	Rāgo	145
Muhuttaṃ muhuttaṃ	163	Rūpakūṭaṃ	90
Musāvādī	71	Rūpaṇca	120
Mūlamātikā	1	Rūpasmiṃ puggalo	122
Mūlaṃ	188	Rūpappamāṇo	80
Methunā	87	Rūpappasanno	80
Mandatā	99	Rūpasahagātanaṃ	32
Mandomomūho	98	Rūpāyatanaṃ	358
Moho	483	Rūpaṃ	365
[Ya]		Rūpaṃ na sandhāvati	129
Yattha natthi pabbajjā	146	Rūpaṃ parinipphannaṃ	229
Yatthicchakaṃ	32	Rūpaṃ puggalo	122
Yathākammūpagataṇca	174	Rūpaṃ sandhāvati	129
Yadicchakaṃ	32	Rogasamasīsī	37
Yāvaticchakaṃ	33	[La]	
Yāvasikā	274	Lakkhaṇamātikā	2
Yugaḷakato	392	Lajjī	86
Yuttappaṭibhāno	74	Lābhī	94
Yodhājīvā	98	Liṅgapaññatti	28
Yaṃkiñci	184	Luddo	83
Yvāyaṃ	96		

Padānukkamo	Piṭṭhaṅko	Padānukkamo	Piṭṭhaṅko
[La]		[Va]	
Lokiyena viññāṇena	165	Vipākapaccayo	349
Lomakūpehi	160	Vipākapaṭisaṃvedī	133
Lolo	98	Vipāko	133
[Va]		Vimuccati	171
Vacīsaṅkhāro	313	Vimuttiññāṇaṃ	184
Vacchatarā	84	Vimuttiyā vā vimuttiṃ	168
Vajjabahulo	73	Vimuttaṃ vimuccamaṇaṃ	170
Vañcanaṃ	91	Vilepanaṃ	89
Vaṇṇapokkharatāya	79	Vivaṭo	76
Vadho	91	Visayo	173
Valāhakā	75	Viharati	86
Vasitā no gādhaṃ kattā	75	Vuṭṭhānaṃ	437
Vāḷakambalaṃ	83	Vusitaṃ	94
Vigatapaccayo	352	Vessabhū	273
Vijjamānapaññatti	26	Vocaritā	42
Vijjamānena		Vodānaṃ	435
avijjamānapaññatti	26	Vodiṭṭhā	42
Vijjamānena		[Sa]	
vijjamānapaññatti	26	Sakadāgāmī	47
Viññatti	224	Saṅkassarasamācāro	57
Viññāṇaṇcāyatanavipākassa	436	Sakiṃ nimuggo	101
Vitakkavipphāro	216	Sakkipuṭṭho	60
Vinayavādī	88	Saṅkhārakkhandhassa	
Viniveṭhetvā	99	suññatā	267
Vipakkavipākā	157	Saṅkhārapaccayā viññāṇaṃ	5
Vipaṇcitanñū	73	Saccavādī	87
Vibbhantacitto	67	Saccasandho	87
Viparāmoso	91	Saccikaṭṭho	112
Vippaṭisārajā	96	Sañjātisaṅgaho	3
Vipayuttapaccayo	351	Sañṭhānapaññatti	28
		Saṇḍasaṇḍacārini	82

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Satipaṭṭhānā	158	Samaggarato	88
Satisammosā pakireyya	64	Samaggārāmo	88
Sattakkhattuparamo	45	Samaṇapadumo	95
Sattasattatiyā ñāṇehi	165	Samaṇapuṇḍarīko	95
Saddhāya	447	Samaṇamacalo	95
Saddhāvāhī	44	Samaṇena pakāsītā	144
Sadhammakusalassa	160	Samanantaraniruddhā	386
Santatipaṇṇatti	28	Samanantarapaccayo	346
Sandhāgāraṃ	83	Samanantaravigatā	386
Sappurisena sappurisarato	72	Samayavimutto	31
Sappuriso	72	Samayena samayaṃ	30
Saphassaṃ	170	Samasamo	130
Sabbaṭṭhānikāsabbaṭṭhānikato	393	Samasīsī	37
Sabbattha	119	Samānabhogā	205
Sabbathā	149	Samānavaṇṇā	205
Sabbadā	119-149	Samānāyukā	205
Sabbapāṇabhūtahitānukampī	86	Samānāhārā	205
Sabbe te kusalamūlamūlā	291	Samāpannassa atthi vacībhedo	161
Sabbe te kusalamūlā	288-289	Sampayuttapaccayo	351
Sabbe te dhammā kusalā	290	Sampayuttavāro	395
Sabbe devā jaḷā	146	Sambhavo	188
Sabbe dhammā sati	158	Sambādho gharāvāso	85
Sabbena sabbāṃ	149	Sammāsambuddho	40
Sabbeva arahanto	142	Sammāsambuddho tena	
Sabbeva pathavī	185	daṭṭhabbo	100
Sabbesu	149	Sammukhībhūto	237
Sabbesaṃ samāpannānaṃ	161	Sammutikathā	139
Sabyañjanaṃ	64	Samuṭṭhānaṃ	188
Sabhaggato	60	Samodhānapaṇṇatti	27
Samaggaṇandī	88	Sambodhiparāyaṇo	46
		Sarāgaṃ	170

Padānukkamo	Piṭṭhaṅko
[Sa]	
Sarūpavacchāya	84
Sasaṅkhāraparinibbāyī	49
Saha udāhaṭavelāya	73
Sahajātapaccayo	346
Sahajātavāro	395
Sahajātaghaṭanāni	462
Sahati rajaggaṃ	98
Sahati sampahāraṃ	98
Sahasākāro	91
Saḷāyatanaṃ vipāko	231
Sākabhakkho	82
Sāciyogo	91
Sāṇāni	83
Sāpadesaṃ	88
Sāmākabhakkho	82
Sāyatatiyakam	83
Sāriputto	178
Sāvako jino	190
Sāvako ṭhānaṭṭhānaṃ jānāti	168
Sāhu saddhā kusalesu dhammesu	101
Sikhābhedo	90
Sītībhūto	84
Sukhadhammānaṃ upahattā	250
Sucibhūtena	86
Suññatā	267
Suññato lokam	
avekkhassu	138
Suññataṃ ārabba	221
Suppameyyo	67

Padānukkamo	Piṭṭhaṅko
[Sa]	
Surāmerayamajjapamādaṭṭhāyī	71
Suvaṇṇo ca paṇāsi	277
Sekkhāya	437
Senāsanalūkhaṃ	80
Seyyaṃ	83
Sotāpattiniyāmo	191
Sotāpattiphalaṃ na vipāko	202
Sotaṃ	162
Sovaṇṇamayāya	166
Samghassa dānaṃ denti	258
Samsaṭṭhavāro	395
Samsīdati	99
[Ha]	
Haṭaṃ	82
Hañci	181
Haññati	98
Hatthasaṃvācikā	146
Hatthāpalekhano	81
Hadayaṅgamā	61
Hadayaabhedo	90
Hāyatiyeva	101
Himaviparāmoso	91
Hīnādhimutto	56
Hetupaccayā	412
Hetupaccayo	344
Hevatthi heva natthi	159
Hevamevaṃ tattha dakkhā	116
Hevaṃ niggahetabbe	116
Hevaṃ maraṇaṃ na hehiti	127

Pañcapakaraṇa-aṭṭhakathāya

Nānāpāṭhā

Paṭhamo mūlapāṭho, Sī = Sīhaḷapotthakaṃ, Syā = Syāmapotthakaṃ, Kam = Kambojapotthakaṃ, I = Iṅgalisapotthakaṃ, Ka = kesuci Marammapotthakesu dissamānapāṭho, Ka-Sī = kesuci Sīhaḷapotthakesu dissamānapāṭho.

Pañcapakaraṇa-aṭṭhakathāya

Nānāpāṭhā

Piṭṭhaṅkā

[A]

Aññattaṃ = Aññathattaṃ (Syā)	120
Aṭṭha vārena gahitā = Atthavārena gahitā (Syā)	404
Atikhiṇena = Nātitikhiṇena (Ka)	43
Atimuttakāni = Adhimuttakāni (Sī, Syā)	61
Atītānaṃ dhammānaṃ = Atītārammaṇadhammānaṃ (Syā)	154
Atītaṃ ṇāṇanti = Atītaṇṇassa (Syā)	155
Atthitaṃ = Atītaṃ (Syā)	154
Adhigamanato paṭṭhāya = Adhigamatthāya (Ka)	40
Adhippāya-iddhi = Adhippāyaṃ iddhi (Sī, Syā)	277
Anāgatamevassa = Anāgatameva (Syā, Ka)	151
Anāgamanasabhāvo = Anāgamanabhāvo (Sī)	
Agamanabhāvo (Syā)	46
Anāgāmisakadāgāmibhāve = Anāgāmīsakadāgāmībhūmibhāve (Syā)	143
Anāpāthagataṃ = Anāpātagataṃ (Sī)	173
Anuddayā = Anudayā (Syā)	68
Anulomapaccanīke = Anulomapañcake (Syā)	121
Anuseti = Nānuseti (Ka)	65
Anantaruppattiṃ = Anantarapavattiṃ (Sī, Ka)	241
Andhakā = Andhakānaṃ (Sī, Syā, Ka)	187-188
Apaṭipūraṇaṃ = Aparipūraṇaṃ (Syā, Ka)	62

Nānāpāṭhā

Piṭṭhānkā

[A]

Aparivaṭṭentassa = Aparivajjentaṭṭassa (Syā)	198
Appaheyyattā = Appahīnattā (Syā)	149
Ayamāvatta = Ayamāvattā (Syā)	287
Ayaṃ evaṃvidho = Ayameva tividho (Syā)	33
Arūpā rūpaṃ = Āruppā āruppaṃ (Sī, Ka)	128
Asaññokāsattā = Aññokāsattā (Sī)	356
Asekhe Bhagavati = Asekkho Bhagavāti (Syā)	184
Ahogaṅgāpabbatato = Adhogaṅgāpabbatato (Syā)	110

[Ā]

Ānubhāve = Ānubhāvena (Syā, Ka)	110
Āpāthagatameva = Āpātagatameva (Sī)	173
Āvaṭṭentaṃ = Āvajjentaṃ (Syā)	39

[I]

Idāni = Idāni tasseva paṭiññāya (Sī, Syā)	118
Imināyeva ca lakkhaṇena = Iminā nayena ca lakkhaṇena ca (Syā)	299
Issarānaṃ bhāvo issariyaṃ nāma, adhipatīnaṃca bhāvo ādhipaccaṃ nāma = Issarānaṃ issariyaṃ nāma, adhipatīnaṃca ādhipaccaṃ nāma (Sī, Ka)	200

[U]

Ucchijjissatīti = Ucchijjatīti (Syā)	270
Uṭṭhahitvā gamanamaggaṃ = Uddhaṃ gamanamaggaṃ (Syā)	101
Utusamuṭṭhānādino = Utusamuṭṭhānādibhedena (Sī, Ka)	202
Uddhaṃ puna = Uddhaṃ pana (Syā)	12
Uppajjitunti = Uppajjituṃ (?)	373
Uppattibhāvaṃ = Pavattibhāvaṃ (Sī, Ka)	411
Upapattiyā = Upapanno saha upapattiyā (Syā)	177
Upapattiṃ = Upapattibhāvaṃ (Syā)	129
Upari = Uttari (Sī, Ka)	398

Nānāpāṭhā

Piṭṭhaṅkā

[E]

Ekaṃ = Evaṃ (Syā) 115

[O]

Okkalā vayabhiññā = Ukkaṇṇavassa aññā (Sī, Syā, Ka) 270

[Ka]

Katvā = Vatvā (Syā) 396

Kammūpacayo = Kammappaccayo (Syā) 157

Kāni pana tānīti = Tāni pana kānīti (Sī, Ka) 22

Kāmabhavūpagāyeva = Kāmabhavarūpabhavūpagāyeva (Ka) 206

Kālāsokaṃ = Asokaṃ (Syā) 106

Kiccasabbhāvaṃ = Kiccasabhāvaṃ (Sī, Syā) 149

Kiriyaṃyappavattābhāvā = Kiriyaṃyappavattābhāvā (Sī, Syā) 281

Kusalavasena = Kusalapadena (Syā) 368

Kusalākusalaśāṅkhātāṃ = Kusalaśāṅkhātāṃ (Syā) 204

Kusalaṃ vipākacutipāṭisaṅghiyo = Kusalavipākaṃ
cutipāṭisaṅghiyo (sabbattha) 203

Koci bhavo = Gatibhavo (Sī, Ka) 206

[Kha]

Khandhe paṭicca vatthu, vatthum -pa- vuttam = Khandhe paṭicca
vatthunti idaṃ -pa-
vuttam (Syā) 412

Kheḷāsakavādaṃ = Kheḷāsikavādaṃ (Sī, Syā) 284

[Ga]

Gahetvā = Gaṇetvā (Syā) 406

Gotrabhupuggalādīnampi = Gotrabhūpuggalānampi (Ka) 172

[Ca]

Cattālīsekā = Tālīsaṃ, ekā (Syā) 400

Cavantīti = Pavattantīti (Syā) 176

Ciṭṭiṭāti = Ciṭṭiṭāyatīti (Sī, Syā) 69

Nānāpāṭhā

Piṭṭhaṅkā

[Cha]

Chetvā = Tacchetvā (Sī, Syā)	35
Chedanabhedanapacanādibhāvena = Chedanapacanādibhāvena (Sī, Syā)	88
Chindantepi = Chijjantepi (Syā, Ka)	87

[Ja]

Jahatikathā = Pajahatikathā (Syā)	148
Jānāsi = Na jānāsi (Sī, Syā, Ka)	278

[Ña]

Ñāṇappavattiyā = Ñāṇuppattiyā (Syā)	161
Ñāṇappavattīti = Ñāṇaṃ pavattatīti (Syā)	226

[Tha]

Ṭhatvā = Ṭhitā (Sī, Ka)	280
-------------------------	-----

[Ta]

Tathena = Tatheva bhūtena (Syā)	117
Tassa = Arahattassa (Sī, Syā)	148
Tassa = Tassa tassa (Syā)	134
Tassa = Sattassa (Syā)	319
Tikesu = Tikadukesu (Syā)	407
Tiṇapupphakajarādippabhedo = Tilapupphakajarādipabhedo (Sī, Ka)	
Tilapupphakajarādibhedo (Syā)	59
Tīṇi = Tīṇi mukhāni (Syā)	120
Tulantarikādīnaṃ = Tulānantarikādīnaṃ (Ka)	194
Te = Tesam (Syā)	133
Tena re vattabbe vata = Tena vata re vattabbeti (Syā)	114
Tena vata bho = Tena vata re (Syā)	114
Teneva atthi = Teneva naṃ atthi (Syā)	144
Tepi = Tesupi (Ka)	312
Taṃ sabbaṃ = Uttari vattabbaṃ sabbaṃ (Sī, Ka)	398

Nānāpāṭhā

Piṭṭhaṅkā

[Tha]

Thirakathoti = Ṭhitakathoti (Sī, Syā) 87

[Da]

Dinneneva vatthunā = Dinnāneva vatthūni (Ka) 200

Dūracārī = Dūrācārī (Sī, Syā) 87

[Dha]

Dhātukathā = Dhātukathāyaṃ (Syā) 1

[Na]

Na uddhaṭameva = Dhammasaṅgahe, idha pana uddhaṭameva (Syā) 379

Na jaheyya = Jaheyya (Syā) 150

Na sakkuṇeyya = Na sakkā (Sī, Ka) 258

Nāmametaṃ = Nāmamattamevetam (Syā) 377

Niggamanacatukkaṃ = Nigamanacatukkaṃ (Sī) 117

Niggahārahaṃ = Niggaṇhārahaṃ (Ka) 116

Nidhātabbayuttakaṃ = Nidhetabbayuttakaṃ (Sī, Syā) 88

Ninnānākaraṇatāya = Nānākaraṇatāya (Syā) 167

Nipphannāti = Niruddhāti (Syā) 193

Niyāmo = Niyato (Ka) 278

Niyāmoti = Visesti (Syā) 282

Nihatamānadappā = Nihatamānadabbā (Ka) 84

[Pa]

Pakāsassa = Pabhāsassa (Syā) 346

Paccuppanānaṃyeva = Paṭuppanānaṃyeva (Sī, Syā) 264

Pañcavokārabhavādīnā = Pañcavokārabhavādīnaṃ (Ka) 205

Paṭikkhipati = Paṭijānāti (Syā) 142

Paṭijānantam = Paṭijānantassa (Syā, Ka) 153

Nānāpāṭhā

Piṭṭhānkā

[Pa]

Paṭhamanavamāneva = Paṭhamanayeneva (Syā)	169
Paṭṭhānantveva = Paṭṭhānaṃ tena (Ka)	343
Paṇidahitabbaṭṭhena = Paṇihitabbaṭṭhena (Sī)	169
Paṇunnaṃ = Panuṇṇaṃ (Sī, Syā)	273
Paṭijāto = Aññatarasmiṃ jāto (Sī, Syā)	85
Pattiyāyitabbako = Paccayāyitabbako (Sī) Patiyāyitabbako (Syā)	87
Pana phassaṃ = Pana na phassaṃ (Ka)	197
Papaṭikopamāya = Ayapappaṭikopamāya (Syā)	50
Paravādissa = Sakavādissa (Sī, Syā)	167
Parikappitena = Parikappitabbena (Syā)	169
Paricumbati = Parimuccati (Syā)	134
Parinibbāti = Parinibbāyati (Sī, Syā)	37
Palālaggi = Palāsaggi (Syā)	69
Paleti = Paḷeti (Ka)	41
Pavatta = Pavatti (Syā) Parivatta (Ka)	257
Pavattatīti = Patatīti (Sī, Syā)	48
Pavattamānaṃ taṃ = Pavattamānataṃ (Ka)	145
Pavattiyāpi vasena labbhanti = Pavattassapi labbhanti (Sī)	311
Pahīnabhāvaṃ = Pahānabhāvaṃ (Sī, Ka)	172
Pārāyanagāthāya = Pārāyanakathāya (Syā)	138
Pāraṅgatoti = Pāragatoti (Syā)	95
Puggale sandhāvante = Puggalena sandhāvante (Sī, Syā)	129
Puggalo te upalabbhati = Puggalo upalabbhati, puggalo taveva upalabbhati (Syā)	133
Puggalopi = So puggalopi na bhijjate. Puggalo (Syā)	130
Puggalova puggalo = Puggalova ko kova puggalo (Syā)	124
Putṭho idhaṭṭhassa = Putṭhena idha ṭhitassa (Syā)	128
Pubbaseliyāparaseliyānaṃ = Pubbaseliyānaṃ (Syā)	233

Nānāpāṭhā

Piṭṭhānkā

[Pha]

Phassādipatirūpakā naphassādayo = Phasādipatirūpakānaṃ phassādayo (Sī, Syā)	284
Phassovārammaṇaṃ = Phassārammaṇaṃ (Syā)	188
Phaḷubījaṃ = Phalabījaṃ (Sī, Syā)	88
Phalasamāpattivīthiyampi = Phalasamāpattiyampi (Syā)	267
Phusatiyeva = Phusetiyeva (Syā)	31

[Ba]

Bāhuliyā = Bāhulikā (Sī)	106
Buddhabhāvaṃ = Bodhibhāvaṃ (Ka)	180
Bodhetuṃ = Codetuṃ (Syā)	207

[Bha]

Bhājitattā = Vibhājitattā (Syā)	293
Bhinnajātikānaṃ arūpadhammānaṃ = Bhinnajātikānaṃ (Syā)	373

[Ma]

Maññati = Paññatti (Syā)	224
Manindriyaṅca nuppajjitthāti = Jīvitindriyaṅca nuppajjati somanassindriyaṅca nuppajjitthāti (?)	338
Manoviññāṇadhātuyā = Ekāya viññāṇadhātuyā (Sī)	16
Mahisāsakā = Mahimsāsakā (Sī)	106
Micchattaniyatacittesu = Micchattaniyatacittesu dvepaṭighacittesu ca (Ka)	361
Micchattasammattaniyāmasena = Micchattaniyāmasena (Syā)	279
Mukhe = Pakkhe (Syā)	120
Mūlaghātakaraṇasamatthatāya = Samugghātakaraṇasamatthatāya (Syā)	63

[Ya]

Yathārutavaseneva = Yathāvuttavaseneva (Syā)	138
Yadi taṃ = Yadidaṃ (Sī, Syā)	168

Nānāpāṭhā

Piṭṭhaṅkā

[Ya]

Yāthāvato ca = Yathāsambhavato ca (Syā)	124
Yvāssa = Yvāyaṃ (Ka)	115-116
Yuganaddhāva = Yuganandhāva (Sī, Ka)	356
Yesaṃ = Ye (?)	275
Yesaṃ so = Yasmā so (Syā)	157

[Ra]

Rattiyā bhojanaṃ = Rattibhojanaṃ (Sī) Rattiraṃ bhojanaṃ (Syā)	89
Rāgādipatirūpakā narāgādayopi = Rāgādipatirūpakānaṃ rāgādayopi (Sī, Syā)	284
Rājagirikasiddhatthikānañña = Rājagirikānañceva siddhatthikānañca (Syā)	196
Rūpadhātu-arūpadhātuyā = Rūpadhātu-arūpadhātuyo (?)	326
Rūpādīni = Cakkhurūpādīni (Syā)	130
Rūpena tena bhavitabbanti = Atthi rūpena bhavitabbanti (Sī, Syā)	211
Rogaṭikārādikāle = Rogatikicchākārādikāle (Syā)	271

[Va]

Vacanaṃ sāmāññaphalena = Vacanasāmāññato chalena (Ka)	187
Vacasāyatthe = Byavasāyatthe (Sī, Syā)	160
Vacasāyaṃ = Byavasāyaṃ (Sī, Syā)	160
Vanapattham pabbhāram = Vanapatham pabbhāram (Syā)	92
Vādīhi = Vādehi (Syā)	112
Vikkhepakarattā = Vikkhepakaraṇattā (Syā)	265
Vidhunantā = Vitudentā (Sī, Ka)	92
Vināsanabhāvato = Vihimsanabhāvato (Sī, Syā)	86
Vipassanāpāribandhakā = Vipassanāpāripanthakā (Sī) Vipassanāpāripanthikā (Syā)	33
Vipakkavipākam = Vipakkavipākā (Sī, Syā) Vipakkamavipākam (Ka)	157
Vimuttāsā = Vimuttiyāsā (Sī, Ka)	58

Nānāpāṭhā

Piṭṭhāṅkā

[Va]

Vissajjitvāna = Vissajjetvāna (Sī) Vibhajitvāna (Syā)	107
Vīsaṃ tisaṭādhikāni ca = Vīsatitisaṭādhikāni ca (Syā)	298
Vedanādisaṅkhātaraṃ = Vedanāsaṅkhātaraṃ (Sī, Ka)	129

[Sa]

Saṅgahāsaṅgahādīnaṃ = Saṅgahādīnaṃ (Sī, Syā)	2
Saṅgahaṃ = Saṅgītiṃ (Ka)	106
Satto = Sutto (Sī, Syā)	281
Saddekadesaṃ = Saccekadesaṃ (Sī, Syā)	12
Santakā = Kaṇṭakā (Ka) Vandākā (?)	109
Sabbathāpi = Sabbadāpi (Sī, Syā)	143
Sabbatthivādā = Sabbatthikavādā (Syā)	106
Sabbavāresu = Sabbaṭṭhānesu (Ka)	148
Samādhīpāribandhakānaṃ = Samādhīpāripanthakānaṃ (Sī)	
Samādhīpāripanthikānaṃ (Syā)	70
Samādhivasena = Samāpattivasena (Syā)	45
Sampaṭicchitā = Sampaṭicchitvā (Syā)	115
Sampayuttakānañceva = Pañcavokāre sampayuttakānañceva (Sī, Syā)	368
Sammūtisaccavasena = Sammātisaccavasena vā (Syā)	115
Samodhānena ca = Samodhānetvā (Syā)	15
Sambhotīti = Sambhavatīti (Syā)	289
Sallakkhetvāva = Avekkhitvāva (Syā)	88
Sahajātacetanā = Cetanā (Syā)	374
Sahajātarūpatthipaccayo = Sahajāto rūpatthipaccayo (Syā)	385
Sā evaṃ ajja katā = Sā esā ajja yathā (Syā)	497
Sukamorādayo = Suvamorādayo (Sī) Sukakapotādayo (Syā)	34
Suttasādhane = Suttasodhane (Sī, Ka)	156
Sumbhakaṭṭhadhare = Subhakaṭṭhadhare (Syā)	57
Sesaṭṭhānesupi = Sesavāresupi (Syā)	63

Nānāpāṭhā

Piṭṭhaṅkā

[Sa]

So pana = Na so pana (Syā)	144
So = So rūpādivasena chabbidho (Syā)	345
Samghabhogassa = Samghabhāgassa (Sī, Syā, Ka)	56

[Ha]

Hatalābhasakkārā = Rahitalābhasakkārā (Syā)	109
Hi-kāro ca = Hikāro ca cikāro ca (Syā)	124
Hoti = Namī (Ṭīkāyaṃ) Namanāṃ (?)	222